

धम्मपणी-पाणि-ग्रन्थमाला

[देवनागरी]

दीर्घनिकाय

साधुविलासिनी


नाम

सीलस्रवन्धवग्गअभिनवटीका

द्वितीयो भागो

पद्यकारो

महाधरो जाणमभिवंसथम्मसेनायति



विषयना विशोधन विन्यास

इगतपुरी

१९९८

धम्मगिरि-पालि-गन्धमाला

[देवनागरी]

दीघनिकाये

साधुविलासिनी

नाम

सीलखन्धवग्गअभिनवटीका

दुतियो भागो

गन्धकारो

महाथेरो जाणाभिवंसधम्मसेनापति



विपश्यना विशोधन विन्यास

इगतपुरी

१९९८

धम्मगिरि-पालि-गन्थमाला - ११ [देवनागरी]

दीघनिकाय एवं तत्संबंधित पालि साहित्य ग्यारह ग्रंथों में प्रकाशित किया गया है।

प्रथम आवृत्ति: १९९८

ताइवान में मुद्रित, १२०० प्रतियां

मूल्य : अनमोल

यह ग्रंथ निःशुल्क वितरण हेतु है, विक्रयार्थ नहीं।

सर्वाधिकार मुक्त। पुनर्मुद्रण का स्वागत है।

इस ग्रंथ के किसी भी अंश के पुनर्प्रकाशन के लिए लिखित अनुमति आवश्यक नहीं।

ISBN 81-7414-060-3

यह ग्रंथ छट्ठ संगायन संस्करण के पालि ग्रंथ से लिप्यंतरित है।

इस ग्रंथ को विपश्यना विशोधन विन्यास के भारत एवं म्यांमा स्थित पालि विद्वानों ने देवनागरी में लिप्यंतरित कर संपादित किया। कंप्यूटर में निवेशन और पेज-सेटिंग का कार्य विपश्यना विशोधन विन्यास, भारत में हुआ।

प्रकाशक :

विपश्यना विशोधन विन्यास

धम्मगिरि, इगतपुरी, महाराष्ट्र - ४२२४०३, भारत

फोन : (९१-२५५३) ८४०७६, ८४०८६ फैक्स : (९१-२५५३) ८४१७६

सह-प्रकाशक, मुद्रक एवं दायक :

दि कारपोरेट बॉडी ऑफ दि बुद्ध एज्युकेशनल फाउंडेशन

११ वीं मंजिल, ५५ हंग चाउ एस. रोड, सेक्टर १, ताइपे, ताइवान आर.ओ.सी.

फोन : (८८६-२) २३९५-११९८, फैक्स : (८८६-२) २३९१-३४१५

Dhammagiri-Pāli-Ganthamālā

[Devanāgarī]

Dīghanikāye

Sādhuvilāsini

nāma

Sīlakkhandhavagga-Abhinavaṭīkā

Dutiyo Bhāgo

Ganthakāro

Mahāthero Ñāṇābhivaṃsadhammasenāpati

**Devanāgarī edition of
the Pāli text of the Chatṭha Saṅgāyana**



Published by

Vipassana Research Institute

Dhammagiri, Igatpuri -422403, India

Co-published, Printed and Donated by
The Corporate Body of the Buddha Educational Foundation
11th Floor, 55 Hang Chow S. Rd. Sec 1, Taipei, Taiwan R.O.C.
Tel: (886-2)23951198, Fax: (886-2)23913415

Dhammagiri-Pāli-Ganthāmālā—11
[Devanāgarī]

The Dīgha Nikāya and related literature is being published together in eleven volumes.

First Edition: 1998

Printed in Taiwan, 1200 copies

Price: Priceless

This set of books is for free distribution, not to be sold.

No Copyright—Reproduction Welcome.

All parts of this set of books may be freely reproduced without prior permission.

ISBN 81-7414-060-3

*This volume is prepared from the Pāli text of the Chatṭha Saṅgāyana edition.
Typing and typesetting on computers have been done by Vipassana Research Institute,
India. MS was transcribed into Devanāgarī and thoroughly examined by the scholars of
Vipassana Research Institute in Myanmar and India.*

Publisher:

Vipassana Research Institute

Dhammagiri, Igatpuri, Maharashtra - 422 403, India

Tel: (91-2553) 84076, 84086, 84302 Fax: (91-2553) 84176

Co-publisher, Printer and Donor:

The Corporate Body of the Buddha Educational Foundation

11th Floor, 55 Hang Chow S. Rd. Sec 1, Taipei, Taiwan R.O.C.

Tel: (886-2)23951198, Fax: (886-2)23913415

विसय-सूची

प्रस्तुत ग्रंथ

Present Text

संकेत-सूची

२. सामञ्जफलसुत्तवण्णना	१
राजामच्चकथावण्णना	१
कोमारभच्चजीवककथावण्णना	१६
सामञ्जफलपुच्छावण्णना	२२
पूरणकस्सपवादवण्णना	३१
मक्खलिगोसालवादवण्णना	३४
अजितकेसकम्बलवादवण्णना	३९
पकुधकच्चायनवादवण्णना	४४
निगण्ठनाटपुत्तवादवण्णना	४५
सञ्चयबेल्लुपुत्तवादवण्णना	४६
पठमसन्दिट्टिकसामञ्जफलवण्णना	४६
दुतियसन्दिट्टिकसामञ्जफलवण्णना	४९
पणीततरसामञ्जफलवण्णना	५०
चूलमज्झिममहासीलवण्णना	६७
इन्द्रियसंवरकथावण्णना	७०
सतिसम्पजञ्जकथावण्णना	७०
सन्तोसकथावण्णना	९६
नीवरणप्पहानकथावण्णना	१०२
पठमज्झानकथावण्णना	११७

दुतियज्झानकथावण्णना	११९
ततियज्झानकथावण्णना	१२०
चतुत्थज्झानकथावण्णना	१२१
विपस्सनाजाणकथावण्णना	१२३
मनोमयिद्धिजाणकथावण्णना	१२८
इद्धिविधजाणादिकथावण्णना	१३०
आसवक्खयजाणकथावण्णना	१३३
अजातसत्तुउपासकत्तपटिवेदनाकथा- वण्णना	१४२
सरणगमनकथावण्णना	१५१
३. अम्बडुसुत्तवण्णना	१७२
अद्धानगमनवण्णना	१७२
पोक्खरसातिवत्थुवण्णना	१७९
अम्बडुमाणवकथावण्णना	१८९
पठमइब्भवादवण्णना	२१४
दुतियइब्भवादवण्णना	२१७
ततियइब्भवादवण्णना	२१८
दासिपुत्तवादवण्णना	२१९
अम्बडुवंसकथावण्णना	२२६
खत्तियसेट्ठभाववण्णना	२२८
विज्जाचरणकथावण्णना	२२९
चतुअपायमुखकथावण्णना	२३१
पुब्बकइसिभावानुयोगवण्णना	२३५

द्वेलकखणदस्सनवण्णना	२३८
पोक्खरसातिबुद्धपसङ्कमनवण्णना	२४१
पोक्खरसातिउपासकत्तपटिवेदनाकथा- वण्णना	२४३
४. सोणदण्डसुत्तवण्णना	२४५
सोणदण्डगुणकथावण्णना	२४६
बुद्धगुणकथावण्णना	२५०
सोणदण्डपरिवितक्कवण्णना	२५६
ब्राह्मणपञ्जातिवण्णना	२५६
सीलपञ्जाकथावण्णना	२५८
सोणदण्डउपासकत्तपटिवेदनाकथा- वण्णना	२५९
५. कूटदन्तसुत्तवण्णना	२६२
महाविजितराजयञ्जकथावण्णना	२६३
चतुपरिक्खारवण्णना	२६७
अट्टपरिक्खारवण्णना	२६८
चतुपरिक्खारादिवण्णना	२७०
तिस्सोविधावण्णना	२७०
दसआकारवण्णना	२७३
सोळसांकारवण्णना	२७३
निच्चदानअनुकूलयञ्जवण्णना	२७५
कूटदन्तउपासकत्तपटिवेदनादिकथा- वण्णना	२८६
६. महालिसुत्तवण्णना	२८८
ब्राह्मणदूतवत्थुवण्णना	२८८
ओद्धुल्लिच्छविवत्थुवण्णना	२८९
एकंसभावितसमाधिवण्णना	२९२
चतुअरियफलवण्णना	२९३
अरियअट्टङ्गिकमग्गवण्णना	२९४
द्वेपब्बजितवत्थुवण्णना	२९७

७. जालियसुत्तवण्णना	२९९
द्वेपब्बजितवत्थुवण्णना	२९९
८. महासीहनादसुत्तवण्णना	३०४
अचेलकस्सपवत्थुवण्णना	३०४
समनुयुञ्जापनकथावण्णना	३०८
अरियअट्टङ्गिकमग्गवण्णना	३१०
तपोपक्कमकथावण्णना	३११
तपोपक्कमनिरत्थकतावण्णना	३१५
सीलसमाधिपञ्जासम्पदावण्णना	३१६
सीहनादकथावण्णना	३१६
तित्थियपरिवासकथावण्णना	३२०
९. पोडुपादसुत्तवण्णना	३२४
पोडुपादपरिब्बाजकवत्थुवण्णना	३२४
अभिसञ्जानिरोधकथावण्णना	३२८
अहेतुकसञ्जुप्पादनिरोधकथावण्णना	३३१
सञ्जाअत्तकथावण्णना	३३९
चित्तहत्थिसारिपुत्तपोडुपादवत्थुवण्णना	३४३
एकंसिकधम्मवण्णना	३४४
तयोअत्तपटिलाभवण्णना	३४६
१०. सुभसुत्तवण्णना	३५४
सुभमाणवकवत्थुवण्णना	३५४
सीलक्खन्धवण्णना	३५८
समाधिकखन्धवण्णना	३५८
११. केवट्टसुत्तवण्णना	३६०
केवट्टगहपतिपुत्तवत्थुवण्णना	३६०
इद्धिपाटिहारियवण्णना	३६१
आदेसनापाटिहारियवण्णना	३६२
अनुसासनीपाटिहारियवण्णना	३६२
भूतनिरोधेसकवत्थुवण्णना	३६५

तीरदस्सीसकुणूपमावण्णना	३६७	मग्गामग्गकथावण्णना	३७४
१२. लोहिच्चसुत्तवण्णना	३७०	अचिरवतीनदीउपमाकथावण्णना	३७७
लोहिच्चब्राह्मणवत्थुवण्णना	३७०	संसन्दनकथावण्णना	३७९
लोहिच्चब्राह्मणानुयोगवण्णना	३७१	ब्रह्मलोकमग्गदेसनावण्णना	३८१
तयोचोदनारहवण्णना	३७२	निगमनकथा	३८४
नचोदनारहसत्थुवण्णना	३७३	सद्धानुक्कमणिका	[१]
१३. तेविज्जसुत्तवण्णना	३७४	गाथानुक्कमणिका	[३९]

चिरं तिष्ठतु सद्धम्मो !

चिरस्थायी हो सद्धर्म !

द्वेमे, भिक्खवे, धम्मा सद्धम्मस्स ठितिया
असम्मोसाय अनन्तरथानाय संवत्तन्ति। कतमे द्वे ?
सुनिक्खित्तञ्च पदव्यञ्जनं अत्थो च सुनीतो।
सुनिक्खित्तस्स, भिक्खवे, पदव्यञ्जनस्स अत्थोपि सुनयो
होति ।

अ० नि० १.२.२१, अधिकरणवग्ग

भिक्षुओ, दो बातें हैं जो कि सद्धर्म के
कायम रहने का, उसके विकृत न होने का, उसके
अंतर्धान न होने का कारण बनती हैं। कौनसी दो
बातें ? धर्म वाणी सुव्यवस्थित, सुरक्षित रखी जाय
और उसके सही, स्वाभाविक, मौलिक अर्थ कायम
रखे जाय। भिक्षुओ, सुव्यवस्थित, सुरक्षित वाणी से
अर्थ भी स्पष्ट, सही कायम रहते हैं।

...ये वो मया धम्मा अभिज्जा देसिता, तत्थ
सब्बेहेव सद्धम्म समागम्म अत्थेन अत्थं व्यञ्जनेन
व्यञ्जनं सङ्गायितब्बं न विवदितब्बं, यथयिदं ब्रह्मचरियं
अद्वनियं अस्स चिरट्ठितिकं...।

दी० नि० ३.१७७, पासादिकसुत्त

...जिन धर्मों को तुम्हारे लिए मैंने स्वयं
अभिज्ञात करके उपदेशित किया है, उसे अर्थ और
व्यंजन सहित सब मिल-जुल कर, बिना विवाद
किये संगायन करो, जिससे कि यह धर्माचरण चिर
स्थायी हो...।

प्रस्तुत ग्रंथ

दीघनिकाय साधना की दृष्टि से महत्वपूर्ण ग्रंथ है। इसके सीलक्खन्धवग्ग में शील, समाधि तथा प्रज्ञा पर सरल ढंग से प्रचुर सामग्री उपलब्ध है। व्यावहारिक जीवन में आगत वस्तुओं एवं घटनाओं से जुड़ी हुई उपमाओं के सहारे इसमें साधना के विभिन्न अंगों पर प्रकाश डाला गया है।

बुद्ध की देशना सरल तथा हृदयस्पर्शी हुआ करती थी। उनकी यह शैली व्याख्यात्मिका थी पर कभी कभी धर्म को सुबोध बनाने के लिये 'चूलनिदेस' एवं 'महानिदेस' जैसी अट्ठकथाओं का उन्होंने सृजन किया। प्रथम धर्मसंगीति में बुद्धवचन के संगायन के साथ इनका भी संगायन हुआ। तदनंतर उनके अन्य वचनों पर भी अट्ठकथाएं तैयार हुईं। जब स्थविर महेन्द्र बुद्ध वचन को लेकर श्रीलंका गये, तो वे अपने साथ इन अट्ठकथाओं को भी ले गये। श्रीलंकावासियों ने इन अट्ठकथाओं को सिंहली भाषा में सुरक्षित रखा। कालांतर में बुद्धघोष ने उनका पालि में पुनः परिवर्तन किया।

दीघनिकाय के अर्थों को प्रकाश में लाते हुए बुद्धघोष ने 'सुमङ्गलविलासिनी' नामक अट्ठकथा का प्रणयन किया। पुनः भदंत धम्मपाल ने उस पर 'लीनत्थप्पकासना' नामक टीका लिखी। अठ्ठारहवीं सदी के उत्तरार्द्ध में महाथेर जाणाभिवंसधम्मसेनापति द्वारा 'साधुविलासिनी' नामक अभिनवटीका की रचना की गयी। यह टीका प्रौढ़, व्याख्यामूलक तथा धर्म के विभिन्न अंगों पर प्रकाशक रूप है। इसके दूसरे भाग का मुद्रित संस्करण आपके सम्मुख प्रस्तुत है।

हमें पूर्ण विश्वास है कि यह प्रकाशन विपश्यी साधकों और विशोधकों के लिए अत्यधिक लाभदायक सिद्ध होगा।

निदेशक,
विपश्यना विशोधन विन्यास

Dighanikāye
Sādhuvilāsinī
nāma

Sīlakkhandhavagga-Abhinavaṭīkā

Dutiyo Bhāgo

Ciraṃ Tiṭṭhatu Saddhammo!

*May the Truth-based Dhamma
Endure for A Long Time !*

*“Dveme, Bhikkhave, Dhammā
saddhammassa tṭhiyā asammosāya
anantaradhānāya samvattanti.
Katame dve? Sunikkhitañca
padabyañjanaṃ attho ca sunito.
Sunikkhittassa, Bhikkhave,
padabyañjanassa atthopi sunayo
hoti.”*

A. N. 1. 2. 21, Adhikaraṇavagga

“There are two things, O monks, which make the Truth-based Dhamma endure for a long time, without any distortion and without (fear of) eclipse. Which two? Proper placement of words and their natural interpretation. Words properly placed help also in their natural interpretation.”

*...ye vo mayā dhammā abhiññā
desitā, tattha sabbeheva saṅgama
samāgama atthena atthaṃ
byañjanena byañjanaṃ
saṅgāyitabbaṃ na vivaditabbaṃ,
yathayidaṃ brahmacariyaṃ
addhaniyaṃ assa ciraṭṭhitikaṃ...*

D. N. 3.177, Pāsādikasutta

...the dhammas (truths) which I have taught to you after realizing them with my super-knowledge, should be recited by all, in concert and without dissension, in a uniform version collating meaning with meaning and wording with wording. In this way, this teaching with pure practice will last long and endure for a long time...

Present Text

Sīlakkhandhavagga-Abhinavaṭṭikā (vol. II)

The *Dīgha Nikāya* is an important collection from the perspective of meditation practice. In the first book, the *Sīlakkhandhavagga-pāṭi*, there is a particular abundance of material related to *sīla*, *saṃādhi* and *pañña*. Various aspects of practice have been elucidated by means of similes drawn from familiar objects and the everyday life of the times.

The Buddha's teachings were simple and endearing. His distinctive style was self-explanatory but, still, in order to make the Dhamma all the more lucid, he introduced the use of *aṭṭhakathā* (commentaries), such as the *Cūḷaniddesa* and the *Mahāniddesa*. These were recited, along with the discourses of the Buddha, at the first Dhamma Council. In time the other *aṭṭhakathā* commenting on all his discourses came into being.

When Ven. Mahinda conveyed the words of the Buddha to Sri Lanka he also took the *aṭṭhakathā* with him. The Sinhalese monks preserved these *aṭṭhakathā* in their own language. Later on, when they had been lost in India, Ven. Buddhaghosa was able to translate them back to Pāli.

Ven. Buddhaghosa composed the *Sumaṅgalavilāsinī* to clarify the meaning of the *Dīgha Nikāya* and Ven. Dhammapāla wrote a sub-commentary on Buddhaghosa's work, known as *Līnatthappakāsanā*. Another sub-commentary on Buddhaghosa's work, named *Sādhuvilāsinī* (*Sīlakkhandhavagga-Abhinavaṭṭikā*), was written by Mahāthera Ñāṇābhivaṃsadhammasenāpati in the later half of the eighteenth century. It is profound and illustrative, throwing light on various aspects of the Dhamma. This is the book which is presented here.

We sincerely hope that this will provide immense benefit to practitioners of Vipassana as well as research scholars.

Director,
Vipassana Research Institute,
Igatpuri, India.

The Pāli alphabets in Devanāgarī and Roman characters:

Vowels:

अ a आ ā इ i ई ī उ u ऊ ū ए e ओ o

Consonants with Vowel अ (a):

क ka ख kha ग ga घ gha ङ ṅa
 च ca छ cha ज ja झ jha ञ ṇa
 ट ṭa ठ tha ड ḍa ढ ḍha ण ṇa
 त ta थ tha द da ध dha न na
 प pa फ pha ब ba भ bha म ma
 य ya र ra ल la व va स sa ह ha ङ ṅa

One nasal sound (niggahita): अं am

Vowels in combination with consonants “k” and “kh”: (exceptions: रु ru, रू rū)

क ka का kā कि ki की ki कु ku कू kū के ke को ko
 ख kha खा khā खि khi खी khī खु khu खू khū खे khe खो kho

Conjunct-consonants:

क्क kka	क्ख kkha	क्य kya	क्र kra	क्ल kla	क्व kva
ख्य khya	ख्ख khva	ग्य gga	गघ gggha	ग्य gya	ग्र gra
ग्व gva	ङ्ग ṅka	ङ्ग ṅkha	ङ्ग्य ṅkhyā	ङ्ग ṅga	ङ्ग ṅgha
च्य cca	छ्य ccha	ज्य jja	ज्य jgha	ज्य ṇṇa	ज्य ṇgha
ज्य ṇca	ज्य ṇcha	ज्य ṇja	ज्य ṇjha	ट्ट ṭṭa	ट्ट ṭṭha
ड्य ḍḍa	ड्य ḍḍha	ण्ट ṇṭa	ण्ट ṇṭha	ण्ड ṇḍa	ण्य ṇṇa
ण्य ṇya	ण्य ṇha	तत tta	तथ ttha	त्य tya	त्र tra
तव tva	दद dda	दध ddha	द्य dma	द्य dya	द्र dra
द्व dva	ध्य dhya	ध्व dhva	नत nta	नत्व ntva	नथ nthā
न्य nda	न्य ndra	न्य ndha	न्य nna	न्य nya	न्य nva
न्य nha	प्य ppa	प्य ppha	प्य pya	प्य pla	प्य bba
भ्य bbha	व्य bya	ब्र bra	म्य mpa	म्य mpha	म्य mba
म्य mbha	म्य mma	म्य mya	म्य mha	म्य yya	म्य vya
य्य yha	ल्य lla	ल्य lya	ल्य lha	ल्य vha	स्त sta
स्य stra	स्य sna	स्य sya	स्य ssa	स्य sma	स्व sva
ह्य hma	ह्य hya	ह्य hva	ह्य ḷha		

१ 1 २ 2 ३ 3 ४ 4 ५ 5 ६ 6 ७ 7 ८ 8 ९ 9 ० 0

Notes on the pronunciation of Pāli

Pāli was a dialect of northern India in the time of Gotama the Buddha. The earliest known script in which it was written was the Brāhmī script of the third century B.C. After that it was preserved in the scripts of the various countries where Pāli was maintained. In Roman script, the following set of diacritical marks has been established to indicate the proper pronunciation.

The alphabet consists of forty-one characters: eight vowels, thirty-two consonants and one nasal sound (niggaḥīta).

Vowels (a line over a vowel indicates that it is a long vowel):

a - as the "a" in about	ā - as the "a" in father
i - as the "i" in mint	ī - as the "ee" in see
u - as the "u" in put	ū - as the "oo" in cool

e is pronounced as the "ay" in day, except before double consonants when it is pronounced as the "e" in bed: *deva, mettā*;

o is pronounced as the "o" in no, except before double consonants when it is pronounced slightly shorter: *loka, phoṭṭhabba*.

Consonants are pronounced mostly as in English.

g - as the "g" in get
c - soft like the "ch" in church
v - a very soft -v- or -w-

All aspirated consonants are pronounced with an audible expulsion of breath following the normal unaspirated sound.

th - not as in 'three'; rather 't' followed by 'h' (outbreath)
ph - not as in 'photo'; rather 'p' followed by 'h' (outbreath)

The retroflex consonants: ṭ, ṭh, ḍ, ḍh, ṇ are pronounced with the tip of the tongue turned back; and ḷ is pronounced with the tongue retroflexed, almost a combined 'rl' sound.

The dental consonants: t, th, d, dh, n are pronounced with the tongue touching the upper front teeth.

The nasal sounds:

ṇ - guttural nasal, like -ng- as in singer
ṇ̄ - as in Spanish señor
ṇ̄ - with tongue retroflexed
ṁ - as in hung, ring

Double consonants are very frequent in Pāli and must be strictly pronounced as long consonants, thus -nn- is like the English 'nn' in "unnecessary".

संकेत-सूची

अ० नि० = अङ्गुत्तरनिकाय
 अट्ट० = अट्टकथा
 अनु टी० = अनुटीका
 अप० = अपदान
 अभि० टी० = अभिनवटीका
 इतिवु० = इतिवृत्तक
 उदा० = उदान
 कङ्का० टी० = कङ्कावितरणी टीका
 कथाव० = कथावत्थु
 खु० नि० = खुदकनिकाय
 खु० पा० = खुदकपाठ
 चरिया० पि० = चरियापिटक
 चूलनि० = चूलनिद्देस
 चूलव० = चूलवग्ग
 जा० = जातक
 टी० = टीका
 थेरगा० = थेरगाथा
 थेरीगा० = थेरीगाथा
 दी० नि० = दीघनिकाय
 ध० प० = धम्मपद
 ध० स० = धम्मसङ्गणी
 धातु० = धातुकथा
 नेत्ति० = नेत्तिपकरण
 पटि० म० = पटिसम्भिदामग्ग

पट्ठा० = पट्ठान
 परि० = परिवार
 पाचि० = पाचित्तिय
 पारा० = पाराजिक
 पु० टी० = पुराणटीका
 पु० प० = पुग्गलपञ्जति
 पे० व० = पेटवत्थु
 पेटको० = पेटकोपदेस
 बु० वं० = बुद्धवंस
 म० नि० = मज्झिमनिकाय
 महाव० = महावग्ग
 महानि० = महानिद्देस
 मि० प० = मिलिन्दपञ्च
 मूल टी० = मूलटीका
 यम० = यमक
 वि० व० = विमानवत्थु
 वि० वि० टी० = विमत्तिविनोदनी टीका
 वि० सङ्ग० अट्ट० = विनयसङ्गह अट्टकथा
 विनय वि० टी० = विनयविनिच्छय टीका
 विभं० = विभङ्ग
 विसुद्धि० = विसुद्धिमग्ग
 सं० नि० = संयुत्तनिकाय
 सारत्थ० टी० = सारत्थदीपनी टीका
 सु० नि० = सुत्तनिपात

दीपनिकाये
साधुविलासिनी
नाम
सीलखन्धवग्गअभिनवटीका
दुतियो भागो

॥ नमो तस्स भगवतो अरहतो सम्मासम्बुद्धस्स ॥

दीघनिकाये

सीलक्खन्धवग्गअभिनवटीका

(दुतियो भागो)

२. सामञ्जफलसुत्तवण्णना

राजामच्चकथावण्णना

१५०. इदानीं सामञ्जफलसुत्तस्स संवण्णनाक्कमो अनुप्पत्तोति दस्सेतुं “एवं...पे०... सुत्त”न्तिआदिमाह । तत्थ अनुपुब्बपदवण्णनाति अनुक्कमेन पदवण्णना, पदं पदं पति अनुक्कमेन वण्णनाति वुत्तं होति । पुब्बे वुत्तञ्जिह, उत्तानं वा पदमञ्जत्र वण्णनापि “अनुपुब्बपदवण्णना” त्वेव वुच्चति । एवञ्च कत्वा “अपुब्बपदवण्णना”तिपि पठन्ति, पुब्बे अवण्णितपदवण्णनाति अत्थो । दुग्गजनपदद्वानविसेससम्पदादियोगतो पधानभावेन राजूहि गहितट्ठेन एवंनामकं, न पन नाममत्तेनाति आह “तञ्ही”तिआदि ।

ननु महावग्गे महागोविन्दसुत्ते आगतो एस पुरोहितो एव, न राजा, कस्मा सो राजसद्वचनीयभावेन गहितोति ? महागोविन्देन पुरोहितेन परिग्गहितम्पि चेत्तं रेणुना नाम मगधराजेन परिग्गहितमेवाति अत्थसम्भवतो एवं वुत्तं, न पन सो राजसद्वचनीयभावेन गहितो तस्स राजाभावतो । महागोविन्दपरिग्गहितभावकित्तनज्झि तदा रेणुरज्जा परिग्गहितभावूपलक्खणं । सो हि तस्स सब्बकिच्चकारको पुरोहितो, इदम्पि च लोके समुदाचिण्णं “राजकम्मपसुतेन कतम्पि रज्जा कत”न्ति । इदं वुत्तं होति – मन्धातुरज्जा चेव महागोविन्दं बोधिसत्तं पुरोहितमाणापेत्वा रेणुरज्जा च अज्जेहि च राजूहि परिग्गहितत्ता राजगहन्ति । केचि पन “महागोविन्दो”ति महानुभावो एको पुरातनो राजाति वदन्ति । परिग्गहितत्ताति राजधानीभावेन परिग्गहितत्ता । गय्हतीति हि गहं, राजूनं, राजूहि वा गहन्ति राजगहं । नगरसद्दापेक्खाय नपुंसकनिद्देसो ।

अज्जेपेत्थ पकारेति नगरमापनेन रज्जा कारितसब्बगेहत्ता राजगहं, गिज्झकूटादीहि पज्चहि पब्बतेहि परिक्खितत्ता पब्बतराजेहि परिक्खित्तगेहसदिसन्तिपि राजगहं, सम्पन्नभवनताय राजमानं गेहन्तिपि राजगहं, सुसंविहितारक्खताय अनत्थावहितुकामेन उपगतानं पटिराजूनं गहं गहणभूतन्तिपि राजगहं, राजूहि दिस्वा सम्मा पतिट्ठापितत्ता तेसं गहं गेहभूतन्तिपि राजगहं, आरामरामण्येय्यतादीहि राजति, निवाससुखतादिना च सत्तेहि ममत्तवसेन गय्हति परिग्गय्हतीतिपि राजगहन्ति एदिसे पकारे । नाममत्तमेव पुब्बे वुत्तनयेनाति अत्थो । सो पन पदेसो विसेसद्वानभावेन उल्लारसत्तपरिभोगोति आह “तं पनेत्”न्तिआदि । तत्थ “बुद्धकाले, चक्कवत्तिकाले चा”ति इदं येभुय्यवसेन वुत्तं अज्जदापि कदाचि सम्भवतो, “नगरं होती”ति च इदं उपलक्खणमेव मनुस्सावासस्सेव असम्भवतो । तथा हि वुत्तं “सेसकाले सुज्जं होती”तिआदि । तेसन्ति यक्खानं । वसनवनन्ति आपानभूमिभूतं उपवनं ।

अविसेसेनाति विहारभावसामज्जेन, सदन्तरसन्निधानसिद्धं विसेसपरामसनमन्तरेनाति अत्थो । इदं वुत्तं होति – “पातिमोक्खसंवरसंवुतो विहरति, (अ० नि० २.५.१०१; पाचि० १४७; परि० ४४१) पठमं ज्ञानं उपसम्पज्ज विहरति, (ध० स० १६०) मेत्तासहगतेन चेतसा एकं दिसं फरित्वा विहरति, (दी० नि० ३.७१, ३०८; म० नि० १.७७, ४५९, ५०९; २.३०९, ३१५; ३.२३०; विभं० ६४२) सब्बनिमित्तानं अमनसिकारा अनिमित्तं चेतोसमाधिं उपसम्पज्ज विहरती”तिआदीसु (म० नि० १.४५९) सदन्तरसन्निधानसिद्धेन विसेसपरामसनेन यथाक्कमं इरियापथविहारादिविसेसविहार-

समङ्गीपरिदीपनं, न एवमिदं, इदं पन तथा विसेसपरामसनमन्तरेन अञ्जतरविहार-समङ्गीपरिदीपनन्ति ।

सतिपि च वुत्तनयेन अञ्जतरविहारसमङ्गीपरिदीपने इध इरियापथसङ्घातविसेसविहार-समङ्गीपरिदीपनमेव सम्भवतीति दस्सेति “इध पना”तिआदिना । कस्मा पन सदन्तर-सन्निधानसिद्धस्स विसेसपरामसनस्साभावेपि इध विसेसविहारसमङ्गीपरिदीपनं सम्भवतीति ? विसेसविहारसमङ्गीपरिदीपनस्स सदन्तरसङ्घातविसेसवचनस्स अभावतो एव । विसेसवचने हि असति विसेसमिच्छता विसेसो पयोजितब्बोति । अपिच इरियापथसमायोगपरिदीपनस्स अत्यतो सिद्धत्ता तथादीपनमेव सम्भवतीति । कस्मा चायमत्थो सिद्धोति ? दिब्बविहारादीनम्पि साधारणतो । कदाचिपि हि इरियापथविहारेण विना न भवति तमन्तरेण अत्तभावपरिहरणाभावतोति ।

इरियनं पवत्तनं इरिया, कायिककिरिया, तस्सा पवत्तनुपायभावतो पथोति इरियापथो, ठाननिसज्जादयो । न हि ठाननिसज्जादिवत्थाहि विना कञ्चि कायिकं किरियं पवत्तेतुं सक्का, तस्मा सो ताय पवत्तनुपायोति वुच्चति । विहरति पवत्तति एतेन, विहरणमत्तं वा तन्ति विहारो, सो एव विहारो तथा, अत्यतो पनेस ठाननिसज्जादिआकारप्पवत्तो चतुसन्ततिरूपप्पबन्धोव । दिवि भवो दिब्बो, तथ बहुलं पवत्तिया ब्रह्मपारिसज्जादिदेवलोके भवोति अत्थो, यो वा तथ दिब्बानुभावो, तदत्थाय संवत्ततीति दिब्बो, अभिज्जाभिनीहारादिवसेन वा महागतिकत्ता दिब्बो, सोव विहारो, दिब्बभावावहो वा विहारो दिब्बविहारो, महग्गतज्ज्ञानानि । नेत्तियं [नेत्ति० ८६ (अत्यतो समानं)] पन चतस्सो आरुप्पसमापत्तियो आनेज्जविहाराति विसुं वुत्तं, तं पन मेत्ताज्ज्ञानादीनं ब्रह्मविहारता विय तासं भावनाविसेसभावं सन्धाय वुत्तं । अट्ठकथासु पन दिब्बभावावहसामञ्जतो तापि “दिब्बविहारा” त्वेव वुत्ता । ब्रह्मानं, ब्रह्मभूता वा हितूपसंहारादिवसेन पवत्तिया सेट्ठभूता विहाराति ब्रह्मविहारा, मेत्ताज्ज्ञानादिवसेन पवत्ता चतस्सो अप्पमञ्जायो । अरिया उत्तमा, अनञ्जसाधारणत्ता वा अरियानं विहाराति अरियविहारा, चतस्सोपि फलसमापत्तियो । इध पन रूपावचरचतुत्थज्ज्ञानं, तब्बसेन पवत्ता अप्पमञ्जायो, चतुत्थज्ज्ञानिकअग्गफलसमापत्ति च भगवतो दिब्बब्रह्मअरियविहारा ।

अञ्जतरविहारसमङ्गीपरिदीपनन्ति तासमेकतो अप्पवत्तत्ता एकेन वा द्वीहि वा समङ्गीभावपरिदीपनं, भावलोपेनायं भावप्पधानेन वा निद्देसो । भगवा हि लोभदोसमोहुस्सन्ने

लोके सकपटिपत्तिया वेनेय्यानं विनयनत्थं तं तं विहारे उपसम्पज्ज विहरति। तथा हि यदा सत्ता कामेसु विप्पटिपज्जन्ति, तदा किर भगवा दिब्बेन विहारेण विहरति तेसं अलोभकुसलमूलुप्पादनत्थं “अप्पेव नाम इमं पटिपत्तिं दिस्वा एत्थ रुचिमुप्पादेत्वा कामेसु विरज्जेय्यु”न्ति। यदा पन इस्सरियत्थं सत्तेसु विप्पटिपज्जन्ति, तदा ब्रह्मविहारेण विहरति तेसं अदोसकुसलमूलुप्पादनत्थं “अप्पेव नाम इमं पटिपत्तिं दिस्वा एत्थ रुचिमुप्पादेत्वा अदोसेन दोसं वूपसमेय्यु”न्ति। यदा पन पब्बजिता धम्माधिकरणं विवदन्ति, तदा अरियविहारेण विहरति तेसं अमोहकुसलमूलुप्पादनत्थं “अप्पेव नाम इमं पटिपत्तिं दिस्वा एत्थ रुचिमुप्पादेत्वा अमोहेन मोहं वूपसमेय्यु”न्ति। एवञ्च कत्वा इमेहि दिब्बब्रह्मअरियविहारेहि सत्तानं विविधं हितसुखं हरति, इरियापथविहारेण च एकं इरियापथबाधनं अज्जेण इरियापथेन विच्छिन्दित्वा अपरिपतन्तं अत्तभावं हरतीति वुत्तं “अज्जतरविहारसमङ्गीपरिदीपन”न्ति।

“तेना”तिआदि यथावुत्तसंवण्णनाय गुणदस्सनं, तस्माति अत्थो, यथावुत्तत्थसमत्थनं वा। तेन इरियापथविहारेण विहरतीति सम्बन्धो। तथा वदमानो पन विहरतीति एत्थ वि-सदो विच्छेदनत्थजोतको, “हरती”ति एतस्स च नेति पवत्तेतीति अत्थोति जापेति “ठितोपी”तिआदिना विच्छेदनयनाकारेण वुत्तत्ता। एवञ्चि सति तत्थ कस्स केन विच्छिन्दनं, कथं कस्स नयनन्ति अन्तोलीनचोदनं सन्धायाह। “सो ही”तिआदीति अयम्पि सम्बन्धो उपपन्नो होति। यदिपि भगवा एकेनेव इरियापथेन चिरतरं कालं पवत्तेतुं सक्कोति, तथापि उपादिन्नकस्स नाम सरीरस्स अयं सभावोति दस्सेतुं “एकं इरियापथबाधन”न्तिआदि वुत्तं। अपरिपतन्तन्ति भावनपुंसकनिद्देसो, अपतमानं कत्वाति अत्थो। यस्मा पन भगवा यत्थ कत्थचि वसन्तो वेनेय्यानं धम्मं देसेन्तो, नानासमापत्तीहि च कालं वीतिनामेन्तो वसति, सत्तानं, अत्तनो च विविधं सुखं हरति, तस्मा विविधं हरतीति विहरतीति एवम्पेत्थ अत्थो वेदितब्बो।

गोचरगामनिदस्सनत्थं “राजगहे”ति वत्वा बुद्धानमनुरूपनिवासट्टानदस्सनत्थं पुन “अम्बवने”ति वुत्तन्ति दस्सेन्तो “इदमस्सा”तिआदिमाह। अस्साति भगवतो। तस्साति राजगहसङ्घातस्स गोचरगामस्स। यस्स समीपवसेन “राजगहे”ति भुम्मवचनं पवत्तति, सोपि तस्स समीपवसेन वत्तब्बोति दस्सेति “राजगहसमीपे अम्बवने”ति इमिना। समीपत्थेति अम्बवनस्स समीपत्थे। एतन्ति “राजगहे”ति वचनं। भुम्मवचनन्ति आधारवचनं। भवन्ति एत्थाति हि भुम्मं, आधारो, तदेव वचनं तथा, भुम्मे पवत्तं वा वचनं विभत्ति

भुम्मवचनं, तेन युत्तं तथा, सत्तमीविभत्तियुत्तपदन्ति अत्थो । इदं वुत्तं होति – कामं भगवा अम्बवनेयेव विहरति । तस्समीपत्ता पन गोचरगामदस्सनत्थं भुम्मवचनवसेन “राजगहे”तिपि वुत्तं यथा तं “गङ्गायं गावो चरन्ति, कूपे गग्गकुल”न्ति चाति । अनेनेव यदि भगवा राजगहे विहरति, अथ न वत्तब्बं “अम्बवने”ति । यदि च अम्बवने, एवम्पि न वत्तब्बं “राजगहे”ति । न हि “पाटलिपुत्ते पासादे वसती”तिआदीसु विय इध अधिकरणाधिकरणस्स अभावतो अधिकरणस्स द्वयनिद्देशो युत्तो सियाति चोदना अनवकासा कताति दट्ठब्बं । कुमारभत्तो एव **कोमारभच्चो** सकत्थवुत्तिपच्चयेन, निरुत्तिनयेन वा यथा “भिसग्गमेव भेसज्ज”न्ति । “**यथाहा**”तिआदिना खन्धकपाळिवसेन तदत्थं साधेति । कस्मा च अम्बवनं जीवकसम्बन्धं कत्वा वुत्तन्ति अनुयोगेन मूलतो पट्ठाय तमत्थं दस्सेन्तो “**अयं पना**”तिआदिमाह ।

दोसाभिसन्नन्ति वातपित्तादिवसेन उस्सन्नदोसं । **विरेचेत्वा**ति दोसप्पकोपतो विवेचेत्वा । **सिवेय्यकं दुस्सयुगन्ति** सिविरट्ठे जातं महग्घं दुस्सयुगं । **दिवसस्स दत्तिक्खत्तुन्ति** एकस्सेव दिवसस्स द्विवारे वा तिवारे वा भागे, भुम्मत्थे वा एतं सामिवचनं, एकस्मिंयेव दिवसे द्विवारं वा तिवारं वाति अत्थो । **तम्बपट्ठवण्णेनाति** तम्बलोहपट्ठवण्णेन । **सचीवरभत्तेनाति** चीवरेन, भत्तेन च । “**तं सन्धाया**”ति इमिना न भगवा अम्बवनमत्तेयेव विहरति, अथ खो एवं कते विहारे । सो पन तदधिकरणताय विसुं अधिकरणभावेन न वुत्तोति सन्धायभासितमत्थं दस्सेति । सामज्जे हि सति सन्धायभासितनिद्धारणं ।

अट्ठेन तेळस **अट्ठतेळस** । तादिसेहि **भिक्खुसतेहि** । अट्ठो पनेत्थ सतस्सेव । येन हि पयुत्तो तब्बागवाचको अट्ठसट्ठो, सो च खो पण्णासाव, तस्मा पज्जासाय ऊनानि तेळस भिक्खुसतानीति अत्थं विज्जापेतुं “**अट्ठसतेना**”तिआदि वुत्तं । अट्ठमेव सतं सतस्स वा अट्ठं तथा ।

राजतीति अत्तनो इस्सरियसम्पत्तिया दिब्बति सोभति च । **रज्जेतीति** दानादिना, सस्समेधादिना च चतूहि सङ्गहवत्थूहि रमेति, अत्तनि वा रागं करोतीति अत्थो । **च-सट्ठो** चेत्थ विकप्पनत्थो । जनपदवाचिनो पुथुवचनपरत्ता “**मगधान**”न्ति वुत्तं, जनप्पदापदेसेन वा तब्बासिकानं गहितत्ता । **रज्जोति** पितु बिम्बिसाररज्जो । ससति हिंसतीति **सत्तु**, वेरी, अजातोयेव सत्तु **अजातसत्तु** । “**नेमित्तकेहि निदिट्ठो**”ति वचनेन च अजातस्स तस्स सत्तुभावो न ताव होति, सत्तुभावस्स पन तथा निदिट्ठत्ता एवं वोहरीयतीति दस्सेति ।

अजातस्सेव पन तस्स “रज्जो लोहितं पिवेय्य”न्ति देविया दोहळस्स पवत्तत्ता अजातोयेवेस रज्जो सत्तूतिपि वदन्ति ।

“तस्मि”न्तिआदिना तदत्थं विवरति, समत्थेति च । दोहळोति अभिलासो । भारियेति गरुके, अज्जेसं असक्कुणेय्ये वा । असक्कोन्तीति असक्कुणमाना । अकथेन्तीति अकथयमाना समाना । निबन्धित्वाति वचसा बन्धित्वा । सुवण्णसत्थकेनाति सुवण्णमयेन सत्थकेन, धनसुवण्णकतेनाति अत्थो । अयोमयज्झि रज्जो सरीरं उपनेतुं अयुत्तन्ति वदन्ति । सुवण्णपरिक्खतेन वा अयोमयसत्थेनाति अत्थेपि अयमेवाधिष्पायो । बाहुं फालापेत्वाति लोहितसिरावेधवसेन बाहुं फालापेत्वा । केवलस्स लोहितस्स गब्भिनिया दुज्जीरभावतो उदकेन सम्भिन्दित्वा पायेसि । हज्जिस्सतीति हज्जिस्सते, आयति हनीयतेति अत्थो । नेमित्तकानं वचनं तथं वा सिया, वितथं वाति अधिष्पायेन “पुत्तोति वा धीताति वा न पज्जायती”ति वुत्तं । “अत्तनो”तिआदिना अज्जम्पि कारणं दस्सेत्वा निवारेसि । रज्जो भावो रज्जं, रज्जस्स समीपे पवत्ततीति ओपरज्जं, ठानन्तरं ।

महाति महती । समासे विय हि वाक्येपि महन्तसद्वस्स महादेसो । धुराति गणस्स धुरभूता, धोरय्हा जेड्डकाति अत्थो । धुरं नीहरामीति गणधुरमावहामि, गणबन्धियं निब्बत्तेस्सामीति वुत्तं होति । “सो न सक्का”तिआदिना पुन चिन्तनाकारं दस्सेति । इद्धिपाटिहारियेनाति अहिमेखलिककुमारवण्णविकुब्बनिद्धिना । तेनाति अप्पायुकभावेन । हीति निपातमत्तं । तेन हीति वा उय्योजनत्थे निपातो । तेन वुत्तं “कुमारं...पे०... उय्योजेसी”ति । बुद्धो भविस्सामीति एत्थ इति-सद्वो इदमत्थो, इमिना खन्धके आगतनयेनाति अत्थो । पुब्बे खोतिआदीहिपि खन्धकपालियेव (चूळव० ३३९) ।

पोत्थनियन्ति छुरिकं । यं “नखर”न्तिपि वुच्चति, दिवा दिवसेति (दी० नि० टी० १.१५०) दिवसस्सपि दिवा । साम्यत्थे हेतं भुम्मवचनं “दिवा दिवसस्सा”ति अज्जत्थ दस्सनतो । दिवस्स दिवसेतिपि वट्टति अकारन्तस्सपि दिवसद्वस्स विज्जमानत्ता । नेपातिकम्पि दिवासद्वमिच्छन्ति सद्वविदू, मज्झन्हिकवेलायन्ति अत्थो । सा हि दिवसस्स विसेसो दिवसोति । “भीतो”तिआदि परियायो, कायथम्भनेन वा भीतो । हृदयमंसचलनेन उब्बिगो । “जानेय्युं वा, मा वा”ति परिसङ्गाय उस्सङ्की । जाते सति अत्तनो आगच्छमानभयवसेन उन्नस्तो । वुत्तप्पकारन्ति देवदत्तेन वुत्ताकारं विप्पकारन्ति अपकारं अनूपकारं, विपरीतकिच्चं वा । सब्बे भिक्खूति देवदत्तपरिसं सन्धायाह ।

अच्छिन्दित्वाति अपनयनवसेन विलुम्पित्वा । रज्जेनाति विजितेन । एकस्स रज्जो आणापवत्तिट्ठानं “रज्ज”न्ति हि वुत्तं, राजभावेन वा ।

मनसो अत्थो इच्छा मनोरथो र-कारागमं, त-कारलोपञ्च कत्वा, चित्तस्स वा नानारम्पणेसु विब्भमकरणतो मनसो रथो इव मनोरथो, मनो एव रथो वियाति वा मनोरथोतिपि नेरुत्तिका वदन्ति । सुकिच्चकारिहीति सुकिच्चकारी अम्हि । अवमानन्ति अवमज्जनं अनादरं । मूलघच्चन्ति जीविता वोरुपनं सन्धायाह, भावनपुंसकमेतं । राजकुलानं किर सत्थेन घातनं राजूनमनाचिण्णं, तस्मा सो “ननु भन्ते”तिआदिमाह । तापनगेहं नाम उण्हगहापनगेहं, तं पन धूमेनेव अच्छिन्ना । तेन वुत्तं “धूमघर”न्ति । कम्मकरणत्थायाति तापन कम्मकरणत्थमेव । केनचि छादितत्ता उच्चो अङ्गोति उच्चङ्गो, यस्स कस्सचि गहणत्थं पटिच्छन्नो उन्नतङ्गोति इध अधिप्पेतो । तेन वुत्तं “उच्चङ्गं कत्वा पविसितुं मा देथा”ति । “उच्चङ्गे कत्वा”तिपि पाठो, एवं सति मज्झिमङ्गोव, उच्चङ्गे किञ्चि गहेतब्बं कत्वाति अत्थो । मोळियन्ति चूलायं “छेतवान मोळिं वरगन्धवासित”न्तिआदीसु (म० नि० अट्ठ० २.१; सं० नि० अट्ठ० २.२.५५; अप० अट्ठ० १.अविदूरेनिदानकथा; बु० वं० अट्ठ० २७.अविदूरेनिदानकथा; जा० अट्ठ० १.अविदूरेनिदानकथा) विय । तेनाह “मोळिं बन्धित्वा”ति । चतुमधुरेनाति सप्पिसक्करमधुनाळिकेरस्सेहसङ्घातेहि चतूहि मधुरेहि अभिसङ्घतपानविसेसेनाति वदन्ति, तं महाधम्मसमादानसुत्तपाळिया (म० नि० १.४७३) न समेति । वुत्तज्हि तत्थ “दधि च मधु च सप्पि च फाणितञ्च एकज्झं संसट्ठ”न्ति, (म० नि० १.४८५) तदट्ठकथायञ्च वुत्तं “दधि च मधु चाति सुपरिसुद्धं दधि च सुमधुरं मधु च । एकज्झं संसट्ठन्ति एकतो कत्वा मिस्सितं आलुळितं । तस्स तन्ति तस्स तं चतुमधुरभेसज्जं पिवतो”ति “अत्तुपक्कमेन मरणं न युत्त”न्ति मनसि कत्वा राजा तस्सा सरीरं लेहित्वा यापेति । न हि अरिया अत्तानं विनिपातेन्ति ।

मग्गफलसुखेनाति मग्गफलसुखवता, सोतापत्तिमग्गफलसुखूपसज्जितेन चङ्कमेन यापेतीति अत्थो । हारेस्सामीति अपनेस्सामि । वीतच्चित्तेहीति विगतअच्चित्तेहि जालविगतेहि सुद्धङ्गारेहि । केनचि सज्जत्तोति केनचि सम्मा आपितो, ओवदितोति वुत्तं होति । मस्सुकरणत्थायाति मस्सुविसोधनत्थाय । मनं करोथाति यथा रज्जो मनं होति, तथा करोथ । पुब्बेति पुरिमभवे । चेतियङ्गणेति गन्धपुप्फादीहि पूजनट्ठानभूते चेतियस्स भूमितले । निसज्जनत्थायाति भिक्खुसङ्घस्स निसीदनत्थाय । पज्जत्तकटसारकन्ति पज्जपेतत्तवत्तमकिलज्जं ।

तथाविधो किलञ्जो हि “कटसारको”ति वुच्चति । तस्साति यथावुत्तस्स कम्मद्वयस्स । तं पन मनोपदोसवसेनेव तेन कतन्ति दट्ठब्बं । यथाह –

“मनोपुब्बङ्गमा धम्मा, मनोसेट्ठा मनोमया ।

मनसा चे पदुट्ठेन, भासति वा करोति वा ।

ततो नं दुक्खमन्वेति, चक्कंव वहतो पद”न्ति ।। (ध० प० १; नेत्ति० ९०)

परिचारकोति सहायको । अभेदेपि भेदमिव वोहारो लोके पाकटोति वुत्तं “यक्खो हुत्वा निब्बत्ती”ति । एकायपि हि उप्पादकिरियाय इध भेदवोहारो, पटिसन्धिवसेन हुत्वा, पवत्तिवसेन निब्बत्तीति वा पच्चेकं योजेतब्बं, पटिसन्धिवसेन वा पवत्तनसङ्घातं सातिसयनिब्बत्तनं जापेतुं एकायेव किरिया पदद्वयेन वुत्ता । तथावचनञ्चि पटिसन्धिवसेन निब्बत्तनेयेव दिस्सति “मक्कटको नाम देवपुत्तो हुत्वा निब्बत्ति (ध० प० अट्ठ० १.५) कण्टको नाम...पे०... निब्बत्ति, (जा० अट्ठ० १.अविदूरेनिदानकथा) मण्डूको नाम...पे०... निब्बत्ती”तिआदीसु विय । द्वित्रं वा पदानं भावत्थमपेक्खित्वा “यक्खो”तिआदीसु सामिअत्थे पच्चत्तवचनं कतं पुरिमायं पच्छिमविसेसनतो, परिचारकस्स...पे०... यक्खस्स भावेन निब्बत्तीति अत्थो, हेत्वत्थे वा एत्थ त्वा-सट्ठो यक्खस्स भावतो पवत्तनहेतूति । अस्स पन रज्जो महापुज्जस्सपि समानस्स तत्थ बहुलं निब्बत्तपुब्बताय चिरपरिचितनिकन्ति वसेन तत्थेव निब्बत्ति वेदितब्बा ।

तं दिवसमेवाति रज्जो मरणदिवसेयेव । खोभेत्वाति पुत्तस्नेहस्स बलवभावतो, तंसहजातपीति वेगस्स च सविप्फारताय तं समुट्ठानरूपधम्महेहि फरणवसेन सकलसरीरं आलोळेत्वा । तेनाह “अट्ठिमिज्जं आहच्च अट्ठासी”ति । पितुगुणन्ति पितुनो अत्तनि सिनेहगुणं । तेन वुत्तं “मयि जातेपी”तिआदि । विस्सज्जेथ विस्सज्जेथाति तुरितवसेन, सोकवसेन च वुत्तं ।

अनुट्ठुभित्वाति अछट्टेत्वा ।

नाळागिरिहत्थिं मुज्जापेत्वाति एत्थ इति-सट्ठो पकारत्थो, तेन “अभिमारकपुरिसपेसेनादिप्पकारेना”ति पुब्बे वुत्तप्पकारत्तयं पच्चासति, कत्थचि पन सो

न दिट्ठो। पञ्च वत्थूनीति “साधु भन्ते भिक्खू यावजीवं आरज्जिका अस्सू”तिआदिना (पारा० ४०९; चूळव० ३४३) विनये वुत्तानि पञ्च वत्थूनि। याचित्वाति एत्थ याचनं विय कत्वाति अत्थो। न हि सो पटिपज्जितुकामो याचतीति अयमत्थो विनये (पारा० अट्ठ० २.४१०) वुत्तोयेव। सज्जापेस्सामीति चिन्तेत्वा सङ्गभेदं कत्वाति सम्बन्धो। इदञ्च तस्स अनिक्खित्तधुरतादस्सनवसेन वुत्तं, सो पन अकतेपि सङ्गभेदे तेहि सज्जापेतिथेव। उण्हलोहितन्ति बलवसोकसमुद्धितं उण्हभूतं लोहितं। महानिरयेति अवीचिनिरये। वित्थारकथानयोति अजातसत्तुपसादनादिवसेन वित्थारतो वत्तब्बाय कथाय नयमत्तं। कस्मा पनेत्थ सा न वुत्ता, ननु सङ्गीतिकथा विय खन्धके (चूळव० ३४३) आगतापि सा वत्तब्बाति चोदनाय आह “आगतत्ता पन सब्बं न वुत्त”न्ति, खन्धके आगतत्ता, किञ्चिमत्तस्स च वचनक्कमस्स वुत्तत्ता न एत्थ कोचि विरोधोति अधिप्पायो। “एव”न्तिआदि यथानुसन्धिना निगमनं।

कोसलरज्जोति पसेनदिकोसलस्स पितु महाकोसलरज्जो। ननु विदेहस्स रज्जो धीता वेदेहीति अत्थो सम्भवतीति चोदनमपनेति “न विदेहरज्जो”ति इमिना। अथ केनट्टेनाति आह “पण्डिताधिवचनमेत”न्ति, पण्डितवेवचनं, पण्डितनामन्ति वा अत्थो। अयं पन पदत्थो केन निब्बचनेनाति वुत्तं “तत्राय”न्तिआदि। विदन्तीति जानन्ति। वेदेनाति करणभूतेन ज्ञापेन। “ईहती”ति एतस्स पवत्ततीतिपि अत्थो टीकायं वुत्तो। वेदेहीति इध नदादिगणोति आह “वेदेहिया”ति।

सोयेव अहो तदहो, सत्तमीवचनेन पन “तदहू”ति पदसिद्धि। एत्थाति एतस्मिं दिवसे। उपसद्देन विसिद्धो वससद्दो उपवसनेयेव, न वसनमत्ते, उपवसनञ्च समादानमेवाति दस्सेतुं “सीलेना”तिआदि वुत्तं। एत्थ च सीलेनाति सासने अरियुपोसथं सन्धाय वुत्तं। अनसनेनाति अभुञ्जनमत्तसङ्गातं बाहिरुपोसथं। वा-सद्दो चेत्य अनियमत्थो, तेन एकच्चं मनोदुच्चरितं, दुस्सील्यादिञ्च सङ्गण्हाति। तथा हि गोपालकुपोसथो अभिज्झासहगतस्स चित्तस्स वसेन वुत्तो, निगण्ठुपोसथो मोसवज्जादिवसेन। यथाह विसाखुपोसथे “सो तेन अभिज्झासहगतेन चेतसा दिवसं अतिनामेती”ति, (अ० नि० १.३.७१) “इति यस्मिं समये सच्चे समादपेतब्बा, मुसावादे तस्मिं समये समादपेती”ति (अ० नि० १.३.७१) च आदि।

एवं अधिपेतत्थानुरूपं निब्बचनं दस्सेत्वा इदानी अत्थुद्धारवसेन निब्बचनानुरूपं

अधिप्पेतत्थं दस्सेतुं “अयं पना”तिआदिमाह । एत्थाति उपोसथसद्दे । समानसद्दवचनीयानं अनेकप्पभेदानं अत्थानमुद्धरणं अत्थुद्धारो समानसद्दवचनीयेसु वा अत्थेसु अधिप्पेतस्सेव अत्थस्स उद्धरणं अत्थुद्धारोतिपि वट्ठति । अनेकत्थदस्सनज्झि अधिप्पेतत्थस्स उद्धरणत्थमेव । ननु च “अत्थमत्तं” पति सद्दा अभिनिविसन्ती”तिआदिना अत्थुद्धारे चोदना, सोधना च हेट्ठा वुत्तायेव । अपिच विसेससद्दस्स अवाचकभावतो पातिमोक्खुद्देसादिविसयोपि उपोसथसद्दो सामञ्जरूपो एव, अथ कस्मा पातिमोक्खुद्देसादिविसेसविसयो वुत्तोति ? सच्चमेत्तं, अयं पनत्थो तादिसं सद्दसामञ्जमनादियित्वा तत्थ तत्थ सम्भवत्थदस्सनवसेनेव वुत्तोति, एवं सब्बत्थ । सीलदिट्ठिवसेन (सीलसुद्धिवसेन दी० नि० टी० १.१५०) उपेतेहि समग्गेहि वसीयति न उट्ठीयतीति उपोसथो, पातिमोक्खुद्देसो । समादानवसेन, अधिट्ठानवसेन वा उपेच्च अरियवासादिअत्थाय वसितब्बो आवसितब्बोति उपोसथो, सीलं । अनसनादिवसेन उपेच्च वसितब्बो अनुवसितब्बोति उपोसथो, वतसमादानसङ्घातो उपवासो । नवमहत्थिकुलपरियापन्ने हत्थिनागे किञ्चि किरियमनपेक्खित्वा तं कुलसम्भूततामत्तं पति रुद्धिवसेनेव उपोसथोति समञ्जा, तस्मा तत्थ नामपञ्जति वेदितब्बा । अरयो उपगन्त्वा उसेति दाहेतीति उपोसथो, उससद्दो दाहेतिपि सद्दविदू वदन्ति । दिवसे पन उपोसथ सद्दपवत्ति अट्ठकथायं वुत्तायेव । “सुद्धस्स वे सदाफग्गू”तिआदीसु सुद्धस्साति सब्बसो किलेसमलाभावेन परिसुद्धस्स । वेति निपातमत्तं, ब्यत्तन्ति वा अत्थो । सदाति निच्चकालम्पि । फग्गूति फग्गुणीनक्खत्तमेव युत्तं भवति, निरुत्तिनयेन चेतस्स सिद्धि । यस्स हि सुन्दरिकभारद्वाजस्स नाम ब्राह्मणस्स फग्गुणमासे उत्तरफग्गुणीयुत्तदिवसे तित्थन्हानं करोन्तस्स संवच्छरम्पि कतपापपवाहनं होतीति लद्धि । ततो तं विवेचेतुं इदं मज्झिमागमावरे मूलपण्णासके वत्थसुत्ते भगवता वुत्तं । सुद्धस्सुपोसथो सदाति यथावुत्तकिलेसमलसुद्धिया परिसुद्धस्स उपोसथज्झानि, वतसमादानानि च असमादियतोपि निच्चकालं उपोसथवासो एव भवतीति अत्थो । “न भिक्खवे”तिआदीसु “अभिक्खुको आवासो न गन्तब्बो”ति नीहरित्वा सम्बन्धो । उपवसितब्बदिवसोति उपवसनकरणदिवसो, अधिकरणे वा तब्बसद्दो दट्ठब्बो । एवज्झि अट्ठकथायं वुत्तनिब्बचनेन समेति । अन्तो गधावधारणेन, अज्जत्थापोहनेन च निवारणं सन्धाय “सेसद्वयनिवारणत्थ”न्ति वुत्तं । “पन्नरसे”ति पदमारब्ध दिवसवसेन यथावुत्तनिब्बचनं कतन्ति दस्सेन्तो “तेनेव वुत्त”न्तिआदिमाह । पञ्चदसन्नं तिथीनं पूरणवसेन “पन्नरसो”ति हि दिवसो वुत्तो ।

“तानि एत्थ सन्ती”ति एत्तकेयेव वुत्ते नन्वेतानि अज्जत्थापि सन्तीति चोदना सियाति तं निवारेतुं “तदा किरा”तिआदि वुत्तं । अनेन बहुसो, अतिसयतो वा एत्थ

तद्धितविसयो पयुत्तोति दस्सेति । चातुमासी, चातुमासिनीति च पच्चयविसेसेन इत्थिलिङ्गेयेव परियायवचनं । **परियोसानभूताति** च पूरणभावमेव सन्धाय वदति तां सहेव चतुमासपरिपुण्णभावतो । **इधाति** पाळियं । तीहि आकारेहि पूरेतीति **पुण्णाति** अत्थं दस्सेति **“मासपुण्णताया”**तिआदिना । तत्थ तदा कत्तिकमासस्स पुण्णताय **मासपुण्णता** । पुरिमपुण्णमितो हि पट्ठाय याव अपरा पुण्णमी, ताव एको मासोति तत्थ वोहारो । वस्सानस्स उतुनो पुण्णताय **उतुपुण्णता** । कत्तिकमासलक्खितस्स संवच्छरस्स पुण्णताय **संवच्छरपुण्णता** । पुरिमकत्तिकमासतो पभुति याव अपरकत्तिकमासो, ताव एको कत्तिकसंवच्छरोति एवं संवच्छरपुण्णतायाति वुत्तं होति । लोकिकानं मतेन पन मासवसेन संवच्छरसमञ्जा लक्खिता । तथा च लक्खणं गरुसङ्गन्तिवसेन । वुत्तञ्चि **जोतिसत्थे** –

“नक्खत्तेन सहोदय-मत्थं याति सूरमन्ति ।

तस्स सङ्गं तत्र वत्तब्बं, वस्सं मासकमेनेवा”ति ।।

मिनीयति दिवसो एतेनाति **मा** । तस्स हि गतिया दिवसो मिनितब्बो “पाटिपदो दुतिया, ततिया”तिआदिना । **एत्थ पुण्णोति** एतिस्सा रत्तिया सब्बकलापारिपूरिया पुण्णो । चन्दस्स हि सोळसमो भागो “कला”ति वुच्चति, तदा च चन्दो सब्बासम्पि सोळसन्नं कलानं वसेन परिपुण्णो हुत्वा दिस्सति । एत्थ च “तदहुपोसथे पन्नरसे”ति पदानि दिवसवसेन वुत्तानि, “कोमुदिया”तिआदीनि तदेकदेसरत्तिवसेन ।

कस्मा पन राजा अमच्चपरिवुतो निसिन्नो, न एकोकोवाति चोदनाय सोधनालेसं दस्सेतुं पाळिपदत्थमेव अवत्वा **“एवरूपाया”**तिआदीनिपि वदति । एतेहि चायं सोधनालेसो दस्सितो “एवं रुचियमानाय रत्तिया तदा पवत्तत्ता तथा परिवुतो निसिन्नो”ति । **धोवियमानदिसाभागायाति** एत्थापि वियसद्धो योजेतब्बो । **रजतविमाननिच्छरितेहीति** रजतविमानतो निक्खन्तेहि, रजतविमानप्पभाय वा विप्फुरितेहि । **“विसरो”**ति इदं मुत्तावळिआदीनम्पि विसेसनपदं । अब्भं धूमो रजो राहूति इमे चत्तारो उपक्विकलेसा पाळिनयेन (अ० नि० १.४.५०; पाचि० ४४७) । **राजामच्चेहीति** राजकुलसमुदागतेहि अमच्चेहि । अथ वा अनुयुत्तकराजूहि चेव अमच्चेहि चाति अत्थो । **कञ्चनासनेति** सीहासने । “रज्जं तु हेममासनं, सीहासनमथो वाळबीजनित्थी च चामर”न्ति हि वुत्तं । **कस्मा निसिन्नोति** निसीदनमते चोदना । **एत** न्ति कन्दनं, पबोधनं वा । **इतीति** इमिना हेतुना । **नक्खत्त** न्ति कत्तिकानक्खत्तछणं । सम्मा घोसितब्बं एतरहि नक्खत्तन्ति **सङ्गुडं** ।

पञ्चवण्णकुसुमेहि लाजेन, पुण्णघटेहि च पटिमण्डितं घरेसु द्वारं यस्स तदेतं नगरं पञ्च...पे०... द्वारं। धजो वटो। पटाको पट्टोति सीहळिया वदन्ति। तदा किर पदीपुज्जलनसीसेन कतनक्खत्तं। तथा हि उम्मादन्तिजातकादीसुपि (जा० २.१८.५७) कत्तिकमासे एवमेव वुत्तं। तेनाह “समुज्जलितदीपमालालङ्कृतसम्बदिसाभाग”न्ति। वीथि नाम रथिका महामग्गो। रच्छा नाम अनिब्बिद्धा खुद्दकमग्गो। तत्थ तत्थ निसिन्नवसेन समानभागेन पाटियेक्कं नक्खत्तकीळं अनुभवमानेन समभिकिण्णन्ति वुत्तं होति। महाअट्ठकथायं एवं वत्वापि तत्थेव इति सन्निधानं कतन्ति अत्थो।

उदानं उदाहारोति अत्थतो एकं। मानन्ति मानपत्तं कत्तुभूतं। छड्ढनवसेन अवसेको। सोतवसेन ओघो। पीतिवचनन्ति पीतिसमुद्धानवचनं कम्मभूतं। हृदयन्ति चित्तं कत्तुभूतं। गहेतुन्ति बहि अनिच्छरणवसेन गण्हितुं, हृदयन्तोयेव ठपेतुं न सक्कोतीति अधिष्पायो। तेन वुत्तं “अधिकं हुत्वा”तिआदि। इदं वुत्तं होति— यं वचनं पटिग्गाहक निरपेक्खं केवलं उलाराय पीतिया वसेन सरसतो सहसाव मुखतो निच्छरति, तदेविध “उदान”न्ति अधिष्पेतन्ति।

दोसेहि इता गता अपगताति दोसिना त-कारस्स न-कारं कत्वा यथा “किलेसे जितो विजितावीति जिनो”ति आह “दोसापगता”ति। यदिपि सुत्ते वुत्तं “चत्तारोमे भिक्खवे चन्दिमसूरियानं उपक्किलेसा, येहि उपक्किलेसेहि उपक्किलिद्धा चन्दिमसूरिया न तपन्ति न भासन्ति न विरोचन्ति। कतमे चत्तारो? अब्भा भिक्खवे...पे०... महिका। धूमो रजो। राहु भिक्खवे चन्दिमसूरियानं उपक्किलेसो”ति, (चूळव० ४४७) तथापि ततियुपक्किलेसस्स पभेददस्सन वसेन अट्ठकथानयेन दस्सेतुं “पञ्चहि उपक्किलेसेही”ति वुत्तं। अयमत्थो च रमणीयादिसद्दयोगतो जायतीति आह “तस्मा”तिआदि। अनीय-सद्दोपि बहुला कत्वत्थाभिधायको यथा “निय्यानिका धम्मा”ति (ध० स० दुक्कमातिका ९६) दस्सेति “रमयती”ति इमिना। जुण्हावसेन रत्तिया सुरूपत्तमाह “वुत्तदोसविमुत्ताया”तिआदिना। अब्भादयो चेत्थ वुत्तदोसा। अयञ्च हेतु “दस्सितुं युत्ता”ति एत्थापि सम्बज्झितब्बो। तेन कारणेन, उतुसम्पत्तिया च पासादिकता दट्ठब्बा। ईदिसाय रत्तिया युत्तो दिवसो मासो उतु संवच्छरोति एवं दिवसमासादीनं लक्खणा सल्लक्खणुपाया भवितुं युत्ता, तस्मा लक्खितब्बाति लक्खणिआ, सा एव लक्खञ्जा य-वतो ण-कारस्स ज-कारादेसवसेन यथा “पोक्खरञ्जो सूमापिता”ति आह “दिवसमासादीन”न्तिआदि।

“यं नो पयिरुपासतो चित्तं पसीदेय्या”ति वचनतो **समणं वा ब्राह्मणं** वाति एत्थ परमत्थसमणो, परमत्थब्राह्मणो च अधिप्पेतो, न पन पब्बज्जामत्तसमणो, न च जातिमत्तब्राह्मणोति वुत्तं **“समितपापताया”**तिआदि। बहति पापे बहि करोतीति **ब्राह्मणो** निरुत्तिनयेन। बहुवचने वत्तब्बे एकवचनं, एकवचने वा वत्तब्बे बहुवचनं वचनव्यत्तयो वचनविपल्लासोति अत्थो। इध पन **“पयिरुपासत”**न्ति वत्तब्बे **“पयिरुपासतो”**ति वुत्तत्ता बहुवचने वत्तब्बे एकवचनवसेन वचनव्यत्तयो दस्सितो। अत्तनि, गरुड्ढानिये च हि एकस्मिप्पि बहुवचनप्पयोगो निरुळ्ळो। **पयिरुपासतो**ति च वण्णविपरियायनिद्देसो एस यथा **“पयिरुदाहासी”**ति। अयज्झि बहुलं दिट्ठपयोगो, यदिदं परिसद्दे य-कारपरे वण्णविपरियायो। तथा हि अक्खरचिन्तका वदन्ति **“परियादीनं रयादिवण्णस्स यरादीहि विपरियायो”**ति। यन्ति समणं वा ब्राह्मणं वा। **इभिना सब्बेनपि वचनेना**ति **“रमणीया वता”**तिआदिवचनेन। **ओभासनिमित्तकम्मन्ति** ओभासभूतं निमित्तकम्मं, परिब्यत्तं निमित्तकरणन्ति अत्थो। **महापराधताया**ति महादोसताय।

“तेन ही”तिआदि तदत्थविवरणं। **देवदत्तो** चाति एत्थ च-सद्दो समुच्चयवसेन अत्थुपनयने, तेन यथा राजा अजातसत्तु अत्तनो पितु अरियसावकस्स सत्थु उपट्ठाकस्स घातनेन महापराधो, एवं भगवतो महानत्थकरस्स देवदत्तस्स अपस्सयभावेनापीति इममत्थं उपनेति। तस्स **पिड्डिछायाया**ति वोहारमत्तं, तस्स जीवकस्स पिड्डिअपस्सयेन, तं पमुखं कत्वा अपस्सायाति वुत्तं होति। **विक्खेपपच्छेदनत्थन्ति** वक्खमानाय अत्तनो कथाय उप्पज्जनकविक्खेपस्स पच्छिन्दनत्थं, अनुप्पज्जनत्थन्ति अधिप्पायो। तेनाह **“तस्सं ही”**तिआदि। **असिबिखितानन्ति** कायवचीसंयमने विगतसिक्खानं। **कुलूपके**ति कुलमुपगते सत्थारे। **गहितासारताया**ति गहेतब्बगुणसारविगतताय। **निबिक्खेपन्ति** अज्जेसमपनयनविरहितं।

भदन्ति अवस्सयसम्पन्नताय सुन्दरं।

१५१. अयज्जत्थो इमाय पाळिच्छायाय अधिगतो, इममत्थमेव वा अन्तो गधं कत्वा पाळियमेवं वुत्तन्ति दस्सेति **“तेनाहा”**तिआदिना। असत्थापि समानो सत्था पटिज्जातो येनाति **सत्थुपटिज्जातो**, तस्स अबुद्धस्सापि समानस्स बुद्धपटिज्जातस्स **“अहमेको लोके अत्थधम्मनुसासको”**ति आचरियपटिज्जातभावं वा सन्धाय एवं वुत्तं। **“सो किरा”**तिआदिना अनुस्सुतिमत्तं पति पोराणट्ठकथानयोव किरसद्देन वुत्तो। एस नयो परतो

मक्खलिपदनिब्बचनेपि । एकूनदाससतं पूरयमानोति एकेनूनदाससतं अत्तना सद्धिं अनूनदाससतं कत्वा पूरयमानो । एवं जायमानो चेस मङ्गलदासो जातो । जातरूपेनेवाति मातुकुच्छितो विजातवेसेनेव, यथा वा सत्ता अनिवत्था अपारुता जायन्ति, तथा जातरूपेनेव । उपसङ्गमन्तीति उपगता भजन्ता होन्ति । तदेव पब्बज्जं अगगहेसीति तदेव नगगरूपं “अयमेव पब्बज्जा नाम सिया”ति पब्बज्जं कत्वा अगगहेसि । पब्बजिसूति तं पब्बजितमनुपब्बजिंसु ।

“पब्बजितसमूहसङ्घातो”ति एतेन पब्बजितसमूहतामत्तेन सङ्घो, न निय्यानिकदिट्ठिविसुद्धसीलसामञ्जवसेन संहतत्ताति दस्सेति । अस्स अत्थीति अस्स सत्थुपटिज्जातस्स परिवारभावेन अत्थि । “सङ्घी गणी”ति चेदं परियायवचनं, सङ्केतमत्ततो नानन्ति आह “स्वेवा”तिआदि । स्वेवाति च पब्बजितसमूहसङ्घातो एव । केचि पन “पब्बजितसमूहवसेन सङ्घी, गहङ्गसमूहवसेन गणी”ति वदन्ति, तं तेसं मतिमत्तं गणे एव लोके सङ्घ-सदस्स निरुद्धता । अचेलकवतचरियादि अत्तना परिकप्पितमत्तं आचारो । पज्जातो पाकटो सङ्घीआदिभावेन । अप्पिच्छो सन्तुडोति अत्थतो एकं । तत्थ लब्धमानापिच्छतं दस्सेतुं “अप्पिच्छताय वत्थप्पि न निवासेती”ति वुत्तं । न हि तस्मिं सासनिके विय सन्तगुणनिग्गूहणलक्खणा अप्पिच्छता लब्धति । यसोति कित्तिसद्दो । तरन्ति एतेन संसारोघन्ति एवं सम्मतताय लद्धि तित्थं नाम “साधू”ति सम्मतो, न च साधूहि सम्मतोति अत्थमाह “अय”न्तिआदिना । न हि तस्स साधूहि सम्मतता लब्धति । सुन्दरो सप्पुरिसोति द्विधा अत्थो । अस्सुतवतोति अस्सुतारियधम्मस्स, कत्तुत्थे चेतं सामिवचनं । “इमानि मे वतसमादानानि एत्तकं कालं सुचिण्णानी”ति बहू रत्तियो जानाति । ता पनस्स रत्तियो चिरकालभूताति कत्वा “चिरं पब्बजितस्सा”तिआदि वुत्तं, अन्तत्थअज्जपदत्थसमासो चेस यथा “मासजातो”ति । अथ तस्स पदद्वयस्स को विसेसोति चे ? चिरपब्बजितगहणेनस्स बुद्धिसीलता, रत्तज्जूगहणेन तत्थ सम्पजानता दस्सिता, अयमेतस्स विसेसोति । किं पन अत्थं सन्धाय सो अमच्चो आहाति वुत्तं “अचिरपब्बजितस्सा”तिआदि । ओकप्पनीयाति सहहनीया । अद्धानन्ति दीघकालं । कित्तको पन सोति आह “द्वे तयो राजपरिवट्टे”ति, द्वित्रं, तिण्णं वा राजूनं रज्जानुसासनपटिपाटियोति अत्थो । “अद्भगतो”ति वत्वापि पुन कतं वयगगहणं ओसानवयापेक्खं पदद्वयस्स अत्थविसेससम्भवतोति दस्सेति “पच्छिमवय”न्ति इमिना । उभयन्ति “अद्भगतो, वयोअनप्पतो”ति पदद्वयं ।

काजरो नाम एको रुक्खविसेसो, यो “पण्णकरुक्खो”तिपि वुच्चति। दिस्वा विय अनत्तमनोति सम्बन्धो। पुब्बे पितरा सद्धिं सत्थु सन्तिकं गन्त्वा देसनाय सुतपुब्बतं सन्धायाह “**ज्ञाना...पे०... कामो**”ति। **तिलक्खणब्भाहतन्ति** तीहि लक्खणेहि अभिघटितं। **दस्सनेनाति** निदस्सनमत्तं। सो हि दिस्वा तेन सद्धिं अल्लापसल्लापं कत्वा, ततो अकिरियवादं सुत्वा च अनत्तमनो अहोसि। **गुणकथायाति** अभूतगुणकथाय। तेनाह “**सुद्धतरं अनत्तमनो**”ति। यदि अनत्तमनो, कस्मा तूण्ही अहोसीति चोदनं विसोधेति “**अनत्तमनो समानोपी**”तिआदिना।

१५२. **गोसालायाति** एवंनामके गामेति वुत्तं। वस्सानकाले गुत्रं पतिट्ठितसालायाति पन अत्थे तब्बसेन तस्स नामं सातिसयमुपपन्नं होति बहुलमनञ्जसाधारणत्ता, तथापि सो पोरणेहि अननुस्सुतोति एकच्चवादो नाम कतो। “**मा खलीति सामिको आहा**”ति इमिना तथावचनमुपादाय तस्स आख्यातपदेन समञ्जाति दस्सेति। सञ्जाय हि वत्तुमिच्छाय आख्यातपदमपि नामिकं भवति यथा “**अञ्जासिकोण्डञ्जो**”ति (महाव० १७)। **सेसन्ति** “**सो पण्णेन वा**”तिआदिवचनं।

१५३. दासादीसु सिरिवट्ठकादिनाममिव **अजितो**ति तस्स नाममत्तं। केसेहि वायितो कम्बलो यस्सातिपि युज्जति। **पटिकिड्ढतरन्ति** निहीनतरं। “**यथाहा**”तिआदिना अङ्गुत्तरागमे तिकनिपाते मक्खलिसुत्त (अ० नि० १.३.१३८) माहरि। **तन्तावुतानीति** तन्ते वीतानि। “**सीते सीतो**”तिआदिना छहाकारेहि तस्स पटिकिड्ढतरं दस्सेति।

१५४. पकुज्झति सम्मादिट्ठिकेसु ब्यापज्जतीति **पकुधो**। **वच्चं कत्वापीति** एत्थ पि-सद्देन भोजनं भुज्जित्वापि केनचि असुचिना मक्खित्वापीति इममत्थं सम्पिण्डेति। **वालिकाथूपं कत्वाति** वतसमादानसीसेन वालिकासञ्चयं कत्वा, तथारूपे अनुपगमनीयद्वाने पुन वतं समादाय गच्छतीति वुत्तं होति।

१५६. “**गण्ठनकिलेसो**”ति एतस्स “**पलिबुन्धनकिलेसो**”ति अत्थवचनं, संसारे परिबुन्धनकिच्चो खेत्तवत्थुपुत्तदारादिविसयो रागादिकिलेसोति अत्थो। “**एवंवादिताया**”ति इमिना लद्धिवसेनस्स नामं, न पनत्थतोति दस्सेति। याव हि सो मग्गेन समुग्घाटितो, ताव अत्थियेव। अयं पन वचनत्थो – “**नत्थि मय्हं गण्ठो**”ति गण्हातीति **निगण्ठोति**। **नाटस्साति** एवंनामकस्स।

कोमारभच्चजीवककथावण्णना

१५७. सब्बथा तुण्हीभूतभावं सन्धाय “एस नाग...पे०... विया”ति वुत्तं । सुपण्णोति गरुळो, गरुडो वा सक्कटमतेन । “ड-ळान’मविसेसो”ति हि तत्थ वदन्ति । यथाधिप्पायं न वत्ततीति कत्वा “अन्त्यो वत्त मे”ति वुत्तं । उपसन्तस्साति सब्बथा सज्जमेन उपसमं गतस्स । जीवकस्स तुण्हीभावो मम अधिप्पायस्स मद्दनसदिसो, तस्मा तदेव तुण्हीभावं पुच्छित्वा कथापनेन मम अधिप्पायो सम्पादेतब्बोति अयमेत्थ रज्जो अधिप्पायोति दस्सेन्तो “हत्थिम्हि खो पना”तिआदिमाह । किन्ति कारणपुच्छायं निपातोति दस्सेति “केन कारणेना”ति इमिना, येन तुवं तुण्ही, किं तं कारणन्ति वा अत्थं दस्सेति । तत्थ यथासम्भवं कारणं उद्धरित्वा अधिप्पायं दस्सेतुं “इमेस”न्तिआदि वुत्तं । यथा एतेसन्ति एतेसं कुलूपको अत्थि यथा, इमेसं नु खो तिण्णं कारणानं अज्जतरेन कारणेन तुण्ही भवसीति पुच्छतीति अधिप्पायो ।

कथापेतीति कथापेतुकामो होति । पञ्चपतिट्ठितेनाति एत्थ पञ्चहि अङ्गेहि अभिमुखं ठितेनाति अत्थो, पादजाणु कप्पर हत्थ सीससङ्घातानि पञ्च अङ्गानि समं कत्वा ओनामेत्वा अभिमुखं ठितेन पठमं वन्दित्वाति वुत्तं होति । यम्पि वदन्ति “नवकतरेनुपालि भिक्खुना वुद्धतरस्स भिक्खुनो पादे वन्दन्तेन इमे पञ्च धम्मे अज्झत्तं उपट्ठापेत्वा पादा वन्दितब्बा”तिआदिकं (परि० ४६९) विनयपालिमाहरित्वा एकंसकरणअज्जलिपग्गहणपाद-सम्बाहनपेमगारवुपट्ठापनवसेन पञ्चपतिट्ठितवन्दना”ति, तमेत्थानधिप्पेतं दूरतो वन्दने यथावुत्तपञ्चङ्गस्स अपरिपुण्णत्ता । वन्दना चेत्थ पणमना अज्जलिपग्गहणकरपुटसमायोगो । “पञ्चपतिट्ठितेन वन्दित्वा”ति च कायपणामो वुत्तो, “मम सत्थुनो”तिआदिना पन वचीपणामो, तदुभयपुरेचरानुचरवसेन मनोपणामोति । कामं सब्बापि तथागतस्स पटिपत्ति अनज्जसाधारणा अच्छरियब्भुतरूपाव, तथापि गब्भोक्कन्ति अभिजाति अभिनिक्खमन अभिसम्बोधि धम्मचक्कप्पवत्तन (सं० नि० ३.५.१०८१; पटि० म० ३.३०) यमकपाटिहारियदेवोरोहनानि सदेवके लोके अतिविय सुपाकटानि, न सक्का केनचि पटिबाहितुन्ति तानियेवेत्थ उद्धटानि ।

इत्थं इमं पकारं भूतो पत्तोति इत्थम्भूतो, तस्स आख्यानं इत्थम्भूताख्यानं, सोयेवत्थो इत्थम्भूताख्यानत्थो । अथ वा इत्थं एवंपकारो भूतो जातोति इत्थम्भूतो, तादिसोति आख्यानं इत्थम्भूताख्यानं, तदेवत्थो इत्थम्भूताख्यानत्थो, तस्मिं उपयोगवचनन्ति अत्थो । अब्भुगतोति

एत्थ हि अभिसद्दो पधानवसेन इत्थम्भूताख्यानत्थजोतको कम्मप्पवचनीयो अभिभवित्वा उग्गमनकिरियापकारस्स दीपनतो, तेन पयोगतो “तं खो पन भगवन्त”न्ति इदं उपयोगवचनं सामिअत्थे समानप्पि अप्पधानवसेन इत्थम्भूताख्यानत्थदीपनतो “इत्थम्भूताख्यानत्थे”ति वुत्तं। तेनेवाह “तस्स खो पन भगवतोति अत्थो”ति। ननु च “साधु देवदत्तो मातरमभी”ति एत्थ विय “तं खो पन भगवन्त”न्ति एत्थ अभिसद्दो अप्पयुत्तो, कथमेत्थ तंपयोगतो उपयोगवचनं सियाति ? अत्थतो पयुत्तत्ता। अत्थसद्दपयोगेसु हि अत्थपयोगेयव पधानोति। इदं वुत्तं होति— यथा “साधु देवदत्तो मातरमभी”ति एत्थ अभिसद्दपयोगतो इत्थम्भूताख्याने उपयोगवचनं कत्तं, एवमिधापि “तं खो पन भगवन्तं अभि एवं कल्याणो कित्तिसद्दो उग्गतो”ति अभिसद्दपयोगतो इत्थम्भूताख्याने उपयोगवचनं कत्तन्ति। यथा हि “साधु देवदत्तो मातरमभी”ति एत्थ “देवदत्तो मातरमभि मातुविसये, मातुया वा साधू”ति एवं अधिकरणत्थे, सामिअत्थे वा भुम्मवचनस्स, सामिवचनस्स वा पसङ्गे इत्थम्भूताख्यानजोतकेन कम्मप्पवचनीयेन अभिसद्देन पयोगतो उपयोगवचनं कत्तं, एवमिधापि सामिअत्थे सामिवचनप्पसङ्गे यथा च तत्थ “देवदत्तो मातुविसये, मातु सम्बन्धी वा साधुत्तप्पकारप्पत्तो”ति अयमत्थो विज्जायति, एवमिधापि “भगवतो सम्बन्धी कित्तिसद्दो अब्भुग्गतो अभिभवित्वा उग्गमनप्पकारप्पत्तो”ति अयमत्थो विज्जायति। तत्थ हि देवदत्तगहणं विय इध कित्तिसद्दगहणं, “मातर”न्ति वचनं विय “भगवन्त”न्ति वचनं, साधुसद्दो विय उग्गतसद्दो वेदितब्बो।

कल्याणोति भद्दको। कल्याणभावो चस्स कल्याणगुणविसयतायाति आह “कल्याणगुणसमन्नागतो”ति, कल्याणेहि गुणेहि समन्नागतो तब्बिसयताय युत्तोति अत्थो। तं विसयता हेत्थ समन्नागमो, कल्याणगुणविसयताय तन्निस्सितोति अधिप्पायो। सेट्ठोति परियायवचनेपि एसेव नयो। सेट्ठगुणविसयता एव हि कित्तिसद्दस्स सेट्ठता “भगवाति वचनं सेट्ठं, भगवाति वचनमुत्तम”न्तिआदीसु (विसुद्धि० १.१४२; पारा० अट्ठ० १.वेरञ्जकण्डवण्णना; उदा० अट्ठ० १; इतिवु० अट्ठ० निदानवण्णना; महानि० अट्ठ० ४९) विय। “अरहं सम्मासम्बुद्धो”तिआदिना गुणानं संकित्तनतो, सद्दनीयतो च वण्णोयेव कित्तिसद्दो नामाति आह “कित्तियेवा”ति। वण्णो एव हि कित्तेतब्बतो कित्ति, सद्दनीयतो सद्दोति च वुच्चति। कित्तिपरियायो हि सद्दसद्दो यथा “उळारसद्दा इसयो, गुणवन्तो तपस्सिनो”ति। कित्तिवसेन पवत्तो सद्दो कित्तिसद्दोति भिन्नाधिकरणतं दस्सेति “थुतिघोसो”ति इमिना। कित्तिसद्दो हेत्थ थुतिपरियायो कित्तनमभित्थवनं कित्तीति। थुतिवसेन पवत्तो घोसो थुतिघोसो, अभित्थवुदाहारोति अत्थो। अभिसद्दो अभिभवने,

अभिभवनञ्चेत्थ अज्झोत्थरणमेवाति वुत्तं “अज्झोत्थरित्वा”ति, अनञ्जसाधारणे गुणे आरब्ध पवत्तत्ता अभिब्यापेत्वाति अत्थो। किन्ति-सद्दो अब्भुग्गतोति चोदनाय “इतिपि सो भगवा”तिआदिमाहाति अनुसन्धिं दस्सेतुं “किन्ती”ति वुत्तं।

पदानं सम्बज्जनं पदसम्बन्धो। सो भगवाति यो सो समतिसं पारमियो पूरेत्वा सब्बकिलेसे भज्जित्वा अनुत्तरं सम्मासम्बोधिं अभिसम्बुद्धो देवानमतिदेवो सक्कानमतिसक्को ब्रह्मानमतिब्रह्मा लोकनाथो भाग्यवन्ततादीहि कारणेहि सदेवके लोके “भगवा”ति पत्थटकित्तिसद्दो, सो भगवा। यं तं-सद्दा हि निच्चसम्बन्धा। “भगवा”ति च इदमादिपदं सत्थु नामकित्तनं। तेनाह आयस्मा धम्मसेनापति “भगवाति नेतं नामं मातरा कतं, न पितरा कत”न्तिआदि (महानि० ६; चूळनि० २)। परतो पन “भगवा”ति पदं गुणकित्तनं। यथा कम्मट्ठानिकेन “अरह”न्तिआदीसु नवसु ठानेसु पच्चेकं इतिपिसहं योजेत्वा बुद्धगुणा अनुस्सरीयन्ति, एवमिध बुद्धगुणसंकित्तेकेनापीति दस्सेन्तो “इतिपि अरहं...पे०... इतिपि भगवा”ति आह। एवज्झि सति “अरह”न्तिआदीहि नवहि पदेहि ये सदेवके लोके अतिविय पाकटा पज्जाता बुद्धगुणा, ते नानप्पकारतो विभाविता होन्ति “इतिपी”ति पदद्वयेन तेसं नानप्पकारतादीपनतो। “इतिपेतं भूतं, इतिपेतं तच्छ”न्तिआदीसु (दी० नि० १.६) विय हि इति-सद्दो इध आसन्नपच्चक्खकरणत्थो, पि-सद्दो सम्पिण्डनत्थो, तेन च नेसं नानप्पकारभावो दीपितो, तानि च गुणसल्लक्खणकारणानि सद्दासम्पन्नानं विज्जुजातिकानं पच्चक्खानि होन्ति, तस्मा तानि संकित्तेन्तेन विज्जुना चित्तस्स सम्मुखीभूतानेव कत्वा संकित्तेतब्बानीति दस्सेन्तो “इमिना च इमिना च कारणेनाति वुत्तं होती”ति आह। एवज्झि निरूपेत्वा कित्तेन्ते यस्स संकित्तेति, तस्स भगवति अतिविय पसादो होति।

आरकत्ताति किलेसेहि सुविदूरत्ता। अरीनन्ति किलेसारीनं। अरानन्ति संसारचक्कस्स अरानं। हतत्ताति विद्धंसितत्ता। पच्चयादीनन्ति चीवरादिपच्चयानञ्चेव पूजा विसेसानञ्च। रहाभावाति चक्खुरहादीनमभावतो। रहोपापकरणाभावो हि पदमनतिक्कम्म रहाभावोति वुत्तं। एवमिहि यथाधिपेतमत्थो लब्धतीति। ततोति विसुद्धिमग्गतो (विसुद्धि० १.१२३)। यथा च विसुद्धिमग्गतो, एवं तंसंवण्णनाय परमत्थमज्जूसायं (विसुद्धि० टी० १.१२४) नेसं वित्थारो गहेतब्बो।

यस्मा जीवको बहुसो सत्थु सन्तिके बुद्धगुणे सुत्वा ठितो, दिट्ठसच्चताय च

सत्थुसासने विगतकथंकथो, सत्थुगुणकथने च वेसारज्जप्पत्तो, तस्मा सो एवं वित्थारतो एव आहाति वुत्तं “जीवको पना”तिआदि। “एत्थ चा”तिआदिना सामत्थियत्थमाह। थामो देसनाजाणमेव, बलं पन दसबलजाणं। विस्सत्थन्ति भावनपुंसकपदं, अनासङ्गन्ति अत्थो।

पञ्चवण्णायाति खुद्दिकादिवसेन पञ्चपकाराय। निरन्तरं फुटं अहोसि कताधिकारभावतो। कम्मन्तरायवसेन हिस्स रज्जो गुणसरीरं खतूपहतं होति। कस्मा पनेस जीवकमेव गमनसज्जाय आणापेतीति आह “इमाया”तिआदि।

१५८. “उत्तम”न्ति वत्वा न केवलं उत्तमभावोयेवेत्थ कारणं, अथ खो अप्पसद्दतापीति दस्सेतुं “अस्सयानरथयानानी”तिआदि वुत्तं। हत्थियानेसु च निब्बिसेवनमेव गणहन्तो हत्थिनियोपि कप्पापेसि। पदानुपदन्ति पदमनुगतं पदं पुरतो गच्छन्तस्स हत्थियानस्स पदे तेसं पदं कत्वा, पदसद्दो चेत्थ पदवळ्ज्जे। निब्बुतस्साति सब्बकिलेसदरथवूपसमस्स। निब्बुतेहेवाति अप्पसद्दताय सद्दसद्दोभनवूपसमेहेव।

करेणूति हत्थिनिपरियायवचनं। कणति सद्दं करोतीति हि करेणु, करोव यस्सा, न दीघो दन्तोति वा करेणु, “करेणुका”तिपि पाठो, निरुत्तिनयेन पदसिद्धि। आरोहनसज्जनं कुथादीनं बन्धनमेव। ओपवद्दन्ति राजानमुपवहितुं समत्थं। “ओपगुद्द”न्तिपि पठन्ति, राजानमुपगूहितुं गोपितुं समत्थन्ति अत्थो। “एवं किरस्सा”तिआदि पण्डितभावविभावनं। कथा वत्ततीति लद्धोकासभावेन धम्मकथा पवत्तति। “रज्जो आसङ्गानिवत्तनत्थं आसन्नचारीभावेन हत्थिनीसु इत्थियो निसज्जापिता”ति (दी० नि० टी० १.१५८) आचरियधम्मपालत्थेरेन वुत्तं। अट्ठकथायं पन “इत्थियो निस्साय पुरिसानं भयं नाम नत्थि, सुखं इत्थिपरिवुतो गमिस्सामी”ति तत्थ कारणं वुत्तमेव। इमिनापि कारणेन भवितव्वन्ति पन आचरियेन एवं वुत्तं सिया। रज्जो परेसं दूरुपसङ्गमनभावदस्सनत्थं ता पुरिसवेसं गाहापेत्वा आवुधहत्था कारिता। हत्थिनिकासतानीति एत्थ हत्थिनियो एव हत्थिनिका। “पञ्च हत्थिनिया सतानी”तिपि कत्थचि पाठो, सो अयुत्तोव “पञ्चमत्तेहि भिक्खुसत्तेही”तिआदीसु (पारा० १) विय ईदिसेसु पच्छिमपदस्स समासस्सेव दस्सनतो। कस्सचिदेवाति सन्निपतिते महाजने यस्स कस्सचि एव, तदज्जेसम्पि आयतिं मग्गफलानमुपनिस्सयोति आह “सा महाजनस्स उपकाराय भविस्सती”ति।

पाटिवेदेसीति जापेसि। उपचारवचनन्ति वोहारवचनमत्तं तेनेव अधिप्पेतत्थस्स

अपरियोसानतो । तेनाह “तदेव अत्तनो रुचिया करोही”ति । इमिनायेव हि तदत्थपरियोसानं । मज्जसीति पकतियाव जानासि । तदेवाति गमनागमनमेव । यदि गन्तुकामो, गच्छ, अथ न गन्तुकामो, मा गच्छ, अत्तनो रुचियेवेत्थ पमाणन्ति वुत्तं होति ।

१५९. पाटिएक्कायेव सन्धिवसेन पच्चेका । “महज्ज”न्ति पदे करणत्थे पच्चत्तवचनन्ति आह “महता”ति । महन्तस्स भावो महज्जं । न केवलं निग्गहीतन्तवसेनेव पाठो, अथ खो आकारन्तवसेनापीति आह “महच्चातिपि पाळी”ति । यथा “खत्तिया”ति वत्तब्बे “खत्था”ति, एवं “महत्तिया”ति वत्तब्बे महत्था । पुन च-कारं कत्वा महच्चाति सन्धिवसेन पदसिद्धि । पुल्लिङ्गवसेन वत्तब्बे इत्थिलिङ्गवसेन विपल्लासो लिङ्गविपरियायो । विसेसनज्झि भिय्यो विसेस्यलिङ्गादिगाहकं । तियोजनसतानन्ति पच्चेकं तियोजनसतपरिमण्डलानं । द्वित्रं महारट्ठानं इस्सरियसिरीति अङ्गमगधरट्ठानमाधिपच्चमाह । तदत्थं विवरति “तस्सा”तिआदिना । पटिमुक्कवेठनानीति आबन्धसिरोवेठनानि । आसत्तखगानीति अंसे ओलम्बनवसेन सन्नद्धासीनि । मणिदण्डतोमरेति मणिदण्डङ्कुसे ।

“अपरापी”तिआदिना पदसा परिवारा वुत्ता । खुज्जवामनका वेसवसेन, किरातसवरअन्धकादयो जातिवसेन तासं परिचारकिनियो दस्सिता । विस्सासिकपुरिसाति वस्सवरे सन्धायाह । कुलभोगइस्सरियादिवसेन महती मत्ता पमाणमेतेसन्ति महामत्ता, महानुभावा राजामच्चा । विज्जाधरतरुणा वियाति मन्तानुभावेन विज्जामयिद्धिसम्पन्ना विज्जाधरकुमारका विय । रट्ठियपुत्ताति भोजपुत्ता । रट्ठे परिचरन्तीति हि लुद्धका रट्ठिया, तेसं नानावुधपरिचयताय राजभटभूता पुत्ताति अत्थो, अन्तररट्ठभोजकानं वा पुत्ता रट्ठियपुत्ता, खत्तिया भोजराजानो । “अनुयुत्ता भवन्तु ते”तिआदीसु विय हि टीकायं (दी० नि० टी० १.१५९) वुत्तो भोजसदो भोजकवाचकोति दट्ठब्बं । उस्सापेत्वाति उद्धं पसारत्वा । जयसद्दन्ति “जयतु महाराजा”तिआदिजयपटिबद्धं सद्दं । धनुपन्तिपरिक्खेपोति धनुपन्तिपरिवारो । सब्बत्थ तंगाहकवसेन वेदितब्बो । हत्थियटाति हत्थिसमूहा । पहरमानाति फुसमाना । अज्जमज्जसङ्गट्ठनाति अविच्छेदगमनेन अज्जमज्जसम्बन्धा । सेणियोति गन्धिकसेणीदुस्सिकसेणीआदयो “अनपलोकेत्वा राजानं वा सङ्घं वा गणं वा पूगं वा सेणिं वा अज्जत्र कप्पा वुट्ठापेय्या”तिआदीसु (पाचि० ६८२) विय । “अट्ठारस अक्खोभिणी सेनियो”ति कत्थचि लिखन्ति, सो अनेकेसुपि पोत्थकेसु न दिट्ठो । अनेकसङ्ख्या च सेना

हेट्ठा गणिताति अयुत्तोयेव । तदा सब्बावुधतो सरोव दूरगामीति कत्वा सरपतनातिक्कमप्पमाणेन रज्जो परिसं संविदहति । किमत्थन्ति आह “सचे”तिआदि ।

सयं भायनट्टेन चित्तुत्रासो भयं यथा तथा भायतीति कत्वा । भायितब्बे एव वत्थुस्मिं भयतो उपट्ठिते “भायितब्बमिद”न्ति भायितब्बाकारेण तीरणतो जाणं भयं भयतो तीरेतीति कत्वा । तेनेवाह विसुद्धिमग्गे (विसुद्धि० २.७५१) “भयतुपट्टानजाणं पन भायति, न भायतीति ? न भायति । तज्झि ‘अतीता सङ्घारा निरुद्धा, पच्चुप्पन्ना निरुज्झन्ति, अनागता निरुज्झिस्सन्ती’ति तीरणमत्तमेव होती”ति । भायनट्टानट्टेन आरम्पणं भयं भायति एतस्माति कत्वा । भायनहेतुट्टेन ओत्तप्यं भयं पापतो भायति एतेनाति कत्वा । भयानकन्ति भायनाकारो । तेपीति दीघायुका देवापि । धम्मदेसनन्ति पञ्चसु खन्धेसु पन्नरसलक्खणपटिमण्डितं धम्मदेसनं । येभुय्येनाति ठपेत्वा खीणासवदेवे तदज्जेसं वसेन बाहुल्लतो । खीणासवत्ता हि तेसं चित्तुत्रासभयमिं न उप्पज्जति । कामं सीहोपमसुत्तडुकथायं (अ० नि० अट्ठ० २.४.३३) चित्तुत्रासभयमिं तदत्थभावेन वुत्तं, इध पन पकरणानुरूपतो जाणभयमेव गहितं । संवेगन्ति सहोत्तप्पजाणं । सन्तासन्ति सब्बसो उब्बिज्जनं । भायितब्बट्टेन भयमेव भीमभावेन भेरवन्ति भयभैरवं, भीतब्बवत्थु । तेनाह “आगच्छती”ति, एतं नरं तं भयभैरवं आगच्छति नूनाति अत्थो ।

भीरुं पसंसन्तीति पापतो भायनतो उत्रासनतो भीरुं पसंसन्ति पण्डिता । न हि तत्थ सूरन्ति तस्मिं पापकरणे सूरं पगब्भधंसिनं न हि पसंसन्ति । तेनाह “भया हि सन्तो न करोन्ति पाप”न्ति । तत्थ भयाति पापुत्रासतो, ओत्तप्पहेतूति अत्थो ।

छम्भितस्साति थम्भितस्स, थ-कारस्स छ-कारादेसो । तदत्थमाह “सकलसरीरचलन”न्ति, भयवसेन सकलकायपकम्पनन्ति अत्थो । उय्योधनं सम्पहारो ।

एकेति उत्तरविहारवासिनो । “राजगहे”तिआदि तेसमधिप्पायविवरणं । एकेकस्मिं महाद्वारे द्वे द्वे कत्वा चतुसट्ठि खुदकद्वारानि । “तदा”तिआदिना अकारणभावे हेतुं दस्सेति ।

इदानीं सकवादं दस्सेतुं “अयं पना”तिआदि वुत्तं । “जीवको किरा”तिआदि आसङ्गनाकारदस्सनं । अस्साति अजातसत्तूरज्जो । उक्कण्ठितोति अनभिरतो । छत्तं

उस्सापेतुकामो मज्जेति सम्बन्धो। **भायित्वा**ति भायनहेतु। **तस्सा**ति जीवकस्स। सम्मसद्दो समानत्थो, समानभावो च वयेनाति आह **“वयस्साभिलापो”**ति। वयेन समानो **वयस्सो** यथा **“एकराजा हरिस्सवण्णो”**ति (जा० १.२.१७)। समानसद्दस्स हि सादेसमिच्छन्ति सद्दविदू, तेन अभिलापो आलपनं तथा, रुळ्हीनिद्देसो एस, **“मारिसा”**ति आलपनमिव। यथा हि मारिसाति निहुक्खताभिलापो सदुक्खेपि नेरयिके वुच्चति **“यदा खो ते मारिस सङ्कुना सङ्कु हदये समागच्छेय्या”**तिआदीसु, (म० नि० १.५१२) एवं यो कोचि सहायो असमानवयोपि **“सम्मा”**ति वुच्चतीति, तस्मा सहायाभिलापो इच्चेव अत्थो। कच्चि न वच्चेसीति पाळिया सम्बन्धो। **“न पलम्भेसी”**ति वुत्तेपि इध परिकप्पत्थोव सम्भवतीति वुत्तं **“न विप्पलम्भेय्यासी”**ति, न पलोभेय्यासीति अत्थो। कथाय सल्लापो, सो एव निग्घोसो तथा।

विनस्सेय्याति चित्तविघातेन विहज्जेय्य। **“न तं देवा”**तिआदिवचनं सन्धाय **“दळ्हं कत्वा”**ति वुत्तं। तुरितवसेनिदमामेडितन्ति दस्सेति **“तरमानोवा”**ति इमिना। **“अभिककम महाराजा”**ति वत्वा तत्थ कारणं दस्सेतुं **“एते”**तिआदि वुत्तन्ति ससम्बन्धमत्थं दस्सेन्तो **“महाराज चोरबलं नामा”**तिआदिमाह।

सामञ्जफलपुच्छावण्णना

१६०. अयं बहिद्वारकोट्टकोकासो नागस्स भूमि नाम। तेनाह **“विहारस्सा”**तिआदि। **भगवतो तेजो**ति बुद्धानुभावो। **रज्जो सरीरं फरि** यथा तं सोणदण्डस्स ब्राह्मणस्स भगवतो सन्तिकं आगच्छन्तस्स अन्तोवनसण्डगतस्स। **“अत्तनो अपराधं सरित्वा महाभयं उप्पज्जी”**ति इदं सेदमुच्चनस्स कारणदस्सनं। न हि बुद्धानुभावतो सेदमुच्चनं सम्भवति कायचित्तपस्सद्धिहेतुभावतो।

एकेति उत्तरविहारवासिनोयेव। तदयुत्तमेवाति दस्सेति **“इमिना”**तिआदिना। **अभिमा**रेति धनुग्गहे। **धनपालन्ति** नाळागिरिं। सो हि तदा नागरेहि पूजितधनरासिनो लब्धनतो **“धनपालो”**ति वोहरीयति। न केवलं दिट्ठपुब्बतोयेव, अथ खो पकतियापि भगवा सज्जातोति दस्सेतुं **“भगवा ही”**तिआदिमाह। **अकिण्णवरलक्खणो**ति बत्तिस महापुरिसलक्खणे सन्धायाह। **अनुव्यञ्जनपटिमण्डितो**ति असीतानुव्यञ्जने (जिनालङ्कारटीकाय विजातमङ्गलवण्णनायं वित्थारो)। **छब्बण्णाहि रस्मीही**ति तदा वत्तमाना रस्मियो।

इस्सरियलीळायाति इस्सरियविलासेन । ननु च भगवतो सन्तिके इस्सरियलीलाय पुच्छा अगारवोयेव सियाति चोदनाय “पकति हेसा”तिआदिमाह, पकतिया पुच्छनतो न अगारवोति अधिप्पायो । परिवारेत्वा निसिन्नेन भिक्खुसङ्घेन पुरे कतेपि अत्थतो तस्स पुरतो निसिन्नो नाम । तेनाह “परिवारेत्वा”तिआदि ।

१६१. येन, तेनाति च भुम्मत्थे करणवचनन्ति दस्सेति “यत्थ, तत्था”ति इमिना । येन मण्डलस्स द्वारं, तेनूपसङ्कमीति सम्पत्तभावस्स वुत्तत्ता इध उपगमनमेव युत्तन्ति आह “उपगतो”ति । अनुच्छविके एकस्मिं पदेसेति यत्थ विज्जुजातिका अट्ठं, तस्मिं । को पनेस अनुच्छविकपदेसो नाम ? अतिदूरतादिछनिसज्जदोसविरहितो पदेसो, नपच्छतादिअट्ठ-निसज्जदोसविरहितो वा । यथाहु अट्ठकथाचरिया –

“न पच्छतो न पुरतो, नापि आसन्नदूरतो ।

न कच्छे नो पटिवाते, न चापि ओनतुन्नते ।

इमे दोसे विस्सज्जेत्वा, एकमन्तं ठिता अहू”ति ।। (खु० पा० अट्ठ० एवमिच्चादिपाठवण्णना; सु० नि० अट्ठ० २.२६१)

तदा भिक्खुसङ्घे तुण्हीभावस्स अनवसेसतो ब्यापितभावं दस्सेतुं “तुण्हीभूतं तुण्हीभूत”न्ति विच्छावचनं वुत्तन्ति आह “यतो...पे०... मेवा”ति, यतो यतो भिक्खुतोति अत्थो । हत्थेन, हत्थस्स वा कुकतभावो हत्थकुक्कुच्चं, असज्जमो, असम्पज्जकिरिया च । तथा पादकुक्कुच्चन्ति एत्थापि । वा-सद्दो अवुत्तविकप्पने, तेन तदज्जोपि चक्खुसोतादिअसज्जमो नत्थीति विभावितो । तत्थ पन चक्खुअसंयमो सब्बपठमो दुन्निवारितो चाति तदभावं दस्सेतुं “सब्बालङ्कारपटिमण्डित”न्तिआदि वुत्तं ।

विप्पसन्नरहदमिवाति अनाविलोदकसरमिव । येनेतरहि...पे०... इमिना मे...पे०... होतूति सम्बन्धो । अज्जो हि अत्थक्कमो, अज्जो सद्दक्कमोति आह “येना”तिआदि । तत्थ कायिक-वाचसिकेन उपसमेन लद्धेन मानसिकोपि उपसमो अनुमानतो लद्धो एवाति कत्वा “मानसिकेन चा”ति वुत्तं । सीलूपसमेनाति सीलसज्जमेन । वुत्तमत्थं लोकपकतिया साधेन्तो “दुल्लभज्जी”तिआदिमाह । लद्धाति लभित्वा ।

उपसमन्ति आचारसम्पत्तिसङ्घातं संयमं । “एव”न्तिआदिना तथा इच्छाय कारणं

दस्सेति । सोति अय्यको, उदयभट्टो वा । “किञ्चापी”तिआदि तदत्थ-समत्थनं । घातेस्सतियेवाति तंकालापेक्खाय वुत्तं । तेनाह “घातेसी”ति । इदञ्चि सम्पतिपेक्खवचनं । पञ्चपरिवट्ठोति पञ्चराजपरिवट्ठो ।

कस्मा एवमाह, ननु भगवन्तमुद्दिस्स राजा न किञ्चि वदतीति अधिष्पायो । वचीभेदेति यथावुत्तउदानवचीभेदे । तुण्ही निरवोति परियायवचनमेतं । “अय”न्तिआदि चित्तजाननाकारदस्सनं । अयं...पे०... न सक्खिस्सतीति अत्वाति सम्बन्धो । वचनानन्तरन्ति उदानवचनानन्तरं । येनाति यत्थ पदेसे, येन वा सोतपथेन । येन पेमन्ति एत्थापि यथारहमेस नयो ।

कतापराधस्स आलपनं नाम दुक्करन्ति सन्धाय “मुखं नप्पहोती”ति वुत्तं । “आगमा खो त्वं महाराज यथापेम”न्ति वचननिद्विडं वा तदा तदत्थदीपनाकारेण पवत्तं नानानयवित्तं भगवतो मधुरवचनम्पि सन्धाय एवं वुत्तन्ति दट्ठब्बं । एकम्पि हि अत्थं भगवा यथा सोतूनं आणं पवत्तति, तथा देसेति । यं सन्धाय अट्ठकथासु वुत्तं “भगवता अब्धाकतं तन्तिपदं नाम नत्थि, सब्बेसज्जेव अत्थोपि भासितो”ति । पञ्चहाकारेहीति इट्ठानिट्ठेसु समभावादिसङ्घातेहि पञ्चहि कारणेहि । वुत्तज्जेतं महानिदेसे (महानि० ३८, १६२) -

“पञ्चहाकारेहि तादी इट्ठानिट्ठे तादी, चत्तावीति तादी, तिण्णावीति तादी, मुत्तावीति तादी, तंनिदेसा तादी ।

कथं अरहा इट्ठानिट्ठे तादी ? अरहा लाभेपि तादी, अलाभेपि, यसेपि, अयसेपि, पसंसायपि, निन्दायपि, सुखेपि, दुक्खेपि तादी, एकं चे बाहं गन्धेन लिम्पेय्युं, एकं चे बाहं वासिया तच्छेय्युं, अमुस्मिं नत्थि रागो, अमुस्मिं नत्थि पटिघं, अनुनयपटिघविप्पहीनो, उग्घातिनिघातिवीतिवत्तो, अनुरोधविरोधसमतिककन्तो, एवं अरहा इट्ठानिट्ठे तादी ।

कथं अरहा चत्तावीति तादी ? अरहतो...पे०... थम्भो, सारम्भो, मानो, अतिमानो, मदो, पमादो, सब्बे किलेसा, सब्बे दुच्चरिता, सब्बे दरथा, सब्बे

परिळाहा, सब्बे सन्तापा, सब्बा कुसलाभिसङ्घारा चत्ता वन्ता मुत्ता पहीना पटिनिस्सट्ठा, एवं अरहा चत्तावीति तादी ।

कथं अरहा तिण्णावीति तादी ? अरहा कामोघं तिण्णो, भवोघं तिण्णो, दिट्ठोघं तिण्णो, अविज्जोघं तिण्णो, सब्बं संसारपथं तिण्णो उत्तिण्णो नित्तिण्णो अतिक्कन्तो समतिक्कन्तो वीतिवत्तो, सो बुद्धवासो चिण्णचरणो जातिमरणसङ्खयो, जातिमरणसंसारो (महानि० ३८) नत्थि तस्स पुनब्भवोति, एवं अरहा तिण्णावीति तादी ।

कथं अरहा मुत्तावीति तादी ? अरहतो रागा चित्तं मुत्तं विमुत्तं सुविमुत्तं, दोसा, मोहा, कोधा, उपनाहा, मक्खा, पळासा, इस्साय, मच्छरिया, मायाय, साठेय्या, थम्भा, सारम्भा, माना, अतिमाना, मदा, पमादा, सब्बकिलेसेहि, सब्बदुच्चरितेहि, सब्बदरथेहि, सब्बपरिळाहेहि, सब्बसन्तापेहि, सब्बाकुसलाभिसङ्घारेहि चित्तं मुत्तं विमुत्तं सुविमुत्तं; एवं अरहा मुत्तावीति तादी ।

कथं अरहा तंनिद्देसा तादी ? अरहा 'सीले सति सीलवा'ति तंनिद्देसा तादी, 'सद्धाय सति सद्धो'ति, 'वीरिये सति वीरियवा'ति, 'सतिया सति सतिमा'ति, 'समाधिम्हि सति समाहितो'ति, 'पज्जाय सति पज्जवा'ति, 'विज्जाय सति तेविज्जो'ति, 'अभिज्जाय सति छलभिज्जो'ति तंनिद्देसा तादी, एवं अरहा तंनिद्देसा तादी'ति ।

भगवा पन सब्बेसम्पि तादीनमतिसयो तादी । तेनाह “**सुप्पतिट्ठितो**”ति । वुत्तम्पि चेतं भगवता **काळकारामसुत्तन्ते** “इति खो भिक्खवे तथागतो दिट्ठसुतमुतविज्जातब्बेसु धम्मेसु तादीयेव तादी, तम्हा च पन तादिम्हा अज्जो तादी उत्तरितरो वा पणीततरो वा नत्थीति वदामी”ति (अ० नि० १.४.२४) । अथ वा पज्चविधारियिद्धिसिद्धेहि पज्चहाकारेहि तादिलक्खणे सुप्पतिट्ठितोति अत्थो । वुत्तज्जेतं आयस्मता धम्मसेनापतिना **पटिसम्भिदामगे** —

“कतमा अरिया इद्धि ? इध भिक्खु सचे आकङ्कति ‘पटिकूले अप्पटिकूलसज्जी विहरेय्य’न्ति, अप्पटिकूलसज्जी तत्थ विहरति, सचे आकङ्कति

‘अप्पटिकूले पटिकूलसज्जी विहरेय्य’न्ति, पटिकूलसज्जी तत्थ विहरति, सचे आकङ्कति ‘पटिकूले च अप्पटिकूले च अप्पटिकूलसज्जी विहरेय्य’न्ति, अप्पटिकूलसज्जी तत्थ विहरति, सचे आकङ्कति ‘अप्पटिकूले च पटिकूले च पटिकूलसज्जी विहरेय्य’न्ति, पटिकूलसज्जी तत्थ विहरति, सचे आकङ्कति ‘पटिकूले च अप्पटिकूले च तदुभयं अभिनिवज्जेत्वा उपेक्खको विहरेय्यं सतो सम्पजानो’ति, उपेक्खको तत्थ विहरति सतो सम्पजानो’ति (पटि० म० ३.१७)।

बहिद्वाति सासनतो बहिसमये।

१६२. एसाति भिक्खुसङ्घस्स वन्दनाकारो। तमत्थं लोकसिद्धाय उपमाय साधेतुं “राजान”न्तिआदि वुत्तं। ओकासन्ति पुच्छितब्बङ्गानं।

न मे पण्हविस्सज्जने भारो अत्थीति सत्थु सब्बत्थ अप्पटिहतजाणचारताय अत्थतो आपन्नाय दस्सनं। “यदि आकङ्कसी”ति वुत्तेयेव हि एस अत्थो आपन्नो होति। सब्बं ते विस्सज्जेस्सामीति एत्थापि अयं नयो। “यं आकङ्कसि, तं पुच्छा”ति वचनेनेव हि अयमत्थो सिज्जति। असाधारणं सब्बज्जुपवारणन्ति सम्बन्धो। यदि “यदाकङ्कसी”ति न वदन्ति, अथ कथं वदन्तीति आह “सुत्वा”तिआदि। पदेसजाणेयेव ठितत्ता तथा वदन्तीति वेदितब्बं। बुद्धा पन सब्बज्जुपवारणं पवारेन्तीति सम्बन्धो।

“पुच्छावुसो यदाकङ्कसी”तिआदीनि सुत्तपदानि येसं पुग्गलानं वसेन आगतानि, तं दस्सनत्थं “यक्खनरिन्देवसमणब्राह्मणपरिब्बाजकान”न्ति वुत्तं। तत्थ हि “पुच्छावुसो यदाकङ्कसी”ति आळवकस्स यक्खस्स ओकासकरणं, “पुच्छ महाराजा”ति नरिन्दानं, “पुच्छ वासवा”तिआदि देवानमिन्दस्स, “तेन ही”तिआदि समणानं, “बावरिस्स चा”तिआदि ब्राह्मणानं, “पुच्छ मं सभिया”तिआदि परिब्बाजकानं ओकासकरणन्ति दट्ठब्बं। वासवाति देवानमिन्दालपनं। तदेतज्हि सक्कपण्हसुत्ते। मनसिच्छसीति मनसा इच्छसि।

कतावकासाति यस्मा तुम्हे मया कतोकासा, तस्मा बावरिस्स च तुय्हं अजितस्स च सब्बेसज्ज सेसानं यं किञ्चि सब्बं संसयं यथा मनसा इच्छथ, तथा पुच्छको पुच्छथाति योजना। एत्थ च बावरिस्स संसयं मनसा पुच्छको, तुम्हाकं पन सब्बेसं संसयं मनसा

च अञ्जथा च यथा इच्छथ, तथा पुच्छकोति अधिप्पायो। बावरी हि “अत्तनो संसयं मनसाव पुच्छथा”ति अन्तेवासिके आणापेसि। वुत्तञ्जि –

“अनावरणदस्सावी, यदि बुद्धो भविस्सति।

मनसा पुच्छिते पज्जे, वाचाय विस्सजेस्सती”ति॥ (सु० नि० १०११)

तदेतं **पारायनवग्गे**। तथा “पुच्छ मं सभिया”तिआदिपि।

बुद्धभूमिन्ति बुद्धद्वानं, आसवक्खयजाणं, सब्बञ्जुतज्जाणञ्च। **बोधिसत्तभूमि** नाम बोधिसत्तद्वानं पारमीसम्भरणजाणं, भूमिसदो वा अवत्थावाचको, बुद्धावत्थं, बोधिसत्तावत्थायन्ति च अत्थो। एकत्तनयेन हि पवत्तेसु खन्धेसु अवत्थायेव तं तदाकारनिस्सिता।

यो भगवा बोधिसत्तभूमियं पदेसजाणे ठितो सब्बञ्जुपवारणं पवारेसि, तस्स तदेव अच्छरियन्ति सम्बन्धो। कथन्ति आह “**कोण्डञ्ज पज्हानी**”तिआदि। तत्थ **कोण्डज्जाति** गोत्तवसेन सरभङ्गमालपन्ति। **वियाकरोही**ति ब्याकरोहि। **साधुरुपाति** साधुसभावा। **धम्मो**ति सनन्तनो पवेणीधम्मो। **यन्ति** आगमनकिरियापरामसनं, येन वा कारणेन आगच्छति, तेन वियाकरोहीति सम्बन्धो। **बुद्धन्ति** सीलपज्जादीहि वुद्धिप्पत्तं, गरुन्ति अत्थो। **एस भारो**ति संसयुपच्छेदनसङ्घातो एसो भारो, आगतो भारो तथा अवस्सं वहितब्बोति अधिप्पायो।

मया कतावकासा भोन्तो पुच्छन्तु। कस्माति चे? अहञ्जि तं तं वो ब्याकरिस्सं जत्वा सयं लोकमिमं, परज्जाति। **सयन्ति** च सयमेव परूपदेसेन विना। एवं सरभङ्गकाले सब्बञ्जुपवारणं पवारेसीति सम्बन्धो।

पज्हानन्ति धम्मयागपज्हानं। **अन्तकरन्ति** निद्वानकरं। **सुचिरतेनाति** एवं नामकेन ब्राह्मणेन। **पुड्ढन्ति** पुच्छितुं। **जातियाति** पटिसन्धिया, “विजातिया”तिपि वदन्ति। पंसुं कीळन्तो सम्भवकुमारो निसिन्नोव हुत्वा पवारेसीति योजेतब्बं।

तग्धाति एकंसत्थे निपातो। **यथापि कुसलो** तथाति यथा सब्बधम्मकुसलो सब्बधम्मविदु बुद्धो जानाति कथेति, तथा ते अहमक्खिस्सन्ति अत्थो। **जानाति**-सदो हि इध

सम्बन्धमुपगच्छति । यथाह “येन यस्स हि सम्बन्धो, दूरद्वम्पि च तस्स त”न्ति (सारत्थ टी० १.पठममहासङ्गीतिकथावण्णना) । जानना चेत्थ कथना । यथा “इमिना इमं जानाती”ति वुत्तोवायमत्थो आचरियेन । **राजा च खो तं यदि काहति वा, न वाति यो** तं इध पुच्छितुं पेसेसि, सो कोरब्बराजा तं तया पुच्छितमत्थं, तया वा पुट्ठेन मया अक्खातमत्थं यदि करोतु वा, न वा करोतु, अहं पन यथाधम्मं ते अक्खिस्सं आचिक्खिस्सामीति वुत्तं होति । **जातकडुकथायं** पन—

“**राजा च खो तन्ति** अहं तं पज्जं यथा तुम्हाकं राजा जानाति जानितुं सक्कोति, तथा अक्खिस्सं । ततो उत्तरि राजा यथा जानाति, तथा यदि करिस्सति वा, न वा करिस्सति, करोन्तस्स वा अकरोन्तस्स वा तस्सेवेतं भविस्सति, मज्जं पन दोसो नत्थीति दीपेती”ति (जा० अट्ठ० ५.१६.१७२)।—

जानाति-सद्दो वाक्यद्वयसाधारणवसेन वुत्तो ।

१६३. **सिप्पमेव सिप्पायतनं** आयतनसदस्स तब्भाववुत्तित्ता । अपिच सिक्खितब्बताय सिप्पञ्च तं सत्तानं जीवितवुत्तिया कारणभावतो, निस्सयभावतो वा आयतनञ्चाति **सिप्पायतनं** । **सेय्यथिदन्ति** एकोव निपातो, निपातसमुदायो वा । तस्स ते कतमेति इध अत्थोति आह “**कतमे पन ते**”ति । इमे कतमेतिपि पच्चेकमत्थो युज्जति । एवं सब्बत्थ । इदञ्च वत्तब्बापेक्खनवसेन वुत्तं, तस्मा ते सिप्पायतनिका कतमेति अत्थो । “पुथुसिप्पायतनानी”ति हि साधारणतो सिप्पानि उद्दिसित्वा उपरि तंतंसिप्पूपजीविनोव निदिट्ठा पुग्गलाधिट्ठानाय कथाय । कस्माति चे ? पपज्जं परिहरितुकामत्ता । अज्जथा हि यथाधिप्पेतानि ताव सिप्पायतनानि दस्सेत्वा पुन तंतंसिप्पूपजीविनोपि दस्सेतब्बा सियुं तेसमेवेत्थ पधानतो अधिप्पेतत्ता । एवञ्च सति कथापपज्जो भवेय्य, तस्मा तं पपज्जं परिहरितुं सिप्पूपजीवीहि तंतंसिप्पायतनानि सङ्गहेत्वा एवमाहाति तमत्थं दस्सेतुं “**हत्थारोहातिआदीहि ये तं तं सिप्पं निस्साय जीवन्ति, ते दस्सेती**”ति वुत्तं । कस्माति आह “**अयज्ही**”तिआदि । सिप्पं उपनिस्साय जीवन्तीति **सिप्पूपजीविनो** ।

हत्थिमारोहन्तीति **हत्थारोहा**, हत्थारुळ्हयोधा । हत्थिं आरोहापयन्तीति **हत्थारोहा**, हत्थाचरिय हत्थिवेज्ज हत्थिमेण्डादयो । येन हि पयोगेन पुरिसो हत्थिनो आरोहनयोगो होति, तं हत्थिस्स पयोगं विधायन्तानं सब्बेसम्पेतेसं गहणं । तेनाह “**सब्बेपी**”तिआदि ।

तथ **हत्थाचरिया** नाम ये हत्थिनो, हत्थारोहकानञ्च सिक्खापका । **हत्थिवेज्जा** नाम हत्थिभिसक्का । **हत्थिमेण्डा** नाम हत्थीनं पादरक्खका । हत्थिं मण्डयन्ति रक्खन्तीति हत्थिमण्डा, तेयेव **हत्थिमेण्डा**, हत्थिं मिनेन्ति सम्मा विदहनेन हिंसन्तीति वा **हत्थिमेण्डा** । **आदि-सद्देन** हत्थीनं यवपदायकादयो सङ्गहाति । **अस्सारोहाति** एत्थापि सुद्धहेतुकत्तुवसेन यथावुत्तोव अत्थो । रथे नियुत्ता **रथिका** । **रथरक्खा** नाम रथस्स आणिरक्खका । धनुं गणहन्तीति **धनुग्गाहा**, इस्सासा, धनुं गणहापेन्तीति **धनुग्गाहा**, धनुसिप्पसिक्खापका धन्वाचरिया ।

चेलेन चेलपटाकाय युद्धे अकन्ति गच्छन्तीति **चेलका**, जयद्धजगाहकाति आह “**ये युद्धे**”तिआदि । **जयधजन्ति** जयनत्थं, जयकाले वा पग्गहितधजं । **पुरतोति** सेनाय पुब्बे । यथा तथा ठिते सेनिके ब्यूहविचारणवसेन ततो ततो चलयन्ति उच्चालेन्तीति **चलकाति** वुत्तं “**इध रज्जो**”तिआदि । सकुणग्घिआदयो विय मंसपिण्डं परसेनासमूहसङ्घातं पिण्डं साहसिकताय छेत्वा छेत्वा दयन्ति उप्पतित्वा उप्पतित्वा निग्गच्छन्तीति **पिण्डदायका** । तेनाह “**ते किरा**”तिआदि । साहसं करोन्तीति **साहसिका**, तेयेव महायोधा । **पिण्डमिवाति** तालफलपिण्डमिवाति वदन्ति, “मंसपिण्डमिवा”ति (दी० नि० टी० १.१६३) आचरियेन वुत्तं । सब्बत्थ “आचरियेना”ति वुत्ते **आचरियधम्मपालत्थेरोव** गहेतब्बो । दुतियविकप्पे पिण्डे जनसमूहसङ्घाते सम्मद्दे दयन्ति उप्पतन्ता विय गच्छन्तीति **पिण्डदायका**, **दय-सद्दो** गतियं, अय-सद्दस्स वा द-कारागमेन निप्फत्ति ।

उग्गतुग्गताति सङ्गामं पत्वा जवपरक्कमादिवसेन अतिविय उग्गता । **तदेवाति** परेहि वुत्तं तमेव सीसं वा आवुद्धं वा । **पक्खन्दन्तीति** वीरसूरभावेन असज्जमाना परसेनमनुपविसन्ति । थामजवबलपरक्कमादिसम्पत्तिया महानागसदिसता । तेनाह “**हत्थिआदीसुपी**”तिआदि । **एकन्तसूराति** एकचरसूरा अन्तसद्दस्स तब्भाववुत्तितो, सूरभावेन एकाकिनो हुत्वा युज्जनकाति अत्थो । **सजालिकाति** सवम्मिका । सन्नाहो कङ्कटो वम्मं कवचो उरच्छदो जालिकाति हि अत्थतो एकं । **सचम्मिकाति** जालिका विय सरीरपरित्ताणेन चम्मेन सचम्मिका । **चम्मकञ्चुकन्ति** चम्ममयकञ्चुकं । **पविसित्वाति** तस्स अन्तो हुत्वा, पटिमुञ्चित्वाति वुत्तं होति । **सरपरित्ताणं चम्पन्ति** चम्मपटिसिब्बितं चेलकं, चम्ममयं वा फलकं । **बलवसिनेहाति** सामिनि अतिसयपेमा । **घरदासयोधाति** अन्तोजातदासपरियापन्ना योधा, “**घरदासिकपुत्ता**”तिपि पाठो, अन्तोजातदासीनं पुत्ताति अत्थो ।

आळारं वुच्चति महानसं, तत्थ नियुत्ता आळारिका। पूविकाति पूवसम्पादका, ये पूवमेव नानप्पकारतो सम्पादेत्वा विक्किणन्ता जीवन्ति। केसनखसण्ठपनादिवसेन मनुस्सानं अलङ्कारविधिं कप्पेन्ति संविदहन्तीति कप्पका। चुण्णविलेपनादीहि मलहरणवण्णसम्पादनविधिना न्हापेन्ति नहानं करोन्तीति न्हापिका। नवन्तादिविधिना पवत्तो गणनगन्थो अन्तरा छिद्वाभावेन अच्छिद्दकोति वुच्चति, तदेव पठेन्तीति अच्छिद्दकपाठका। हत्थेन अधिप्पायविज्जापनं, गणनं वा हत्थमुद्दा। अङ्गुलिसङ्कोचनज्झि मुद्दाति वुच्चति, तेन च विज्जापनं, गणनं वा होति। हत्थसद्दो चेत्थ तदेकदेसेसु अङ्गुलीसु दट्ठब्बो “न भुज्जमानो सब्बं हत्थं मुखे पक्खिपिस्सामी”तिआदीसु (पाचि० ६१८) विय, तमुपनिस्साय जीवन्तीति मुद्दिका। तेनाह “हत्थमुद्दाया”तिआदि।

अयकारो कम्मकारको। दन्तकारो भमकारो। चित्तकारो लेपचित्तकारो। आदि-सद्देन कोट्टकलेखकविलीवकारइट्टककारदारुकारादीनं सङ्गहो। दिट्ठेव धम्मेति इमस्मियेव अत्तभावे। करणनिष्पादनवसेन दस्सेत्वा। सन्दिट्ठिकमेवाति असम्परायिकताय सामं दट्ठब्बं, सयमनुभवितब्बं अत्तपच्चक्खन्ति अत्थो। उपजीवन्तीति उपनिस्साय जीवन्ति। सुखितन्ति सुखप्पत्तं। थामबलूपेतभावोव पीणनन्ति आह “पीणितं थामबलूपेत”न्ति। उपरीति देवलोके। तथा उद्दन्तिपि। सो हि मनुस्सलोकतो उपरिमो। अगं वियाति अगं, फलं। “कम्मस्स कतत्ता फलस्स निब्बत्तनतो तं कम्मस्स अगिसिखा विय होती”ति आचरियेन वुत्तं। अपिच सगन्ति उत्तमं, फलं। सगन्ति सुट्ठु अगं, रूपसद्दादिदसविधं अत्तनो फलं निष्पादेतुं अरहतीति अत्थो। सुअगिकाव निरुत्तिनयेन सोवग्गिका, दक्खिणासद्दापेक्खाय च सब्बत्थ इत्थिलिङ्गनिद्देसो। सुखोति सुखूपायो इट्ठो कन्तो। अग्गेति उळारे। अत्तना परिभुज्जितब्बं बाहिरं रूपं, अत्तनो वण्णपोक्खरता वण्णोति अयमेतेसं विसेसो। दक्खन्ति वट्ठन्ति एतायाति दक्खिणा, परिच्चागमयं पुज्जन्ति आह “दक्खिणं दान”न्ति।

मग्गो सामञ्जं समितपापसद्दातस्स समणस्स भावोति कत्वा, तस्स विपाक्ता अरियफलं सामञ्जफलं। “यथाहा”तिआदिना महावग्गसंयुत्तपाळिवसेन तदत्थं साधेति। तं एस राजा न जानाति अरियधम्मस्स अकोविदताय। यस्मा पनेस “दासकस्सकादिभूतानं पब्बजितानं लोकतो अभिवादनादिलाभो सन्दिट्ठिकं सामञ्जफलं नामा”ति चिन्तेत्वा “अत्थि नु खो कोचि समणो वा ब्राह्मणो वा ईदिसमत्थं जानन्तो”ति वीमंसन्तो पूरणादिके पुच्छित्वा तेसं कथाय अनधिगतवित्तो भगवन्तम्मि एतमत्थं पुच्छि। तस्मा वुत्तं “दासकस्सकोपमं सन्धाय पुच्छती”ति।

राजामच्चाति राजकुलसमुदागता अमच्चा, अनुयुत्तकराजानो चेव अमच्चा चातिपि अत्थो। कण्हपक्खन्ति यथापुच्छिते अत्थे लब्भमानदिट्ठिगतूपसंहितं संकिलेसपक्खं। सुक्कपक्खन्ति तब्बिधुरं उपरि सुत्तागतं वोदानपक्खं। समणकोलाहलन्ति समणकोतूहलं तं तं समणवादानं अज्जमज्जविरोधं। समणभण्डनन्ति तेनेव विरोधेन “एवंवादीनं तेसं समणब्राह्मणानं अयं दोसो, एवंवादीनं तेसं अयं दोसो”ति एवं तं तं वादस्स परिभासनं। इस्सरानुवत्तको हि लोकोति धम्मतादस्सनेन तदत्थसमत्थनं। अत्तनो देसनाकोसल्लेन रज्जो भारं करोन्तो, न तदज्जेन परवम्भनादिकारणेन।

१६४. नु-सद्दो विय नो-सद्दोपि पुच्छायं निपातोति आह “अभिजानासि नू”ति। अयज्चाति एत्थ च-सद्दो न केवलं अभिजानासिपदेनेव, अथ खो “पुच्छिता”ति पदेन चाति समुच्चयत्थो। कथं योजेतब्बोति अनुयोगमपनेति “इदज्ही”तिआदिना। पुच्छिता नूति पुब्बे पुच्छं कत्ता नु। नं पुट्टभावन्ति तादिसं पुच्छितभावं अभिजानासि नु। न ते सम्मुट्ठन्ति तव न पमुट्ठं वताति अत्थो। अफासुकभावोति तथा भासनेन असुखभावो। पण्डितपतिरूपकानन्ति (सामं विय अत्तनो सक्कारानं पण्डितभासानं) आमं विय पक्कानं पण्डिता भासानं। (दी० नि० टी० १.१६३) पाळिपदअत्थव्यज्जनेसूति पाळिसङ्घाते पदे, तदत्थे तप्परियापन्नक्खरे च, वाक्यपरियायो वा व्यज्जनसद्दो “अक्खरं पदं व्यज्जन”न्तिआदीसु (नेत्ति० २८) विय। भगवतो रूपं सभावो विय रूपमस्साति भगवन्तरूपो, भगवा विय एकन्तपण्डितोति अत्थो।

पूरणकस्सपवादवण्णना

१६५. एकमिदाहन्ति एत्थ इदन्ति निपातमत्तं, एकं समयमिच्चेव अत्थो। सम्मोदेति सम्मोदनं करोतीति सम्मोदनीयं। अनीयसद्दो हि बहुला कत्वत्थाभिधायको यथा “निय्यानिका”ति, (ध० स० सुत्तन्तदुक्कमातिका ९७) सम्मोदनं वा जनेतीति सम्मोदनियं तद्धितवसेन। सरितब्बन्ति सारणीयं, सरणस्स अनुच्छविकन्ति वा सारणियं, एतमत्थं दस्सेतुं “सम्मोदजनकं सरितब्बयुत्तक”न्ति वुत्तं, सरितब्बयुत्तकन्ति च सरणानुच्छविकन्ति अत्थो।

१६६. सहत्थाति सहत्थेनेव, तेन सुद्धकत्तारं दस्सेति, आणत्तियाति पन हेतुकत्तारं, निस्सगियथावरादयोपि इध सहत्थ करणेनेव सङ्गहिता। हत्थादीनीति हत्थपादकण्णनासादीनि। पचनं दहनं विबाधनन्ति आह “दण्डेन उप्पीळेन्तस्सा”ति। पपञ्चसूदनियं नाम

मज्झिमागमद्वकथायं पन “पचतो”ति एतस्स “तज्जेन्तस्स वा”ति (म० नि० अट्ठ० ३.९७) दुतियोपि अत्थो वुत्तो, इध पन तज्जनं, परिभासनञ्च दण्डेन सङ्गहेत्वा “दण्डेन उप्पीलेन्तस्स इच्चेव वुत्त”न्ति (दी० नि० टी० १.१६६) आचरियेन वुत्तं, अधुना पन पोत्थकेसु “तज्जेन्तस्स वा”ति पाठोपि बहुसो दिस्सति । सोकन्ति सोककारणं, सोचनन्तिपि युज्जति कारणसम्पादनेन फलस्सपि कत्तब्बतो । परेहीति अत्तनो वचनकरेहि कम्मभूतेहि । फन्दतोति एत्थ परस्स फन्दनवसेन सुद्धकत्तुत्थो न लब्धति, अथ खो अत्तनो फन्दनवसेनेवाति आह “परं फन्दन्तं फन्दनकाले सयम्पि फन्दतो”ति, अत्तना कतेन परस्स विबाधनपयोगेन सयम्पि फन्दतोति अत्थो । “अतिपातापयतो”ति पदं सुद्धकत्तरि, हेतुकत्तरि च पवत्ततीति दस्सेति “हनन्तस्सापि हनापेन्तस्सापी”ति इमिना । सब्बत्थाति “आदियतो”तिआदीसु । करणकारणवसेनाति सयंकारपरंकारवसेन ।

घरभित्तिया अन्तो च बहि च सन्धि घरसन्धि । किञ्चिपि असेसेत्वा निरवसेसो लोपो विलुम्पनं निल्लोपोति आह “महाविलोप”न्ति । एकागारे नियुत्तो विलोपो एकागारिको । तेनाह “एकमेवा”तिआदि । “परिपन्थे तिट्ठतो”ति एत्थ अच्छिन्दनत्थमेव तिट्ठतीति अयमत्थो पकरणतो सिद्धोति दस्सेति “आगतागतान”न्तिआदिना । “परितो सब्बसो पन्थे हननं परिपन्थो”ति (दी० नि० टी० १.१६६) अयमत्थोपि आचरियेन वुत्तो । करोमीति सज्जायाति सज्जेतनिकभावमाह, तेनेतं दस्सेति “सज्जिच्च करोतोपि न करीयति नाम, पगेव असज्जिच्चा”ति । पापं न करीयतीति पुब्बे असतो उप्पादेतुं असक्कुण्येयत्ता पापं अकतमेव नाम । तेनाह “नत्थि पाप”न्ति ।

यदि एवं कथं सत्ता पापे पवत्तन्तीति अत्तनो वादे परेहि आरोपितं दोसमपनेतुकामो पूरणो इममत्थम्पि दस्सेतीति आह “सत्ता पना”तिआदि । सज्जामत्तमेतं “पापं करोन्ती”ति, पापं पन नत्थेवाति वुत्तं होति । एवं किरस्स होति – इमेसं सत्तानं हिंसादिकिरिया अत्तानं न पापुणाति तस्स निच्चताय निब्बिकारत्ता, सरीरं पन अचेतनं कट्ठकलिङ्गरूपमं, तस्मिं विकोपितेपि न किञ्चि पापन्ति । परियन्तो वुच्चति नेमि परियोसाने ठितत्ता । तेन वुत्तं आचरियेन “निसितखुरमयनेमिना”ति (दी० नि० टी० १.१६६) । दुतियविकप्पे चक्कपरियोसानमेव परियन्तो, खुरेन सदिसो परियन्तो यस्साति खुरपरियन्तो । खुरगगहणेन चेत्य खुरधारा गहिता तदवरोधतो । पाळियं चक्केनाति चक्काकारकतेन आवुधविसेसेन । तं मंसखलकरणसङ्घातं निदानं कारणं यस्साति ततोनिदानं, “पच्चत्तवचनस्स तोआदेसो, समासे चस्स लोपाभावो”ति (पारा० अट्ठ०

१.२१) अट्ठकथासु वुत्तो । “पच्चत्तथ्ये निस्सक्कवचनम्पि युज्जती”ति (सारथ्य टी० पठममहासङ्गीतिकथावण्णना) **आचरियसारिपुत्तत्थेरो** । “कारणत्थे निपातसमुदायो”तिपि अक्खरचिन्तका ।

गङ्गाय दक्खिणदिसा अप्पतिरूपदेसो, उत्तरदिसा पन पतिरूपदेसोति अधिप्पायेन “**दक्खिणज्जे**”तिआदि वुत्तं, तज्ज देसदिसापदेसेन तन्निवासिनो सन्धायाति दस्सेतुं “**दक्खिणतीरे**”तिआदिमाह । हननदानकिरिया हि तदायत्ता । **महायागन्ति** महाविजितरज्जो यज्जसदिसम्पि महायागं । दमसद्दो इन्द्रियसंवरस्स, उपोसथसीलस्स च वाचकोति आह “**इन्द्रियदमेन उपोसथकम्मेना**”ति । केचि पन उपोसथकम्मेना”ति इदं इन्द्रियदमस्स विसेसनं, तस्मा ‘उपोसथकम्मभूतेन इन्द्रियदमेना”ति” अत्थं वदन्ति, तदयुत्तमेव तदुभयत्थवाचकत्ता दमसद्दस्स, अत्थद्वयस्स च विसेसवुत्तितो । अधुना हि कत्थचि पोत्थके वा-सद्दो, च-सद्दोपि दिस्सति । **सीलसंयमेनाति** तदज्जेन कायिकवाचसिकसंवरेन । **सच्चवचनेनाति** अमोसवज्जेन । तस्स विसुं वचनं लोके गरुतरपुज्जसम्मत्तभावतो । यथा हि पापधम्मेसु मुसावादो गरुतरो, एवं पुज्जधम्मेसु अमोसवज्जो । तेनाह भगवा **इतिवुत्तके**—

“एकधम्मं अतीतस्स, मुसावादस्स जन्तुनो ।

वितिण्णपरलोकस्स, नत्थि पापं अकारिय”न्ति ।। (इतिवु० २७)

पवत्तीति यो करोति, तस्स सन्ताने फलुप्पादपच्चयभावेन उप्पत्ति । एवज्हि “नत्थि कम्मं, नत्थि कम्मफल”न्ति अकिरियवादस्स परिपुण्णता । सति हि कम्मफले कम्मानमकिरियभावो कथं भविस्सति । **सब्बथापीति** “करोतो”तिआदिना वुत्तेन सब्बप्पकारेनपि ।

लब्बुजन्ति लिक्कुचं । **पापपुज्जानं किरियमेव पटिक्खिपति**, न रज्जा पुट्टं सन्दिट्ठिकं सामज्जफलं ब्याकरोतीति अधिप्पायो । इदज्हि अवधारणं विपाकपटिक्खेपनिवत्तनत्थं । यो हि कम्मं पटिक्खिपति, तेन अत्थतो विपाकोपि पटिक्खित्तोयेव नाम होति । तथा हि वक्खति “कम्मं पटिबाहन्तेनापी”तिआदि (दी० नि० अट्ठ० १.१७०-१७२) ।

पटिराजूहि अनभिभवनीयभावेन विसेसतो जितन्ति **विजितं**, एकस्स रज्जो आणापवत्तिदेसो । “मा मय्हं विजिते वसथा”ति अपसादना पब्बजितस्स पब्बाजनसङ्घाता

विहेठनायेवाति वुत्तं “विहेठेतब्ब”न्ति। तेन वुत्तस्स अत्थस्स “एवमेत”न्ति उपधारणं सल्लक्खणं उग्गण्हनं, तदमिना पटिक्खिपतीति आह “सारतो अग्गण्हन्तो”ति। तस्स पन अत्थस्स अब्धनियभावापादनवसेन चित्तेन सन्धारणं निक्कुज्जनं, तदमिना पटिक्खिपतीति दस्सेति “सारवसेनेव...पे०... अट्टपेन्तो”ति इमिना। सारवसेनेवाति उत्तमवसेनेव, अवितथत्ता वा परेहि अनुच्चालितो थिरभूतो अत्थो अफेग्गुभावेन सारोति वुच्चति, तंवसेनेवाति अत्थो। निस्सरणन्ति वट्टतो निय्यानं। परमत्थोति अविपरीतत्थो, उत्तमस्स वा आणस्सारम्मणभूतो अत्थो। व्यज्जनं पन तेन उग्गहितज्जेव निक्कुज्जितज्ज तथायेव भगवतो सन्तिके भासितत्ता।

मक्खलिगोसालवादवण्णना

१६८. उभयेनाति हेतुपच्चयपटिसेधवचनेन। “विज्जमानमेवा”ति इमिना सभावतो विज्जमानस्सेव पटिक्खिपने तस्स अज्जाणमेव कारणन्ति दस्सेति। संकिलेसपच्चयन्ति संकिलेस्सनस्स मलीनस्स कारणं। विसुद्धिपच्चयन्ति संकिलेसतो विसुद्धिया वोदानस्स पच्चयं। अत्तकारेति पच्चत्तवचनस्स ए-कारवसेन पदसिद्धि यथा “वनप्पगुम्बे यथा फुसितगे”ति, (खु० पा० १३; सु० नि० २३६) पच्चत्तत्थे वा भुम्मवचनं यथा “इदम्पिस्स होति सीलस्मि”न्ति, (दी० नि० १.१९४) तदेवत्थं दस्सेति “अत्तकारो”ति इमिना। सो च तेन तेन सत्तेन अत्तना कातब्बकम्मं, अत्तना निप्फादेतब्बपयोगो वा। तेनाह “येना”तिआदि। सब्बज्जुतन्ति सम्मासम्बोधिं। तन्ति अत्तना कतकम्मं। दुतियपदेनाति “नत्थि परकारे”ति पदेन। परकारो च नाम परस्स वाहसा इज्जनकपयोगो। तेन वुत्तं “यं परकार”न्तिआदि। ओवादानुसासनित्ति ओवादभूतमनुसासनिं, पठमं वा ओवादो, पच्छा अनुसासनी। “परकार”न्ति पदस्स उपलक्खणवसेन अत्थदस्सनज्जेतं, लोकुत्तरधम्मे परकारावस्सयो नत्थीति आह “उपेत्वा महासत्त”न्ति। अत्थेवेस लोकियधम्मे यथा तं अम्हाकं बोधिसत्तस्स आळारुदके निस्साय पज्वाभिज्जालोकियसमापत्तिलाभो, तज्ज पच्छिमभविकमहासत्तं सन्धाय वुत्तं, पच्चेकबोधिसत्तस्सपि एत्थेव सङ्गहो तेसम्पि तदभावतो। मनुस्ससोभयतन्ति मनुस्सेसु सुभगभावं। एवन्ति वुत्तप्पकारेन कम्मवादस्स, किरियवादस्स च पटिक्खिपनेन। जिनचक्केति “अत्थि भिक्खवे कम्मं कण्हं कण्हविपाक”न्तिआदि (अ० नि० १.४.२३२) नयप्पवत्ते कम्मानं, कम्मफलानज्ज अत्थितापरिदीपने बुद्धसासने। पच्चनीककथनं पहारदानसदिसन्ति “पहारं देति नामा”ति।

यथावुत्तअत्तकारपरकाराभावतो एव सत्तानं पच्चत्तपुरिसकारो नाम कोचि नत्थीति सन्धाय “**नत्थिपुरिसकारे**”ति तस्स पटिक्खिपनं दस्सेतुं “**येना**”तिआदि वुत्तं। “**देवत्तम्पी**”तिआदिना, “**मनुस्ससोभग्यत**”न्तिआदिना च **वुत्तप्पकारा**। “**बले पतिट्ठिता**”ति वत्वा वीरियमेविध बलन्ति दस्सेतुं “**वीरियं कत्वा**”ति वुत्तं। सत्तानज्झि दिट्ठधम्मिकसम्परायिक निब्बानसम्पत्तिआवहं वीरियबलं नत्थीति सो पटिक्खिपति, निदस्सनमत्तज्जेतं वोदानियबलस्स पटिक्खिपनं संकिलेसिकस्सापि बलस्स तेन पटिक्खिपनतो। यदि वीरियादीनि पुरिसकारवेवचनानि, अथ कस्मा तेसं विसुं गहणन्ति आह “**इदं नो वीरियेना**”तिआदि। **इदं नो वीरियेना**ति इदं फलं अम्हाकं वीरियेन पवत्तं। **पवत्तवचनपटिक्खेपकरणवसेना**ति अज्जेसं पवत्तवोहारवचनस्स पटिक्खेपकरणवसेन। वीरियथामपरक्कमसम्बन्धनेन पवत्तबलवादीनं वादस्स पटिक्खेपकरणवसेन “**नत्थि बल**”न्ति पदमिव सब्बानिपेतानि तेन आदीयन्तीति अधिप्पायो। तज्ज वचनीयत्थतो वुत्तं, वचनत्थतो पन तस्सा तस्सा किरियाय उस्सन्नहेन **बलं**। सूरवीरभावावहहेन **वीरियं**। तदेव दळ्ळभावतो, पोरिसधुरं वहन्तेन पवत्तेतब्बतो च **पुरिसथामो**। परं परं ठानं अक्कमनवसेन पवत्तिया **पुरिसपरक्कमो**ति वेदितब्बं।

रूपादीसु सत्तविसत्तताय **सत्ता**। अस्ससनपस्ससनवसेन पवत्तिया पाणनतो **पाणा**ति इमिना अत्थेन समानेपि पदद्वये एकिन्द्रियादिवसेन पाणे विभजित्वा सत्ततो विसेसं कत्वा एस वदतीति आह “**एकिन्द्रियो**”तिआदि। भवन्तीति **भूता**ति सत्तपाणपरियायेपि सति अण्डकोसादीसु सम्भवनहेन ततो विसेसाव, तेन वुत्ताति दस्सेति “**अण्ड...पे०... वदती**”ति इमिना। **वत्थिकोसो** गब्भासयो। जीवनतो पाणं धारेन्तो विय वहुनतो **जीवा**। तेनाह “**सालियवा**”तिआदि। **आदिसद्देन** विरुळ्ळधम्मा तिणरुक्खा गहिता। नत्थि एतेसं संकिलेसविसुद्धीसु वसो सामत्थियन्ति **अवसा**। तथा **अबला** **अवीरिया**। तेनाह “**तेस**”न्तिआदि। **नियता**ति नियमना, अछेज्जसुत्तावुत्तस्स अभेज्जमणिनो विय नियतप्पवत्तिताय गतिजातिबन्धापवग्गवसेन नियामोति अत्थो। **तत्थ** **तत्था**ति तासु तासु जातीसु। **छन्नं अभिजातीनं** सम्बन्धीभूतानं **गमनं** समवायेन समागमो। सम्बन्धीनिरपेक्खोपि भावसद्दो सम्बन्धीसहितो विय पकतियत्थवाचकोति आह “**सभावोयेवा**”ति, यथा कण्टकस्स तिक्खता, कपित्थफलादीनं परिमण्डलता, मिगपक्खीनं विचित्ताकारता च, एवं सब्बस्सापि लोकस्स हेतुपच्चयमन्तरेन तथा तथा परिणामो अकुत्तिमो सभावोयेवाति अत्थो। तेन वुत्तं “**येना**”तिआदि। परिणमनं नानप्पकारतापत्ति। **येना**ति सत्तपाणादिना। यथा भवितब्बं, तथेवातिसम्बन्धो।

छळभिजातियो परतो वित्थारीयिस्सन्ति । “सुखञ्च दुक्खञ्च पटिसंवेदेन्ती”ति वदन्तो मक्खलि अदुक्खमसुखभूमिं सब्बेन सब्बं न जानातीति वुत्तं “अज्जा अदुक्खमसुखभूमि नत्थीति दस्सेती”ति । अयं “सुखञ्च दुक्खञ्च पटिसंवेदेन्ती”ति वचनं करणभावेन गहेत्वा वुत्ता आचरियस्स मति । पोत्थकेसु पन “अज्जा सुखदुक्खभूमि नत्थीति दस्सेती”ति अयमेव पाठो दिट्ठो, न “अदुक्खमसुखभूमी”ति । एवं सति “छस्वेवाभिजातीसू”ति वचनं अधिकरणभावेन गहेत्वा छसु एव अभिजातीसु सुखदुक्खपटिसंवेदनं, न तेहि अज्जत्थ, तायेव सुखदुक्खभूमि, न तदज्जाति दस्सेतीति वुत्तन्ति वेदितब्बं । अयमेव च युत्ततरो पटिक्खेपितब्बस्स अत्थस्स भूमिवसेन वुत्तत्ता । यदि हि “सुखञ्च दुक्खञ्च पटिसंवेदेन्ती”ति वचनेन पटिक्खेपितब्बस्स दस्सनं सिया, अथ “अज्जा अदुक्खमसुखा नत्थी”ति दस्सेय्य, न “अदुक्खमसुखभूमी”ति दस्सनहेतुवचनस्स भूमिअत्थाभावतो । दस्सेति चेत्तं तासं भूमिया अभावमेव, तेन विज्जायति अयं पाठो, अयञ्चत्थो युत्ततरोति ।

पमुखयोनीनन्ति मनुस्सेसु खत्तियब्राह्मणादिवसेन, तिरच्छानादीसु सीहब्यग्घादिवसेन पधानयोनीनं, पधानता चेत्थ उत्तमता । तेनाह “**उत्तमयोनीन**”न्ति । **सट्ठि सतानी**ति छ सहस्सानि । “पञ्च च कम्मुनो सतानी”ति पदस्स अत्थदस्सनं “**पञ्च कम्मसतानि चा**”ति । “**एसेव नयो**”ति इमिना “केवलं तक्कमत्तकेन निरत्थकं दिट्ठिं दीपेती”ति इममेवत्थमतिदिसति । एत्थ च “**तक्कमत्तकेना**”ति वदन्तो यस्मा तक्किक्का अवस्सयभूततत्थत्थग्गहणअङ्कुसनयमन्तरेन निरङ्कुसताय परिकप्पनस्स यं किञ्चि अत्तना परिकप्पितं सारतो मज्जमाना तथेव अभिनिविस्स तत्थ च दिट्ठिगाहं गण्हन्ति, तस्मा न तेसं दिट्ठिवत्थुस्मिं विज्जूहि विचारणा कातब्बाति इममधिप्पायं विभावेति । **केची**ति उत्तरविहारवासिनो । **पज्जिन्द्रियवसेनाति** चक्खादिपज्जिन्द्रियवसेन । ते हि “चक्खुसोतघानजिह्वाकायसङ्घातानि इमानि पज्जिन्द्रियाणि ‘पञ्च कम्मानी’ति तिथिय पज्जपेन्ती”ति वदन्ति “कायवचीमनोकम्मानी च ‘तीणि कम्मानी’ति” । **कम्मन्ति लद्धी**ति तदुभयं ओळारिकत्ता परिपुण्णकम्मन्ति लद्धि । मनोकम्मं अनोळारिकत्ता उपह्कम्मन्ति लद्धीति योजना । “**द्वासट्ठि पटिपदा**”ति वत्तब्बे सभावनिरुत्तिं अजानन्तं “**द्वट्ठिपटिपदा**”ति वदतीति आह “**द्वासट्ठि पटिपदा**”ति । सदरचका पन “द्वासट्ठिया सलोपो, अत्तमा”ति वदन्ति, तदयुत्तमेव सभावनिरुत्तिया योगतो असिद्धत्ता । यदि हि सा योगेन सिद्धा अस्स, एवं सभावनिरुत्तियेव सिया, तथा च सति आचरियानं मतेन विरुज्झतीति वदन्ति । “**चुल्लासीति सहस्सानी**”तिआदिका पन अज्जत्र दिट्ठपयोगा सभावनिरुत्तियेव । दिस्सति हि **विसुद्धिमग्गादीसु** —

“चुल्लासीति सहस्सानि, कप्पा तिष्ठन्ति ये मरु।

न त्वेव तेपि तिष्ठन्ति, द्वीहि चित्तेहि समोहिता”ति।। (विसुद्धि० २.७१५;
महानि० १०, ३९)

एकस्मिं कप्पेति चतुन्नमसङ्ख्येय्यकप्पानं अज्जतरभूते एकस्मिं असङ्ख्येय्यकप्पे।
तथापि च विवट्टट्ठायीसज्जितं एकमेव सन्धाय **“द्वदन्तरकप्पा”**ति वुत्तं। न हि सो
अस्सुतसासनधम्मो इतरे जानाति बाहिरकानमविसयत्ता, अजानन्तो एवमाहाति अत्थो।

उरब्भे हनन्ति, हन्त्वा वा जीवितं कप्पेन्तीति **ओरब्भिका**। एस नयो
साकुणिकादीसुपि। **लुद्धाति** वुत्तावसेसका ये केचि चातुप्पदजीविका नेसादा।
मागविकपदस्मिञ्छि रोहितादिभिगजातियेव गहिता। बन्धनागारे नियोजेन्तीति **बन्धनागारिका**।
कुरुरकम्मन्ताति दारुणकम्मन्ता। **अयं** सब्बोपि कण्हकम्मपसुतताय **कण्हाभिजातीति** वदति
कण्हस्स धम्मस्स अभिजाति अब्भुप्पत्ति यस्साति कत्वा। **भिक्खूति** बुद्धसासने भिक्खू।
कण्टकेति छन्दरागे। सज्जोगवसेन तेसं पक्खिपनं। कण्टकसदिसछन्दरागेन सज्जुत्ता
भुज्जन्तीति हि अधिप्पायेन **“कण्टके पक्खिपित्वा”**ति वुत्तं। कस्माति चे? यस्मा “ते
पणीतपणीते पच्चये पटिसेवन्ती”ति तस्स मिच्छागाहो, तस्मा जायलद्धेपि पच्चये
भुज्जमाना आजीवकसमयस्स विलोमगाहिताय पच्चयेसु कण्टके पक्खिपित्वा खादन्ति
नामाति वदति **कण्टकवुत्तिकाति** कण्टकेन यथावुत्तेन सह जीविका। **अयञ्छिस्स पाळियेवाति**
अयं मक्खलिस्स वाददीपना अत्तना रचिता पाळियेवाति यथावुत्तमत्थं समत्थेति।
कण्टकवुत्तिका एव नाम **एके** अपरे **पब्बजिता** बाहिरका सन्ति, ते नीलाभिजातीति
वदतीति अत्थो। ते हि सविसेसं अत्तकिलमथानुयोगमनुयुत्ता। तथा हि ते कण्टके वत्तन्ता
विय भवन्तीति **कण्टकवुत्तिकाति** वुत्ता। नीलस्स धम्मस्स अभिजाति यस्साति **नीलाभिजाति**।
एवमितरेसुपि।

अम्हाकं सज्जोजनगण्ठो नत्थीति वादिनो बाहिरकपब्बजिता **निगण्ठा**। एकमेव
साटकं परिदहन्ता **एकसाटका**। कण्हतो परिसुद्धो नीलो, ततो पन लोहितोतिआदिना
यथाक्कमं तस्स परिसुद्धं वादं दस्सेतुं **“इमे किरा”**तिआदि वुत्तं। **पण्डरतराति**
भुज्जननहानपटिक्खेपादिवतसमायोगेन परिसुद्धतरा कण्हनीलमुपादाय लोहितस्सापि
परिसुद्धभावेन वत्तब्बतो। **ओदातवसनाति** ओदातवत्थपरिदहना। **अचेलकसावकाति**
आजीवकसावकभूता। ते **किर** आजीवकलद्धिया विसुद्धचित्तताय निगण्ठेहिपि **पण्डरतरा**

हलिद्वाभानम्यि पुरिमे उपादाय परिसुद्धभावप्पत्तितो । “एव”न्तिआदिना तस्स छन्दागमनं दस्सेति । नन्दादीनं सावकभूता पब्बजिता **आजीवका** । तथा **आजीवकिनियो** । नन्दादयो किर तथारूपं आजीवकपटिपत्तिं उक्कंसं पापेत्वा ठिता, तस्मा निगण्ठेहि आजीवकसावकेहि पब्बजितेहि पण्डरतरा वुत्ता परमसुक्काभिजातीति अयं तस्स लद्धि ।

पुरिसभूमियोति पधाननिद्देसो । इत्थीनम्यि हेता भूमियो एस इच्छतेव । सत्त दिवसेति अच्चन्तसञ्जोगवचनं, एत्तकम्यि मन्दा मोमूहाति । **सम्बाधद्धानतो**ति मातुकुच्छिं सन्धायाह । **रोदन्ति चेव विरवन्ति च** तमनुस्सरित्वा । खेदनं, कीळनञ्च खिड्ढासद्देनेव सङ्गहेत्वा **खिड्ढाभूमि** वुत्ता । पदस्स निक्खिपनं **पदनिक्खिपनं** । यदा तथा पदं निक्खिपितुं समत्थो, तदा **पदवीमंसभूमि** नामाति भावो । वतावतस्स जाननकाले । **भिक्षु च पन्नको**तिआदिपि तेसं बाहिरकानं पाळियेव । तत्थ **पन्नको**ति भिक्षाय विचरणको, तेसं वा पटिपत्तिया पटिपन्नको । **जिनो**ति जिण्णो जरावसेन हीनधातुको, अत्तनो वा पटिपत्तिया पटिपक्खं जिनित्वा ठितो । सो किर तथाभूतो धम्मम्यि कस्सचि न कथेसि । तेनाह “**न किञ्चि आहा**”ति । ओड्डवदनादिविप्पकारे कतेपि खमनवसेन न किञ्चि कथेतीतिपि वदन्ति । **अलाभन्ति** “सो न कुम्भिमुखा पटिगण्हाती”तिआदिना नयेन महासीहनादसुत्ते (दी० नि० १.३९४; म० नि० १.१५५) वुत्तअलाभहेतुसमायोगेन अलाभिं । ततोयेव जिघच्छादुब्बलपरेतताय सयनपरायनद्देन **समणं पन्नभूमीति** वदति ।

आजीववुत्तिसतानीति सत्तानमाजीवभूतानि जीविकावुत्तिसतानि । “परिब्बाजकसतानी”ति वुच्चमानेपि चेस सभावलिङ्गमजानन्तो “**परिब्बाजकसते**” ति वदति । एवमञ्जेसुपि । तेनाह “**परिब्बाजकपब्बज्जासतानी**”ति । नागभवनं **नागमण्डलं** यथा “**महिसकमण्डलं**”न्ति । परमाणुआदि **रजो** । **पसुग्गहणेन** एलकजाति गहिता । **मिगग्गहणेन** रुरुगवयादि मिगजाति । **गण्ठिम्हीति** फलुम्हि, पब्बेति अत्थो । चातुमहाराजिकादिब्रह्मकायिकादिवसेन, तेसञ्च अन्तरभेदवसेन **बहू देवा** । तत्थ चातुमहाराजिकानं एकच्चअन्तरभेदो **महासमयसुत्तेन** (दी० नि० २.३३१) दीपेतब्बो । “**सो पना**”तिआदिना अजानन्तो पनेस बहू देवेपि सत्त एव वदतीति तस्स अप्पमाणतं दस्सेति । **मनुस्सापि अनन्ता**ति दीपदेसकुलवंसाजीवादिविभागवसेन । पिसाचा एव **पेसाचा**, ते अपरपेतादिवसेन **महन्तमहन्ता**, बहुतराति अत्थो । बाहिरकसमये पन “छद्दन्तदहमन्दाकिनियो कुवाळियमुचलिन्दनामेन वोहरिता”ति (दी० नि० टी० १.१६८) आचरियेन वुत्तं ।

गण्टिकाति पब्बगण्टिका । पब्बगण्टिम्हि हि पवुटसद्दो । महापपाताति महातटा । पारिसेसनयेन खुदकपपातसतानि । एवं सुपिनेसुपि । “महाकप्पिनो”ति इदं “महाकप्पान”न्ति अत्थतो वेदितब्बं । सद्दतो पनेस अजानन्तो एवं वदतीति न विचारणक्खमं । तथा “चुल्लासीति सतसहस्सानी”ति इदम्पि । सो हि “चतुरासीति सतसहस्सानी”ति वत्तुमसक्कोन्तो एवं वदति । सद्दरचका पन “चतुरासीतिया तुलोपो, चस्स चु, रस्स लो, द्वित्तज्वा”ति वदन्ति । एतका महासराति एतप्पमाणवता महासरतो, सत्तमहासरतोति वुत्तं होति । किराति तस्स वादानुस्सवने निपातो । पण्डितोपि...पे०... न गच्छति, कस्मा ? सत्तानं संसरणकालस्स नियतभावतो ।

“अचेलकवतेन वा अज्जेन वा येन केनची”ति वुत्तमतिदिसति “तादिसेनेवा”ति इमिना । तपोकम्मेनाति तपकरणेन । एत्थापि “तादिसेनेवा”ति अधिकारो । यो...पे०... विसुज्झति, सो अपरिपक्कं कम्मं परिपाचेति नामाति योजना । अन्तराति चतुरासीतिमहाकप्पसतसहस्सानमब्भन्तरे । फुस्स फुस्साति पत्वा पत्वा । वुत्तपरिमाणं कालन्ति चतुरासीतिमहाकप्पसतसहस्सपमाणं कालं । इदं वुत्तं होति – अपरिपक्कं संसरणनिमित्तं कम्मं सीलादिना सीधंयेव विसुद्धप्पत्तिया परिपाचेति नाम । परिपक्कं कम्मं फुस्स फुस्स कालेन परिपक्कभावानापादनेन ब्यन्तिं विगमनं करोति नामाति । दोणेनाति परिमिननदोणतुम्बेन । रूपकवसेनत्थो लब्धतीति वुत्तं “मितं विया”ति । न हापनवट्ठनं पण्डितबालवसेनाति दस्सेति “न संसारो”तिआदिना । वट्ठनं उक्कंसो । हापनं अवकंसो ।

कतसुत्तगुळेति कतसुत्तवट्ठियं । पलेतीति परेति यथा “अभिसम्परायो”ति, (महानि० ६९; चूलनि० ८५; पटि० म० ३.४) र-कारस्स पन ल-कारं कत्वा एवं वुत्तं यथा “पलिबुद्धो”ति (चूलनि० १५; मि० प० ३.६) । सो च चुरादिगणवसेन गतियन्ति वुत्तं “गच्छती”ति । इमाय उपमाय चेस सत्तानं संसारो अनुक्कमेन खीयतेव, न वट्ठति परिच्छिन्नरूपत्ताति इममत्थं विभावेतीति आह “सुत्ते खीणे”तिआदि । तत्थेवाति खीयनट्ठानेयेव ।

अजितकेसकम्बलवादवण्णना

१७१. दिन्नन्ति देय्यधम्मसीसेन दानचेतनायेव वुत्ता । तंमुखेन च फलन्ति दस्सेति “दिन्नस्स फलाभाव”न्ति इमिना । दिन्नजिह्वा मुख्यतो अन्नादिवत्थु, तं कथमेस

पटिक्खिपिस्सति । एस नयो **यिट्ठं हुतन्ति** एत्थापि । सब्बसाधारणं महादानं **महायागो** । पाहुनभावेन कत्तब्बसक्कारो **पाहुनकसक्कारो** । **फलन्ति** आनिसंसफलं, निस्सन्दफलञ्च । **विपाको**ति सदिसफलं । चतुरङ्गसमन्नागते दाने ठानन्तरादिपत्ति विय हि आनिसंसो, **सङ्घब्राह्मणस्स** दाने (जा० १.१०.३९) ताणलाभमत्तं विय निस्सन्दो, पटिसन्धिसङ्घातं सदिसफलं विपाको । **अयं लोको, परलोको**ति च कम्मुना लद्धब्बो वुत्तो फलाभावमेव सन्धाय पटिक्खिपनतो । पच्चक्खदिट्ठो हि लोको कथं तेन पटिक्खित्तो सिया । “**सब्बे तत्थ तत्थेव उच्छिज्जन्ती**”ति इमिना कारणमाह, यत्थ यत्थ भवयोनिआदीसु ठिता इमे सत्ता, तत्थ तत्थेव उच्छिज्जन्ति, निरुदयविनासवसेन विनस्सन्तीति अत्थो । **तेसू**ति मातापितूसु । **फलाभाववसेनेव वदति**, न मातापितूनं, नापि तेसु इदानी करियमानसक्कारासक्कारानमभाववसेन तेसं लोके पच्चक्खत्ता । पुब्बुलस्स विय इमेसं सत्तानं उप्पादो नाम केवलो, न चवित्वा आगमनपुब्बको अत्थीति दस्सनत्थं “**नत्थि सत्ता ओपपातिका**”ति वुत्तन्ति आह “**चवित्वा उपपज्जनका सत्ता नाम नत्थी**”ति । समणेन नाम याथावतो जानन्तेन कस्सचि अकथेत्वा सज्जतेन भवितब्बं, अज्जथा अहोपुरिसिका नाम सिया । किञ्चि परो परस्स करिस्सति, तथा च अत्तनो सम्पादनस्स कस्सचि अवस्सयो एव न सिया तत्थ तत्थेव उच्छिज्जनतोति इममत्थं सन्धाय “**ये इमञ्च...पे०... पवेदेन्ती**”ति आह । अयं अट्ठकथावसेसको अत्थो ।

चतूसु महाभूतेसु नियुत्तो **चातुमहाभूतिको**, अत्थमत्ततो पन दस्सेतुं “**चतुमहाभूतमयो**”ति वुत्तं । यथा हि मत्तिकाय निब्बत्तं भाजनं मत्तिकामयं, एवमयम्पि चतूहि महाभूतेहि निब्बत्तो चतुमहाभूतमयोति वुच्चति । **अज्झत्तिकपथवीधातू**ति सत्तसन्तानगता पथवीधातु । **बाहिरपथवीधातु**न्ति बहिद्धा महापथविं, तेन पथवीयेव कायोति दस्सेति । **अनुगच्छती**ति अनुबन्धति । **उभयेनापी**ति पदद्वयेनपि । **उपेति उपगच्छती**ति बाहिरपथविकायतो तदेकदेसभूता पथवी आगन्त्वा अज्झत्तिकभावप्पत्ति हुत्वा सत्तभावेन सण्ठिता, सा च महापथवी घटादिगतपथवी विय इदानी तमेव बाहिरं पथविकायं समुदायभूतं पुन उपेति उपगच्छति, सब्बसो तेन बाहिरपथविकायेन निब्बिसेसत्तं एकीभावमेव गच्छतीति अत्थो । **आपादीसुपि एसेव नयो**ति एत्थ पज्जुन्नेन महासमुद्गतो गहितआपो विय वस्सोदकभावेन पुनपि महासमुद्दं, सूरियरंसितो गहितइन्दग्गिसङ्घाततेजो विय पुनपि सूरियरंसिं, महावायुक्खन्धतो निग्गतमहावातो विय पुनपि महावायुक्खन्धं उपेति उपगच्छतीति परिकप्पनामत्तेन दिट्ठिगतिकस्स अधिप्पायो ।

मनच्छद्धानि इन्द्रियानीति मनमेव छट्ठं येसं चक्खुसोतघानजिह्वाकायानं, तानि इन्द्रियानि। आकासं पक्खन्दन्ति तेसं विसयभावाति वदन्ति। विसयीगहणेन हि विसयापि गहिता एव होन्ति। कथं गणिता मञ्चपञ्चमाति आह “मञ्चो चेव...पे०... अत्थो”ति। आळाहनं सुसानन्ति अत्थतो एकं। गुणागुणपदानीति गुणदोसकोट्टासानि। सरीरमेव वा पदानि तंतंकिरियाय पज्जितव्वतो। पारावतपक्खिवर्णानीति पारावतस्स नाम पक्खिनो वर्णानि। “पारावतपक्खिवर्णानी”ति पाठो, पारावतसकुणस्स पत्तवर्णानीति अत्थो। भम्मन्ताति छारिकापरियन्ता। तेनाह “छारिकावसानमेवा”ति। आहुतिसद्देनेत्थ “दिन्नं यिट्ठं हुत”न्ति वुत्तप्पकारं दानं सब्बम्पि गहितन्ति दस्सेति “पाहुनकसक्कारादिभेदं दिन्नदान”न्ति इमिना, विरूपेकसेसनिद्देसो वा एस। अत्थोति अधिप्पायतो अत्थो सद्दतो तस्स अनधिगमितत्ता। एवमीदिसेसु। दब्बन्ति मुहन्तीति दत्तू, बालपुगला, तेहि दत्तूहि। किं वुत्तं होतीति आह “बाला देन्ती”तिआदि। पाळियं “लोको अत्थी”ति मति येसं ते अत्थिका, “अत्थी”ति चेदं नेपातिकपदं, तेसं वादो अत्थिकवादो, तं अत्थिकवादं।

तत्थाति तेसु यथावुत्तेसु तीसु मिच्छावादीसु। कम्मं पटिबाहति अकिरियवादिभावतो। विपाकं पटिबाहति सब्बेन सब्बं आयति उपपत्तिया पटिक्खिपनतो। विपाकन्ति च आनिसंसनिस्सन्दसदिसफलवसेन तिविधम्पि विपाकं। उभयं पटिबाहति सब्बसो हेतुपटिसेधनेनेव फलस्सापि पटिसेधितत्ता। उभयन्ति च कम्मं विपाकम्पि। सो हि “अहेतू अप्पच्चया सत्ता संकिलिस्सन्ति, विसुज्झन्ति चा”ति वदन्तो कम्मस्स विय विपाकस्सापि संकिलेसविसुद्धीनं पच्चयत्ताभावजोतनतो तदुभयं पटिबाहति नाम। विपाको पटिबाहितो होति असति कम्मस्मिं विपाकाभावतो। कम्मं पटिबाहितं होति असति विपाके कम्मस्स निरत्थकतापत्तितो। इतीति वुत्तत्थनिदस्सनं! अत्थतोति सरूपतो, विसुं विसुं तंतंदिट्ठिदीपकभावेन पाळियं आगतापि तदुभयपटिबाहकावाति अत्थो। पच्च्वेकं तिविधदिट्ठिका एव ते उभयपटिबाहकत्ता। “उभयपटिबाहका”ति हि हेतुवचनं हेतुगम्भत्ता तस्स विसेसनस्स। अहेतुकवादा चेवातिआदि पटिज्जावचनं तप्फलभावेन निच्छितत्ता। तस्मा विपाकपटिबाहकत्ता नत्थिकवादा, कम्मपटिबाहकत्ता अकिरियवादा, तदुभयपटिबाहकत्ता अहेतुकवादाति यथालाभं हेतुफलतासम्बन्धो वेदितव्वो। यो हि विपाकपटिबाहनेन नत्थिकदिट्ठिको उच्छेदवादी, सो अत्थतो कम्मपटिबाहनेन अकिरियदिट्ठिको, उभयपटिबाहनेन अहेतुकदिट्ठिको च होति। सेसद्वयेपि एसेव नयो।

“ये वा पना”तिआदिना तेसमनुदिट्ठिकानं नियामोक्कन्तिविनिच्छयो वुत्तो। तत्थ

तेसन्ति पूरणादीनं। सज्जायन्तीति तं दिट्ठिदीपकं गन्थं यथा तथा तेहि कतं उग्गहेत्वा पठन्ति। वीमंसन्तीति तस्स अत्थं विचारेन्ति। “तेस”न्तिआदि वीमंसनाकारदस्सनं। “करोतो...पे०... उच्छिज्जती”ति एवं वीमंसन्तानं तेसन्ति सम्बन्धो। तस्मिं आरम्भणेति यथापरिकप्पिते कम्मफलाभावादिके “करोतो न करीयति पाप”न्तिआदि नयप्पवत्ताय मिच्छादस्सनसङ्घाताय लद्धिया आरम्भणे। मिच्छासति सन्तिइतीति मिच्छासतिसङ्घाता लद्धिसहगता तण्हा सन्तिइति। “करोतो न करीयति पाप”न्तिआदिवसेन हि अनुस्सवूपलद्धे अत्थे तदाकारपरिवितक्कनेहि सविग्गहे विय सरूपतो चित्तस्स पच्चुपट्टिते चिरकालपरिचयेन “एवमेत”न्ति निज्झानक्खमभावूपगमने, निज्झानक्खन्तिया च तथा तथा गहिते पुनप्पुनं तथैव आसेवन्तस्स बहुलीकरोन्तस्स मिच्छावितक्केन समानीयमाना मिच्छावायामुपत्थम्भिता अतंसभावम्पि “तंसभाव”न्ति गणहन्ती मिच्छालद्धिसहगता तण्हा मुसा वितथं सरणतो पवत्तनतो मिच्छासतीति वुच्चति। चतुरङ्गुत्तरटीकायम्पि (अ० नि० अट्ठ० २.४.३०) चेस अत्थो वुत्तोयेव। मिच्छासङ्गप्पादयो विय हि मिच्छासति नाम पाटियेक्को कोचि धम्मो नत्थि, तण्हासीसेन गहितानं चतुन्नम्पि अकुसलक्खन्धानमेतं अधिवचनन्ति मज्झिमागमट्ठकथायम्पि सल्लेखसुत्तवण्णनायं (म० नि० अट्ठ० १.८३) वुत्तं।

चित्तं एकगं होतीति यथासकं वितक्कादिपच्चयलभेन तस्मिं आरम्भणे अवड्डितताय अनेकगतं पहाय एकगं अप्पितं विय होती, चित्तसीसेन चेत्य मिच्छासमाधि एव वुत्तो। सो हि पच्चयविसेसेहि लद्धभावनाबलो ईदिसे ठाने समाधानपतिरूपककिच्चकरोयेव होति वालविज्झनादीसु वियाति दट्ठब्बं। जवनानि जवन्तीति अनेकक्खत्तुं तेनाकारेन पुब्बभागियेसु जवनवारेसु पवत्तेसु सन्निट्ठानभूते सब्बपच्छिमे जवनवारे सत्त जवनानि जवन्ति। “पठमजवने सतेकिच्छा होन्ति, तथा दुतियादीसू”ति इदं धम्मसभावदस्सनमेव, न पन तस्मिं खणे तेसं तिकिच्छा केनचि सक्का कातुन्ति दस्सनं तेस्वेव ठत्वा सत्तमजवनस्स अवस्समुप्पज्जमानस्स निवत्तितुं असक्कुण्यत्ता, एवं लहुपरिवत्ते च चित्तवारे ओवादानुसासन वसेन तिकिच्छाय असम्भवतो। तेनाह “बुद्धानम्पि अतेकिच्छा अनिवत्तिनो”ति। अरिट्ठकण्टकसदिसाति अरिट्ठभिक्षुकण्टकसामणेरसदिसा, ते विय अतेकिच्छा अनिवत्तिनो मिच्छादिट्ठिगतिकायेव जाताति वुत्तं होति।

तत्थाति तेसु तीसु मिच्छादस्सनेसु। कोचि एकं दस्सनं ओक्कमतीति यस्स एकस्मियेव अभिनिवेशो, आसेवना च पवत्ता, सो एकमेव दस्सनं ओक्कमति। कोचि द्वे, कोचि तीणिपीति यस्स द्वीसु, तीसुपि वा अभिनिवेशो, आसेवना च पवत्ता, सो

द्वे, तीणिपि ओक्कमति, एतेन पन वचनेन या पुब्बे “इति सब्बेपेते अत्थतो उभयप्पटिबाहका”तिआदिना उभयप्पटिबाहकतामुखेन दीपिता अत्थतो सिद्धा सब्बदिट्ठिकता, सा पुब्बभागिया। या पन मिच्छत्तनियामोक्कन्तिभूता, सा यथासकं पच्चयसमुदागमसिद्धितो भिन्नारम्भणानं विय विसेसाधिगमानं एकज्झं अनुप्पत्तिया अज्जमज्जं अब्बोकिण्णा एवाति दस्सेति। “**एकस्मिं ओक्कन्तेपी**”तिआदिना तिस्सन्नम्पि दिट्ठीनं समानसामत्थियतं, समानफलतज्ज विभावेति। सग्गावरणादिना हेता समानसामत्थिया चेव समानफला च, तस्मा तिस्सोपि चेता एकस्स उप्पन्नापि अब्बोकिण्णा एव, एकाय विपाके दिन्ने इतरा तस्सा अनुबलप्पदायिकायोति दट्ठब्बं। “**पत्तो सग्गमग्गावरणज्जेवा**”तिआदिं वत्वा “**अभब्बो**”तिआदिना तदेवत्थं आविकरोति। **मोक्खमग्गावरणन्ति** निब्बानपथभूतस्स अरियमग्गस्स निवारणं। **पगेवा**ति पटिक्खेपत्थे निपातो, मोक्खसङ्घातं पन निब्बानं गन्तुं का नाम कथाति अत्थो। अपिच **पगेवा**ति पा एव, पठमतरमेव मोक्खं गन्तुमभब्बो, मोक्खगमनतोपि दूरतरमेवाति वुत्तं होति। एवमज्जत्थापि यथारहं।

“**वट्ठखाणु नामेस सत्तो**”ति इदं वचनं नेय्यत्थमेव, न नीतत्थं। तथा हि वुत्तं **पपज्जसूदनियं** नाम **मज्झिमागमद्वकथायं** “किं पनेस एकस्मिंयेव अत्तभावे नियतो होति, उदाहु अज्जस्मिम्पीति ? एकस्मिंयेव नियतो, आसेवनवसेन पन भवन्तरेपि तं तं दिट्ठिं रोचेतियेवा”ति (म० नि० अट्ठ० ३.१०३)। अकुसलज्झि नामेतं अबलं दुब्बलं, न कुसलं विय सबलं महाबलं, तस्मा “एकस्मिंयेव अत्तभावे नियतो”ति तत्थ वुत्तं। अज्जथा सम्पत्तनियामो विय मिच्छत्तनियामोपि अच्चन्तिको सिया, न च अच्चन्तिको। यदेवं वट्ठखाणुजोतना कथं युज्जेय्याति आह “आसेवनवसेना”तिआदि, तस्मा यथा **सत्तङ्गुत्तरपाळियं** “सकिं निमुग्गोपि निमुग्गो एव बालो”ति [अ० नि० २.७.१५ (अत्थतो समानं)] वुत्तं, एवं वट्ठखाणुजोतनापि वुत्ता। यादिसे हि पच्चये पटिच्च अयं तं तं दस्सनं ओक्कन्तो, पुन कदाचि तप्पटिपक्खे पच्चये पटिच्च ततो सीसुक्खिपनमस्स न होतीति न वत्तब्बं। तस्मा तत्थ, (म० नि० अट्ठ० ३.१०२) इध च अट्ठकथायं “**एवरूपस्स हि येभुय्येन भवतो वुट्ठानं नाम नत्थी**”ति येभुय्यगहणं कतं, इति आसेवनवसेन भवन्तरेपि तंतंदिट्ठिया रोचनतो येभुय्येनस्स भवतो वुट्ठानं नत्थीति कत्वा वट्ठखाणुको नामेस जातो, न पन मिच्छत्तनियामस्स अच्चन्तिकतायाति नीहरित्वा जातब्बत्थताय नेय्यत्थमिदं, न नीतत्थन्ति वेदितब्बं। यं सन्धाय **अभिधम्मोपि** “अरहा, ये च पुथुज्जना मग्गं न पटिलभिस्सन्ति, ते रूपक्खन्धज्ज न परिजानन्ति, वेदनाक्खन्धज्ज न

परिजानिस्सन्ती'तिआदि (यम० १.खन्धयमक २१०) वुत्तं । पथविगोपकोति यथावुत्तकारणेन पथविपालको । तदर्थं समथेतुं “येभुयेना”तिआदि वुत्तं ।

एवं मिच्छादिद्विया परमसावज्जानुसारेण सोतूनं सतिमुप्पादेन्तो “तस्मा”तिआदिमाह । तत्थ तस्माति यस्मा एवं संसारखाणुभावस्सापि पच्चयो अपण्णकजातो, तस्मा परिवज्जेय्याति सम्बन्धो । अकल्याणजनन्ति कल्याणधम्मविरहितजनं असाधुजनं । आसीविसन्ति आसुमागतहलाहलं । भूतिकामोति दिट्ठधम्मिकसम्परायिकपरमत्थानं वसेन अत्तनो गुणेहि वुट्ठिकामो । विचक्खणोति पज्जाचक्खुना विविधत्थस्स पस्सको, धीरोति अत्थो ।

पकुधकच्चायनवादवण्णना

१७४. “अकटा”ति एत्थ त-कारस्स ट-कारादेसोति आह “अकता”ते, समेन, विसमेन वा केनचिपि हेतुना अकता, न विहिताति अत्थो । तथा अकटविधाति एत्थापि । नत्थि कतविधो करणविधि एतेसन्ति अकटविधा । पदद्वयेनापि लोके केनचि हेतुपच्चयेन नेसं अनिब्बत्तभावं दस्सेति । तेनाह “एवं करोही”तिआदि । इद्धियापि न निम्मिताति कस्सचि इद्धिमतो चेतोवसिप्पत्तस्स पुग्गलस्स, देवस्स, इस्सरादिनो च इद्धियापि न निम्मिता । अनिम्मापिताति कस्सचि अनिम्मापिता । कामं सहतो युत्तं, अत्थतो च पुरिमेन समानं, तथापि पाळियमट्ठकथायञ्च अनागतमेव अगहेतब्बभावे कारणन्ति दस्सेति “तं नेव पाळिय”न्तिआदिना ।

ब्रह्मजालसुत्तसंवण्णनायं (दी० नि० अट्ठ० १.३०) वुत्तत्थमेव । इदमेत्थ योजनामत्तं – वज्झाति हि वज्झपसुवज्झतालादयो विय अफला कस्सचि अजनका, तेन पथविकायादीनं रूपादिजनकभावं पटिक्खपति । रूपसद्दादयो हि पथविकायादीहि अप्पटिबद्धवुत्तिकाति तस्स लद्धि । पब्बतस्स कूटमिव ठिताति कूटडा, यथा पब्बतकूटं केनचि अनिब्बत्तितं कस्सचि च अनिब्बत्तकं, एवमेतेपि सत्तकायाति अधिष्पायो । यमिदं “बीजतो अङ्कुरादि जायती”ति वुच्चति, तं विज्जमानमेव ततो निक्खमति, न अविज्जमानं, इतरथा अज्जतोपि अज्जस्स उपलद्धि सिया, एवमेतेपि सत्तकाया, तस्मा एसिकट्ठायिड्ठिताति । ठितत्ताति निब्बिकारभावेन सुप्पतिठितत्ता । न चलन्तीति न विकारमापज्जन्ति । विकाराभावतो हि तेसं सत्तन्नं कायानं एसिकट्ठायिड्ठितता, अनिज्जनञ्च अत्तनो पकतिया अवट्ठानमेव । तेनाह “न विपरिणमन्ती”ति । पकतिन्ति

सभावं । अविपरिणामधम्मत्ता एव न अज्जमज्जं उपहनन्ति । सति हि विकारमापादेतब्बभावे उपघातकता सिया, तथा अनुग्गहेतब्बभावे सति अनुग्गाहकतापीति तदभावं दस्सेतुं पाळियं “नाल”न्तिआदि वुत्तं । पथवीयेव कायेकदेसत्ता पथविकायो यथा “समुद्दो दिट्ठो”ति, पथविसमूहो वा कायसद्वस्स समूहवाचकत्ता यथा “हत्थिकायो”ति । जीवसत्तमानं कायानं निच्चताय निब्बिकारभावतो न हन्तब्बता, न घातेतब्बता च, तस्मा नेव कोचि हन्ता, घातेता वा अत्थीति दस्सेतुं पाळियं “सत्तन्नं त्वेव कायान”न्तिआदि वुत्तं । यदि कोचि हन्ता नत्थि, कथं तेसं सत्थप्पहारोति तत्थ चोदनायाह “यथा”तिआदि । तत्थ सत्तन्नं त्वेवाति सत्तन्नमेव । इतिसद्दो हेत्थ निपातमत्तं । पहतन्ति पहरितं । एकतोधारादिकं सत्थं । अन्तरेनेव पविसति, न तेसु । इदं वुत्तं होति – केवलं “अहं इमं जीविता वोरोपेमी”ति तेसं तथा सज्जामत्तमेव, हननघातनादि पन परमत्थतो नत्थेव कायानं अविकोपनीयभावतोति ।

निगण्ठनाटपुत्तवादवण्णना

१७७. चत्तारो यामा भागा चतुयामं, चतुयामं एव चातुयामं । भागत्यो हि इध याम-सद्दो यथा “रत्तिया पठमो यामो”ति (सं० नि० अट्ठ० ३.३६८) । सो पनेत्थ भागो संवरलक्खितोति आह “चतुकोट्ठासेन संवरेन संवुतो”ति, संयमत्थो वा यामसद्दो यमनं सज्जमनं यामोति कत्वा । “यत्तत्तो”तिआदीसु विय हि अनुपसग्गोपि सउपसग्गो विय सज्जमत्थवाचको, सो पन चतूहि आकारेहीति आह “चतुकोट्ठासेन संवरेना”ति । आकारो कोट्ठासोति हि अत्थतो एकं । वारितो सब्बवारि यस्सायं सब्बवारिवारितो यथा “अग्याहितो”ति । तेनाह “वारितसब्बउदको”ति । वारिसद्देन चेत्थ वारिपरिभोगो वुत्तो यथा “रत्तूपरतो”ति । पटिक्खितो सब्बसीतोदको तप्परिभोगो यस्साति तथा । तन्ति सीतोदकं । सब्बवारियुत्तोति संवरलक्खणमत्तं कथितं । सब्बवारिधुत्तोति पापनिज्जरलक्खणं । सब्बवारिफुटोति कम्मक्खयलक्खणन्ति इममत्थं दस्सेन्तो “सब्बेना”तिआदिमाह, सब्बेन पापवारणेन युत्तोति हि सब्बप्पकारेण संवरलक्खणेन पापवारणेन समन्नागतो । धुतपापोति सब्बेन निज्जरलक्खणेन पापवारणेन विधुतपापो । फुट्ठोति अट्ठन्नप्पि कम्मानं खेपनेन मोक्खप्पत्तिया कम्मक्खयलक्खणेन सब्बेन पापवारणेन फुट्ठो, तं पत्वा ठितोति अत्थो । “द्वेयेव गतियो भवन्ति, अनज्जा”तिआदीसु (दी० नि० १.२५८; २.३४; ३.१९९, २००; म० नि० २.३८४, ३९८) विय गमुसद्दो निट्ठानत्थोति वुत्तं “कोटिप्पत्तचित्तो”ति, मोक्खाधिगमेन उत्तममरियादप्पत्तचित्तोति अत्थो । कायादीसु इन्द्रियेसु संयमेतब्बस्स

अभावतो संयतचित्तो। अतीते हेत्थ त-सद्दो। संयमेतब्बस्स अवसेसस्स अभावतो सुण्णतिट्ठितचित्तो। किञ्चि सासनानुलोमन्ति पापवारणं सन्धाय वुत्तं। असुद्धलद्धितायाति “अत्थि जीवो, सो च सिया निच्चो, सिया अनिच्चो”ति (दी० नि० टी० १.१७७)। एवमादिमलीनलद्धिताय। सब्बाति कम्मपकतिविभागादिविसयापि सब्बा निज्झानक्खन्तियो। दिट्ठियेवाति मिच्छादिट्ठियो एव जाता।

सञ्चयबेलट्टपुत्तवादवण्णना

१७९-१८१. अमराविक्खेपे वुत्तनयो एवाति ब्रह्मजाले अमराविक्खेपवादवण्णनायं (दी० नि० अट्ठ० १.६१) वुत्तनयो एव। कस्मा? विक्खेपब्याकरणभावतो, तथेव च तत्थ विक्खेपवादस्स आगतत्ता।

पठमसन्दिट्ठिकसामज्जफलवण्णना

१८२. पीळेत्वाति तेलयन्तेन उप्पीळेत्वा, इमिना रज्जो आभोगमाह। वदतो हि आभोगवसेन सब्बत्थ अत्थनिच्छयो। अट्ठकथाचरिया च तदाभोगज्जू, परम्पराभतत्थस्साविरोधिनी च, तस्मा सब्बत्थ यथा तथा वचनोकासलद्धभावमत्तेन अत्थो न वुत्तो, अथ खो तेसं वत्तुमिच्छितवसेनाति गहेतब्बं, एवञ्च कत्वा तत्थ तत्थ अत्थुद्धारादिवसेन अत्थविवेचना कताति।

१८३. यथा ते रुच्चेय्याति इदानी मया पुच्छियमानो अत्थो यथा तव चित्ते रुच्चेय्य, तथा चित्ते रुच्चेयाति अत्थो। कम्मत्थे हेतं किरियापदं। मया वा दानि पुच्छियमानमत्थं तव सम्पदानभूतस्स रोचेय्यातिपि वट्ठति। घरदासिया कुच्छिस्मिं जातो अन्तोजातो। धनेन कीतो धनक्कीतो। बन्धग्गाहगहितो करमरानीतो। साममेव येन केनचि हेतुना दासभावमुपगतो सामंदासब्योपगतो। सामन्ति हि सयमेव। दासब्यन्ति दासभावं। कोचि दासोपि समानो अलसो कम्मं अकरोन्तो “कम्मकारो”ति न वुच्चति, सो पन न तथाभूतोति विसेसनमेतन्ति आह “अनलसो”तिआदि। दूरतोति दूरदेसतो आगतं। पठममेवाति अत्तनो आसन्नतरट्ठानुपसङ्कमनतो पगेव पुरेतरमेव। उट्ठहतीति गारववसेन उट्ठहित्वा तिट्ठति, पच्चुट्ठातीति वा अत्थो। पच्छाति सामिकस्स निपज्जाय पच्छ। सयनतो अवुट्ठितेति रत्तिया विभायनवेलाय सेय्यतो अवुट्ठिते। पच्चूसकालतोति अतीतरत्तिया

पचूसकालतो । याव सामिनो रत्तिं निद्वोक्कमनन्ति अपराय भाविनिया रत्तिया पदोसवेलायं याव निद्वोक्कमनं । या अतीतरत्तिया पचूसवेला, भाविनिया च पदोसवेला, एत्थन्तरे सब्बकिच्चं कत्वा पच्छा निपततीति वुत्तं होति । किं कारमेवाति किं करणीयमेव किन्ति पुच्छाय कातब्बतो, पुच्छित्वा कातब्बवेय्यावच्चन्ति अत्थो । पटिस्सवेनेव समीपचारिता वुत्ताति आह “पटिसुणन्तो विचरती”ति । पटिकुद्धं मुखं ओलोकेतुं न विसहतीतिपि दस्सेति “तुडपहड”न्ति इमिना ।

देवो वियाति आधिपच्चपरिवारादिसमन्नागतो पधानदेवो विय, तेन मज्जे-सद्दो इध उपमत्थोति जापेति यथा “अक्खाहंतं मज्जे अट्ठासि रज्जो महासुदस्सनस्स अन्तेपुरं उपसोभयमान”न्ति (दी० नि० २.२४५) । सो वतस्साहन्ति एत्थ सो वत अस्सं अहन्ति पदच्छेदो, सो राजा विय अहम्पि भवेय्यं । केनाति चे ? यदि पुज्जानि करेय्यं, तेनाति अत्थोति आह “सो वत अह”न्तिआदि । वतसद्दो उपमायं । तेनाह “एवरूपो”ति । पुज्जानीति उल्लारतरं पुज्जं सन्धाय वुत्तं अज्जदा कतपुज्जतो उल्लाराय पब्बज्जाय अधिप्पेतत्ता । “सो वतस्साय”न्तिपि पाठे सो राजा विय अयं अहम्पि अस्सं । कथं ? “यदि पुज्जानि करेय्य”न्ति अत्थसम्भवतो “अयमेवत्थो”ति वुत्तं । अस्सन्ति हि उत्तमपुरिसयोगे अहं-सद्दो अप्पयुत्तोपि अयं-सद्देन परामसनतो पयुत्तो विय होति । सो अहं एवरूपो अस्सं वत, यदि पुज्जानि करेय्यन्ति पठमपाठस्स अत्थमिच्छन्ति केचि । एवं सति दुतियपाठे “अयमेवत्थो”ति अवत्तब्बो सिया तत्थ अयं-सद्देन अहं-सद्दस्स परामसनतो, “सो”ति च परामसितब्बस्स अज्जस्स सम्भवतो । यन्ति दानं । सतभागम्पीति सतभूतं भागम्पि, रज्जा दिन्नदानं सतथा कत्वा तत्थ एकभागम्पीति वुत्तं होति । यावजीवं न सक्खिस्सामि दातुन्ति यावजीवं दानत्थाय उस्साहं करोन्तोपि सतभागमत्तम्पि दातुं न सक्खिस्सामि, तस्मा पब्बजिस्सामीति पब्बज्जायं उस्साहं कत्वाति अत्थो । “यंनूना”ति निपातो परिवितक्कनत्थेति वुत्तं “एवं चिन्तनभाव”न्ति ।

कायेन पिहितोति कायेन संवरितब्बस्स कायद्वारेन पवत्तनकस्स पापधम्मस्स संवरणवसेन पिदहितो । उस्सुक्कवचनवसेन पनत्थो विहरेय्य-पदेन सम्बज्झितब्बत्ताति आह “अकुसलपवेसनद्वारं थकेत्वा”ति । हुत्वाति हि सेसो । अकुसलपवेसनद्वारन्ति च कायकम्मभूतानमकुसलानं पवेसनभूतं कायविज्जत्तिसङ्घातं द्वारं । सेसपदद्वयेपीति “वाचाय संवुतो, मनसा संवुतो”ति पदद्वयेपि । घासच्छादनेन परमतायाति घासच्छादनपरियेसने सल्लेखवसेन परमताय, उक्कट्टभावे वा सण्ठितो घासच्छादनमत्तमेव परमं पमाणं कोटि

एतस्स, न ततो परं किञ्चि आमिसजातं परियेसति, पच्चासिसति चाति **घासच्छादनपरमो**, तस्स भावो **घासच्छादनपरमता**तिपि अट्ठकथामुत्तको नयो। घसितब्बो असितब्बोति घासो, आहारो, आभुसो छादेति परिदहति एतेनाति **अच्छादनं**, निवासनं, अपिच घसनं **घासो**, आभुसो छादीयते **अच्छादनन्ति**पि युज्जति। **एतदत्थम्पी**ति घासच्छादनत्थायापि। **अनेसनन्ति** एकवीसतिविधम्पि अननुरूपमेसनं।

विवेकट्टकायानन्ति गणसङ्गणिकतो पविवित्ते ठितकायानं, सम्बन्धीभूतानं कायविवेकोति सम्बन्धो। **नेक्खम्माभिरतानन्ति** ज्ञानाभिरतानं। **परमवोदानप्यत्तानन्ति** ताय एव ज्ञानाभिरतिया परमं उत्तमं वोदानं चित्तविसुद्धिं पत्तानं। **निरुपधीनन्ति** किलेसूपधिअभिसङ्कारूपधीहि अच्चन्तविगतानं। विसङ्कारं वुच्चति निब्बानं, तदधिगमनेता **विसङ्कारगता**, अरहन्तो, तेसं। **“एवं वुत्ते”**ति इमिना **महानिद्देसे** (महानि० ७, ९) आगतभावं दस्सेति। एत्थ च पठमो विवेको इतरेहि द्वीहि विवेकेहि सहापि वत्तब्बो इतरेसु सिद्धेसु तस्सापि सिज्जनतो, विना च तस्मिं सिद्धेपि इतरे समसिज्जनतो। तथा दुतियोपि। ततियो पन इतरेहि सहेव वत्तब्बो। न विना इतरेसु सिद्धेसुयेव तस्स सिज्जनतोति दट्ठब्बं। **“गणसङ्गणिकं पहाया”**तिआदि तदधिप्पायविभावनं। तत्थ गणे जनसमागमे सन्निपतनं **गणसङ्गणिका**, तं **पहाय**। **कायेन एको विहरति** विचरति पुग्गलवसेन असहायत्ता। चित्ते किलेसानं सन्निपतनं **चित्तकिलेससङ्गणिका**, तं **पहाय**। **एको विहरति** किलेसवसेन असहायत्ता। मग्गस्स एकचित्तकखणिकत्ता, गोत्रभुआदीनञ्च आरम्भणकरणमत्तत्ता न तेसं वसेन सातिसया निब्बुतिसुखसम्फुसना, फलसमापत्तिनिरोधसमापत्तिवसेन पन सातिसयाति आह **“फलसमापत्तिं वा निरोधसमापत्तिं वा”**ति। फलपरियोसानो हि निरोधो। **पविसित्वा**ति समापज्जनवसेन अन्तोक्त्वा। **निब्बानं पत्वा**ति एत्थ उस्सुक्कवचनमेतं आरम्भणकरणेन, चित्तचेतसिकानं निरोधेन च निब्बुतिपज्जनस्स अधिप्पेतत्ता। **चोदनत्थे**ति जानापेतुं उस्साहकरणत्थे।

१८४. अभिहरित्वाति अभिमुखभावेन नेत्वा। **नन्ति** तथा पब्बज्जाय विहरन्तं। **अभिहारो**ति निमन्तनवसेन अभिहरणं। **“चीवरादीहि पयोजनं साधेस्सामी”**ति वचनसेसेन योजना। तथा **“येनत्थो, तं वदेय्याथा”**ति। **चीवरादिवेकल्लन्ति** चीवरादीनं लूखताय विकलभावं। **तदुभयम्पी**ति तदेव अभिहारद्वयम्पि। **सप्पायन्ति** सब्बगेलज्जापहरणवसेन उपकारावहं। भाविनो अनत्थस्स अजननवसेन परिपालनं रक्खागुत्ति। पच्चुप्पन्नस्स पन

अनत्थस्स निसेधवसेन परिपालनं आवरणगुत्ति । किमत्थियं “धम्मिक”न्ति विसेसनन्ति आह “सा पनेसा”तिआदि । विहारसीमायाति उपचारसीमाय, लाभसीमाय वा ।

१८५. केवलो यदि-एवं-सद्दो पुब्बे वुत्तत्थापेक्खकोति वुत्तं “यदि तव दासो”तिआदि । एवं सन्नेति एवं लब्धमाने सति । दुतियं उपादाय पठमभावो, तस्मा “पठम”न्ति भणन्तो अञ्जस्सापि अत्थितं दीपेति । तदेव च कारणं कत्वा राजापि एवमाहाति दस्सेतुं “पठमन्ति भणन्तो”तिआदि वुत्तं । तेनेवाति पठमसद्देन अञ्जस्सापि अत्थितादीपनेनेव ।

दुतियसन्दिट्टिकसामञ्जफलवण्णना

१८६. कसतीति विलेखति कसिं करोति । गहपतिकोति एत्थ क-सद्दो अप्पत्थोति वुत्तं “एकगेहमत्ते जेड्डको”ति । इदं वुत्तं होति – गहस्स पति गहपति, खुद्दको गहपति गहपतिको एकस्मिञ्जेव गेहमत्ते जेड्डकत्ताति, खुद्दकभावो पनस्स गेहवसेनेवाति कत्वा “एकगेहमत्ते”ति वुत्तं । तेन हि अनेककुलजेड्डकभावं पटिक्खिपति, गहं, गेहन्ति च अत्थतो समानमेव । कसद्दो बलिम्हीति वुत्तं “बलिसद्द्वत्त”न्ति । करोतीति अभिनिष्पादेति सम्पादेति । वड्ढेतीति उपरूपरि उप्पादनेन महन्तं सन्निचयं करोति ।

कस्मा तदुभयम्पि वुत्तन्ति आह “यथा ही”तिआदि । अप्पम्पि पहाय पब्बजितुं दुक्करन्ति दस्सनञ्च पगेव महन्तन्ति विज्जापनत्थं । एसा हि कथिकानं पकति, यदिदं येन केनचि पकारेन अत्थन्तरविज्जापनन्ति । अप्पम्पि पहाय पब्बजितुं दुक्करभावो पन मज्झिमनिकाये मज्झिमपण्णासके लट्ठकिकोपमसुत्तेन (म० नि० २.१४८ आदयो) दीपेतब्बो । वुत्तञ्चि तत्थ “सेय्यथापि उदायि पुरिसो दलिद्दो अस्सको अनाळ्हियो, तस्स’स्स एकं अगारकं ओलुग्गविलुग्गं काकातिदायिं नपरमरूपं, एका खटोपिका ओलुग्गविलुग्गा नपरमरूपा”ति वित्थारो । यदि अप्पम्पि भोगं पहाय पब्बजितुं दुक्करं, कस्मा दासवारेपि भोगग्गहणं न कतन्ति आह “दासवारे पना”तिआदि । अत्तनोपि अनिस्सरोति अत्तानम्पि सयमनिस्सरो । यथा च दासस्स भोगापि अभोगायेव परायत्तभावतो, एवं जातयोपीति दासवारे जातिपरिवट्ठग्गहणम्पि न कतन्ति दट्ठब्बं । परिवट्ठति परम्परभावेन समन्ततो आवट्ठतीति परिवट्ठो, जातियेव । तेनाह “जातियेव जातिपरिवट्ठो”ति ।

पणीततरसामञ्जफलवण्णना

१८९. तन्ति यथा दासवारे “एवमेवा”ति वुत्तं, न तथा इध कस्सकवारे, तदवचनं कस्माति अनुयुज्जेय्य चेति अत्थो। **एवमेवाति वुच्चमानेति** यथा पठमदुतियानि सामञ्जफलानि पञ्जत्तानि, तथायेव पञ्जपेतुं सकका नु खोति वुत्ते। **एवरूपाहीति** यथावुत्तदासकस्सकूपमासदिसाहि उपमाहि। **सामञ्जफलं दीपेतुं प्होति** अनन्तपटिभानताय विचित्तनयदेसनभावतो। **तत्थाति** एवं दीपने। **परियन्तं नाम नत्थि** अनन्तनयदेसनभावतो, सवने वा असन्तोसनेन भिय्यो भिय्यो सोतुकामताजननतो सोतुकामताय परियन्तं नाम नत्थीति अत्थो। **तथापीति** “देसनाय उत्तरुत्तराधिकनानानयविचित्तभावे सतिपी”ति (दी० नि० टी० १.१८९) आचरियेन वुत्तं, सतिपि एवं अपरियन्तभावेतिपि युज्जति। अनुमानजाणेन **चिन्तेत्वा**। **उपरि विसेसन्ति** तं ठपेत्वा तदुपरि विसेसमेव सामञ्जफलं **पुच्छन्तो**। कस्माति आह “**सवने**”तिआदि। एतेन इममत्थं दीपेति – अनेकत्था समानापि सद्दा वत्तिच्छानुपुब्बिकायेव तंतदत्थदीपकाति।

साधुकं साधूति एकत्थमेतं साधुसद्दस्सेव क-कारेण वड्ढेत्वा वुत्तत्ता। तेनेव हि साधुकसद्दस्सत्थं वदन्तेन साधुसद्दो अत्थुद्धारवसेन उदाहटो। तेन च ननु साधुकसद्दस्सेव अत्थुद्धारो वत्तब्बो, न साधुसद्दस्साति चोदना निसेधिता। **आयाचनेति** अभिमुखं याचने, अभिपत्थनायन्ति अत्थो। **सम्पटिच्छनेति** पटिग्गहणे। **सम्पहंसनेति** संविज्जमानगुणवसेन हंसने तोसने, उदग्गताकरणेति अत्थो।

साधु धम्मरुचीति गाथा उम्मादन्तीजातके (जा० २.१८.१०१)। तत्थायमट्ठकथाविनिच्छयपवेणी – सुचरितधम्मो रोचेतीति **धम्मरुचि**, धम्मरतोति अत्थो। तादिसो हि जीवितं जहन्तोपि अकत्तब्बं न करोति। **पञ्जाणवाति** पञ्जवा जाणसम्पन्नो। **मित्तानमट्ठुब्भोति** मित्तानं अदुस्सनभावो। “अदूसको अनुपघातको”ति (दी० नि० टी० १.१८९) आचरियेन वुत्तं। “अट्ठुब्भो”तिपि पाठो द-कारस्स द्र-कारं कत्वा।

दळ्ढीकम्पेति सातच्चकिरियायं। **आणत्तियन्ति** आणापने। **इथापीति** सामञ्जफलोपे। **अस्साति** साधुकसद्दस्स। “सुणोहि साधुकं मनसि करोही”ति हि साधुकसद्देन सवनमनसिकारानं सातच्चकिरियापि तदाणापनम्मि जोतितं होति। आयाचनेनेव च उय्योजनसामञ्जतो आणत्ति सङ्गहिताति न सा विसुं अत्थुद्धारे वुत्ता। आणारहस्स हि

आणत्ति, तदनरहस्स आयाचनन्ति विसेसो। सुन्दरेपीति सुन्दरत्थेपि। इदानीं यथावुत्तेन साधुकसदस्स अत्थत्तयेन पकासितं विसेसं दस्सेतुं, तस्स वा अत्थत्तयस्स इध योग्यतं विभावेतुं “दळ्हीकम्मत्थेन ही”तिआदि वुत्तं। सुगहितं गण्हन्तोति सुगहितं कत्वा गण्हन्तो। सुन्दरन्ति भावनपुंसकं। भद्दकन्ति पसत्थं, “धम्म”न्ति इमिना सम्बन्धो। सुन्दरं भद्दकन्ति वा सवनानुगहणे परियायवचनं।

मनसि करोहीति एत्थ न आरम्मणपटिपादनलक्खणो मनसिकारो, अथ खो वीथिपटिपादनजवनपटिपादनमनसिकारपुब्बके चित्ते ठपनलक्खणोति दस्सेन्तो “आवज्ज, समन्नाहरा”ति आह। अविक्रित्तचित्तोति यथावुत्तमनसिकारद्वयपुब्बकाय चित्तपटिपाटिया एकारम्मणे ठपनवसेन अनुद्धतचित्तो हुत्वा। निसामेहीति सुणाहि, अनग्घरतनमिव वा सुवण्णमज्जुसाय दुल्लभधम्मरतनं चित्ते पटिसामेहीतिपि अत्थो। तेन वुत्तं “चित्ते करोही”ति। एवं पदद्वयस्स पच्चेकं योजनावसेन अत्थं दस्सेत्वा इदानीं पटियोगीवसेन दस्सेतुं “अपिचा”तिआदि वुत्तं। तत्थ सोतिन्द्रियविकखेपवारणं सवने नियोजनवसेन किरियन्तरपटिसेधनतो, तेन सोतं ओदहाति अत्थं दस्सेति। मनिन्द्रियविकखेपवारणं मनसिकारेन दळ्हीकम्मनियोजनेन अज्जचिन्तापटिसेधनतो। व्यज्जनविपल्लासगाहवारणं “साधुक”न्ति विसेसेत्वा वुत्तत्ता। अत्थविपल्लासगाहवारणेपि एस नयो।

धारणूपपरिक्खादीसूति एत्थ आदि-सद्देन तुलनतीरणादिके, दिट्ठिया सुप्पटिवेधे च सङ्गण्हाति। यथाधिप्पेतमत्थं व्यज्जेति पकासेति, सयमेतेनाति वा व्यज्जनं, सभावनिरुत्ति, सह व्यज्जनेनाति सब्यज्जनो, व्यज्जनसम्पन्नोति अत्थो। सहप्पवत्ति हि “सम्पन्नता समवायता विज्जमानता”तिआदिना अनेकविधा, इध पन सम्पन्नतायेव तदज्जस्स असम्भवतो, तस्मा “सह व्यज्जनेना”ति निब्बचनं कत्वापि “व्यज्जनसम्पन्नो”ति (दी० नि० टी० १.१८९) अत्थो आचरियेन वुत्तोति दट्ठब्बं, यथा तं “न कुसला अकुसला, कुसलपटिपक्खा”ति (ध० स० १) अरणीयतो उपगन्तब्बतो अनुधातब्बतो अत्थो, चतुपारिसुद्धिसीलादि, सह अत्थेनाति सात्थो, वुत्तनयेन अत्थसम्पन्नोति अत्थो। साधुकपदं एकमेव समानं आवुत्तिनयादिवसेन उभयत्थ योजेतब्बं। कथन्ति आह “यस्मा”तिआदि। धम्मो नाम तन्ति। देसना नाम तस्सा मनसा ववत्थापिताय तन्तिया देसना। अत्थो नाम तन्तिया अत्थो। पटिवेधो नाम तन्तिया, तन्तिअत्थस्स च यथाभूतावबोधो। यस्मा चेते धम्मदेसनात्थपटिवेधा ससादीहि विय महासमुदो मन्दबुद्धीहि दुक्खोगाहा, अलब्भनेय्यपटिद्धा च, तस्मा गम्भीरा। तेन वुत्तं “यस्मा...पे०... मनसि करोही”ति। एत्थ च पटिवेधस्स

दुक्करभावतो धम्मत्थानं दुक्खोगाहता, देसनाजाणस्स दुक्करभावतो देसनाय, उप्पादेतुमसक्कुणेय्यताय, तब्बिसयजाणुप्पत्तिया च दुक्करभावतो पटिवेधस्स दुक्खोगाहता वेदितब्बा। यमेत्थ वत्तब्बं, तं निदानवण्णनायं वुत्तमेव।

“सुणाहि साधुक”न्ति “साधुकं मनसि करोही”ति वदन्तो न केवलं अत्थक्कमतो एव अयं योजना, अथ खो सद्दक्कमतोपि उभयत्थ सम्बन्धत्ताति दस्सेति। “सक्का महाराजा”ति इधापि “अज्जम्पि दिट्ठेव धम्मे सन्दिट्ठिकं सामज्जफलं...पे०... पणीततरज्जा”ति इदमनुवत्ततीति आह “एवं पटिज्जातं सामज्जफलदेसन”न्ति। वित्थारतो भासनन्ति अत्थमेव दळ्हं करोति “देसेस्सामीति संखित्तीदीपन”न्तिआदिना। हि-सद्दो चेत्थ लुत्तनिदिट्ठो। इदं वुत्तं होति – देसनं नाम उद्दिसनं। भासनं नाम निद्दिसनं परिब्यत्तकथनं। तेनायमत्थो सम्भवतीति यथावुत्तमत्थं सगाथावग्गसंयुत्ते वङ्गीससुत्ते (सं० नि० १.१.२१४) गाथापदेन साधेतुं “तेनाहा”तिआदि वुत्तं।

साळिकायिव निग्घोसोति साळिकाय निग्घोसो विय, यथा साळिकाय आलापो मधुरो कण्णसुखो पेमनीयो, एवन्ति अत्थो। पटिभानन्ति चेतस्स विसेसनं लिङ्गभेदस्सपि विसेसनस्स दिस्सनतो यथा “गुणो पमाण”न्ति। पटिभानन्ति च सद्दो वुच्चति पटिभाति तंतदाकारेण दिस्सतीति कत्वा। उदीरयीति उच्चारयि, वुच्चति वा, कम्मगब्भज्जेतं किरियापदं। इमिना चेतं दीपेति – आयस्मन्तं धम्मसेनापतिं थोमेतुकामेन देसनाभासनानं विसेसं दस्सेन्तेन पभिन्नपटिसम्भिदेन आयस्मता वङ्गीसत्थेरेण “सङ्घित्तेन, वित्थारेणा”ति च विसेसनं कतं, तेनायमत्थो विज्जायतीति।

एवं वुत्तेति “भासिस्सामी”ति वुत्ते। “न किर भगवा सङ्घेपेनेव देसेस्सति, अथ खो वित्थारेणपि भासिस्सती”ति हि तं पदं सुत्वाव उस्साहजातो सज्जातुस्साहो, हट्ठुट्ठोति अत्थो। अयमाचरियस्स अधिप्पायो। अपिच “तेन हि महाराज सुणोहि साधुकं मनसि करोहि, भासिस्सामी”ति वुत्तं सब्बम्पि उय्योजनपटिज्जाकरणप्पकारं उस्साहजननकारणं सब्बेनेव उस्साहसम्भवतो, तस्मा एवं वुत्तेति “सुणोहि, साधुकं मनसि करोहि, भासिस्सामी”ति वुत्ते सब्बेहेव तीहिपि पदेहि उस्साहजातोति अत्थो दट्ठब्बो। पच्चस्सोसीति पति अस्सोसि भगवतो वचनसमनन्तरमेव पच्छा अस्सोसि, “सक्का पन भन्ते”तिआदिना वा पुच्छित्वा पुन “एवं भन्ते”ति अस्सोसीति अत्थो। तं पन पतिस्सवनं अत्थतो

सम्पटिच्छनमेवाति आह “सम्पटिच्छि, पटिग्गहेसी”ति। तेनेव हि “इति अत्थो”ति अवत्वा “इति वुत्तं होती”ति वुत्तं।

१९०. “अथस्स भगवा एतदवोचा”ति वचनसम्बन्धमत्तं दस्सेत्वा “एतं अवोचा”ति पदं विभजित्वा अत्थं दस्सेन्तो “इदानी”तिआदिमाह। “इधा”ति इमिना वुच्चमानं अधिकरणं तथागतस्स उप्पत्तिट्ठानभूतं लोकमेवाधिप्पेतन्ति दस्सेति “देसोपदेसे निपातो”ति इमिना। देसस्स उपदिसनं देसोपदेसो, तस्मिं। यदि सब्बत्थ देसोपदेसे, अथायमत्थो न वत्तब्बो अवुत्तेपि लब्धमानत्ताति चोदनायाह “स्वाय”न्तिआदि। सामञ्जभूतं इधसद्वं गणित्वा “स्वाय”न्ति वुत्तं, न तु यथाविसेसितब्बं। तथा हि वक्खति “कत्थचि पदपूरणमत्तमेवा”ति (दी० नि० अट्ठ० १.१९०)। लोकं उपादाय वुच्चति लोकसद्देन समानाधिकरणभावतो। इध लोकेति च जातिक्खेतं, तत्थापि अयं चक्कवाळो अधिप्पेतो। सासनमुपादाय वुच्चति “समणो”ति सदन्तरसन्निधानतो। अयञ्चि चतुकङ्कुत्तरपाळि। तत्थ पठमो समणोति सोतापन्नो। दुतियो समणोति सकदागामी। वुत्तञ्जेतं तत्थेव—

“कतमो च भिक्खवे पठमो समणो? इध भिक्खवे भिक्खु तिण्णं संयोजनानं परिक्खया सोतापन्नो होती”ति, (अ० नि० १.४.२४१) “कतमो च भिक्खवे दुतियो समणो? इध भिक्खवे भिक्खु तिण्णं संयोजनानं परिक्खया रागदोसमोहानं तनुत्ता सकदागामी होती”ति (अ० नि० १.४.२४१) च आदि।

ओकासन्ति कञ्चि पदेसमुपादाय वुच्चति “तिट्ठमानस्सा”ति सदन्तरसन्निधानतो।

इधेव तिट्ठमानस्साति इमिस्संयेव इन्दसालगुहायं पतिट्ठमानस्स, देवभूतस्स मे सत्तोति देवभावेन, देवो हुत्वा वा भूतस्स समानस्स। मेति अनादरयोगे सामिवचनं। पुन मेति कत्तुत्थे। इदञ्चि सक्कपञ्हतो उदाहटं।

पदपूरणमत्तमेव ओकासापदिसनस्सापि असम्भवेन अत्थन्तरस्स अबोधनतो। पुब्बे वुत्तं तथागतस्स उप्पत्तिट्ठानभूतमेव सन्धाय “लोक”न्ति वुत्तं। पुरिमं उय्योजनपटिञ्जाकरणविसये आलपनन्ति पुन “महाराजा”ति आलपति। “अरह”न्ति आदयो सद्दा वित्थारिताति योजना। अत्थतो हि वित्थारणं सद्दमुखेनेव होतीति उभयत्थ सद्दग्गहणं कतं। यस्मा पन “अपरेहिपि अट्ठहि कारणेहि भगवा तथागतो”तिआदिना

(उदा० अट्ठ० १८; इतिवु० अट्ठ० ३८) तथागत-सद्दो **उदानङ्कथादीसु**, “अरह”न्ति आदयो च **विसुद्धिमग्गटीकायं** (विसुद्धि० टी० १.१३०) अपरेहिपि पकारेहि विथारिता आचरियेन, तस्मा तेसु वुत्तनयेनपि तेसमत्थो वेदितब्बो। तथागतस्स सत्तनिकायन्तो गधताय “इध पन सत्तलोको अधिप्पेतो”ति वत्वा तत्थायं यस्मिं सत्तनिकाये, यस्मिञ्च ओकासे उप्पज्जति, तं दस्सेतुं “**सत्तलोके उप्पज्जमानोपि चा**”तिआदि वुत्तं। न देवलोके, न ब्रह्मलोकेति एत्थ यं वत्तब्बं, तं परतो आगमिस्सति।

तस्सापरेनाति तस्स निगमस्स अपरेन, ततो बहीति वुत्तं होति। ततोति महासालतो। ओरतो मज्झेति अब्भन्तरं मज्झिमपदेसो। एवं परिच्छिन्नेति पञ्चनिमित्तबद्धा सीमा विय पञ्चहि यथावुत्तनिमित्तेहि परिच्छिन्ने। अट्ठतेय्ययोजनसतेति पण्णासयोजनेहि ऊनतियोजनसते। अयज्हि मज्झिमजनपदो मुदिङ्गसण्ठानो, न समपरिवट्ठो, न च समचतुरस्सो, उज्जेन कत्थचि असीतियोजनो होति, कत्थचि योजनसतिको, तथापि चेस कुटिलपरिच्छेदेन भिनियमानो परियन्त परिक्वेपतो नवयोजनसतिको होति। तेन वुत्तं “**नवयोजनसते**”ति। असीतिमहाथेराति येभ्य्यवसेन वुत्तं सुनापरन्तकस्स पुण्णत्थेरस्सापि महासावकेसु परियापन्नत्ता। सुनापरन्तजनपदो हि पच्चन्तविसयो। तथा हि “चन्दनमण्डलमालपटिगहणे भगवा न तत्थ अरुणं उट्ठपेती”ति **मज्झिमागम-** (म० नि० अट्ठ० ४.३९७) **संयुत्तागमङ्कथासु** (सं० नि० अट्ठ० ३.४.८८-८९) वुत्तं। सारण्यत्ताति कुलभोगिस्सरियादिवसेन, सीलसारादिवसेन च सारभूता। **ब्राह्मणगहपतिकाति**ब्रह्मायु-पोक्खरसातिआदिब्राह्मणा चेव अनाथपिण्डिकादिगहपतिका च।

तत्थाति मज्झिमपदेसे, तस्मिंयेव “उप्पज्जती”ति वचने वा। सुजातायाति एवंनामिकाय पठमं सरणगमनिकाय **यसत्थेरमातुया**। चतूसु पनेतेसु विकप्पेसु पठमो बुद्धभावाय आसन्नतरपटिपत्तिदस्सनवसेन वुत्तो। आसन्नतराय हि पटिपत्तिया ठितोपि “उप्पज्जती”ति वुच्चति उप्पादस्स एकन्तिकत्ता, पगेव पटिपत्तिया मत्थके ठितो। दुतियो बुद्धभावावहपब्बज्जतो पट्टाय आसन्नमत्तपटिपत्तिदस्सनवसेन, ततियो बुद्धकरधम्मपारिपूरितो पट्टाय बुद्धभावाय पटिपत्तिदस्सनवसेन। न हि महासत्तानं अन्तिमभवूपपत्तितो पट्टाय बोधिसम्भारसम्भरणं नाम अत्थि बुद्धत्थाय कालमागमयमानेनेव तत्थ पतिट्ठनतो। चतुत्थो बुद्धभावकरधम्मसमारम्भतो पट्टाय बोधिया नियतभावदस्सनेन। बोधिया हि नियतभावप्पत्तितो पभुति “बुद्धो उप्पज्जती”ति विज्जूहि वत्तुं सक्का उप्पादस्स एकन्तिकत्ता। यथा पन “सन्दन्ति नदियो”ति सन्दनकिरियाय अविच्छेदमुपादाय

वत्तमानप्पयोगो, एवं उप्पादत्थाय पटिपज्जनकिरियाय अविच्छेदमुपादाय चतूसुपि विकप्पेसु “उप्पज्जति नामा”ति वुत्तं, पवत्तापरतवत्तमानवचनञ्चेतं। चतुब्बिधञ्हि वत्तमानलक्खणं सद्दसत्थे पकासितं—

“निच्चपवत्ति समीपो, पवत्तुपरतो तथा।
पवत्तापरतो चेव, वत्तमानो चतुब्बिधो”ति ।।

यस्मा पन बुद्धानं सावकानं विय न पटिपाटिया इद्धिविधजाणादीनि उप्पज्जन्ति, सहेव पन अरहत्तमग्गेन सकलोपि सब्बञ्जुतज्जाणादिगुणरासि आगतो नाम होति, तस्मा तेसं निष्फत्तसब्बकिच्चत्ता अरहत्तफलक्खणे उप्पन्नो नामाति **एकङ्कुत्तरवण्णनायं** (अ० नि० अट्ठ० १.१.१७०) वुत्तं। असति हि निष्फत्तसब्बकिच्चत्ते न तावता “उप्पन्नो”ति वत्तुमरहति। **सब्बपठमं उप्पन्नभावन्ति** चतूसु विकप्पेसु सब्बपठमं “तथागतो सुजाताय...पे०... उप्पज्जति नामा”ति वुत्तं तथागतस्स उप्पन्नतासङ्घातं अत्थिभावं। तदेव **सन्धाय उप्पज्जतीति वुत्तं** बुद्धभावाय आसन्नतरपटिपत्तियं ठितस्सेव अधिप्पेतत्ता। अयमेव हि अत्थो मुख्यतो उप्पज्जतीति वत्तब्बो। तेनाह “**तथागतो...पे०... अत्थो**”ति।

एत्थ च “उप्पन्नो”ति वुत्ते अतीतकालवसेन कोचि अत्थं गण्हेय्याति तन्निवत्तनत्थं “उप्पन्नो होती”ति वुत्तं। “उप्पन्ना धम्मा”तिआदीसु (ध० स० तिकमातिका १७) विय हि इध उप्पन्नसद्दो पच्चुप्पन्नकालिको। ननु च अरहत्तफलसमङ्गीसङ्घातो उप्पन्नोयेव तथागतो पवेदनदेसनादीनि साधेति, अथ कस्मा यथावुत्तो अरहत्तमग्गपरियोसानो उप्पज्जमानोयेव तथागतो अधिप्पेतो। न हि सो पवेदनदेसनादीनि साधेति मधुपायासभोजनतो याव अरहत्तमग्गो, ताव तेसं किच्चानमसाधनतोति? न हेवं दट्ठब्बं, बुद्धभावाय आसन्नतरपटिपत्तियं ठितस्स उप्पज्जमानस्स गहणेनेव अरहत्तफलसमङ्गीसङ्घातस्स उप्पन्नस्सापि गहितत्ता। कारणग्गहणेनेव हि फलम्पि गहितं तदविनाभावित्ता। इति पवेदनदेसनादिसाधकस्स अरहत्तफलसमङ्गिनोपि तथागतस्स गहेतब्बत्ता नेय्यत्थमिदं “उप्पज्जती”ति वचनं दट्ठब्बन्ति। तथा हि **अङ्कुत्तरट्ठकथायं** (अ० नि० अट्ठ० १.१.१७०) उप्पज्जमानो, उप्पज्जति, उप्पन्नोति तीहि कालेहि अत्थविभज्जे “दीपङ्करपादमूले लद्धब्बाकरणतो याव अनागामिफला उप्पज्जमानो नाम, अरहत्तमग्गक्खणे पन उप्पज्जति नाम, अरहत्तफलक्खणे उप्पन्नो नामा”ति वुत्तं। अयमेत्थ **आचरियधम्मपालत्थेरस्स** मति। यस्मा पन **एकङ्कुत्तरट्ठकथायं** “एकपुग्गलो भिक्खवे लोके उप्पज्जमानो उप्पज्जती”ति (अ०

नि० १.१.१७०) सुत्तपदवण्णनायं “इमस्मिम्पि सुत्ते अरहत्तफलक्खणंयेव सन्धाय उप्पज्जती”ति वुत्तं, “उप्पन्नो होतीति अयज्हेत्थ अत्थो”ति (अ० नि० अट्ठ० १.१.१७०) आगतं, तस्मा इधापि अरहत्तफलक्खणमेव सन्धाय उप्पज्जतीति वुत्तन्ति दस्सेति “सब्बपठमं उप्पन्नभावं सन्धाया”ति इमिना । तेनाह “उप्पन्नो होतीति अयज्हेत्थ अत्थो”ति । **सब्बपठमं उप्पन्नभावन्ति** च सब्बवेनेय्यानं पठमतरं अरहत्तफलवसेन उप्पन्नभावन्ति अत्थो । “उप्पन्नो होती”ति च इमिना अरहत्तफलक्खणवसेन अतीतकालं दस्सेतीति । अयमेव च नयो अङ्गुत्तरटीकाकारेण **आचरियसारिपुत्तत्थेरेण** अधिप्पेतोति ।

सो भगवाति यो सो तथागतो “अरह”न्तिआदिना पक्कित्तगुणो, सो भगवा । इदानि वत्तब्बं इमसद्देन निदस्सेति वुच्चमानत्थस्स परामसनतो । इदं वुत्तं होति – नयिदं महाजनस्स सम्मुखमत्तं सन्धाय “इमं लोक”न्ति वुत्तं, अथ खो “सदेवक”न्तिआदिना वक्खमानं अनवसेसपरियादानं सन्धायाति । “**सह देवेहि सदेवक**”न्तिआदिना यथावाक्यं पदनिब्बचनं वुत्तं, यथापदं पन “सदेवको”न्तिआदिना वत्तब्बं, इमे च तग्गुणसंविज्जाणबाहिरत्थसमासा । एत्थ हि अवयवेन विग्गहो, समुदायो समासत्थो होति लोकावयवेन कतविग्गहेन लोकसमुदायस्स यथारहं लब्भमानत्ता । समवायजोतकसहसद्दयोगे हि अयमेव समासो विज्जायति । **देवेहीति** च पञ्चकामावचरदेवेहि, अरूपावचरदेवेहि वा । **ब्रह्मनाति** रूपावचरारूपावचरब्रह्मना, रूपावचरब्रह्मना एव वा, बहुकत्तुकादीनमिव नेसं सिद्धि । **पजातत्ताति** यथासकं कम्मकिलेसेहि पकारेण निब्बत्तकत्ता ।

एवं वचनत्थतो अत्थं दस्सेत्वा वचनीयत्थतो दस्सेतुं “**तत्था**”तिआदि वुत्तं । **पञ्चकामावचरदेवगहणं** पारिसेसजायेन इतरेसं पदन्तरेहि विसुं गहितत्ता । **छट्ठकामावचरदेवगहणं** पच्चासत्तिजायेन । तत्थ हि मारो जातो, तन्निवासी च । यस्मा चेस दामरिकराजपुत्तो विय तत्थ वसितत्ता पाकटो, तस्मा सन्तेसुपि अज्जेसु वसवत्तिमहाराजादीसु पाकटतरेण तेनेव विसेसेत्वा वुत्तोति, अयञ्च नयो **मज्झिमागमदुक्कथायं** (म० नि० अट्ठ० २.२९०) पकासितोव । मारगगहणेन चेत्थ तंसम्बन्धिनो देवापि गहिता ओकासलोकेन सिद्धिं सत्तलोकस्स गहणतो । एवज्झि वसवत्तिसत्तलोकस्स अनवसेसपरियादानं होति । **ब्रह्मकायिकादिब्रह्मगहणम्पि** पच्चासत्तिजायेन । **पच्चत्थिकपच्चामित्तसमणब्राह्मणगहणन्ति** पच्चत्थिका एव पच्चामित्ता, तेयेव समणब्राह्मणा, तेसं गहणं तथा, तेन बाहिरकसमणब्राह्मणगहणं वुत्तं, निदस्सनमत्तञ्चेतं अपच्चत्थिकपच्चामित्तानम्पि तेसं इमिना गहणतो ।

समितपापबाहितपापसमणब्राह्मणगहणन्ति पन सासनिकसमणब्राह्मणानं गहणं वेदितब्बं । कामं “सदेवक”न्तिआदिविसेसनानं वसेनेव सत्तविसयोपि लोकसद्दो विज्जायति समवायत्थवसेन तुल्ययोगविसयत्ता तेसं, “सलोमको सपक्खको”तिआदीसु पन विज्जमानत्थवसेन अतुल्ययोगविसयेपि अयं समासो लब्धतीति ब्यभिचारदस्सनतो अब्यभिचारेनत्थजापकं पजागहणन्ति आह “पजावचनेन सत्तलोकगहण”न्ति, न पन लोकसद्देन सत्तलोकस्स अगगहितत्ता एवं वुत्तं । तेनाह “तीहि पदेहि ओकासलोकेन सद्दिं सत्तलोको”ति । सदेवकादिवचनेन उपपत्तिदेवानं, सस्समणब्राह्मणीवचनेन विसुद्धिदेवानञ्च गहितत्ता वुत्तं “सदेव...पे०... मनुस्सगहण”न्ति । तत्थ सम्मुतिदेवा राजानो । अवसेसमनुस्सगहणन्ति सम्मुतिदेवेहि, समणब्राह्मणेहि च अवसिद्धमनुस्सानं गहणं । एत्थाति एतेसु पदेसु । तीहि पदेहीति सदेवकसमारकसब्रह्मकपदेहि । दीहीति सस्समणब्राह्मणीसदेवमनुस्सपदेहि । समासपदत्थेसु सत्तलोकस्सपि वुत्तनयेन गहितत्ता “ओकासलोकेन सद्दिं सत्तलोको”ति वुत्तं ।

“अपरो नयो”तिआदिना अपरम्पि वचनीयत्थमाह । अरूपिनोपि सत्ता अत्तनो आनेज्जविहारेन विहरन्तो “दिब्बन्तीति देवा”ति इदं निब्बचनं लद्धुमरहन्तीति आह “सदेवकगहणेन अरूपावचरलोको गहितो”ति । तेनेवाह भगवा ब्रह्मजालादीसु “आकासानञ्चायतनूपगानं देवानं सहव्यत”न्तिआदि, (अ० नि० १.३.१९७) अरूपावचरभूतो ओकासलोको, सत्तलोको च गहितोति अत्थो । एवं छकामावचरदेवलोको, रूपी ब्रह्मलोकोति एत्थापि । छकामावचरदेवलोकस्स सविसेसं मारवसे पवत्तनतो वुत्तं “समारकगहणेन छकामावचरदेवलोको”ति । सो हि तस्स दामरिकस्स विय वसपवत्तनोकासो । रूपी ब्रह्मलोको गहितो पारिसेसजायेन अरूपीब्रह्मलोकस्स विसुं गहितत्ता । चतुपरिसवसेनाति खत्तियब्राह्मणगहपतिसमणचातुमहाराजिकतावतिसमारब्रह्मसङ्घातासु अट्टसु परिसासु खत्तियादिचतुपरिसवसेनेव तदज्जासं सदेवकादिगहणेन गहितत्ता । कथं पनेत्थ चतुपरिसवसेन मनुस्सलोको गहितोति ? “सस्समणब्राह्मणि”न्ति इमिना समणपरिसा, ब्राह्मणपरिसा च गहिता, “सदेवमनुस्स”न्ति इमिना खत्तियपरिसा, गहपतिपरिसा चाति । “पज”न्ति इमिना पन इमायेव चतस्सो परिसा वुत्ता । चतुपरिससङ्घातं पजन्ति हि इध अत्थो ।

अज्जथा गहेतब्बमाह “सम्मुतिदेवेहि वा सह मनुस्सलोको”ति । कथं पन गहितोति ? “सस्समणब्राह्मणि”न्ति इमिना समणब्राह्मणा गहिता, “सदेवमनुस्स”न्ति इमिना सम्मुतिदेवसङ्घाता खत्तिया, गहपतिसुद्धसङ्घाता च अवसेसमनुस्साति । इतो पन अज्जेसं

मनुस्ससत्तानमभावतो “पज”न्ति इमिना एतेयेव चतूहि पकारेहि ठिता मनुस्ससत्ता वुत्ता । चतुकुलप्पभेदं पजन्ति हि इध अत्थो । एवं विकप्पद्वयेपि पजागहणेन चतुपरिसादिवसेन मनुस्सानञ्जेव गहितत्ता इदानी अवसेससत्तेपि सङ्गहेत्वा दस्सेतुं “अवसेससब्बसत्तलोको वा”ति वुत्तं । एत्थापि चतुपरिसवसेन गहितेन मनुस्सलोकेन सह अवसेससब्बसत्तलोको गहितो, सम्मुतिदेवेहि वा सह अवसेससब्बसत्तलोकोति योजेतब्बं । नागगरुळादिवसेन च अवसेससब्बसत्तलोको । इदं वुत्तं होति – चतुपरिससहितो अवसेससुदनाग-सुपण्णनेरयिकादिसत्तलोको, चतुकुलप्पभेदमनुस्ससहितो वा अवसेसनागसुपण्णनेरयिकादि-सत्तलोको गहितोति ।

एत्तावता भागसो लोकं गहेत्वा योजनं दस्सेत्वा इदानी तेन तेन विसेसेन अभागसो लोकं गहेत्वा योजनं दस्सेतुं “अपिचेत्था”तिआदि वुत्तं । तत्थ उक्कट्टपरिच्छेदतोति उक्कंसगतिपरिच्छेदतो, तब्बिजाननेनाति वुत्तं होति । पठमनयेन हि पञ्चसु गतीसु देवगतिपरियापन्नाव पञ्चकामगुणसमङ्गिताय, दीघायुक्तायाति एवमादीहि विसेसेहि सेट्ठा । दुतियनयेन पन अरूपिनो दूरसमुग्घाटितकिलेसदुक्खताय, सन्तपणीतआनेज्जविहारसमङ्गिताय, अतिविय दीघायुक्तायाति एवमादीहि विसेसेहि अतिविय उक्कट्टा । आचरियेहि पन दुतियनयमेव सन्धाय वुत्तं । एवं पठमपदेनेव पधाननयेन सब्बलोकस्स सच्छिक्तभावे सिद्धेपि इमिना कारणविसेसेन सेसपदानि वुत्तानीति दस्सेति “ततो येस”न्तिआदिना । ततोति पठमपदतो परं आहाति सम्बन्धो । “छकामावचरिस्सरो” तिथेव वुत्ते सक्कादीनम्पि तस्स आधिपच्चं सियाति आसङ्गानिवत्तनत्थं “वसवत्ती”ति वुत्तं, तेन साहसिककरणेन वसवत्तापनमेव तस्साधिपच्चन्ति दस्सेति । सो हि छट्टदेवलोकेपि अनिस्सरो तत्थ वसवत्तिदेवराजस्सेव इस्सरत्ता । तेनाह भगवा अङ्गुत्तरागमवरे अट्टनिपाते दानानिसंसुत्ते “तत्र भिक्खवे वसवत्ती देवपुत्तो दानमयं पुज्जकिरियवत्थुं अतिरेकं करित्वा...पे०... परनिम्मितवसवत्ती देवे दसहि ठानेहि अधिगण्हाती”ति (अ० नि० ३.८.३६) वित्थारो । मज्झिमागमडुकथायम्पि वुत्तं “तत्र हि वसवत्तिराजा रज्जं कारेति, मारो पन एकस्मिं पदेसे अत्तनो परिसाय इस्सरियं पवत्तेत्तो रज्जपच्चन्ते दामरिकराजपुत्तो विय वसती”ति (म० नि० १.६०) “ब्रह्मा महानुभावो”तिआदि दससहस्सियं महाब्रह्मणो वसेन वदति । “उक्कट्टपरिच्छेदतो”ति हि हेट्ठा वुत्तमेव । “एकङ्गुलिया”तिआदि एकदेसेन महानुभावतादस्सनं । अनुत्तरन्ति सेट्ठं नवलोक्तरं । पुथूति बहुका, विसुं भूता वा । उक्कट्टट्टानानन्ति उक्कंसगतिकानं । भावानुक्कमोति भाववसेन परेसमज्झासयानुरूपं “सदेवक”न्तिआदिपदानं अनुक्कमो,

भाववसेन अनुसन्धिक्कमो वा **भावानुक्कमो**, अत्थानञ्चेव पदानञ्च अनुसन्धानपटिपाटीति अत्थो, अयमेव वा पाठो तथायेव **समन्तपासादिकायं** (पारा० अट्ट० वेरञ्जकण्डवण्णना १) दिट्ठत्ता, **आचरियसारिपुत्तथ्येन** (सारत्थ० टी० १.वेरञ्जकण्डवण्णना) च वण्णितत्ता। “विभावनानुक्कमो”तिपि पाठो दिस्सति, सो पन तेसु अदिट्ठत्ता न सुन्दरो।

इदानीं पोरणकानं संवण्णनानयं दस्सेतुं “**पोराणा पनाहू**”तिआदि वुत्तं। तत्थ अञ्जपदेन निरवसेससत्तलोकस्स गहितत्ता सब्बत्थ **अवसेसलोकन्ति** अनवसेसपरियादानं वुत्तं। तेनाह “**तिभवूपगे सत्ते**”ति, तेधातुकसङ्घाते तयो भवे उपगतसत्तेति अत्थो। **तीहाकारेही**ति देवमारब्रह्मसहिततासङ्घातेहि तीहि आकारेहि। **तीसु पदेसू**ति “सदेवक”न्तिआदीसु तीसु पदेसु। **पक्खिपित्वा**ति अत्थवसेन सङ्गहेत्वा। तेयेव तिभवूपगे सत्ते “सस्समणब्राह्मणिं, सदेवमनुस्स”न्ति पदद्वये पक्खिपतीति जाएतुं “**पुना**”ति वुत्तं। तेन तेनाकारेनाति सदेवकत्तादिना, सस्समणब्राह्मणीभावादिना च तेन तेन पकारेन। “तिभवूपगे सत्ते”ति वत्त्वा “**तेधातुकमेवा**”ति वदन्ता ओकासलोकेन सद्धिं सत्तलोको गहितोति दस्सेन्ति। तेधातुकमेव परियादिन्नन्ति पोरणा पनाहूति योजना।

सामन्ति अत्तना। अञ्जत्थापोहनेन, अन्तोगधावधारणेन वा तप्पटिसेधनमाह “**अपरनेय्यो हुत्वा**”ति, अपरेहि अनभिजानापेतब्बो हुत्वाति अत्थो। **अभिज्जा**ति य-कारलोपनिद्देशो यथा “पटिसङ्घा योनिसो”ति (म० नि० १.२३, ४२२; २.२४; ३.७५; सं० नि० २.४.१२०; अ० नि० २.६.५८; महानि० २०६) वुत्तं “**अभिज्जाया**”ति। अभिसद्देन न विसेसनमत्तं जोतितं, अथ खो विसेसनमुखेन करणम्पीति दस्सेति “**अधिकेन जाणेना**”ति इमिना। **अनुमानादिपटिक्खेपो**ति एत्थ आदिसद्देन उपमानअत्थापत्तिसद्दन्तरसन्निधानसम्पयोगविषययोगसहचरणादिना कारणलेसमत्तेन पवेदनं सङ्गण्हाति एकप्पमाणत्ता। सब्बत्थ अप्पटिहतजाणचारताय हि सब्बधम्मपच्चक्खा बुद्धा भगवन्तो। **बोधेति विज्जापेती**ति सद्दतो अत्थवचनं। **पक्कासेती**ति अधिप्पायतो। एवं सब्बत्थ विवेचितब्बो।

अनुत्तरं विवेकसुखन्ति फलसमापत्तिसुखं। **हित्वापी**ति पि-सद्दगगहणं फलसमापत्तिया अन्तरा ठित्तिक्कापि कदाचि भगवतो देसना होतीति कत्वा कत्तं। भगवा हि धम्मं देसेन्तो यस्मिं खणे परिसा साधुकारं वा देति, यथासुतं वा धम्मं पच्चवेक्खति, तं खणम्पि पुब्बाभोगेन परिच्छिन्दित्वा फलसमापत्तिं समापज्जति, यथापरिच्छेदञ्च समापत्तितो वुट्ठाय

पुब्बे ठितट्टानतो पट्टाय धम्मं देसेतीति अट्ठकथासु (म० नि० अट्ठ० २.३८७) वुत्तोवायमत्थो । अप्पं वा बहुं वा देसेन्तोति उग्घटितञ्जुस्स वसेन अप्पं वा विपज्जितञ्जुस्स, नेय्यस्स च वसेन बहुं वा देसेन्तो । कथं देसेतीति आह “आदिम्विपी”तिआदि । धम्मस्स कल्याणता निव्यानिकताय, निव्यानिकता च सब्बसो अनवज्जभावेनेवाति वुत्तं “अनवज्जमेव कत्वा”ति । देसनायाति परियत्तिधम्मस्स देसकायत्तेन हि आणादिविधिना अतिसज्जनं पबोधनं देसनाति परियत्तिधम्मो वुच्चति । किञ्चापि अवयवविनिमुत्तो समुदायो नाम परमत्थतो कोचि नत्थि, येसु पन अवयवेषु समुदायरूपेण अवेक्खितेषु गाथादिसमज्जा, तं ततो भिन्नं विय कत्वा संसामिवोहारमारोपेत्वा दस्सेन्तो “अत्थि देसनाय आदिमज्झपरियोसान”न्ति आह । सासनस्साति पटिपत्तिधम्मस्स । सासितब्बपुग्गलगतेन हि यथापराधादिना सासितब्बभावेन अनुसासनं, तदङ्गविनयादिवसेन विनयनन्ति कत्वा पटिपत्तिधम्मो “सासन”न्ति वुच्चति । अत्थि सासनस्स आदिमज्झपरियोसानन्ति सम्बन्धो । चतुप्पदिकायपीति एत्थ पि-सट्ठो सम्भावने, तेन एवं अप्पकतरायपि आदिमज्झपरियोसानेसु कल्याणता, पगेव बहुतरायाति सम्भावेति । पदञ्चेत्थ गाथाय चतुत्थं सो, यं “पादो”तिपि वुच्चति, एतेनेव तिपादिकछपादिकासुपि यथासम्भवं विभागं दस्सेति । एवं सुत्तावयवे कल्याणत्तयं दस्सेत्वा सकलेपि सुत्ते दस्सेतुं “एकानुसन्धिकस्सा”तिआदि वुत्तं । तत्थ नातिबहुविभागं यथानुसन्धिना एकानुसन्धिकं सन्धाय “एकानुसन्धिकस्सा”ति आह । इतरस्मिं पन तेनेव धम्मविभागेन आदिमज्झपरियोसाना लब्धन्तीति “अनेकानुसन्धिकस्सा”तिआदि वुत्तं । निदानन्ति आनन्दत्थेरेण ठपितं कालदेसदेसकपरिसादिअपदिसनलक्खणं निदानगन्थं । इदमवोचाति निगमनं उपलक्खणमेव “इति यं तं वुत्तं, इदमेतं पटिच्च वुत्त”न्ति निगमनस्सपि गहेतब्बतो । सङ्गीतिकारकेहि ठपितानिपि हि निदाननिगमनानि सत्थु देसनाय अनुविधानतो तदन्तो गधानेवाति वेदितब्बं । अन्ते अनुसन्धीति सब्बपच्छिमो अनुसन्धि ।

“सीलसमाधिविपस्सना”तिआदिना सासनस्स इध पटिपत्तिधम्मं विभावेति । विनयट्ठकथायं पन “सासनधम्मो”ति वुत्तत्ता –

“सब्बपापस्स अकरणं, कुसलस्स उपसम्पदा ।

सचित्तपरियोदपनं, एतं बुद्धान सासन”न्ति ।। (दी० नि० २.९०; ध० प० १८३; नेत्ति० ३०, ५०, ११६, १२४)

एवं वुत्तस्स सत्थुसासनस्स पकासको परियत्तिधम्मो एव सीलादिअत्थवसेन कल्याणत्तयविभावेन वुत्तो। इध पन पटिपत्तियेव। तेन वक्खति “इध देसनाय आदिमज्झपरियोसानं अधिप्पेत”न्ति। **सीलसमाधिविपस्सना** आदि नाम सासनसम्पत्तिभूतानं उत्तरिमनुस्सधम्मानं मूलभावतो। **कुसलानं धम्मानन्ति** अनवज्जधम्मानं। **दिट्ठीति** विपस्सना, अविनाभावतो पनेत्थ समाधिग्गहणं। महावग्गसंयुत्ते **बाहियसुत्तपदमिदं** (सं० नि० ३.५.३८१)। कामं सुत्ते अरियमग्गस्स अन्तद्वयविगमेन तेसं मज्झिमपटिपदाभावो वुत्तो, मज्झिमभावसामञ्जतो पन सम्मापटिपत्तिया आरम्भनिष्फत्तीनं मज्झिमभावस्सापि साधकभावे युत्तन्ति आह “अत्थि भिक्खवे, मज्झिमा पटिपदा तथागतेन अभिसम्बुद्धाति एवं वुत्तो **अरियमग्गो मज्झं नामा**”ति, सीलसमाधिविपस्सनासङ्घातानं आरम्भानं, फलनिब्बानसङ्घातानञ्च निष्फत्तीनं वेमज्झभावतो अरियमग्गो मज्झं नामाति अधिप्पायो। सउपादिसेसनिब्बानधातुवसेन **फलं परियोसानं नाम**, अनुपादिसेसनिब्बानधातुवसेन पन **निब्बानं**। सासनपरियोसाना हि निब्बानधातु। मग्गस्स निष्फत्ति फलवसेन, निब्बानसच्छिकिरियाय च होति ततो परं कत्तब्बाभावतोति वा एवं वुत्तं। इदानि तेसं द्विन्नम्पि सासनस्स परियोसानतं आगमेन साधेतुं “**एतदत्थं इद**”न्तिआदिमाह। एतदेव फलं अत्थो यस्साति **एतदत्थं**। **ब्राह्मणाति** पिङ्गलकोच्छब्राह्मणं भगवा आलपति। इदज्झि मज्झिमागमे मूलपण्णासके **चूलसारोपमसुत्त** (म० नि० १.३१२ आदयो) पदं। एतदेव फलं सारं यस्साति **एतंसारं** निग्गहितागमेन। तथा **एतंपरियोसानं**। **निब्बानोगधन्ति** निब्बानन्तो गधं। **आवुसो विसाखाति** धम्मदिन्नाय थेरिया विसाखगहपतिमालपनं। इदज्झि **चूलवेदल्लसुत्ते** (म० नि० १.४६० आदयो) “**सात्थं सब्बज्जन**”न्तिआदिसद्वन्तरसन्निधानतं “इध देसनाय आदिमज्झपरियोसानं अधिप्पेत”न्ति वुत्तं।

एवं सद्दपबन्धवसेन देसनाय कल्याणत्तयविभागं दस्सेत्वा तदत्थवसेनपि दस्सेन्तो “**भगवा ही**”तिआदिमाह। अत्थतोपि हि तस्साधिप्पेतभावं हि-सद्देन समत्थेति। तथा समत्थनमुखेन च अत्थवसेन कल्याणत्तयविभागं दस्सेतीति। अत्थतो पनेतं दस्सेन्तो यो तस्मिं तस्मिं अत्थे कतविधि सद्दपबन्धो गाथासुत्तवसेन ववत्थितो परियत्तिधम्मोयेव इध देसनाति वुत्तो, तस्स चत्थो विसेसतो सीलादि एवाति आह “**आदिमिह सील**”न्तिआदि। विसेसकथनञ्हेतं। सामञ्जतो पन सीलग्गहणेन ससम्भारसीलं गहितं, तथा मग्गगहणेन ससम्भारमग्गोति अत्थत्तयवसेन अनवसेसतो परियत्तिअत्थं परियादाय तिड्ढति। इतरथा हि कल्याणत्तयविभागो असब्बसाधारणो सिया। एत्थ च सीलमूलकत्ता सासनस्स सीलेन आदिकल्याणता वृत्ता, सासनसम्पत्तिया वेमज्झभावतो मग्गेन मज्झेकल्याणता।

निब्बानाधिगमतो उत्तरि करणीयाभावतो निब्बानेन परियोसानकल्याणता । तेनाति सीलादिदस्सनेन । अत्थवसेन हि इध देसनाय आदिकल्याणादिभावो वुत्तो । “तस्मा”तिआदि यथावुत्तानुसारेण सोतूनमनुसासनीदस्सनं ।

एसाति यथावुत्ताकारेण कथना । कथिकसण्ठितीति धम्मकथिकस्स सण्ठानं कथनवसेन समवद्धानं ।

वण्णना अत्थविवरणा, पसंसना वा । न सो सात्थं देसेति निय्यानत्थविरहतो तस्सा देसनाय । तस्माति चतुसतिपट्टानादिनिय्यानत्थदेसनतो । एकव्यञ्जनादियुत्ताति सिथिलधनितादिभेदेसु दससु व्यञ्जनेसु एकप्पकारेणैव, द्विप्पकारेणैव वा व्यञ्जनेन युत्ता दमिळभासा विय । सब्बनिरोड्व्यञ्जनाति विवटकरणताय ओट्टे अफुसापेत्वा उच्चारेतब्बतो सब्बथा ओट्टफुसनरहितविमुत्तव्यञ्जना किरातभासा विय । सब्बविस्सट्ठव्यञ्जनाति सब्बस्सेव विस्सज्जनीययुत्तताय सब्बथा विस्सग्गव्यञ्जना सवरभासा विय । सब्बनिग्गहितव्यञ्जनाति सब्बस्सेव सानुसारताय सब्बथा बिन्दुसहितव्यञ्जना पारसिकादिमिलक्खुभासा विय । एवं “दमिळकिरातसवरमिलक्खूनं भासा विया”ति इदं पच्चेकं योजेतब्बं । मिलक्खूति च पारसिकादयो । सब्बापेसा व्यञ्जनेकदेसवसेनेव पवत्तिया अपरिपुण्णव्यञ्जनाति वुत्तं “व्यञ्जनपारिपूरिया अभावतो अव्यञ्जना नामा”ति ।

ठानकरणानि सिथिलानि कत्वा उच्चारेतब्बमक्खरं पञ्चसु वग्गेसु पठमतितियं सिथिलं । तानि असिथिलानि कत्वा उच्चारेतब्बमक्खरं तेस्वेव दुतियचतुत्थं धनितं । द्विमत्तकालमक्खरं दीघं । एकमत्तकालं रस्सं ।

पमाणं एकमत्तस्स, निमीसुमीसतो’ ब्रवुं ।

अङ्गुलिफोटकालस्स, पमाणेनापि अब्रवुं ।।

सज्जोगपरं, दीघञ्च गरुक्कं । असंयोगपरं रस्सं लहुक्कं । ठानकरणानि निग्गहेत्वा अविवटेन मुखेण उच्चारेतब्बं निग्गहितं । परपदेन सम्बज्झित्वा उच्चारेतब्बं सम्बन्धं । तथा असम्बज्झितत्वं ववत्थितं । ठानकरणानि विस्सट्टानि कत्वा विवटेन मुखेण उच्चारेतब्बं विमुत्तं । दसधातिआदीसु एवं सिथिलादिवसेन व्यञ्जनबुद्धिसङ्घातस्स अक्खरुप्पादकचित्तस्स दसहि पकारेहि व्यञ्जनानं पभेदोति अत्थो । सब्बानि हि अक्खरानि चित्तसमुद्धानानि,

यथाधिपेतत्थस्स च ब्यञ्जनतो पकासनतो ब्यञ्जनानीति, ब्यञ्जनबुद्धिया वा करणभूताय ब्यञ्जनानं दसधा पभेदोतिपि युज्जति ।

अमक्खेत्वाति अमिलेच्छेत्वा अविनासेत्वा, अहापेत्वाति अत्थो । तदत्थमाह “परिपुण्णव्यञ्जनमेव कत्वा”ति, यमत्थं भगवा जापेतुं एकगाथं, एकवाक्यम्पि देसेति, तमत्थं परिमण्डलपदव्यञ्जनाय एव देसनाय देसेतीति वुत्तं होति । तस्माति परिपुण्णव्यञ्जनधम्मदेसनतो । केवलसद्दो इध अनवसेसवाचको । न अवोमिस्सतादिवाचकोति आह “सकलाधिवचन”न्ति । परिपुण्णन्ति सब्बसो पुण्णं । तं पनत्थतो ऊनाधिकनिसेधनन्ति वुत्तं “अनूनाधिकवचन”न्ति । तत्थ यदत्थं देसितो, तस्स साधकत्ता अनूनता वेदितब्बा, तब्बिधुरस्स पन असाधकत्ता अनधिकता । उपनेतब्बस्स वा वोदानत्थस्स अवुत्तस्स अभावतो अनूनता, अपनेतब्बस्स संकिलेसत्थस्स वुत्तस्स अभावतो अनधिकता । सकलन्ति सब्बभागवन्तं । परिपुण्णन्ति सब्बसो पुण्णमेव । तेनाह “एकदेसेनापि अपरिपुण्णा नत्थी”ति । अपरिसुद्धा देसना होति तण्हाय संकिलिडत्ता । लोकेहि तण्हाय आमसितब्बतो लोकामिसा, चीवरादयो पच्चया, तेसु अगधितचित्तताय लोकामिसनिरपेक्खो । हितफरणेनाति हिततो फरणेन हितूपसंहारेण विसेसनभूतेन । मेत्ताभावनाय करणभूताय मुदुहदयो । उल्लुम्पनसभावसण्ठितेनाति सकलसंकिलेसतो, वड्डदुक्खतो च उद्धरणाकारसण्ठितेन, कारुज्जाधिप्पायेनाति वुत्तं होति ।

“इतो पट्ठाय दस्सामि, एवञ्च दस्सामी”ति समादातब्बट्ठेन दानं वत्तं । पण्डितपञ्चत्तताय सेट्ठेन ब्रह्मं, ब्रह्मानं वा सेट्ठानं चरियन्ति दानमेव ब्रह्मचरियं । मच्छरियलोभादिनिग्गहणेन समाचिण्णत्ता दानमेव सुचिण्णं । इद्धीति देविद्धि । जुतीति पभा, आनुभावो वा । बलवीरियूपपत्तीति महता बलेन, वीरियेन च समन्नागमो । नागाति वरुणनागराजानं विधुरपण्डितस्स आलपनं ।

दानपतीति दानसामिनो । ओपानभूतन्ति उदकतित्थमिव भूतं ।

धीराति सो विधुरपण्डितमालपति ।

मधुस्सवोति मधुरससन्दनं । पुज्जन्ति पुज्जफलं, कारणवोहारेण वुत्तं । ब्रह्मं, ब्रह्मानं वा चरियन्ति ब्रह्मचरियं, वेय्यावच्चं । एस नयो सेसेसुपि ।

तित्तिरियन्ति तित्तिरसकुणराजेन भासितं ।

अञ्जत्र ताहीति परदारभूताहि वज्जेत्वा । अम्हन्ति अम्हाकं ।

तपस्सी, लूखो, जेगुच्छी, पविवित्तोति चतुब्बिधस्स दुक्करस्स कतत्ता चतुरङ्गसमन्नागतं । सुदन्ति निपातमत्तं । लोमहंसनसुत्तं मज्झिमागमे मूलपण्णासके, “महासीहनादसुत्त”न्तिपि (म० नि० १.१४६) तं वदन्ति ।

इद्धन्ति समिद्धं । फीतन्ति फुल्लितं । वित्थारिकन्ति वित्थारभूतं । बाहुजञ्जन्ति बहूहि जनेहि निर्यानिकभावेन जातं । पुथुभूतन्ति बहुभूतं । याव देवमनुस्सेहीति एत्थ देवलोकतो याव मनुस्सलोका सुपकासितन्ति अधिप्पायवसेन पासादिकसुत्तङ्कथायं (दी० नि० अट्ठ० ३.१७०) वुत्तं, याव देवा च मनुस्सा चाति अत्थो । तस्माति यस्मा सिक्खत्तयसङ्गहं सकलसासनं इध “ब्रह्मचरिय”न्ति अधिप्पेतं, तस्मा । “ब्रह्मचरिय”न्ति इमिना समानाधिकरणानि सब्बपदानि योजेत्वा अत्थं दस्सेन्तो “सो धम्मं देसेती”तिआदिमाह । “एवं देसेन्तो चा”ति हि इमिना ब्रह्मचरियसद्देन धम्मसद्दादीनं समानत्थतं दस्सेति, “धम्मं देसेती”ति वत्वापि “ब्रह्मचरियं पकासेती”ति वचनं सरूपतो अत्थप्पकासनत्थन्ति च विभावेति ।

१९१. वुत्तप्पकारसम्पदन्ति यथावुत्तआदिकल्याणतादिप्पभेदगुणसम्पदं । दूरसमुस्सारित-मानस्सेव सासने सम्मापटिपत्ति सम्भवति, न मानजातिकस्साति वुत्तं “निहतमानत्ता”ति । उस्सन्नत्ताति बहुलभावतो । भोगरूपादिवत्थुका मदा सुप्पहेय्या होन्ति निमित्तस्स अनवट्टानतो, न तथा कुलविज्जादिमदा निमित्तस्स समवट्टानतो । तस्मा खत्तियब्राह्मणकुलीनानं पब्बजितानम्पि जातिविज्जं निस्साय मानजप्पनं दुप्पजहन्ति आह “येभुय्येन...पे०... मानं करोन्ती”ति । विजातितायाति विपरीतजातिताय, हीनजातितायाति अत्थो । येभुय्येन उपनिस्सयसम्पन्ना सुजातिका एव, न दुज्जातिकाति एवं वुत्तं । पतिट्ठातुं न सक्कोन्तीति सीले पतिट्ठहितुं न उस्सहन्ति, सुविसुद्धं कत्वा सीलं रक्खितुं न सक्कोन्तीति वुत्तं होति । सीलमेव हि सासने पतिट्ठा, पतिट्ठातुन्ति वा सच्चपटिवेधेन लोकुत्तराय पतिट्ठाय पतिट्ठातुं । सा हि निप्परियायतो सासने पतिट्ठा नाम ।

एवं व्यतिरेकतो अत्थं वत्वा अन्वयतोपि वदति “गहपतिदारका पना”तिआदिना ।

कच्छेहि सेदं मुञ्चन्तेहीति इत्थम्भूतलक्खणे करणवचनं। तथा पिड्डिया लोणं पुष्फमानायाति, सेदं मुञ्चन्तकच्छ लोणं पुष्फमानपिड्डिका हुत्वा, तेहि वा पकारेहि लक्खिताति अत्थो। भूमिं कसित्वाति भूमिया कस्सनतो, खेतूपजीवनतोति वुत्तं होति। तादिसस्साति जातिमन्तूपनिस्सयस्स। दुब्बलं मानं। बलवं दण्यं। कम्मन्ति परिकम्मं। “इतरेही”तिआदिना “उस्सन्नत्ता”ति हेतुपदं विवरति। “इती”ति वत्वा तदपरामसितब्बं दस्सेति “निहतमानत्ता”तिआदिना, इतिसद्दो वा निदस्सने, एवं यथावुत्तनयेनाति अत्थो। एस नयो ईदिसेसु।

पच्चाजातोति एत्थ आकारो उपसगमन्तन्ति आह “पतिजातो”ति। परिसुद्धन्ति रागादीनं अच्चन्तमेव प्हानदीपनतो निरुपक्विकलेसताय सब्बथा सुद्धं। धम्मस्स सामी तदुप्पादकट्टेन, धम्मेन वा सदेवकस्स लोकस्स सामीति धम्मस्सामी। सद्धन्ति पोथुज्जनिकसद्धावसेन सद्धनं। विज्जूजातिकानज्झि धम्मसम्पत्तिगहणपुब्बिका सद्धासिद्धि चतूसु पुगगलेसु धम्मप्पमाणधम्मप्पसन्नपुगगलभावतो। “यो एवं स्वाक्खातधम्मो, सम्मासम्बुद्धो वत सो भगवा”ति सुद्धं पटिलभति। योजनसतन्तरेपि वा पदेसे। जायम्पत्तिकाति जानिपत्तिका। कामं “जायम्पत्तिका”ति वुत्तेयेव घरसामिकघरसामिनीवसेन द्वित्रमेव गहणं विज्जायति, यस्स पन पुरिसस्स अनेका पजापतियो, तस्स वत्तब्बमेव नत्थि। एकायपि ताव संवासो सम्बाधोयेवाति दस्सनत्थं “द्वे”ति वुत्तं। रागादिना किञ्चनं, खेत्तवत्थादिना पलिबोधनं, तदुभयेन सह वत्ततीति सकिञ्चनपलिबोधनो, सोयेवत्थो तथा। रागो एव रजो, तदादिका दोसमोहरजा। वुत्तज्झि “रागो रजो न च पन रेणु वुच्चती”तिआदि (महानि० २०९; चूलनि० ७४) आगमनपथतापि उट्टानट्टानता एवाति द्वेपि संवण्णना एकत्था, ब्यज्जनमेव नानं। अलग्ननट्टेनाति असज्जनट्टेन अप्पटिबन्धसभावेन। रूपकवसेन, तद्धितवसेन वा अब्भोकासोति दस्सेतुं विय-सद्दगहणं। एवं अकुसलकुसलप्पवत्तीनं ठानाठानभावेन घरावासपब्बज्जानं सम्बाधब्भोकासत्तं दस्सेत्वा इदानि कुसलप्पवत्तिया एव अट्टानट्टानभावेन तेसं तब्भावं दस्सेतुं “अपिचा”तिआदि वुत्तं। रजानं सन्निपातट्टानं वियाति सम्बन्धो।

विसुं विसुं पदुद्धारमकत्वा समासतो अत्थवण्णना सद्धेपकथा। एकम्पि दिवसन्ति एकदिवसमत्तम्पि। अखण्डं कत्वाति दुक्कटमत्तस्सापि अनापज्जनेन अछिदं कत्वा। चरिमकचित्तन्ति चुतिचित्तं। किलेसमलेनाति तण्हासंकिलेसादिमलेन। अमलीनन्ति असंकिलिद्धं। परियोदातट्टेन निम्मलभावेन सद्धं विय लिखितं धोतन्ति सद्धलिखितं। अत्थमत्तं

पन दस्सेतुं “लिखितसङ्घसदिस”न्ति वुत्तं। धोतसङ्घसण्णटिभागन्ति तदत्थस्सेव विवरणं। अपिच लिखितं सङ्घं सङ्घलिखितं यथा “अग्याहितो”ति, तस्सदिसत्ता पन इदं सङ्घलिखितन्तिपि दस्सेति, भावनपुंसकज्चेतं। अज्झावसताति एत्थ अधि-सद्देन कम्मप्पवचनीयेन योगतो “अगार”न्ति एतं भुम्मत्थे उपयोगवचनन्ति आह “अगारमज्जे”ति। यं नून यदि पन पब्बजेय्यं, साधु वताति सम्बन्धो। कसायेन रत्तानि कासायानीति दस्सेति “कसायरसपीतताया”ति इमिना। कस्मा चेतानि गहितानीति आह “ब्रह्मचरियं चरन्तानं अनुच्छविकानी”ति। अच्छादेत्वाति वोहारवचनमत्तं, परिदहित्वाति अत्थो, तज्ज खो निवासनपारुपनवसेन। अगारवासो अगारं उत्तरपदलोपेन, तस्स हितं वुद्धिआवहं कसिवाणिज्जादिकम्पं। तं अनगारियन्ति तस्मिं अनगारिये।

१९२. सहस्सतोति कहापणसहस्सतो। भोगक्खन्धो भोगरासि। आबन्धनट्टेनाति “पुत्तो नत्ता पनत्ता”तिआदिना पेमवसेन परिच्छेदं कत्वा बन्धनट्टेन, एतेन आबन्धनत्थो परिवट्ठ-सट्ठोति दस्सेति। अथ वा पितामहपितुपुत्तादिवसेन परिवत्तनट्टेन परिवट्ठोतिपि युज्जति। “अम्हाकमेते”ति जायन्तीति जातयो।

१९३. पातिमोक्खसंवरेन पिहितकायवचीद्वारो समानो तेन संवरेन उपेतो नामाति कत्वा “पातिमोक्खसंवरेन समन्नागतो”ति वुत्तं। आचारगोचरानं वित्थारो विभङ्गकथादीसु (विभं० अट्ठ० ५०३) गहेत्तब्बो। “आचारगोचरसम्पन्नो”तिआदि च तस्सेव पातिमोक्खसंवरसंवृतभावस्स पच्चयदस्सनं। अणुसदिसताय अप्पमत्तकं “अणू”ति वुत्तन्ति आह “अप्पमत्तकेसू”ति। असज्जिच्च आपन्नअनुखुद्दकापत्तिवसेन, सहसा उप्पन्नअकुसलचित्तुप्पादवसेन च अप्पमत्तकता। भयदस्सीति भयदस्सनसीलो। सम्माति अविपरीतं, सुन्दरं वा, तब्भावो च सक्कच्चं यावजीवं अवीतिकमवसेन। “सिक्खापदेसू”ति वुत्तेयेव तदवयवभूतं “सिक्खापदं समादाय सिक्खती”ति अत्थस्स गम्यमानत्ता कम्मपदं न वुत्तन्ति आह “तं तं सिक्खापद”न्ति, तं तं सिक्खाकोट्टासं, सिक्खाय वा अधिगमुपायं, तस्सा वा निस्सयन्ति अत्थो।

एत्थाति एतस्मिं “पातिमोक्खसंवरसंवृतो”तिआदिवचने। आचारगोचरगहणेनेवाति “आचारगोचरसम्पन्नो”ति वचनेनेव। तेनाह “कुसले कायकम्मवचीकम्मे गहितेपी”ति। न हि आचारगोचरसद्दमत्तेन कुसलकायवचीकम्मगहणं सम्भवति, इमिना पुनरुत्तिताय चोदनालेसं दस्सेति। तस्साति आजीवपारिसुद्धिसीलस्स। उप्पत्तिद्वारदस्सनत्थन्ति उप्पत्तिया

कायवचीविज्जत्तिसङ्घातस्स द्वारस्स कम्मापदेसेन दस्सनत्थं, एतेन यथावुत्तचोदनाय सोधनं दस्सेति । इदं वुत्तं होति – सिद्धेपि सति पुनारम्भो नियमाय वा होति, अत्थन्तरबोधनाय वा, इध पन अत्थन्तरं बोधेति, तस्मा उप्पत्तिद्वारदस्सनत्थं वुत्तन्ति । कुसलेनाति च सब्बसो अनेसनपहानतो अनवज्जेन । कथं तेन उप्पत्तिद्वारदस्सनन्ति आह “यस्मा पना”तिआदि । कायवचीद्वारेसु उप्पन्नेन अनवज्जेन कायकम्मवचीकम्मेन समन्नागतत्ता परिसुद्धाजीवोति अधिष्पायो । तदुभयमेव हि आजीवहेतुकं आजीवपारिसुद्धिसीलं ।

इदानीं सुत्तन्तरेन संसन्दितुं “मुण्डिकपुत्तसुत्तवसेन वा एवं वुत्त”न्ति आह । वा-सद्दो चेत्थ सुत्तन्तरसंसन्दनासङ्घातअत्थन्तरविकम्पनत्थो । मुण्डिकपुत्तसुत्तं नाम मज्झिमागमवरे मज्झिमपण्णासके, यं “समणमुण्डिकपुत्तसुत्त”न्तिपि वदन्ति । तत्थ थपतीति पञ्चकङ्गं नाम वड्ढकिं भगवा आलपति । थपति-सद्दो हि वड्ढकिपरियायो । इदं वुत्तं होति – यस्मा “कतमे च थपति कुसला सीला ? कुसलं कायकम्मं कुसलं वचीकम्म”न्ति सीलस्स कुसलकायकम्मवचीकम्मभावं दस्सेत्वा “आजीवपारिसुद्धमि खो अहं थपति सीलस्मिं वदामी”ति (म० नि० २.२६५) एवं पवत्ताय मुण्डिकपुत्तसुत्तदेसनाय “कायकम्मवचीकम्मेन समन्नागतो कुसलेना”ति सीलस्स कुसलकायकम्मवचीकम्मभावं दस्सेत्वा “परिसुद्धाजीवो”ति एवं पवत्ता अयं सामञ्जफलसुत्तदेसना एकसङ्गहा अञ्जदत्थु संसन्दति समेति यथा तं गङ्गोदकेन यमुनोदकं, तस्मा ईदिसीपि भगवतो देसनाविभूति अत्थेवाति । सीलस्मिं वदामीति सीलन्ति वदामि, सीलस्मिं वा आधारभूते अन्तोगधं परियापन्नं, निद्धारणसमुदायभूते वा एकं सीलन्ति वदामि ।

तिविधेनाति चूलसीलमज्झिमसीलमहासीलतो तिविधेन । “मनच्छेसू”ति इमिना कायपञ्चमानमेव गहणं निवत्तेति । उपरि निदेसे वक्खमानेसु सत्तसु ठानेसु । तिविधेनाति चतूसु पच्चेकं यथालाभयथाबलयथासारुप्पतावसेन तिब्बिधेन ।

चूलमज्झिममहासीलवण्णना

१९४-२११. एवन्ति “सो एवं पब्बजितो समानो पातिमोक्खसंवरसंवुतो विहरती”तिआदिना नयेन । “सीलस्मि”न्ति इदं निद्धारणे भुम्मं ततो एकस्स निद्धारणीयत्ताति आह “एकं सील”न्ति । अपिच इमिना आधारे भुम्मं दस्सेति समुदायस्स अवयवाधिद्वानत्ता यथा “रुक्खे साखा”ति । “इद”न्ति पदेन कत्वत्थवसेन समानाधिकरणं

भुम्मवचनस्स कत्वत्थे पवत्तनतो यथा “वनप्पगुम्बे यथ फुसितग्गे”ति (खु० पा० ६.१३; सु० नि० २३६) दस्सेति “पच्चत्तवचनत्थे वा एतं भुम्म”न्ति इमिना । अयमेवत्थोति पच्चत्तवचनत्थो एव । ब्रह्मजालेति ब्रह्मजालसुत्तवण्णनायं, (दी० नि० अट्ठ० १.७) ब्रह्मजालसुत्तपदे वा । संवण्णनावसेन वुत्तनयेनाति अत्थो । “इदमस्स होति सीलस्मि”न्ति एत्थ महासीलपरियोसानेन निद्धारियमानस्स अभावतो पच्चत्तवचनत्थोयेव सम्भवतीति आह “इदं अस्स सीलं होतीति अत्थो”ति, ततोयेव च पाळियं अपिग्गहणमकतन्ति दट्ठब्बं ।

२१२. अत्तानुवादपरानुवाददण्डभयादीनि असंवरमूलकानि भयानि । “सीलस्सासंवरतो”ति सीलस्स असंवरणतो, सीलसंवराभावतोति अत्थो”ति (दी० नि० टी० १.२८०) आचरियेन वुत्तं, “यदिदं सीलसंवरतो”ति पन पदस्स “यं इदं भयं सीलसंवरतो भवेय्या”ति अत्थवचनतो, “सीलसंवरहेतु भयं न समनुपस्सती”ति च अत्थस्स उपपत्तितो सीलसंवरतो सीलसंवरहेतूति अत्थोयेव सम्भवति । “यं इदं भयं सीलसंवरतो भवेय्या”ति हि पाठोपि दिस्सति । “संवरतो”ति हेतुं वत्वा तदधिगमितअत्थवसेन “असंवरमूलकस्स भयस्स अभावा”तिपि हेतुं वदति । यथाविधानविहितेनाति यथाविधानं सम्पादितेन । खत्तियाभिसेकेनाति खत्तियभावावहेन अभिसेकेन । मुद्धनि अवसित्तोति मत्थकेयेव अभिसित्तो । एत्थ च “यथाविधानविहितेना”ति इमिना पोराणकाचिण्णविधानसमङ्गितासङ्घातं एकं अङ्गं दस्सेति, “खत्तियाभिसेकेना”ति इमिना खत्तियभावावहतासङ्घातं, “मुद्धनि अवसित्तो”ति इमिना मुद्धनियेव अभिसिञ्चितभावसङ्घातं । इति तिवङ्गसमन्नागतो खत्तियाभिसेको वुत्तो होति । येन अभिसित्तराजूनं राजानुभावो समिज्झति । केन पनायमत्थो विज्जायतीति ? पोराणकसत्थागतनयेन । वुत्तज्झि अगगज्जसुत्तङ्कथायं महासम्पताभिसेकविभावनाय “ते पनस्स खेतसामिनो तीहि सङ्खेहि अभिसेकम्पि अकंसू”ति (दी० नि० अट्ठ० ३.१३१) मज्झिमागमङ्कथायञ्च महासीहनादसुत्तवण्णनायं वुत्तं “मुद्धावसित्तेनाति तीहि सङ्खेहि खत्तियाभिसेकेन मुद्धनि अभिसित्तेना”ति (म० नि० अट्ठ० १.१६०) सीहलङ्कथायम्पि चूलसीहनादसुत्तवण्णनायं “पठमं ताव अभिसेकं गणहन्तानं राजूनं सुवण्णमयादीनि तीणि सङ्घानि च गङ्गोदकञ्च खत्तियकञ्जञ्च लद्धुं वट्ठी”तिआदि वुत्तं ।

अयं पन तत्थागतनयेन अभिसेकविधानविनिच्छयो — अभिसेकमङ्गलत्थज्झि अलङ्कतपटियत्तस्स मण्डपस्स अन्तोकतस्स उदुम्बरसाखमण्डपस्स मज्जे सुप्पतिट्ठिते उदुम्बरभट्ठपीठम्हि अभिसेकारहं अभिजच्चं खत्तियं निसीदापेत्वा पठमं ताव

मङ्गलाभरणभूसिता जातिसम्पन्ना खत्तियकज्जा गङ्गोदकपुण्णं सुवण्णमयसामुद्दिक-
दक्खिणावट्टसङ्घं उभोहि हत्थेहि सक्कच्चं गहेत्वा सीसोपरि उस्सापेत्वा तेन तस्स मुद्धनि
अभिसेकोदकं अभिसिञ्चति, एवञ्च वदेति “देव तं सब्बेपि खत्तियगणा अत्तानमारक्खत्थं
इमिना अभिसेकेन अभिसेकिकं महाराजं करोन्ति, त्वं राजधम्मसे सु ठितो धम्मेन समेन
रज्जं कारेहि, एतेसु खत्तियगणेषु त्वं पुत्तसिनेहानुकम्पाय सहितचित्तो, हितसममेत्तचित्तो
च भव, रक्खावरणगुत्तिया तेसं रक्खितो च भवाही”ति। ततो पुन पुरोहितोपि
पोरोहिच्चठानानुरूपालङ्कारेहि अलङ्कतपटियत्तो गङ्गोदकपुण्णं रजतमयं सङ्घं उभोहि हत्थेहि
सक्कच्चं गहेत्वा तस्स सीसोपरि उस्सापेत्वा तेन तस्स मुद्धनि अभिसेकोदकं
अभिसिञ्चति, एवञ्च वदेति “देव तं सब्बेपि ब्राह्मणगणा अत्तानमारक्खत्थं इमिना
अभिसेकेन अभिसेकिकं महाराजं करोन्ति, त्वं राजधम्मसे सु ठितो धम्मेन समेन रज्जं
कारेहि, एतेसु ब्राह्मणगणेषु त्वं पुत्तसिनेहानुकम्पाय सहितचित्तो, हितसममेत्तचित्तो च
भव, रक्खावरणगुत्तिया तेसं रक्खितो च भवाही”ति। ततो पुन सेट्ठिपि
सेट्ठिद्वानभूसनभूसितो गङ्गोदकपुण्णं रतनमयं सङ्घं उभोहि हत्थेहि सक्कच्चं गहेत्वा तस्स
सीसोपरि उस्सापेत्वा तेन तस्स मुद्धनि अभिसेकोदकं अभिसिञ्चति, एवञ्च वदेति “देव
तं सब्बेपि गहपतिगणा अत्तानमारक्खत्थं इमिना अभिसेकेन अभिसेकिकं महाराजं
करोन्ति, त्वं राजधम्मसे सु ठितो धम्मेन समेन रज्जं कारेहि, एतेसु गहपतिगणेषु त्वं
पुत्तसिनेहानुकम्पाय सहितचित्तो, हितसममेत्तचित्तो च भव, रक्खावरणगुत्तिया तेसं
रक्खितो च भवाही”ति। ते पन तस्स एवं वदन्ता “सचे त्वं अम्हाकं वचनानुरूपं
रज्जं करिस्ससि, इच्चेतं कुसलं। नो चे करिस्ससि, तव मुद्धा सत्तथा फलतू”ति एवं
रज्जो अभिसपन्ति वियाति दट्ठब्बन्ति। **वट्ठकीसूकरजातकादीहि** चायमत्थो विभावेतब्बो,
अभिसेकोपकरणानिपि **समन्तपासादिकादीसु** (पारा० अट्ठ० १.ततियसङ्गीतिकथा)
गहेतब्बानीति।

यस्मा निहतपच्चामित्तो, तस्मा न समनुपस्सतीति सम्बन्धो। अनवज्जता
कुसलभावेनाति आह “**कुसलं सीलपदद्वानेही**”तिआदि। इदं वुत्तं होति –
कुसलसीलपदद्वाना अविप्पटिसारपामोज्जपीतिपस्सद्धिधम्मा, अविप्पटिसारादिनिमित्तञ्च उप्पन्नं
चेतसिकसुखं पटिसंवेदेति, चेतसिकसुखसमुद्धानेहि च पणीतरूपेहि फुट्टसरीरस्स उप्पन्नं
कायिकसुखन्ति।

इन्द्रियसंवरकथावण्णना

२१३. सामञ्जस्स विसेसापेक्खताय इधाधिप्पेतोपि विसेसो तेन अपरिच्यत्तो एव होतीति आह “चक्खुसदो कथंचि बुद्धचक्खुम्हि वत्तती”तिआदि। विज्जमानमेव हि अभिधेय्यभावेन विसेसत्थं विसेसन्तरनिवत्तनेन विसेससदो विभावेति, न अविज्जमानं। सेसपदेसुपि एसेव नयो। अज्जेहि असाधारणं बुद्धानमेव चक्खु दस्सनन्ति बुद्धचक्खु, आसयानुसयजाणं, इन्द्रियपरोपरियत्तजाणञ्च। समन्ततो सब्बसो दस्सनट्ठेन चक्खूति समन्तचक्खु, सब्बञ्जुतजाणं। तथूपमन्ति पब्बतमुद्धूपमं, धम्ममयं पासादन्ति सम्बन्धो। सुमेध समन्तचक्खु त्वं जनतमवेक्खस्सूति अत्थो। अरियमगगतयपज्जाति हेट्ठिमरियमगगतयपज्जा। “धम्मचक्खु नाम हेट्ठिमा तयो मग्गा, तीणि च फलानी”ति सत्तायतनवग्गइकथायं (सं० नि० अट्ठ० ३.४.४१८) वुत्तं, इध पन मग्गेहेव फलानि सङ्गहेत्वा दस्सेति। चतुसच्चसङ्घाते धम्मे चक्खूति हि धम्मचक्खु। पज्जायेव दस्सनट्ठेन चक्खूति पज्जाचक्खु, पुब्बेनिवासासवक्खयजाणं। दिब्बचक्खुम्हीति दुत्तियविज्जाय। इधाति “चक्खुना रूपं दिस्वा”ति इमस्मिं पाठे। अयन्ति चक्खुसदो। “पसादचक्खुवोहारेना”ति इमिना इध चक्खुसदो चक्खुपसादेयेव निप्परियायतो वत्तति, परियायतो पन निस्सयवोहारेन निस्सितस्स वत्तब्बतो चक्खुविज्जाणेपि यथा “मज्जा उक्कुट्ठिं करोन्ती”ति दस्सेति। इधापि ससम्भारकथा अवसिद्धाति कत्वा सेसपदेसुपीति पि-सद्गगहणं, “न निमित्तग्गाही”तिआदिपदेसुपीति अत्थो। विविधं असनं खेदनं ब्यासेको, किलेसो एव ब्यासेको, तेन विरहितो तथा, विरहितता च असम्मिस्सता, असम्मिस्सभावो च सम्पयोगाभावतो परिसुद्धताति आह “असम्मिस्सं परिसुद्ध”न्ति, किलेसदुक्खेन अवोमिस्सं, ततो च सुविसुद्धन्ति अत्थो। सति च सुविसुद्धे इन्द्रियसंवरे नीवरणेसु पधानभूतपापधम्मविगमेन अधिकित्तानुयोगो हत्थगतो एव होति, तस्मा अधिकित्तसुखमेव “अब्यासेकसुख”न्ति वुच्चतीति दस्सेति “अधिकित्तसुख”न्ति इमिना।

सतिसम्पजज्जकथावण्णना

२१४. समन्ततो पकारेहि, पकट्ठं वा सविसेसं जानातीति सम्पजानो, तस्स भावो सम्पजज्जं, तथापवत्तजाणं, तस्स विभजनं सम्पजज्जभाजनीयं, तस्मिं सम्पजज्जभाजनीयम्हि। “गमन”न्ति इमिना अभिक्कमनं अभिक्कन्तन्ति भावसाधनमाह। तथा पटिक्कमनं पटिक्कन्तन्ति वुत्तं “निवत्तन”न्ति। गमनञ्चेत्थ निवत्तेत्वा, अनिवत्तेत्वा च गमनं, निवत्तनं

पुन निवत्तिमत्तमेव, अञ्जमञ्जमुपादानकिरियामत्तञ्चेतं द्वयं । कथं लब्धतीति आह “गमने”तिआदि । **अभिहरन्तो**ति गमनवसेन कायं उपनेन्तो । **पटिनिवत्तेन्तो**ति ततो पुन निवत्तेन्तो । **अपनामेन्तो**ति अपक्कमनवसेन परिणामेन्तो । **आसनस्सा**ति पीठकादिआसनस्स । **पुरिमअङ्गाभिमुखो**ति अटनिकादिपुरिमावयवाभिमुखो । **संसरन्तो**ति संसप्पन्तो । **पच्छिमअङ्गपदेसन्ति** अटनिकादिपच्छिमायवप्पदेसं । **पच्चासंसरन्तो**ति पटिआसप्पन्तो । “**एसेव नयो**”ति इमिना निपन्नस्सेव अभिमुखं संसप्पनपटिआसप्पनानि दस्सेति । ठाननिसज्जासयनेसु हि यो गमनविधुरो कायस्स पुरतो अभिहारो, सो **अभिवक्कमो** । पच्छतो अपहारो **पटिवक्कमो**ति लक्खणं ।

सम्पजाननं **सम्पजानं**, तेन अत्तना कत्तब्बकिच्चस्स करणसीलो **सम्पजानकारी**ति आह “**सम्पजञ्जेन सब्बकिच्चकारी**”ति । “**सम्पजञ्जमेव वा कारी**”ति इमिना सम्पजानस्स करणसीलो **सम्पजानकारी**ति दस्सेति । “**सो ही**”तिआदि दुतियविकप्पस्स समत्थनं । “**सम्पजञ्ज**”न्ति च इमिना **सम्पजान**-सदस्स सम्पजञ्जपरियायता वुत्ता । तथा हि **आचरियानन्दत्थेरेन** वुत्तं “समन्ततो, सम्मा, समं वा पजाननं सम्पजानं, तदेव सम्पजञ्ज”न्ति (विभं० मूल टी० २.५२३) अयं अट्टकथातो अपरो नयो – यथा अतिक्कन्तादीसु असम्मोहं उप्पादेति, तथा सम्पजानस्स कारो करणं सम्पजानकारो, सो एतस्स अत्थीति **सम्पजानकारी**ति ।

धम्मतो वट्ठिसङ्घातेन अत्थेन सह वत्ततीति **सात्थकं**, अभिवक्कन्तादि, सात्थकस्स सम्पजाननं **सात्थकसम्पजञ्जं** । सप्पायस्स अत्तनो पतिरूपस्स सम्पजाननं **सप्पायसम्पजञ्जं** । अभिवक्कमादीसु भिक्खाचारगोचरे, अञ्जत्थ च पवत्तेसु अविजहितकम्मद्वानसङ्घाते गोचरे सम्पजाननं **गोचरसम्पजञ्जं** । सामञ्जनिद्देसेन, हि एकसेसनयेन वा गोचरसद्दो तदत्थद्वयेपि पवत्तति । अतिक्कमादीसु असम्मुह्नसङ्घातं असम्मोहमेव सम्पजञ्जं **असम्मोहसम्पजञ्जं** । **चित्तवसेनेवा**ति चित्तस्स वसेनेव, चित्तवसमनुगतेनेवाति अत्थो । **परिग्गहेत्वा**ति तुलयित्वा तीरेत्वा, पटिसङ्घायाति अत्थो । सङ्घदस्सनेनेव उपोसथपवारणादिअत्थाय गमनं सङ्गहितं । **आदिसद्देन** कसिणपरिकम्मादीनं सङ्गहो । सङ्खेपतो वुत्तं तदत्थमेव विवरितुं “**चेतियं वा**”तिआदि वुत्तं । **अरहत्तं पापुणाती**ति उक्कट्टनिद्देसो एस । समथविपस्सनुप्पादनम्पि हि भिक्खुनो वट्ठियेव । **तत्था**ति असुभारम्पणे । **केची**ति अभयगिरिवासिनो । **आमिसतो**ति चीवरादिआमिसपच्चयतो । कस्माति आह “**तं निस्साया**”तिआदि ।

तस्मिन्ति सात्थकसम्पज्जवसेन परिग्गहितअत्थे । यस्मा पन धम्मतो वड्डियेव अत्थो नाम, तस्मा यं “सात्थक”न्ति अधिप्पेतं गमनं, तं सब्बम्पि सप्पायमेवाति सिया अविसेसेन कस्सचि आसङ्काति तन्निवत्तनत्थं “चेतियदस्सनं तावा”तिआदि आरब्धं । महापूजायाति महतिया पूजाय, बहूनं पूजादिवसेति वुत्तं होति । चित्तकम्मरूपकानी वियाति चित्तकम्मकतपटिमायो विय, यन्तपयोगेन वा नानप्पकारविचित्तकिरिया पटिमायो विय । तत्राति तासु परिसासु । अस्साति भिक्खुनो । असमपेक्खनं नाम गेहस्सितअज्जाणुपेक्खावसेन आरम्मणस्स अयोनिस्सो गहणं । यं सन्धाय वुत्तं “चक्खुना रूपं दिस्वा उप्पज्जति उपेक्खा बालस्स मूळहस्स पुथुज्जनस्सा”तिआदि (म० नि० ३.३०८) मातुगामसम्फस्सवसेन कायसंसग्गापत्ति । हत्थिआदिसम्मद्देन जीवितन्तरायो । विसभागरूपदस्सनादिना ब्रह्मचरियन्तरायो । “दसद्वादसयोजनन्तरे परिसा सन्निपतन्ती”तिआदिना वुत्तप्पकारेनेव । महापरिसपरिवारानन्ति कदाचि धम्मस्सवनादिअत्थाय इत्थिपुरिससम्मिस्सपरिवारे सन्धाय वुत्तं ।

तदत्थदीपनत्थन्ति असुभदस्सनस्स सात्थकभावसङ्घातस्स अत्थस्स दीपनत्थं । पब्बजितदिवसतो पट्टाय पटिवचनदानवसेन भिक्खूनं अनुवत्तनकथा आचिण्णा, तस्मा पटिवचनस्स अदानवसेन अननुवत्तनकथा तस्स दुतिया नाम होतीति आह “द्वे कथा नाम न कथितपुब्बा”ति । द्वे कथाति हि वचनकरणाकरणकथा । तत्थ वचनकरणकथायेव कथितपुब्बा, दुतिया न कथितपुब्बा । तस्मा सुब्बचत्ता पटिवचनमदासीति अत्थो ।

एवन्ति इमिना । “सचे पन चेतियस्स महापूजाया”तिआदिकं सब्बम्पि वुत्तप्पकारं पच्चासति, न “पुरिसस्स मातुगामासुभ”न्तिआदिकमेव । परिग्गहितं सात्थकं, सप्पायज्ज येन सो परिग्गहितसात्थकसप्पायो, तस्स, तेन यथानुपुब्बिकं सम्पज्जपरिग्गहणं दस्सेति । वुच्चमानयोगकम्मस्स पवत्तिट्ठानताय भावनाय आरम्मणं कम्मट्ठानं, तदेव भावनाय विसयभावतो गोचरन्ति आह “कम्मट्ठानसङ्घातं गोचर”न्ति । उग्गहेत्वाति यथा उग्गहनिमित्तं उप्पज्जति, एवं उग्गहकोसल्लस्स सम्पादनवसेन उग्गहणं कत्वा । भिक्खाचारगोचरेति भिक्खाचारसङ्घाते गोचरे, अनेन कम्मट्ठाने, भिक्खाचारे च गोचरसद्दोति दस्सेति ।

इधाति सासने । हरतीति कम्मट्ठानं पवत्तनवसेन नेति, याव पिण्डपातपटिक्कमा अनुयुज्जतीति अत्थो । न पच्चाहरतीति आहारूपयोगतो याव दिवाठानुपसङ्कमना कम्मट्ठानं न पटिनेति । तत्थाति तेसु चतूसु भिक्खूसु । आवरणीयेहीति नीवरणेहि । पगेवाति

पातोयेव । **सरीरपरिकम्पन्ति** मुखधोवनादिसरीरपटिजग्गनं । **द्वे तयो पल्लङ्के**ति द्वे तयो निसज्जावारे । ऊरुबद्धासनज्हेत्थ पल्लङ्को । **उसुमन्ति** द्वे तीणि उण्हापनानि सन्धाय वुत्तं । **कम्मट्टानं अनुयुज्जित्वा**ति तदहे मूलभूतं कम्मट्टानं अनुयुज्जित्वा । **कम्मट्टानसीसेनेवा**ति कम्मट्टानमुखेनेव, कम्मट्टानमविजहन्तो एवाति वुत्तं होति, तेन “पतोपि अचेतनो”तिआदिना (दी० नि० अट्ठ० १.२१४; म० नि० अट्ठ० १.२०९; सं० नि० अट्ठ० ३.५.१६८; विभं० अट्ठ० ५२३) वक्खमानं कम्मट्टानं, यथापरिहरियमानं वा अविजहित्वाति दस्सेति ।

गन्त्वाति पापुणित्वा । बुद्धानुस्सतिकम्मट्टानं चे, तदेव निपच्चकारसाधनं । अज्जज्जे, अनिपच्चकारकरणमिव होतीति दस्सेतुं “**सचे**”तिआदि वुत्तं । अतब्बिसयेन तं **ठपेत्वा** । “**महन्तं चेतियं चे**”तिआदिना कम्मट्टानिकस्स मूलकम्मट्टानमनसिकारस्स पपञ्चाभावदस्सनं । अज्जेन पन तथापि अज्जथापि वन्दितब्बमेव । **तथेवा**ति तिकखत्तुमेव । परिभोगचेतियतो सारीरिकचेतियं गरुतरन्ति कत्वा “**चेतियं वन्दित्वा**”ति पुब्बकालकिरियावसेन वुत्तं । यथाह अट्ठकथायं “चेतियं बाधयमाना बोधिसाखा हरितब्बा”ति, (म० नि० अट्ठ० ४.१२८; अ० नि० अट्ठ० १.१.२७५; विभं० अट्ठ० ८०९) अयं आचरियस्स मति, “**बोधियङ्गणं पत्तेनापी**”ति पन वचनतो यदि चेतियङ्गणतो गते भिक्खाचारमग्गे बोधियङ्गणं भवेय्य, सापि वन्दितब्बाति मग्गानुक्कमेनेव “चेतियं वन्दित्वा”ति पुब्बकालकिरियावचनं, न तु गरुकातब्बतानुक्कमेन । एवज्झि सति बोधियङ्गणं पठमं पत्तेनापि बोधिं वन्दित्वा चेतियं वन्दितब्बं, एकमेव पत्तेनापि तदेव वन्दितब्बं, तदुभयमपि अप्पत्तेन न वन्दितब्बन्ति अयमत्थो सुविज्जातो होति । भिक्खाचारगतमग्गेन हि पत्तट्टाने कत्तब्बअन्तरावत्तदस्सनमेतं, न पन धुववत्तदस्सनं । पुब्बे हेस कतवत्तोयेव । तेनाह “पगेव चेतियङ्गणबोधियङ्गणवत्तं कत्वा”तिआदि । बुद्धगुणानुस्सरणवसेनेव बोधिआदिपरिभोगचेतियेपि निपच्चकरणं उपपन्नन्ति दस्सेति “**बुद्धस्स भगवतो सम्मुखा विय निपच्चकारं दस्सेत्वा**”ति इमिना । **पटिसामितट्टानन्ति** सोपानमूलभावसामज्जेन वुत्तं, बुद्धारम्भणपीतिविसयभूतचेतियङ्गणबोधियङ्गणतो बाहिरट्टानं पत्वाति वुत्तं होति ।

गामसमीपेति गामूपचारे । ताव पज्झं वा पुच्छन्ति, धम्मं वा सोतुकामा होन्तीति सम्बन्धो । **जनसङ्गहत्थन्ति** “मयि अकथेन्ते एतेसं को कथेस्सती”ति धम्मानुगहेन महाजनस्स सङ्गहणत्थं । अट्ठकथाचरियानं वचनं समथेत्तुं “**धम्मकथा हि कम्मट्टानविनिमुत्ता नाम नत्थी**”ति वुत्तं । **तस्मा**ति यस्मा “धम्मकथा नाम कातब्बायेवा”ति अट्ठकथाचरिया वदन्ति,

यस्मा वा धम्मकथा कम्मद्वानविनिमुत्ता नाम नत्थि, तस्मा धम्मकथं कथेत्वाति सम्बन्धो । आचरियानन्दत्थेरेन (विभं० मूल टी० ५२३) पन “तस्मा”ति एतस्स “कथेतब्बायेवाति वदन्ती”ति एतेन सम्बन्धो वुत्तो । **कम्मद्वानसीसेनेवा**ति अत्तना परिहरियमानं कम्मद्वानं अविजहनवसेन, तदनुगुणंयेव धम्मकथं कथेत्वाति अत्थो, दुतियपदेपि एसेव नयो । **अनुमोदनं कत्वा**ति एत्थापि “कम्मद्वानसीसेनेवा”ति अधिकारो । **तत्था**ति गामतो निक्खमनद्वानेयेव ।

“**पोराणकभिव्वू**”तिआदिना पोराणकाचिण्णदस्सनेन यथावुत्तमत्थं दळ्हं करोति । **सम्पत्तपरिच्छेदेनेवा**ति “परिचितो अपरिचितो”तिआदिविभागं अकत्वा सम्पत्तकोटिया एव, समागममत्तेनेवाति अत्थो । **आनुभावेना**ति अनुग्गहबलेन । **भये**ति परचक्कादिभये । **छातके**ति दुब्भिकखे ।

“पच्छिमयामेपि निसज्जाचङ्कमेहि वीतिनामेत्वा”तिआदिना **वुत्तप्पकारं** । **करोन्तस्सा**ति करमानस्सेव, अनादरे चेतं सामिवचनं । **कम्मजतेजो**ति गहणिं सन्धायाह । **पज्जलती**ति उण्हभावं जनेति । ततोयेव उपादिन्नकं गण्हाति, सेदा मुच्चन्ति । **कम्मद्वानं वीथिं नारोह**ति खुदापरिस्समेन किलन्तकायस्स समाधानाभावतो । **अनुपादिन्नं ओदनादिवत्थु** । **उपादिन्नं उदरपटलं** । अन्तोकुच्छियज्झि ओदनादिवत्थुस्मिं असति कम्मजतेजो उट्ठित्वा उदरपटलं गण्हाति, “छातोस्मि, आहारं मे देथा”ति वदापेति, भुत्तकाले उदरपटलं मुञ्चित्वा वत्थुं गण्हाति, अथ सत्तो एकग्गो होति, यतो “छायारक्खसो विय कम्मजतेजो”ति अट्ठकथासु वुत्तो । **सो पगेवा**ति एत्थ “तस्मा”ति सेसो । **गोरूपानन्ति गुन्नं**, गोसमूहानं वा, वजतो गोचरत्थाय निक्खमनवेलायमेवाति अत्थो । वुत्तविपरीतनयेन **उपादिन्नकं मुञ्चित्वा अनुपादिन्नकं गण्हाति** । अन्तराभत्तेति भत्तस्स अन्तरे, याव भत्तं न भुञ्जति, तावाति अत्थो । तेनाह “**कम्मद्वानसीसेन आहारज्ज परिभुञ्जित्वा**”ति । **अवसेसद्वाने**ति यागुया अग्गहितद्वाने । ततोति भुञ्जनतो । **पोद्धानुपोद्धान्ति** कम्मद्वानानुपद्धानस्स अनवच्छेददस्सनमेतं, उत्तरुत्तरिन्ति अत्थो, यथा पोद्धानुपोद्धान् पवत्ताय सरपटिपाटिया अनवच्छेदो, एवमेतस्सापि कम्मद्वानुपद्धानस्साति वुत्तं होति । “**एदिसा चा**”तिआदिना तथा कम्मद्वानमनसिकारस्सापि सात्थकभावं दस्सेति । **आसनन्ति** निसज्जासनं ।

निक्खित्तधुरोति भावनानुयोगे अनुक्खित्तधुरो अनारद्धवीरियो । वत्तपटिपत्तिया

अपरिपूरणेन सब्बवत्तानि भिन्दित्वा । पञ्चविधचेतोखीलविनिबन्धचित्तोति पञ्चविधेन चेतोखीलेन, विनिबन्धेन च सम्पयुत्तचित्तो । वुत्तहि मज्झिमागमे चेतोखीलसुत्ते -

“कतमस्स पञ्च चेतोखीला अप्पहीना होन्ति ? इध भिक्खवे भिक्खु सत्थरि कङ्कति, धम्मे कङ्कति, सङ्गे कङ्कति, सिक्खाय कङ्कति, सब्बसङ्गचारीसु कुपितो होती”ति, (म० नि० १.१८५)

“कतमस्स पञ्च चेतसो विनिबन्धा असमुच्छिन्ना होन्ति ? इध भिक्खवे भिक्खु कामे अवीतरागो होति, काये अवीतरागो होति, रूपे अवीतरागो होति, यावदत्थं उदरावदेहकं भुज्जित्वा सेय्यसुखं पस्ससुखं मिद्धसुखं अनुयुत्तो विहरति, अज्जतरं देवनिकायं पणिधाय ब्रह्मचरियं चरती”ति (म० नि० १.१८६) । च -

वित्थारो । आचरियेन (दी० नि० टी० १.२१५) पन पञ्चविधचेतोविनिबन्धचित्तभावोयेव पदेकदेसमुल्लिङ्गेत्वा दस्सितो । चित्तस्स कचवरखाणुकभावो हि चेतोखीलो, चित्तं बन्धित्वा मुट्ठियं विय कत्वा गण्हनभावो चेतसो विनिबन्धो । पठमो चेत्थ विचिकिच्छादोसवसेन, दुतियो लोभवसेनाति अयमेतेसं विसेसो । चरित्वाति विचरित्वा । कम्मट्ठानविरहवसेन तुच्छो ।

भावनासहितमेव भिक्खाय गतं, पच्चागतञ्च यस्साति गतपच्चागतिकं, तदेव वत्तं, तस्स वसेन । अत्तकामाति अत्तनो हितसुखमिच्छन्ता, धम्मच्छन्दवन्तोति अत्थो । धम्मो हि हितं, सुखञ्च तन्निमित्तकन्ति । अथ वा विज्जूनं अत्ततो निब्बिसेसत्ता, अत्तभावपरियापन्नत्ता च धम्मो अत्ता नाम, तं कामेन्ति इच्छन्तीति अत्तकामा । अधुना पन अत्थकामाति हितवाचकेन अत्थसद्देन पाठो दिस्सति, धम्मसञ्जुत्तं हितमिच्छन्ता, हितभूतं वा धम्ममिच्छन्ताति तस्सत्थो । इणट्ठाति इणेन पीळिता । तथा सेसपदद्वयेपि । एत्थाति सासने ।

उसभं नाम वीसति यट्ठियो, गाबुत्तं नाम असीति उसभा । तां सज्जायाति तादिसाय पासाणसज्जाय, कम्मट्ठानमनसिकारेण “एत्तकं ठानमागता”ति जानन्ता गच्छन्तीति अधिप्पायो । नन्ति किलेसं । कम्मट्ठानविप्पयुत्तचित्तेन पादुद्धारणमकत्थुकामतो तिष्ठति, पच्छागतो पन ठितिमनतिक्कमितुकामतो । सौति उप्पन्नकिलेसो भिक्खु । अयन्ति

पच्छागतो । एतन्ति परस्स जाननं । तत्थेवाति पतिट्ठितट्ठानेयेव । सोयेव नयोति “अयं भिक्खू”तिआदिका यो पतिट्ठाने वुत्तो, सो एव निसज्जायपि नयो । पच्छतो आगच्छन्तानं छिन्नभत्तभावभयेनापि योनिसोमनसिकारं परिब्रूहेतीति इदम्पि परस्स जाननेनेव सङ्गहितन्ति दट्ठब्बं । **पुरिमपादेयेवाति** पठमं कम्मट्ठानविप्पयुत्तचित्तेन उद्धरितपादवळ्ज्जेयेव । **एतीति** गच्छति । “**आलिन्दकवासी महाफुस्सदेवत्थेरो विया**”तिआदिना अट्ठानेयेवेतं कथितं । “क्वायं एवं पटिपन्नपुब्बो”ति आसङ्कं निवत्तेति ।

महन्ताति धञ्जकरणट्ठाने सालिसीसादीनि महन्ता । **अस्साति** थेरस्स, उभयापेक्खवचनमेतं । अस्स अरहत्तप्पत्तदिवसे चङ्कमनकोटियन्ति च । अधिगमप्पिच्छताय विक्खेपं कत्वा, निबन्धित्वा च पटिजानित्वायेव **आरोचेति** ।

पठमं तावाति पदसोभनत्थं परियायवचनं । **महापधानन्ति** भगवतो दुक्करचरियं, अम्हाकं अत्थाय लोकनाथेन छब्बस्सानि कतं दुक्करचरियं “एवाहं यथाबलं पूजेस्सामी”ति अत्थो । पटिपत्तिपूजायेव हि पसत्थतरा सत्थुपूजा, न तथा आमिसपूजा । **ठानचङ्कममेवाति** अधिट्ठातब्बइरियापथवसेन वुत्तं, न भोजनकालादीसु अवस्सं कत्तब्बनिसज्जाय पटिक्खेपवसेन । **एवसद्देन** हि इतराय निसज्जाय, सयनस्स च निवत्तनं करोति । **विप्पयुत्तेन उद्धटे पटिनिवत्तेन्तोति** सम्पयुत्तेन उद्धरितपादेयेव पुन ठपनं सन्धायाह । “**गामसमीपं गन्त्वा**”ति वत्वा तदत्थं विवरति “**गावी नू**”तिआदिना । **कच्छकन्तरतोति** उपकच्छन्तरतो, उपकच्छे लगितकमण्डलुतोति वुत्तं होति । **उदकगण्डूस्सन्ति** उदकावगण्डकारकं । कतिनं तिथीनं पूरणी **कतिमी**, “पञ्चमी नु खो पक्खस्स, अट्ठमी”तिआदिना दिवसं वा पुच्छितोति अत्थो । अनारोचनस्स अकत्तब्बत्ता **आरोचेति** । तथा हि वुत्तं “अनुजानामि भिक्खवे सब्बहेव पक्खगणनं उग्गहेतु”न्तिआदि (महाव० १५६) ।

“उदकं गिलित्वा आरोचेती”ति **वुत्तनयेन** । तत्थाति गामद्वारे । **निट्ठुभनन्ति** उदकनिट्ठुभनट्ठानं । **तेसूति** मनुस्सेसु । जाणचक्खुसम्पन्नत्ता **चक्खुमा** । **ईदिसोति** सुसम्मट्ठचेतियङ्गणादिको । **विसुद्धिपवारणन्ति** खीणासवभावेन पवारणं ।

वीथिं ओत्तरित्वा इतो चितो च अनोलेकेत्वा पठममेव वीथियो सल्लक्खेतब्बाति आह “**वीथियो सल्लक्खेत्वा**”ति । यं सन्धाय वुत्तं “पासादिकेन अभिक्कन्तेन

पटिक्कन्तेना”तिआदि (पारा० ४३२)। तं गमनं दस्सेतुं “तत्थ चा”तिआदिमाह। “न हि जवेन पिण्डपातियधुतङ्गं नाम किञ्चि अत्थी”ति इमिना जवेन गमने लोलुप्पचारिता विय असारुप्पतं दस्सेति। उदकसकटन्ति उदकसारसकटं। तज्झि विसमभूमिभागप्पत्तं निच्चलमेव कातुं वट्ठति। तदनु रूपन्ति भिक्खादानानुरूपं। “आहारे पटिकूलसज्जं उपट्टपेत्वा”तिआदीसु यं वत्तब्बं, तं परतो आगमिस्सति। रथस्स अक्खानं तेलेन अब्भज्जनं, वणस्स लेपनं, पुत्तमंसस्स खादनञ्च तिधा उपमा यस्स आहरणस्साति तथा। अट्ठसमन्नागतन्ति “यावदेव इमस्स कायस्स ठितिया, यापनाया”तिआदिना (म० नि० १.२३; २.२४, ३८७; सं० नि० २.४.१२०; अ० नि० २.६.५८; ३.५.९; विभं० ५१८; महानि० २०६) वुत्तेहि अट्ठहि अट्ठेहि समन्नागतं कत्वा। “नेव दवाया”तिआदि पन पटिक्खेपमत्तदस्सनं। भत्तकिलमथन्ति भत्तवसेन उप्पन्नकिलमथं। पुरेभत्तादि दिवावसेन वुत्तं। पुरिमयामादि रत्तिवसेन।

गतपच्चागतेसु कम्मट्ठानस्स हरणं वत्तन्ति अत्थं दस्सेन्तो “हरणपच्चाहरणसङ्घात”न्ति आह। “यदि उपनिस्सयसम्पन्नो होती”ति इदं “देवपुत्तो हुत्वा”तिआदीसुपि सब्बत्थ सम्बज्झितब्बं। तत्थ पच्चेकबोधिया उपनिस्सयसम्पदा कप्पानं द्वे असङ्खयेय्यानि, सतसहस्सञ्च तज्जा पुज्जजाणसम्भारसम्भरणं, सावकबोधिया अगगसावकानं एकमसङ्खयेय्यं, कप्पसतसहस्सञ्च, महासावकानं (थेरगा० अट्ठ० २.वक्कीसत्थेरगाथावण्णना वित्थारो) कप्पसतसहस्समेव, इतरेसं पन अतीतासु जातीसु विवट्ठुपनिस्सयवसेन कालनियममन्तरेन निब्बत्तितं निब्बेधभागियकुसलं। “सेय्यथापी”तिआदिना तस्मिं तस्मिं ठानन्तरे एतदग्गट्ठपितानं थेरानं सक्खिदस्सनं। तत्थ थेरो बाहियो दारुचीरियोति बाहियविसये सज्जातसंवट्ठताय बाहियो, दारुचीरपरिहरणतो दारुचीरियोति च समज्जितो थेरो। सो हायस्मा –

“तस्मा तिह ते बाहिय एवं सिक्खितब्बं ‘दिट्ठे दिट्ठमत्तं भविस्सति, सुते, मुते, विज्जाते विज्जातमत्तं भविस्सती’ति, एवञ्चि ते बाहिय सिक्खितब्बं। यतो खो ते बाहिय दिट्ठे दिट्ठमत्तं भविस्सति, सुते, मुते, विज्जाते विज्जातमत्तं भविस्सति, ततो त्वं बाहिय न तेन। यतो त्वं बाहिय न तेन, ततो बाहिय न तत्थ। यतो त्वं बाहिय न तत्थ, ततो त्वं बाहिय नेविध न हुरं न उभयमन्तरेन, एसेवन्तो दुक्खस्सा”ति” (उदा० १०)।

एत्तकाय देसनाय अरहत्तं सच्छाकासि । एवं सारिपुत्तत्थेरादीनम्पि महापज्जतादिदीपनानि सुत्तपदानि वित्थारतो वत्तब्बानि । विसेसतो पन अङ्गुत्तरागमे एतदग्गसुत्तपदानि (अ० नि० १.१.१८८) सिखापत्तन्ति कोटिप्पत्तं निट्ठानप्पत्तं सब्बथा परिपुण्णतो ।

तन्ति असम्मुह्णं । एवन्ति इदानीं वुच्चमानाकारेण वेदितब्बं । “अत्ता अभिक्कमती”ति इमिना दिट्ठिगाहवसेन, “अहं अभिक्कमामी”ति इमिना मानगाहवसेन, तदुभयस्स पन विना तण्हाय अप्पवत्तनतो तण्हागाहवसेनाति तीहिपि मज्जनाहि अन्धबालपुथुज्जनस्स अभिक्कमे सम्मुह्णं दस्सेति । “तथा असम्मुहन्तो”ति वत्वा तदेव असम्मुह्णं येन घनविनिब्भोगेन होति, तं दस्सेन्तो “अभिक्कमामी”तिआदिमाह । चित्तसमुद्धानवायोधातूति तेनेव अभिक्कमनचित्तेन समुद्धाना, तंचित्तसमुद्धानिका वा वायोधातु । विज्जत्तिन्ति कायविज्जत्तिं । जनयमाना उप्पज्जति तस्सा विकारभावतो । इतीति तस्मा उप्पज्जनतो । चित्तकिरियवायोधातुविष्कारवसेनाति किरियमयचित्तसमुद्धानवायोधातुया विचलनाकारसङ्घातकायविज्जत्तिवसेन । तस्साति अट्ठिसङ्घाटस्स । अभिक्कमतोति अभिक्कमन्तस्स । ओमत्ताति अवमत्ता लामकप्पमाणा । वायोधातुतेजोधातुवसेन इतरा द्वे धातुयो ।

इदं वुत्तं होति – यस्मा चेत्थ वायोधातुया अनुगता तेजोधातु उद्धरणस्स पच्चयो । उद्धरणगतिका हि तेजोधातु, तेन तस्सा उद्धरणे वायोधातुया अनुगतभावो होति, तस्मा इमासं द्विन्नमेत्थ सामत्थियतो अधिमत्तता, तथा अभावतो पन इतरासं ओमत्तताति । यस्मा पन तेजोधातुया अनुगता वायोधातु अतिहरणवीतिहरणानं पच्चयो । किरियगतिकाय हि वायोधातुया अतिहरणवीतिहरणेषु सातिसयो ब्यापारो, तेन तस्सा तत्थ तेजोधातुया अनुगतभावो होति, तस्मा इमासं द्विन्नमेत्थ सामत्थियतो अधिमत्तता, इतरासञ्च तदभावतो ओमत्तताति दस्सेति “तथा अतिहरणवीतिहरणेषू”ति इमिना । सतिपि चेत्थ अनुगमकानुगन्तब्बताविसेसे तेजोधातुवायोधातुभावमत्तं सन्धाय तथासद्गगहणं कतं । पठमे हि नये तेजोधातुया अनुगमकता, वायोधातुया अनुगन्तब्बता, दुतिये पन वायोधातुया अनुगमकता, तेजोधातुया अनुगन्तब्बताति । तत्थ अक्कन्तद्धानतो पादस्स उक्खिपनं उद्धरणं, ठितद्धानं अतिक्कमित्वा पुरतो हरणं अतिहरणं । खाणुआदिपरिहरणत्थं, पतिट्ठितपादघट्टनापरिहरणत्थं वा पस्सेन हरणं वीतिहरणं, याव पतिट्ठितपादो, ताव हरणं अतिहरणं, ततो परं हरणं वीतिहरणन्ति वा अयमेतेसं विसेसो ।

यस्मा पथवीधातुया अनुगता आपोधातु वोस्सज्जने पच्चयो । गरुतरसभावा हि आपोधातु, तेन तस्सा वोस्सज्जने पथवीधातुया अनुगतभावो होति, तस्मा तासं द्विन्नमेत्थ सामत्थियतो अधिमत्तता, इतरासञ्च तदभावतो ओमत्तताति दस्सेन्तो आह “वोस्सज्जने...पे०... बलवतियो”ति । यस्मा पन आपोधातुया अनुगता पथवीधातु सन्निक्खेपनस्स पच्चयो । पतिट्ठाभावे विय पतिट्ठापनेपि तस्सा सातिसयकिच्चत्ता आपोधातुया तस्सा अनुगतभावो होति, तथा घट्टनकिरियाय पथवीधातुया वसेन सन्निरुज्जनस्स सिज्जनतो तस्सा सन्निरुज्जनेपि आपोधातुया अनुगतभावो होति, तस्मा वुत्तं “तथा सन्निक्खेपनसन्निरुज्जनेसू”ति ।

अनुगमकानुगन्तब्बताविसेसेपि सति पथवीधातुआपोधातुभावमत्तं सन्धाय तथासद्दगहणं कत्तं । पठमे हि नये पथवीधातुया अनुगमकता, आपोधातुया अनुगन्तब्बता, दुतिये पन आपोधातुया अनुगमकता, पथवीधातुया अनुगन्तब्बताति । वोस्सज्जनञ्चेत्थ पादस्स ओनामनवसेन वोस्सगो, ततो परं भूमिआदीसु पतिट्ठापनं सन्निक्खेपनं, पतिट्ठापेत्वा निम्मदनवसेन गमनस्स सन्निरोधो सन्निरुज्जनं ।

तत्थाति तस्मिं अतिक्कमने, तेसु वा यथावुत्तेसु उद्धरणातिहरण-वीतिहरणवोस्सज्जनसन्निक्खेपनसन्निरुज्जनसङ्घातेसु छसु कोट्ठासेसु । उद्धरणेति उद्धरणक्खणे । रूपारूपधम्माति उद्धरणाकारेण पवत्ता रूपधम्मा, तंसमुट्ठापका च अरूपधम्मा । अतिहरणं न पापुणन्ति खणमत्तावट्ठानतो । सब्बत्थ एस नयो । तत्थ तत्थेवाति यत्थ यत्थ उद्धरणादिके उप्पन्ना, तत्थ तत्थेव । न हि धम्मानं देसन्तरसङ्कमनं अत्थि लहुपरिवत्तनतो । पब्बं पब्बन्ति परिच्छेदं परिच्छेदं । सन्धि सन्धीति गण्ठि गण्ठि । ओधि ओधीति भागं भागं । सब्बञ्चेत्तं उद्धरणादिकोट्ठासे सन्धाय सभागसन्ततिवसेन वुत्तन्ति वेदितब्बं । इतरो एव हि रूपधम्मानम्पि पवत्तिक्खणो गमनयोगगमनस्सादानं देवपुत्तानं हेट्ठुपरियेन पटिमुखं धावन्तानं सिरसि, पादे च बन्धखुरधारासमागमतोपि सीघतरो, यथा तिलानं भिज्जयमानानं पटपटायनेन भेदो लक्खीयति, एवं सङ्गतधम्मानं उप्पादेनाति दस्सनत्थं “पटपटायन्ता”ति वुत्तं, उप्पादवसेन पटपट-सद्दं अकरोन्तापि करोन्ता वियाति अत्थो । तिलभेदलक्खणं पटपटायनं विय हि सङ्गतभेदलक्खणं उप्पादो उप्पन्नानमेकन्ततो भिन्नत्ता । तत्थाति अभिक्कमने । को एको अभिक्कमति नाभिक्कमतियेव । कस्स वा एकस्स अभिक्कमनं सिया, न सिया एव । कस्मा ? परमन्थतो हि...पे०... धातूनं सयनं, तस्माति अत्थो । अन्धबालपुथुज्जनसम्मूळहस्स अत्तनो अभिक्कमननिवत्तनज्हेत्तं वचनं । अथ

वा “को एको...पे०... अभिक्कमन”न्ति चोदनाय “परमत्थतो ही”तिआदिना सोधना वुत्ता ।

तस्मिं तस्मिं कोट्टासेति यथावुत्ते छब्बिधेपि कोट्टासे गमनादिकस्स अपच्चामडुत्ता । “सद्धिं रूपेन उप्पज्जते, निरुज्झती”ति च सिलोकपदेन सह सम्बन्धो । तत्थ पठमपदसम्बन्धे रूपेणाति येन केनचि सहउप्पज्जनकेन रूपेन । दुतियपदसम्बन्धे पन “रूपेना”ति इदं यं ततो निरुज्झमानचित्ततो उपरि सत्तरसमचित्तस्स उप्पादक्खणे उप्पन्नं, तदेव तस्स निरुज्झमानचित्तस्स निरोधेन सद्धिं निरुज्झनकं सत्तरसचित्तक्खणायुकं रूपं सन्धाय वुत्तं, अज्जथा रूपारूपधम्मा समानायुका सियुं । यदि च सियुं, अथ “रूपं गरुपरिणामं दन्धनिरोध”न्तिआदि (विभं० अट्ठ० पकिण्णककथा) अट्ठकथावचनेहि, “नाहं भिक्खवे अज्जं एकधम्ममि समनुपस्सामि, यं एवं लहुपरिवत्तं, यथयिदं चित्त”न्ति (अ० नि० १.१.३८) एवमादिपाळिवचनेहि च विरोधो सिया । चित्तचेतसिका हि सारम्मणसभावा यथाबलं अत्तनो आरम्मणपच्चयभूतमत्थं विभावन्तो एव उप्पज्जन्ति, तस्मा तेसं तंसभावनिष्फत्तिअनन्तरं निरोधो, रूपधम्मा पन अनारम्मणा पकासेतब्बा, एवं तेसं पकासेतब्बभावनिष्फत्ति सोलसहि चित्तेहि होति, तस्मा एकचित्तक्खणातीतेन सह सत्तरसचित्तक्खणायुकता रूपधम्मानमिच्छिताति । लहुपरिवत्तनविज्जाणविसेसस्स सङ्गतिमत्तपच्चयताय तिण्णं खन्धानं, विसयसङ्गतिमत्तताय च विज्जाणस्स लहुपरिवत्तिता, दन्धमहाभूतपच्चयताय रूपस्स गरुपरिवत्तिता । यथाभूतं नानाधातुजाणं खो पन तथागतस्सेव, तेन च पुरेजातपच्चयो रूपधम्मोव वुत्तो, पच्छाजातपच्चयो च तथेवाति रूपारूपधम्मानं समानक्खणता न युज्जतेव, तस्मा वुत्तनयेनेवेत्थ अत्थो वेदितब्बोति आचरियेन (दी० नि० टी० १.२१४) वुत्तं, तदेतं चित्तानुपरिवत्तिया विज्जत्तिया एकनिरोधभावस्स सुविज्जेय्यत्ता एवं वुत्तं । ततो सविज्जत्तिकेन पुरेतरं सत्तरसमचित्तस्स उप्पादक्खणे उप्पन्नेन रूपेन सद्धिं अज्जं चित्तं निरुज्झतीति अत्थो वेदितब्बो । अज्जं चित्तं निरुज्झति, अज्जं उप्पज्जते चित्तन्ति योजेतब्बं । अज्जो हि सट्ठक्कमो, अज्जो अत्थक्कमोति । यज्जि पुरिमुप्पन्नं चित्तं, तं निरुज्झन्तं अज्जस्स पच्छा उप्पज्जमानस्स अनन्तरादिपच्चयभावेनेव निरुज्झति, तथा लद्धपच्चयमेव अज्जमि उप्पज्जते चित्तं, अवत्थाविसेसतो चेत्थ अज्जथा । यदि एवं तेसमुभिन्नं अन्तरो लब्धेय्याति चोदनं “नो”ति अपनेतुमाह “अवीचि मनुसम्बन्धो”ति, यथा वीचि अन्तरो न लब्धति, तदेवेदन्ति अविसेसं विदू मज्जन्ति, एवं अनु अनु सम्बन्धो चित्तसन्तानो, रूपसन्तानो च नदीसोतोव

नदियं उदकप्पवाहो विय वत्ततीति अत्थो । अवीचीति हि निरन्तरतावसेन भावनपुंसकवचनं ।

अभिमुखं लोकितां आलोकितन्ति आह “पुरतोपेक्खन”न्ति । यंदिसाभिमुखो गच्छति, तिष्ठति, निसीदति, सयति वा, तदभिमुखं पेक्खनन्ति वुत्तं होति । यस्मा च तादिसमालोकितां नाम होति, तस्मा तदनुगतदिसालोकनं विलोकितन्ति आह “अनुदिसापेक्खन”न्ति, अभिमुखदिसानुरूपगतेषु वामदक्खिणपस्सेषु विविधा पेक्खनन्ति वुत्तं होति । हेट्ठाउपरिपच्छापेक्खनञ्चि “ओलोकितउल्लोकितापलोकितानी”ति गहितानि । सारुप्पवसेनाति समणपतिरूपवसेन, इमिनाव असारुप्पवसेन इतरेसमग्गहणन्ति सिज्जति । सम्मज्जनपरिभण्डादिकरणे ओलोकितस्स, उल्लोकहरणादीषु उल्लोकितस्स, पच्छतो आगच्छन्तपरिस्सयपरिवज्जनादीषु अपलोकितस्स च सिया सम्भवोति आह “इमिना वा”तिआदि, एतेन उपलक्खणमत्तञ्चेतन्ति दस्सेति ।

कायसक्खिन्ति कायेन सच्छिकतं पच्चक्खकारिणं, साधकन्ति अत्थो । सो हि आयस्मा विपस्सनाकाले “यमेवाहं इन्द्रियेषु अगुत्तद्वारतं निस्साय सासने अनभिरतिआदिविप्पकारं पत्तो, तमेव सुद्ध निग्गहेस्सामी”ति उस्साहजातो बलवहिरोत्तप्पो, तत्थ च कताधिकारत्ता इन्द्रियसंवरे उक्कंसपारमिप्पत्तो, तेनेव नं सत्था “एतदग्गं भिक्खवे मम सावकानं भिक्खून् इन्द्रियेषु गुत्तद्वारानं, यदिदं नन्दो”ति (अ० नि० १.१.२३०) एतदग्गे ठपेसि । नन्दस्साति कत्तुत्थे सामिवचनं । इतीति इमिना आलोकनेन ।

सात्थकता च सप्पायता च वेदितब्बा आलोकितविलोकितस्साति अज्झाहरित्वा सम्बन्धो । तस्माति कम्मट्ठानाविजहनस्सेव आलोकितविलोकिते । गोचरसम्पज्जभावतो एत्थाति आलोकितविलोकिते । अत्तनो कम्मट्ठानवसेनेवाति खन्धादिकम्मट्ठानवसेनेव आलोकनविलोकनं कातब्बं, न अज्जो उपायो गवेसितब्बोति अधिप्पायो । कम्मट्ठानसीसेनेवाति वक्खमानकम्मट्ठानमुखेनेव । यस्मा पन आलोकितादि नाम धम्ममत्तस्सेव पवत्तिविसेसो, तस्मा तस्स याथावतो जाननं असम्मोहसम्पज्जन्ति दस्सेतुं “अब्भन्तरे”तिआदि वुत्तं । आलोकेताति आलोकेन्तो । तथा विलोकेता । विज्जतिन्ति कायविज्जतिं । इतीति तस्मा उपपज्जनतो । चित्तकिरियवायोधातुविप्फारवसेनाति किरियमयचित्तसमुट्ठानाय वायोधातुया विचलनाकारसङ्घातकायविज्जतिवसेन । अक्खिदलन्ति अक्खिपटलं । अथो सीदतीति ओसीदन्तं विय हेट्ठा गच्छति । उद्धं लद्धेतीति लद्धेन्तं विय

उपरि गच्छति। **यन्तकेनाति** अक्खिदलेसु योजितरज्जुयो गहेत्वा परिब्भमनकचक्केन। **ततोति** तथा अक्खिदलानमोसीदनुल्लङ्घनतो। मनोद्वारिकजवनस्स मूलकारणपरिजाननं **मूलपरिज्जा**। आगन्तुकस्स अब्भागतस्स, तावकालिकस्स च तद्धणमत्तपवत्तकस्स भावो **आगन्तुकतावकालिकभावो**, तेसं वसेन।

तथाति तेसु गाथाय दस्सितेसु सत्तसु चित्तेसु। **अङ्गकिच्चं साधयमानन्ति** पधानभूतअङ्गकिच्चं निष्फादेन्तं, सरीरं हुत्वाति वुत्तं होति। भवङ्गज्झि पटिसन्धिसदिसत्ता पधानमङ्गं, पधानज्ज “सरीर”न्ति वुच्चति, अविच्छेदप्पवत्तिहेतुभावेन वा कारणकिच्चं साधयमानन्ति अत्थो। तं **आवट्टेत्वाति** भवङ्गसामञ्जवसेन वुत्तं, पवत्ताकारविसेसवसेन पन अतीतादिना तिब्बिधं, तत्थ च भवङ्गपच्छेदस्सेव आवट्टनं। **तन्निरोधो**ति तस्स निरुज्झनतो, अनन्तरपच्चयवसेन हेतुवचनं। “**पठमजवनेपि...पे०... सत्तमजवनेपी**”ति इदं पञ्चद्वारिकवीथियं “अयं इत्थी, अयं पुरिसो”ति रज्जनदुस्सनमुत्हनानमभावं सन्धाय वुत्तं। तत्थ हि आवज्जनवोट्टब्बनानं पुरेतरं पवत्तायोनिमोमनसिकारवसेन अयोनिमो आवज्जनवोट्टब्बनाकारेण पवत्तनतो इट्ठे इत्थिरूपादिम्हि लोभसहगतमत्तं जवनं उप्पज्जति, अनिट्ठे च दोससहगतमत्तं, न पनेकन्तरज्जनदुस्सनादि, मनोद्वारे एव एकन्तरज्जनदुस्सनादि होति, तस्स पन मनोद्वारिकस्स रज्जनदुस्सनादिनो पञ्चद्वारिकजवनं मूलं, यथावुत्तं वा सब्बम्पि भवङ्गादि, एवं मनोद्वारिकजवनस्स मूलकारणवसेन मूलपरिज्जा वुत्ता, आगन्तुकतावकालिकता पन पञ्चद्वारिक जवनस्सेव अपुब्बभाववसेन, इत्तरतावसेन च। **युद्धमण्डलेति** सङ्गामप्पदेसे। **हेट्ठुपरियवसेनाति** हेट्ठा च उपरि च परिवत्तमानवसेन, अपरापरं भवङ्गुप्पत्तिवसेनाति अत्थो। तथा भवङ्गुप्पादवसेन हि तेसं भिज्जित्वा पतनं, इमिना पन हेट्ठिमस्स, उपरिमस्स च भवङ्गस्स अपरापरुप्पत्तिवसेन पञ्चद्वारिकजवनतो विसदिसस्स मनोद्वारिकजवनस्स उप्पादं दस्सेति तस्स वसेनेव रज्जनादिपवत्तनतो। तेनेवाह “**रज्जनादिवसेन आलोकितविलोकितं होती**”ति।

आपाथन्ति गोचरभावं। **सककिच्चनिष्फादनवसेनाति** आवज्जनादिकिच्चनिष्फादनवसेन। तन्ति जवनं। चक्खुद्वारे रूपस्स आपाथगमनेन आवज्जनादीनं पवत्तनतो पवत्तिकारणवसेनेव “**गेहभूते**”ति वुत्तं, न निस्सयवसेन। **आगन्तुकपुरिसो** वियाति अब्भागतपुरिसो विय। दुविधा हि आगन्तुका अतिथिअब्भागतवसेन। तत्थ कतपरिचयो “**अतिथी**”ति वुच्चति, अकतपरिचयो “**अब्भागतो**”ति, अयमेविधाधिप्पेतो। तेनाह “**यथा**

परगेहे”तिआदि । तस्साति जवनस्स रज्जनदुस्सनमुद्धनं अयुत्तन्ति सम्बन्धो । आसिनेसूति निसिन्नेसु । आणाकरणन्ति अत्तनो वसकरणं ।

सद्धिं सम्पयुत्तधम्महेहि फस्सादीहि । तत्थ तत्थेव सककिच्चनिष्पादनद्वाने भिज्जन्ति । इतीति तस्मा आवज्जनादिवोद्वब्बनपरियोसानानं भिज्जनतो । इत्तरानीति अचिरद्वितिकानि । तत्थाति तस्मिं वचने अयं उपमाति अत्थो । उदयव्वयपरिच्छिन्नो ताव तत्तको कालो एतेसन्ति तावकालिकानि, तस्स भावो, तंवसेन ।

एतन्ति असम्मोहसम्पज्जं । एत्थाति एतस्मिं यथावुत्तधम्मसमुदाये । दस्सनं चक्खुविज्जाणं, तस्स वसेनेव आलोकनविलोकनपज्जायनतो आवज्जनादीनमग्गहणं ।

समवायेति सामगियं । तत्थाति पञ्चक्खन्धवसेन आलोकनविलोकन पज्जायमाने । निमित्तत्थे चेत्तं भुम्मं, तब्बिनिमुत्तको को एको आलोकेति न त्वेव आलोकेति । को च एको विलोकेति नत्वेव विलोकेतीति अत्थो ।

“तथा”तिआदि आयतनवसेन, धातुवसेन च दस्सनं । चक्खुरूपानि यथारहं दस्सनस्स निस्सयारम्मणपच्चयो, तथा आवज्जना अनन्तरादिपच्चयो, आलोको उपनिस्सयपच्चयोति दस्सनस्स सुत्तन्तनयेन परियायतो पच्चयता वुत्ता । सहजातपच्चयोपि दस्सनस्सेव, निदस्सनमत्तज्जेत्तं अज्जमज्जसम्पयुत्तअत्थिअविगतादिपच्चयानम्पि लब्धनतो, “सहजातादिपच्चया”तिपि अधुना पाठो दिस्सति । “एव”न्तिआदि निगमनं ।

इदानि यथापाठं समिज्जनपसारणेसु सम्पज्जानं विभावेन्तो “समिज्जिते पसारिते”तिआदिमाह । तत्थ पब्बानन्ति पब्बभूतानं । तंसमिज्जनपसारणेनेव हि सब्बेसं हत्थपादानं समिज्जनपसारणं होति, पब्बमेतेसन्ति वा पब्बा यथा “सद्धो”ति, पब्बवन्तानन्ति अत्थो । चित्तवसेनेवाति चित्तरुचिया एव, चित्तसामत्थिया वा । यं यं चित्तं उप्पज्जति सात्थेपि अनत्थेपि समिज्जितुं, पसारितुं वा, तंतंचित्तानुगतेनेव समिज्जनपसारणमकत्वाति वुत्तं होति । तत्थाति समिज्जनपसारणेसु अत्थानत्थपरिगण्हनं वेदितव्वन्ति सम्बन्धो । खणे खणेति तथा ठितक्खणस्स ब्यापनिच्छावचनं । वेदनाति सन्थम्भनादीहि रुज्जना । “वेदना उप्पज्जती”तिआदिना परम्परपयोजनं दस्सेति । तथा “ता

वेदना नुप्पज्जन्ती'ति आदिनापि । पुरिमं पुरिमज्झि पच्छिमस्स पच्छिमस्स कारणवचनं । कालेति समिज्जितुं, पसारितुं वा युक्तकाले । फातिन्ति वुद्धिं । ज्ञानादि पन विसेसो ।

तत्रायं नयोति सप्पायासप्पायअपरिगहणे वत्थुसन्दस्सनसंज्ञातो नयो । तदपरिगहणे आदीनवदस्सनेनेव परिगहणेपि आनिसंसो विभावितोति तेसमिध उदाहरणं वेदितब्बं । महाचेतियङ्गणेति दुट्ठगामणिरज्जा कतस्स हेममालीनामकस्स महाचेतियस्स अङ्गणे । वुत्तज्झि -

“दीपप्पसादको थेरो, राजिनो अय्यकस्स मे ।
एवं किराह नत्ता ते, दुट्ठगामणि भूपति ।।

महापुज्जो महाथूपं, सोण्णमालिं मनोरमं ।
वीसं हत्थसतं उच्चं, कारेस्सति अनागते'ति ।।

भूमिप्पदेसो चेत्थ अङ्गणं “उदङ्गणे तत्थ पपं अविन्दु”न्ति आदिसु (जा० १.१.२) विय, तस्मा उपचारभूते सुसङ्घते भूमिप्पदेसेति अत्थो । तेनेव कारणेन गिही जातोति कायसंसग्गसमापज्जनहेतुना उक्कण्ठितो हुत्वा हीनायावत्तो । ज्ञायीति ज्ञायनं ड्हनमापज्जि । महाचेतियङ्गणेपि चीवरकुटिं कत्वा तत्थ सज्झायं गणहन्तीति वुत्तं “चीवरकुटिदण्डके”ति, चीवरकुटिया चीवरछदनत्थाय कतदण्डकेति अत्थो । “मणिसप्पो नाम सीहळदीपे विज्जमाना एका सप्पजातीति वदन्ती”ति आचरियानन्दत्थेरेन, (विभं० मूल टी० २४२) आचरियधम्मपालत्थेरेन (दी० नि० टी० १.२.१४) च वुत्तं । “केचि, अपरे, अज्जे”ति वा अवत्वा “वदन्ति”च्चेव वचनञ्च सारतो गहेतब्बताविज्जापनत्थं अज्जथा गहेतब्बस्स अवचनतो, तस्मा न नीलसप्पादि इध “मणिसप्पो”ति वेदितब्बो ।

महाथेरवत्थुनाति एवंनामकस्स थेरस्स वत्थुना । अन्तेवासिकेहीति तत्थ निसिन्नेसु बहूसु अन्तेवासिकेसु एकेन अन्तेवासिकेन । तेनाह “तं अन्तेवासिका पुच्छिंसू”ति । कम्मट्ठानन्ति “अब्भन्तरे अत्ता नामा”ति आदिना (दी० नि० अट्ठ० १.२.१४) वक्खमानप्पकारं धातुकम्मट्ठानं । पकरणतोपि हि अत्थो विज्जायतीति । तत्थ ठितानं पुच्छन्तानं सङ्गहणवसेन “तुम्हेही”ति पुन पुथुवचनकरणं । एवं रूपं सभावो यस्साति एवरूपो निग्गहितलोपवसेन

तेन, कम्मद्वानमनसिकारसभावेनाति अत्थो । **एवमेत्थापीति** अपि-सद्देन हेट्ठा वुत्तं आलोकितविलोकितपक्खमपेक्खनं करोति । अयं नयो उपरिपि ।

सुत्ताकह्नवसेनाति यन्ते योजितसुत्तानं आविञ्छनवसेन । **दारुयन्तस्साति** दारुना कतयन्तरूपस्स । तं तं किरियं याति पापुणाति, हत्थपादादीहि वा तं तं आकारं कुरुमानं याति गच्छतीति **यन्तं**, नटकादिपञ्चालिकारूपं, दारुना कतं यन्तं तथा, निदस्सनमत्तज्जेतं । तथा हि नं पोत्थेन वत्थेन अलङ्कुरियत्ता **पोत्थलिका**, पञ्च अङ्गानि यस्सा सजीवस्सेवाति **पञ्चालिकाति** च वोहरन्ति । **हत्थपादलळनन्ति** हत्थपादानं कम्पनं, हत्थपादेहि वा लीळाकरणं ।

सङ्घाटिपत्तचीवरधारणेति एत्थ सङ्घाटिचीवरानं समानधारणताय एकतोदस्सनं गन्थगरुतापनयनत्थं, अन्तरवासकस्स **निवासनवसेन**, सेसानं **पारुपनवसेनाति** यथारहमत्थो । **तत्थाति** सङ्घाटिचीवरधारणपत्तधारणेषु । **वुत्तप्पकारोति** पच्चवेक्खणविधिना सुत्ते वुत्तप्पभेदो ।

उण्हपकतिकस्साति उण्हालुकस्स परिळाहबहुलकायस्स । **सीतालुकस्साति** सीतबहुलकायस्स । **घनन्ति** अप्पितं । **दुपट्टन्ति** निदस्सनमत्तं । “उत्तुद्धटानं दुस्सानं चतुग्गुणं सङ्घाटि, दिगुणं उत्तरासङ्गं, दिगुणं अन्तरवासकं, पंसुकूले यावदत्थ”न्ति (महाव० ३४८) हि वुत्तं । **विपरीतन्ति** तदुभयतो विपरीतं, तेसं तिण्णम्पि **असप्पायं** । कस्माति आह **“अगगळादिदानेना”**तिआदि । उद्धरित्वा अल्लीयापनखण्डं **अगगळं** । **आदिसद्देन** तुत्रकम्मादीनि सङ्गण्हाति । **तथा-सद्दो** अनुकह्ननत्थो, असप्पायमेवाति । पट्टुण्णदेसे पाणकेहि सज्जातवत्थं **पट्टुण्णं** । वाकविसेसमयं सेतवण्णं **दुकूलं** । **आदिसद्देन** कोसेय्यकम्बलादिकं सानुलोमं कप्पियचीवरं सङ्गण्हाति । कस्माति वुत्तं **“तादिसज्ही”**तिआदि । **अरज्जे एककस्स निवासन्तरायकरन्ति** ब्रह्मचरियन्तरायेकदेसमाह । चोरादिसाधारणतो च तथा वुत्तं । निप्परियायेन तं असप्पायन्ति सम्बन्धो । अनेनेव यथावुत्तमसप्पायं अनेकन्तं तथारूपपच्चयेन कस्सचि कदाचि सप्पायसम्भवतो । इदं पन द्वयं एकन्तमेव असप्पायं कस्सचि कदाचिपि सप्पायाभावतोति दस्सेति । मिच्छा आजीवन्ति एतेनाति **मिच्छाजीवो**, अनेसनवसेन पच्चयपरियेसनपयोगो । निमित्तकम्मादीहि पवत्तो मिच्छाजीवो तथा, एतेन एकवीसतिविधं अनेसनपयोगमाह । वुत्तज्झि **सुत्तनिपातट्ठकथायं खुदकपाठट्ठकथायञ्च मेत्तसुत्तवण्णनायं** –

‘यो इमास्मिं सासने पब्बाजेत्वा अत्तान न सम्मा पयाजोत, खण्डसाला

होति, एकवीसतिविधं अनेसनं निस्साय जीविकं कप्पेति । सेय्यथिदं ? वेळुदानं, पत्तदानं, पुप्फ, फल, दन्तकट्ट, मुखोदक, सिनान, चुण्ण, मत्तिकादानं, चाटुकम्प्यतं, मुग्गसूप्यतं, पारिभटुतं, जङ्घपेसनिकं, वेज्जकम्मं, दूतकम्मं, पहिणगमनं, पिण्डपटिपिण्डं, दानानुप्पदानं, वत्थुविज्जं, नक्खत्तविज्जं, अङ्गविज्जं'न्ति ।

अभिधम्मटीकाकारेण पन आचरियानन्दत्थेरेण एवं वुत्तं -

“एकवीसति अनेसना नाम वेज्जकम्मं करोति, दूतकम्मं करोति, पहिणकम्मं करोति, गण्डं फालेति, अरुमक्खनं देति, उद्धुंविरेचनं देति, अधोविरेचनं देति, नत्थुतेलं पचति, वणतेलं पचति, वेळुदानं देति, पत्त, पुप्फ, फल, सिनान, दन्तकट्ट, मुखोदक, चुण्ण, मत्तिकादानं देति, चाटुकम्मं करोति, मुग्गसूपियं, पारिभटुं, जङ्घपेसनिकं द्वावीसतिमं दूतकम्मेण सदिसं, तस्मा एकवीसती'ति (ध० स० मूल टी० १५०-५१) ।

अट्टकथावचनज्येत्थ ब्रह्मजालादिसुत्तन्तयेन वुत्तं, टीकावचनं पन खुदकवत्थुविभङ्गादिअभिधम्मनयेन, अतो चेत्थ केसज्जि विसमताति वदन्ति, वीमंसित्वा गहेतब्बं । अपिच “निमित्तकम्मादी'ति इमिना निमित्तोभासपरिकथायो वुत्ता । “मिच्छाजीवो'ति पन यथावुत्तपयोगो, तस्मा निमित्तकम्मज्ज मिच्छाजीवो च, तब्बसेन उप्पन्नं असप्पायं सीलविनासनेन अनत्थावहत्ताति अत्थो । समाहारद्वन्द्वेपि हि कत्थचि पुल्लिङ्गपयोगो दिस्सति यथा “चित्तुप्पादो'ति । अतिरुचिये रागादयो, अतिअरुचिये च दोसादयोति आह “अकुसला धम्मा अभिवट्ठन्ती'ति । तन्ति तदुभयं । कम्मट्टानाविजहनवसेनाति वक्खमानकम्मट्टानस्स अविजहनवसेन ।

“अब्भन्तरे अत्ता नामा'तिआदिना सङ्खेपतो असम्मोहसम्पज्जं दस्सेत्वा “तत्थ चीवरम्पि अचेतन'न्तिआदिना चीवरस्स विय “कायोपि अचेतनो'ति कायस्स अत्तसुज्जताविभावनेन तमत्थं परिदीपेन्तो “तस्मा नेव सुन्दरं चीवरं लभित्वा'तिआदिना वुत्तस्स इतरीतरसन्तोसस्स कारणं विभावेतीति दट्ठब्बं । एवज्जि सम्बन्धो वत्तब्बो - असम्मोहसम्पज्जं दस्सेन्तो “अब्भन्तरे'तिआदिमाह । अत्तसुज्जताविभावनेन पन तदत्थं परिदीपितुं वुत्तं “तत्थ चीवर'न्तिआदि । इदानी अत्तसुज्जताविभावनस्स पयोजनभूतं इतरीतरसन्तोससङ्घातं लद्धगुणं पकासेन्तो आह “तस्मा नेव सुन्दर'न्तिआदीति ।

तत्थ **अब्भन्तरे**ति अत्तनो सन्ताने । तत्थाति तस्मिं चीवरपारुपने । तेसु वा पारुपकत्तपारुपितब्बचीवरेसु । **कायोपी**ति अत्तपज्जत्तिमत्तो कायोपि । “तस्मा”ति अज्झाहरितब्बं, अचेतनत्ताति अत्थो । अहन्ति कम्मभूतो कायो । **धातुयो**ति चीवरसङ्घातो बाहिरा धातुयो । **धातुसमूहन्ति** कायसङ्घातं अज्झत्तिकं धातुसमूहं । पोत्थकरूपपटिच्छादने धातुयो धातुसमूहं पटिच्छादेन्ति वियाति सम्बन्धो । पुसनं स्नेहसेचनं, पूरणं वा **पोत्थं**, लेपनखननकिरिया, तेन कतन्ति **पोत्थकं**, तमेव रूपं तथा, खननकम्मनिब्बत्तं दारुमत्तिकादिरूपमिधाधिप्पेतं । **तस्मा**ति अचेतनत्ता, अत्तसुज्जभावतो वा ।

नागानं निवासो वम्मिको **नागवम्मिको** । चित्तीकरणट्टानभूतो रुक्खो **चेतियरुक्खो** । केहिचि सक्कतस्सापि केहिचि असक्कतस्स कायस्स उपमानभावेन योग्यत्ता तेसमिध कथनं । **तेही**ति मालागन्धगूथमुत्तादीहि । अत्तसुज्जताय नागवम्मिकचेतियरुक्खादीहि विय कायसङ्घातेन अत्तना सोमनस्सं वा दोमनस्सं वा न कातब्बन्ति वुत्तं होति ।

“लभिस्सामि वा, नो वा”ति पच्चवेक्खणपुब्बकेन “लभिस्सामी”ति अत्थसम्पस्सनेनेव गहेतब्बं । एवज्झि सात्थकसम्पज्जं भवतीति आह “**सहसाव अगहेत्वा**”तिआदि ।

गरुपत्तोति अतिभारभूतो पत्तो । चत्तारो वा पञ्च वा गण्टिका **चतुपञ्चगण्टिका** यथा “द्वत्तिपत्ता (पाचि० २३२), छप्पञ्चवाचा”ति (पाचि० ६१) अज्जपदभूतस्स हि वा-सद्दस्सेव अत्थो इध पधानो चतुगण्टिकाहतो वा पञ्चगण्टिकाहतो वा पत्तो दुब्बिसोधनीयोति विकप्पनवसेन अत्थस्स गय्हमानत्ता । आहता चतुपञ्चगण्टिका यस्साति **चतुपञ्चगण्टिकाहतो** यथा “अग्याहितो”ति, चतुपञ्चगण्टिकाहि वा आहतो तथा, दुब्बिसोधनीयभावस्स हेतुगब्भवचनज्जेतं । कामज्जऊनपञ्चबन्धनसिक्खापदे (पारा० ६१२) पञ्चगण्टिकाहतोपि पत्तो परिभुज्जितब्बभावेन वुत्तो, दुब्बिसोधनीयतामत्तेन पन पलिबोधकरणतो इध असप्पायोति दडुब्बं । **दुद्धोतपत्तो**ति अगण्टिकाहतमपि पकतियाव दुब्बिसोधनीयपत्तं सन्धायाह । “**तं धोवन्तस्सेवा**”तिआदि तदुभयस्सापि असप्पायभावे कारणं । “**मणिवण्णपत्तो पन लोभनीयो**”ति इमिना किञ्चापि सो विनयपरियायेन कप्पियो, सुत्तन्तपरियायेन पन अन्तरायकरणतो असप्पायोति दस्सेति । “पत्तं भमं आरोपेत्वा मज्जित्वा पचन्ति ‘मणिवण्णं करिस्सामा’ति, न वट्ठी”ति (पारा० अट्ठ० १.पाळिमुत्तकविनिच्छयो) हि **विनयट्ठकथासु** पचनकिरियामत्तमेव पटिक्खित्तं । तथा हि

वदन्ति “मणिवण्णं पन पत्तं अज्जेन कत्तं लभित्वा परिभुज्जितुं वट्ठती”ति (सारथ्य० टी० २.८५) “तादिसज्जि अरज्जे एककस्स निवासन्तरायकर”न्तिआदिना चीवरे वुत्तनयेन “निमित्तकम्मादिवसेन लब्धो पन एकन्तअकप्पियो सीलविनासनेन अनत्थावहत्ता”तिआदिना अम्हेहि वुत्तनयोपि यथारहं नेतब्बो । **सेवमानस्सा**ति हेत्वन्तो गधवचनं अभिवट्ठनपरिहायनस्स ।

“अब्भन्ते”तिआदि सङ्खेपो । “तत्था”तिआदि अत्तसुज्जताविभावनेन वित्थारो । **सण्डासेना**ति कम्मरानं अयोगहणविसेसेन । **अग्गिवण्णपत्तगहणे**ति अग्गिना ज्ञापितत्ता अग्गिवण्णभूतपत्तस्स गहणे । रागादिपरिळाहजनकपत्तस्स ईदिसमेव उपमानं युत्तन्ति एवं वुत्तं ।

“अपिचा”तिआदिना सङ्घाटिचीवरपत्तधारणेसु एकतो असम्मोहसम्पजज्जं दस्सेति । छिन्नहत्थपादे अनाथमनुस्सेति सम्बन्धो । **नीलमक्खिका** नाम आसाटिककारिका । गवादीनज्जि वणेसु नीलमक्खिकाहि कता अनयब्बसनहेतुभूता अण्डका **आसाटिका** नाम वुच्चति । **अनाथसालायन्ति** अनाथानं निवाससालायं । **दयालुका**ति करुणाबहुला । **वणमत्तचोळकानी**ति वणप्पमाणेन पटिच्छादनत्थाय छिन्नचोळखण्डकानि । **केसज्जी**ति बहूसु केसज्जि अनाथमनुस्सानं । **थूलानी**ति थद्धानि । **तत्था**ति तस्मिं पापुणने, भावलक्खणे, निमित्ते वा एतं भुम्मं । कस्माति वुत्तं “**वणपटिच्छादनमत्तेनेवा**”तिआदि । **चोळकेन**, **कपालेना**ति च अत्थयोगे कम्मत्थे ततिया, करणत्थे वा । वणपटिच्छादनमत्तेनेव भेसज्जकरणमत्तेनेवाति पन विसेसनं, न पन मण्डनानुभवनादिप्पकारेन अत्थोति । सङ्घारदुक्खतादीहि निच्चातुरस्स कायस्स परिभोगभूतानं पत्तचीवरानं एदिसमेव उपमानमुपपन्नन्ति तथा वचनं दट्ठुब्बं । सुखुमत्तसल्लक्खणेन उत्तमस्स सम्पजानस्स करणसीलत्ता, पुरिमेहि च सम्पजानकारीहि उत्तमत्ता **उत्तमसम्पजानकारी** ।

असनादिकिरियाय कम्मविसेसयोगतो असितादिपदेहेव कम्मविसेससहितो किरियाविसेसो विज्जायतीति वुत्तं “**असितेति पिण्डपातभोजने**”तिआदि । **अट्ठविधोपि** अत्थोति अट्ठप्पकारोपि पयोजनविसेसो ।

तत्थ पिण्डपातभोजनादीसु अत्थो नाम इमिना **महासिवत्थेरवादवसेन** “इमस्स कायस्स ठितिया”तिआदिना (सं० नि० २.४.१२०; अ० नि० २.६.५८; ३.८.९; ध० सं०

१३५५; महानि० २०६) सुत्ते वुत्तं अट्ठविधम्पि पयोजनं दस्सेति । महासिवत्थेरो (ध० स० १.१३५५) हि “हेट्ठा चत्तारि अङ्गानि पटिक्खेपो नाम, उपरि पन अट्ठङ्गानि पयोजनवसेन समोधानेतब्बानी”ति वदति । तत्थ “यावदेव इमस्स कायस्स ठितिया”ति एकमङ्गं, “यापनाया”ति एकं, “विहिंसूपरतिया”ति एकं, “ब्रह्मचरियानुग्गहाया”ति एकं, “इति पुराणञ्च वेदनं पटिहङ्गामी”ति एकं, “नवञ्च वेदनं न उप्पादेस्सामी”ति एकं, “यात्रा च मे भविस्सती”ति एकं, “अनवज्जता चा”ति एकं, फासुविहारो पन भोजनानिसंसमत्तन्ति एवं अट्ठ अङ्गानि पयोजनवसेन समोधानेतब्बानि । अज्जथा पन “नेव दवाया”ति एकमङ्गं, “न मदाया”ति एकं, “न मण्डनाया”ति एकं, “न विभूसनाया”ति एकं, “यावदेव इमस्स कायस्स ठितिया यापनाया”ति एकं, “विहिंसूपरतिया ब्रह्मचरियानुग्गहाया”ति एकं, “इति पुराणञ्च वेदनं पटिहङ्गामि, नवञ्च वेदनं न उप्पादेस्सामी”ति एकं, “यात्रा च मे भविस्सती”ति एकं, “अनवज्जता च फासुविहारो चा”ति पन भोजनानिसंसमत्तन्ति वुत्तानि अट्ठङ्गानि इधानधिप्पेतानि । कस्माति चे ? पयोजनानमेव अभावतो, तेसमेव च इध अत्थसद्देन वुत्तत्ता । ननु च “नेवदवायातिआदिना नयेन वुत्तो”ति मरियादवचनेन दुतियनयस्सेव इधाधिप्पेतभावो विज्जायतीति ? न, “नेव दवाया”तिआदिना पटिक्खेपङ्गदस्सनमुखेन पच्चवेक्खणपाळिया देसितत्ता, यथादेसिततन्तिक्कमस्सेव मरियादभावेन दस्सनतो । पाठक्कमेनेव हि “नेव दवायातिआदिना नयेना”ति वुत्तं, न अत्थक्कमेन, तेन पन “इमस्स कायस्स ठितियातिआदिना नयेना”ति वत्तब्बन्ति ।

तिधा देन्ते द्विधा गाहं सन्धाय “पटिग्गहणं नामा”ति वुत्तं, भोजनादिगहणत्थाय हत्थओतारणं भुज्जनादिअत्थाय आलोपकरणन्तिआदिना अनुक्कमेन भुज्जनादिपयोगो वायोधातुवसेनेव विभावितो । वायोधातुविप्फारेनेवाति एत्थ एव-सद्देन निवत्तेतब्बं दस्सेति “न कोची”तिआदिना । कुञ्चिका नाम अवापुरणं, यं “ताळो”तिपि वदन्ति । यन्तकेनाति चक्कयन्तकेन । यतति उग्घाटननिग्घाटनउक्खिपननिक्खिपनादीसु वायमति एतेनाति हि यन्तकं । सज्जुण्णकरणं मुसलकिच्चं । अन्तोक्त्वा पतिट्ठापनं उदुक्खलकिच्चं । आलोळितविलोळितवसेन परिवत्तनं हत्थकिच्चं । इतीति एवं । तत्थाति हत्थकिच्चसाधने, भावलक्खणे, निमित्ते वा भुम्मं । तनुक्खेळोति पसन्नखेळो । बहलखेळोति आविलखेळो । जिह्वासङ्घतेन हत्थेन आलोळितविलोळितवसेन इतो चितो च परिवत्तकं जिह्वाहत्थपरिवत्तकं । कटच्छु, दब्बीति कत्थचि परियायवचनं । “पुमे कटच्छु दब्बित्थी”ति हि वुत्तं । इध पन येन भोजनादीनि अन्तोक्त्वा गण्हाति, सो कटच्छु, याय पन तेसमुद्धरणादीनि करोति,

सा दब्बीति वेदितव्यं । पलालसन्धारन्ति पतिष्ठानभूतं पलालादिसन्धारं । निदस्सनमत्तज्हेतं । धारेन्तोति पतिष्ठानभावेन सम्पटिच्छन्तो । पथवीसन्धारकजलस्स तंसन्धारकवायुना विय परिभुत्ताहारस्स वायोधातुनाव आमासये अवद्धानन्ति दस्सेति “वायोधातुवसेनेव तिष्ठती”ति इमिना । तथा परिभुत्तज्झि आहारं वायोधातु हेट्ठा च तिरियज्ज घनं परिवटुमं कत्वा याव पक्का सन्निरुज्जनवसेन आमासये पतिष्ठितं करोतीति । उद्धनं नाम यत्थ उक्खलियादीनि पतिष्ठापेत्वा पचन्ति, या “चुल्ली”तिपि वुच्चति । रस्सदण्डो दण्डको । पतोदो यट्ठि । इतीति वुत्तप्पकारमतिदिसति । वुत्तप्पकारस्सेव हि धातुवसेन विभावना । तत्थ अतिहरतीति याव मुखा अभिहरति । वीतिहरतीति ततो कुच्छियं विमिस्सं करोन्तो हरती”ति (दी० नि० टी० १.२१४) आचरियधम्मपालत्थेरो, आचरियानन्दत्थेरो पन “ततो याव कुच्छि, ताव हरती”ति (विभं० मूल टी० ५२३) आह । तदुभयम्पि अत्थतो एकमेव उभयत्थापि कुच्छिसम्बन्धमत्तं हरणस्सेव अधिप्पेतत्ता ।

अपिच अतिहरतीति मुखद्वारं अतिक्कामेन्तो हरति । वीतिहरतीति कुच्छिगतं पस्सतो हरति । धारेतीति आमासये पतिष्ठितं करोति । परिवत्तेतीति अपरापरं परिवत्तनं करोति । सञ्चुण्णेतीति मुसलेन विय सञ्चुण्णनं करोति । विसोसेतीति विसोसनं नातिसुखं करोति । नीहरतीति कुच्छितो बहि निद्धारेति । पथवीधातुकिच्चेसुपि यथावुत्तोयेव अत्थो । तानि पन आहारस्स धारणपरिवत्तनसञ्चुण्णनविसोसनानि पथवीसहिता एव वायोधातु कातुं सक्कोति, न केवला, तस्मा तानि पथवीधातुयापि किच्चभावेन वुत्तानि । सिनेहेतीति तेमेति । अल्लत्तज्ज्व अनुपालेतीति यथा वायोधातुआदीहि अतिविय सोसनं न होति, तथा अल्लभावज्ज नातिअल्लताकरणवसेन अनुपालेति । अज्जसोति आहारस्स पविसनपरिवत्तननिक्खमनादीनं मग्गो । विज्जाणधातूति मनोविज्जाणधातु परियेसनज्झोहरणादिविज्जाननस्स अधिप्पेतत्ता । तत्थ तत्थाति तस्मिं तस्मिं परियेसनज्झोहरणादिकिच्चे । तंतंविज्जाननस्स पच्चयभूतो तंनिष्फादकोयेव पयोगो सम्पापयोगो नाम । येन हि पयोगेन परियेसनादि निष्फज्जति, सो तब्बिसयविज्जाननम्पि निष्फादेति नाम तदविनाभावतो । तमन्वाय आगम्माति अत्थो । आभुजतीति परियेसनवसेन, अज्झाहरणजिण्णाजिण्णतादिपटिसंवेदनवसेन च तानि परियेसनज्झोहरणजिण्णाजिण्णतादीनि आवज्जेति विजानाति । आवज्जनपुब्बकत्ता विजाननस्स विजाननम्पेत्थ गहितन्ति वेदितव्यं । अथ वा सम्पापयोगो नाम सम्पापटिपत्ति । तमन्वाय आगम्म । “अब्भन्तरे अत्ता नाम कोचि भुज्जनको नत्थी”तिआदिना आभुजति समत्राहरति, विजानातीति अत्थो । आभोगपुब्बको हि सब्बो विज्जाणब्यापारोति “आभुजति”च्चेव वुत्तं ।

गमनतोति भिक्खाचारवसेन गोचरगामं उद्दिस्स गमनतो । पच्चागमनम्पि गमनसभावत्ता इमिनाव सङ्गहितं । **परियेसनतोति** गोचरगामे भिक्खाय आहिण्डनतो । परियेसनसभावत्ता इमिनाव पटिक्कमनसालादिउपसङ्कमनम्पि सङ्गहितं । **परिभोगतोति** दन्तमुसलेहि सञ्चुण्णत्वा जिह्वाय सम्परिवत्तनक्खणेयेव अन्तरहितवण्णगन्धसङ्घारविसेसं सुवानदोणियं सुवानवमथु विय परमजेगुच्छं आहारं परिभुञ्जनतो । **आसयतोति** एवं परिभुत्तस्स आहारस्स पित्तसेम्हपुब्बलोहितासयभावूपगमनेन परमजिगुच्छनहेतुभूततो आमासयस्स उपरि पतिट्ठानकपित्तादिचतुब्बिधासयतो । आसयति एकज्झं पवत्तमानोपि कम्मबलववत्थितो हुत्वा मरियादवसेन अज्जमज्जं असङ्करतो तिट्ठति पवत्तति एत्थाति हि **आसयो**, आमासयस्स उपरि पतिट्ठानको पित्तादि चतुब्बिधासयो । मरियादत्थो हि अयमाकारो । **निधानतोति** आमासयतो । निधेति यथाभुतो आहारो निचितो हुत्वा तिट्ठति एत्थाति हि आमासयो “**निधान**”न्ति वुच्चति । **अपरिपक्कतोति** भुत्ताहारपरिपाचनेन गहणीसङ्घातेन कम्मजतेजसा अपरिपाकतो । **परिपक्कतोति** यथावुत्तकम्मजतेजसाव परिपाकतो । **फलतोति** निष्फत्तितो, सम्मापरिपच्चमानस्स, असम्मापरिपच्चमानस्स च भुत्ताहारस्स यथाक्कमं केसादिकुणपददुआदिरोगाभिनिष्फत्तिसङ्घातपयोजनतोति वा अत्थो । “इदमस्स फल”न्ति हि वुत्तं । **निस्सन्दनतोति** अक्खिक्खणादीसु अनेकद्वारेसु इतो चितो च विस्सन्दनतो । वुत्तञ्चि –

“अन्नं पानं खादनीयं, भोजनञ्च महारहं ।

एकद्वारेन पविसित्वा, नवद्वारेहि सन्दती”ति ।। (विसुद्धि० १.३०३)

सम्मक्खनतोति हत्थओट्टादिअङ्गेषु नवसु द्वारेसु परिभोगकाले, परिभुत्तकाले च यथारहं सब्बसो मक्खनतो । सब्बत्थ आहारे पटिक्कूलता पच्चवेक्खितत्वाति सह पाठसेसेन योजना । तन्ताकिरियानिष्फत्तिपटिपाटिवसेन चायं “गमनतो”तिआदिका अनुपुब्बी ठपिता । सम्मक्खनं पन परिभोगादीसु लब्धमानम्पि निस्सन्दवसेन विसेसतो पटिक्कूलन्ति सब्बपच्छा ठपितन्ति दट्ठब्बं ।

पत्तकालेति युत्तकाले, यथावुत्तेन वा तेजेन परिपच्चनतो उच्चारपस्सावभावं पत्तकाले । वेगसन्धारणेन उप्पन्नपरिळाहता सकलसरीरतो सेदा मुच्चन्ति । ततोयेव अक्खीनि परिब्भमन्ति, चित्तञ्च एकगं न होति । अज्जे च सूलभगन्दरादयो रोगा उप्पज्जन्ति । सब्बं तन्ति सेदमुच्चनादिकं ।

अट्टानेति मनुस्सामनुस्सपरिग्गहिते खेत्तदेवायतनादिके अयुत्तट्टाने । तादिसे हि करोन्तं कुद्धा मनुस्सा, अमनुस्सा वा जीवितक्खयम्पि पापेन्ति । आपत्तीति पन भिक्खुभिक्खुनीनं यथारहं दुक्कटपाचित्तिया । पतिरूपे ठानेति वुत्तविपरीते ठाने । सब्बं तन्ति आपत्तिआदिकं ।

निक्खमापेता अत्ता नाम अत्थि, तस्स कामताय निक्खमनन्ति बालमज्जनं निवत्तेतुं “अकामताया”ति वुत्तं, अत्तनो अनिच्छाय अपयोगेन वायोधातुविष्कारेनेव निक्खमतीति वुत्तं होति । सन्निचिताति समुच्चयेन ठिता । वायुवेगसमुष्णीकृताति वायोधातुया वेगेन समन्ततो अवपीळिता, निक्खमनस्स चेत्तं हेतुवचनं । “सन्निचिता उच्चारपस्सावा”ति वत्वा “सो पनायं उच्चारपस्सावो”ति पुन वचनं समाहारद्वन्द्वेपि पुल्लिङ्गपयोगस्स सम्भवतादस्सनत्थं । एकत्तमेव हि तस्स नियतलक्खणन्ति । अत्तना निरपेक्खं निस्सट्ठता नेव अत्तनो अत्थाय सन्तकं वा होति, कस्सचिपि दीयनवसेन अनिस्सज्जितत्ता, जिगुच्छनीयत्ता च न परस्सपीति अत्थो । सरीरनिस्सन्दोवाति सरीरतो विस्सन्दनमेव निक्खमनमत्तं । सरीरे सति सो होति, नासतीति सरीरस्स आनिसंसमत्तन्तिपि वदन्ति । तदयुत्तमेव निदस्सनेन विसमभावतो । तत्थ हि “पटिजगनमत्तमेवा”ति वुत्तं, पटिसोधनमत्तं एवाति चस्स अत्थो । वेळुनाळिआदिउदकभाजनं उदकतुम्बो । तन्ति छड्डितउदकं ।

“गतेति गमने”ति पुब्बे अभिक्कमपटिक्कमगहणेन गमनेपि पुरतो, पच्छतो च कायस्स अतिहरणं वुत्तन्ति इध गमनमेव गहित”न्ति (विभं० मूल टी० ५२५) आचरियानन्दत्थेरेन वुत्तं, तं केचिवादो नाम आचरियधम्मपालत्थेरेन कत्तं । कस्माति चे ? गमने पवत्तस्स पुरतो, पच्छतो च कायातिहरणस्स तदविनाभावतो पदवीतिहारनियमिताय गमनकिरियाय एव सङ्गहितत्ता, विभङ्गट्ठकथादीहि (अभि० अट्ठ० २.५२३) च विरोधनतो । वुत्तञ्चि तत्थ गमनस्स उभयत्थ समवरोधत्तं, भेदतज्ज्व –

“एत्थ च एको इरियापथो द्वीसु ठानेसु आगतो । सो हेट्ठा ‘अभिक्कन्ते पटिक्कन्ते’ति एत्थ भिक्खाचारगामं गच्छतो च आगच्छतो च अट्टानगमनवसेन कथितो । ‘गते ठिते निसिन्ने’ति एत्थ विहारे चुण्णिकपादुद्धारइरियापथवसेन कथितोति वेदितब्बो”ति ।

“गते”तिआदीसु अवत्थाभेदेन किरियाभेदोयेव, न पन अत्थभेदोति दस्सेतुं “गच्छन्तो वा”तिआदि वुत्तं । तेनाह “तस्सा”तिआदि । तत्थ सुत्तेति दीघनिकाये, मज्झिमनिकाये च

सङ्गीते सतिपट्टानसुते (दी० नि० २.३७२; म० नि० १.१०५) अद्धानइरियापथाति चिरपवत्तका दीघकालिका इरियापथा अद्धानसद्वस्स चिरकालवचनतो “अद्धनियं अस्स चिरद्वित्तिक”न्तिआदीसु (दी० नि० २.१८४; ३.१७७; पारा० २१) विय, अद्धानगमनपवत्तका वा दीघमगिका इरियापथा। अद्धानसद्वो हि दीघमग्गपरियायो “अद्धानगमनसमयो”तिआदीसु (पाचि० २१३, २१७) विय। मज्झिमाति भिक्खाचारादिवसेन पवत्ता नातिचिरकालिका, नातिदीघमगिका वा इरियापथा। चुण्णियइरियापथाति विहारे, अज्जत्थ वा इतो चितो च परिवत्तनादिवसेन पवत्ता अप्पमत्तकभावेन चुण्णविचुण्णियभूता इरियापथा। अप्पमत्तकम्पि हि “चुण्णविचुण्ण”न्ति लोके वदन्ति। “खुद्दकचुण्णिकइरियापथा”तिपि पाठो, खुद्दका हुत्वा वुत्तनयेन चुण्णिका इरियापथाति अत्थो। तस्माति एवं अवत्थाभेदेन इरियापथभेदमत्तस्स कथनतो। तेसुपीति “गते ठिते”तिआदीसुपि। वुत्तनयेनाति “अभिवक्कन्ते”तिआदीसु वुत्तनयेन।

अपरभागेति गमनइरियापथतो अपरभागे। ठितोति ठितइरियापथसम्पन्नो। एत्थेवाति चङ्कमनेयेव। एवं सब्बत्थ यथारहं।

गमनठाननिसज्जानं विय निसीदनसयनस्स कमवचनमयुत्तं येभुय्येन तथा कमाभावतोति “उद्वाय” मिच्चेव वुत्तं।

जागरितसद्वसन्निधानतो चेत्थ भवङ्गोत्तरणवसेन निद्दोक्कमनमेव सयनं, न पन पिट्ठिपसारणमत्तन्ति दस्सेति “किरियामयपवत्तान”न्तिआदिना। दिवासेय्यसिक्खापदे (पारा० ७७) विय पिट्ठिपसारणस्सापि सयनइरियापथभावेन एकलक्खणत्ता एत्थावरोधनं दट्ठब्बं। करणं किरिया, कायादिकिच्चं, तं निब्बत्तेन्तीति किरियामयानि तद्धितसद्धानमनेकत्थवुत्तितो। अथ वा आवज्जनद्वयकिच्चं किरिया, ताय पकतानि, निब्बत्तानि वा किरियामयानि। आवज्जनवसेन हि भवङ्गुपच्छेदे सति वीथिचित्तानि उप्पज्जन्तीति। अपरापरुप्पत्तिया नानप्पकारतो वत्तन्ति परिवत्तन्तीति पवत्तानि। कत्थचि पन “चित्तान”न्ति पाठो, सो अभिधम्मट्ठकथादीहि, (विभं० अट्ठ० ५२३) तट्ठीकाहि च विरुद्धत्ता न पोराणपाठोति वेदितब्बो। किरियामयानि एव पवत्तानि तथा, जवनं, सब्बम्पि वा छद्धारिकवीथिचित्तं। तेनाह अभिधम्मटीकायं (विभं० मूल टी० ५२५) “कायादिकिरियामयत्ता, आवज्जनकिरियासमुद्धितत्ता च जवनं, सब्बम्पि वा छद्धारप्पवत्तं किरियामयपवत्तं नामा”ति। अप्पवत्तन्ति निद्दोक्कमनकाले अनुप्पज्जनं सुत्तं नामाति अत्थो गहेतब्बो।

नेय्यत्थवचनञ्चि इदं, इतरथा छद्धारिकचित्तानं पुरेचरानुचरवसेन उप्पज्जन्तानं सब्बेसम्पि द्वारविमुत्तचित्तानं पवत्तं सुत्तं नाम सिया, एवञ्च कत्वा निद्दोक्कमनकालतो अज्जस्मिं काले उप्पज्जन्तानं द्वारविमुत्तचित्तानम्पि पवत्तं जागरिते सङ्गह्खतीति वेदितब्बं ।

चित्तस्स पयोगकारणभूते ओट्टादिके पटिच्च यथासकं ठाने सद्दो जायतीति आह **“ओट्टे च पटिच्चा”**तिआदि । किञ्चापि सद्दो यथाठानं जायति, ओट्टालनादिना पन पयोगेनेव जायति, न विना तेन पयोगेनाति अधिप्पायो । केचि पन वदन्ति **“ओट्टे चातिआदि सद्दुप्पत्तिट्ठाननिदस्सन”**न्ति, तदयुत्तमेव तथा अवचनतो । न हि **“ओट्टे च पटिच्चा”**तिआदिना ससमुच्चयेन कम्मवचनेन ठानवचनं सम्भवतीति । तदनु रूपन्ति तस्स सद्दस्स अनुरूपं । भासनस्स पटिसज्जिक्खनविरोधतो तुण्हीभावपक्खे **“अपरभागे भासितो इति पटिसज्जिक्खती”**ति न वुत्तं, तेन च विज्जायति **“तुण्हीभूतोव पटिसज्जिक्खतीति अत्थो”**ति ।

भासनतुण्हीभावानं सभावतो भेदे सति अयं विभागो युत्तो सिया, नासतीति अनुयोगेनाह **“उपादारूपपवत्तियञ्जी”**तिआदि । उपादारूपस्स सद्दायतनस्स पवत्ति तथा, सद्दायतनस्स पवत्तनं भासनं, अप्पवत्तनं तुण्हीति वुत्तं होति ।

यस्मा पन महासिवत्थेरवादे अनन्तरे अनन्तरे इरियापथे पवत्तरूपारूपधम्मानं तत्थ तत्थेव निरोधदस्सनवसेन सम्पज्जानकारिता गहिता, तस्मा तं महासतिपट्टानसुत्ते (दी० नि० २.३७६; म० नि० १.१०९) आगतअसम्मोहसम्पज्जविपस्सनावारवसेन वेदितब्बं, न चतुब्बिधसम्पज्जविभागवसेन, अतो तत्थेव तमधिप्पेतं, न इधाति दस्सेन्तो **“तथिद”**न्तिआदिमाह । असम्मोहसङ्घातं धुरं जेड्ढकं यस्स वचनस्साति असम्मोहधुरं, महासतिपट्टानसुत्तेयेव तस्स वचनस्स अधिप्पेतभावस्स हेतुगब्भमिदं वचनं । यस्मा पनेत्थ सब्बम्पि चतुब्बिधं सम्पज्जञ्जं लब्धति यावदेव सामज्जफलविसेसदस्सनपधानत्ता इमिस्सा देसनाय, तस्मा तं इध अधिप्पेतन्ति दस्सेतुं **“इमस्मिं पना”**तिआदि वुत्तं । वुत्तनयेनेवाति अभिक्कन्तादीसु वुत्तनयेनेव । ननु **“सतिसम्पज्ज्वेन समन्नागतो”**ति एतस्स उद्देसस्सायं निद्देसो, अथ कस्मा सम्पज्जवसेनेव वित्थारो कतोति चोदनं सोधेन्तो **“सम्पज्जानकारीति चा”**तिआदिमाह, सतिसम्पयुत्तस्सेव सम्पज्जानस्स वसेन अत्थस्स विदितब्बत्ता एवं वित्थारो कतोति वुत्तं होति । **“सतिसम्पयुत्तस्सेवा”**ति च इमिना यथा सम्पज्जज्जस्स किच्चतो

पधानता गहिता, एवं सतियापीति अत्थं दस्सेति, न पनेतं सतिया सम्पज्जेन सह भावमत्तदस्सनं । न हि कदाचि सतिरहिता जाणप्पवत्ति अत्थीति ।

ननु च सम्पज्जवसेनेवायं वित्थारो, अथ कस्मा सतिसम्पयुत्तस्स सम्पज्जस्स वसेन अत्थो वेदितब्बोति चोदनम्पि सोधेति “सतिसम्पज्जेन समन्नागतोति एतस्स हि पदस्स अयं वित्थारो”ति इमिना । इदं वुत्तं होति – “सतिसम्पज्जेन समन्नागतो”ति एवं एकतो उद्दिट्ठस्स अत्थस्स वित्थारत्ता उद्देसे विय निद्देसेपि तदुभयं समधुरभावेनेव गहितन्ति । इमिनापि हि सतिया सम्पज्जेन समधुरतयेव विभावेति एकतो उद्दिट्ठस्स अत्थस्स वित्थारभावदस्सेनेन तदत्थस्स सिद्धत्ता । इदानीं विभङ्गनयेनापि तदत्थं समत्थेतुं “विभङ्गप्पकरणे पना”तिआदि वुत्तं । इमिनापि हि सम्पज्जस्स विय सतियापेत्थ पधानतयेव विभावेति । तत्थ एतानि पदानीति “अभिकन्ते पटिक्कन्ते सम्पज्जानकारी होती”तिआदीनि उद्देसपदानि । विभत्तानेवाति सतिया सम्पज्जेन सम्पयोगमकत्वा सब्बद्धानेसु विसुं विसुं विभत्तानियेव ।

मज्झिमभाणका, पन आभिधम्मिका (विभं० अट्ठ० ५२३) च एवं वदन्ति – एको भिक्खु गच्छन्तो अज्जं चिन्तेन्तो अज्जं वितक्केन्तो गच्छति, एको कम्मद्धानं अविस्सज्जेत्वाव गच्छति । तथा एको तिड्ढन्तो अज्जं चिन्तेन्तो अज्जं वितक्केन्तो तिड्ढति, एको कम्मद्धानं अविस्सज्जेत्वाव तिड्ढति । एको निसीदन्तो अज्जं चिन्तेन्तो अज्जं वितक्केन्तो निसीदति, एको कम्मद्धानं अविस्सज्जेत्वाव निसीदति । एको सयन्तो अज्जं चिन्तेन्तो अज्जं वितक्केन्तो सयति, एको कम्मद्धानं अविस्सज्जेत्वाव सयति । एतकेन पन गोचरसम्पज्जं न पाकटं होतीति चङ्कमनेन दीपेन्ति । यो हि भिक्खु चङ्कमं ओतरित्वा चङ्कमनकोटियं ठितो परिग्गण्हाति “पाचीनचङ्कमनकोटियं पवत्ता रूपारूपधम्मा पच्छिमचङ्कमनकोटिं अप्पत्वा एत्थेव निरुद्धा, पच्छिमचङ्कमनकोटियं पवत्तापि पाचीनचङ्कमनकोटिं अप्पत्वा एत्थेव निरुद्धा, चङ्कमनवेमज्जे पवत्ता उभो कोटियो अप्पत्वा एत्थेव निरुद्धा, चङ्कमने पवत्ता रूपारूपधम्मा ठानं अप्पत्वा एत्थेव निरुद्धा, ठाने पवत्ता निसज्जं, निसज्जाय पवत्ता सयनं अप्पत्वा एत्थेव निरुद्धा”ति एवं परिग्गण्हन्तो परिग्गण्हन्तोयेव भवङ्गं ओतारेति, उट्ठहन्तो कम्मद्धानं गहेत्वाव उट्ठहति । अयं भिक्खु गतादीसु सम्पज्जानकारी नाम होति ।

एवं पन सुत्ते कम्मद्धानं अविभूतं होति, कम्मद्धानं अविभूतं न कातब्बं, तस्मा

यो भिक्खु याव सक्कोति, ताव चङ्कमित्वा ठत्वा निसीदित्वा सयमानो एवं परिग्गहेत्वा सयति “कायो अचेतनो, मज्जो अचेतनो, कायो न जानाति ‘अहं मज्जे सयितो’ति, मज्जोपि न जानाति ‘मयि कायो सयितो’ति। अचेतनो कायो अचेतने मज्जे सयितो’ति। एवं परिग्गण्हन्तो परिग्गण्हन्तोयेव चित्तं भवङ्गं ओतारति, पबुज्झन्तो कम्मट्ठानं गहेत्वाव पबुज्झति, अयं **सुत्ते सम्पजानकारी** नाम होति।

“कायादिकिरियानिष्फत्तनेन तम्मयत्ता, आवज्जनकिरियासमुद्धितत्ता च जवनं, सब्बम्पि वा छद्धारप्पवत्तं किरियामयपवत्तं नाम, तस्मिं सति जागरितं नाम होती’ति परिग्गण्हन्तो भिक्खु **जागरिते सम्पजानकारी** नाम। अपिच रत्तिन्दिवं छ कोट्ठासे कत्वा पञ्च कोट्ठासे जग्गन्तोपि **जागरिते सम्पजानकारी** नाम होति।

विमुत्तायतनसीसेन धम्मं देसेन्तोपि, बात्तिंस तिरच्छानकथा पहाय दसकथावत्थुनिस्सितं सप्पायकथं कथेन्तोपि **भासिते सम्पजानकारी** नाम।

अट्ठतिसाय आरम्भणेसु चित्तरुचियं मनसिकारं पवत्तेन्तोपि दुतियज्झानं समापन्नोपि **तुण्हीभावे सम्पजानकारी** नाम। दुतियज्झि ज्ञानं वचीसङ्कारविरहतो विसेसतो तुण्हीभावो नामाति। अयम्पि नयो पुरिमनयतो विसेसनयत्ता इधापि आहरित्वा वत्तब्बो। तथा हेस अभिधम्मट्ठकथादीसु (विभं० अट्ठ० ५२३) “अयं पनेत्थ अपरोपि नयो’ति आरभित्वा यथावुत्तनयो विभावितोति। “एवं खो महाराजा’तिआदि यथानिद्विड्ढस्स अत्थस्स निगमनं, तस्मा तत्थ निद्वेसानुरूपं अत्थं दस्सेन्तो “**एव**’न्तिआदिमाह। **सतिसम्पयुत्तस्स सम्पजज्झस्साति** हि निद्वेसानुरूपं अत्थवचनं। तत्थ विनिच्छयो वुत्तोयेव। **एवन्ति** इमिना वुत्तप्पकारेन अभिक्कन्तपटिक्कन्तादीसु सत्तसु ठानेसु पच्चेकं चतुब्बिधेन पकारेनाति अत्थो।

सन्तोसकथावण्णना

२१५. अत्थदस्सनेन पदस्सपि विज्जायमानत्ता पदमनपेक्खित्वा सन्तोसस्स अत्तनि अत्थिताय भिक्खु सन्तुट्ठोति पवुच्चतीति अत्थमत्तं दस्सेतुं “**इतरीतरपच्चयसन्तोसेन समन्नागतो**”ति वुत्तं। सन्तुस्सति न लुद्धो भवतीति हि पदनिब्बचनं। अपिच पदनिब्बचनवसेन अत्थे वुत्ते यस्स सन्तोसस्स अत्तनि अत्थिभावतो सन्तुट्ठो नाम, सो अपाकटोति तं पाकटकरणत्थं “**इतरीतरपच्चयसन्तोसेन समन्नागतो**”ति अत्थमत्तमाह,

चीवरादिके यत्थ कत्थचि कप्पियपच्चये सन्तोसेन समङ्गीभूतोति अत्थो । इतर-सद्दो हि अनियमवचनो द्विक्खत्तुं वुच्चमानो यं किञ्चि-सद्देन समानत्थो होति । तेन वुत्तं “यत्थ कत्थचि कप्पियपच्चये”ति । अथ वा इतरं वुच्चति हीनं पणीततो अज्जत्ता, तथा पणीतम्पि हीनतो अज्जत्ता । अज्जमज्जापेक्खासिद्धा हि इतरता, तस्मा हीनेन वा पणीतेन वा चीवरादिकप्पियपच्चयेन सन्तोसेन समङ्गीभूतोति अत्थो दट्ठब्बो । सन्तुस्सति तेन, सन्तुस्सनमत्तन्ति वा **सन्तोसो**, तथा पवत्तो अलोभो, अलोभपधाना वा चत्तारो खन्धा । लभनं **लाभो**, अत्तनो लाभस्स अनुरूपं सन्तोसो **यथालाभसन्तोसो** । बलन्ति कायबलं, अत्तनो बलस्स अनुरूपं सन्तोसो **यथाबलसन्तोसो** । सारुप्पन्ति सप्पायं पतिरूपं भिक्खुनो अनुच्छविकता, अत्तनो सारुप्पस्स अनुरूपं सन्तोसो **यथासारुप्पसन्तोसो** ।

अपरो नयो – लब्भतेति **लाभो**, यो यो लाभो **यथालाभं**, इतरीतरपच्चयो, यथालाभेन सन्तोसो **यथालाभसन्तोसो** । बलस्स अनुरूपं पवत्ततीति **यथाबलं**, अत्तनो बलानुच्छविकपच्चयो, यथा-सद्दो चेत्थ ससाधनं अनुरूपकिरियं वदति, यथा तं “अधिचित्त”न्ति एत्थ अधि-सद्दो ससाधनं अधिकरणकिरियन्ति । यथाबलेन सन्तोसो **यथाबलसन्तोसो** । सारुप्पन्ति पतिरूपं भवति, सोभनं वा आरोपेतीति **सारुप्पं**, यं यं सारुप्पं **यथासारुप्पं**, भिक्खुनो सप्पायपच्चयो, यथासारुप्पेन सन्तोसो **यथासारुप्पसन्तोसो** । यथावुत्तं पभेदमनुगता वण्णना **पभेदवण्णना** ।

इधाति सासने । अज्जं न पत्थेतीति अप्पत्तपत्थनभावमाह, **लभन्तोपि न गण्हातीति** पत्तपत्थनाभावं । पठमेन अप्पत्तपत्थनाभावेयेव वुत्ते यथालुद्धतो अज्जस्स अपत्थना नाम अप्पिच्छतायपि सिया पवत्तिआकारोति अप्पिच्छतापसङ्गभावतो ततोपि निवत्तमेव सन्तोसस्स सरूपं दस्सेत्तुं दुतियेन पत्तपत्थनाभावो वुत्तोति दट्ठब्बं । एवमुपरिपि । **पकतिदुब्बलो**ति आबाधादिविरहेपि सभावदुब्बलो । समानो सीलादिभागो यस्साति **सभागो**, सह वा सीलादीहि गुणभागेहि वत्ततीति **सभागो**, लज्जीपेसलो भिक्खु, तेन । तं **परिवत्तेत्वा**ति पकतिदुब्बलादीनं गरुचीवरं न फासुभावावहं, सरीरखेदावहज्ज्य होतीति पयोजनवसेन परिवत्तनं वुत्तं, न अत्रिच्छतादिवसेन । अत्रिच्छतादिप्पकारेन हि परिवत्तेत्वा लहुकचीवरपरिभोगो सन्तोसविरोधी होति, तरस्स पन तदभावतो यथावुत्तप्पयोजनवसेन परिवत्तेत्वा लहुकचीवरपरिभोगोपि न सन्तोसविरोधीति आह “**लहुकेन यापेन्तोपि सन्तुडोव होती**”ति । पयोजनवसेन परिवत्तेत्वा लहुकचीवरपरिभोगोपि न ताव सन्तोसविरोधी, पगेव तथा अपरिवत्तेत्वा परिभोगेति सम्भावितस्स अत्थस्स दस्सनत्थज्हेत्थ अपि-सद्दगहणं ।

चीवरनिद्देसेपि “पत्तचीवरादीनं अञ्जतर”न्ति वचनं यथारुतं गहितावसेसपच्चयसन्तोसस्स चीवरसन्तोसे समवरोधितादस्सनत्थं । “थेरको अयमायस्मा मल्लको”तिआदीसु थेरवोहारस्स पञ्जत्तिमत्तेपि पवत्तितो दसवस्सतो पभुति चिरवस्सपब्बजितेस्वेव इध पवत्तिजापनत्थं “थेरानं चिरपब्बजितान”न्ति वुत्तं, थेरानन्ति वा सङ्खत्थेरं वदति । चिरपब्बजितानन्ति पन तदवसेसे वुट्ठभिक्षू । सङ्खारकूटादितोति कचवररासिआदितो । अनन्तकानीति नन्तकानि पिलोतिकानि । “अ-कारो चेत्थ निपातमत्त”न्ति (वि० व० अट्ठ० ११६५) विमानडुकथायं वुत्तं । तथा चाहु “नन्तकं कप्पटो जिण्णवसनं तु पटच्चर”न्ति नत्थि दसासङ्घतो अन्तो कोटि येसन्ति हि नन्तकानि, न-सदस्स तु अनादेसे अनन्तकानीतिपि युज्जति । सङ्केतकोविदानं पन आचरियानं तथा अवुत्तत्ता वीमंसित्वा गहेतब्बं । “सनन्तकानी”तिपि पाठो, नन्तकेन सह संसिब्बितानि पंसुकूलानि चीवरानीति अत्थो । सङ्घाटित्ति तिण्णं चीवरानं अञ्जतरं चीवरं । तीणिपि हि चीवरानि सङ्घटितत्ता “सङ्घाटी”ति वुच्चन्ति । महग्घं चीवरं, बहूनि वा चीवरानि लभित्वा तानि विस्सज्जेत्वा तदञ्जस्स गहणम्पि महिच्छतादिनये अट्ठत्वा यथासारुप्पनये एव ठितत्ता न सन्तोसविरोधीति आह “तेसं...पे०... धारेन्तोपि सन्तुडोव होती”ति । यथासारुप्पनयेन यथालुद्धं विस्सज्जेत्वा तदञ्जगहणम्पि न ताव सन्तोसविरोधी, पगेव अनञ्जगहणेन यथालुद्धस्सेव यथासारुप्पं परिभोगेति सम्भावितस्स अत्थस्स दस्सनत्थज्हेत्थ अपि-सद्दगहणं, एवं सेसपच्चयेसुपि यथाबलयथासारुप्पनिद्देसेसु अपि-सद्दगहणे अधिप्पायो वेदितब्बो ।

पकतिविरुद्धन्ति सभावेनेव असप्पायं । समणधम्मकरणसीसेन सप्पायपच्चयपरियेसनं, परिभुज्जनञ्च विसेसतो युत्ततरन्ति अत्थन्तरं विज्जापेतुं “यापेन्तोपी”ति अवत्वा “समणधम्मं करोन्तोपी”ति वुत्तं । मिस्सकाहारन्ति तण्डुलमुग्गादीहि नानाविधपुब्बण्णापरण्णेहि मिस्सेत्वा कतं आहारं ।

अञ्जम्पि सेनासने यथासारुप्पसन्तोसं दस्सेन्तो आह “यो ही”तिआदि । पठमे हि नये यथालुद्धस्स विस्सज्जनेन, दुतिये पन यथापत्तस्स असम्पटिच्छनेन यथासारुप्पसन्तोसो वुत्तोति अयमेतेसं विसेसो । हि-सद्दो चेत्थ पक्खन्तरजोतको । मज्झिमागमडुकथायं पन पि-सद्दो दिस्सति । “उत्तमसेनासनं नाम पमादट्ठान”न्ति वत्वा तब्बावमेव दस्सेतुं “तत्थ निसिन्नस्सा”तिआदि वुत्तं । निद्वाभिभूतस्साति थिनमिद्दोक्कमनेन चित्तचेतसिकगेलञ्जभावतो भवङ्गसन्ततिसङ्घाताय निद्वाय अभिभूतस्स, निद्वायन्तस्साति अत्थो । पटिबुज्झतोति तथारूपेन

आरम्भणन्तरेण पटिबुज्झन्तस्स पटिबुज्झनहेतु कामवितक्का पातुभवन्तीति वुत्तं होति । “पटिबुज्झनतो”तिपि हि कथंचि पाठो दिस्सति । अयम्पीति पठमनयं उपादाय वुत्तं ।

तेसं आभतेनाति तेहि थेरादीहि आभतेन, तेसं वा येन केनचि सन्तकेनाति अज्झाहरित्वा सम्बन्धो । मुत्तहरीतकन्ति गोमुत्तपरिभावितं, पूतिभावेन वा मोचितं छड्डितं हरीतकं, इदानीं पन पोत्थकेसु “गोमुत्तहरीतक”न्ति पाठो, सो न पोराणपाठो तब्बण्णनाय (दी० नि० टी० १.२१५) विरुद्धता । चतुमधुरन्ति मज्झिमागमवरे महाधम्मसमादानसुत्ते (म० नि० १.४८४ आदयो) वुत्तं दधिमधुसप्पिफाणितसङ्घातं चतुमधुरं, एकस्मिञ्च भाजने चतुमधुरं ठपेत्वा तेसु यदिच्छसि, तं गण्हाहि भन्तेति अत्थो । “सचस्सा”तिआदिना तदुभयस्स रोगवूपसमनभावं दस्सेति । बुद्धादीहि वण्णितन्ति “पूतिमुत्तभेसज्जं निस्साय पब्बज्जा”तिआदिना (महाव० ७३, १२८) सम्मासम्बुद्धादीहि पसत्थं । अप्पिच्छताविसिद्धाय सन्तुड्डिया नियोजनतो परमेन उक्कंसगतेन सन्तोसेन सन्तुस्सतीति परमसन्तुड्डो ।

कामञ्च सन्तोसप्पभेदा यथावुत्ततोपि अधिकतरा चीवरे वीसति सन्तोसा, पिण्डपाते पन्नरस, सेनासने च पन्नरस, गिलानपच्चये वीसतीति, इध पन सङ्केपेन द्वादसविधोयेव सन्तोसो वुत्तो । तदधिकतरप्पभेदो पन चतुरङ्गुत्तरे महाअरियवंसमुत्तङ्कथाय (अ० नि० अट्ठ० २.४.२८) गहेतब्बो । तेनाह “इमिना पना”तिआदि । एवं “इध महाराज भिक्खु सन्तुड्डो होती”ति एत्थ पुग्गलाधिद्वाननिद्विडेन सन्तुड्डपदेनेव सन्तोसप्पभेदं दस्सेत्वा इदानीं “कायपरिहारिकेन चीवरेण कुच्छिपरिहारिकेन पिण्डपातेना”तिआदि देसनानुरूपं तेन सन्तोसेन सन्तुड्डस्स अनुच्छविकं पच्चयप्पभेदं, तस्स च कायकुच्छिपरिहारियभावं विभावेन्तो एवमाहाति अयमेत्थ सम्बन्धो । कामञ्चस्स चीवरपिण्डपातेहेव यथाक्कमं कायकुच्छिपरिहारियेहि सन्तुड्डता पाळियं वुत्ता, तथापि सेसपरिक्खारचतुक्केन च विना विचरणमयुत्तं, सब्बत्थ च कायकुच्छिपरिहारियता लद्धब्बाति अट्ठकथायं अयं विनिच्छयो वुत्तोति दट्ठब्बं । दन्तकड्डच्छेदनवासीति लक्खणमत्तं तदज्जकिच्चस्सापि ताय साधेतब्बत्ता, तेन वक्खति “मज्जपीठानं अङ्गपादचीवरकुटिदण्डकसज्जनकाले चा”तिआदि । वुत्तम्पि चेत्तं पोराणड्कथासु “न हेतं कथंचिपि पाळियमागत”न्ति ।

बन्धनन्ति कायबन्धनं । परिस्सावनेन परिस्सावनञ्च, तेन सहाति वा अत्थो । युत्तो कम्मद्वानभावनासङ्घातो योगो यस्स, तस्मिं वा योगो युत्तोति युत्तयोगो, तस्स ।

कायं परिहरन्ति पोसेन्ति, कायस्स वा परिहारो पोसनमत्तं पयोजनमेतेहीति कायपरिहारिया क-कारस्स य-कारं कत्वा। पोसनञ्चेत्थ वड्ढनं, भरणं वा, तथा कुच्छिपरिहारियापि वेदितव्वा। बहिन्द्धाव कायस्स उपकारकभावेन कायपरिहारियता, अज्झोहरणवसेन सरीरद्वितिया उपकारकभावेन कुच्छिपरिहारियताति अयमेतेसं विसेसो। तेनाह “तिचीवरं तावा”तिआदि। “परिहरती”ति एतस्स पोसेतीति अत्थवचनं। इतीति निदस्सने निपातो, एवं वुत्तनयेन कायपरिहारियं होतीति कारणजोतने वा, तस्मा पोसनतो कायपरिहारियं होतीति। एवमुपरिपि। चीवरकरणेनाति चीवरपरियन्तेन।

कुटिपरिभण्डकरणकालेति कुटिया समन्ततो विलिम्पनेन सम्मट्टकरणकाले।

अङ्गं नाम मज्जपीठानं पादूपरि ठपितो पधानसम्भारविसेसो। यत्थ पदरसज्विननपिड्डिअपस्सयनादीनि करोन्ति, यो “अटनी”तिपि वुच्चति।

मधुदुमपुष्कं मधुकं नाम, मक्खिकामधूहि कतपूवं वा। परिक्रारमत्ता परिक्रारपमाणं। सेय्यं पविसन्तस्साति पच्चत्थरणकुञ्चिकानं तादिसे काले परिभुत्तभावं सन्धाय वुत्तं। तेनाह “तत्रट्टकं पच्चत्थरण”न्ति। अत्तनो सन्तकभावेन पच्चत्थरणाधिद्वानेन अधिद्वहिवा तत्थेव सेनासने तिड्डनकहि “तत्रट्टक”न्ति वुच्चति। विकप्पनवचनतो पन तेसमज्जतरस्स नवमता, यथावुत्तपटिपाटिया चेत्थ नवमभावो, न तु तेसं तथापतिनियतभावेन। कस्माति चे? तथायेव तेसमधारणतो। एस नयो दसमादीसुपि। तेलं पटिसामेत्वा हरिता वेळुनाळिआदिका तेलनाळि। ननु सन्तुट्टपुगलदस्सने सन्तुट्टोव अट्टपरिक्रारिको दस्सेतब्बोति अनुयोगे यथारहं तेसम्पि सन्तुट्टभावं दस्सेन्तो “एतेसु चा”तिआदिमाह। महन्तो परिक्रारसङ्घातो भारो एतेसन्ति महाभारा, अयं अधुना पाठो, आचरियथम्मपालत्थेरेन पन “महागजा”ति पाठस्स दिट्ठता “दुप्पोसभावेन महागजा वियाति महागजा”ति (दी० नि० टी० १.२१५) वुत्तं, न ते एतकेहि परिक्रारेहि “महिच्छा, असन्तुट्टा, दुब्भारा, बाहुल्लवुत्तिनो”ति च वत्तव्वाति अधिप्पायो। यदि इतरेपि सन्तुट्टा अप्पिच्छतादिसभावा, किमेतेसम्पि वसेन अयं देसना इच्छिताति चोदनं सोधेतुं “भगवा पना”तिआदि वुत्तं। अट्टपरिक्रारिकस्स वसेन इमिस्सा देसनाय इच्छितभावो कथं विज्जायतीति अनुयोगम्पि अपनेति “सो ही”तिआदिना, तस्सेव तथा पक्कन्तभावेन “कायपरिहारिकेन चीवरेना”तिआदि पाळिया योग्यतो तस्स वसेन इच्छितभावो विज्जायतीति वुत्तं होति। वचनीयस्स हेतुभावदस्सनेन हि वाचकस्सापि हेतुभावो

दस्सितोति । एवञ्च कत्वा “इति इमस्सा”तिआदि लद्धगुणवचनम्पि उपपन्नं होति । सल्लहुका वुत्ति जीविका यस्साति सल्लहुकवुत्ति, तस्स भावो सल्लहुकवुत्तिता, तं । कायपरिहारियेनाति भावप्पधाननिद्देशो, भावलोपनिद्देशो वाति दस्सेति “कायं परिहरणमत्तकेना”ति इमिना, कायपोसनप्पमाणेनाति अत्थो । तथा कुच्छिपरिहारियेनाति एत्थापि । वुत्तनयेन चेत्थ द्विधा वचनत्थो, टीकायं (दी० नि० टी० १.२१५) पन पठमस्स वचनत्थस्स हेद्वा वुत्तत्ता दुतियोव इध वुत्तोति दट्ठब्बं । ममायनतण्हाय आसङ्गो । परिग्गहतण्हाय बन्धो । जियामुत्तोति धनुजियाय मुत्तो । यूथाति हत्थिगणतो । तिधा पभिन्नमदो मदहत्थी । वनपब्भारन्ति वने पब्भारं ।

चतूसु दिसासु सुखविहारिताय सुखविहारद्धानभूता, “एकं दिसं फरित्वा”तिआदिना (दी० नि० ३.३०८; म० नि० १.७७, ४५९, ५०९; २.३०९) वा नयेन ब्रह्मविहारभावनाफरणद्धानभूता चतस्सो दिसा एतस्साति चतुदिसो, सो एव चातुदिसो, चतस्सो वा दिसा चतुदिसं, वुत्तनयेन तमस्साति चातुदिसो यथा “सद्धो”ति । तास्वेव दिसासु कत्थचिपि सत्ते वा सङ्गारे वा भयेन न पटिहन्ति, सयं वा तेहि न पटिहज्जतेति अप्पटिघो । सन्तुस्समानोति सकेन, सन्तेन वा, सममेव वा तुस्सनको । इत्तरीत्तेनाति येन केनचि पच्चयेन, उच्चावचेन वा । परिच्च सयन्ति पवत्तन्ति कायचित्तानि, तानि वा परिसयन्ति अभिभवन्तीति परिस्सया, सीहब्बग्घादयो बाहिरा, कामच्छन्दादयो च अज्झत्तिका कायचित्तुपद्वा, उपयोगत्थे चेतं सामिवचनं । सहिताति अधिवासनखन्तिया, वीरियादिधम्महे च यथारहं खन्ता, गहन्ता चाति अत्थो । थद्धभावकरभयाभावेन अष्ठम्भी । एको चरेति असहायो एकाकी हुत्वा चरितुं विहरितुं सक्कुणेय्य । समत्थने हि एय्य-सद्धो यथा “को इमं विजटये जट”न्ति (सं० नि० १.१.२३) खग्गविसाणकप्पताय एकविहारीति दस्सेति “खग्गविसाणकप्पो”ति इमिना । सण्ठानेन खग्गसदिसं एकमेव मत्थके उट्ठितं विसाणं यस्साति खग्गो; खग्गसद्देन तंसदिसविसाणस्स गहितत्ता, महिसप्पमाणो मिगविसेसो, यो लोके “पलासादो, गण्ठको”ति च वुच्चति, तस्स विसाणेन एकीभावेन सदिसोति अत्थो । अपिच एकविहारिताय खग्गविसाणकप्पोति दस्सेतुम्पि एवं वुत्तं । वित्थारो पनस्सा अत्थो खग्गविसाणसुत्तवण्णनायं, (सु० नि० अट्ठ० १.४२) चूळनिद्देशे (चूळनि० १२८) च वुत्तनयेन वेदितब्बो ।

एवं वण्णितन्ति खग्गविसाणसुत्ते भगवता तथा देसनाय विवरितं, थोमितं वा ।

खग्गस्स नाम मिगस्स विसाणेन कप्पो सदिसो तथा । कप्प-सद्दो हेत्थ “सत्थुकप्पेन वत भो किर सावकेन सद्धिं मन्तयमाना”तिआदीसु (म० नि० १.२६०) विय पटिभागे वत्तति, तस्स भावो **खग्गविसाणकप्पता**, तं सो आपज्जतीति सम्बन्धो ।

वाताभिधातादीहि सिया सकुणो छिन्नपक्खो, असज्जातपक्खो वा, इध पन डेतुं समत्थो सपक्खकोव अधिप्पेतोति विसेसदस्सनत्थं पाळियं “**पक्खी सकुणो**”ति वुत्तं, न तु “आकासे अन्तलिक्खे चङ्कमती”तिआदीसु (पटि० म० ३.११) विय परियायमत्तदस्सनत्थन्ति आह “**पक्खयुत्तो सकुणो**”ति । उप्पत्ततीति उद्धं पतति गच्छति, पक्खन्दतीति अत्थो । विधुनन्ताति विभिन्दन्ता, विचालेन्ता वा । अज्जतनायाति अज्जभावत्थाय । तथा स्वातनायाति एत्थापि । अत्तनो पत्तं एव भारो यस्साति सप्तभारो । ममायनतण्हाभावेन निस्सङ्गो । परिगहत्तण्हाभावेन निरपेक्खो । येन कामन्ति यत्थ अत्तनो रुचि, तत्थ । भावनपुंसकं वा एतं । येन यथा पवत्तो कामोति हि **येनकामो**, तं, यथाकामन्ति अत्थो ।

नीवरणप्पहानकथावण्णना

२१६. पुब्बे वुत्तस्सेव अत्थचतुक्कस्स पुन सम्पिण्डेत्वा कथनं किमत्थन्ति अधिप्पायेन अनुयोगं उद्धरित्वा सोधेति “**सो...पे०... किं दस्सेती**”तिआदिना । पच्चयसम्पत्तिन्ति सम्भारपारिपूरिं । इमे चत्तारोति सीलसंवरो इन्द्रियसंवरो सम्पज्जं सन्तोसोति पुब्बे वुत्ता चत्तारो आरज्जिकस्स सम्भारा । न इज्जतीति न सम्पज्जति न सफलो भवति । न केवलं अनिज्जनमत्तं, अथ खो अयम्पि दोसोति दस्सेति “**तिरच्छानगतेहि वा**”तिआदिना । वत्तब्बतं आपज्जतीति “असुकस्स भिक्खुनो अरज्जे तिरच्छानगतानं विय, वनचरकानं विय च निवासनमत्तमेव, न पन अरज्जवासानुच्छविका काचि सम्पापटिपत्ति अत्थी”ति अपवादवसेन वचनीयभावमापज्जति, इमस्सत्थस्स पन दस्सनेन विरुज्जनतो सद्धिं-सद्दो न पोराणोति दट्ठब्बं । अथ वा आरज्जकेहि तिरच्छानगतेहि, वनचरविसभागजनेहि वा सद्धिं विप्पटिपत्तिवसेन वसनीयभावं आपज्जति । “न भिक्खवे पणिधाय अरज्जे वत्थब्बं, यो वसेय्य, आपत्ति दुक्कटस्सा”तिआदीसु (पारा० २२३) विय हि **वत्थब्ब**-सद्दो वसितब्बपरियायो । तथा हि **विभङ्गदुक्कथायम्पि** वुत्तं “एवरूपस्स हि अरज्जवासो कालमक्कटअच्छत्तरच्छदीपिमिगानं अटविवाससदिसो होती”ति (विभं० अट्ट० ५२६) अधिवत्थाति अधिवसन्ता । पठमं **भेरवसहं सावेन्ति** । तावता अपलायन्तस्स हत्थेहिपि सीसं

पहरित्वा पलापनाकारं करोन्तीति आचरियसारिपुत्तत्थेरेन कथितं। एवं ब्यतिरेकतो पच्चयसम्पत्तिया दस्सितभावं पकासेत्वा इदानीं अन्वयतोपि पकासेतुं “यस्स पनेते”तिआदि वुत्तं। कथं इज्झतीति आह “सो ही”तिआदि। काळको तिलकोति वण्णविकारापनरोगवसेन अज्जत्थ परियायवचनं। वुत्तज्झि -

“दुन्नामकज्ज अरिसं, छद्दिको वमथूरितो।
दवथु परितापोथ, तिलको तिलकाळको”ति।।

तिलसण्ठानं विय जायतीति हि तिलको, काळो हुत्वा जायतीति काळको। इध पन पण्णत्तिवीतिक्कमसङ्घातं थुल्लवज्जं काळकसदिसत्ता काळकं, मिच्छावीतिक्कमसङ्घातं अणुमत्तवज्जं तिलकसदिसत्ता तिलकन्ति अयं विसेसो। तन्ति तथा उप्पादितं पीतिं। विगतभावेन उपट्टानतो खयवयवसेन सम्मसनं। खीयनट्टेन हि खयोव विगतो, विपरीतो वा हुत्वा अयनट्टेन वयोतिपि वुच्चति। अरियभूमि नाम लोकुत्तरभूमि। इतीति अरियभूमिओक्कमनतो, देवतानं वण्णभणनतो वा, तत्थ तत्थ देवतानं वचनं सुत्वा तस्स यसो पत्थटोति वुत्तं होति, एवज्ज कत्वा हेट्ठा वुत्तं अयसपत्थरणम्पि देवतानमारोचनवसेनाति गहेतब्बं।

विवित्त-सद्दो जनविवेकेति आह “सुज्ज”न्ति। तं पन जनसद्दनिग्घोसाभावेन वेदितब्बं सद्दकण्टकत्ता ज्ञानस्साति दस्सेतुं “अप्पसद्दं अप्पनिग्घोसन्ति अत्थो”ति वुत्तं। जनकगहणेनेव हि इध जज्जं गहितं। तथा हि वुत्तं विभङ्गे “यदेव तं अप्पनिग्घोसं, तदेव तं विजनवात”न्ति (विभं० ५३३)। अप्पसद्दन्ति च पकतिसद्दाभावमाह। अप्पनिग्घोसन्ति नगरनिग्घोसादिसद्दाभावं। ईदिसेसु हि ब्यज्जनं सावसेसं विय, अत्थो पन निरवसेसोति अट्ठकथासु वुत्तं। मज्झिमागमट्ठकथावण्णनायं (म० नि० अट्ठ० ३.३६४) पन आचरियधम्मपालत्थेरो एवमाह “अप्पसद्दस्स परित्तपरियायं मनसि कत्वा वुत्तं ‘ब्यज्जनं सावसेसं सिया’ति। तेनाह ‘न हि तस्सा’तिआदि। अप्पसद्दो पनेत्थ अभावत्थोतिपि सक्का विज्जातुं ‘अप्पाबाधतज्ज सज्जानामी’तिआदीसु (म० नि० १.२२५) विया”ति। तमत्थं विभङ्गपाळिया (विभं० ५२८) संसन्दन्तो “एतदेवा”तिआदिमाह। एतदेवाति च मया संवण्णियमानं निस्सद्दत्तं एवाति अत्थो। सन्तिकेपीति गामादीनं समीपेपि एदिसं विवित्तं नाम, पगेव दूरेति अत्थो। अनाकिण्णन्ति असङ्किण्णं असम्बाधं। यस्स सेनासनस्स समन्ता गावुत्तम्पि अट्ठयोजनम्पि पब्बतगहनं वनगहनं नदीगहनं होति, न कोचि अवेलाय

उपसङ्गमितुं सककोति, इदं सन्तिकेपि अनाकिण्णं नाम । सेतीति सयति । आसतीति निसीदति । “एत्था”ति इमिना सेन-सदस्स, आसन-सदस्स च अधिकरणत्थभावं दस्सेति, च-सद्देन च तदुभयपदस्स चत्थसमासभावं । “तेनाहा”तिआदिना विभङ्गपाळिमेव आहरति ।

इदानीं तस्सायेवत्थं सेनासनप्पभेददस्सनवसेन विभावेतुं “अपिचा”तिआदि वुत्तं । विभङ्गपाळियं निदस्सननयेन सरूपतो दस्सितसेनासनस्सेव हि अयं विभागो । तत्थ विहारो पाकारपरिच्छिन्नो सकलो आवासो । अट्टयोगो दीघपासादो, “गरुलसण्ठानपासादो”तिपि वदन्ति । पासादो चतुरस्सपासादो । हम्मियं मुण्डच्छदनपासादो । अट्टो पटिराजूनं पटिबाहनयोगो चतुपञ्चभूमको पतिस्सयविसेसो । माळो एककूटसङ्गहितो अनेककोणवन्तो पतिस्सयविसेसो । अपरो नयो – विहारो दीघमुखपासादो । अट्टयोगो एकपस्सच्छदनकगेहं । तस्स किर एकपस्से भित्ति उच्चतरा होति, इतरपस्से नीचा, तेन तं एकछदनकं होति । पासादो आयतचतुरस्सपासादो । हम्मियं मुण्डच्छदनकं चन्दिकङ्गणयुत्तं । गुहा केवला पब्बतगुहा । लेणं द्वारबन्धं पब्भारं । सेसं वुत्तनयमेव । “मण्डपोति साखामण्डपो”ति (दी० नि० टी० १.२१६) एवं आचरियधम्मपालत्थेरेन, अङ्गुत्तरटीकाकारेण च आचरियसारिपुत्तत्थेरेन वुत्तं ।

विभङ्गट्टकथायं (विभं० अट्ट० ५२७) पन विहारोति समन्ता परिहारपथं, अन्तोयेव च रत्तिट्टानदिवाट्टानानि दस्सेत्वा कतसेनासनं । अट्टयोगोति सुपण्णवङ्कगेहं । पासादोति द्वे कण्णिकानि गहेत्वा कतो दीघपासादो । अट्टोति पटिराजादिपटिबाहनत्थं इट्टकाहि कतो बहलभित्तिको चतुपञ्चभूमको पतिस्सयविसेसो । माळोति भोजनसालासदिसो मण्डलमाळो । विनयट्टकथायं पन “एककूटसङ्गहितो चतुरस्सपासादो”ति (पारा० अट्ट० २.४८२-४८७) वुत्तं । लेणन्ति पब्बतं खणित्वा वा पब्भारस्स अप्पहोनकट्टाने कुट्टं उट्टापेत्वा वा कतसेनासनं । गुहाति भूमिदरि वा यत्थ रत्तिन्दिवं दीपं लद्धुं वट्टति, पब्बतगुहा वा भूमिगुहा वाति वुत्तं ।

तं आवसथभूतं पतिस्सयसेनासनं विहरितब्बट्टेन, विहारट्टानट्टेन च विहारसेनासनं नाम । मसारकादिचतुब्बिधो मज्जो । तथा पीठं । उण्णभिसिआदिपञ्चविधा भिसि । सीसप्पमाणं बिम्बोहनं । वित्थारतो विदत्थिचतुरङ्गुलता, दीघतो मज्जवित्थारप्पमाणता चेत्थ सीसप्पमाणं । मसारकादीनि मज्जपीठभावतो, भिसिउपधानञ्च मज्जपीठसम्बन्धतो मज्जपीठसेनासनं । मज्जपीठभूतज्झि सेनासनं, मज्जपीठसम्बन्धञ्च सामज्जनिदेसेन, एकसेसेन वा

“मञ्चपीठसेनासन”न्ति वुच्चति । आचरियसारिपुत्तथैरोपि एवमेव वदति ।
आचरियधम्मपालत्थेरेन पन “मञ्चपीठसेनासनन्ति मञ्चपीठञ्चेव
 मञ्चपीठसम्बन्धसेनासनञ्चा”ति (दी० नि० टी० १.२१६) वुत्तं । **चिमिलिका** नाम
 सुधापरिकम्मकताय भूमिया वण्णानुरक्खणत्थं पटखण्डादीहि सिब्बेत्वा कता । **चम्मखण्डो**
 नाम सीहव्यग्घदीपितरच्छच्ममादीसुपि यं किञ्चि चम्मं । **अट्ठकथासु** (पाचि० अट्ठ० ११२;
 वि० सङ्ग० अट्ठ० ८२) हि सेनासनपरिभोगे पटिक्खित्तचम्मं न दिस्सति । **तिणसन्थारो**ति
 येसं केसञ्चि तिणानं सन्थारो । एसेव नयो **पण्णसन्थारेपि** । चिमिलिकादि भूमियं
 सन्थरितब्बताय **सन्थत्तसेनासनं** । **यत्थ वा पन भिक्खू पटिक्कमन्तीति** ठपेत्वा वा एतानि
 मञ्चादीनि यत्थ भिक्खू सन्निपतन्ति, **सब्बमेतं सेनासनं** नामाति एवं वुत्तं अवसेसं
 रुक्खमूलादिपटिक्कमितब्बट्ठानं अभिसङ्खरणाभावतो केवलं सयनस्स, निस्सज्जाय च
 ओकासभूतत्ता **ओकाससेनासनं** । **सेनासनगहणेनाति** “विवित्तं सेनासन”न्ति इमिना
 सेनासनसद्देन विवित्तसेनासनस्स वा आदानेन, वचनेन वा गहितमेव सामञ्जजोतनाय
 विसेसे अवट्ठानतो, विसेसत्थिना च विसेसस्स पयुज्जितब्बतो ।

यदेवं कस्मा “अरञ्ज”न्तिआदि पुन वुत्तन्ति अनुयोगेन “**इध
 पनस्सा**”तिआदिमाह । एवं गहितेसुपि सेनासनेसु यथावुत्तस्स भिक्खुनो अनुच्छविकमेव
 सेनासनं दस्सेतुकामत्ता पुन एवं वुत्तन्ति अधिप्पायो । “**भिक्खुनीनं वसेन आगतं**”न्ति इदं
 विनये आगतमेव सन्धाय वुत्तं, न अभिधम्मे । विनये हि **गणम्हाओहीयनसिक्खापदे** (पाचि०
 ६९१) भिक्खुनीनं आरञ्जकधुत्तङ्गस्स पटिक्खित्तत्ता इदम्पि च तासं अरञ्जं नाम, न पन
 पञ्चधनुसतिकं पच्छिमं अरञ्जमेव सेनासनं, इदम्पि च तासं गणम्हाओहीयनापत्तिकरं, न
 तु पञ्चधनुसतिकादिमेव अरञ्जं । वुत्तञ्चि तत्थ –

“एका वा गणम्हा ओहीयेय्याति अगामके अरञ्जे दुत्तियिकाय भिक्खुनिया
 दस्सनूपचारं वा सवनूपचारं वा विजहन्तिया आपत्ति थुल्लच्चयस्स, विजहिते
 आपत्ति सङ्गादिसेसस्सा”ति ।

विनयट्ठकथासुपि (पाचि० अट्ठ० ६९२) हि तथाव अत्थो वुत्तोति । अभिधम्मे पन
 “अरञ्जन्ति निक्खमित्वा बहि इन्दखीला सब्बमेतं अरञ्ज”न्ति (विभं० ५२९) आगतं ।
 विनयसुत्तन्ता हि उभोपि परियायदेसना नाम, अभिधम्मो पन निप्परियायदेसना, तस्मा यं
 न गामपदेसन्तो गधं, तं अरञ्जन्ति निप्परियायेन दस्सेतुं तथा वुत्तं । इन्दखीला बहि

निक्खमित्वा यं ठानं पवत्तं, सब्बमेतं अरज्जं नामाति चेत्थ अत्थो । आरज्जकं नाम...ये०... पच्छिमन्ति इदं पन सुत्तन्तनयेन आरज्जकसिक्खापदे (पारा० ६५२) आरज्जिकं भिक्खुं सन्धाय वुत्तं इमस्स भिक्खुनो अनुरूपं, तस्मा विसुद्धिमग्गे धुतङ्गनिद्देसे (विसुद्धि० १.१९) यं तस्स लक्खणं वुत्तं, तं युत्तमेव, अतो तत्थ वुत्तनयेन गहेतब्बन्ति अधिष्णायो ।

सन्दच्छायन्ति सीतच्छायं । तेनाह “तत्थ ही”तिआदि । रुक्खमूलन्ति रुक्खसमीपं । वुत्तज्हेतं “यावता मज्झन्हिके काले समन्ता छाया फरति, निवाते पण्णानि निपतन्ति, एत्तावता रुक्खमूल”न्ति । पब्बतन्ति सुद्धपासाणसुद्धपंसुउभयमिस्सकवसेन तिविधोपि पब्बतो अधिष्पेतो, न सिलामयो एव । सेल-सद्दो पन अविसेसतो पब्बतपरियायोति कत्वा एवं वुत्तं । “तत्थ ही”तिआदिना तदुभयस्स अनुरूपतं दस्सेति । दिसासु खायमानासूति दससु दिसासु अभिमुखीभावेन दिस्समानासु । तथारूपेनपि कारणेन सिया चित्तस्स एकगताति एतं वुत्तं, सब्बदिसाहि आगतेन वातेन बीजियमानभावहेतुदस्सनत्थन्ति केचि । कं वुच्चति उदकं पिपासविनोदनस्स कारकत्ता । “यं नदीतुम्बन्तिपि नदीकुज्जन्तिपि वदन्ति, तं कन्दरन्ति अपब्बतपदेसेपि विदुग्गनदीनिवत्तनपदेसं कन्दरन्ति दस्सेती”ति (विभं० मूल टी० ५३०) आचरियानन्दत्थेरो, तेनेव विज्जायति “नदीतुम्बनदीकुज्जसद्दा नदीनिवत्तनपदेसवाचका”ति । नदीनिवत्तनपदेसो च नाम नदिया निक्खमनउदकेन पुन निवत्तित्वा गतो विदुग्गपदेसो । “अपब्बतपदेसेपी”ति वदन्तो पन अड्ढकथायं निदस्सनमत्तेन पठमं पब्बतपदेसन्ति वुत्तं, यथावुत्तो पन नदीपदेसोपि कन्दरो एवाति दस्सेति ।

“तत्थ ही”तिआदिनापि निदस्सनमत्तेनेव तस्सानुरूपभावमाह । उस्सापेत्वाति पुज्जं कत्वा । “द्विन्नं पब्बतानम्पि आसन्नतरे ठितानं ओवरकादिसदिसं विवरं होति, एकस्मिंयेव पन पब्बते उमङ्गसदिस”न्ति वदन्ति आचरिया । एकस्मिंयेव हि उमङ्गसदिसं अन्तोलेणं होति उपरि पटिच्छन्नत्ता, न द्वीसु तथा अप्पटिच्छन्नत्ता, तस्मा “उमङ्गसदिस”न्ति इदं “एकस्मिं येवा”ति इमिना सम्बन्धनीयं । “महाविवर”न्ति इदं पन उभयेहिपि । उमङ्गसदिसन्ति च “सुदुङ्गसदिस”न्ति (दी० नि० टी० १.२१६) आचरियेन वुत्तं । सुदुङ्गाति हि भूमिघरस्सेतं अधिवचनं, “तं गहेत्वा सुदुङ्गाय रवन्तं यक्खिनी खिपी”तिआदीसु विय । मनुस्सानं अनुपचारद्धानन्ति पकतिसञ्चारवसेन मनुस्सेहि न सञ्चरितब्बद्धानं । कस्सनवप्पनादिवसेन हि पकतिसञ्चारपटिक्खेपो इधाधिष्पेतो । तेनाह

“यत्थ न कसन्ति न वपन्ती”ति । आदिसद्देन पन “वनपत्थन्ति वनसण्ठानमेतं सेनासनानं अधिवचनं, वनपत्थन्ति भीसनकानमेतं, वनपत्थन्ति सलोमहंसानमेतं, वनपत्थन्ति परियन्तानमेतं, वनपत्थन्ति न मनुस्सूपचारानमेतं सेनासनानं अधिवचन”न्ति (विभं० ५३१) इमं विभङ्गपाळिसेसं सङ्गणहाति । पत्थोति हि पब्बतस्स समानभूमि, यो “सानू”तिपि वुच्चति, तस्सदिसत्ता पन मनुस्सानमसञ्चरणभूतं वनं, तस्मा पत्थसदिसं वनं वनपत्थोति विसेसनपरनिपातो दट्ठब्बो । सब्बेसं सब्बासु दिसासु अभिमुखो ओकासो अब्भोकासोति आह “अच्छन्न”न्ति, केनचि छदनेन अन्तमसो रुक्खसाखायपि न छादितन्ति अत्थो । दण्डकानं उपरि चीवरं छादेत्वा कता चीवरकुटि । निक्कट्ठित्वाति नीहरित्वा । अन्तोपब्भारलेणसदिसो पललरासियेव अधिप्पेतो, इतरथा तिणपण्णसन्धारसङ्गोपि सियाति वुत्तं “पब्भारलेणसदिसे आलये”ति, पब्भारसदिसे, लेणसदिसे वाति अत्थो । गच्छगुम्भादीनम्पीति पि-सद्देन पुरिमनयं सम्पिण्डेति ।

पिण्डपातस्स परियेसनं पिण्डपातो उत्तरपदलोपेन, ततो पटिक्कन्तो पिण्डपातपटिक्कन्तोति आह “पिण्डपातपरियेसनतो पटिक्कन्तो”ति । पल्लङ्गन्ति एत्थ परि-सद्दो “समन्ततो”ति एतस्मिं अत्थे, तस्मा परिसमन्ततो अङ्कनं आसनं पल्लङ्को र-कारस्स ल-कारं, द्विभावञ्च कत्वा यथा “पलिबुद्धो”ति, (मि० प० ६.३.६) समन्तभावो च वामोरुं, दक्खिणोरुञ्च समं ठपेत्वा उभिन्नं पादानं अज्जमज्जसम्बन्धनकरणं । तेनाह “समन्ततो ऊरुबद्धासन”न्ति । ऊरूनं बन्धनवसेन निसज्जाव इध पल्लङ्को, न आहरिमेहि वालेहि कतोति वुत्तं होति । आभुजित्वाति च यथा पल्लङ्कवसेन निसज्जा होति, तथा उभो पादे आभुग्गे समिज्जिते कत्वा, तं पन उभिन्नं पादानं तथाबन्धताकरणमेवाति आह “बन्धित्वा”ति । उजुं कायन्ति एत्थ काय-सद्दो उपरिमकायविसयो हेट्ठिमकायस्स अनुजुकं ठपनस्स निसज्जावचनेनेव विज्जापितत्ताति वुत्तं “उपरिमं सरीरं उजुं ठपेत्वा”ति । तं पन उपरिमकायस्स उजुकं ठपनं, सरूपतो दस्सेति “अट्ठारसा”तिआदिना, अट्ठारसन्नं पिट्टिकण्टकट्टिकानं कोटिया कोटिं पटिपादनमेव तथा ठपनन्ति अधिप्पायो ।

इदानीं तथा ठपनस्स पयोजनं दस्सेन्तो “एवञ्ही”तिआदिमाह । तत्थ एवन्ति तथा ठपने सति, इमिना वा तथाठपनहेतुना । न पणमन्तीति न ओनमन्ति । “अथस्सा”तिआदि पन परम्परपयोजनदस्सनं । अथाति एवं अनोनमने । वेदनाति पिट्ठिगिलानादिवेदना । न परिपततीति न विगच्छति वीथिं न विलङ्घेति । ततो एव पुब्बेनापरं विसेसप्पत्तिया कम्मट्ठानं बुद्धिं फातिं वेपुल्लं उपगच्छति । परिसद्दो चेत्थ अभिसद्वपरियायो अभिमुखत्थोति

वुत्तं “कम्मद्धानाभिमुख”न्ति, बहिद्धा पुथुत्तारम्मणतो निवारेत्वा कम्मद्धानयेव पुरक्खत्वाति अत्थो । परिसदस्स समीपत्थतं दस्सेति “मुखसमीपे वा कत्वा”ति इमिना, मुखस्स समीपे विय चित्ते निबद्धं उपट्ठापनवसेन कत्वाति वुत्तं होति । परिसदस्स समीपत्थतं विभङ्गपाळिया (विभं० ५३७) साधेतुं “तेनेवा”तिआदि वुत्तं । नासिकगोति नासपुटग्गे । मुखनिमित्तं नाम उत्तरोट्टस्स वेमज्झप्पदेसो, यत्थ नासिकवातो पटिहज्जति ।

एत्थ च यथा “विवित्तं सेनासनं भजती”तिआदिना (विभं० ५०८) भावनानुरूपं सेनासनं दस्सितं, एवं “निसीदती”ति इमिना अलीनानुद्धच्चपक्खिको सन्तो इरियापथो दस्सितो, “पल्लङ्कं आभुजित्वा”ति इमिना निसज्जाय दळ्ढभावो, “परिमुखं सतिं उपट्टपेत्वा”ति इमिना आरम्मणपरिग्गहणूपायोति । परि-सदो परिग्गहट्टो “परिणायिका”तिआदीसु (ध० स० १६) विय । मुख-सदो निय्यानट्टो “सुज्जतविमोक्खमुख”न्तिआदीसु विय । पटिपक्खतो निक्खमनमेव हि निय्यानं । असम्मोसनभावो उपट्टानट्टो । तत्राति पटिसम्भिदानये । परिग्गहितनिय्यानन्ति सब्बथा गहितासम्मोसताय परिग्गहितं, परिच्चत्तसम्मोसपटिपक्खताय च निय्यानं सतिं कत्वा, परमं सतिनेपक्कं उपट्टपेत्वाति वुत्तं होति । अयं आचरियधम्मपालत्थेरस्स, आचरियसारिपुत्तत्थेरस्स च मति । अथ वा “कायादीसु सुट्टुपवत्तिया परिग्गहितं, ततो एव च निय्यानभावयुत्तं, कायादिपरिग्गहणजाणसम्पयुत्तताय वा परिग्गहितं, ततोयेव च निय्यानभूतं उपट्टानं कत्वाति अत्थो”ति अयं आचरियानन्दत्थेरस्स (विभं० मूल टी० ५३७) मति ।

२१७. अभिज्झायति गिज्झति अभिकङ्कति एतायाति अभिज्झा, कामच्छन्दनीवरणं । लुच्चनट्टेनाति भिज्जनट्टेन, खणे खणे भिज्जनट्टेनाति अत्थोति आचरियधम्मपालत्थेरन, (दी० नि० टी० १.२१७) अङ्गुत्तरटीकाकारेण च आचरियसारिपुत्तत्थेरन वुत्तं । सुत्तेसु च दिस्सति “लुच्चतीति खो भिक्खु लोकोति वुच्चति । किञ्च लुच्चति ? चक्खु खो भिक्खु लुच्चति, रूपा लुच्चन्ति, चक्खुविज्जाणं लुच्चती”तिआदि । (सं० नि० २.४.८२) अभिधम्मट्टकथायं, (ध० स० अट्ठ० ७-१३) पन इध च अधुना पोत्थके “लुच्चनपलुच्चनट्टेना”ति लिखितं । तत्थ लुच्चनमेव पलुच्चनपरियायेन विसेसेत्वा वुत्तं । लुचसदो हि अपेक्खनादिअत्थोपि भवति “ओलोकेती”तिआदीसु, भिज्जनपभिज्जनट्टेनाति अत्थो । वंसत्थपकासिनियं पन वुत्तं “खणभङ्गवसेन लुच्चनसभावतो, चुतिभङ्गवसेन च पलुच्चनसभावतो लोको नामा”ति (वंसत्थपकासिनियं नाम महावंसटीकायं पठमपरिच्छेदे पञ्चमगाथा वण्णनायं) केचि पन “भिज्जनउपज्जनट्टेना”ति अत्थं वदन्ति । आहच्चभासितवचनत्थेन विरुज्जनतो, लुचसदस्स

च अनुष्पादवाचकता अयुक्तमेवेतं । अपिच आचरियेहिपि “लुच्चनपलुच्चनट्टेना”ति पाठमेव उल्लिङ्गत्वा तथा अथो वुत्तो सिया, पच्छ पन परम्पराभतवसेन पमादलेखत्ता तत्थ तत्थ न दिट्ठोति दट्ठब्बं, न लुच्चति न पलुच्चतीति यो गहितोपि तथा न होति, स्वेव लोको, अनिच्चानुपस्सनाय वा लुच्चति भिज्जति विनस्सतीति गहेतब्बोव लोकोति तंगहणरहितानं लोकुत्तरानं नत्थि लोकता, दुक्खसच्चं वा लोकोति वुत्तं “पञ्चुपादानक्खन्धा लोको”ति । एवं तत्थ तत्थ वचनतोपि यथावुत्तो केसञ्चि अथो न युत्तोति ।

तस्माति पञ्चुपादानक्खन्धानमेव लोकभावतो । विक्खम्भनवसेनाति एत्थ विक्खम्भनं तदङ्गप्पहानवसेनेव अनुष्पादनं अप्पवत्तनं, न पन विक्खम्भनप्पहानवसेन पटिपक्खानं सुट्ठुपहीनं । “पहीनत्ता”ति हि तथापहीनसदिसतं एव सन्धाय वुत्तं । कस्माति चे ? ज्ञानस्स अनधिगतत्ता । एवं पन पुब्बभागभावनाय तथा पहानतोयेवेतं चित्तं विगताभिज्झं नाम, न तु चक्खुविज्जाणमिव सभावतो अभिज्झाविरहितत्ताति दस्सेतुं “न चक्खुविज्जाणसदिसेना”ति वुत्तं । यथा तन्ति एत्थ तन्ति निपातमत्तं, तं चित्तं वा । अधुना मुञ्चनस्स, अनागते च पुन अनादानस्स करणं परिसोधनं नामाति वुत्तं होति । यथा च इमस्स चित्तस्स पुब्बभागभावनाय परिसोधितत्ता विगताभिज्झता, एवं अब्बापन्नता, विगतथिनमिद्धता, अनुद्धतता, निब्बिचिकिच्छता च वेदितब्बाति निदस्सेन्तो “व्यापादपदोसं पहायातिआदीसुपि एसेव नयो”ति आह । पूतिकुम्मासादयोति आभिदोसिकयवकुम्मासादयो । पुरिमपकतिन्ति परिसुद्धपण्डरसभावं, इमिना विकारमापज्जतीति अत्थं दस्सेति । विकारापत्तियाति पुरिमपकतिविजहनसङ्घातेन विकारमापज्जनेन । “उभय”न्तिआदिना तुल्यत्थसमासभावमाह । “या तस्मिं समये चित्तस्स अकल्लता”तिआदिना (ध० स० ११६२; विभ० ५४६) थिनस्स, “या तस्मिं समये कायस्स अकल्लता”तिआदिना च मिद्धस्स अभिधम्मे निदिट्ठत्ता “थिनं चित्तगेलज्जं, मिद्धं चेतसिकगेलज्ज”न्ति वुत्तं । सतिपि हि थिनमिद्धस्स अज्जमज्जं अविप्पयोगे चित्तकायलहुतादीनं विय चित्तचेतसिकानं यथाक्कमं तंतंविसेसस्स या तेसं अकल्लतादीनं विसेसपच्चयता, अयमेतेसं सभावोति दट्ठब्बं । दिट्ठालोको नाम पस्सितो रत्तिं चन्दालोकदीपालोकउक्कालोकादि, दिवा च सूरियालोकादि । रत्तिम्पि दिवापि तस्स सज्जाननसमत्था सज्जा आलोकसज्जा, तस्सा च विगतनीवरणाय परिसुद्धाय अत्थिता इध अधिप्पेता । अतिसयत्थविसिद्धस्स हि अत्थिअत्थस्स अवबोधको अयमीकारोति दस्सेन्तो “रत्तिम्पी”तिआदिमाह, विगतथिनमिद्धभावस्स कारणत्ता चेत्तं वुत्तं । सुत्तेसु पाकटोवायमत्थो ।

सरतीति सतो, सम्पजानातीति सम्पजानोति एवं पुग्गलनिद्वेसोति दस्सेति “सतिया च जाणेन च समन्नागतो”ति इमिना । सन्तेसुपि अज्जेसु वीरियसमाधिआदीसु कस्मा इदमेव उभयं वुत्तं, विगताभिज्झादीसु वा इदं उभयं अवत्वा कस्मा इधेव वुत्तन्ति अनुयोगमपनेतुं “इदं उभय”न्तिआदि वुत्तं, पुग्गलाधिद्वानेन निदिद्वसतिसम्पजज्जसङ्घातं इदं उभयन्ति अत्थो । अतिक्कमित्वा ठितोति त-सद्वस्स अतीतत्थतं आह, पुब्बभागभावनाय पजहनमेव च अतिक्कमनं । “कथं इदं कथं इद”न्ति पवत्ततीति कथंकथा, विचिकिच्छा, सा एतस्स अत्थीति कथंकथी, न कथंकथी अकथंकथी, निब्बिचिकिच्छोति वचनत्थो, अत्थमत्तं पन दस्सेतुं “कथं इदं कथं इद”न्ति एवं नप्पवत्ततीति अकथंकथी”ति वुत्तं । “कुसलेसु धम्मेसू”ति इदं “अकथंकथी”ति इमिना सम्बज्झितव्वन्ति आह “न विचिकिच्छति, न कङ्कतीति अत्थो”ति । वचनत्थलक्खणादिभेदतोति एत्थ आदिसद्देन पच्चयपहानपहायकादीनम्पि सङ्गहो दद्वब्बो । तेपि हि पभेदतो वत्तव्वाति ।

२१८. वड्डिया गहितं धनं इणं नामाति वुत्तं “वड्डिया धनं गहेत्वा”ति । विगतो अन्तो ब्यन्तो, सो यस्साति ब्यन्ती । तेनाह “विगतन्त”न्ति, विरहितदातव्वइणपरियन्तं करेय्याति चेतस्स अत्थो । तेसन्ति वड्डिया गहितानं इणधनानं । परियन्तो नाम तदुत्तरि दातव्वइणसेसो । नत्थि इणमस्साति अणणो । तस्स भावो आणण्यं । तमेव निदानं आणण्यनिदानं, आणण्यहेतु आणण्यकारणाति अत्थो । आणण्यमेव हि निदानं कारणमस्साति वा आणण्यनिदानं, “पामोज्जं सोमनस्स”न्ति इमेहि सम्बन्धो । “इणपलिबोधतो मुत्तोम्ही”ति बलवपामोज्जं लभति । “जीविकानिमित्तम्पि मे अवसिद्धं अत्थी”ति सोमनस्सं अधिगच्छति ।

२१९. विसभागवेदना नाम दुक्खवेदना । सा हि कुसलविपाकसन्तानस्स विरोधिभावतो सुखवेदनाय विसभागा, तस्सा उप्पत्तिया करणभूताय । ककचेनेवाति ककचेन इव । चतुइरियापथन्ति चतुब्बिधम्पि इरियापथं । ब्याधितो हि यथा ठानगमनेसु असमत्थो, एवं निसज्जादीसुपि । आबाधेतीति पीळेति । वातादीनं विकारभूता विसमावत्थायेव “आबाधो”ति वुच्चति । तेनाह “तंसमुद्धानेन दुक्खेन दुक्खितो”ति, आबाधसमुद्धानेन दुक्खवेदनासङ्घातेन दुक्खेन दुक्खितो दुक्खसमन्नागतोति अत्थो । दुक्खवेदनाय पन आबाधभावेन आदिम्हि बाधतीति आबाधोति कत्वा आबाधसङ्घातेन मूलव्याधिना आबाधिको, अपरापरं सज्जातदुक्खसङ्घातेन अनुबन्धव्याधिना दुक्खितोति अत्थो गहेतव्वो । एवज्झि सति दुक्खवेदनावसेन वुत्तस्स दुक्खितपदस्स आबाधिकपदेन विसेसितव्वता पाकटा होतीति

अयमेत्थ आचरियधम्मपालत्थेरेन (दी० नि० टी० १.२१९) वुत्तनयो । अधिकं मत्तं पमाणं अधिमत्तं, बाळ्हं, अधिमत्तं गिलानो धातुसङ्ख्येन परिकखीणसरीरोति अधिमत्तगिलानो । अधिमत्तब्याधिपरेततायाति अधिमत्तब्याधिपीळितताय । न रुच्चेय्याति न रुच्चेथ, कम्मत्थपदञ्चेत्तं “भत्तञ्चस्सा”ति एत्थ “अस्सा”ति कत्तुदस्सनतो । मत्तासदो अनत्थकोति वुत्तं “बलमत्ताति बलमेवा”ति, अप्पमत्तकं वा बलं बलमत्ता । तदुभयन्ति पामोज्जं, सोमनस्सञ्च । लभेथ पामोज्जं “रोगतो मत्तोम्ही”ति । अधिगच्छेय्य सोमनस्सं “अत्थि मे कायबल”न्ति पाळिया अत्थो ।

२२०. काकणिकमत्तं नाम “एकगुज्जमत्त”न्ति वदन्ति । “दियड्ढवीहिमत्त”न्ति विनयटीकायं वुत्तं । अपिच कण-सदो कुण्डके-

“अकणं अथुसं सुद्धं, सुगन्धं तण्डुलप्फलं ।

तुण्डिकीरे पचित्वान, ततो भुज्जन्ति भोजन”न्ति ।। (दी० नि० ३.२८१)
आदीसु विय ।

“कणो तु कुण्डको भवे”ति (अभिधाने भकण्डे चतुब्बणवगो ४५४ गाथा) हि वुत्तं । अप्पको पन कणो काकणोति वुच्चति यथा “कालवण”न्ति, तस्मा काकणोव पमाणमस्साति काकणिकं, काकणिकमेव काकणिकमत्तं, खुद्दकुण्डकप्पमाणमेवाति अत्थो दड्ढब्बो । एवञ्चि सति “राजदायो नाम काकणिकमत्तं न वट्ठति, अट्ठमासग्घनिकं मंसं देती”ति (जा० अट्ठ० ६.उमङ्गजातकवण्णनाय) वुत्तेन उमङ्गजातकवचनेन च अविरुद्धं होति । वयोति खयो भङ्गो, तस्स “बन्धना मुत्तोम्ही”ति आवज्जयतो तदुभयं होति । तेन वुत्तं “लभेथ पामोज्जं, अधिगच्छेय्य सोमनस्स”न्ति । वचनावसेसं सन्धाय “सेसं वुत्तनयेनेवा”तिआदि वुत्तं । वुत्तनयेनेवाति च पठमदुतियपदेसु वुत्तनयेनेव । सब्बपदेसूति ततियादीसु तीसु कोट्टासेसु । एकेको हि उपमापक्खो “पद”न्ति वुत्तो ।

२२१-२२२. अधीनोति आयत्तो, न सेरिभावयुत्तो । तेनाह “अत्तनो रुचिया किञ्चि कातुं न लभती”ति । एवमितरस्मिम्पि । येन गन्तुकामो, तेन कामं गमो न होतीति सपाठसेसयोजनं दस्सेतुं “येना”तिआदि वुत्तं । कामन्ति चेतं भावनपुंसकवचनं, कामेन वा इच्छाय गमो कामंगमो निग्गहीतागमेन । दासब्याति एत्थ ब्य-सदस्स भावत्थत्तं दस्सेति “दासभावा”ति इमिना । अपराधीनताय अत्तनो भुजो विय सकिच्चे एसितब्बो

पेसितब्बोति भुजिस्सो, सयंवसीति निब्बचनं। “भुजो नाम अत्तनो यथासुखं विनियोगो, सो इस्सो इच्छितब्बो एत्थाति भुजिस्सो, अस्सामिको”ति मूलपण्णासकटीकायं वुत्तं। अत्थमत्तं पन दस्सेन्तो “अत्तनो सन्तको”ति आह, अत्ताव अत्तनो सन्तको, न परस्साति वुत्तं होति। अनुदकताय कं पानीयं तारेन्ति एत्थाति कन्तारो, अब्धानसद्दो च दीघपरियायोति वुत्तं “निरुदकं दीघमग्ग”न्ति।

२२३. सेसानीति व्यापादादीनि। तत्राति दस्सने। अयन्ति इदानीं वुच्चमाना सदिसत्ता, येन इणादीनं उपमाभावो, कामच्छन्दादीनञ्च उपमेय्यभावो होति, सो नेसं उपमोपमेय्यसम्बन्धो सदिसत्ताति दडुब्बं। तेहीति परेहि इणसामिकेहि। किञ्चि पटिबाहितुन्ति फरुसवचनादिकं किञ्चिपि पटिसेधेतुं न सक्कोति इणं दातुमसक्कुणत्ता। कस्माति वुत्तं “तित्तिक्खाकारण”न्तिआदि, इणस्स तित्तिक्खाकारणत्ताति अत्थो। यो यम्हि कामच्छन्देन रज्जतीति यो पुग्गलो यम्हि कामच्छन्दस्स वत्थुभूते पुग्गले कामच्छन्देन रज्जति। तण्हासहगतेन तं वत्थुं गण्हातीति तण्हाभूतेन कामच्छन्देन तं कामच्छन्दस्स वत्थुभूतं पुग्गलं “ममेत”न्ति गण्हाति। सहगतसद्दो हेत्थ तब्भावमतो “यायं तण्हा पोन्नोभविका नन्दीरागसहगता”तिआदीसु (दी० नि० २.४००; म० नि० १.१३३, ४८०; ३.३७३; सं० नि० ३.५.१०८१; महाव० १५; पटि० म० २.३०) विय। तेनाति कामच्छन्दस्स वत्थुभूतेन पुग्गलेन। कस्माति आह “तित्तिक्खाकारण”न्तिआदि, कामच्छन्दस्स तित्तिक्खाकारणत्ताति अत्थो। तित्तिक्खासदिसो चेत्थ रागपधानो अकुसलचित्तुप्पादो “तित्तिक्खा”ति वुत्तो, न तु “खन्ती परमं तपो तित्तिक्खा”तिआदीसु (दी० नि० २.९१; ध० प० १८४) विय तपभूतो अदोसपधानो चित्तुप्पादो। घरसामिकेहीति घरस्स सामिकभूतेहि सस्सुससुरसामिकेहि। इत्थीनं कामच्छन्दो तित्तिक्खाकारणं होति वियाति सम्बन्धो।

“यथा पना”तिआदिना सेसानं रोगादिसदिसत्ता वुत्ता। तत्थ पित्तदोसकोपनवसेन पित्तरोगातुरो। तस्स पित्तकोपनतो सब्बम्पि मधुसक्करादिकं अमधुरभावेन सम्पज्जतीति वुत्तं “तित्तकं तित्तकन्ति उगिरतियेवा”ति। तुम्हे उपद्दवेत्ताति टीकायं (दी० नि० टी० १.२२३) उद्धटपाठो, “उपद्दवं करोथा”ति नामधातुवसेन अत्थो, इदानीं पन “तुम्हेहि उपद्दुता”ति पाठो दिस्सति। विब्भमतीति इतो चित्तो च आहिण्डति, हीनाय वा आवत्तति। मधुसक्करादीनं रसं न विन्दति नानुभवति न जानाति न लभति च वियाति सम्बन्धो। सासनरसन्ति सासनस्स रसं, सासनमेव वा रसं।

नक्खत्तछणं नक्खत्तं। तेनाह “अहो नच्चं, अहो गीत”न्ति। मुत्तोति बन्धनतो पमुत्तो। धम्मस्सवनस्साति सोतब्बधम्मस्स।

सीघं पवत्तेतब्बकिच्चं अच्चायिकं। सीघत्थो हि अतिसद्दो “पाणातिपातो”तिआदीसु (म० नि० २.१९३; विभं० ९६८) विय। विनये अपकतञ्जुनाति विनयक्कमे अकुसलेन। पकतं निट्ठानं विनिच्छयं जानातीति पकतञ्जू, न पकतञ्जू तथा। सो हि कप्पियाकप्पियं याथावतो न जानाति। तेनाह “किस्मिच्चिदेवा”तिआदि। कप्पियमंसेपीति सूकरमंसादिकेपि। अकप्पियमंससज्जायाति अच्छमंसादिसज्जाय।

दण्डकसद्देनापीति साखादण्डकसद्देनपि। उस्सङ्कितपरिसङ्कितोति अवसङ्कितो चेव समन्ततो सङ्कितो च, अतिविय सङ्कितोति वुत्तं होति। तदाकारदस्सनं “गच्छतिपी”तिआदि। सो हि थोकं गच्छतिपि। गच्छन्तो पन ताय उस्सङ्कितपरिसङ्कितताय तत्थ तत्थ तिट्ठतिपि। ईदिसे कन्तारे गते “को जानाति, किं भविस्सती”ति निवत्ततिपि, तस्मा च गतद्धानतो अगतद्धानमेव बहुतरं होति, ततो एव च सो किच्छेन कसिरेन खेमन्तभूमिं पापुणाति वा, न वा पापुणाति। किच्छेन कसिरेनाति परियायवचनं, कायिकदुक्खेन खेदनं वा किच्छं, चेतसिकदुक्खेन पीळनं कसिरं। खेमन्तभूमिन्ति खेमभूतं भूमिं अन्तसद्दस्स तब्भावत्ता, भयस्स खीयनं वा खेमो, सोव अन्तो परिच्छेदो यस्सा तथा, सा एव भूमीति खेमन्तभूमि, तं निब्भयप्पदेसन्ति अत्थो। अट्ठसु ठानेसूति “तत्थ कतमा विचिकिच्छा? सत्थरि कङ्कति विचिकिच्छति। धम्मे। सङ्गे। सिक्खाय। पुब्बन्ते। अपरन्ते। पुब्बन्तापरन्ते। इदप्पच्चयतापटिच्चसमुप्पन्नेसु धम्मेसु कङ्कति विचिकिच्छती”ति (विभं० ९१५) विभङ्गे वुत्तेसु अट्ठसु ठानेसु। अधिमुच्चित्वाति विनिच्छित्वा, सद्दहित्वा वा। सद्दाय गण्हितुन्ति सद्देय्यवत्थुं “इदमेव”न्ति सद्दहनवसेन गण्हितुं, सद्दहितुं न सक्कोतीति अत्थो। इतीति तस्मा वुत्तनयेन असक्कुणनतो अन्तरायं करोतीति सम्बन्धो। “अत्थि नु खो, नत्थि नु खो”ति अरज्जं पविट्ठस्स आदिमि एव सप्पनं संसयो आसप्पनं। ततो परं समन्ततो, उपरूपरि वा सप्पनं परिसप्पनं। उभयेनपि तत्थेव संसयवसेन परिब्भमनं दस्सेति। तेनाह “अपरियोगाहन”न्ति, “एवमिद”न्ति समन्ततो अनोगाहनन्ति अत्थो। छम्भितत्तन्ति अरज्जसज्जाय उपपन्नं छम्भितभावं हदयमंसचलनं, उत्रासन्ति वुत्तं होति। उपमेय्यपक्खेपि यथारहमेसमत्थो।

२२४. तत्रायं सदिसताति एत्थ पन अप्पहीनपक्खे वुत्तनयानुसारेण सदिसता

वेदितब्बा। यदग्गेन हि कामच्छन्दादयो इणादिसदिसा, तदग्गेन च तेसं पहानं आणण्यादिसदिसताति। इदं पन अनुत्तानपदत्थमत्तं— **समिद्धतन्ति** अह्णतं। पुब्बे पण्णमारोपिताय वड्डिया सह वत्ततीति **सवड्डिकं**। पण्णन्ति इणदानग्गहणे सल्लक्खणवसेन लिखितपण्णं। पुन पण्णन्ति इणयाचनवसेन सासनलिखितपण्णं। **निल्लेपतायाति** धनसम्बन्धाभावेन अविलिम्पनताय। तथा **अलग्गताय**। परियायवचनज्जेतं द्वयं। अथ वा **निल्लेपतायाति** वुत्तनयेन अविलिम्पनभावेन विसेसनभूतेन **अलग्गतायाति** अत्थो। **छ धम्मे**ति असुभनिमित्तस्स उग्गहो, असुभभावनानुयोगो, इन्द्रियेसु गुत्तद्वारता, भोजने मत्तज्जुता, कल्याणमित्तता, सप्पायकथाति इमे छ धम्मे। **भावेत्वाति** ब्रूहेत्वा, अत्तनि वा उप्पादेत्वा। अनुप्पन्नअनुप्पादनउप्पन्नप्पहानादिविभावनवसेन महासतिपट्टानसुत्ते सविसेसं पाळिया आगतत्ता “**महासतिपट्टाने वण्णयिस्सामा**”ति वुत्तं। “**महासतिपट्टाने**”ति च इमस्मिं दीघागमे (दी० नि० २.३७२ आदयो) सङ्गीतमाह, न मज्झिमागमे निकायन्तरत्ता। निकायन्तरागतोपि हि अत्थो आचरियेहि अज्जत्थ येभुय्येन वुत्तोति वदन्ति। एस नयो ब्यापादादिप्पहानभागेपि। **परवत्थुम्ही**ति आरम्भणभूते परस्मिं वत्थुस्मिं। ममायनाभावेन **नेव सङ्गो**। परिग्गहाभावेन **न बद्धो**। दिब्बानिपि रूपानि पस्सतो किलेसो **न समुदाचरति**, पगेव मानुसियानीति सम्भावने **अपि-सहो**।

अनत्थकरोति अत्तनो, परस्स च अहितकरो। **छ धम्मे**ति मेत्तानिमित्तस्स उग्गहो, मेत्ताभावनानुयोगो, कम्मस्सकता, पटिसङ्खानबहुलता, कल्याणमित्तता, सप्पायकथाति इमे छ धम्मे। **तत्थेवाति** महासतिपट्टानेयेव। चारित्तसीलमेव उद्दिस्स पज्जत्तसिक्खापदं “**आचारपण्णत्ती**”ति वुत्तं। आदि-सद्देन वारित्तपण्णत्तिसिक्खापदं सङ्गण्हाति।

पवेसितोति पवेसापितो। बन्धनागारं पवेसापितत्ता अलद्धनक्खत्तानुभवनो पुरिसो हि “**नक्खत्तदिवसे बन्धनागारं पवेसितो पुरिसो**”ति वुत्तो, नक्खत्तदिवसे एव वा तदननुभवनत्थं तथा कतो पुरिसो एवं वुत्तोतिपि वट्ठति। **अपरस्मिन्ति** ततो पच्छिमे, अज्जस्मिं वा नक्खत्तदिवसे। **ओकासन्ति** कम्मकारणाकारणं, कम्मकारणक्खणं वा। **महानत्थकरन्ति** दिट्ठधम्मिकादिअत्थहापनमुखेन महतो अनत्थस्स कारकं। **छ धम्मे**ति अतिभोजने निमित्तग्गहो, इरियापथसम्परिवत्तनता, आलोकसज्जामनसिकारो, अब्भोकासवासो, कल्याणमित्तता, सप्पायकथाति इमे छ धम्मे, **धम्मनक्खत्तस्साति** यथावुत्तसोतब्बधम्मसङ्घातस्स महस्स। साधूनं रतिजननतो हि धम्मोपि छणसदिसद्देन “**नक्खत्त**”न्ति वुत्तो।

उद्धच्चकुक्कुच्चे **महानत्थकरन्ति** परायत्ततापादनेन वुत्तनयेन महतो अनत्थस्स कारकं । **छ धम्मे**ति बहुस्सुतता, परिपुच्छकता, विनये पकतञ्जुता, वुड्ढसेविता, कल्याणमित्तता, सप्पायकथाति इमे छ धम्मे । बलस्स, बलेन वा अत्तना इच्छितस्स करणं **बलक्कारो**, तेन । **नेक्खम्मपटिपदन्ति** नीवरणतो निक्खमनपटिपदं उपचारभावनमेव, न पठमं ज्ञानं । अयहि उपचारभावनाधिकारो ।

बलवाति पच्चत्थिकविधमनसमत्थेन बलेन बलवा वन्तु-सदस्स अभिसयत्थविसिद्धस्स अत्थियत्थस्स बोधनतो । **हत्थसारन्ति** हत्थगतधनसारं । **सज्जावुधो**ति सज्जितधन्वादिआवुधो, सन्नद्धपञ्चावुधोति अत्थो । सूरवीरसेवकजनवसेन **सपरिवारो** । तन्ति यथावुत्तं पुरिसं । बलवन्तताय, सज्जावुधताय, सपरिवारताय च **चोरा दूरतोव दिस्वा पलायेयुं** । **अनत्थकारिका**ति सम्मापटिपत्तिया विबन्धकरणतो वुत्तनयेन अहितकारिका । **छ धम्मे**ति बहुस्सुतता, परिपुच्छकता, विनये पकतञ्जुता, अधिमोक्खबहुलता, कल्याणमित्तता, सप्पायकथाति इमे छ धम्मे । यथा बाहुसच्चादीनि उद्धच्चकुक्कुच्चस्स पहानाय संवत्तन्ति, एवं विचिकिच्छायपीति इधापि बहुस्सुततादयो तयोपि धम्मा गहिता, कल्याणमित्तता, पन सप्पायकथा च पञ्चन्नम्पि पहानाय संवत्तन्ति, तस्मा तासु तस्स तस्स नीवरणस्स अनुच्छविकसेवनता दट्ठब्बा । **तिणं विया**ति तिणं भयवसेन न गणेति विय । **दुच्चरितकन्तारं नित्थरित्वा**ति दुच्चरितचरणूपायभूताय विचिकिच्छाय नित्थरणवसेन दुच्चरितसङ्घातं कन्तारं नित्थरित्वा । विचिकिच्छा हि सम्मापटिपत्तिया अप्पटिपज्जननिमित्ततामुखेन मिच्छापटिपत्तिमेव परिब्रूहेतीति तस्सा अप्पहानं दुच्चरितचरणूपायो, पहानञ्च दुच्चरितविधूननूपायोति ।

२२५. “**तुड्डाकारो**”ति इमिना पामोज्जं नाम तरुणपीतिं दस्सेति । सा हि तरुणताय कथञ्चिपि तुड्डावत्था तुड्डाकारमत्तं । “**तुड्डस्सा**”ति इदं “पमुदितस्सा”ति एतस्स अत्थवचनं, तस्सत्थो “ओक्कन्तिकभावप्पत्ताय पीतिया वसेन तुड्डस्सा”ति **टीकायं** वुत्तो, एवं सति पामोज्जपदेन ओक्कन्तिका पीतियेव गहिता सिया । “**सकलसरीरं खोभयमाना पीति जायती**”ति एतस्सा चत्थो “अत्तनो सविप्फारिकताय, अत्तसमुट्ठानपणीतरूपुप्पत्तिया च सकलसरीरं खोभयमाना फरणलक्खणा पीति जायती”ति वुत्तो, एवञ्च सति पीतिपदेन फरणा पीतियेव गहिता सिया, कारणं पनेत्थ गवेसितब्बं । इध, पन अञ्जत्थ च तरुणबलवतामत्तसामञ्जेन पदद्वयस्स अत्थदीपनतो या काचि तरुणा पीति **पामोज्जं**, बलवती **पीति**, पञ्चविधाय वा पीतिया यथाक्कमं तरुणबलवतासम्भवतो पुरिमा पुरिमा

पामोज्जं, पच्छिमा पच्छिमा पीतीतिपि वदन्ति, अयमेत्थ तदनुच्छविको अत्थो । तुडस्साति पामोज्जसङ्घाताय तरुणपीतिया वसेन तुडस्स । त-सद्दो हि अतीतत्थो, इतरथा हेतुफलसम्बन्धाभावापत्तितो, हेतुफलसम्बन्धभावस्स च वुत्तत्ता । “सकलसरीरं खोभयमाना”ति इमिना पीति नाम एत्थ बलवपीतीति दस्सेति । सा हि अत्तनो सविप्फारिकताय, अत्तसमुद्धानपणीतरूपुप्पत्तिया च सकलसरीरं सङ्घोभयमाना जायति । सकलसरीरे पीतिवेगस्स पीतिविप्फारस्स उप्पादनञ्चेत्थ सङ्घोभनं ।

पीतिसहितं पीति उत्तरपदलोपेन । किं पन तं ? मनो, पीति मनो एतस्साति समासो । पीतिया सम्पयुत्तं मनो यस्सातिपि वट्ठति, तस्स । अत्थमत्तं पन दस्सेतुं “पीतिसम्पयुत्तचित्तस्स पुगलस्सा”ति वुत्तं । कायोति इध सब्बोपि अरूपकलापो अधिप्पेतो, न पन कायलहुतादीसु विय वेदनादिक्खन्धत्तयमेव, न च कायायतनादीसु विय रूपकायम्पीति दस्सेति “नामकायो”ति इमिना । पस्सद्धिद्वयवसेनेव हेत्थ पस्सम्भनमधिप्पेतं, पस्सम्भनं पन विगतकिलेसदरथताति आह “विगतदरथो होती”ति, पहीनउद्धच्चादिकिलेसदरथोति अत्थो । वुत्तप्पकाराय पुब्बभागभावनाय वसेन चेतसिकसुखं पटिसंवेदेन्तोयेव तंसमुद्धानपणीतरूपफुटसरीरताय कायिकम्पि सुखं पटिसंवेदेतीति वुत्तं “कायिकम्पि चेतसिकम्पि सुखं वेदयती”ति । इमिना नेक्खम्मसुखेनाति “सुखं वेदेती”ति एवं वुत्तेन संकिलेसनीवरणपक्खतो निक्खन्तत्ता, पठमज्झानपक्खिकत्ता च यथारहं नेक्खम्मसङ्घातेन उपचारसुखेन अप्पनासुखेन च । समाधानम्पेत्थ तदुभयेनेवाति वुत्तं “उपचारवसेनापि अप्पनावसेनापी”ति ।

एत्थ पनायमधिप्पायो – कामच्छन्दप्पहानतो पट्टाय याव पस्सद्धकायस्स सुखपटिसंवेदना, ताव यथा पुब्बे, तथा इधापि पुब्बभागभावनायेव वुत्ता, न अप्पना । तथा हि कामच्छन्दप्पहाने आचरियधम्मपालत्थेरेन वुत्तं “विक्खम्भनवसेनाति एत्थ विक्खम्भनं अनुप्पादनं अप्पवत्तनं, न पटिपक्खानं सुप्पहीनता, पहीनत्ताति च पहीनसदिसत्तं सन्धाय वुत्तं ज्ञानस्स अनधिगतत्ता”ति (दी० नि० टी० १.२६१) । पस्सद्धकायस्स सुखपटिसंवेदनाय च वुत्तप्पकाराय पुब्बभागभावनाय वसेन चेतसिकसुखं पटिसंवेदेन्तोयेव तंसमुद्धानपणीतरूपफुटसरीरताय कायिकम्पि सुखं पटिसंवेदेतीति । अपिच का नाम कथा अज्जेहि वत्तब्बा अट्ठकथायमेव “छ धम्मे भावेत्वा”ति तत्थ तत्थ पुब्बभागभावनाय वुत्तत्ता । सुखिनो चित्तसमाधाने पन सुखस्स उपचारभावनाय विय अप्पनायपि कारणत्ता, “सो विविच्चेव कामेही”तिआदिना च वक्खमानाय अप्पनाय हेतुफलवसेन सम्बज्जनतो

पुब्बभागसमाधि, अप्पनासमाधि च वुत्तो, पुब्बभागसुखमिव वा अप्पनासुखमि अप्पनासमाधिस्स कारणमेवाति तम्पि अप्पनासुखं अप्पनासमाधिनो कारणभावेन आचरियधम्मपालत्थेरेन गहितन्ति इममत्थमसल्लक्खेन्ता नेक्खम्मपदत्थं यथातथं अगगहेत्वा णक्कियं, अट्ठकथायमि संकिण्णाकुलं केचि करोन्तीति ।

पठमज्ज्ञानकथावण्णना

२२६. यदेवं “सुखिनो चित्तं समाधियती”ति एतेनेव उपचारवसेनपि अप्पनावसेनपि चित्तस्स समाधानं कथितं सिया, एवं सन्ते “सो विविच्चेव कामेही”तिआदिका देसना किमत्थियाति चोदनाय “सो विविच्चेव...पे०... वुत्तन्ति वेदितब्ब”न्ति वुत्तं । तत्थ “समाहिते”ति पदद्वयं “दस्सनत्थं वुत्त”न्ति इमेहि सम्बन्धित्वा समाहितत्ता तथा दस्सनत्थं वुत्तन्ति अधिप्पायो वेदितब्बो । उपरिविसेसदस्सनत्थन्ति उपचारसमाधितो, पठमज्ज्ञानादिसमाधितो च उपरि पत्तब्बस्स पठमदुतियज्ज्ञानादिविसेसस्स दस्सनत्थं । उपचारसमाधिसमधिगमेनेव हि पठमज्ज्ञानादिविसेसो समधिगन्तुं सक्का, न पन तेन विना, दुतियज्ज्ञानादिसमधिगमेपि पामोज्जुप्पादादिकारणपरम्परा इच्छितब्बा, दुतियमग्गादिसमधिगमे पटिपदाजाणदस्सनविसुद्धि वियाति दट्ठब्बं । अप्पनासमाधिनाति पठमज्ज्ञानादिअप्पनासमाधिना । तस्स समाधिनोति यो अप्पनालक्खणो समाधि “सुखिनो चित्तं समाधियती”ति सब्बसाधारणवसेन वुत्तो, तस्स समाधिनो । पभेददस्सनत्थन्ति दुतियज्ज्ञानादिविभागस्स च पठमाभिज्जादिविभागस्स च पभेददस्सनत्थं । करजकायन्ति चतुसन्ततिरूपसमुदायभूतं चातुमहाभूतिककायं । सो हि गब्भासये करीयतीति कत्वा करसङ्घाततो पुप्फसम्भवतो जातत्ता करजोति वुच्चति । करोति हि मातु सोणितसङ्घातपुप्फस्स, पितु सुक्कसङ्घातसम्भवस्स च नामं, ततो जातो पन अण्डजजलाबुजवसेन गब्भसेव्यककायोव । कामं ओपपातिकादीनमि हेतुसम्पन्नानं यथावुत्तसमाधिसमधिगमो सम्भवति, तथापि येभुय्यत्ता, पाकटत्ता च स्वेव कायो वुत्तोति । करोति पुत्ते निब्बत्तेतीति करो, सुक्कसोणितं, करेन जातो करजोतिपि वदन्ति ।

ननु च नामकायोपि विवेकजेन पीतिसुखेन तथा लब्धूपकारोव सिया, अथ कस्मा यथावुत्तो रूपकायोव इध गहितोति ? सट्ठन्तराभिसम्बन्धेन अधिगतत्ता । “अभिसन्देती”तिआदिसट्ठन्तराभिसम्बन्धतो हि रूपकायो एव इध भगवता वुत्तोति अधिगमीयति तस्सेव अभिसन्दनादिकिरियायोग्यत्ताति । अभिसन्देतीति अभिसन्दनं करोति,

सो इममेव कायं विवेकजेन पीतिसुखेनाति हि भेदवसेन, समुदायावयववसेन च परिकप्पनामत्तसिद्धा हेतुकिरिया एत्थ लब्धति, अभिसन्दनं पनेतं ज्ञानमयेन पीतिसुखेन करजकायस्स तित्तभावापादनं, सब्बत्थकमेव च लूखभावस्सापनयनन्ति आह “तेमेति स्नेहेती”ति, अवस्सुतभावं, अल्लभावञ्च करोतीति अत्थो। अत्थतो पन अभिसन्दनं नाम यथावुत्तपीतिसुखसमुद्धानेहि पणीतरूपेहि कायस्स परिप्फरणं दट्टब्बं। तेनेवाह “सब्बत्थ पवत्तपीति सुखं करोती”ति। तंसमुद्धानरूपफरणवसेनेव हि सब्बत्थ पवत्तपीतिसुखता। परिसन्देतीतिआदीसुपि एसेव नयो। भस्तं नाम चम्मपसिब्बकं। परिप्फरतीति सुद्धकिरियापदं। तेन वुत्तं “समन्ततो फुसती”ति, सो इममेव कायं विवेकजेन पीतिसुखेन समन्ततो फुट्ठो भवतीति अत्थो। फुसनकिरियायेवेत्थ उपपन्ना, न ब्यापनकिरिया भिक्खुस्सेव सुद्धकतुभावतो। सब्बं एतस्स अत्थीति सब्बवा यथा “गुणवा”ति, तस्स सब्बवतो, “अवयवावयवीसम्बन्धे अवयविनि सामिवचन”न्ति सदलक्खणेन पनेतस्स “किञ्ची”ति अवयवेन सम्बज्जनतो अवयवीविसयोयेवेस सब्बसद्दोति मन्त्वा छविमंसादिकोद्भाससद्भातेन अवयवेन अवयवीभावं दस्सेन्तो आह “सब्बकोद्भासवतो कायस्सा”ति। “किञ्ची”ति एतस्स “उपा...पे०... ठान”न्ति अत्थवचनं। उपादिन्नकसन्ततिपवत्तिद्धानेति कम्मजरूपसन्ततिया पवत्तिद्धाने अफुटं नाम न होतीति सम्बन्धो। छविमंसलोहितानुगतन्ति छविमंसलोहितादिकम्मजरूपमनुगतं। यत्थ यत्थ कम्मजरूपं, तत्थ तत्थ चित्तजरूपस्सापि ब्यापनतो तेन तस्स कायस्स फुट्ठभावं सन्धाय “अफुटं नाम न होती”ति वुत्तं।

२२७. छेकोति कुसलो, तं पन कोसल्लं “कंसथाले न्हानियचुण्णानि आकिरित्वा”तिआदिसद्दन्तरसन्निधानतो, पकरणतो च न्हानियचुण्णानं करणे, पयोजने, पिण्डने च समत्थतावसेन वेदितव्वन्ति दस्सेति “पटिबलो”तिआदिना। कंससद्दो पन “महत्तिया कंसपातिया”तिआदीसु (म० नि० १.६१) सुवण्णे आगतो, “कंसो उपहतो यथा”तिआदीसु (ध० प० १३४) कित्तिमलोहे, “उपकंसो नाम राजा महाकंसस्स अन्नजो”तिआदीसु [जा० अट्ठ० ४.१०.१६४ (अत्थतो समानं)] पण्णत्तिमत्ते। इध पन यत्थ कत्थचि लोहेति आह “येन केनचि लोहेन कतभाजने”ति। ननु उपमाकरणमत्तमेविदं, अथ कस्मा कंसथालकस्स सविसेसस्स गहणं कतन्ति अनुयोगं परिहरति “मत्तिकाभाजन”न्तिआदिना। “सन्देन्तस्सा”ति परिमद्देत्वा पिण्डं करोन्तस्सेव भिज्जति, न पन सन्दनक्खमं होति, अनादरलक्खणे चेत्तं सामिवचनं। किरियन्तरस्स पवत्तनक्खणेयेव किरियन्तरस्स पवत्तनजिह्वा अनादरलक्खणं। “परिप्फोसकं परिप्फोसक”न्ति इदं

भावनपुंसकन्ति दस्सेति “सिञ्चित्वा सिञ्चित्वा”ति इमिना । फुससद्दो चेत्थ परिसिञ्चने यथा तं वातवुट्टिसमये “देवो च थोकं थोकं फुसायती”ति, (पाचि० ३६२) तस्मा ततो ततो न्हानियचुण्णतो उपरि उदकेन ब्यापनकरणवसेन परिसिञ्चित्वा परिसिञ्चित्वाति अत्थो । अनुपसग्गोपि हि सद्दो सउपसग्गो विय पकरणाधिगतस्स अत्थस्स दीपको, “सिञ्चित्वा सिञ्चित्वा”ति पन वचनं “परिष्फोसकं परिष्फोसक”न्ति एतस्स “सन्देय्या”ति एत्थ विसेसनभावविज्जापनत्थं । एवमीदिसेसु । “सन्देय्या”ति एत्थ सन्द-सद्दो पिण्डकरणेति वुत्तं “पिण्डं करेय्या”ति । अनुगताति अनुपविसनवसेन गता उपगता । परिग्गहिताति परितो गहिता समन्ततो फुट्ठा ।

अन्तरो च बाहिरो च पदेसो, तेहि सह पवत्ततीति सन्तरबाहिरो, न्हानियपिण्डि, “समन्तरबाहिरो”तिपि पाठो, म-कारो पदसन्धिवसेन आगमो । यथावुत्तेन परिग्गहितताकारणेनेव सन्तरबाहिरो न्हानियपिण्डि फुटा उदकस्नेहेनाति आह “सब्बत्थकमेव उदकसिनेहेन फुटा”ति । सब्बत्थ पवत्तनं सब्बत्थकं, भावनपुंसकज्जेत्तं, सब्बपदेसे हुत्वा एव फुटाति अत्थो । “सन्तरबाहिरो फुटा”ति च इमिना न्हानियपिण्डिया सब्बसो उदकेन तेमितभावमाह, “न च पग्घरणी”ति पन इमिना तिन्तायपि ताय घनथद्धभावं । तेनाह “न च बिन्दुं बिन्दु”न्तिआदि । उदकस्स फुसितं फुसितं, न च पग्घरणी सूदनीति अत्थो, “बिन्दुं उदकं” तिपि कत्थचि पाठो, उदकसङ्घातं बिन्दुन्ति तस्सत्थो । बिन्दुसद्दो हि “ब्यालम्बम्बुधरबिन्दू”तिआदीसु विय धारावयवे । एवं पन अपग्घरणतो हत्थेनपि द्वीहिपि तीहिपि अङ्गुलेहि गहेत्तुं, ओवट्टिकाय वा कातुं सक्का । यदि हि सा पग्घरणी अस्स, एवं सति स्नेहविगमनेन सुखत्ता थद्धा हुत्वा तथा गहेत्तुं, कातुं वा न सक्काति वुत्तं होति । ओवट्टिकायाति परिवट्टुलवसेन, गुल्लिकावसेन सा पिण्डि कातुं सक्काति अत्थो ।

दुतियज्ज्ञानकथावण्णना

२२९. ताहि ताहि उदकसिराहि उब्भिज्जति उद्धं निक्खमतीति उब्भिदं, तादिसं उदकं यस्साति उब्भिदोदको, द-कारस्स पन त-कारे कते उब्भितोदको, इममत्थं दस्सेत्तुं “उब्भिन्नोदको”ति वुत्तं, नदीतीरे खतकूपको विय उब्भिज्जनकउदकोति अत्थो । उब्भिज्जनकम्पि उदकं कत्थचि हेट्ठा उब्भिज्जित्वा धारावसेन उट्ठित्वा बहि गच्छति, न तं कोचि अन्तोयेव पतिट्ठितं कातुं सक्कोति धारावसेन उट्ठहनतो, इध पन वालिकातटे विय उदकरहदस्स अन्तोयेव उब्भिज्जित्वा तत्थेव तिट्ठति, न धारावसेन उट्ठित्वा बहि

गच्छतीति विज्जायति अखोभकस्स सन्निसिन्नस्सेव उदकस्स अधिप्पेतत्ताति इममत्थं सन्धायाह “न हेट्ठा”तिआदि। हेट्ठाति उदकरहदस्स हेट्ठा महाउदकसिरा, लोहितानुगता लोहितसिरा विय उदकानुगतो पथविपदेसो “उदकसिरा”ति वुच्चति। उग्गच्छनकउदकोति धारावसेन उट्टहनकउदको। अन्तोयेवाति उदकरहदस्स अन्तो समतलपदेसे एव। उब्भिज्जनकउदकोति उब्भिज्जित्वा तत्थेव तिट्टनकउदको। आगमनमग्गोति बाहिरतो उदकरहदाभिमुखं आगमनमग्गो। कालेन कालन्ति रुळ्हीपदं “एको एकाया”तिआदि (पारा० ४४३, ४४४, ४५२) वियाति वुत्तं “काले काले”ति। अन्वद्धमासन्ति एत्थ अनुसद्दो ब्यापने। वस्सानस्स अन्द्धमासं अन्द्धमासन्ति अत्थो। एवं अनुदसाहन्ति एत्थापि। वुट्ठिन्ति वस्सनं। अनुप्पवच्छेय्याति न उपवच्छेय्य। वस्ससद्गतो चस्स सिद्धीति दस्सेति “न वस्सेय्या”ति इमिना।

“सीता वारिधारा”ति इत्थिलिङ्गपदस्स “सीतं धार”न्ति नपुंसकलिङ्गेन अत्थवचनं धारसद्दस्स द्विलिङ्गिकभावविज्जापनत्थं। सीतन्ति खोभनाभावेन सीतलं, पुराणपण्णतिणकट्ठादिसंकिण्णाभावेन वा सेतं परिसुद्धं। सेतं सीतन्ति हि परियायो। कस्मा पनेत्थ उब्भिदोदकोयेव रहदो गहितो, न इतरेति अनुयोगमपनेति “हेट्ठा उग्गच्छनउदकज्ही”तिआदिना। उग्गन्त्वा उग्गन्त्वा भिज्जन्तन्ति उट्टहित्वा उट्टहित्वा धाराकिरणवसेन उब्भिज्जन्तं, विनस्सन्तं वा। खोभेतीति आलोळेति। वुट्ठीति वस्सनं। धारानिपातपुब्बुळ्केहीति उदकधारानिपातेहि च ततोयेव उट्ठितउदकपुब्बुळ्कसद्घातेहि फेणपटलेहि च। एवं यथाक्कमं तिण्णम्पि रहदानमगहेतब्बतं वत्वा उब्भिदोदकस्सेव गहेतब्बतं वदति “सन्निसिन्नमेवा”तिआदिना। तत्थ सन्निसिन्नमेवाति सम्मा, समं वा निसिन्नमेव, अपरिक्खोभताय निच्चलमेव, सुप्पसन्नमेवाति अधिप्पायो। इद्धिनिम्मितमिवाति इद्धिमता इद्धिया तथा निम्मितं इव। तत्थाति तस्मिं उपमोपमेय्यवचने। सेसन्ति “अभिसन्देती”तिआदिकं।

ततियज्ज्ञानकथावण्णना

२३१. “उप्पलिनी”तिआदि गच्छस्सपि वनस्सपि अधिवचनं। इध पन “याव अग्गा, याव च मूला”ति वचनयोगेन “अप्पेकच्चाणी”तिआदिना उप्पलगच्छादीनमेव गहेतब्बताय वनमेवाधिप्पेतं, तस्मा “उप्पलानीति उप्पलगच्छानि। एत्थाति उप्पलवने”तिआदिना अत्थो वेदितब्बो। अवयवेन हि समुदायस्स निब्बचनं कतं। एकज्झि

उप्पलगच्छादि उप्पलादियेव, चतुपञ्चमत्तम्पि पन उप्पलादिवनन्ति वोहरीयति, सारत्थदीपनियं पन जलासयोपि उप्पलिनिआदिभावेन वुत्तो। एत्थ चाति एतस्मिं पदत्तये, एतेसु वा तीसु उप्पलपदुमपुण्डरीकसङ्घातेसु अत्थेसु। “सेतरत्तनीलेसू”ति उप्पलमेव वुत्तं, सेतुप्पलरत्तुप्पलनीलुप्पलेसूति अत्थो। यं किञ्चि उप्पलं उप्पलमेव उप्पलसद्दस्स सामञ्जनामवसेन तेसु सब्बेसुपि पवत्तनतो। सतपत्तन्ति एत्थ सतसद्दो बहुपरियायो “सतग्धी सतरंसि सूरियो”तिआदीसु विय अनेकसङ्घायाभावतो। एवञ्च कत्वा अनेकपत्तस्सापि पदुमभावे सङ्गहो सिद्धो होति। पत्तन्ति च पुप्फदलमधिप्पेतं। वण्णनियमेन सेतं पदुमं, रत्तं पुण्डरीकन्ति सासनवोहारो, लोके पन “रत्तं पदुमं, सेतं पुण्डरीक”न्ति वदन्ति। वुत्तञ्चि “पुण्डरीकं सितं रत्तं, कोकनदं कोकासको”ति। रत्तवण्णताय हि कोकनामकानं सुनखानं नादयतो सद्दापयतो, तेहि च असितब्बतो “कोकनदं, कोकासको”ति च पदुमं वुच्चति। यथाह “पद्मं यथा कोकनदं सुगन्ध”न्ति। अयं पनेत्थ वचनत्थो उदकं पाति, उदके वा प्लवतीति उप्पलं। पङ्के दवति गच्छति, पकारेण वा दवति विरुहतीति पदुमं। पण्डरं वण्णमस्स, महन्तताय वा मुडितब्बंखण्डेतब्बन्ति पुण्डरीकं म-कारस्स प-कारादिवसेन। मुडिसद्दञ्चि मुडरिसद्दं वा खण्डनत्थमिच्छन्ति सद्दविदू, सद्दसत्थतो चेत्थ पदसिद्धिं। याव अग्गा, याव च मूला उदकेन अभिसन्दनादिभावदस्सनत्थं पाळियं “उदकानुगगतानी”ति वचनं, तस्मा उदकतो न उग्गतानिच्चेव अत्थो, न तु उदके अनुरूपगगतानीति आह “उदका...पे०... गतानी”ति। इध पन उप्पलादीनि विय करजकायो, उदकं विय ततियज्ज्ञानसुखं दट्ठब्बं।

चतुर्थज्ज्ञानकथावर्णना

२३३. यस्मा पन चतुर्थज्ज्ञानचित्तमेव “चेतसा”ति वुत्तं, तज्ज्य रागादिउपक्किलेसमलापगमतो निरुपक्किलेसं निम्मलं, तस्मा उपक्किलेसविगमनमेव परिसुद्धभावोति आह “निरुपक्किलेसद्देन परिसुद्ध”न्ति। यस्मा च परिसुद्धस्सेव पच्चयविसेसेन पवत्तिविसेसो परियोदातता सुद्धन्तसुवण्णस्स निघंसनेन पभस्सरता विय, तस्मा पभस्सरतायेव परियोदातताति आह “पभस्सरद्देन परियोदात”न्ति। विज्जु विय पभाय इतो चितो च निच्छरणं पभस्सरं यथा “आभस्सरा”ति। ओदातेन वत्थेनाति एत्थ “ओदातेना”ति गुणवचनं सन्धाय “ओदातेन...पे०... इद”न्ति वुत्तं। उत्तुफरणत्थन्ति उण्हस्स उत्तुनो फरणदस्सनत्थं। कस्माति आह “किलिद्धवत्थेना”तिआदि। उत्तुफरणं न होतीति ओदातवत्थेन विय सविसेसं उत्तुफरणं न होति, अप्पकमत्तमेव होतीति

अधिप्पायो । तेनाह “तद्धण...पे०... बलवं होती”ति । “तद्धणधोतपरिसुद्धेना”ति च एतेन ओदातसद्दो एत्थ परिसुद्धवचनो एव “गिही ओदातवत्थवसनो”तिआदीसु विय, न सेतवचनो येन केनचि तद्धणधोतपरिसुद्धेनेव उतुफरणसम्भवतोति दस्सेति ।

ननु च पाळियं “नास्स किञ्चि सब्बावतो कायस्स ओदातेन वत्थेन अफुटं अस्सा”ति कायस्स ओदातवत्थफरणं वुत्तं, न पन वत्थस्स उतुफरणं, अथ कस्मा उतुफरणं इध वुत्तन्ति अनुयोगेनाह “इमिस्साय ही”तिआदि । यस्मा वत्थं विय करजकायो, उतुफरणं विय चतुत्थज्झानसुखं, तस्मा एवमत्थो वेदितब्बोति वुत्तं होति, एतेन च ओदातेन वत्थेन सब्बावतो कायस्स फरणासम्भवतो, उपमेय्येन च अयुत्तत्ता कायग्गहणेन तत्रिस्सितवत्थं गहेतब्बं, वत्थग्गहणेन च तप्पच्चयं उतुफरणन्ति दस्सेति । नेय्यत्थतो हि अयं उपमा वुत्ता । विचित्रदेसना हि बुद्धा भगवन्तोति । योगिनो हि करजकायो वत्थं विय दट्ठब्बो उतुफरणसदिसेन चतुत्थज्झानसुखेन फरितब्बत्ता, उतुफरणं विय चतुत्थज्झानसुखं वत्थस्स विय तेन करजकायस्स फरणतो, पुरिसस्स सरीरं विय चतुत्थज्झानं उतुफरणद्धानियस्स सुखस्स निस्सयभावतो । तेनाह “तस्मा”तिआदि । इदञ्चि यथावुत्तवचनस्स गुणदस्सनं । एत्थ च पाळियं “परिसुद्धेन चेतसा”ति चेतोगहणेन चतुत्थज्झानसुखं भगवता वुत्तन्ति आपेतुं “चतुत्थज्झानसुखं, चतुत्थज्झानसुखेना”ति च वुत्तन्ति दट्ठब्बं । ननु च चतुत्थज्झानसुखं नाम सातलक्खणं नत्थीति ? सच्चं, सन्तसभावत्ता पनेत्थ उपेक्खायेव “सुख”न्ति अधिप्पेता । तेन वुत्तं सम्मोहविनोदनियं “उपेक्खा पन सन्तत्ता, सुखमिच्चेव भासिता”ति (विभं० अट्ठ० २३२; विसुद्धि० २.६४४; महानि० अट्ठ० २७; पटि० म० अट्ठ० १.१०५) ।

एतावताति पठमज्झानाधिगमपरिदीपनतो पट्ठाय याव चतुत्थज्झानाधिगमपरिदीपना, तावता वचनक्कमेन । लभनं लाभो, सो एतस्साति लाभो, रूपज्झानानं लाभो रूपज्झानलाभी यथा “लाभी चीवरपिण्डपातसेनासनगिलानपच्चयभेसज्जपरिक्खारान”न्ति, (सं० नि० १.२.७०; उदा० ३८) लभनसीलो वा लाभो । किं लभनसीलो ? रूपज्झानानीतिपि युज्जति । एवमितरस्मिम्पि । न अरूपज्झानलाभीति न वेदितब्बाति योजेतब्बं । कस्माति वुत्तं “न ही”तिआदि, अट्ठन्नम्पि समापत्तीनं उपरि अभिज्जाधिगमे अविनाभावतोति वुत्तं होति । चुद्धसहाकारेहीति “कसिणानुलोमतो, कसिणपटिलोमतो कसिणानुलोमपटिलोमतो, ज्ञानानुलोमतो, ज्ञानपटिलोमतो, ज्ञानानुलोमपटिलोमतो, ज्ञानुक्कन्तिकतो, कसिणुक्कन्तिकतो, ज्ञानकसिणुक्कन्तिकतो, अङ्गसङ्कन्तिकतो,

आरम्मणसङ्कन्तितो, अङ्गारम्मणसङ्कन्तितो अङ्गववत्थानतो, आरम्मणववत्थानतो”ति (विसुद्धि० २.३६५) **विसुद्धिभगो** वुत्तेहि इमेहि चुद्धसहाकारेहि । सतिपि ज्ञानेसु आवज्जनादिपञ्चविधवसीभावे अयमेव चुद्धसविधो वसीभावो अभिज्जा निब्बत्तने एकन्तेन इच्छितब्बोति दस्सेन्तेन “चुद्धसहाकारेहि **चिण्णवसीभाव**”न्ति वुत्तं, इमिना च अरूपसमापत्तीसु चिण्णवसीभावं विना रूपसमापत्तीसु एव चिण्णवसीभावेन समापत्ति न इज्झतीति तासं अभिज्जाधिगमे अविनाभावं दस्सेतीति वेदितव्वं ।

ननु यथापाठमेव विनिच्छयो वत्तब्बोति चोदनं सोधेति “**पाळियं पना**”तिआदिना, सावसेसपाठभावतो नीहरित्वा एस विनिच्छयो वत्तब्बोति वुत्तं होति । यज्जेवं अरूपज्ज्ञानानिपि पाळियं गहेतब्बानि, अथ कस्मा तानि अगगहेत्वा सावसेसपाठो भगवता कतोति ? सब्बाभिज्ज्ञानं विसेसतो रूपावचरचतुत्थज्ज्ञानपादकता । सतिपि हि तासं तथा अविनाभावे विसेसतो पनेता रूपावचरचतुत्थज्ज्ञानपादका, तस्मा तासं तप्पादकभावविज्जापनत्थं तथेव ठत्वा देसना कता, न पन अरूपावचरज्ज्ञानानं इध अननुपयोगतो । तेनाह “**अरूपज्ज्ञानानि आहरित्वा कथेतब्बानी**”ति ।

विपस्सनाजाणकथावण्णना

२३४. “पुन चपरं महाराज (पाळियं नत्थि) भिक्खू”ति वत्वापि किमत्थं दस्सेतुं “सो”ति पदं पुन वुत्तन्ति चोदनायाह “**सो...पे०... दस्सेती**”ति, यथारुतवसेन, नेय्यत्थवसेन च वुत्तासु अट्ठसु समापत्तीसु चिण्णवसिताविसिद्धं भिक्खुं दस्सेतुं एवं वुत्तन्ति अधिप्पायो । **सेसन्ति** “सो”ति पदत्थतो सेसं “**एवं समाहिते**”तिआदीसु वत्तव्वं साधिप्पायमत्थजातं । जेय्यं जानातीति **जाणं**, तदेव पच्चक्खं कत्वा पस्सतीति **दस्सनं**, जाणमेव दस्सनं न चक्खादिकन्ति **जाणदस्सनं**, पञ्चविधम्मि जाणं, तयिदं पन जाणदस्सनपदं सासने येसु जाणविसेसेसु निरुद्धं, तं सब्बं अत्थुद्धारवसेन दस्सेन्तो “**जाणदस्सनन्ति मग्गजाणम्मि वुच्चती**”तिआदिमाह । **जाणदस्सनविसुद्धत्थन्ति** जाणदस्सनस्स विसुद्धिपयोजनाय । **फासुविहारो**ति अरियविहारभूतो सुखविहारो । **भगवतोपीति** न केवलं देवतारोचनमेव, अथ खो तदा भगवतोपि जाणदस्सनं उदपादीति अत्थो । सत्ताहं कालङ्कतस्स अस्साति **सत्ताहकालङ्कतो** । “**कालामो**”ति गोत्तवसेन वुत्तं । **चेतोविमुत्ति** [विमुत्ति (अट्ठकथायं)] नाम अरहत्तफलसमापत्ति । यस्मा विपस्सनाजाणं जेय्यसङ्घाते तेभूमकसङ्घारे

अनिच्चादितो जानाति, भङ्गानुपस्सनतो च पट्टाय पच्चक्खतो ते पस्सति, तस्मा यथावुत्तट्ठेन आणदस्सनं नाम जातन्ति दस्सेति “इध पना”तिआदिना ।

अभिनीहरतीति विपस्सनाभिमुखं चित्तं तदज्जकरणीयतो नीहरित्वा हरतीति अयं सदतो अत्थो, अधिप्पायतो पन तं दस्सेतुं “विपस्सनात्राणस्सा”तिआदि वुत्तं । तदभिमुखभावोयेव हिस्स तन्निन्नतादिकरणं, तं पन वुत्तनयेन अट्ठङ्गसमन्नागते तस्मिं चित्ते विपस्सनाक्कमेन जाते विपस्सनाभिमुखं चित्तपेसनमेवाति दट्ठब्बं । तन्निन्नन्ति तस्सं विपस्सनायं निन्नं । इतरद्वयं तस्सेव वेवचनं । तस्सं पोणं वड्ढं पम्भारं नीचन्ति अत्थो । ब्रह्मजाले वुत्तोयेव । ओदनकुम्मासेहि उपचीयति वट्ठापीयति, उपचयति वा वट्ठतीति अत्थं सन्धाय “ओदनेना”तिआदि वुत्तं । अनिच्च्छादनपरिमहनभेदनविद्धंसनधम्मोति एत्थ “अनिच्चधम्मो”तिआदिना धम्मसद्दो पच्चेकं योजेतब्बो । तत्थ अनिच्चधम्मोति पभङ्गुताय अद्भुतसभावो । दुग्गन्धविधातत्थायाति सरीरे दुग्गन्धस्स विगमाय । उच्छादनधम्मोति उच्छादेतब्बतासभावो, इमस्स पूतिकायस्स दुग्गन्धभावतो गन्धोदकादीहि उब्बट्टनविलिम्पनजातिकोति अत्थो । उच्छादनेन हि पूतिकाये सेदवातपित्तसेम्हादीहि गरुभावदुग्गन्धानमपगमो होति । महासम्बाहनं मल्लादीनं बाहुवट्ठनादिअत्थं होति, अङ्गपच्चङ्गाबाधविनोदनत्थं पन खुद्दकसम्बाहनमेव युत्तन्ति आह “खुद्दकसम्बाहनेना”ति, मन्दसम्बाहनेनाति अत्थो । परिमहनधम्मोति परिमदितब्बतासभावो ।

एवं अनियमितकालवसेन अत्थं वत्वा इदानीं नियमितकालवसेन अत्थं वदति “दहरकाले”तिआदिना । वा-सद्दो चेत्थ अत्थदस्सनवसेनेव अत्थन्तरविकप्पनस्स विज्जायमानत्ता न पयुत्तो, लुत्तनिदिट्ठो वा । दहरकालेति अचिरविजातकाले । सयापेत्वा अज्जनपीळनादिवसेन परिमहनधम्मोति सम्बन्धो । भित्तन्ति भावनपुंसकनिद्देशो, तेन यथापमाणं, मन्दं वा अज्जनपीळनादीनि दस्सेति । अज्जनज्वेत्थ आकट्ठनं । पीळनं सम्बाहनं । आदिसद्देन समिज्जनउग्गमनादीनि सङ्गण्हाति । एवं परिहरितोपीति उच्छादनादिना सुखेधितोपि । भिज्जति चेवाति अनिच्चतादिवसेन नस्सति च । विकिरति चाति एवं भिन्दन्तो च किञ्चि पयोजनं असाधेन्तो विप्पकिण्णोव होति । एवं नवहि पदेहि यथारहं काये समुदयवयधम्मानुपस्सिता दस्सिताति इममत्थं विभावेन्तो “तत्था”तिआदिमाह । तत्थ छहि पदेहीति “रूपी, चातुमहाभूतिको, मातापेत्तिकसम्भवो, ओदनकुम्मासूपचयो, उच्छादनधम्मो, परिमहनधम्मो”ति इमेहि छहि पदेहि । युत्तं ताव होतु मज्झे तीहिपि पदेहि कायस्स समुदयकथनं तेसं तदत्थदीपनतो, “रूपी, उच्छादनधम्मो, परिमहनधम्मो”ति पन

तीहि पदेहि कथं तस्स तथाकथनं युत्तं सिया तेसं तदत्थस्स अदीपनतोति ? युत्तमेव तेसम्पि तदत्थस्स दीपितत्ता । “रूपी”ति हि इदं अत्तनो पच्चयभूतेन उतुआहारलक्खणेन रूपेण रूपवाति अत्थस्स दीपकं । पच्चयसङ्गमविसिद्धे हि तदस्सत्थिअत्थे अयमीकारो । “उच्छादनधम्मो, परिमहनधम्मो”ति च इदं पदद्वयं तथाविधरूपुप्पादनेन सण्ठानसम्पादनत्थस्स दीपकन्ति । द्वीहीति “भेदनधम्मो, विद्धंसनधम्मो”ति द्वीहि पदेहि । निस्सितज्ज कायपरियापन्ने हृदयवत्थुम्हि निस्सितत्ता विपस्सनाचित्तस्स । तदा पवत्तज्जि विपस्सनाचित्तमेव “इदञ्च मे विज्जाण”न्ति आसन्नपच्चक्खवसेन वुत्तं । पटिबद्धज्ज कायेन विना अप्पवत्तनतो, कायसज्जितानज्ज रूपधम्मानं आरम्भणकरणतो ।

२३५. सुद्ध ओभासतीति सुभो, पभासम्पन्नो मणि, ताय एव पभासम्पत्तिया मणिनो भद्रताति अत्थमत्तं दस्सेतुं “सुभोति सुन्दरो”ति वुत्तं । परिसुद्धाकरसमुद्धानमेव मणिनो सुविसुद्धजातिताति आह “जातिमाति परिसुद्धाकरसमुद्धितो”ति । सुविसुद्धरतनाकरतो समुद्धितोति अत्थो । आकरपरिविसुद्धिमूलको एव हि मणिनो कुरुविन्दजातिआदिजातिविसेसोति । इधाधिप्पेतस्स पन वेळुरियमणिनो विळूर (वि० व० अट्ट० ३४ आदयो वाक्यक्खधेसु पस्सितब्बं) पब्बतस्स, विळूर गामस्स च अविदूरे परिसुद्धाकरो । येभुय्येन हि सो ततो समुद्धितो । तथा हेस विळूरनामकस्स पब्बतस्स, गामस्स च अविदूरे समुद्धितत्ता वेळुरियोति पज्जायित्थ, देवलोके पवत्तस्सपि च तंसदिसवण्णनिभताय तदेव नामं जातं यथा तं मनुस्सलोके लद्धनामवसेन देवलोके देवतानं, सो पन मयूरगीवावण्णो वा होति वायसपत्तवण्णो वा सिनिद्धवेणुपत्तवण्णो वाति आचरियधम्मपालत्थेरेन परमत्थदीपनियं (वि० व० अट्ट० ३४) वुत्तं । विनयसंवण्णनासु (वि० वि० टी० १.२८१) पन “अल्लवेळुवण्णो”ति वदन्ति । तथा हिस्स “वंसवण्णो”तिपि नामं जातं । “मज्जारक्खिमण्डलवण्णो”ति च वुत्तो, ततोयेव सो इध पदेसे मज्जारमणीति पाकटो होति । चक्कवत्तिपरिभोगारहणीततरमणिभावतो पन तस्सेव पाळियं वचनं दट्ठब्बं । यथाह “पुन चपरं आनन्द रज्जो महासुदस्सनस्स मणिरतनं पातुरहोसि, सो अहोसि मणि वेळुरियो सुभो जातिमा अट्ठसो”तिआदि (दी० नि० २.२४८) । पासाणसक्खरादिदोसनीहरणवसेनेव परिकम्मनिप्फत्तीति दस्सेति “अपनीतपासाणसक्खरो”ति इमिना ।

छविया एव सण्हभावेन अच्छता, न सङ्घातस्साति आह “अच्छोति तनुच्छवी”ति ततो चेव विसेसेन पसन्नोति दस्सेतुं “सुद्ध पसन्नो”ति वुत्तं । परिभोगमणिरतनाकारसम्पत्ति

सब्बाकारसम्पन्नता । तेनाह “**धोवनवेधनादीही**”तिआदि । पासाणादीसु धोतता **धोवनं**, काळकादिअपहरणत्थाय चेव सुत्तेन आवुनत्थाय च विज्झितब्बता **वेधनं** । आदिसहेन तापसण्हकरणादीनं सङ्गहो । **वण्णसम्पत्ति**न्ति आवुनितसुत्तस्स वण्णसम्पत्तिं । कस्माति वुत्तं “**तादिस**”न्तिआदि, तादिसस्सेव आवुतस्स पाकटभावतोति वुत्तं होति ।

मणि विय करजकायो पच्चवेक्खितब्बतो । **आवुतसुत्तं विय विज्जाणं** अनुपविसित्वा ठितत्ता । **चक्खुमा पुरिसो विय विपस्सनालाभी भिक्खु** सम्मदेव तस्स दस्सनतो, तस्स पुरिसस्स मणिनो आविभूतकालो विय तस्स भिक्खुनो कायस्स आविभूतकालो तन्निस्सयस्स पाकटभावतो । सुत्तस्साविभूतकालो विय तेसं धम्मानमाविभूतकालो तन्निस्सितस्स पाकटभावतोति अयमेत्थ उपमासम्पादने कारणविभावना, “**आवुतसुत्तं विय विपस्सनाजाण**”न्ति कत्थचि पाठो, “इदञ्च विज्जाण”न्ति वचनतो पन “विज्जाण”न्ति पाठोव सुन्दरतरो, “विपस्सनाविज्जाण”न्ति वा भवितब्बं । **विपस्सनाजाणं अभिनीहरित्वा**ति विपस्सनाजाणाभिमुखं चित्तं नीहरित्वा ।

तत्राति वेळुरियमणिहि । **तदारम्भणानन्ति** कायसज्जितरूपधम्मरम्भणानं । “**फस्सपञ्चमकान**”न्तिआदिपदत्तयस्सेतं विसेसनं अत्थवसा लिङ्गविभक्तिवचनविपरिणामोति कत्वा पच्छिमपदस्सापि विसेसनभावतो । फस्सपञ्चमकगहणेन, सब्बचित्तचेतसिकगहणेन च गहितधम्मा विपस्सनाचित्तुप्पादपरियापन्ना एवाति दट्ठब्बं । एवञ्हि तेसं विपस्सनाविज्जाणगतिकत्ता आवुतसुत्तं विय “विपस्सनाविज्जाण”न्ति हेट्ठा वुत्तवचनं अविरोधितं होति । कस्मा पन विपस्सनाविज्जाणस्सेव गहणन्ति ? “इदञ्च मे विज्जाणं एत्थ सितं एत्थ पटिबद्ध”न्ति इमिना तस्सेव वचनतो । “अयं खो मे कायो”तिआदिना हि विपस्सनाजाणेन विपस्सित्वा “तदेव विपस्सनाजाणसम्पयुत्तं विज्जाणं एत्थ सितं एत्थ पटिबद्ध”न्ति निस्सयविसयादिवसेन मनसि करोति, तस्मा तस्सेव इध गहणं सम्भवति, नाज्जस्साति दट्ठब्बं । तेनाह “**विपस्सनाविज्जाणस्सेव वा आविभूतकालो**”ति । धम्मसङ्गहादीसु (ध० स० २ आदयो) देसितनयेन पाकटभावतो चेत्थ फस्सपञ्चमकानं गहणं, निरवसेसपरिगहणतो सब्बचित्तचेतसिकानं, यथारुतं देसितवसेन पधानभावतो विपस्सनाविज्जाणस्साति वेदितब्बं । किं पनेते पच्चवेक्खणजाणस्स आविभवन्ति, उदाहु पुगलस्साति ? पच्चवेक्खणजाणस्सेव, तस्स पन आविभूतता पुगलस्सापि आविभूता नाम होन्ति, तस्मा “**भिक्खुनो आविभूतकालो**”ति वुत्तन्ति ।

यस्मा पनिदं विपस्सनाजाणं मग्गजाणानन्तरं होति, तस्मा लोकियाभिज्जानं परतो, छट्ठाभिज्जाय च पुरतो वत्तब्बं, अथ कस्मा सब्बाभिज्जानं पुरतोव वुत्तन्ति चोदनालेसं दस्सेत्वा परिहरन्तो “इदञ्च विपस्सनाजाण”न्तिआदिमाह। “इदञ्च मग्गजाणानन्तर”न्ति हि इमिना यथावुत्तं चोदनालेसं दस्सेति। तत्थ “मग्गजाणानन्तर”न्ति सिखाप्पत्तविपस्सनाभूतं गोत्रभुजाणं सन्धाय वुत्तं। तदेव हि अरहत्तमग्गस्स, सब्बेसं वा मग्गफलानमनन्तरं होति, पधानतो पन तब्बचनेनेव सब्बस्सपि विपस्सनाजाणस्स गहणं दट्ठब्बं अविसेसतो तस्स इध वुत्तत्ता। मग्गसद्देन च अरहत्तमग्गस्सेव गहणं तस्सेवाभिज्जापरियापन्नत्ता, अभिज्जासम्बन्धेन च चोदनासम्भवतो। लोकियाभिज्जानं पुरतो वुत्तं विपस्सनाजाणं तासं नानन्तरताय अनुपकारं, आसवक्खयजाणसङ्घाताय पन लोकुत्तराभिज्जाय पुरतो वुत्तं तस्सा अनन्तरताय उपकारं, तस्मा इदं लोकियाभिज्जानं परतो, छट्ठाभिज्जाय च पुरतो वत्तब्बं। कस्मा पन उपकारट्ठाने तथा अवत्वा अनुपकारट्ठानेव भगवता वुत्तन्ति हि चोदना सम्भवति। “एवं सन्तेपी”तिआदि परिहारदस्सनं। तत्थ एवं सन्तेपीति यदिपि जाणानुपुब्बिया मग्गजाणस्स अनन्तरताय उपकारं होति, एवं सतिपीति अत्थो।

अभिज्जावारेति छल्लभिज्जावसेन वुत्ते देसनावारे। एतस्स अन्तरा वारो नत्थीति पञ्चसु लोकियाभिज्जासु कथितासु आकङ्खेय्यसुत्तादीसु (म० नि० १.६५) विय छट्ठाभिज्जापि अवस्सं कथेतब्बा अभिज्जालक्खणभावेन तप्परियापन्नतो, न च विपस्सनाजाणं लोकियाभिज्जानं, छट्ठाभिज्जाय च अन्तरा पवेसेत्वा कथेतब्बं अनभिज्जालक्खणभावेन तदपरियापन्नतो। इति एतस्स विपस्सनाजाणस्स तासमभिज्जानं अन्तरा वारो नत्थि, तस्मा तत्थ अवसराभावतो इधेव रूपावचरचतुत्यज्झानानन्तरं विपस्सनाजाणं कथितन्ति अधिप्पायो। “यस्मा चा”तिआदिना अत्थन्तरमाह। तत्थ च-सद्दो समुच्चयत्थो, तेन न केवलं विपस्सनाजाणस्स इध दस्सने तदेव कारणं, अथ खो इदम्पीति इममत्थं समुच्चिनातीति आचरियेन (दी० नि० टी० १.२३५) वुत्तं। सद्दविदू पन ईदिसे ठाने च-सद्दो वा-सद्दत्थो, सो च विकप्पत्थोति वदन्ति, तम्पि युत्तमेव अत्थन्तरदस्सने पयुत्तत्ता। अत्तना पयुज्जितब्बस्स हि विज्जमानत्थस्सेव जोतका उपसग्गनिपाता यथा मग्गनिदस्सने साखाभङ्गा, यथा च अदिस्समाना जोतने पदीपाति एवमीदिसेसु। होति चेत्थ -

“अत्थन्तरदस्सनम्हि, च सद्दो यदि दिस्सति।

समुच्चये विकप्पे सो, गहेतब्बो विभाविना”ति।।

अकतसम्मसनस्साति हेतुगब्भपदं। तथा कतसम्मसनस्साति च। “दिब्बेन चक्खुना भेरवमि रूपं पस्सतोति एत्थ इद्धिविधजाणेन भेरवं रूपं निम्मिनित्वा मंसचक्खुना पस्सतोतिपि वत्तब्बं। एवमि हि अभिज्जालाभिनो अपरिज्जातवत्थुकस्स भयं सन्तासो उप्पज्जति उच्चवालिक्वासिमहानागत्येरस्स विया”ति आचरियेन (दी० नि० टी० १.२३५) वुत्तं। यथा चेत्थ, एवं दिब्बाय सोतधातुया भेरवं सद्दं सुणतोति एत्थापि इद्धिविधजाणेन भेरवं सद्दं निम्मिनित्वा मंससोतेन सुणतोपीति वत्तब्बमेव। एवमि हि अभिज्जालाभिनो अपरिज्जातवत्थुकस्स भयं सन्तासो उप्पज्जति उच्चवालिक्वासिमहानागत्येरस्स विय। थेरो हि कोज्जनादसहितं सब्बसेतं हत्थिनागं मापेत्वा दिस्वा, सुत्वा च सज्जातभयसन्तासोति अड्ढकथासु (विभं० अट्ठ० २.८८२; म० नि० अट्ठ० १.८१; विसुद्धि० २.७३३) वुत्तो। अनिच्चादिवसेन कतसम्मसनस्स दिब्बाय...पे०... भयं सन्तासो न उप्पज्जतीति सम्बन्धो। भयविनोदनहेतु नाम विपस्सनाजाणेन कतसम्मसनता, तस्स, तेन वा सम्पादनत्थन्ति अत्थो। इधेवाति चतुत्थज्झानानन्तरमेव। “अपिचा”तिआदिना यथापाठं युत्ततरनयं दस्सेति। विपस्सनाय पवत्तं पामोज्जपीतिपस्सद्धिपरम्परागतसुखं विपस्सनासुखं। पाटियेक्कन्ति ज्ञानाभिज्जादीहि असम्मिस्सं विसुं भूतं सन्दिट्ठिकं सामज्जफलं। तेनाह भगवा धम्मपदे—

“यतो यतो सम्मसति, खन्धानं उदयब्बयं।

लभती पीतिपामोज्जं, अमतं तं विजानत”न्तिआदि।। (ध० प० ३७४)

इधापि वुत्तं “इदमि खो महाराज सन्दिट्ठिकं सामज्जफलं...पे०... पणीततरज्जा”ति, तस्मा पाळिया संसन्दनतो इममेव नयं युत्ततरन्ति वदन्ति। आदित्तोवाति अभिज्ज्ञानमादिहियेव।

मनोमयिद्धिजाणकथावण्णना

२३६-७. मनोमयन्ति एत्थ पन मयसद्दो अपरपज्जत्तिविकारपदपूरणनिब्बत्तिआदीसु अनेकेस्वत्थेसु आगतो। इध पन निब्बत्तिअत्थेति दस्सेतुं “मनेन निब्बत्तित”न्ति वुत्तं। “अभिज्जामनेन निब्बत्तित”न्ति अत्थोति आचरियेनाति (दी० नि० टी० १.२३६, २३७) वुत्तं। विसुद्धिमग्गे (विसुद्धि० २.३९७) पन “अधिट्ठानमनेन निम्मित्ता मनोमय”न्ति आगतं, अभिज्जामनेन, अधिट्ठानमनेन चाति उभयथापि निब्बत्तत्ता उभयम्पेतं

युत्तमेव । अङ्गं नाम हत्थपादादितंतंसमुदायं, पच्चङ्गं नाम कप्परजण्णुआदि तस्मिं तस्मिं समुदाये अवयवं । “अहीनिन्द्रिय”न्ति एत्थ परिपुण्णतायेव अहीनता, न तु अप्पणीतता, परिपुण्णभावो च चक्खुसोतादीनं सण्ठानवसेनेव । निमित्तरूपे हि पसादो नाम नत्थीति दस्सेतुं “सण्ठानवसेन अविकलिन्द्रिय”न्ति वुत्तं, इमिनाव तस्स जीवितिन्द्रियादीनम्पि अभावो वुत्तोति दट्ठब्बं । सण्ठानवसेनाति च कमलदलादिसदिससण्ठानमत्तवसेन, न रूपाभिधातारहभूतप्पसादादिन्द्रियवसेन । “सब्बङ्गपच्चङ्गिं अहीनिन्द्रिय”न्ति वुत्तमेवत्थं समत्थेन्तो “इद्धिमता”तिआदिमाह । अविद्धकण्णोति कुलचारित्तवसेन कण्णालङ्कारपिळन्धनत्थं अविज्झितकण्णो, निदस्सनमत्तमेतं । तेनाह “सब्बाकारेही”ति, वण्णसण्ठानावयवविसेसादिसब्बाकारेहीति अत्थो । तेनाति इद्धिमता ।

अयमेवत्थो पाळियम्पि विभावितोति आह “मुज्जम्हा ईसिकन्तिआदिउपमामत्तयम्पि हि...पे०... वुत्त”न्ति । कत्थचि पन “मुज्जम्हा ईसिकन्तिआदि उपमामत्तं । यम्पि हि सदिसभावदस्सनत्थमेव वुत्त”न्ति पाठो दिस्सति । तत्थ “उपमामत्त”न्ति इमिना अत्थन्तरदस्सनं निवत्तेति, “यम्पि ही”तिआदिना पन तस्स उपमाभावं समत्थेति । नियतानपेक्खेन च यंसद्देन “मुज्जम्हा ईसिक”न्तिआदिवचनमेव पच्चामसति । सदिसभावदस्सनत्थमेवाति सण्ठानतोपि वण्णतोपि अवयवविसेसतोपि सदिसभावदस्सनत्थंयेव । कथं सदिसभावोति वुत्तं “मुज्जसदिसा एव ही”तिआदि । मुज्जं नाम तिणविसेसो, येन कोच्छादीनि करोन्ति । “पवाहेय्या”ति वचनतो अन्तो ठिता एव ईसिका अधिप्पेताति दस्सेति “अन्तो ईसिका होती”ति इमिना । ईसिकाति च कळीरो । विसुद्धिमगगीकायं पन “कण्ड”न्ति (विसुद्धि० टी० २.३९९) वुत्तं । वट्ठाय कोसियाति परिवट्ठुलाय असिकोसिया । पत्थट्टायाति पट्टिकाय । करडितब्बो भाजेतब्बोति करण्डो, पेळा । करडितब्बो जिगुच्छित्तब्बोति करण्डो, निम्मोकं । इधापि निम्मोकमेवाति आह “करण्डाति इदम्पी”तिआदि । विलीवकरण्डो नाम पेळा । कस्मा अहिकञ्चुकस्सेव नामं, न विलीवकरण्डकस्साति चोदनं सोधेति “अहिकञ्चुको ही”तिआदिना, स्वेव अहिना सदिसो, तस्मा तस्सेव नामन्ति वुत्तं होति । विसुद्धिमगगीकायं पन “करण्डायाति पेळाय, निम्मोकतोति च वदन्ती”ति (विसुद्धि० टी० २.३९९) वुत्तं । तत्थ पेळागहणं अहिना असदिसताय विचारेतब्बं ।

यज्जेवं “सेय्यथापि पन महाराज पुरिसो अहिं करण्डा उद्धरेय्या”ति पुरिसस्स करण्डतो अहिउद्धरणूपमाय अयमत्थो विरुज्जेय्य । न हि सो हत्थेन ततो उद्धरितुं

सक्काति अनुयोगेनाह “तथा”तिआदि। “उद्धरेय्या”ति हि अनियमवचनेपि हत्थेन उद्धरणस्सेव पाकटत्ता तंदस्सनमिव जातं। तेनाह “हत्थेन उद्धरमानो विय दस्सितो”ति। “अयज्ही”तिआदि चित्तेन उद्धरणस्स हेतुदस्सनं। अहिनो नाम पञ्चसु ठानेसु सजातिं नातिवत्तन्ति उपपत्तियं, चुत्तियं, विस्सट्ठनिद्दोक्कमने, समानजातिया मेथुनपटिसेवने, जिण्णतचापनयनेति वुत्तं “सजातियं ठितो”ति। उरगजातियमेव ठितो पजहति, न नागिद्धिया अज्जजातिरूपोति अत्थो। इदज्हि महिद्धिके नागे सन्धाय वुत्तं। **सरीरं खादयमानं वियाति** अत्तनोयेव तचं अत्तनो सरीरं खादयमानं विय। **पुराणतचं जिगुच्छन्तो**ति जिण्णताय कत्थचि मुत्तं कत्थचि ओलम्बितं जिण्णतचं जिगुच्छन्तो। **चतूही**ति “सजातियं ठितो, निस्साय, धामेन, जिगुच्छन्तो”ति यथावुत्तेहि चतूहि कारणेहि। ततोति कञ्चुकतो। **अज्जेना**ति अत्ततो अज्जेन। **चित्तेना**ति पुरिसस्स चित्तेनेव, न हत्थेन। सेय्यथापि नाम पुरिसो अहिं पस्सित्वा “अहो वताहं इमं अहिं कञ्चुकतो उद्धरेय्य”न्ति अहिं करण्डा चित्तेन उद्धरेय्य, तस्स एवमस्स “अयं अहि, अयं करण्डो, अज्जो अहि, अज्जो करण्डो, करण्डा त्वेव अहि उब्भतो”ति, एवमेव...पे०... सो इमम्हा काया अज्जं कायं अभिनिम्मिनाति...पे०... अहीनिन्द्रियन्ति अयमेत्थ अधिप्पायो।

इद्धिविधजाणादिकथावण्णना

२३९. भाजनादिविकतिकिरियानिस्सयभूता **सुपरिकम्पकतमत्तिकादयो विय** विकुब्बन-किरियानिस्सयभावतो **इद्धिविधजाणं दट्ठब्बं**।

२४१. पुब्बे नीवरणप्पहानवारे विय कन्तारग्गहणं अकत्वा केवलं अद्धानमग्गगहणं खेममग्गदस्सनत्थं। कस्मा पन खेममग्गस्सेव दस्सनं, न कन्तारमग्गस्स, ननु उपमादस्सनमत्तमेतन्ति चोदनं परिहरन्तो “यस्मा”तिआदिमाह। “अप्पटिभयज्ही”तिआदि पन खेममग्गस्सेव गहणकारणदस्सनं। वातातपादिनिवारणत्थं **सीसे साटकं कत्वा**। तथा तथा पन परिपुण्णवचनं उपमासम्पत्तिया उपमेय्यसम्पादनत्थं, अधिप्पेतस्स च उपमेय्यत्थस्स सुविज्जापनत्थं, हेतुदाहरणभेद्यभेदकादिसम्पन्नवचनेन च विज्जूजातिकानं चित्ताराधनत्थन्ति वेदितब्बं। एवं सब्बत्थं। **सुखं ववत्थपेती**ति अकिच्छं अकसिरेन सल्लक्खेति, परिच्छिन्दति च।

२४३. मन्दो उत्तानसेय्यकदारकोपि “दहरो”ति वुच्चतीति ततो विसेसनत्थं

“युवा”ति वुत्तन्ति मन्त्वा युवसद्देन विसेसितब्बमेव दहरसद्दस्स अत्थं दस्सेतुं “तरुणो”ति वुत्तं। तथा युवापि कोचि अनिच्छनको, अनिच्छनतो च अमण्डनजातिकोति ततो विसेसनत्थं “मण्डनजातिको”तिआदि वुत्तन्ति मन्त्वा मण्डनजातिकादिसद्देन विसेसितब्बमेव युवसद्दस्स अत्थं दस्सेतुं “योब्बन्नेन समन्नागतो”ति वुत्तं। पाळियज्झि यथाक्कमं पदत्तयस्स विसेसितब्बविसेसकभावेन वचनतो तथा संवण्णना कता, इतरथा एक्केनापि पदेन अधिप्पेतत्थाधिगमिका सपरिवारा संवण्णनाव कातब्बा सियाति। “मण्डनपकतिको”ति वुत्तमेव विवरितुं “दिवसस्सा”तिआदिमाह। कणिकसद्दो दोसपरियायो, दोसो च नाम काळतिलकादीति दस्सेति “काळतिलका”तिआदिना। काळतिलप्पमाणा बिन्दवो काळतिलकानि, काळा वा कम्मासा, ये “सासपबीजिका”तिपि वुच्चन्ति। तिलप्पमाणा बिन्दवो तिलकानि। वङ्गं नाम वियङ्गं विपरिणामितमङ्गं। योब्बन्नपीळकादयो मुखदूसिपीळका, ये “खरपीळका” तिपि वुच्चन्ति। मुखनिमित्तन्ति मुखच्छायं। मुखे गतो दोसो मुखदोसो। लक्खणवचनमत्तमेतं मुखे अदोसस्सपि पाकटभावस्स अधिप्पेतत्ता, यथा वा मुखे दोसो, एवं मुखे अदोसोपि मुखदोसोति सरलोपेन वुत्तो सामञ्जनिद्देसतोपि अनेकत्थस्स विज्जातब्बत्ता, पिसद्दलोपेन वा अयमत्थो वेदितब्बो। अवुत्तोपि हि अत्थो सम्पिण्डनवसेन वुत्तो विय विज्जायति, मुखदोसो च मुखअदोसो च मुखदोसोति एकदेससरूपेकसेसनयेनपेत्थ अत्थो दद्दुब्बो। एवज्झि अत्थस्स परिपुण्णताय “परेसं सोळसविधं चित्तं पाकटं होती”ति वचनं समत्थितं होति। तेनेतं वुच्चति-

“वत्तब्बस्सावसिद्धस्स, गाहो निदस्सनादिना।
अपिसद्दादिलोपेन, एकसेसनयेन वा।।

असमाने सद्दे तिधा, चतुधा च समानके।
सामञ्जनिद्देसतोपि, वेदितब्बो विभाविना”ति।।

“सरागं वा चित्त”न्तिआदिना पाळियं वुत्तं सोळसविधं चित्तं।

२४५. पुब्बेनिवासजाणूपमायन्ति पुब्बेनिवासजाणस्स, पुब्बेनिवासजाणे वा दस्सिताय उपमाय। कस्मा पन पाळियं गामत्तयमेव उपमाने गहितन्ति चोदनं सोधेतुं “तं दिवस”न्तिआदि वुत्तं। तं दिवसं कतकिरिया नाम पाकतिकसत्तस्सापि येभुय्येन पाकटा होति। तस्मा तं दिवसं गन्तुं सक्कुण्यं गामत्तयमेव भगवता गहितं, न तदुत्तरीति

अधिप्पायो । किञ्चापि पाळियं तंदिवसग्गहणं नत्थि, गामत्तयग्गहणेन पन तदहेव कत्तकिरिया अधिप्पेताति मन्त्वा अडुकथायं तंदिवसग्गहणं कतन्ति दट्ठब्बं । तंदिवसगतगामत्तयग्गहणेनेव च महाभिनीहारेहि अज्जेसम्पि पुब्बेनिवासजाणलाभीनं तीसुपि भवेसु कत्तकिरिया येभुय्येन पाकटा होतीति दीपितन्ति दट्ठब्बं । एतदत्थम्पि हि गामत्तयग्गहणन्ति । तीसु भवेसु कत्तकिरियायाति अभिसम्परायेसु पुब्बे दिट्ठधम्मे पन इदानि, पुब्बे च कत्तकिच्चस्स ।

२४७. पाळियं रथिकाय वीथिं सज्जरन्तेति अज्जाय रथिकाय अज्जं रथिं सज्जरन्तेति अत्थो, तेन अपरापरं सज्जरणं दस्सितन्ति आह “अपरापरं सज्जरन्ते”ति, तंतंकिच्चवसेन इतो चितो च सज्जरन्तेति वुत्तं होति, अयमेवत्थो रथिवीथिसद्धानमेकत्थत्ता । सिङ्गाटकम्हीति वीथिचतुक्के । पासादो विय भिक्खुस्स करजकायो दट्ठब्बो तत्थ पतिट्ठितस्स दट्ठब्बदस्सनसिद्धितो । मंसचक्खुमतो हि दिब्बचक्खुसमधिगमो । यथाह “मंसचक्खुस्स उप्पादो, मग्गो दिब्बस्स चक्खुनो”ति (इतिवु० ६१) । चक्खुमा पुरिसो विय अयमेव दिब्बचक्खुं पत्ता टितो भिक्खु दट्ठब्बस्स दस्सनतो । गेहं पविसन्तो, ततो निक्खमन्तो विय च मातुकुच्छिं पटिसन्धिवसेन पविसन्तो, ततो च विजातिवसेन निक्खमन्तो मातुकुच्छिया गेहसदिसत्ता । तथा हि वुत्तं “मातरं कुटिकं ब्रूसि, भरियं ब्रूसि कुलावक”न्ति (सं० नि० १.१.१९) । अयं अट्ठकथामुत्तको नयो – गेहं पविसन्तो विय अत्तभावं उपपज्जनवसेन ओक्कमन्तो, गेहा निक्खमन्तो विय च अत्तभावतो चवनवसेन अपक्कमन्तो अत्तभावस्स गेहसदिसत्ता । वुत्तज्झि “गहकारक दिट्ठोसि, पुन गेहं न काहसी”ति (ध० प० १५४) ।

अपरापरं सज्जरणकसत्ताति पुनप्पुनं संसारे परिब्भमनकसत्ता । अब्भोकासद्धानेति अज्झोकासदेसभूते । मज्झेति नगरस्स मज्झभूते सिङ्गाटके । तत्थ तत्थाति तस्मिं तस्मिं भवेकदेसे । निब्बत्तसत्ताति उपपज्जमानकसत्ता । इमिना हि तस्मिं तस्मिं भवे जातसंवद्धे सत्ते वदति, “अपरापरं सज्जरणकसत्ता”ति पन एतेन तथा अनियमितकालिके साधारणसत्ते । एवज्झि तेसं यथाक्कमं सज्जरणकसन्निसिन्नकजनोपमता उपपन्ना होतीति । तीसु भवेसु निब्बत्तसत्तानं आविभूतकालोति एत्थ पन वुत्तप्पकारानं सब्बेसम्पि सत्तानं अनियमतो गहणं वेदितब्बं ।

ननु चायं दिब्बचक्खुकथा, अथ कस्मा “तीसु भवेसू”ति चतुवोकारभवस्सापि सङ्गहो कतो । न हि सो अरूपधम्माम्मणोति अनुयोगं परिहरन्तो “इदञ्चा”तिआदिमाह ।

तत्थ “इदन्ति तीसु भवेसु निब्बत्तसत्तानन्ति इदं वचन”न्ति (दी० नि० टी० १.२४७) अयमेत्थ आचरियस्स मति, एवं सति अट्ठकथाचरियेहि अट्ठकथायमेव यथावुत्तो अनुयोगो परिहरितोति। अयं पनेत्थ अम्हाकं खन्ति – ननु चायं दिब्बचक्खुकथा, अथ कस्मा “दिब्बेन चक्खुना विसुद्धेन अतिक्कन्तमानुसकेन सत्ते पस्सति चवमाने उपपज्जमाने”तिआदिना अविसेसतो चतुवोकारभवूपगस्सापि सङ्गहो कतो। न हि सो अरूपधम्माम्मणोति अनुयोगं परिहरन्तो “इदञ्चा”तिआदिमाह। तत्थ इदन्ति “सत्ते पस्सति चवमाने उपपज्जमाने”तिआदिवचनं। एवञ्चि सति अट्ठकथाचरियेहि पाळियमेव यथावुत्तो अनुयोगो परिहरितोति। यदग्गेन सो पाळियं परिहरितो, तदग्गेन अट्ठकथायम्पि तस्सा अत्थवण्णनाभावतो। **देसनासुखत्थमेवा**ति केवलं देसनासुखत्थं एव अविसेसेन वुत्तं, न पन चतुवोकारभवूपगानं दिब्बचक्खुस्स आविभावसम्भावतो। “ठपेत्वा अरूपभव”न्ति वा “द्वीसु भवेसू”ति वा सत्ते पस्सति कामावचरभवतो, रूपावचरभवतो च चवमानेति वा कामावचरभवे, रूपावचरभवे च उपपज्जमानेति वा वुच्चमाना हि देसना यथारहं भेद्यभेदकादिविभावनेन सुखासुखावबोधा च न होति, अविसेसेन पन एवमेव वुच्चमाना सुखासुखावबोधा च। देसेतुं, अवबोधेतुञ्च सुकरतापयोजनञ्चि “देसनासुखत्थ”न्ति वुत्तं। कस्माति आह “**आरुप्पे...पे०... नत्थी**”ति, दिब्बचक्खुगोचरभूतानं रूपधम्मामभावतोति वुत्तं होति।

आसवक्खयजाणकथावण्णना

२४८. इथ विपस्सनापादकं चतुत्थज्झानचित्तं वेदितब्बं, न लोकियाभिज्जासु विय अभिज्जापादकं। **विपस्सनापादक**न्ति च विपस्सनाय पदट्ठानभूतं, विपस्सना च नामेसा तिविधा विपस्सकपुग्गलभेदेन महाबोधिसत्तानं विपस्सना, पच्चेकबोधिसत्तानं विपस्सना, सावकानं विपस्सना चाति। तत्थ महाबोधिसत्तानं, पच्चेकबोधिसत्तानञ्च विपस्सना चिन्तामयजाणसम्बन्धिका सयम्भुजाणभूता, सावकानं पन सुतमयजाणसम्बन्धिका परोपदेससम्भूता। सा “ठपेत्वा नेवसज्जानासज्जायतनं अवसेसरूपारूपज्झानानं अज्जतरतो वुट्ठाया”तिआदिना अनेकधा, अरूपमुखवसेन चतुधातुवत्थाने वुत्तानं तेसं तेसं धातुपरिग्गहमुखानञ्च अज्जतरमुखवसेन अनेकधा च **विसुद्धिमग्गे** (विसुद्धि० २.६६४) नानानयतो विभाविता, महाबोधिसत्तानं पन चतुवीसतिकोटिसतसहस्समुखेन पभेदगमनतो नानानयं सब्बज्जुतज्जाणसन्निस्सयस्स अरियमग्गजाणस्स अधिट्ठानभूतं पुब्बभागजाणगब्भं गण्हापेन्तं परिपाकं गच्छन्तं परमगम्भीरं सण्हसुखुमतरं अनज्जसाधारणं विपस्सनाजाणं

होति, यं अट्ठकथासु “महावजिरजाण”न्ति वुच्चति, यस्स च पवत्तिविभागेन चतुवीसति-
कोटिसतसहस्सप्पभेदस्स पादकभावेन समापज्जियमाना चतुवीसतिकोटिसतसहस्ससङ्ख्या
देवसिकं सत्थु वलज्जनसमापत्तियो वुच्चन्ति । स्वायं बुद्धानं विपस्सनाचारो **परमत्थमज्जुसायं**
विसुद्धिभगवण्णनायं (विसुद्धि० टी० १.१४४) उद्देसतो आचरियेन दस्सितो, ततो सो
अत्थिकेहि गहेतब्बो । इध पन सावकानं विपस्सनाव अधिप्पेता ।

“**आसवानं खयजाणाया**”ति इदं किरियापयोजनभूते तदत्थे सम्पदानवचनं, तस्मा
असतिपि पयोजनवाचके पयोजनवसेनेव अत्थो वेदितब्बोति आह
“**खयजाणनिब्बत्तन्ताया**”ति । एवमीदिसेसु । निब्बानं, अरहत्तमग्गो च उक्कट्टनिद्देसेन इध
खयो नाम, तत्थ जाणं **खयजाणं**, तस्स निब्बत्तनसङ्घातो अत्थो पयोजनं, तदत्थायाति
अत्थो । खेपेति पापधम्मं समुच्छिन्दतीति **खयो**, मग्गो । सो पन पापक्खयो आसवक्खयेन
विना नत्थि, तस्मा “खये जाण”न्ति (ध० स० सुत्तन्तदुक्कमातिका १४८) एत्थ
खयग्गहणेन आसवक्खयोव वुत्तोति दस्सेति “**आसवानं खयो**”ति इमिना । **अनुष्णादे**
जाणन्ति आसवानमनुष्णादभूते अरियफले जाणं । खीयिंसु आसवा एत्थाति **खयो**, फलं ।
समितपापताय **समणो**, समितपापता च निप्परियायतो अरहत्तफलेनेवाति आह “**आसवानं**
खया समणो होतीति एत्थ फलं”न्ति । **खयाति** च खीणत्ताति अत्थो । खीयन्ति आसवा
एत्थाति **खयो**, निब्बानं । “आसवक्खया”ति पन समासवसेन द्विभावं कत्वा वुत्तत्ता
“आसवानं खयो”ति पदस्स अत्थुद्धारे आसवक्खयपदग्गहणं ।

“**परवज्जानुपस्सिस्सा**”तिआदिगाथा धम्मपदे (ध० प० २५३) । तत्थ **उज्झानसज्जिनो**ति
गरहसज्जिनो । अराति दूरा । “अरा सिङ्घामि वारिज”न्तिआदीसु (सं० नि० १.१.२३४;
जा० १.६.११६) विय हि दूरत्थोयं निपातो । “आरा”तिपि पाठो । अरासद्दो विय
आरासद्दोपि दूरत्थे एको निपातोति वेदितब्बो । तदेव हि पदं सद्दसत्थे उदाहटं । कामञ्च
धम्मपदट्ठकथायं “अरहत्तमग्गसङ्घाता आरा दूरं गतोव होती”ति (ध० प० अट्ठ०
२.२.५३) वुत्तं, तथापि आसववट्ठिया सङ्घारे वट्ठेन्तो विसङ्घारतो सुविदूरदूरो, तस्मा
“आरा सो आसवक्खया”ति एत्थ आसवक्खयपदं विसङ्घाराधिवचनम्पि सम्भवतीति आह
“**निब्बानं**”न्ति । खयनं **खयो**, आसवानं खणनिरोधो । सेसं तस्स परियायवचनं । भज्जो
आसवानं खयोति वुत्तोति योजना । इध पन निब्बानम्पि मग्गोपि अविनाभावतो । न हि
निब्बानमनारब्ध मग्गेनेव आसवानं खयो होतीति ।

तन्निन्नन्ति तस्मिं आसवानं खयजाणे निन्नं । सेसं तस्सेव वेवचनं । पाळियं इदं दुक्खन्ति दुक्खस्स अरियसच्चस्स परिच्छिन्दित्वा, अनवसेसेत्वा च तदा तस्स भिक्खुनो पच्चक्खतो गहितभावदस्सनन्ति दस्सेतुं “एत्तक”न्तिआदि वुत्तं । तत्थ हि एत्तकं दुक्खन्ति तस्स परिच्छिज्ज गहितभावदस्सनं । न इतो भिय्योति अनवसेसेत्वा गहितभावदस्सनं । तेनाह “सब्बम्पि दुक्खसच्च”न्तिआदि । सरसलक्खणपटिवेधवसेन पजाननमेव यथाभूतं पजाननं नामाति दस्सेति “सरसलक्खणपटिवेधेना”ति इमिना । रसोति सभावो रसितब्बो जानितब्बोति कत्वा, अत्तनो रसो सरसो, सो एव लक्खणं, तस्स असम्मोहतो पटिविज्जनेनाति अत्थो । असम्मोहतो पटिविज्जनञ्च नाम यथा तस्मिं जाणे पवत्ते पच्छा दुक्खसच्चस्स सरूपादिपरिच्छेदे सम्मोहो न होति, तथा तस्स पवत्तियेव । तेन वुत्तं “यथाभूतं पजानाती”ति । “निब्बत्तिक”न्ति इमिना “दुक्खं समुदेति एतस्माति दुक्खसमुदयो”ति निब्बचनं दस्सेति । तदुभयन्ति दुक्खं, दुक्खसमुदयो च । यं ठानं पत्ताति यं निब्बानं मग्गस्स आरम्मणपच्चयङ्गेन कारणभूतं आगम्म । ठानन्ति हि कारणं वुच्चति तिष्ठति एत्थ फलं तदायत्ततायाति कत्वा । तदुभयं पत्ताति च तदुभयवतो पुग्गलस्स तदुभयस्स पत्ति विय वुत्ता । पुग्गलस्सेव हि आरम्मणकरणवसेन निब्बानप्पत्ति, न तदुभयस्स । अपिच पत्ताति पापुणहेतु, पुग्गलस्स आरम्मणकरणवसेन समापज्जनतोति अत्थो । असमानकत्तुके विय हि समानकत्तुकेपि त्वापच्चयस्स हेत्वत्थे पवत्ति सद्दसत्थेसु पाकटा । अप्पवत्तीति अप्पवत्तिनिमित्तं “न पवत्तति तदुभयमेतेना”ति कत्वा, अप्पवत्तिट्ठानं वा “न पवत्तति तदुभयमेत्था”ति कत्वा, अनेन च “दुक्खं निरुज्झति एत्थ, एतेनाति वा दुक्खनिरोधो”ति निब्बचनं दस्सेति, दुक्खसमुदयस्स पन गहणं तंनिब्बत्तिकस्स निरुज्जनतो तस्सापि निरुज्जनदस्सनत्थन्ति दट्ठब्बं । निब्बानपदेयेव त-सद्दो निवत्ततीति अयं-सद्दो पुन वुत्तो । सब्बनामिकज्झि पदं वुत्तस्स वा लिङ्गस्स गाहकं, वुच्चमानस्स वा । तस्साति दुक्खनिरोधस्स । सम्पापकन्ति सच्छिक्खणवसेन सम्मदेव पापकं, एतेन च “दुक्खनिरोधं गमयति, गच्छति वा एतायाति दुक्खनिरोधगामिनी, सायेव पटिपदा दुक्खनिरोधगामिनिपटिपदा”ति निब्बचनं दस्सेति ।

किलेसवसेनाति आसवसङ्घातकिलेसवसेन । तदेव आसवपरियायेन दस्सेन्तो पुन आह, तस्मा न एत्थ पुनरुत्तिदोसोति अधिष्पायो । परियायदेसनाभावो नाम हि आवेणिको बुद्धधम्मोति हेट्ठा वुत्तोवायमत्थो । ननु च आसवानं दुक्खसच्चपरियायोव अत्थि, न सेससच्चपरियायो, अथ कस्मा सरूपतो दस्सितसच्चानियेव किलेसवसेन परियायतो पुन दस्सेन्तो एवमाहाति वुत्तन्ति ? सच्चं, तंसम्बन्धत्ता पन सेससच्चानं तंसमुदयादिपरियायोपि

लब्धतीति कत्वा एवं वुत्तन्ति वेदितब्बं। दुक्खसच्चपरियायभूतआसवसम्बन्धानि हि आसवसमुदयादीनीति, सच्चानि दस्सेन्तोतिपि योजेतब्बं। “आसवानं खयजाणाया”ति आरद्धता चेत्थ आसवानमेव गहणं, न सेसकिलेसानं तथा अनारद्धताति दट्ठब्बं। तथा हि “कामासवापि चित्तं विमुच्चती”तिआदिना (दी० नि० १.२४८; म० नि० १.४३३; ३.१९) आसवविमुत्तसीसेनेव सब्बकिलेसविमुत्ति वुत्ता। “इदं दुक्खन्ति यथाभूतं पजानाती”तिआदिना मिस्सकमग्गोव इध कथितो लोकेयविपस्सनाय लोक्कुत्तरमग्गस्स मिस्सकत्ताति वुत्तं “सह विपस्सनाय कोटिप्पत्तं मग्गं कथेसी”ति। “जानतो पस्सतो”ति इमिना तयोपि परिज्जासच्छिकिरियाभावनाभिसमया वुत्ता चतुसच्चपजाननाय एव चतुकिच्चसिद्धितो, पहानाभिसमयो पन पारिसेसतो “विमुच्चती”ति इमिना वुत्तोति आह “मग्गक्खणं दस्सेती”ति। चत्तारि हि किच्चानि चतुसच्चपजाननाय एव सिद्धानि। यथाह “तं खो पनिदं दुक्खं अरियसच्चं परिज्जातन्ति मे भिक्खवे पुब्बे अननुस्सुतेसु धम्मेषु चक्खुं उदपादी”तिआदि (सं० नि० ३.५.१०८१; महाव० १५; पटि० म० २.२९)। अयं अट्ठकथामुत्तको नयो— जानतो पस्सतोति च हेतुनिद्देशो, “जाननहेतु पस्सनहेतु कामासवापि चित्तं विमुच्चती”तिआदिना योजना। कामज्वेत्थ जाननपस्सनकिरियानं, विमुच्चनकिरियाय च समानकालता, तथापि धम्मानं समानकालिकानमि पच्चयपच्चयुप्पन्नता सहजातादिकोटिया लब्धतीति, हेतुगब्भविसेसनतादस्सनमेतन्तिपि वदन्ति।

भवासवग्गहणेन चेत्थ भवरागस्स विय भवदिट्ठियापि समवरोधोति दिट्ठासवस्सापि सङ्गहो दट्ठब्बो, अधुना पन “दिट्ठासवापि चित्तं विमुच्चती”ति कथंचि पाठो दिस्सति, सो न पोराणो, पच्छा पमादलिखितोति वेदितब्बो। भयभैरवसुत्तसंवण्णनादीसु (म० नि० अट्ठ० १.५४) अनेकासुपि तथेव संवण्णितत्ता। एत्थ च किञ्चापि पाळियं सच्चपटिवेधो अनियमितपुग्गलस्स अनियमितकालवसेन वुत्तो, तथापि अभिसमयकाले तस्स पच्चुप्पन्नतं उपादाय “एवं जानतो एवं पस्सतो”ति वत्तमानकालनिद्देशो कतो, सो च कामं कस्सचि मग्गक्खणतो परं यावज्जतना अतीतकालिको एव, सब्बपठमं पनस्स अतीतकालिकत्तं फलक्खणेन वेदितब्बन्ति आह “विमुत्तस्मिन्ति इमिना फलक्खण”न्ति। पच्चवेक्खणजाणन्ति फलपच्चवेक्खणजाणं तथा चेव वुत्तत्ता। तग्गहणेन पन तदविनाभावतो सेसानि निरवसेसानि गहेतब्बानि, एकदेसानि वा अपरिपुण्णायपि पच्चवेक्खणाय सम्भवतो। “खीणा जाती”तिआदीहि पदेहि “नापरं इत्थत्ताया”ति पदपरियोसानेहि। तस्साति पच्चवेक्खणजाणस्स। भूमिन्ति पवत्तिट्ठानं। ननु च “विमुत्तस्मिं विमुत्त”न्ति वुत्तं फलमेव तस्स आरम्भणसङ्घाता भूमि, अथ कथं “खीणा जाती”तिआदीहि तस्स भूमिदस्सनन्ति

चोदनं सोधेतुं “तेन ही”तिआदि वुत्तं। यस्मा पन पहीनकिलेसपच्चवेक्खणेन विज्जमानस्सापि कम्मस्स आयतिं अप्पटिसन्धिकभावतो “खीणा जाती”ति पजानाति, यस्मा च मग्गपच्चवेक्खणादीहि “वुसितं ब्रह्मचरिय”न्तिआदीनि पजानाति, तस्मा “खीणा जाती”तिआदीहि तस्स भूमिदस्सनन्ति वुत्तं होति। “तेन जाणेना”ति हि यथारुततो, अविनाभावतो च गहितेन पच्चविधेन पच्चवेक्खणजाणेनाति अत्थो।

“खीणा जाती”ति एत्थ सोतुजनानं सुविज्जापनत्थं परम्मुखा विय चोदनं समुद्धापेति “कतमा पना”तिआदिना। येन पनाधिप्पायेन चोदना कता, तदधिप्पायं पकासेत्वा परिहारं वत्तुकामो “न तावस्सा”तिआदिमाह। “न ताव...पे०... विज्जमानत्ता”ति वक्खमानमेव हि अत्थं मनसि कत्वा अयं चोदना समुद्धापिता, तत्थ न तावस्स अतीता जाति खीणाति अस्स भिक्खुनो अतीता जाति, न ताव मग्गभावनाय खीणा। तत्थ कारणमाह “पुब्बेव खीणत्ता”ति, मग्गभावनाय पुरिमतरमेव निरुज्झनवसेन खीणत्ताति अधिप्पायो। न अनागता अस्स जाति खीणा मग्गभावनायाति योजना। तत्थ कारणमाह “अनागते वायामाभावतो”ति, इदञ्च अनागतभावसामञ्जमेव गहेत्वा लेसेन चोदनाधिप्पायविभावनत्थं वदति, न अनागतविसेसं अनागते मग्गभावनाय खेपनपयोगाभावतोति अत्थो। विज्जमानेयेव हि पयोगो सम्भवति, न अविज्जमानेति वुत्तं होति। अनागतविसेसो पनेत्थ अधिप्पेत्तो, तस्स च खेपने वायामोपि लब्धतेव। तेनाह “या पन मग्गस्सा”तिआदि। अनागतविसेसोति च अभाविते मग्गे उप्पज्जनारहो अनन्तरजातिभेदो वुच्चति। न पच्चुप्पन्ना अस्स जाति खीणा मग्गभावनायाति योजना। तत्थ कारणमाह “विज्जमानत्ता”ति, एकभवपरियापन्नताय विज्जमानत्ताति अत्थो। तत्थ तत्थ भवे पठमाभिनिब्बत्तिलक्खणा हि जाति। “या पना”तिआदिना पन मग्गभावनाय किलेसहेतुविनासनमुखेन अनागतजातिया एव खीणभावो पकासितोति दट्ठब्बं। एकचतुपच्चवोकारभवेसूति भवत्तयग्गहणं वुत्तनयेन अनवसेसतो जातिया खीणभावदस्सनत्थं, पुब्बपदद्वयेपेत्थ उत्तरपदलोपो। एकचतुपच्चवक्खन्धपभेदाति एत्थापि एसेव नयो। “तं सो”तिआदि “कथञ्च नं पजानाती”ति चोदनाय सोधनावचनं। तत्थ तन्ति यथावुत्तं जातिं। सोति खीणासवो भिक्खु। पच्चवेक्खित्वाति पजाननाय पुब्बभागे पहीनकिलेसपच्चवेक्खणदस्सनं। एवञ्च कत्वा पच्चवेक्खणपरम्पराय तथा पजानना सिद्धाति दट्ठब्बं। पच्चवेक्खणन्तरविभावनत्थमेव हि “जानन्तो पजानाती”ति वत्तमानवचनद्वयं वुत्तं, जानन्तो हुत्वा, जाननहेतु वा पजानाति नामाति अत्थो।

ब्रह्मचरियवासो नाम उक्कट्टनिद्वेसतो मग्गब्रह्मचरियस्स निब्बत्तनमेवाति आह “परिवुत्थ”न्ति, समन्ततो निरवसेसेन वसितं परिचिण्णन्ति अत्थो। कस्मा पनिदं सो अतीतकालवसेन पजानातीति अनुयोगेनाह “पुथुज्जनकल्याणकेन हि सद्धि”न्तिआदि। पुथुज्जनकल्याणकोपि हि हेट्ठा वुत्तलक्खणो सोतापत्तिफलसच्छिकिरियाय पटिपन्नो नाम दक्खिणविभङ्गसुत्तादीसु (म० नि० ३.३७९) तथा एव वुत्तत्ता। वसन्ति नामाति वसन्ता एव नाम होन्ति, न वुत्थवासा। तस्माति वुत्थवासत्ता। ननु च “सो ‘इदं दुक्ख’न्ति यथाभूतं पजानाती”तिआदिना पाळियं सम्पादिद्वियेव वुत्ता, न सम्पासङ्कप्पादयो, अथ कस्मा “चतूसु सच्चेसु चतूहि मग्गेहि परिज्जापहानसच्छिकिरियाभावनावसेन सोळसविधं किच्चं निद्वापित”न्ति अट्ठङ्गिकस्स मग्गस्स साधारणतो वुत्तन्ति? सम्पासङ्कप्पादीनम्पि चतुकिच्चसाधनवसेन पवत्तितो। सम्पादिद्विया हि चतूसु सच्चेसु परिज्जादिकिच्चसाधनवसेन पवत्तमानाय सम्पासङ्कप्पादीनम्पि सेसानं दुक्खसच्चे परिज्जाभिसमयानुगुणाव पवत्ति, इतरसच्चेसु च नेसं पहानाभिसमयादिवसेन पवत्ति पाकटा एवाति। दुक्खनिरोधमग्गेसु यथाक्कमं परिज्जासच्छिकिरियाभावनापि यावदेव समुदयपहानत्थाति कत्वा तदत्थेयेव तासं पक्खिपनेन “कतं करणीय”न्ति पदस्स अधिप्पायं विभावेतुं “तेना”तिआदि वुत्तं। “दुक्खमूलं समुच्छिन्न”न्ति इमिनापि तदेव पकारन्तरेण विभावेति।

कस्मा पनेत्थ “कतं करणीय”न्ति अतीतनिद्वेसो कतोति आह “पुथुज्जनकल्याणकादयो”तिआदि। इमे पकारा इत्थं, तब्भावो इत्थत्तन्ति दस्सेति “इत्थभावाया”ति इमिना, आय-सद्दो च सम्पदानत्थे, तदत्थायाति अत्थो। ते पन पकारा अरियमग्गव्यापारभूता परिज्जादयो इधाधिप्पेताति वुत्तं “एवं सोळसकिच्चभावाया”ति। ते हि मग्गं पच्चवेक्खतो मग्गानुभावेन पाकटा हुत्वा उपट्ठहन्ति मग्गे पच्चवेक्खिते तंकिच्चपच्चवेक्खणायपि सुखेन सिद्धितो। एवं साधारणतो चतूसु मग्गेसु पच्चवेकं चतुकिच्चवसेन सोळसकिच्चभावं पकासेत्वा तेसुपि किच्चेसु पहानमेव पधानं तदत्थत्ता इतरेसं परिज्जादीनन्ति तदेव विसेसतो पकासेतुं “किलेसक्खयभावाय वा”ति आह।

अपिच पुरिमनयेन पच्चवेक्खणपरम्पराय पच्चवेक्खणविधिं दस्सेत्वा इदानि पधानत्ता पहीनकिलेसपच्चवेक्खणविधिमेव दस्सेतुं एवं वुत्तन्तिपि दट्ठब्बं। दुतियविकप्पे अयं पकारो इत्थं, तब्भावो इत्थत्तं, आयसद्दो चेत्थ सम्पदानवचनस्स कारियभूतो निस्सवकत्थेति दस्सेति “इत्थभावतो”ति इमिना। “इमस्मा एवं पकारा”ति पन वदन्तो पकारो नाम पकारवन्ततो अत्थतो भेदो नत्थि। यदि हि सो भेदो अस्स, तस्सेव सो पकारो न सिया,

तस्मा इत्थं-सद्दो पकारवन्तवाचको, अत्थतो पन अभेदेपि सति अवयवावयवितादिना भेदपरिकप्पनावसेन सिया किञ्चि भेदमत्थं, तस्मा इत्थत्तसद्दो पकारवाचकोति दस्सेति । अयमिध टीकायं, (दी० नि० टी० १.२४८) मज्झिमागमटीकाविनयटीकादीसु (सारत्थ० टी० १.१४) च आगतनयो ।

सद्दविदू पन पवत्तिनिमित्तानुसारेण एवमिच्छन्ति – अयं पकारो अस्साति इत्थं, पकारवन्तो । विचित्रा हि तद्धितवृत्ति । तस्स भावो इत्थत्तं, पकारो, इममत्थं दस्सेन्तो “इत्थभावतो इमस्मा एवं पकारा”ति आहाति । पठमविकप्पेपि यथारहं एस नयो । इदानी वत्तमानखन्धसन्तानाति सरूपकथनं । अपरन्ति अनागतं । “इमे पन पञ्चक्खन्धा परिज्जाता तिट्ठन्ती”ति इदानी पाठो, “इमे पन चरिमकत्तभावसङ्घाता पञ्चक्खन्धा परिज्जाता तिट्ठन्ती”ति पन मज्झिमागमविनयटीकादीसु, (सारत्थ० टी० १.१४) इध च टीकायं (दी० नि० टी० १.२४८) उल्लिङ्गितपाठो । तत्थ चरिमकत्तभावसङ्घाताति एकसन्ततिपरियापन्नभावेन पच्छिमकत्तभावकथिता । परिज्जाताति मग्गेन परिच्छिज्ज जाता । तिट्ठन्तीति अप्पतिट्ठा अनोकासा तिट्ठन्ति । एतेन हि तेसं खन्धानं अपरिज्जामूलाभावेन अपतिट्ठाभावं दस्सेति । अपरिज्जामूलिका हि पतिट्ठा, तदभावतो पन अप्पतिट्ठाभावो । यथाह “कबलीकारे चे भिक्खवे आहारे अत्थि रागो, अत्थि नन्दी, अत्थि तण्हा, पतिट्ठितं तत्थ विज्जाणं विरुद्धं”न्तिआदि (सं० नि० १.२.६४; कथाव० २९६; महानि० ७) । तदुपमं विभावेति “छिन्नमूलका रुक्खा विया”ति इमिना, यथा छिन्नमूलका रुक्खा मूलाभावतो अप्पतिट्ठा अनोकासा तिट्ठन्ति, एवमेतेपि अपरिज्जामूलाभावतोति । अयमेत्थ ओपम्मसंसन्दना । चरिमकचित्तनिरोधेनाति परिनिब्बानचित्तनिरोधेन । अनुपादानोति अनिन्धनो । अपण्णत्तिकभावन्ति येषु खन्धेषु विज्जमानेषु तथा तथा परिकप्पनासिद्धा पज्जन्ति, तदभावतो तस्सापि धरमानकपज्जत्तिया अभावेन अपज्जत्तिकभावं गमिस्सन्ति । पण्णत्ति पज्जत्तीति हि अत्थतो एकं यथा “पज्जास पण्णासा”ति । पज्जास पण्णादेसोति हि अक्खरचित्तका वदन्ति ।

२४९. येभुय्येन संखिपत्ति सङ्कुचितो भवतीति सङ्केपो, पब्बतमत्थकं । तज्झि पब्बतपादतो अनुक्कमेन बहुलं संखित्तं सङ्कुचितं होति । तेनाह “पब्बतमत्थके”ति, पब्बतसिखरेति अत्थो । अयं अट्ठकथामुत्तको नयो – सङ्क्षिपीयति पब्बतभावेन गणीयतीति सङ्केपो, पब्बतपरियापन्नो पदेसो, तस्मिं पब्बतपरियापन्ने पदेसेति अत्थोति । अनाविलोति अकालुसियो, सा चस्स अनाविलता कद्दमाभावेन होतीति आह “निक्कद्दमो”ति । सपति

अपदापि समाना गच्छतीति **सिप्पि**, खुद्दका सिप्पि **सिप्पियो** का-कारस्स य-कारं कत्वा, यो “मुत्तिको”तिपि वुच्चति। सवति पसवतीति **सम्बुको**, यं “जलसुत्ति, सङ्गलिका”ति च वोहरन्ति। समाहारे येभुय्यतो नपुंसकपयोगोति वुत्तं “**सिप्पियसम्बुक**”न्ति। एवमीदिसेसु। **सक्खरा**ति मुट्ठिप्पमाणा पासाणा। **कथलानी**ति कपालखण्डानि। समूहवाचकस्स घटासद्वस्स इत्थि लिङ्गस्सापि दिस्सनतो “**गुम्ब**”न्ति पदस्सत्थं दस्सेति “**घटा**”ति इमिना।

कामज्ज “सिप्पियसम्बुकम्पि सक्खरकथलम्पि मच्छगुम्बम्पि तिड्ढन्तम्पि चरन्तम्पी”ति एत्थ सक्खरकथलं तिड्ढतियेव, सिप्पियसम्बुकमच्छगुम्बानि चरन्तिपि तिड्ढन्तिपि, तथापि सहचरणनयेन सब्बानेव चरन्ति विय एवं वुत्तन्ति अत्थं दस्सेन्तो “**तिड्ढन्तम्पि चरन्तम्पीति एत्था**”तिआदिमाह। तथ हि “**सक्खरकथलं तिड्ढतियेवा**”तिआदिना यथासम्भवमत्थं दस्सेति, “**यथा पना**”तिआदिना पन सहचरणनयं। **पन**-सद्वो अरुचिसंसूचने, तथापीति अत्थो। **अन्तरन्तरा**ति बहूनं गावीनमन्तरन्तरा ठितासु गावीसु विज्जमानासुपि। **गावो**ति गावियो। **इतरापी**ति ठितापि निसिन्नापि। **चरन्तीति वुच्चन्ति** सहचरणनयेन। **तिड्ढन्तमेवा**तिआदीसु अयमधिप्पायो – सिप्पियसम्बुकमच्छगुम्बानं चरणकिरियायपि योगतो ठानकिरियाय अनेकन्तत्ता एकन्ततो तिड्ढन्तमेव न कदाचिपि चरन्तं सक्खरकथलं उपादाय सिप्पियसम्बुकम्पि मच्छगुम्बम्पि तिड्ढन्तन्ति वुत्तं, न तु तेसं ठानकिरियमुपादाय। तेसं पन चरणकिरियमुपादाय “**चरन्तम्पी**”ति पि-सद्वलोपो हेत्थ दद्वब्बो। **इतरम्पि द्वयन्ति** सिप्पियसम्बुकमच्छगुम्बं पदवसेन एवं वुत्तं। **इतरज्ज द्वयन्ति** सिप्पियसम्बुकमच्छगुम्बमेव। **चरन्तन्ति वुत्तन्ति** एत्थापि तेसं ठानकिरियमुपादाय “**तिड्ढन्तम्पी**”ति पि-सद्वलोपो, एवमेत्थ अड्ढकथाचरियेहि सहचरणनयां दस्सितो, आचरियधम्मपालत्थेरेन पन यथालाभनयोपि। तथा हि वुत्तं “**किं वा इमाय सहचरियाय, यथालाभगहणं पनेत्थ दद्वब्बं**। सक्खरकथलस्स हि वसेन तिड्ढन्तन्ति, सिप्पिसम्बुकस्स मच्छगुम्बस्स च वसेन तिड्ढन्तम्पि चरन्तम्पीति एवं योजना कातब्बा”ति (दी० नि० टी० १.२४९)। अलब्भमानस्सापि अत्थस्स सहयोगीवसेन देसनामत्तं पति सहचरणनयो, साधारणतो देसितस्सापि अत्थस्स सम्भववसेन विवेचनं पति यथालाभनयोति उभयथापि युज्जति।

एवम्पेत्थ वदन्ति – **अड्ढकथायं** “सक्खरकथलं तिड्ढतियेव, इतरानि चरन्तिपि तिड्ढन्तिपी”ति इमिना यथालाभनयो दस्सितो यथासम्भवं अत्थस्स विवेचितत्ता, “**यथा पना**”तिआदिना पन सहचरणनयो अलब्भमानस्सापि अत्थस्स सहयोगीवसेन देसनामत्तस्स

विभावित्ताति, तदेतम्पि अनुपवज्जमेव अत्थस्स युत्तत्ता, अट्ठकथायञ्च तथा दस्सनस्सापि सम्भवतोति दट्ठब्बं। “तत्था”तिआदि उपमासंसन्दनं। तीरेति उदकरहदस्स तीरे। उदकरहदो च नाम कत्थचि समुद्धोपि वुच्चति “रहदोपि तत्थ गम्भीरो, समुद्धो सरितोदको”तिआदीसु (दी० नि० ३.२७८)। कत्थचि जलसयोपि “रहदोपि तत्थ धरणी नाम, यतो मेघा पवस्सन्ति, वस्सा यतो पतायन्ती”तिआदीसु, (दी० नि० ३.२८१) इधापि जलसयोयेव। सो हि उदकवसेन रहो चक्खुरहादिकं ददातीति उदकरहदो ओ-कारस्स अ-कारं कत्वा। सद्धविदू पन “उदकं हरतीति उदकरहदो निरुत्तिनयेना”ति वदन्ति।

“एत्तावता”तिआदिना चतुत्थज्झानान्तरं दस्सितविपस्सनाजाणतो पट्ठा यथावुत्तत्थस्स सम्पिण्डनं। तत्थ एत्तावताति “पुन चपरं महाराज भिक्खु एवं समाहिते चित्ते...पे०... जाणदस्सनाय चित्तं अभिनीहरती”तिआदिना एत्तकेन, एतपरिमाणवन्तेन वा वचनक्कमेन। विपस्सनाजाणन्ति जाणदस्सनामेन दस्सितं विपस्सनाजाणं, तस्स च विसुं गणनदस्सनेन हेट्ठा चतुत्थज्झानान्तरं वत्तब्बताकारणेषु तीसु नयेसु ततियनयस्सेव युत्ततरभावोपि दीपितोति दट्ठब्बं। मनोमयजाणस्स इद्धिविधसमवरोधितभावे विसुद्धिमग्गे (विसुद्धि० २.३७९ आदयो) वुत्तेपि इध पाळियं विसुं देसितत्ता विसुं एव गहणं, तथा देसना च पाटियेक्कसन्दिट्ठिकसामञ्जफलत्थाति दट्ठब्बं। अनागतंसजाणयथाकम्मूपग-जाणद्वयस्स पाळियं अनागतत्ता “दिब्बचक्खुवसेन निप्फन्न”न्ति वुत्तं, तब्बसेन निप्फन्नत्ता तग्गहणेनेव गहितं तं जाणद्वयन्ति वुत्तं होति। दिब्बचक्खुस्स हि अनागतंसजाणं, यथाकम्मूपगजाणञ्चाति द्वेपि जाणानि परिभण्डानि होन्तीति। दिब्बचक्खुजाणन्ति चुतूपपातजाणनामेन दस्सितं दिब्बचक्खुजाणं।

सब्बेसं पन दसन्नं जाणानं आरम्मणविभागस्स विसुद्धिमग्गे अनागतत्ता तत्थानागतजाणानं आरम्मणविभागं दस्सेतुं “तेस”न्तिआदि वुत्तं। तेसन्ति दसन्नं जाणानं। तत्थाति तस्मिं आरम्मणविभागे, तेसु वा दससु जाणेषु। भूमिभेदतो परित्तमहग्गतं, कालभेदतो अतीतानागतपच्चुप्पन्नं, सन्तानभेदतो अज्झत्तबहिट्ठा चाति विपस्सनाजाणं सत्तविधारम्पणं। परित्तारम्पणादितिकत्तयेनेव हि तस्स आरम्मणविभागो, न मग्गारम्पणतिकेन। निम्मितरूपायतनमत्तमेवाति अत्तना निम्मितं रूपारम्पणमेव, अत्तना वा निम्मिते मनोमये काये विज्जमानं रूपायतनमेवातिपि युज्जति। इदञ्चि तस्स जाणस्स अभिनिम्मियमाने मनोमये काये रूपायतनमेवारब्ध पवत्तनतो वुत्तं, न पन तत्थ

गन्धायतनादीनमभावतो । न हि रूपकलापो गन्धायतनादिविरहितो अत्थीति सब्बथा परिनिप्फन्नमेव निम्मितरूपं । तेनाह “परित्तपच्चुप्पन्नबहिद्धारम्मण”न्ति, यथाक्कमं भूमिकालसन्तानभेदतो तिब्बिधारम्मणन्ति अत्थो । निब्बानवसेन एकधम्मारम्मणम्पि समानं आसवक्खयजाणं परित्तारम्मणादितिकवसेन तिविधारम्मणं दस्सेतुं “अप्पमाणबहिद्धानवत्तब्बारम्मण”न्ति वुत्तं । तज्झि परित्ततिकवसेन अप्पमाणारम्मणं, अज्झत्तिकवसेन बहिद्धारम्मणं, अतीततिकवसेन नवत्तब्बारम्मणञ्च होति ।

उत्तरितरसद्धो, पणीतरसद्धो च परियायोति दस्सेति “सेट्ठतर”न्ति इमिना । रतनकूटं विय कूटागारस्स अरहत्तं कूटं उत्तमङ्गभूतं भगवतो देसनाय अरहत्तपरियोसानत्ताति आह “अरहत्तनिकूटेना”ति । देसनं निट्ठापेसीति तित्थकरमतहरविभाविनिं नानाविधकुहनलपनादिमिच्छाजीवविद्धंसिनिं तिविधसीललङ्कतपरमसल्लेखपटिपत्तिपरिदीपिनिं ज्ञानाभिज्जादित्तरिमनुस्सधम्मविभूसिनिं चुट्टसविधमहासामञ्जफलपटिमण्डितं अनञ्जसाधारणं सामञ्जफलदेसनं रतनागारं विय रतनकूटेन अरहत्तकूटेन निट्ठापेसि “विमुत्तस्मि”न्ति इमिना, अरहत्तफलस्स देसितत्ताति अत्थो ।

अजातसत्तुउपासकत्तपटिवेदनाकथावण्णना

२५०. एत्तावता भगवता देसितस्स सामञ्जफलसुत्तस्स अत्थवण्णनं कत्वा इदानी धम्मसङ्गाहकेहि सङ्गीतस्स “एवं वुत्ते”तिआदिपाठस्सपि अत्थवण्णनं करोन्तो पठमं सम्बन्धं दस्सेतुं “राजा”तिआदिमाह । तत्थ तत्थाति तस्मिं तस्मिं सामञ्जफले, सुत्तपदेसे वा । करणं कारो, साधु इति कारो तथा, “साधु भगवा, साधु सुगता”तिआदिना तं पवत्तेन्तो । आदिमज्झपरियोसानन्ति देसनाय आदिज्ज मज्झञ्च परियोसानञ्च । सक्कच्चं सादरं गारवं सुत्वा, “चिन्तेत्वा”ति एत्थ इदं पुब्बकालकिरियावचनं । इमे पज्जे पुथू समणब्राह्मणे पुच्छन्तो अहं चिरं वत अम्हि, एवं पुच्छन्तोपि अहं थुसे कोट्ठेन्तो विय कज्जि सारं नालत्थन्ति योजना । तथा यो...पे०... विस्सज्जेसि, तस्स भगवतो गुणसम्पदा अहो वत । दसबलस्स गुणानुभावं अजानन्तो अहं वज्जितो सुचिरं वत अम्हीति । वज्जितोति च अज्जाणेन वज्जितो आवट्ठितो, मोहेन पटिच्छादितो अम्हीति वुत्तं होति । तेनाह “दसबलस्स गुणानुभावं अजानन्तो”ति । सामञ्जजोतना हि विसेसे अवतिट्ठति । चिन्तेत्वा आविकरोन्तोति सम्बन्धो । उल्लङ्घनसमत्थायपि उब्बेगपीतिया अनुल्लङ्घनम्पि सियाति आह “पज्जविधाय पीतिया फुटसरीरो”ति । फुटसरीरोति च फुसितसरीरोति अत्थो, न

ब्यापितसरीरोति सब्बाय पीतिया अब्यापितत्ता । तन्ति अत्तनो पसादस्स आविकरणं, उपासकत्तपवेदनञ्च । आरद्धं धम्मसङ्गाहकेहि ।

अभिवक्कन्ताति अतिक्कन्ता विगता, विगतभावो च खयो एवाति आह “खये दिस्सती”ति । तथा हि वुत्तं “निक्खन्तो पठमो यामो”ति । अभिवक्कन्तरोति अतिविय कन्ततरो मनोरमो, तादिसो च सुन्दरो भद्दको नामाति वुत्तं “सुन्दरे”ति ।

“को मे”तिआदि गाथा विमानवत्थुन्दि (वि० व० ८५७) । तत्थ कोति देवनागयक्खगन्धब्बादीसु कतमो । मेति मम । पादानीति पादे, लिङ्गविपरियायोयं । इद्धियाति ईदिसाय देविद्धिया । यस्साति ईदिसेन परिवारेन, परिजनेन च । जलन्ति जलन्तो विज्जोतमानो । अभिवक्कन्तेनाति अतिविय कन्तेन कमनीयेन, अभिरूपेनाति वुत्तं होति । वण्णेनाति छविवण्णेन सरीरवण्णनिभाय । सब्बा ओभासयं दिसाति सब्बा दसपि दिसा ओभासयन्तो । चन्दो विय, सूरियो विय च एकोभासं एकालोकं करोन्तो को वन्दतीति सम्बन्धो ।

अभिरूपेति अतिरेकरूपे उलारवण्णेन सम्पन्नरूपे । अब्भानुमोदनेति अभिअनुमोदने अभिष्पमोदितभावे । किमत्थियं “अब्भानुमोदने”ति वचनन्ति आह “तस्मा”तिआदि । युत्तं ताव होतु अब्भानुमोदने, कस्मा पनायं द्विक्खत्तुं वुत्तोति चोदनाय सोधनामुखेन आमेटितविसयं निद्धारेति “भये कोधे”तिआदिना, इमिना सहलक्खणेन हेतुभूतेन एवं वुत्तो, इमिना च इमिना च विसयेनाति वुत्तं होति । “साधु साधु भन्ते”ति आमेटितवसेन अत्थं दस्सेत्वा तस्स विसयं निद्धारेन्तो एवमाहातिपि सम्बन्धं वदन्ति । तत्थ “चोरो चोरो, सप्पो सप्पो”तिआदीसु भये आमेटितं, “विज्झ विज्झ, पहर पहरा”तिआदीसु कोधे, “साधु साधु”तिआदीसु (सं० नि० १.२.१२७; २.३.३५; ३.५.१०८५) पसंसायं, “गच्छ गच्छ, लुनाहि लुनाही”तिआदीसु तुरित्ते, “आगच्छ आगच्छा”तिआदीसु कोतूहले, “बुद्धो बुद्धोति चिन्तेन्तो”तिआदीसु (बु० वं० २.४४) अच्छरे, “अभिवक्कमथायस्मन्तो अभिवक्कमथायस्मन्तो”तिआदीसु (दी० नि० ३.२०; अ० नि० ३.९.११) हासे, “कहं एकपुत्तक, कहं एकपुत्तका”तिआदीसु (सं० नि० १.२.६३) सोके, “अहो सुखं, अहो सुख”न्तिआदीसु (उदा० २०; दी० नि० ३.३०५) पसादे । चसद्दो अवुत्तसमुच्चयत्थो, तेन गरहा असम्मानादीनं सङ्गहो दट्ठब्बो । “पापो पापो”तिआदीसु हि गरहायं, “अभिरूपक अभिरूपका”तिआदीसु असम्माने । एवमेतेसु नवसु, अज्जेसु च विसयेसु

आमेडितवचनं बुधो करेय्य, योजेय्याति अत्थो । आमेडनं पुनप्पुनमुच्चारणं, आमेडीयति वा पुनप्पुनमुच्चारणीयतीति **आमेडितं**, एकस्सेवत्थस्स द्वत्तिक्खत्तुं वचनं । **मेडिसद्दो** हि उम्मादने, आपुब्बो तु द्वत्तिक्खत्तुमुच्चारणे वत्तति यथा “एतदेव यदा वाक्य-मामेडयति वासवो”ति ।

एवं आमेडितवसेन द्विक्खत्तुं वुत्तभावं दस्सेत्वा इदानीं नयिदं आमेडितवसेनेव द्विक्खत्तुं वुत्तं, अथ खो पच्चेकमत्थद्वयवसेनपीति दस्सेन्तो “**अथ वा**”तिआदिमाह । आमेडितवसेन अत्थं दस्सेत्वा विच्छावसेनापि दस्सेन्तो एवमाहातिपि वदन्ति, तदयुत्तमेव व्यापेतब्बस्स द्विक्खत्तुमवुत्तता । व्यापेतब्बस्स हि व्यापकेन गुणकिरियादब्बेन व्यापनिच्छाय द्वत्तिक्खत्तुं वचनं विच्छा यथा “गामो गामो रमणीयो”ति । तत्थ **अभिवक्कन्तन्ति** अभिवक्कमनीयं, तब्भावो च अतिइड्डतायाति वुत्तं “**अतिइड्ड**”न्तिआदि, पदत्तयज्जेतं परियायवचनं । **एत्था**ति द्वीसु अभिवक्कन्तसद्देसु । “अभिवक्कन्त”न्ति वचनं अपेक्खित्वा नपुंसकलिङ्गेन वुत्तं, तं पन भगवतो वचनं धम्मदेसनायेवाति कत्वा “**यदिदं भगवतो धम्मदेसना**”ति आह, यायं भगवतो धम्मदेसना मया सुता, तदिदं भगवतो धम्मदेसनासङ्घातं वचनं अभिवक्कन्तन्ति अत्थो । एवं पटिनिद्देसोपि हि अत्थतो अभेदत्ता युत्तो एव “यत्थ च दिन्नं महप्फलमाहू”तिआदीसु (वि० व० ८८८) विय । “अभिवक्कन्त”न्ति वुत्तस्स वा अत्थमत्तदस्सनं एतं, तस्मा अत्थवसेन लिङ्गविभक्तिविपरिणामो वेदितब्बो, कारियविपरिणामवसेन चेत्थ विभक्तिविपरिणामता । वचनन्ति हेत्थ सेसो, अभिवक्कन्तं भगवतो वचनं, यायं भगवतो धम्मदेसना मया सुता, सा अभिवक्कन्तं अभिवक्कन्ताति अत्थो । दुतियपदेपि “अभिवक्कन्तन्ति पसादनं अपेक्खित्वा नपुंसकलिङ्गेन वुत्त”न्तिआदिना यथारहमेस नयो नेतब्बो ।

“**भगवतो वचन**”न्तिआदिना अत्थद्वयसरूपं दस्सेति । तत्थ **देसनासनतो**ति रागादिकिलेसदोसविद्धंसनतो । **गुणाधिगमनतो**ति सीलादिगुणानं सम्पादनवसेन अधिगमापनतो । ये गुणे देसना अधिगमेति, तेसु “गुणाधिगमनतो”ति वुत्तेसुयेव गुणेषु पधानभूता गुणा दस्सेतब्बाति ते पधानभूते गुणे ताव दस्सेतुं “**सद्भाजननतो पज्जाजननतो**”ति वुत्तं । सद्भापधाना हि लोकिया गुणा, पज्जापधाना लोकुत्तराति, पधाननिद्देसो चेस देसनाय अधिगमेतब्बेहि सीलसमाधिदुकादीहिपि योजनासम्भवतो । अज्जम्पि अत्थद्वयं दस्सेति “**सात्थतो**”तिआदिना । सीलादिअत्थसम्पत्तिया **सात्थतो** । सभावनिरुत्तिसम्पत्तिया **सब्बज्जनतो** । सुविज्जेय्यसद्दपयोगताय **उत्तानपदतो** । सण्हसुखुमभावेन

दुब्बिज्जेय्यत्थताय **गम्भीरत्थतो** । सिनिद्धमुदुमधुरसद्वपयोगताय **कण्णसुखतो** ।
 विपुलविसुद्धपेमनीयत्थताय **हृदयङ्गमतो** । मानातिमानविधमनेन **अनत्तुक्कंसनतो** ।
 थम्भसारम्भनिम्मद्वनेन **अपरवम्भनतो** । हिताधिप्पायप्पवत्तिता परेसं रागपरिळाहादिवूपसमनेन
करुणासीतलतो । किलेसन्धकारविधमनेन **पञ्जावदाततो** । अवदातं, ओदातन्ति च अत्थतो
 एकं । करवीकरुतमञ्जुताय **आपाथरमणीयतो** । पुब्बापराविरुद्धसुविसुद्धताय **विमद्वक्खमतो** ।
 आपाथरमणीयताय एव **सुय्यमानसुखतो** । विमद्वक्खमताय, हितज्झासयप्पवत्तिताय च
वीर्यंसियमानहिततोति एवमेत्थ अत्थो वेदितब्बो । आदिसद्देन पन संसारचक्कनिवत्तनतो,
 सद्धम्मचक्कप्पवत्तनतो, मिच्छावादविद्धंसनतो, सम्मावादपटिद्वापनतो,
 अकुसलमूलसमुद्धरणतो, कुसलमूलसंरोपनतो, अपायद्वारविधानतो, सग्गमग्गद्वारविवरणतो,
 परियुद्धानवूपसमनतो, अनुसयसमुग्घाटनतोति एवमादीनं सङ्गहो दट्ठब्बो ।

न केवलं पदद्वयेनेव, ततो परमि चतूहि उपमाहीति पि-सद्दो सम्पिण्डनत्थो ।
 “चक्खुमन्तो रूपानि दक्खन्ती”ति इदं “तेलपज्जोतं धारेय्या”ति चतुत्थउपमाय
 आकारमत्तदस्सनं, न पन उपमन्तरदस्सनन्ति आह “चतूहि उपमाही”ति । अधोमुखद्वपितन्ति
 केनचि अधोमुखं ठपितं । हेडामुखजातन्ति सभावेनेव हेडामुखं जातं । उग्घाटेय्याति विवटं
 करेय्य । “हत्थे गहेत्वा”ति समाचिक्खणदस्सनत्थं वुत्तं, “पुरत्थाभिमुखो, उत्तराभिमुखो वा
 गच्छ”तिआदिना वचनमत्तं अवत्वा “एस मग्गो, एवं गच्छ”ति हत्थे गहेत्वा निस्सन्देहं
 दस्सेय्याति वुत्तं होति । काळपक्खे चातुहसी **काळपक्खचातुहसी** । निरन्तररुक्खगहनेन
 एकग्घनो वनसण्डो **घनवनसण्डो** । मेघस्स पटलं **मेघपटलं**, मेघच्छन्नताति वुत्तं होति ।
निक्कुज्जितं उक्कुज्जेय्याति कस्सचिपि आधेय्यस्स अनाधारभूतं किञ्चि भाजनं
 आधारभावापादनवसेन उक्कुज्जेय्य उपरि मुखं ठपेय्य । हेडामुखजातताय **विमुखं**,
 अधोमुखद्वपितताय असद्धम्मे पतितन्ति एवं पदद्वयं निक्कुज्जितपदस्स यथादस्सितेन
 अत्थद्वयेन यथारहं योजेतब्बं, न यथासङ्गं । अत्तनो सभावेनेव हि एस राजा
 सद्धम्मविमुखो, पापमित्तेन पन देवदत्तेन पितुघातादीसु उय्योजितत्ता असद्धम्मे पतितोति ।
 वुद्वापेत्तेन भगवताति सम्बन्धो ।

“कस्सपस्स भगवतो”तिआदिना तदा रज्जा अवुत्तस्सापि अत्थापत्तिमत्तदस्सनं ।
 कामञ्च कामच्छन्दादयोपि पटिच्छादका नीवरणभावतो, मिच्छादिट्ठि पन सविसेसं
 पटिच्छादिका सत्ते मिच्छाभिनिवेसवसेनाति आह “**मिच्छादिट्ठिगहनपटिच्छन्न**”न्ति । तेनाह
 भगवा “मिच्छादिट्ठिपरमाहं भिक्खवे वज्जं वदामी”ति, [अ० नि० १.१.३१० (अत्थतो

समानं)] मिच्छादिद्विसङ्घातगुम्बपटिच्छन्नन्ति अत्थो । “मिच्छादिद्विगहनपटिच्छन्नं सासनं विवरन्तेना”ति वदन्तो सब्बबुद्धानं एकाव अनुसन्धि, एकंवा सासनन्ति कत्वा कस्सपस्स भगवतो सासनम्पि इमिना सद्धिं एकसासनं करोतीति ददुब्बं । अङ्गुत्तरट्ठकथादीसुपि हि तथा चेव वुत्तं, एवञ्च कत्वा मिच्छादिद्विगहनपटिच्छन्नस्स सासनस्स विवरणवचनं उपपन्नं होतीति ।

सब्बो अकुसलधम्मसङ्घातो अपायगामिमग्गो कुम्मग्गो कुच्छित्तो मग्गोति कत्वा । सम्मादिद्विआदीनं उजुपटिपक्खताय मिच्छादिद्विआदयो अट्ठ मिच्छत्तधम्मा मिच्छामग्गो मोक्खमग्गतो मिच्छा वितथो मग्गोति कत्वा । तेनेव हि तदुभयस्स पटिपक्खतं सन्धाय “सग्गमोक्खमग्गं आविकरोन्तेना”ति वुत्तं । सब्बो हि कुसलधम्मो सग्गमग्गो । सम्मादिद्विआदयो अट्ठ सम्मतधम्मा मोक्खमग्गो । सप्पिआदिसन्निस्सयो पदीपो न तथा उज्जले, यथा तेलसन्निस्सयोति तेलपज्जोतग्गहणं । धरेय्याति धरेय्य, समाहरेय्य समादहेय्याति अत्थो । बुद्धादिरतनरूपानीति बुद्धादीनं तिण्णं रतनानं वण्णायतनानि । तेसं बुद्धादिरतनरूपानं पटिच्छादकस्स मोहन्धकारस्स विद्धंसकं तथा । देसनासङ्घातं पज्जोतं तथा । तदुभयं तुल्याधिकरणवसेन वियूहित्वा तस्स धारको समादहकोति अत्थेन “तप्पटिच्छादकमोहन्धकारविद्धंसकदेसनापज्जोतधारकेना”ति वुत्तं । एतेहि परियायेहीति यथावुत्तेहि निक्कुज्जितुक्कुज्जनपटिच्छन्नविवरणमग्गाचिक्खणतेलपज्जोतधारण सङ्घात चतुब्बिधोपमोपमितब्बप्पकारेहि, यथावुत्तेहि वा नानाविधकुहनलपनादिमिच्छाजीवविधमनादिविभावनपरियायेहि । तेनाह “अनेकपरियायेन धम्मो पकासितो”ति ।

“एव”न्तिआदिना “एसाह”न्तिआदिपाठस्स सम्बन्धं दस्सेति । पसन्नचित्तायपसन्नाकारं करोति । पसन्नचित्ता च इमं देसनं सुत्वा एवाति अत्थं जापेतुं “इमाय देसनाया”तिआदि वुत्तं । इमाय देसनाय हेतुभूताय । पसन्नाकारन्ति पसन्नेहि साधुजनेहि कत्तब्बसक्कारं । सरणन्ति पटिसरणं । तेनाह “परायण”न्ति । परायणता पन अनत्थनिसेधनेन, अत्थसम्पादनेन चाति वुत्तं “अघस्स ताता, हितस्स च विधाता”ति । अघस्साति निस्सक्के सामिवचनं, पापतोति अत्थो । दुक्खतोतिपि वदन्ति केचि । तायति अवस्सयं करोतीति ताता । हितस्साति उपयोगत्थे सामिवचनं । विदहति संविधानं करोतीति विधाता । “इति इमिना अधिप्पायेना”ति वदन्तो “इतिसद्दो चेत्थ लुत्तनिदिट्ठो, सो च आकारत्थो”ति दस्सेति । सरणन्ति गमनं । हिताधिप्पायेन भजनं, जाननं वा, एवञ्च कत्वा विनयट्ठकथादीसु “सरणन्ति गच्छामी”ति सहेव इतिसद्देन अत्थो वुत्तोति । एत्थ हि नायं

गमि-सद्धो नी-सद्वादयो विय द्विकम्मिको, तस्मा यथा “अजं गामं नेती”ति वुच्चति, एवं “भगवन्तं सरणं गच्छामी”ति वत्तुं न सक्का, “सरणन्ति गच्छामी”ति पन वत्तब्बं, तस्मा एत्थ इतिसद्धो लुत्तनिदिट्ठोति वेदितब्बं, एवञ्च कत्वा “यो बुद्धं सरणं गच्छति, सो बुद्धं वा गच्छेय्य सरणं वा”ति (खु० पा० अट्ठ० १.गमतीयदीपना) **खुट्ठकनिकायट्ठकथाय** उद्धटा चोदना अनवकासा। न हि गमि-सद्धं दुहादिन्यादिगणिकं करोन्ति अक्खरचिन्तकाति। होतु ताव गमि-सद्धस्स एककम्मभावो, तथापि “गच्छतेव पुब्बं दिसं, गच्छति पच्छिमं दिसं”न्तिआदीसु (सं० नि० १.१.१५९; २.३.८७) विय “भगवन्तं, सरणं”न्ति पदद्वयस्स समानाधिकरणता युत्ताति? न, तस्स पदद्वयस्स समानाधिकरणभावानुपपत्तिः। तस्स हि समानाधिकरणभावे अधिप्पेते पटिहतचित्तोपि भगवन्तं उपसङ्कमन्तो बुद्धं सरणं गतो नाम सिया। यच्चि तं “बुद्धो”ति विसेसितं सरणं, तमेवेस गतोति, न चेत्थ अनुपपत्तिकेन अत्थेन अत्थो, तस्मा “भगवन्तं”न्ति गमनीयत्थस्स दीपनं, “सरणं”न्ति पन गमनाकारस्साति वुत्तनयेन इतिलोपवसेनेव अत्थो गहेतब्बोति। **धम्मञ्च सङ्गच्चाति** एत्थापि एसेव नयो। होन्ति चेत्थ—

“गमिस्स एककम्मत्ता, इतिलोपं विजानिया।
पटिघातप्पसङ्गत्ता, न च तुल्यत्थता सिया।।

तस्मा गमनीयत्थस्स, पुब्बपदंव जोतकं।
गमनाकारस्स परं, इत्युत्तं सरणत्तये”ति।।

“इति इमिना अधिप्पायेन भगवन्तं गच्छामी”ति पन वदन्तो अनेनेव अधिप्पायेन भजनं, जाननं वा सरणगमनं नामाति नियमेति। तत्थ “गच्छामी”तिआदीसु पुरिमस्स पुरिमस्स पच्छिमं पच्छिमं अत्थवचनं, “गच्छामी”ति एतस्स वा अनञ्जसाधारणतादस्सनवसेन पाटियेक्कमेव अत्थवचनं “भजामी”तिआदिपदत्तयं। **भजन**हि सरणाधिप्पायेन उपसङ्कमनं, **सेवनं** सन्तिकावचरभावो, **परिपुपासनं** वत्तपटिवत्तकरणेन उपट्टानन्ति एवं सब्बथापि अनञ्जसाधारणतयेव दस्सेति। एवं “गच्छामी”ति पदस्स गतिअत्थं दस्सेत्वा बुद्धिअत्थम्पि दस्सेतुं “एवं वा”तिआदिमाह, तत्थ एवन्ति “भगवा मे सरणं”न्तिआदिना अधिप्पायेन। कस्मा पन “गच्छामी”ति पदस्स “बुद्धामी”ति अयमत्थो लब्धतीति चोदनं सोधेति “येसञ्जी”तिआदिना, अनेन च निरुत्तिनयमन्तरेण सभावतोव गमुधातुस्स बुद्धिअत्थोति दीपेति। **धातूनन्ति** मूलसद्दसङ्घातानं इ, या, कमु, गमुइच्चादीनं।

“अधिगतमग्गे, सच्छिकतनिरोधे”ति पदद्वयेनापि फलट्ठा एव दस्सिता, न मग्गट्ठाति ते दस्सेन्तो “यथानुसिद्धं पटिपज्जमाने चा”ति आह। ननु च कल्याणपुथुज्जनोपि “यथानुसिद्धं पटिपज्जती”ति बुच्चतीति ? किञ्चापि बुच्चति, निप्परियायेन पन मग्गट्ठा एव तथा वत्तब्बा, न इतरो नियामोक्कमनाभावतो। तथा हि ते एव “अपायेसु अपतमाने धारेती”ति वुत्ता। सम्मत्तनियामोक्कमनेन हि अपायविनिमुत्तिसम्भवोति। एवं अनेकेहिपि विनय- (सारत्थ० टी० १.वेरज्जकण्डवण्णना) -सुत्तन्तटीकाकारेही (दी० नि० टी० १.२५०) वुत्तं, तदेतं सम्मत्तनियामोक्कमनवसेन निप्परियायतो अपायविनिमुत्तके सन्धाय वुत्तं, तदनुपपत्तिवसेन पन परियायतो अपायविनिमुत्तकं कल्याणपुथुज्जनम्पि “यथानुसिद्धं पटिपज्जमाने”ति पदेन दस्सेतीति दट्ठब्बं। तथा हेस दक्खिणविभङ्गसुत्तादीसु (म० नि० ३.३७९) सोतापत्तिफलसच्छिकिरियाय पटिपन्नभावेन वुत्तोति, छत्तविमाने (वि० व० ८८६ आदयो) छत्तमाणवको चेत्थ निदस्सनं। अधिगतमग्गे, सच्छिकतनिरोधे च यथानुसिद्धं पटिपज्जमाने च पुग्गले अपायेसु अपतमाने कत्वा धारेतीति सपाठसेसयोजना। अतीतकालिकेन हि पुरिमपदद्वयेन फलट्ठानमेव गहणं, वत्तमानकालिकेन च पच्छिमेन पदेन सह कल्याणपुथुज्जनेन मग्गट्ठानमेव। “अपतमाने”ति पन पदेन धारणाकारदस्सनं अपतनकरणवसेनेव धारेतीति, धारणसरूपदस्सनं वा। धारणं नाम अपतनकरणमेवाति, अपतनकरणञ्च अपायादिनिब्वत्तककिलेसविद्धंसनवसेन वट्ठतो निव्व्यानमेव। “अपायेसू”ति हि दुक्खबहुलट्ठानताय पधानवसेन वुत्तं, वट्ठदुक्खेसु पन सब्बेसुपि अपतमाने कत्वा धारेतीति अत्थो वेदितब्बो। तथा हि अभिधम्मट्ठकथायं वुत्तं “सोतापत्तिमग्गो चेत्थ अपायभवतो वुट्ठाति, सकदागामिमग्गो सुगतिकामभवेकदेसतो, अनागामिमग्गो कामभवतो, अरहत्तमग्गो रूपारूपभवतो, सब्बभवेहिपि वुट्ठाति एवाति वदन्ती”ति (ध० स० अट्ठ० ३५०) एवञ्च कत्वा अरियमग्गो निव्व्यानिकताय, निव्वानञ्च तस्स तदत्थसिद्धिहेतुतायाति उभयमेव निप्परियायेन धम्मो नामाति सरूपतो दस्सेतुं “सो अत्थतो अरियमग्गो चेव निव्वानञ्चा”ति वुत्तं। निव्वानञ्चि आरम्भणं लभित्वा अरियमग्गस्स तदत्थसिद्धि, स्वायमत्थो च पाळिया एव सिद्धोति आह “वुत्तञ्चेत”न्तिआदि। यावताति यत्तका। तेसन्ति तत्तकानं धम्मानं। “अग्गो अक्खायती”ति वत्तब्बे ओ-कारस्स अ-कारं, म-कारागमञ्च कत्वा “अगमक्खायती”ति वुत्तं। “अक्खायती”ति चेत्थ इतिसद्दो आदिअत्थो, पकारत्थो वा, तेन “यावता भिक्खवे धम्मा सङ्गता वा असङ्गता वा, विरागो तेसं अगमक्खायती”तिआदि (इतिवु० ९०; अ० नि० १.४.३४) सुत्तपदं सङ्गहाति, “वित्थारो”ति इमिना वा तदवसेससङ्गहो।

यस्मा पन अरियफलानं “ताय सद्धाय अवूपसन्ताया”तिआदि वचनतो मग्गेन समुच्छिन्नानं किलेसानं पटिप्पस्सद्धिप्पहानकिच्चताय निय्यानानुगुणता, निय्यानपरियोसानता च, परियत्तिया पन निय्यानधम्मसमधिगमहेतुताय निय्यानानुगुणताति इमिना परियायेन वुत्तनयेन धम्मभावो लब्धति, तस्मा तदुभयम्पि सङ्गणहन्तो “न केवलञ्चा”तिआदिमाह । स्वायमत्थो च पाठारुहो एवाति दस्सेति “वुत्तञ्जेत”न्तिआदिना । तत्थ छत्तमाणवकविमानेति छत्तो किर नाम सेतव्यायं ब्राह्मणमाणवको, सो उक्कट्टायं पोक्खरसातिब्राह्मणस्स सन्तिके सिप्पं उग्गहेत्वा “गरुदक्खिणं दस्सामी”ति उक्कट्टाभिमुखो गच्छति, अथस्स भगवा अन्तरामग्गे चोरन्तरायं, तावतिसंभवने निब्बत्तमानञ्च दिस्वा गाथाबन्धवसेन सरणगमनविधिं देसेसि, तस्स तावतिसंभवनुपगस्स तिसंयोजनिकं विमानं छत्तमाणवकविमानं । देवल्लोकेपि हि तस्स मनुस्सकाले समञ्जा यथा “मण्डूको देवपुत्तो, (वि० व० ८५८ आदयो) कुवेरो देवराजा”ति, इध पन छत्तमाणवकविमानं वत्थु कारणं एतस्साति कत्वा उत्तरपदलोपेन “न तथा तपति नभे सूरियो, चन्दो च न भासति न फुस्सो, यथा”तिआदिका (वि० व० ८८९) देसना “छत्तमाणवकविमान”न्ति वुच्चति, तत्रायं गाथा परियापन्ना, तस्मा छत्तमाणवकविमानवत्थुदेसनायन्ति अत्थो वेदितव्वो ।

कामरागो भवरागोति एवमादिभेदो अनादिकालविभावितो सब्बोपि रागो विरज्जति पहीयति एतेनाति रागविरागो, मग्गो । एजासङ्घाताय तण्हाय, अन्तोनिज्झानलक्खणस्स च सोकस्स तदुप्पत्तियं सब्बसो परिक्खीणत्ता नत्थि एजा, सोको च एतस्मिन्ति अनेजं, असोकञ्च, फलं । तददुक्कथायं (वि० व० अट्ठ० ८८७) पन “तण्हावसिद्धानं सोकनिमित्तानं किलेसानं पटिप्पस्सम्भनतो असोक”न्ति वुत्तं । धम्ममसङ्गतन्ति सम्पज्ज सम्भूय पच्चयेहि अप्पटिसङ्गतत्ता असङ्गतं अत्तनो सभावधारणतो परमत्थधम्मभूतं निब्बानं । तददुक्कथायं पन “धम्मन्ति सभावधम्मं । सभावतो गहेतव्वधम्मो हेस, यदिदं मग्गफलनिब्बानानि, न परियत्तिधम्मो विय पज्जत्तिधम्मवसेना”ति (वि० व० अट्ठ० ८८७) वुत्तं, एवं सति धम्मसद्धो तीसुपि ठानेसु योजेतव्वो । अप्पटिकूलसद्देन च तत्थ निब्बानमेव गहितं “नत्थि एत्थ किञ्चिपि पटिकूल”न्ति कत्वा, अप्पटिकूलन्ति च अविरोधदीपनतो किञ्चि अविरुद्धं, इट्ठं पणीतन्ति वा अत्थो । पगुणरूपेण पवत्तितत्ता, पकट्टगुणविभावनतो वा पगुणं । यथाह “विहिंससज्जी पगुणं न भासिं, धम्मं पणीतं मनुजेसु ब्रह्मे”ति (म० नि० १.२८३; २.३३९; महाव० ९) ।

धम्मक्खन्धा कथिताति योजना । एवं इध चतूहिपि पदेहि परियत्तिधम्मोयेव गहितो,

तदद्वकथायं पन “सवनवेलायं, उपपरिक्खणवेलायं, पटिपज्जनवेलायन्ति सब्बदापि इड्ढमेवाति मधुरं, सब्बज्जुतज्जाणसन्निस्सयाय पटिभानसम्पदाय पवत्तितत्ता सुप्पवत्तिभावतो, निपुणभावतो च पगुणं, विभजितब्बस्स अत्थस्स खन्धादिवसेन, कुसलादिवसेन, उद्देसादिवसेन च सुद्ध विभजनतो सुविभत्तन्ति तीहिपि पदेहि परियत्तिधम्ममेव वदती”ति (वि० व० अट्ठ० ८८७) वुत्तं। आपाथकाले विय मज्जनकालेपि, कथेन्तस्स विय सुणन्तस्सापि सम्मुखीभावतो उभतोपच्चक्खतादस्सनत्थं इधेव “इम”न्ति आसन्नपच्चक्खवचनमाह। पुन “धम्म”न्ति इदं यथावुत्तस्स चतुब्बिधस्सापि धम्मस्स साधारणवचनं। परियत्तिधम्मोपि हि सरणेसु च सीलेसु च पटिद्वानमत्तायपि याथावपटिपत्तिया अपायपतनतो धरेति, इमस्स च अत्थस्स इदमेव छत्तमाणवकविमानं साधकन्ति दद्वब्बं। साधारणभावेन यथावुत्तं धम्मं पच्चक्खं कत्वा दस्सेन्तो पुन “इम”न्ति आह। यस्मा चेसा भ-कारत्तयेन च पटिमण्डिता दोधकगाथा, तस्मा ततियपादे मधुरसद्दे म-कारो अधिकोपि अरियचरियादिपदेहि विय अनेकक्खरपदेन युत्तत्ता अनुपवज्जोति दद्वब्बं।

दिट्ठिसीलसङ्घातेनाति “यायं दिट्ठि अरिया निव्यानिका निव्याति तक्करस्स सम्मा दुक्खक्खयाय, तथारूपाय दिट्ठिया दिट्ठिसामज्जगतो विहरती”ति (दी० नि० ३.३२४, ३५६; अ० नि० २.६.११; परि० २७४) एवं वुत्ताय दिट्ठिया चेव “यानि तानि सीलानि अखण्डानि अच्छिद्धानि असबलानि अकम्मासानि भुजिस्सानि विज्जुपसत्थानि अपरामद्धानि समाधिसंवत्तनिकानि, तथारूपेहि सीलेहि सीलसामज्जगतो विहरती”ति (दी० नि० ३.३२४, ३५६; म० नि० १.४९२; ३.५४; अ० नि० २.६.९२; परि० २७४) एवं वुत्तानं सीलानञ्च संहतभावेन, दिट्ठिसीलसामज्जेनाति अत्थो। संहतोति सङ्घटितो, समेतोति वुत्तं होति। अरियपुग्गला हि यत्थ कत्थचि दूरे ठितापि अत्तनो गुणसामगिया संहता एव। “वुत्तज्हेत”न्तिआदिना आहच्चपाठेन समत्थेति।

यत्थाति यस्मिं सद्दे। दिन्नन्ति परिच्चत्तं अन्नादिदेय्यधम्मं, गाथाबन्धत्ता चेत्थ अनुनासिकलोपो। दोधकगाथा हेसा। महप्फलमाहूति “महप्फल”न्ति बुद्धादयो आहु। चतूसूति चेत्थ च-कारो अधिकोपि वुत्तनयेन अनुपवज्जो। अच्चन्तमेव किलेसासुचितो विसुद्धत्ता सुचीसु। “सोतापन्नो सोतापत्तिफलसच्छिकिरियाय पटिपन्नो”तिआदिना (सं० नि० ३.५.४८८) वुत्तेसु चतूसु पुरिसयुगेसु। चतुसच्चधम्मस्स, निब्बानधम्मस्स च पच्चक्खतो दस्सेनेन, अरियधम्मस्स पच्चक्खदस्साविताय वा धम्मदसा। ते पुग्गला

मग्गट्ठफलट्ठे युगले अकत्वा विसुं विसुं पुग्गलगणनेन अट्ठ च होन्ति । इमं सङ्गं सरणत्थं सरणाय परायणाय अपायदुक्खवट्ठदुक्खपरिताणाय उपेहि उपगच्छ भज सेव, एवं वा जानाहि बुज्झस्सूति सह योजनाय अत्थो । यत्थ येसु सुचीसु चतूसु पुरिसयुगेसु दित्रं महप्फलमाहु, धम्मदसा ते पुग्गला अट्ठ च, इमं सङ्गं सरणत्थमुपेहीति वा सम्बन्धो । एवम्पि हि पटिनिद्वेसो युत्तो एव अत्थतो अभिन्नत्ताति दट्ठब्बं । गाथासुखत्थञ्चेत्थ पुरिसपदे ईकारं, पुग्गलापदे च रस्सं कत्वा निद्वेसो ।

एत्तावताति “एसाह”न्तिआदिवचनक्कमेन । तीणि वत्थूनि “सरण”न्ति गमनानि, तिक्खत्तुं वा “सरण”न्ति गमनानीति सरणगमनानि । पटिवेदेसीति अत्तनो हृदयगतं वाचाय पवेदेसि ।

सरणगमनकथावण्णना

सरणगमनस्स विसयप्पभेदफलसंकिलेसभेदानं विय, कत्तु च विभावना तत्थ कोसल्लाय होति येवाति सह कत्तुना तं विधिं दस्सेतुं “इदानीं तेसु सरणगमनेसु कोसल्लत्थं...पे०... वेदितब्बो”ति वुत्तं । “यो च सरणं गच्छती”ति इमिना हि कत्तारं विभावेति तेन विना सरणगमनस्सेव असम्भवतो, “सरणगमन”न्ति इमिना च सरणगमनमेव, “सरण”न्तिआदीहि पन यथाक्कमं विसयादयो । कस्मा पनेत्थ वोदानं न गहितं, ननु वोदानविभावनापि तत्थ कोसल्लाय होतीति ? सच्चमेतं, तं पन संकिलेसग्गहणेनेव अत्थतो विभावितं होतीति न गहितं । यानि हि नेसं संकिलेसकारणानि अज्जाणादीनि, तेसं सब्बेन सब्बं अनुप्पन्नानं अनुप्पादनेन, उप्पन्नानञ्च पहानेन वोदानं होतीति । अत्थतोति सरणसद्वत्थतो, “सरणत्थतो”तिपि पाठो, अयमेवत्थो । हिंसत्थस्स सरसद्वस्स वसेनेतं सिद्धन्ति दस्सेन्तो धात्वत्थवसेन “हिंसतीति सरण”न्ति वत्वा तं पन हिंसनं केसं, कथं, कस्स वाति चोदनं सोधेति “सरणगतान”न्तिआदिना । केसन्ति हि सरणगतानं । कथन्ति तेनेव सरणगमनेन । कस्साति भयादीनन्ति यथाक्कमं सोधना । तत्थ सरणगतानन्ति “सरण”न्ति गतानं । सरणगमनेनाति “सरण”न्ति गमनेन कुसलधम्मेन । भयन्ति वट्ठभयं । सन्तासन्ति चित्तुत्रासं तेनेव चेतसिकदुक्खस्स सङ्गहितत्ता । दुक्खन्ति कायिकदुक्खग्गहणं । दुग्गतिपरिकिलेसन्ति दुग्गतिपरियापन्नं सब्बम्पि दुक्खं “दुग्गतियं परिकिलिस्सनं संविबाधनं, समुपतापनं वा”ति कत्वा, तयिदं सब्बं परतो फलकथायं आवि भविस्सति । हिंसनञ्चेत्थ विनासनमेव, न पन सत्तहिंसनमिवाति दस्सेति “हनति

विनासेती”ति इमिना । एतन्ति सरणपदं । **अधिवचनन्ति** नामं, पसिद्धवचनं वा, यथाभुच्चं वा गुणं अधिकिच्च पवत्तवचनं । तेनाह **“रतनत्तयस्सेवा”**ति ।

एवं हिंसनत्थवसेन अविसेसतो सरणसद्वत्थं दस्सेत्वा इदानीं तदत्थवसेनेव विसेसतो दस्सेतुं **“अथ वा”**तिआदि वुत्तं । रतनत्तयस्स पच्चेकं हिंसनकारणदस्सनमेव हि पुरिमनयतो इमस्स विसेसोति । तत्थ हिंते **पवत्तनेनाति** “सम्पन्नसीला भिक्खवे विहरथा”तिआदिना (म० नि० १.६४, ६९) अत्थे सत्तानं नियोजनेन । **अहिता च निवत्तनेनाति** “पाणातिपातस्स खो पापको विपाको, पापकं अभिसम्पराय”न्तिआदिना आदीनवदस्सनादिमुखेन अनत्थतो च सत्तानं निवत्तनेन । **भयं हिंसतीति** हिताहितेसु अप्पवत्तिपवत्तिहेतुकं ब्यसनं अप्पवत्तिकरणेन विनासेति । भवकन्तारा उत्तारणेन मग्गसङ्घातो धम्मो, फलनिब्बानसङ्घातो पन अस्सासदानेन सत्तानं भयं हिंसतीति योजना । **कारानन्ति** दानवसेन, पूजावसेन च उपनीतानं सक्कारानं । अनुपसग्गोपि हि सद्दो सउपसग्गो विय अत्थविसेसवाचको **“अप्पकम्पि कतं कारं, पुज्जं होति महप्फल”**न्तिआदीसु विय । अनुत्तरदक्खिणेय्यभावतो विपुलफलपटिलाभकरणेन सत्तानं भयं हिं सतीति योजेतब्बं । **इमिनापि परियायेनाति** रतनत्तयस्स पच्चेकं हिंसकभावकारणदस्सनवसेन विभजित्वा वुत्तेन इमिनापि कारणेन । यस्मा पनिदं सरणपदं नाथपदं विय सुद्धनामपदत्ता धात्वत्थं अन्तोनीतं कत्वा सङ्केतत्थम्पि वदति, तस्मा हेट्ठा सरणं परायणन्ति अत्थो वुत्तोति दट्ठब्बं ।

एवं सरणत्थं दस्सेत्वा इदानीं सरणगमनत्थं दस्सेन्तो **“तप्पसादा”**तिआदिमाह । तत्थ **“सम्मासम्बुद्धो भगवा, स्वाक्खातो धम्मो, सुप्पटिपन्नो सङ्घो”**ति एवमादिना तस्मिं रतनत्तये पसादो **तप्पसादो**, तदेव रतनत्तयं गरु एतस्साति **तग्गरु**, तस्स भावो **तग्गरुता**, तप्पसादो च **तग्गरुता** च **तप्पसादतग्गरुता**, ताहि । **विहतकिलेसो** विधुतविचिकिच्छासम्मोहासद्धियादिपापधम्मत्ता, तदेव रतनत्तयं परायणं परागति ताणं लेणं एतस्साति **तप्परायणो**, तस्स भावो **तप्परायणता**, सायेव आकारो **तप्परायणताकारो**, तेन पवत्तो **तप्परायणताकारप्पवत्तो** । एत्थ च पसादग्गहणेन लोकियं सरणगमनमाह । तज्झि सद्धापधानं, न जाणपधानं, **गरुता**गहणेन पन लोकुत्तरं । अरिया हि रतनत्तयं गुणाभिज्जताय पासाणच्छत्तं विय गरुं कत्वा पस्सन्ति, तस्मा तप्पसादेन तदङ्गप्पहानवसेन विहतकिलेसो, तग्गरुताय च अगारवकरणहेतूनं समुच्छेदवसेनाति योजेतब्बं । तप्परायणता पनेत्थ तग्गतिकताति ताय चत्तुब्बिधम्पि वक्खमानं सरणगमनं गहितन्ति दट्ठब्बं । अविसेसेन

वा पसादगरुता जोतिताति पसादग्गहणेन अनवेच्चप्पसादस्स लोकियस्स, अवेच्चप्पसादस्स च लोकुत्तरस्स गहणं, तथा गरुताग्गहणेन लोकियस्स गरुकरणस्स, लोकुत्तरस्स चाति उभयेनपि पदेन उभयम्पि लोकियलोकुत्तरसरणगमनं योजेतब्बं। उप्पज्जति चित्तमेतेनाति उप्पादो, सम्पयुत्तधम्मसमूहो, चित्तञ्च तं उप्पादो चाति चित्तुप्पादो। समाहारद्वन्द्वेपि हि कथंचि पुल्लिङ्गमिच्छन्ति सद्विदू, तदाकारप्पवत्तं सद्धापज्जादिसम्पयुत्तधम्मसहितं चित्तं सरणगमनं नाम “सरणन्ति गच्छति एतेनाति कत्वा”ति वुत्तं होति। “तंसमङ्गी”तिआदि कत्तुविभावना। तेन यथावुत्तचित्तुप्पादेन समङ्गीति तंसमङ्गी। तेनाह “वुत्तप्पकारेण चित्तुप्पादेना”ति। उपेतीति भजति सेवति पयिरुपासति, जानाति वा, बुज्झतीति अत्थो।

लोकुत्तरं सरणगमनं केसन्ति आह. “दिट्ठसच्चाण”न्ति, अट्ठन्नं अरियपुग्गलानन्ति अत्थो। कदा तं इज्झतीति आह “मग्गक्खणे”ति, “इज्झती”ति पदेन चेतस्स सम्बन्धो। मग्गक्खणे इज्झमानेनेव हि चतुसच्चाधिगमेन फलद्वानम्पि सरणगमकता सिज्झति लोकुत्तरसरणगमनस्स भेदाभावतो, तेसञ्च एकसन्तानत्ता। कथं तं इज्झतीति आह “सरणगमनुपक्विलेससमुच्छेदेना”तिआदि, उपपक्विलेससमुच्छेदतो, आरम्मणतो, किच्चतो च सकलेपि रतनत्तये इज्झतीति वुत्तं होति। सरणगमनुपक्विलेससमुच्छेदेनाति चेत्थ पहानाभिसमयं सन्धाय वुत्तं, आरम्मणतोति सच्छिकिरियाभिसमयं। निब्बानारम्मणं हुत्वा आरम्मणतो इज्झतीति हि योजेतब्बं, त्वा-सद्धो च हेतुत्थवाचको यथा “सक्को हुत्वा निब्बत्ती”ति (ध० प० अट्ठ० १.२.२९)। अपिच “आरम्मणतो”ति वुत्तमेवत्थं सरूपतो नियमेति “निब्बानारम्मणं हुत्वा”ति इमिना। “किच्चतो”ति तदवसेसं भावनाभिसमयं परिज्जाभिसमयञ्च सन्धाय वुत्तं। “आरम्मणतो निब्बानारम्मणं हुत्वा”ति एतेन वा मग्गक्खणानुरूपं एकारम्मणतं दस्सेत्वा “किच्चतो”ति इमिना पहानतो अवसेसं किच्चत्तयं दस्सितन्ति दट्ठब्बं। “मग्गक्खणे, निब्बानारम्मणं हुत्वा”ति च वुत्तत्ता अत्थतो मग्गजाणसङ्घातो चतुसच्चाधिगमो एव लोकुत्तरसरणगमनन्ति विज्जायति। तत्थ हि चतुसच्चाधिगमने सरणगमनुपक्विलेसस्स पहानाभिसमयवसेन समुच्छिन्दनं भवति, निब्बानधम्मो पन सच्छिकिरियाभिसमयवसेन, मग्गधम्मो च भावनाभिसमयवसेन पटिविज्झियमानोयेव सरणगमनत्थं साधेति, बुद्धगुणा पन सावकगोचरभूता परिज्जाभिसमयवसेन पटिविज्झियमाना सरणगमनत्थं साधेन्ति, तथा अरियसङ्घगुणा। तेनाह “सकलेपि रतनत्तये इज्झती”ति।

फलपरियत्तीनम्पेत्थ वुत्तनयेन मग्गानुगुणप्पवत्तिया गहणं, अपारेज्जय्यभूतानञ्च

बुद्धसङ्गुणानं तग्गुणसामञ्जतायाति दड्ढब्बं। एवञ्चि सकलभावविसिद्धवचनं उपपन्नं होतीति। इज्झन्तञ्च सहेव इज्झति, न लोकियं विय पटिपाटिया असम्मोहपटिवेधेन पटिविद्धत्ताति गहेतब्बं। पदीपस्स विय हि एकक्खणेयेव मग्गस्स चतुकिच्चसाधनन्ति। ये पन वदन्ति “सरणगमनं निब्बानारम्मणं हुत्वा न पवत्तति, मग्गस्स अधिगतत्ता पन अधिगतमेव तं होति एकच्चानं तेविज्जादीनं लोकियविज्जादयो विया”ति, तेसं पन वचने लोकियमेव सरणगमनं सिया, न लोकुत्तरं, तच्च अयुत्तमेव दुविधस्सापि तस्स इच्छितब्बत्ता। तदङ्गप्पहानेन **सरणगमनुपक्किलेसविकखम्भनं। आरम्मणतो बुद्धादिगुणारम्मणं हुत्वाति** एत्थापि वुत्तनयेन अत्थो, सरणगमनुपक्किलेसविकखम्भनतो, आरम्मणतो च सकलेपि रतनत्तये इज्झतीति वुत्तं होति।

तन्ति लोकियसरणगमनं। “सम्मासम्बुद्धो भगवा”तिआदिना **सद्भापटिलाभो। सद्भामूलिकाति** यथावुत्तसद्भापुब्बङ्गमा। सहजातवसेन पुब्बङ्गमतायेव हि तम्मूलिकता सद्भाविरहितस्स बुद्धादीसु सम्मादस्सनस्स असम्भवतो। **सम्मादिट्ठि** नाम बुद्धसुबुद्धतं, धम्मसुधम्मतं सङ्गसुप्पटिपन्नतञ्च लोकियावबोधवसेन सम्मा जायेन दस्सनतो। “**सद्भापटिलाभो**”ति इमिना सम्मादिट्ठिविरहितापि सद्भा लोकियसरणगमनन्ति दस्सेति, “**सद्भामूलिका च सम्मादिट्ठी**”ति पन एतेन सद्धूपनिस्सया यथावुत्ता पज्जाति। लोकियम्पि हि सरणगमनं दुविधं जाणसम्पयुत्तं, जाणविप्पयुत्तञ्च। तत्थ पठमेन पदेन मातादीहि उस्साहितदारकादीनं विय जाणविप्पयुत्तं सरणगमनं गहितं, दुतियेन पन जाणसम्पयुत्तं। तदुभयमेव पुज्जकिरियवत्थु विसेसभावेन दस्सेतुं “**दससु पुज्जकिरियवत्थुसु दिट्ठिजुकम्मन्ति वुच्चती**”ति आह। दिट्ठि एव अत्तनो पच्चयेहि उजुं करीयतीति हि अत्थेन सम्मादिट्ठिया दिट्ठिजुकम्मभावो, दिट्ठि उजुं करीयति एतेनाति अत्थेन पन सद्भायपि। सद्भासम्मादिट्ठिगहणेन चेत्थ तप्पधानस्सापि चित्तुप्पादस्स गहणं, दिट्ठिजुकम्मपदेन च यथावुत्तेन करणसाधनेन, एवञ्च कत्वा “तप्परायणताकारप्पवत्तो चित्तुप्पादो”ति हेट्ठा वुत्तवचनं समत्थितं होति, सद्भासम्मादिट्ठीनं पन विसुं गहणं तंसम्पयुत्तचित्तुप्पादस्स तप्पधानतायाति दड्ढब्बं।

तयिदन्ति लोकियं सरणगमनमेव पच्चामसति लोकुत्तरस्स तथा भेदाभावतो। तस्स हि मग्गक्खणेयेव वुत्तनयेन इज्झनतो तथाविधस्स समादानस्स अविज्जमानत्ता एस भेदो न सम्भवतीति। अत्ता सन्निय्यातीयति अप्पीयति परिच्चजीयति एतेनाति **अत्तसन्निय्यातनं**, यथावुत्तं सरणगमनसङ्गातं दिट्ठिजुकम्मं। तं रतनत्तयं परायणं पटिसरणमेतस्साति

तप्परायणो, पुग्गलो, चित्तुप्पादो वा, तस्स भावो तप्परायणता, तदेव दिट्ठिजुकम्मं । “सरण”न्ति अधिप्पायेन सिस्सभावं अन्तेवासिकभावसङ्घातं वत्तपटिवत्तादिकरणं उपगच्छति एतेनाति सिस्सभावूपगमनं । सरणगमनाधिप्पायेनेव पणिपतति एतेनाति पणिपातो, पणिपतनञ्चेत्थ अभिवादनपच्चुट्ठानअञ्जलिकम्मसामीचिकम्ममेव, सब्बत्थ च अत्थतो यथावुत्तदिट्ठिजुकम्ममेव वेदितब्बं ।

संसारदुक्खनित्थरणत्थं अत्तनो अत्तभावस्स परिच्चजनं अत्तपरिच्चजनं । तप्परायणतादीसुपि एसेव नयो । हितोपदेसकथापरियायेन धम्मस्सापि आचरियभावो समुदाचरीयति “फलो अम्बो अफलो च, ते सत्थारो उभो ममा”तिआदीसु वियाति आह “धम्मस्स अन्तेवासिको”ति । “अभिवादना”तिआदि पणिपातस्स अत्थदस्सनं । बुद्धादीनंयेवाति अवधारणस्स अत्तसन्निय्यातनादीसुपि सीहगतिकवसेन अधिकारो वेदितब्बो । एवञ्चि तदञ्जनिवत्तनं कतं होतीति । “इमेसज्ही”तिआदि चतुथा पवत्तनस्स समत्थनं, कारणदस्सनं वा ।

एवं अत्तसन्निय्यातनादीनि एकेन पकारेण दस्सेत्वा इदानी अपरेहिपि पकारेहि दस्सेतुं “अपिचा”तिआदि आरब्धं, एतेन अत्तसन्निय्यातनतप्परायणतादीनं चतुन्नं परियायन्तरेहिपि अत्तसन्निय्यातनतप्परायणतादि कतमेव होति अत्थस्स अभिन्नता यथा तं “सिक्खापच्चक्खानअभूतारोचनानी”ति दस्सेति । जीवितपरियन्तिकन्ति भावनपुंसकवचनं, यावजीवं गच्छामीति अत्थो । महाकस्सपो किर सयमेव पब्बजितवेसं गहेत्वा महातित्थब्राह्मणगामतो निक्खमित्वा गच्छन्तो तिगावुत्तमगं पच्चुग्गमनं कत्वा अन्तरा च राजगहं, अन्तरा च नाळन्दं बहुपुत्तकनिग्रोधरुक्खमूले एककमेव निसिन्नं भगवन्तं पस्सित्वा “अयं भगवा अरहं सम्मासम्बुद्धो”ति अजानन्तोयेव “सत्थारञ्च वताहं पस्सेय्यं, भगवन्तमेव पस्सेय्य”न्तिआदिना (सं० नि० १.२.१५४) सरणगमनमकासि । तेन वुत्तं “महाकस्सपस्स सरणगमनं विया”ति । वित्थारो कस्सपसंयुत्तइकथायं (सं० नि० अट्ठ० २.२.१५४) गहेतब्बो । तत्थ सत्थारञ्चवताहं पस्सेय्यं, भगवन्तमेव पस्सेय्यन्ति सचे अहं सत्थारं पस्सेय्यं, इमं भगवन्तंयेव पस्सेय्यं । न हि मे इतो अञ्जेन सत्थारा भवितुं सक्का । सुगतञ्च वताहं पस्सेय्यं, भगवन्तमेव पस्सेय्यन्ति सचे अहं सम्मापटिपत्तिया सुट्ठ गतत्ता सुगतं नाम पस्सेय्यं, इमं भगवन्तंयेव पस्सेय्यं । न हि मे इतो अञ्जेन सुगतेन भवितुं सक्का । सम्मासम्बुद्धञ्च वताहं पस्सेय्यं, भगवन्तमेव पस्सेय्यन्ति सचे अहं सम्मा सामञ्च सच्चानि बुद्धत्ता सम्मासम्बुद्धं नाम पस्सेय्यं, इमं भगवन्तंयेव पस्सेय्यं, न हि

मे इतो अज्जेन सम्मासम्बुद्धेन भवितुं सक्काति अयमेत्थ अट्ठकथा। सब्बत्थ च-सद्दो, वत-सद्दो च पदपूरणमत्तं, चे-सद्देन वा भवितव्वं “सचे”ति अट्ठकथायं (सं० नि० अट्ठ० २.२.१५४) वुत्तत्ता। वत-सद्दो च पस्सितुकामताय एकंसत्थं दीपेतीतिपि युज्जति।

“सो अह”न्तिआदि सुत्तनिपाते आळवकसुत्ते। तत्थ किञ्चापि मग्गेनेव तस्स सरणगमनमागतं, सोतापन्नभावदस्सनत्थं, पन पसादानुरूपदस्सनत्थञ्च एवं वाचं भिन्दतीति तदट्ठकथायं (सु० नि० अट्ठ० १.१८१) वुत्तं। गामा गामन्ति अज्जस्मा देवगामा अज्जं देवगामं, देवतानं वा खुद्दकं, महन्तञ्च गामन्तिपि अत्थो। पुरा पुरन्ति एत्थापि एसेव नयो। धम्मस्स च सुधम्मन्ति बुद्धस्स सुबुद्धत्तं, धम्मस्स सुधम्मत्तं, सङ्घस्स सुप्पटिपन्नतञ्च अभित्थवित्त्वाति सह समुच्चयेन, पाठसेसेन च अत्थो, सम्बुद्धं नमस्समानो धम्मघोसको हुत्वा विचरिस्सामीति वुत्तं होति।

आळवकादीनन्ति आदि-सद्देन सातागिरहेमवतादीनम्पि सङ्गहो। ननु च एते आळवकादयो अधिगतमग्गत्ता मग्गेनेव आगतसरणगमना, कस्मा तेसं तप्परायणतासरणगमनं वुत्तन्ति? मग्गेनागतसरणगमनेहिपि तेहि तप्परायणताकारस्स पवेदितत्ता। “सो अहं विचरिस्सामि...पे०... सुधम्मत्तं, (सं० नि० १.१.२४६; सु० नि० १९४) ते मयं विचरिस्साम, गामा गामं नगा नगं...पे०... सुधम्मत्त”न्ति (सु० नि० १८२) च हि एतेहि तप्परायणताकारो पवेदितो। तस्मा सरणगमनविसेसमनपेक्खित्वा पवेदनाकारमत्तं उपदिसन्तेन एवं वुत्तन्ति दट्ठव्वं। अथाति “कथं खो ब्राह्मणो होती”तिआदिना पुट्ठस्स अट्ठविधपज्जहस्स “पुब्बेनिवासं यो वेदी”तिआदिना ब्याकरणपरियोसानकाले। इदञ्चि मज्झिमपण्णासके ब्रह्मायुसुत्ते (म० नि० २.३९४) परिचुम्बतीति परिफुसति। परिसम्बाहतीति परिमज्जति। एवम्पि पणिपातो दट्ठव्वोति एवम्पि परमनिपच्चकारेन पणिपातो दट्ठव्वो।

सो पनेसाति पणिपातो। जाति...पे०... वसेनाति एत्थ जातिवसेन, भयवसेन, आचरियवसेन, दक्खिणेय्यवसेनाति पच्चेकं योजेतव्वं द्वन्दपरतो सुय्यमानत्ता। तत्थ जातिवसेनाति जातिभाववसेन। भावप्पधाननिद्देसो हि अयं, भावलोपनिद्देसो वा तव्भावस्सेव अधिप्पेतत्ता। एवं सेसेसुपि पणिपातपदेन चेतसं सम्बन्धो तव्वसेन पणिपातस्स चतुब्बिधत्ता। तेनाह “दक्खिणेय्यपणिपातेना”ति, दक्खिणेय्यताहेतुकेन पणिपातेनेवाति अत्थो। इतरेहीति जातिभावादिहेतुकेहि पणिपातेहि। “सेट्ठवसेनेवा”तिआदि तस्सेवत्थस्स

समत्थनं । इदानीं “न इतरेही”तिआदिना वुत्तमेव अत्थत्तयं यथाक्कमं वित्थारतो दस्सेतुं “तस्मा”तिआदि वुत्तं । “साकियो वा”ति पितुपक्खतो जातिकुलदस्सनं, “कोलियो वा”ति पन मातुपक्खतो । वन्दतीति पणिपातस्स उपलक्खणवचनं । राजपूजितोति राजूहि, राजूनं वा पूजितो यथा “गामपूजितो”ति । पूजावचनपयोगे हि कत्तरि सामिवचनमिच्छन्ति सद्विदू । भगवतोति बोधिसत्तभूतस्स, बुद्धभूतस्स वा भगवतो । उग्गहितन्ति सिक्खितसिप्पं ।

“चतुधा”तिआदि सिङ्गालोवादसुत्ते (दी० नि० ३.२६५) घरमावसन्ति घरे वसन्तो, कम्मप्पवचनीययोगतो चेत्थ भुम्मत्थे उपयोगवचनं । कम्मं पयोजयेति कसिवाणिज्जादिकम्मं पयोजेय्य । कुलानज्झि न सब्बकालं एकसदिसं वत्तति, कदाचि राजादिवसेन आपदापि उपपज्जति, तस्मा “आपदासु उपपन्नासु भविस्सती”ति एवं मनसि कत्वा निधापेय्याति आह “आपदासु भविस्सती”ति । इमेसु पन चतूसु कोट्टासेसु “एकेन भोगे भुज्जेय्या”ति वुत्तकोट्टासतोयेव गहेत्वा भिक्खूनम्मि कपणद्धिकादीनम्मि दानं दातब्बं, पेसकारन्हापितकादीनम्मि वेतनं दातब्बन्ति अयं भोगपरिगहणानुसासनी, एवरूपं अनुसासनिं उग्गहेत्वाति अत्थो । इदज्झि दिट्ठधम्मिकंयेव सन्धाय वदति, सम्परायिकं, पन निय्यानिकं वा अनुसासनिं पच्चासिसन्तोपि दक्खिणेय्यपणिपातमेव करोति नामाति दट्ठब्बं । “यो पना”तिआदि “सेट्ठवसेनेव...पे०... गण्हाती”ति वुत्तस्सत्थस्स वित्थारवचनं ।

“एव”न्तिआदि पन “सेट्ठवसेन च भिज्जती”ति वुत्तस्स ब्यतिरेकदस्सनं । अत्थवसा लिङ्गविभक्तिविपरिणामोति कत्वा गहितसरणाय उपासिकाय वातिपि योजेतब्बं । एवमीदिसेसु । पब्बजितम्पीति पि-सद्दो सम्भावनत्थोति वुत्तं “पगेव अपब्बजित”न्ति । सरणगमनं न भिज्जति सेट्ठवसेन अवन्दितत्ता । तथाति अनुकट्टनत्थे निपातो “सरणगमनं न भिज्जती”ति । रट्ठपूजितत्ताति रट्ठे, रट्ठवासीनं वा पूजितत्ता । तयिदं भयवसेन वन्दितब्बभावस्सेव समत्थनं, न तु अभेदस्स कारणदस्सनं, तस्स पन कारणं सेट्ठवसेन अवन्दितत्ताति वेदितब्बं । वुत्तज्झि “सेट्ठवसेन च भिज्जती”ति । सेट्ठवसेनाति लोके अग्गदक्खिणेय्यताय सेट्ठभाववसेनाति अत्थो । तेनाह “अयं लोके अग्गदक्खिणेय्योति वन्दती”ति । तिथियम्मि वन्दतो न भिज्जति, पगेव इतरं । सरणगमनपभेदोति सरणगमनविभागो, तब्बिभागसम्बन्धतो चेत्थ सक्का अभेदोपि सुखेन दस्सेतुन्ति अभेददस्सनं कतं ।

अरियमग्गो एव लोकुत्तरसरणगमनन्ति चत्तारि सामञ्जफलानि विपाकफलभावेन वुत्तानि । **सब्बदुक्खस्वयो**ति सकलस्स वट्टदुक्खस्स अनुप्पादनिरोधो निब्बानं । एत्थ च कम्मसदिसं **विपाकफलं**, तब्बिपरीतं **आनिसंसफलन्ति** दट्ठब्बं । यथा हि सालिबीजादीनं फलानि तंसदिसानि विपक्कानि नाम होन्ति, विपाकनिरुत्तिञ्च लभन्ति, न मूलङ्कुरपत्तकखन्धनालानि, एवं कुसलाकुसलानं फलानि अरूपधम्मभावेन, सारम्मणभावेन च सदिसानि विपक्कानि नाम होन्ति, विपाकनिरुत्तिञ्च लभन्ति, न तदञ्जानि कम्मनिब्बत्तानिपि कम्मअसदिसानि, तानि पन आनिसंसानि नाम होन्ति, आनिसंसनिरुत्तिमत्तञ्च लभन्तीति । **“वुत्तञ्हेत”**न्तिआदिना **धम्मपदे** अग्गिदत्तब्राह्मणवत्थुपाळिमाहरित्वा दस्सेति ।

यो चाति एत्थ च-सद्दो ब्यतिरेके, यो पनाति अत्थो । तत्रायमधिप्पायो-
ब्यतिरेकत्थदीपने यदि **“बहुं वे सरणं यन्ति, पब्बतानि वनानि चा”**तिआदिना (ध० प० १८८) वुत्तं खेमं सरणं न होति, न उत्तमं सरणं, एतञ्च सरणमागम्म सब्बदुक्खा न पमुच्चति, एवं सति किं नाम वत्थु खेमं सरणं होति, उत्तमं सरणं, किं नाम वत्थुं सरणमागम्म सब्बदुक्खा पमुच्चतीति चे ?

यो च बुद्धञ्च धम्मञ्च, सङ्खञ्च सरणं गतो...पे०.

एतं खो सरणं खेमं, एतं सरणमुत्तमं ।

एतं सरणमागम्म, सब्बदुक्खा पमुच्चतीति ।। (ध० प० १९०-९२)

एवमीदिसेषु । लोकेयस्स सरणगमनस्स अञ्जतिथियावन्दनादिना कुप्पनतो, चलनतो च अकुप्पं अचलं लोकुत्तरमेव सरणगमनं पकासेतुं **“चत्तारि अरियसच्चानि, सम्मण्यञ्जाय पस्सती”**ति वुत्तं । वाचासिल्लिट्ठत्थञ्चेत्थ सम्मासद्दस्स रस्सत्तं । **“दुक्ख”**न्तिआदि **“चत्तारि अरियसच्चानी”**ति वुत्तस्स सरूपदस्सनं । **दुक्खस्स च अतिक्कमन्ति** दुक्खनिरोधं । **दुक्खूपसमगामिनन्ति** दुक्खनिरोधगामिं । **“एत”**न्ति **“चत्तारि...पे०... पस्सती”**ति (ध० प० १९०) एवं वुत्तं लोकुत्तरसरणगमनसङ्घातं अरियसच्चदस्सनं । **खो-सद्दो** अवधारणत्थो पदत्तयेपि योजेतब्बो ।

निच्चतो अनुपगमनादिवसेनाति **“निच्च”**न्ति अग्गहणादिवसेन, इतिना निद्विसितब्बेहि तो-सद्दमिच्छन्ति सद्दविदू । **“वुत्तञ्हेत”**न्तिआदिना **जाणविभङ्गादीसु** (म० नि० ३.१२६;

अ० नि० १.१.२६८) आगतं पाळिं साधकभावेन आहरति । अट्टानन्ति जनकहेतुपटिक्खेपो । अनवकासोति पच्चयहेतुपटिक्खेपो । उभयेनापि कारणमेव पटिक्खिपति । यन्ति येन कारणेन । दिट्ठिसम्पन्नोति मग्गदिट्ठिया सम्पन्नो सोतापन्नो । कच्चि सङ्खारन्ति चतुभूमकेसु सङ्गतसङ्खारेसु एकम्पि सङ्खारं । निच्चतो उपगच्छेय्याति “निच्चो”ति गणहेय्य । सुखतो उपगच्छेय्याति “एकन्तसुखी अत्ता होति अरोगो परं मरणा”ति (दी० नि० १.७६) एवं अत्तदिट्ठिवसेन “सुखो”ति गणहेय्य, दिट्ठिविप्पयुत्तचित्तेन पन अरियसावको परिळाहवूपसमत्थं मत्तहत्थिपरित्तासितो चोक्खब्राह्मणो विय उक्कारभूमिं कच्चि सङ्खारं सुखतो उपगच्छति । अत्तवारे कसिणादिपण्णत्तिसङ्ग्रहणत्थं “सङ्खार”न्ति अवत्वा “धम्म”न्ति वुत्तं । यथाह परिवारे—

“अनिच्चा सब्बे सङ्खारा, दुक्खानत्ता च सङ्गता ।

निब्बानज्जेव पज्जत्ति, अनत्ता इति निच्छया”ति ।। (परि० २५७)

इमेसु पन तीसुपि वारेसु अरियसावकस्स चतुभूमकवसेनेव परिच्छेदो वेदितब्बो, तेभूमकवसेनेव वा । यं यज्झि पुथुज्जनो “निच्चं सुखं अत्ता”ति गाहं गण्हाति, तं तं अरियसावको “अनिच्चं दुक्खं अनत्ता”ति गण्हन्तो गाहं विनिवेठेति ।

“मातर”न्तिआदीसु जनिका माता, जनको पिता, मनुस्सभूतो खीणासवो अरहाति अधिप्पेतो । किं पन अरियसावको तेहि अज्जम्पि पाणं जीविता वोरोपेय्याति ? एतम्पि अट्टानमेव । चक्कवत्तिरज्जसकजीवितहेतुपि हि सो तं जीविता न वोरोपेय्य, तथापि पुथुज्जनभावस्स महासावज्जतादस्सनत्थं अरियभावस्स च बलवतापकासनत्थं एवं वुत्तन्ति दट्ठब्बं । पदुच्चित्तोति वधकचित्तेन पदूसनचित्तो, पदूसितचित्तो वा । लोहितं उप्पादेय्याति जीवमानकसरीरे खुद्दकमक्खिकाय पिवनमत्तम्पि लोहितं उप्पादेय्य । सङ्गं भिन्देय्याति समानसंवासकं समानसीमायं ठितं सङ्गं पज्चहि कारणेहि भिन्देय्य, वुत्तज्हेतं “पज्चहुपालि आकारेहि सङ्घो भिज्जति कम्मेन, उद्देसेन, वोहरन्तो, अनुस्सावनेन, सलाकग्गाहेना”ति (परि० ४५८) अज्जं सत्थारन्ति इतो अज्जं तित्थकरं “अयं मे सत्था”ति एवं गणहेय्य, नेतं ठानं विज्जतीति अत्थो । भवसम्पदाति सुगतिभवेन सम्पदा, इदं विपाकफलं । भोगसम्पदाति मनुस्सभोगदेवभोगेहि सम्पदा, इदं पन आनिसंसफलं । “वुत्तज्हेत”न्तिआदिना देवतासंयुत्तादिपाळिं (सं० नि० १.१.३७) साधकभावेन दस्सेति ।

गता सेति एत्थ से-इति निपातमत्तं । न ते गमिस्सन्ति अपायभूमिन्ति ते बुद्धं सरणं गता तन्निमित्तं अपायं न गमिस्सन्ति । मानुसन्ति च गाथाबन्धवसेन विसज्जोगनिद्वेसो, मनुस्सेसु जातन्ति अत्थो । देवकायन्ति देवसङ्घं, देवपुरं वा “देवानं कायो समूहो एत्था”ति कत्वा ।

“अपरम्पी”तिआदिना सळायतनवग्गे भोगल्लानसंयुत्ते (सं० नि० २.४.३४१) आगतं अज्जम्पि फलमाह, अपरम्पि फलं महामोगल्लानत्थेरेन वुत्तन्ति अत्थो । अज्जे देवेति असरणङ्गते देवे । दसहि ठानेहीति दसहि कारणेहि । “दिब्बेना”तिआदि तस्सरूपदस्सनं । अधिगणहन्तीति अभिभवन्ति अतिक्कमित्वा तिष्ठन्ति । “एस नयो”ति इमिना “साधु खो देवानमिन्द धम्मसरणगमनं होती”ति (सं० नि० २.४.३४१) सुत्तपदं अतिदिसति । वेलामसुत्तं नाम अङ्गुत्तरनिकाये नवनिपाते जातिगोत्तरूपभोगसद्धापज्जादीहि मरियादवेलातिक्कन्तेहि उल्लारेहि गुणेहि समन्नागतत्ता वेलामनामकस्स बोधिसत्तभूतस्स चतुरासीतिसहस्सरज्जूनं आचरियब्राह्मणस्स दानकथापटिसज्जुत्तं सुत्तं (अ० नि० ३.९.२०) तत्थ हि करीसस्स चतुत्थभागप्पमाणानं चतुरासीतिसहस्ससङ्ख्यानं सुवण्णपातिरूपियपातिकंसपातीनं यथाक्कमं रूपियसुवण्ण हिरज्जपूरानं, सव्वालङ्कारपटिमण्डितानं, चतुरासीतिया हत्थिसहस्सानं चतुरासीतिया अस्ससहस्सानं, चतुरासीतिया रथसहस्सानं, चतुरासीतिया धेनुसहस्सानं, चतुरासीतिया कज्जासहस्सानं, चतुरासीतिया पल्लङ्गसहस्सानं, चतुरासीतिया वत्थकोटिसहस्सानं, अपरिमाणस्स च खज्जभोज्जादिभेदस्स आहारस्स परिच्चजनवसेन सत्तमासाधिकानि सत्तसंवच्छरानि निरन्तरं पवत्तवेलाममहादानतो एकस्स सोतापन्नस्स दिन्नदानं महप्फलतरं, ततो सत्तंसोतापन्नानं दिन्नदानतो एकस्स सकदागामिनो, ततो एकस्स अनागामिनो, ततो एकस्स अरहतो, ततो एकस्स पच्चेकबुद्धस्स, ततो सम्मासम्बुद्धस्स, ततो बुद्धप्पमुखस्स सङ्घस्स दिन्नदानं महप्फलतरं, ततो चातुद्दिसं सङ्घं उद्दिस्स विहारकरणं, ततो सरणगमनं महप्फलतरन्ति अयमत्थो पकासितो । वुत्तज्जेतं –

“यं गहपति वेलामो ब्राह्मणो दानं अदासि महादानं, यो चेकं दिट्ठिसम्पन्नं भोजेय्य, इदं ततो महप्फलतरं, यो च सत्तं दिट्ठिसम्पन्नानं भोजेय्य, यो चेकं सकदागामिं भोजेय्य, इदं ततो महप्फलतर”न्तिआदि (अ० नि० ३.९.२०) ।

इमिना च उक्कट्टपरिच्छेदतो लोकुत्तरस्सेव सरणगमनस्स फलं दस्सितन्ति वेदितव्वं । तथा

हि वेलामसुत्तङ्कथायं वुत्तं “सरणं गच्छेय्याति एत्थ मग्गेनागतं अनिवत्तनसरणं अधिप्पेतं, अपरे पनाहु ‘अत्तानं निय्यातेत्वा दिन्नत्ता सरणगमनं ततो महप्फलतर’न्ति वुत्त”न्ति (अ० नि० अट्ठ० ३.९.२०) कूटदन्तसुत्तङ्कथायं पन वक्खति “यस्मा च सरणगमनं नाम तिण्णं रतनानं जीवितपरिच्चागमयं पुञ्जकम्मं सम्मसम्पत्तिं देति, तस्मा महप्फलतरञ्च महानिसंसतरञ्चाति वेदितब्ब”न्ति (दी० नि० अट्ठ० १.३५०, ३५१) इमिना पन नयेन लोकियस्सापि सरणगमनस्स फलं इध दस्सितमेवाति गहेतब्बं। आचरियधम्मपालत्थेरेनपि (दी० नि० टी० १.२५०) हि अयमेवत्थो इच्छितोति विज्जायति इध चेव अज्जासु च मज्झिमागमटीकादीसु अविसेसतोयेव वुत्तत्ता, आचरियसारिपुत्तत्थेरेनापि अयमत्थो अभिमतो सिया सारत्थदीपनियं, (सारत्थ० टी० वेरञ्जकअण्डवण्णना.१५) अङ्गुत्तरटीकायञ्च तदुभयसाधारणवचनतो। अपरे पन वदन्ति “कूटदन्तसुत्तङ्कथायम्पि (दी० नि० टी० १.२४९) लोकुत्तरस्सेव सरणगमनस्स फलं वुत्त”न्ति, तदयुत्तमेव तथा अवुत्तत्ता। “यस्मा...पे०... देती”ति हि तदुभयसाधारणकारणवसेन तदुभयस्सापि फलं तत्थ वुत्तन्ति। वेलामसुत्तादीनन्ति एत्थ आदिसद्देन (अ० नि० १.४.३४; इतिवु० ९०) अगगप्पसादसुत्तछत्तमाणवक्कविमानादीनं (वि० व० ८८६ आदयो) सङ्गहो दट्ठब्बो।

अज्जाणं नाम वत्थुत्तयस्स गुणानमजाननं तत्थ सम्मोहो। संसयो नाम “बुद्धो नु खो, न नु खो”तिआदिना (दी० नि० अट्ठ० २.२१६) विचिकिच्छ। मिच्छाज्जाणं नाम वत्थुत्तयस्स गुणानं अगुणभावपरिकप्पनेन विपरीतग्गाहो। आदिसद्देन अनादरागारवादीनं सङ्गहो। संकिलिस्सतीति संकिलिट्ठं मलीनं भवति। न महाजुतिकन्तिआदिपि संकिलेसपरियायो एव। तत्थ न महाजुतिकन्ति न महज्जलं, अपरिसुद्धं अपरियोदातन्ति अत्थो। न महाविष्फारन्ति न महानुभावं, अपणीतं अनुळारन्ति अत्थो। सावज्जोति तण्हादिट्ठादिवसेन सदोसो। तदेव फलवसेन विभावेतुं “अनिट्ठफलो”ति वुत्तं, सावज्जत्ता अकन्तिफलो होतीति अत्थो। लोकियसरणगमनं सिक्खासमादानं विय अगहितकालपरिच्छेदं जीवितपरियन्तमेव होति, तस्मा तस्स खन्धभेदेन भेदो, सो च तण्हादिट्ठादिविरहितत्ता अदोसोति आह “अनवज्जो कालकिरियाय होती”ति। सोति अनवज्जो सरणगमनभेदो। सतिपि अनवज्जत्ते इट्ठफलोपि न होति, पगेव अनिट्ठफलो अविपाकत्ता। न हि तं अकुसलं होति, अथ खो भेदनमत्तन्ति अधिप्पायो। भवन्तरेपीति अज्जस्मिम्पि भवे।

धरसद्दस्स द्विकम्मिकत्ता “उपासक”न्ति इदम्पि कम्ममेव, तज्ज खो आकारद्धानेति अत्थमत्तं दस्सेतुं “उपासको अयन्ति एवं धारेतू”ति वुत्तं। धारेतूति च उपधारेतूति अत्थो।

उपधारणञ्चेत्थ जाननमेवाति दस्सेति “जानातू”ति इमिना । उपासकविधिकोसल्लत्थन्ति उपासकभावविधानकोसल्लत्थं । को उपासकोति सरूपपुच्छा, किं लक्खणो उपासको नामाति वुत्तं होति । कस्माति हेतुपुच्छा, केन पवत्तिनिमित्तेन उपासकसद्दो तस्मिं पुग्गले निरुळ्होति अधिप्पायो । तेनाह “कस्मा उपासकोति वुच्चती”ति । सद्दस्स हि अभिधेय्ये पवत्तिनिमित्तमेव तदत्थस्स तब्भावकारणं । किमस्स सीलन्ति वतसमादानपुच्छा, कीदिसं अस्स उपासकस्स सीलं, कित्तेकेन वतसमादानेनायं सीलसम्पन्नो नाम होतीति अत्थो । को आजीवोति कम्मसमादानपुच्छा, को अस्स सम्माआजीवो, केन कम्मसमादानेन अस्स आजीवो सम्भवतीति पुच्छति, सो पन मिच्छाजीवस्स परिवज्जनेन होतीति मिच्छाजीवोपि विभजीयति । का विपत्तीति तदुभयेसं विप्पटिपत्तिपुच्छा, का अस्स उपासकस्स सीलस्स, आजीवस्स च विपत्तीति अत्थो । सामञ्जनिद्विद्दे हि सति अनन्तरस्सेव विधि वा पटिसेधो वाति अनन्तरस्स गहणं । का सम्पत्तीति तदुभयेसमेव सम्मापटिपत्तिपुच्छा, का अस्स उपासकस्स सीलस्स, आजीवस्स च सम्पत्तीति वुत्तनयेन अत्थो । सरूपवचनत्थादिसङ्गातेन पकारेन किरतीति पकिण्णं, तदेव पकिण्णकं, अनेकाकारेन पवत्तं अत्थविनिच्छयन्ति अत्थो ।

यो कोवीति खत्तियब्राह्मणादीसु यो कोचि, इमिना पदेन अकारणमेत्थ जातिआदिविसेसोति दस्सेति, “सरणगतो”ति इमिना पन सरणगमनमेवेत्थ पमाणन्ति । “गहद्दो”ति च इमिना आगारिकेस्सेव उपासकसद्दो निरुळ्हो, न पब्बज्जूपगतेसूति । तमत्थं महावग्गसंयुत्ते महानामसुत्तेन (सं० नि० ३.५.१०३३) साधेन्तो “वुत्तञ्जेत”न्तिआदिमाह । तत्थ यतोति बुद्धादिसरणगमनतो । महानामाति अत्तनो चूळपितुनो सुक्कोदनस्स पुत्तं महानामं नाम सक्कराजानं भगवा आलपति । एत्तावताति एत्तेकेन बुद्धादिसरणगमनेन उपासको नाम होति, न जातिआदीहि कारणेहीति अधिप्पायो । कामञ्च तपुस्सभल्लिकानं विय द्वेवाचिकउपासकभावोपि अत्थि, सो पन तदा वत्थुत्तयाभावतो कदाचियेव होतीति सब्बदा पवत्तं तेवाचिकउपासकभावं दस्सेतुं “सरणगतो”ति वुत्तं । तेपि हि पच्छा तिसरणगता एव, न चेत्थ सम्भवति अञ्जं पटिक्खिपित्वा एकं वा द्वे वा सरणगतो उपासको नामाति इममत्थम्पि जापेतुं एवं वुत्तन्ति दट्ठब्बं ।

उपासनतोति तेनेव सरणगमनेन, तत्थ च सक्कच्चकारिताय गारवबहुमानादियोगेन पयिरुपासनतो, इमिना कत्वत्थं दस्सेति । तेनाह “सो ही”तिआदि ।

वेरमणियोति एत्थ वेरं वुच्चति पाणातिपातादिदुस्सील्यं, तस्स मणनतो हननतो विनासनतो वेरमणियो नाम, पञ्च विरतियो विरतिपधानत्ता तस्स सीलस्स । तथा हि उदाहटे महानामसुत्ते वुत्तं “पाणातिपाता पटिविरतो होती”तिआदि (सं० नि० ३.५.१०३३) “यथाहा”तिआदिना साधकं, सरूपञ्च दस्सेति यथा तं उय्यानपालस्स एकेनेव उदकपतिट्टानपयोगेन अम्बसेचनं, गरुसिनानञ्च । यथाह अम्बविमाने (वि० व० ११५१ आदयो) –

“अम्बो च सित्तो समणो च न्हापितो,
मया च पुज्जं पसुतं अनप्पकं ।
इति सो पीतिया कायं, सब्बं फरति अत्तनो”ति ।।
[“अम्बो च सिञ्चतो आसि, समणो च न्हापितो ।
बहुञ्च पुज्जं पसुतं, अहो सफलं जीवित”न्ति ।। (इध टीकायं मूलपाठो)]

एवमीदसेसु । एत्तावताति एत्तकेन पञ्चवेरविरतिमत्तेन ।

मिच्छावणिज्जाति अयुत्तवणिज्जा, न सम्मावणिज्जा, असारुप्पवणिज्जकम्माणीति अत्थो । पहायाति अकरणेनेव पजहित्वा । धम्मेनाति धम्मतो अनपेतेन, तेन मिच्छावणिज्जकम्मेन आजीवनतो अज्जम्पि अधम्मिकं आजीवनं पटिक्खिपति । समेनाति अविसमेन, तेन कायविसमादिदुच्चरितं वज्जेत्वा कायसमादिना सुचरितेन आजीवनं दस्सेति । “वुत्तज्जेत”न्तिआदिना पञ्चङ्गुत्तरपाळिमाहरित्वा साधकं, सरूपञ्च दस्सेति वाणिजानं अयन्ति वणिज्जा, यस्स कस्सचि विक्कयो, इत्थिलिङ्गपदमेतं । सत्थवणिज्जाति आवुधभण्डं कत्वा वा कारेत्वा वा यथाकतं पटिलभित्वा वा तस्स विक्कयो सत्तवणिज्जाति मनुस्सविक्कयो । मंसवणिज्जाति सूनकारादयो विय मिगसूकरादिके पोसेत्वा मंसं सम्पादेत्वा विक्कयो । मज्जवणिज्जाति यं किञ्चि मज्जं योजेत्वा तस्स विक्कयो विसवणिज्जाति विसं योजेत्वा, सङ्गहेत्वा वा तस्स विक्कयो । तत्थ सत्थवणिज्जा परोपरोधनिमित्ताय अकरणीयाति वुत्ता, सत्तवणिज्जा अभुजिस्सभावकरणतो, मंसवणिज्ज वधहेतुतो, मज्जवणिज्जा पमादट्टानतो, विसवणिज्जा परुपघातकारणतो ।

तस्सेवाति यथावुत्तस्स पञ्चवेरमणिलक्खणस्स सीलस्स चेद
पञ्चमिच्छावणिज्जादिप्पहानलक्खणस्स आजीवस्स च पटिनिद्देसो । विपत्तीति भेदो, पकोपं

च । एवं सीलआजीवविपत्तिवसेन उपासकस्स विपत्तिं दस्सेत्वा अस्सद्धियादिवसेनपि दस्सेन्तो “अपिचा”तिआदिमाह । यायाति अस्सद्धियादिविप्पटिपत्तिया । चण्डालोति नीचधम्मजातिकट्टेन उपासकचण्डालो । मलन्ति मलीनट्टेन उपासकमलं । पतिकिद्धोति लामकट्टेन उपासकनिहीनो । सापिस्साति सापि अस्सद्धियादिविप्पटिपत्ति अस्स उपासकस्स विपत्तीति वेदितब्बा । का पनायन्ति वुत्तं “ते चा”तिआदि । उपासकचण्डालसुत्तं, (अ० नि० २.५.१७५) उपासकरतनसुत्तञ्च पञ्चङ्गुत्तरे । तत्थ बुद्धादीसु, कम्मकम्मफलेसु च सद्धाविपरियायो मिच्छाविमोक्खो अस्सद्धियं, तेन समन्नागतो अस्सद्धो । यथावुत्तसीलविपत्तिआजीवविपत्तिवसेन दुस्सीलो । “इमिना दिट्ठादिना इदं नाम मङ्गलं होती”ति एवं बालजनपरिकप्पितेन कोतूहलसङ्घातेन दिट्ठसुतमुतमङ्गलेन समन्नागतो कोतूहलमङ्गलिको । मङ्गलं पच्चेतीति दिट्ठमङ्गलादिभेदं मङ्गलमेव पत्तियायति नो कम्मन्ति कम्मस्सकत्तं नो पत्तियायति । इतो च बहिद्धाति इतो सब्बज्जुबुद्धसासनतो बहिद्धा बाहिरकसमये । च-सद्धो अट्ठानपयुत्तो, सब्बत्थ “अस्सद्धो”तिआदीसु योजेतब्बो । दक्खिण्यं परियेसतीति दुप्पटिपत्रं दक्खिणारहसज्जी गवेसति । तत्थाति बहिद्धा बाहिरकसमये । पुब्बकारं करोतीति पठमतरं दानमाननादिकं कुसलकिरियं करोति, बाहिरकसमये पठमतरं कुसलकिरियं कत्वा पच्छा सासने करोतीति वुत्तं होतीति । तत्थाति वा तेसं बाहिरकानं तिथियानन्तिपि वदन्ति । एत्थ च दक्खिण्यपरियेसनपुब्बकारे एकं कत्वा पञ्च धम्मा वेदितब्बा ।

अस्साति उपासकस्स । सीलसम्पदाति यथावुत्तेन पञ्चवेरमणिलकखणेन सीलेन सम्पदा । आजीवसम्पदाति पञ्चमिच्छावणिज्जादिप्पहानलकखणेन आजीवेन सम्पदा । एवं सीलसम्पदाआजीवसम्पदावसेन उपासकस्स सम्पत्तिं दस्सेत्वा सद्धादिवसेनपि दस्सेन्तो “ये चस्सा”तिआदिमाह । ये च पञ्च धम्मा, तेपि अस्स सम्पत्तीति योजना । धम्मेहीति गुणेहि । चतुन्नं परिसानं रतिजननट्टेन उपासकोव रतनं उपासकरतनं । गुणसोभाकित्सद्दसुगन्धतादीहि उपासकोव पदुमं उपासकपदुमं । तथा उपासकपुण्डरीकं । सेसं विपत्तियं वुत्तविपरियायेन वेदितब्बं ।

निगण्ठीनन्ति निगण्ठसमणीनं । आदिम्हीति पठमत्थे । उच्छगन्ति उच्छुअग्गं उच्छुकोटि । तथा वेल्गन्ति एत्थापि । कोटियन्ति परियन्तकोटियं, परियन्तत्थेति अत्थो । अम्बिलगन्ति अम्बिलकोट्टासं । तथा तित्तकगन्ति एत्थापि । विहारगेनाति ओवरककोट्टासेन “इमस्मिं गब्भे वसन्तानं इदं नाम फलं पापुणाती”तिआदिना तंतवसनट्ठानकोट्टासेनाति

अथो । **परिवेणगेना**ति एत्थापि एसेव नयो । **अग्गे**ति एत्थ उपयोगवचनस्स एकारादेसो, वचनविपल्लासो वा, कत्वा-सद्दो च सेसोति वुत्तं **“आदिं कत्वा”**ति । भावत्थे ता-सद्दोति दस्सेति **“अज्जभाव”**न्ति इमिना, अज्जभावो च नाम तस्मिं धम्मस्सवनसमये धरमानकतापापुणकभावो । तदा हि तं निस्सयवसेन धरमानतं निमित्तं कत्वा तं दिवसनिस्सितअरुणुग्गमनतो पट्टाय याव पुन अरुणुग्गमना एत्थन्तरे अज्जसद्दो पवत्तति, तस्मा तस्मिं समये धरमानकतासङ्घातं अज्जभावं आदिं कत्वाति अथो दट्ठब्बो । **अज्जतन्ति** वा अज्जइच्चेव अथो ता-सद्दस्स सकत्थवुत्तितो यथा **“देवता”**ति, अयं आचरियानं मति । एवं पठमक्खरेन दिस्समानपाठानुरूपं अत्थं दस्सेत्वा इदानीं ततियक्खरेन दिस्समानपाठानुरूपं अत्थं दस्सेतुं **“अज्जदग्गेति वा पाठो”**तिआदि वुत्तं । आगममत्तत्ता दकारो पदसन्धिकरो । अज्जाति हि नेपातिकमिदं पदं । तेनाह **“अज्ज अग्गन्ति अत्थो”**ति ।

“पाणो”ति इदं परमत्थतो जीवितिन्द्रिये एव, **“पाणुपेत”**न्ति च करणत्थेनेव समासोति आपेतुं **“याव मे जीवितं पवत्तति, ताव उपेत”**न्ति आह । उपेति उपगच्छतीति हि **उपेतो**, पाणेहि करणभूतेहि उपेतो **पाणुपेतो**ति अथो आचरियेहि अभिमतो । इमिना च **“पाणुपेतन्ति** इदं पदं तस्स सरणगमनस्स आपाणकोटिकतादस्सन’**न्ति** इममत्थं विभावेति । **“पाणुपेत”**न्ति हि इमिना याव मे पाणा धरन्ति, ताव सरणं उपेतो, उपेन्तो च न वाचामत्तेन, न च एकवारं चित्तुप्पादमत्तेन, अथ खो पाणानं परिच्चजनवसेन यावजीवं उपेतोति आपाणकोटिकता दस्सिता । **“तीहि...पे०... गत”**न्ति इदं **“सरणं गत”**न्ति एतस्स अत्थवचनं । **“अनज्जसत्थुक”**न्ति इदं पन अन्तो गधावधारणेन, अज्जत्थापोहनेन च निवत्तेतब्बत्थदस्सनं । एकच्चो कप्पियकारकसद्दस्स अथो उपासकसद्दस्स वचनीयोपि भवतीति वुत्तं **“उपासकं कप्पियकारक”**न्ति, अत्तसन्निय्यातनसरणगमनं वा सन्धाय एवं वुत्तन्ति दट्ठब्बं । एवं **“पाणुपेत”**न्ति इमिना नीतत्थतो दस्सितं तस्स सरणगमनस्स आपाणकोटिकतं दस्सेत्वा एवं वदन्तो पनेस राजा **“जीवितेन सह वत्थुत्तयं पटिपूजेन्तो सरणगमनं रक्खामी”**ति अधिप्पायं विभावेतीति नेय्यत्थतो विभावितं तस्स रज्जो अधिप्पायं विभावेन्तो **“अहज्जी”**तिआदिमाह । तत्थ हि-सद्दो समत्थने, कारणत्थे वा, तेन इमाय युत्तिया, इमिना वा कारणेन उपासकं मं भगवा धारेतूति अयमत्थो पकासितो ।

अच्चयनं साधुमरियादं अतिक्कम्म मदित्वा पवत्तनं अच्चयो,
कायिकादिअज्झाचारसङ्घातो दोसोति आह **“अपराधो”**ति, अच्चेति अभिभवित्वा पवत्तति

एतेनाति वा **अच्चयो**, कायिकादिवीतिक्कमस्स पवत्तनको अकुसलधम्मसङ्घातो दोसो एव, सो च अपरज्झति एतेनाति **अपराधो**ति वुच्चति। सो हि अपरज्झन्तं पुरिसं अभिभवित्वा पवत्तति। तेनाह “**अतिक्कम्म अभिभवित्वा पवत्तो**”ति। **धम्मन्ति** दसराजधम्मं। वित्थारो पनेतस्स **महाहंसजातकादीहि** विभावेतब्बो। **चरतीति** आचरति करोति। **धम्मेनेवा**ति धम्मतो अनपेतेनेव, अनपेतकुसलधम्मेनेवाति अत्थो। तेनाह “**न पितुघातनादिना अधम्मेना**”ति। “**पटिग्गण्हातू**”ति एतस्स अधिवासनं सम्पटिच्छतूति सहतो अत्थो, अधिप्पायतो पन अत्थं दस्सेतुं “**खमतू**”ति वुत्तं। पुन अकरणमेत्थ संवरोति दस्सेति “**पन एवरूपस्सा**”तिआदिना। “**अपराधस्सा**”तिआदि अज्जमज्जं वेवचनं।

२५१. “**यथाधम्मो ठितो, तथेवा**”ति इमिनापि यथा-सदस्स अनुरूपत्थमाह, साधुसमाचिण्णकुसलधम्मनुरूपन्ति अत्थो। पटिसदस्स अनत्थकत्वं दस्सेति “**करोसी**”ति इमिना। पटिकम्मं करोसीतिपि वदन्ति। यथाधम्मं पटिकरणं नाम कतापराधस्स खमापनमेवाति आह “**खमापेसीति वुत्तं होती**”ति। “**पटिग्गण्हामा**”ति एतस्स अधिवासनं सम्पटिच्छामाति अत्थं दस्सेति “**खमामा**”ति इमिना। **बुद्धि** हेसाति एत्थ ह-कारो पदसिलिङ्गताय आगमो, हि-सद्दो वा निपातमत्तं। **एसा**ति यथाधम्मं पटिकिरिया, आयतिं संवरापज्जना च। तेनाह “यो अच्चयं...पे०... आपज्जती”ति। सदेवकेन लोकेन “सरण”न्ति अरणीयतो उपगन्तब्बतो तथागतो **अरियो** नामाति वुत्तं “**बुद्धस्स भगवतो**”ति। विनेति सत्ते एतेनाति **विनयो**, सासनं। वद्धति सगमोक्खसम्पत्ति एतायाति **बुद्धि**। कतमा पन सा, या “**एसा**”ति निदिद्धा बुद्धीति चोदनमपनेतुं “यो अच्चय”न्तिआदि वुत्तन्ति सम्बन्धं दस्सेति “**कतमा**”तिआदिना, या अयं संवरापज्जना, सा “**एसा**”ति निदिद्धा बुद्धि नामाति अत्थो। “**यथाधम्मं पटिकरोती**”ति इदं आयतिं संवरापज्जनाय पुब्बकिरियादस्सनन्ति विज्जापनत्थं “**यथाधम्मं पटिकरित्वा आयतिं संवरापज्जना**”ति वुत्तं। एसा हि आचरियानं पकति, यदिदं येन केनचि पकारेन अधिप्पायन्तरविज्जापनं, एतपदेन पन तस्सापि पटिनिद्देसो सम्भवति “**यथाधम्मं पटिकरोती**”तिपि पटिनिद्दिसितब्बस्स दस्सनतो। केचि पन “**यथाधम्मं पटिकरोती**”ति इदं पुब्बकिरियामत्तस्सेव दस्सनं, न पटिनिद्दिसितब्बस्स। “**आयतिज्च संवरं आपज्जती**”ति इदं पन पटिनिद्दिसितब्बस्सेवाति विज्जापनत्थं एवं वुत्त”न्ति वदन्ति, तदयुत्तमेव खमापनस्सापि बुद्धिहेतुभावेन अरियूपवादे वुत्तत्ता। इतरथा हि खमापनाभावेपि आयतिं संवरापज्जनाय एव अरियूपवादापगमनं वत्तं सिया, न च पन वत्तं, तस्मा वृत्तनयेनेव अत्थो वेदितब्बोति।

कस्मा पन “याय”न्तिआदिना धम्मनिद्देसो दस्सितो, ननु पाळियं “यो अच्चय”न्तिआदिना पुग्गलनिद्देसो कतोति चोदनं सोधेतुं “देसनं पना”तिआदि आरब्धं। **पुग्गलाधिद्धानं करोन्तोति** पुग्गलाधिद्धानधम्मदेसनं करोन्तो। पुग्गलाधिद्धानापि हि पुग्गलाधिद्धानधम्मदेसना, पुग्गलाधिद्धानपुग्गलदेसनाति दुविधा होति। अयमेत्थाधिप्पायो – किञ्चापि “बुद्धि हेसा”तिआदिना धम्माधिद्धानदेसना आरब्धा, तथापि पुन पुग्गलाधिद्धानं करोन्तेन “यो अच्चय”न्तिआदिना पुग्गलाधिद्धानदेसना आरब्धा देसनाविलासवसेन, वेनेय्यज्झासयवसेन चाति। तदुभयवसेनेव हि धम्माधिद्धानादिभेदेन चतुब्बिधा देसना।

२५२. वचसायत्तेति वचसा आयत्ते। वाचापटिबन्धत्तेति वदन्ति, तं “सो ही”तिआदिना विरुद्धं विय दस्सति। **वचसायत्तेति** पन वाचापरियोसानत्थेति अत्थो युत्तो ओसानकरणत्थस्स सासद्दस्स वसेन सायसद्दनिप्फत्तितो यथा “दायो”ति। एवञ्चि समत्थनवचनम्पि उपपन्नं होति। गमनाय कतं वाचापरियोसानं कत्वा वुत्तता तस्मिंयेव अत्थे वत्ततीति। **हन्दसद्दञ्चि** चोदनत्थे, वचसग्गत्ये च इच्छन्ति। “हन्द दानि भिक्खवे आमन्तयामी”तिआदीसु (दी० नि० २.२१८; सं० नि० १.१.१८६) हि चोदनत्थे, “हन्द दानि अपायामी”तिआदीसु (जा० २.२२.८४३) वचसग्गत्ये, **वचसग्गो** च नाम वाचाविस्सज्जनं, तच्च वाचापरियोसानमेवाति दद्दब्बं। दुक्करकिच्चवसेन बहुकिच्चताति आह “**बलवकिच्चा**”ति। “अवस्सं कत्तब्बं किच्चं, इतरं करणीयं। पठमं वा कत्तब्बं किच्चं, पच्चा कत्तब्बं करणीयं। खुद्दकं वा किच्चं, महन्तं करणीय”न्तिपि उदानट्ठकथादीसु (उदा० अट्ठ० १५) वुत्तं। यं-तं-सद्धानं निच्चसम्बन्धत्ता, गमनकालजाननतो, अज्जकिरियाय च अनुपयुत्तत्ता “**तस्स कालं त्वमेव जानासी**”ति वुत्तं। इदं वुत्तं होति “तया जातं गमनकालं त्वमेव अत्वा गच्छाही”ति। अथ वा यथा कत्तब्बकिच्चनियोजने “इमं जान, इमं देहि, इमं आहरा”ति (पाचि० ८८, ९३) वुत्तं, तथा इधापि तया जातं कालं त्वमेव जानासि, गमनवसेन करोहीति गमने नियोजेतीति दस्सेतुं “**त्वमेव जानासी**”ति पाठसेसो वुत्तोति दद्दब्बं। “**तिक्खत्तुं पदक्खिणं कत्वा**”तिआदि यथासमाचिण्णं पकरणाधिगतमत्तं दस्सेतुं वुत्तं। तत्थ **पदक्खिणन्ति** पकारतो कतं दक्खिणं। तेनाह “**तिक्खत्तु**”न्ति। **दसनखसमोधानसमुज्जलन्ति** द्वीसु हत्थेसु जातानं दसन्नं नखानं समोधानेन एकीभावेन समुज्जलन्तं, तेन द्विन्नं करतलानं समट्ठपनं दस्सेति। **अज्जलिन्ति** हत्थपुटं। अज्जति ब्यत्तिं पकासेति एतायाति **अज्जलि**। अज्जु-सद्दञ्चि ब्यत्तियं, अलिपच्चयज्ज इच्छन्ति सद्दविदू। **अभिमुखोवाति** सम्मुखो एव, न भगवतो पिट्ठिं दस्सेत्वाति अत्थो। पच्चप्पतिट्ठितवन्दनानयो वुत्तो एव।

२५३. इमस्मियेव अत्तभावे विपच्चनकानं अत्तनो पुब्बे कतकुसलमूलानं खणनेन खतो, तेसमेव उपहननेन उपहतो, पदद्वयेनपि तस्स कम्मापराधमेव दस्सेति परियायवचनत्ता पदद्वयस्स । कुसलमूलसङ्घातपतिट्ठाभेदनेन खतूपहतभावं दस्सेतुं “भिन्नपतिट्ठो जातो”ति वुत्तं । पतिट्ठा, मूलन्ति च अत्थतो एकं । पतिट्ठहति सम्मत्तनियामोक्कमनं एतायाति हि पतिट्ठा, तस्स कुसलूपनिस्सयसम्पदा, सा किरियापराधेन भिन्ना विनासिता एतेनाति भिन्नपतिट्ठो । तदेव वित्थारेन्तो “तथा”तिआदिमाह । यथा कुसलमूलसङ्घाता अत्तनो पतिट्ठानजाता, तथा अनेन रज्जा अत्तनाव अत्ता खतो खनितोति योजना । खतोति हि इदं इध कम्मवसेन सिद्धं, पाळियं पन कत्तुवसेनाति दट्ठब्बं । पदद्वयस्स परियायत्ता “उपहतो”ति इध न वुत्तं ।

“रागो रजो न च पन रेणु वुच्चती”तिआदि (महानि० २०९; चूलनि० ७४) वचनतो रागदोसमोहाव इध रजो नामाति वुत्तं “रागरजादिविरहित”न्ति । वीतसद्दस्स विगतपरियायतं दस्सेति “विगतत्ता”ति इमिना । धम्मेषु चक्खुन्ति चतुसच्चधम्मेषु पवत्तं तेसं दस्सनट्ठेन चक्खुं । धम्मेषूति वा हेट्ठिमेसु तीसु मग्गधम्मेषु । चक्खुन्ति सोतापत्तिमग्गसङ्घातं एकं चक्खुं, समुदायेकदेसवसेन आधारत्थसमासोयं, न तु निद्धारणत्थसमासो । सो हि सासनगन्थेषु, सक्कतगन्थेषु च सब्बत्थ पटिसिद्धोति । धम्ममयन्ति समथविपस्सनाधम्मेन निब्बत्तं, इमिना “धम्मेन निब्बत्तं चक्खु धम्मचक्खू”ति अत्थमाह । अपिच धम्ममयन्ति सीलादितिविधधम्मकखन्धोयेव मय-सद्दस्स सकल्ये पवत्तनतो, अनेन “धम्मोयेव चक्खु धम्मचक्खू”ति अत्थमाह । अज्जेसु ठानेसूति अज्जेसु सुत्तपदेसेसु, एतेन यथापाठं तिविधत्थतं दस्सेति । इध पन सोतापत्तिमग्गस्सेवेतं अधिवचनं, तस्मिम्पि अनधिगते अज्जेसं वत्तब्बतायेव अभावतोति अधिप्पायो ।

इदानी “खतायं भिक्खवे राज्ञा”तिआदिपाठस्स सुविज्जेय्यमधिप्पायं दस्सेन्तो “इदं वुत्तं होती”तिआदिमाह । तत्थ नाभविस्साति सचे न अभविस्सथ, एवं सतीति अत्थो । अतीते हि इदं कालातिपत्तिवचनं, न अनागतेति दट्ठब्बं । एस नयो सोतापत्तिमग्गं पत्तो अभविस्साति एत्थापि । ननु च मग्गपापुणनवचनं भविस्समानत्ता अनागतकालिकन्ति ? सच्चं अनियमिते, इध पन “इधेवासने निसिन्नो”ति नियमितत्ता अतीतकालिकमेवाति वेदितब्बं । इदञ्चि भगवा रज्जो आसना वुट्ठाय अचिरपक्कन्तस्सेव अवोचाति । पापमित्तसंसग्गेनाति देवदत्तेन, देवदत्तपरिसासङ्घातेन च पापमित्तेन संसग्गतो । अस्साति सोतापत्तिमग्गस्स । “एवं सन्तेपी”तिआदिना पाठानारुहं वचनावसेसं दस्सेति । तस्माति

सरणं गतत्ता मुच्चिस्सतीति सम्बन्धो । “मम च सासनमहन्तताया”ति पाठो युक्तो, कथंचि पन च-सद्दो न दिस्सति, तत्थ सो लुत्तनिदिद्दोति दड्डब्बं । न केवलं सरणं गतत्तायेव मुच्चिस्सति, अथ खो यत्थ एस पसन्नो, पसन्नाकारञ्च करोति, तस्स च तिविधस्सपि सासनस्स उत्तमतायाति हि सह समुच्चयेन अत्थो अधिप्पेतोति ।

“यथा नामा”तिआदि दुक्करकम्मविपाकतो सुकरेन मुच्चनेन उपमादस्सनं । कोचीति कोचि पुरिसो । कस्सचीति कस्सचि पुरिसस्स, “वध”न्ति एत्थ भावयोगे कम्मत्थे सामिवचनं । पुष्फमुट्ठिमत्तेन दण्डेनाति पुष्फमुट्ठिमत्तसङ्घातेन धनदण्डेन । मुच्चेय्याति वधकम्मदण्डतो मुच्चेय्य, दण्डेनाति वा निस्सक्कत्थे करणवचनं “सुमुत्ता मयं तेन महासमणेना”तिआदीसु (दी० नि० २.२३२; चूळव० ४३७) विय, पुष्फमुट्ठिमत्तेन धनदण्डतो, वधदण्डतो च मुच्चेय्याति अत्थो । लोहकुम्भियन्ति लोहकुम्भिनरकं । तत्थ हि तदनुभवनकानं सत्तानं कम्मबलेन लोहमया महती कुम्भी निब्बत्ता, तस्मा तं “लोहकुम्भी”ति वुच्चति । उपरिमतलतो अधो पतन्तो, हेट्ठिमतलतो उद्धं गच्छन्तो, उभयथा पन सट्ठिवस्ससहस्सानि होन्ति । वुत्तञ्च –

“सट्ठिवस्ससहस्सानि, परिपुण्णानि सब्बसो ।

निरये पच्चमानानं, कदा अन्तो भविस्सती”ति ।। (पे० व० ८०२; जा० १.४.५४)

“हेट्ठिमतलं पत्वा, उपरिमतलं पापुणित्वा मुच्चिस्सती”ति वदन्तो इममत्थं दीपेति – यथा अञ्जे सेट्ठिपुत्तादयो अपरापरं अधो पतन्ता, उद्धं गच्छन्ता च अनेकानि वस्ससतसहस्सानि तत्थ पच्चन्ति, न तथा अयं, अयं पन राजा यथावुत्तकारणेन एकवारमेव अधो पतन्तो, उद्धञ्च गच्छन्तो सट्ठिवस्ससहस्सानियेव पच्चित्वा मुच्चिस्सतीति । अयं पन अत्थो कुतो लद्धोति अनुयोगं परिहरन्तो “इदम्पि किर भगवता वुत्तमेवा”ति आह । किरसद्दो चेत्थ अनुस्सवनत्थो, तेन भगवता वुत्तभावस्स आचरियपरम्परतो सुय्यमानतं, इमस्स च अत्थस्स आचरियपरम्पराभतभावं दीपेति । अथ पाळियं सङ्गीतं सियाति चोदनमपनेति “पाळियं पन न आरुळ्ह”न्ति इमिना, पकिण्णकदेसनाभावेन पाळियमनारुळ्हत्ता पाठभावेन न सङ्गीतन्ति अधिप्पायो । पकिण्णकदेसना हि पाळियमनारुळ्हाति अट्ठकथास् वृत्तं ।

यदि अनन्तरे अत्तभावे नरके पच्चति, एवं सति इमं देसनं सुत्वा को रज्जो आनिसंसो लब्धोति कस्सचि आसङ्का सियाति तदासङ्कानिवत्तनत्थं चोदनं उद्धरित्वा परिहरितुं “इदं पना”तिआदि वुत्तं। “अयञ्ही”तिआदिना निद्दालाभादिकं दिट्ठधम्मिकसम्परायिकं अनेकविधं महानिसंसं सरूपतो नियमेत्वा दस्सेति। एत्थ हि “अयं...पे०... निदं लभती”ति इमिना निद्दालाभं दस्सेति, तदा कायिकचेतसिकदुक्खापगतभावञ्च निद्दालाभसीसेन, “तिण्णं...पे०... अकासी”ति इमिना तिण्णं रतनानं महासक्कारकिरियं, “पोथुज्जनिकाय...पे०... नाहोसी”ति इमिना सातिसयं पोथुज्जनिकसङ्खापटिलाभं दस्सेतीति एवमादि दिट्ठधम्मिको, “अनागते...पे०... परिनिब्बायिस्सती”ति इमिना पन उक्कंसतो सम्परायिको दस्सितो, अनवसेसतो पन अपरापरेसु भवेसु अपरिमाणोयेव सम्परायिको वेदितब्बो।

तत्थ मधुरायाति मधुररसभूताय। ओजवन्तियाति मधुररसस्सापि सारभूताय ओजाय ओजवति। पुथुज्जने भवा पोथुज्जनिका। पञ्च मारे विसेसतो जितवाति विजितावी, परुपदेसविरहता चेत्थ विसेसभावो। पच्चेकं अभिसम्बुद्धोति पच्चेकबुद्धो, अनाचरियको हुत्वा सामञ्जेव सम्बोधि अभिसम्बुद्धोति अत्थो। तथा हि “पच्चेकबुद्धा सयमेव बुज्झन्ति, न परे बोधेन्ति, अत्थरसमेव पटिविज्झन्ति, न धम्मरसं। न हि ते लोकुत्तरधम्मं पज्जतिं आरोपेत्वा देसेतुं सक्कोन्ति, मूगेन दिट्ठसुपिनो विय, वनचरकेन नगरे सायितव्यञ्जनरसो विय च नेसं धम्माभिसमयो होति, सब्बं इल्लिसमापत्तिपटिसम्भिदापभेदं पापुणन्ती”ति (सु० नि० अट्ठ० १.खग्गविसाणसुत्तवण्णना; अप० अट्ठ० १.९०, ९१) अट्ठकथासु वुत्तं।

एत्थाह – यदि रज्जो कम्मन्तरायाभावे तस्मिंयेव आसने धम्मचक्खु उप्पज्जिस्सथ, अथ कथं अनागते पच्चेकबुद्धो हुत्वा परिनिब्बायिस्सति। यदि च अनागते पच्चेकबुद्धो हुत्वा परिनिब्बायिस्सति, अथ कथं तस्मिंयेव आसने धम्मचक्खु उप्पज्जिस्सथ, ननु इमे सावकबोधिपच्चेकबोधिउपनिस्सया भिन्ननिस्सया द्वित्रं बोधीनं असाधारणभावतो। असाधारणा हि एता द्वे यथाक्कमं पञ्चङ्गद्वयङ्गसम्पत्तिया, अभिनीहारसमिद्धिवसेन, पारमीसम्भरणकालवसेन, अभिसम्बुज्जनवसेन चाति? नायं विरोधो इतो परतोयेवस्स पच्चेकबोधिसम्भारानं सम्भरणीयत्ता। सावकबोधिया बुज्झनकसत्तापि हि असति तस्सा समवाये कालन्तरे पच्चेकबोधिया बुज्झिस्सन्ति तथाभिनीहारस्स सम्भवतोति। अपरे पन भणन्ति – “पच्चेकबोधियायेवायं राजा कताभिनीहारो। कताभिनीहारापि हि तत्थ

नियतिमप्पत्ता तस्स जाणस्स परिपाकं अनुपगतत्ता सत्थु सम्मुखीभावे सावकबोधिं पापुणिस्सन्तीति भगवा 'सचायं भिक्खवे राजा'तिआदिमवोच, महाबोधिसत्तानमेव च आनन्तरियपरिमुत्ति होति, न इतरेसं बोधिसत्तानं । तथा हि पच्चेकबोधियं नियतो समानो देवदत्तो चिरकालसम्भूतेन लोकनाथे आघातेन गरुतरानि आनन्तरियकम्मानि पसवि, तस्मा कम्मन्तरायेन अयं इदानि असमवेतदस्सनाभिसमयो राजा पच्चेकबोधिनियामेन अनागते विजितावी नाम पच्चेकबुद्धो हुत्वा परिनिब्बायिस्सती'ति दट्ठब्बं, युत्ततरमेत्थ वीमंसित्वा गहेतब्बं ।

यथावुत्तं पाळिमेव संवण्णनाय निगमवसेन दस्सेन्तो "इदमवोचा"तिआदिमाह । तस्सत्थो हि हेट्ठा वुत्तोति । अपिच पाळियमनारुळ्हम्पि अत्थं सङ्गहेतुं "इदमवोचा"तिआदिना निगमनं करोतीति दट्ठब्बं ।

इति सुमङ्गलविलासिनिया दीघनिकायट्ठकथाय परमसुखुमगम्भीरदुरनुबोधत्थपरिदीपनाय सुविमलविपुलपञ्जावेय्यत्तियजननाय अज्जवमद्वसोरच्चसद्धासतिधितिबुद्धिखन्तिवीरियादि-धम्मसमङ्गिना साट्ठकथे पिटकत्तये असङ्गासंहिरविसारदजाणचारिना अनेकप्पभेदसकसमय-समयन्तरगहनज्झोगाहिना महागणिना महावेय्याकरणेन जाणाभिवंसधम्मसेनापतिनामथेरेन महाधम्मराजाधिराजगरुना कताय साधुविलासिनिया नाम लीनत्थप्पकासिनिया सामञ्जफलसुत्तवण्णनाय लीनत्थप्पकासना ।

सामञ्जफलसुत्तवण्णना निड्ढिता ।

३. अम्बडसुत्तवण्णना

अद्धानगमनवण्णना

२५४. एवं सामञ्जफलसुत्तं संवण्णेत्वा इदानीं अम्बडसुत्तं संवण्णेन्तो यथानुपुब्बं संवण्णोकासस्स पत्तभावं विभावेतुं, सामञ्जफलसुत्तस्सानन्तरं सङ्गीतस्स सुत्तस्स अम्बडसुत्तभावं पकासेतुं “एवं मे सुत्तं...पे०... कोसलेसूति अम्बडसुत्त”न्ति आह। एवमीदिसेसु। इतिसद्दो चेत्थ आदिअत्थो, पदत्थविपल्लासजोतको पन इतिसद्दो लुत्तनिदिट्ठो, आदिसद्दलोपो वा एस, उपलक्खणनिद्देसो वा। अपुब्बपदवण्णना नाम हेट्ठा अग्गहितताय अपुब्बस्स पदस्स अत्थविभजना। “हित्वा पुनप्पुनागत-मत्थं अत्थं पकासयिस्सामी”ति (दी० नि० अट्ठ० १. गन्थारम्भकथा) हि वुत्तं, “अनुपुब्बपदवण्णना”ति कत्थचि पाठो, सो अयुत्तोव टीकाय अनुद्धट्ठा, तथा असंवण्णितत्ता च।

“राजकुमारा गोत्तवसेन कोसला नामा”ति (दी० नि० टी० १.२५४) आचरियेन वुत्तं। अक्खरचिन्तका पन वदन्ति “कोसं लन्ति गण्हन्ति, कुसलं वा पुच्छन्तीति कोसला”ति। जनपदिनोति जनपदवन्तो, जनपदस्स वा इस्सरा। “कोसला नाम राजकुमारा”ति वुत्तेयेव सिद्धेपि “जनपदिनो”ति वचनं सन्तेसुपि अज्जेसु तंतं नामपज्जातेसु तत्थ निवसन्तेसु जनपदिभावतो तेसमेव निवसनमुपादाय जनपदस्सायं समज्जाति दस्सनत्थं। “तेसं निवासो”ति इमिना “कोसलानं निवासा कोसला”ति तद्धितं दस्सेति। “एकोपि जनपदो”ति इमिना पन सदतोयेवेतं पुत्थुवचनं, अत्थतो पनेस एको एवाति विभावेति। अपि-सद्दो चेत्थ अनुग्गहे, तेन कामं एकोयेवेस जनपदो, तथापि इमिना कारणेन पुत्थुवचनमुपपन्नन्ति अनुग्गण्हाति। यदि एकोव जनपदो, कथं तत्थ बहुवचनन्ति आह “रुद्धिसद्देना”तिआदि, रुद्धिसद्देना बहुवचनमुपपन्नन्ति वुत्तं होति। निस्सितेसु पयुत्तस्स पुत्थुवचनस्स, पुत्थुभावस्स वा निस्सये अभिनिरोपना इध रुद्धि, तेन

वुत्तं आचरियेन इध चेव अज्जत्थ च **मज्झिमागमटीकादीसु** “अक्खरचिन्तका हि ईदिसेसु ठानेसु युत्ते विय ईदिसलिङ्गवचनानि इच्छन्ति, अयमेत्थ रुळ्हि यथा ‘अज्जत्थापि कुरूसु विहरति, अङ्गेसु विहरती’ति चा”ति। केचि पन कोसलनामाभिनिरोपनमिच्छन्ति, अयुत्तमेतं पुथुवचनस्स अप्पयुज्जितब्बत्ता। नामाभिनिरोपनाय हि एकवचनम्पि भवति यथा “सीहो गायती”ति। तब्बिसेसितेपि जनपदसद्दे जातिसद्दत्ता एकवचनमेव। तेनाह “**तस्मिं कोसलेसु जनपदे**”ति, कोसलनामके तस्मिं जनपदेति अत्थो। अभूततो हि वोहारमतं रुळ्हि, भूततोयेव अत्थो विनिच्छिन्नितब्बो। यथा हि –

“सन्ति पुत्ता विदेहानं, दीघावु रट्ठवट्ठनो।

ते रज्जं कारयिस्सन्ति, मिथिलायं पजापती”ति॥ (जा० २.२२.२७६)
आदीसु –

तंपुत्तसङ्घातस्स एकत्थस्स रुळ्हिवसेन “पुत्ता”ति बहुवचनपयोगो, तथा इधापि तन्निवाससङ्घातस्स एकत्थस्स रुळ्हिवसेन “कोसलेसू”ति बहुवचनपयोगो होति। यथा च “पाणं न हज्जे, न च ‘दिन्नमादिये’तिआदीसु (अ० नि० ३.८.४२, ४३, ४५) जातिवसेन बह्वत्थानमेकवचनपयोगो, तथा इधापि जातिवसेन अवयवप्पभेदेन बह्वत्थस्स “जनपदे”ति एकवचनपयोगो होति। वुत्तञ्च आचरियेन **मज्झिमागमटीकायं** “तब्बिसेसनेपि जनपदसद्दे जातिसद्दे एकवचनमेव। तेनाह ‘तस्मिं अङ्गेसु जनपदे’ति”।

एवं रुळ्हिवसेन बहुम्हि विय वत्तब्बे बहुवचनं दस्सेत्वा इदानीं बह्वत्थवसेन बहुम्पि एव वत्तब्बे बहुवचनं दस्सेन्तो “**पोराणा पनाहू**”तिआदिमाह। **पन-सद्दो** चेत्थ विसेसत्थजोतनो, तेन पुथुअत्थविसयताय एवेतं पुथुवचनं, न रुळ्हिवसेनाति वक्खमानं विसेसं जोतेति। सो हि पदेसो तियोजनसत्परिमाणताय बहुप्पभेदोति, इमस्मिं पन नये तेसु कोसलेसु जनपदेसूति अत्थो वेदितब्बो। **महापनादन्ति** महापनादजातक (जा० १.३.४०, ४१, ४२) सुरुचिजातकेसु (जा० १.१४.१०२ आदयो) आगतं सुरुचिनो नाम विदेहरज्जो पुत्तं महापनादनामकं राजकुमारं। **नानानाटकानीति** भण्डुकण्डपण्डुकण्डपमुखानि छसत्सहस्सानि नानाविधनाटकानि, कत्थचि पन आदिसद्दोपि दिट्ठो, सो जातकट्ठकथायं न दिस्सति, यदि च दिस्सति, तेन नटलङ्घकादीनं सङ्गहो दट्ठब्बो। **सितमत्तम्पीति** मिहितमत्तम्पि। तस्स किर दिब्बनाटकानं अनन्तरभवेयेव दिट्ठत्ता मनुस्सनाटकानं नच्चं अमनुज्जं अहोसि। **नङ्गलानिपि** छट्ठेत्वाति कसिकम्मप्पहानवसेन

नङ्गलानि पहाय, निदस्सनमत्तञ्चेतं । न हि केवलं कस्सका एव, अथ खो अञ्जेपि उभयरट्टवासिनो मनुस्सा अत्तनो अत्तनो किच्चं पहाय तस्मिं मङ्गलद्वाने सन्निपतिसु । तदा किर महापनादकुमारस्स पासादमङ्गलं, छत्तमङ्गलं, आवाहमङ्गलन्ति तीणि मङ्गलानि एकतो अकंसु, कासिविदेहरट्टवासिनोपि तत्थ सन्निपतित्वा अतिरेकसत्तवस्सानि छणमनुभविंसूति, अधुना पन “नङ्गलादीनी”ति पाठो दिस्सति, सो न पोराणपाठो टीकायमनुद्धत्ता ।

महाजनकाये सन्निपतितेति केचि “पहंसनविधिं दस्सेत्वा राजकुमारं हासापेस्सामा”ति, केचि “तं कीळनं पस्सिस्सामा”ति एवं महाजनसमूहे सन्निपतिते । अतुलम्बाभिरुहनदारुचितकपवेसनादि **नानाकीलायो दस्सेत्वा** । सक्कपेसितो किर दिब्बनाटको राजङ्गणे आकासे ठत्वा उपट्ठभागं नाम दस्सेति, एकोव हत्थो, एको पादो, एकं अक्खि, एका दाठा नच्चति चलति, उपट्ठं फन्दति, सेसं निच्चलमहोसि, तं दिस्वा महापनादो थोकं हसितमकासि, इममत्थं सन्धाय “**सो दिब्बनाटकं दस्सेत्वा हसापेसी**”ति वुत्तं । **सुहज्जा** नाम विस्सासिका “सुट्ठु हृदयमेतेस”न्ति कत्वा । **आदिसद्देन** जातकपरिजनादीनं सङ्गहो । **तस्माति** तथा वचनतो । तं **कुसलन्ति वचनं उपादायाति** एत्थ “कच्चि कुसलं ? आम कुसल”न्ति वचनपटिवचनवसेन पवत्तकुसलवादिताय ते मनुस्सा आदितो “**कुसला**”ति समञ्जं लभिसु, तेसं कुसलानं इस्सराति राजकुमारा **कोसला** नाम जाता, तेसं निवासद्वानताय पन पदेसो **कोसलाति** पुब्बे वुत्तनयमेव । तेनाह “**सो पदेसो कोसलाति वुच्चती**”ति । एवं **मज्झिमागमटीकायं** आचरियेनेव वुत्तं । तत्रायमधिष्णायो सिया – “सो पदेसो कोसलाति वुच्चती”ति सज्जीसज्जा यथाक्कमं एकवचनबहुवचनवसेन वुत्तत्ता पुरिमनये विय इधापि रुळ्हिवसेनेव बहुवचनं होति । राजकुमारानं नामलाभहेतुमत्तञ्हेत्थ विसेसोति । इध पन आचरियेन एवं वुत्तं **सो पदेसोति** पदेससामञ्जतो वुत्तं, वचनविपल्लासेन वा, ते पदेसाति अत्थो । **कोसलाति वुच्चति** कुसला एव कोसलाति कत्वा”ति (दी० नि० टी० १.२५४) तत्रायमधिष्णायो सिया – **सो पदेसोति** जातिसद्दवसेन, वचनविपल्लासेन वा वुत्तत्ता पुथुअत्थविसयताय एव बहुवचनं होति । पदेसस्स नामलाभहेतु हेत्थ विसेसोति । “**कुसल**”न्ति हि वचनमुपादाय रुळ्हिनामवसेन वुत्तनयेन कोसला यथा “येवापनकं, नतुम्हाकवग्गो”ति । अपिच वचनपटिवचनवसेन “**कुसल**”न्ति वदन्ति एत्थाति **कोसला** । विचित्रा हि तद्धितवुत्तीति । **कुसलन्ति** च आरोग्यं “कच्चि नु भोतो कुसलं, कच्चि भोतो अनामय”न्तिआदीसु (जा० १.१५.१४५; जा० २.२०.१२९) विय, कच्चि तुम्हाकं आरोग्यं होतीति अत्थो, छेकं वा “**कुसला**

नच्चगीतस्स, सिक्खिता चातुरिथियो'तिआदीसु (जा० २.२२.९४) विय, कच्च तेसं नाटकानं छेकता होतीति अत्थो ।

चरणं चारिका, चरणं वा चारो, सो एव चारिका, तयिदं मग्गमनमेव इधाधिप्पेतं, न चुण्णिकगमनमत्तन्ति दस्सेतुं “अद्धानगमन”न्ति वुत्तं, भावनपुंसकज्वेतं, अद्धानगमनसङ्घाताय चारिकाय चरमानोति वुत्तं होति, अभेदेपि वा भेदवोहारेण वुत्तं यथा “दिवाविहारं निसीदी”ति, (म० नि० १.२५६) अद्धानगमनसङ्घातं चारिकं चरमानो, चरणं करोन्तोति अत्थो । सब्बत्थको हि करभूधातूनमत्थोति । “अद्धानमग्ग”न्तिपि कत्थचि पाठो, सो न सुन्दरो । न हि चारिकासद्दो मग्गवाचकोति । इदानीं तं विभागेन दस्सेत्वा इधाधिप्पेतं नियमेन्तो “चारिका च नामेसा”तिआदिमाह । सावकानमपि रुळ्हिवसेन चारिकाय सम्भवतो ततो विसेसेति “भगवतो”ति इमिना । तथा हि मज्झिमागमडुकथायं वुत्तं “चारिकं चरमानोति एत्थ किञ्चापि अयं चारिका नाम महाजनसङ्गहत्थं बुद्धानंयेव लब्भति, बुद्धे उपादाय पन रुळ्हिसद्देन सावकानमपि वुच्चति किलञ्जादीहि कतबीजनीपि तालवण्टं विया”ति । दूरेपीति एत्थ पि-सद्देन, अपि-सद्देन वा नातिदूरेपीति सम्पिण्डनं तत्थापि चारिकासम्भवतो । बोधनेय्यपुग्गलन्ति चतुसच्चपटिवेधवसेन बोधनारहपुग्गलं । सहसा गमनन्ति सीघगमनं । “महाकस्सपस्स पच्चुग्गमनादीसू”ति वुत्तमेव सरूपतो दस्सेति “भगवा ही”तिआदिना । पच्चुग्गच्छन्तोति पटिमुखं गच्छन्तो, पच्चुद्धहन्तोति अत्थो “तथा”ति इमिना “तिसयोजन”न्ति पदमनुकट्ठति । पक्कुसाति नाम गन्धारराजा महाकप्पिनो नाम कुक्कुटवतीराजा । धनियो नाम कोरण्डसेट्ठिपुत्तो गोपो ।

एवं धम्मगरुताकित्तनमुखेन महाकस्सपपच्चुग्गमनादीनि (सं० नि० अट्ठ० २.१५४) एकदेसेन दस्सेत्वा इदानीं वनवासितिस्ससामणेरस्स वत्थुं वित्थारेत्वा चारिकं दस्सेत् “एकदिवस”न्तिआदि आरद्धं । को पनेस तिस्ससामणेरो नाम ? सावत्थियं धम्मसेनापतिर्न उपट्ठाककुले जातो महापुज्जो “पिण्डपातदायकतिस्सो, कम्बलदायकतिस्सो”ति च पुब्बं लद्धनामो पच्छ “वनवासितिस्सो”ति पाकटो खीणासवसामणेरो । वित्थारो धम्मपदे (ध० प० अट्ठ० १.७४ वनवासीतिस्ससामणेरवत्थु) । आकासगामीहि सद्धिं आकासेनेव गन्तुकामो भगवा “छळभिज्जानं आरोचेही”ति अवोच । तस्साति तिस्ससामणेरस्स । तन्नि भगवन्तं सद्धिं भिक्खुसङ्घेन चीवरं पारुपन्तं । नो थेरो नो ओरमत्तको वताति सम्बन्धो गुणेन लामकप्पमाणिको नो होतीति अत्थो ।

अत्तनो पत्तासनेति भिक्खून् आसनपरियन्ते । तेसं गामिकानं दानपटिसंयुतं मङ्गलं वत्वा । कस्मा पन सदेवकस्स लोकस्स मग्गदेसकोपि समानो भगवा एवमाहाति चोदनं सोधेतुं “भगवा किरा”तिआदि वुत्तं । मग्गदेसकोति निब्बानमग्गस्स, सुगतिमग्गस्स वा देसको ।

तायाति अरञ्जसञ्जाय । सङ्घकम्मवसेन सिज्झमानापि उपसम्पदा सत्थु आणावसेन सिज्झनतो “बुद्धदायज्जं ते दस्सामी”ति वुत्तन्ति वदन्ति । अपरे पन “अपरिपुण्णवीसतिवस्सस्सेव तस्स उपसम्पदं अनुजानन्तो सत्था ‘बुद्धदायज्जं ते दस्सामी’ति अवोचा”ति वदन्ति । धम्मसेनापतिना उपज्झायेन उपसम्पादेत्वा, ततोयेवेस धम्मसेनापतिनो सद्धिविहारिकोति अट्ठकथासु वुत्तो । धम्मपदट्ठकथायं पन धम्मसेनापतिआदिथेरानं चत्तालीसभिक्खुसहस्सपरिवारानं अत्तनो अत्तनो परिवारेहि सद्धिं पच्चेकं गमनं, भगवतो च एककस्सेव गमनं खुद्दकभाणकानं मतेन वुत्तं, इध, पन मज्झिमागमट्ठकथायञ्च (म० नि० अट्ठ० २.६५) अञ्जथा गमनं दीघभाणकमज्झिमभाणकानं मतेनाति दट्ठब्बं । अयन्ति महाकस्सपादीनमत्थाय चारिका । यं पन अनुगणहन्तस्स भगवतो गमनं, अयं अतुरितचारिका नामाति सम्बन्धो ।

इमं पन चारिकन्ति अतुरितचारिकं । महामण्डलन्ति मज्झिमदेसपरियापन्नेनेव बाहिरिमेन पमाणेन परिच्छिन्नत्ता महन्तरं मण्डलं । मज्झिममण्डलन्ति इतरेसं उभिन्नं वेमज्झे पवत्तं मण्डलं । अन्तोमण्डलन्ति इतरेहि खुद्दकं मण्डलं, इतरेसं वा अन्तोगधत्ता अन्तिमं मण्डलं, अब्भन्तरिमं मण्डलन्ति वुत्तं होति । किं पनिमेसं पमाणन्ति आह “कथा”तिआदि । तत्थ नवयोजनसत्तिकता मज्झिमदेसपरियापन्नवसेनेव गहेतब्बा ततो पन अतुरितचारिकाय अगमनतो । तदुत्तरि हि तुरितचारिकाय एव तथागतो गच्छति, न अतुरितचारिकाय । पवारेत्वाव चारिकाचरणं बुद्धाचिण्णन्ति वुत्तं “महापवारणाय पवारेत्वा”तिआदि । पाटिपददिवसेति पठमकत्तिकपुण्णमिया अनन्तरे पाटिपदवसे । समन्ताति गतगतट्ठानस्स चतूसु पस्सेसु समन्ततो । महाजनकायस्स सन्निपतनतो पुरिमं पुरिमं आगत निमन्तेतुं लभन्ति । तथा सन्निपतनमेव दस्सेतुं “इतरेसू”तिआदि वुत्तं । समथविपस्सन तरुणा होन्तीति एत्थ समथस्स तरुणभावो उपचारसमाधिवसेन, विपस्सनाय पन सङ्खारपरिच्छेदजाणं, कङ्कवितरणजाणं, सम्मसनजाणं, मग्गामग्गजाणन्ति चतुन्नं जाणान वसेन वेदितब्बो । तरुणविपस्सनाति हि तेसं चतुन्नं जाणानमधिवचनं । पवारणासङ्गहं दत्वाति अनुमतिदानवसेन दत्वा । कत्तिकपुण्णमायन्ति पच्छिमकत्तिकपुण्णमियं । “मिगसिरस्स

पठमपाटिपददिवसे’ति इदं मज्झिमदेसवोहारवसेन मिगासिरमासस्स पठमं पाटिपददिवसं सन्धाय वुत्तं, एतरहि पवत्तवोहारवसेन पन पच्छिमकत्तिकमासस्स काळपक्खपाटिपददिवसो वेदितब्बो ।

अज्जेनपि कारणेनाति भिक्खून् समथविपस्सनातरुणभावतो अज्जेनपि मज्झिममण्डले वेनेय्यान् जाणपरिपाकादिकारणेन । **चतुमासन्ति** आसब्बहीपुण्णमिया पाटिपदतो याव पच्छिमकत्तिकपुण्णमी, ताव चतुमासं । “समन्ता योजनसत्”न्तिआदिना **वुत्तयेनेव** । **वसनं वस्सं**, वसनकिरिया, वुत्थं वसितं वस्समस्साति **वुत्थवस्सो**, तस्स । तथागतेन विनेतब्बत्ता **“भगवतो वेनेय्यसत्ता”**ति सामिनिद्देशो वुत्तो, कत्तुनिद्देशो वा एस । **वेनेय्यसत्ता**ति च चरितानुरूपं विनेतब्बसत्ता । **इन्द्रियपरिपाकं आगमयमानो**ति सद्वादिइन्द्रियानं विमुत्तिपरिपाचनभावेन परिपक्वं पटिमानेन्तो । फुस्समाघफग्गुणचित्तमासानं अज्जतरमासस्स पठमदिवसे निक्खमनतो मासनियमो एत्थ न कतोति दट्ठब्बं । तेनाह **“एकमासं वा द्वितित्तुमासं वा तत्थेव वसित्वा”**ति । तत्थेवाति वस्सूपगमनद्वाने एव । **“सत्तहि वा”**तिआदि **“एकमासं वा”**तिआदिना यथाक्कमं योजेतब्बं – यदि अपरम्पि एकमासं तत्थेव वसति, सत्तहि मासेहि चारिकं परियोसापेति । यदि द्विमासं छहि, यदि तिमासं पञ्चहि, यदि चतुमासं तत्थेव वसति, चतूहि मासेहि चारिकं परियोसापेतीति । कस्मा पन चारिकागमनन्ति आसङ्कानिवत्तनत्थं **“इती”**तिआदि वुत्तं । अतिरेकं जरादुब्बलो बाब्बहिण्णो । ते कदा पस्सिस्सन्ति, न पस्सिस्सन्ति एव । **लोकानुकम्पका**याति लोकानुकम्पकाय एव । तेन वुत्तं **“न चीवरादिहेतू”**ति ।

जङ्गविहारवसेनाति जङ्गाहि विचरणवसेन, जङ्गाहि विचरित्वा तत्थ तत्थ कतिपाहं निवसनवसेन वा । सब्बिरियापथसाधारणज्झि विहारवचनं । **सरीरफासुकत्था**याति एकस्मिंयेव ठाने निबद्धवासवसेन उस्सन्नधातुकस्स सरीरस्स विचरणेन फासुभावत्थाय । **अट्ठुप्पत्तिकालाभिकङ्कनत्था**याति अग्गिक्खन्धोपमसुत्त (अ० नि० २.७.७२) मघदेवजातकादि (जा० १.१.९) देसनानं विय धम्मदेसनाय अभिकङ्कितब्बअट्ठुप्पत्तिकालत्थाय, अट्ठुप्पत्तिकालस्स वा अभिकङ्कनत्थाय, अट्ठुप्पत्तिकाले धम्मदेसनत्थायाति वुत्तं होति । **सिक्खपदपञ्जापनत्था**याति सुरापानसिक्खापदादि (पाचि० ३२७, ३२८, ३२९) पञ्जापने विय सिक्खापदानं पञ्जापनत्थाय । **बोधनत्था**याति अङ्गुलिमालादयो (म० नि० २.३४७) विय **बोधनेय्यसत्ते** चतुसच्चबोधनत्थाय । **महता**ति महतिया । कच्चि, कतिपये वा पुग्गले

उद्दिस्स चारिका निबद्धचारिका। तदञ्जा सम्बहुले उद्दिस्स गामनिगमनगरपटिपाटिया चारिका अनिबद्धचारिका। तेनाह “तत्था”तिआदि। यं चरतीति किरियापरामसनं।

“एसा इध अधिप्पेता”ति वुत्तमेव वित्थारतो दस्सेतुं “तदा किरा”तिआदि वुत्तं। दससहसिलोकधातुयाति जातिक्खेत्तभूतं दससहस्सचक्कवाळं सन्धाय वुत्तं। कस्माति चे ? तत्थेव भब्बसत्तानं सम्भवतो। तत्थ हि सत्ते भब्बे परिपक्किन्द्रिये पस्सितुं बुद्धजाणं अभिनीहरित्वा ठितो भगवा जाणजालं पत्थरतीति वुच्चति, इदञ्च देवब्रह्मानं वसेन वुत्तं। मनुस्सा पन इमस्मिंयेव चक्कवाळे, इमस्मिंयेव च सपरिवारे जम्बुदीपे बोधनेय्या होन्ति। बोधनेय्यबन्धवेति बोधनेय्यसत्तसङ्घाते भगवतो बन्धवे। गोत्तादिसम्बन्धा विय हि सच्चपटिवेधसम्बन्धा वेनेय्या भगवतो बन्धवा नामाति। गोचरभावूपगमनं सन्धाय “सब्बञ्जुत्तञ्जाणजालस्स अन्तो पविट्ठो”ति वुत्तं। भगवा किर महाकरुणासमापत्तिं समापज्जित्वा ततो वुट्ठाय “ये सत्ता भब्बा परिपक्कजाणा, ते मय्हं जाणस्स उपट्ठहन्तू”ति चित्तं अधिट्ठाय समन्नाहरति, तस्स सहसमन्नाहारा एको वा द्वे वा सम्बहुला वा तदा विनयूपगा वेनेय्या जाणस्स आपाथमागच्छन्ति, अयमेत्थ बुद्धानुभावो। एवमापाथगतानं पन नेसं उपनिस्सयं पुब्बचरियं, पुब्बहेतुं, सम्पति वत्तमानञ्च पटिपत्तिं ओलोकेति। वेनेय्यसत्तपरिगणहनत्थज्झि समन्नाहारे कते पठमं नेसं वेनेय्यभावेन उपट्ठानं होति, अथ “किं नु खो भविस्सती”ति सरणगमनादिवसेन कञ्चि निप्फत्तिं वीमंसमानो पुब्बूपनिस्सयादीनि ओलोकेति। तेनाह “अथ भगवा”तिआदि। सोति अम्बट्ठो। बादपटिबादं कत्वाति “एवं नु ते अम्बट्ठा”तिआदिना (दी० नि० १.२६२) मया वुत्तवचनस्स “ये च खो ते भो गोतम मुण्डका समणका”तिआदिना (दी० नि० १.२६३) पटिवचनं दत्वा, असम्भिवक्कन्ति असप्पुरिसवाचं, तिक्खतुं इब्भवादनपातनवसेन नानप्पकारं साधुसभावाय वाचाय वत्तुमयुत्तं वाक्यं वक्खतीति वृत्तं होति। निब्बिसेवनन्ति विगततुदं, मानदप्पवसेन अपगतपरिनिप्फन्दनन्ति अत्थो।

अवसरितब्बन्ति उपगन्तब्बं। तस्स गामस्स इदं नाममत्तं, किमेत्थ अत्थपरियेसनायाति वुत्तं “इज्झानङ्गलन्तिपि पाठो”ति। “येन दिसाभागेना”ति करणनिद्देसानुरूपं करणत्थे उपयोगवचनन्ति दस्सेति “तेन अवसरी”ति इमिना। “यस्मिं पदेसे”ति पन भुम्मनिद्देसानुरूपं “तं वा अवसरी”ति वुत्तं। तदुभयमेवत्थं विवरति “तेन दिसाभागेना”तिआदिना। गतोति उपगतो, अगमासीति अत्थो। पुन गतोति सम्पत्तो, सम्पापुणीति अत्थो। “इच्छानङ्गले”ति इदं तदा भगवतो गोचरगामनिदस्सनं, समीपत्थे चेतं

भुम्मं । “इच्छानङ्गलवनसण्डे”ति इदं पन निवासद्वानदस्सनं, निप्परियायतो अधिकरणे चेत्तं भुम्मन्ति तदुभयम्पि पदं विसेसत्थदस्सनेन विवरन्तो “इच्छानङ्गलं उपनिस्साया”तिआदिमाह । “सीलखन्धावार”न्तिआदि वुत्तनयेन वेनेय्यहितसमपेक्खनवसेनेव भगवतो विहारदस्सनं । तत्थ धम्मराजस्स भगवतो सब्बसो अधम्मनिग्गण्हनपरा एव पटिपत्ति, सा च सीलसमाधिपञ्चावसेनाति सीलादित्तयस्सेव गहणं । सीलखन्धावारन्ति चक्कवत्तिरञ्जो दारुइड्डकादिकत्तं खन्धावारसदिसं सीलसङ्घातं खन्धावारं बन्धित्वा विहरतीति सम्बन्धो । दारुक्खन्धादीहि आसमन्ततो वरन्ति परिक्खिपन्ति एत्थाति हि खन्धावारो अ-कारस्स दीघं कत्वा, राजूनं अचिरनिवासद्वानं । तत्थ पन भगवतो अचिरनिवसनकिरियासम्बन्धमत्तेन भयनिवारणद्वेन तंसदिसताय सीलम्पि तथा वुच्चति । समाधिकोन्तन्ति सम्मासमाधिसङ्घातं मङ्गलसत्तिं । सब्बञ्जुतञ्जाणपदन्ति सब्बञ्जुतञ्जाणसङ्घातं जयमन्तपदं । परिवत्तयमानोति परिजप्पमानो । “सब्बञ्जुतञ्जाणसर”न्तिपि पाठो, सब्बञ्जुतञ्जाणवजिरग्गसरं अपरापरं सम्परिवत्तमानोति अत्थो । यथाभिरुचितेन विहारेनाति सब्बविहारसाधारणदस्सनं, दिब्बविहारादीसु येन येन अत्तना अभिरुचितेन विहारेन विहरतीति अत्थो ।

पोक्खरसातिवत्थुवण्णना

२५५. मन्तेति इरुवेदादिमन्तसत्थे । इरुवेदादयो हि गुत्तभासितब्बद्वेन “मन्ता”ति वुच्चन्ति । अण-सद्दो सद्देति आह “सञ्जायती”ति । लोकिया पन वदन्ति “ब्रह्मणो अपच्चं ब्राह्मणो, नागमो, णत्तं, दीघादी”ति । कस्मा अयमेव वचनत्थो वुत्तोति आह “इदमेवा”तिआदि । अथ केसं इतरो वचनत्थोति चोदनमपनेति “अरिया पना”तिआदिना । अथ वा यं लोकिया वदन्ति “ब्रह्मणा जातो ब्राह्मणो”तिआदिनिरुत्तिं, तं पटिक्खिपितुं एवं वुत्तं । “इदमेवा”ति हि अवधारणेन तं पटिक्खिपति । “जातिब्राह्मणान”न्ति पन इमिना सद्दन्तरेन दस्सितेसु जातिब्राह्मणविसुद्धिब्राह्मणवसेन दुविधेसु ब्राह्मणेषु विसुद्धिब्राह्मणानं निरुत्तिं दस्सेन्तो “अरिया पना”तिआदिमाह । बहन्ति पापे बहि करोन्तीति हि अरिया ब्राह्मणा निरुत्तिनयेन । “तस्स किर कायो सेतपोक्खरसदिसो”ति इदमेवस्स नामलाभहेतुदस्सनं, सेसं पन तप्पसङ्गेन यथाविज्जमानविसेसदस्सनमेव । तेनाह “इति नं पोक्खरसदिसत्ता पोक्खरसातीति सज्जानन्ती”ति । पोक्खरेन सदिसो कायो यस्साति हि पोक्खरसाती निरुत्तिनयेन । सातसद्दो वा सदिसत्थो, पोक्खरेन सातो सदिसो कायो तथा, सो यस्साति पोक्खरसाती । सेतपोक्खरसदिसोति सेतपदुमवण्णो । देवनगरेति आलकमन्दादिदेवपुरे । उस्सापितरजततोरणन्ति गम्भीरनेमनिखातं अच्चुग्गतं रजतमयं

इन्द्रखीलं । काळमेघराजीति कदाचि दिस्समाना काळअब्भलेखा । रजतपनाळिकाति रजतमयतुम्बं । सुवट्ठिताति वट्ठभावस्स युत्तट्ठाने सुट्ठ वट्ठला । काळवट्ठतिलकादीनमभावेन सुपरिसुद्धा । “अराजके”तिआदिनापि सोभग्गप्पत्तभावमेव निदस्सेति ।

इदानी अपरम्पि तस्स नामलाभहेतुं दस्सेन्तो “अयं पना”तिआदिमाह । तत्थ च “हिमवन्तपदेसे महासरे पदुमगम्भे निब्बत्ती”ति इदमेवस्स नामलाभहेतुदस्सनं । सेसं पन तप्पसङ्गेन तथापवत्ताकारदस्सनमेव । तेनाह “इति नं पोक्खरे सयितत्ता पोक्खरसातीति सज्जानन्ती”ति । पोक्खरे कमले सयतीति हि पोक्खरसाती, सातं वा वुच्चति समसण्ठानं, पोक्खरे जातं समसण्ठानं तथा, तमस्सत्थीतिपि पोक्खरसाती । यं पन आचरियेन वुत्तं “इमस्स ब्राह्मणस्स कीदिसो पुब्बयोगो, येन नं भगवा अनुग्गण्हितुं तं ठानं उपगतोति आहा”ति, (दी० नि० टी० १.२५५) तदेतं “अयं पना”तिआदिवचनं एकदेसमेव सन्धाय वुत्तं । “सो ततो मनुस्सलोक”न्तिआदिवचनतो देवल्लोके निब्बत्तीति एत्थ अपरापरं निब्बत्ति एव वुत्ताति दट्ठब्बं । तथारूपेन कम्मेन निब्बत्तिमेव सन्धाय “मातुकुच्छिवासं जिगुच्छित्वा”तिआदि वुत्तं । “पदुमगम्भे निब्बत्ती”ति इमिना संसेदजोयेव हुत्वा निब्बत्तीति दस्सेति । न पुप्फतीति न विकसति । तेनाति तापसेन । नाळतोति पुप्फदण्डतो । सुवण्णचुण्णेहि पिज्जरं हेमवण्णो यस्साति सुवण्णचुण्णपिज्जरो, तं, सुवण्णचुण्णेहि विकिण्णभावेन हेमवण्णन्ति अत्थो । पिज्जरसट्ठो हि हेमवण्णपरियायोति सारत्थदीपनियं (सारत्थ० टी० १.२२) वुत्तं । एस नयो पदुमरेणुपिज्जरन्ति एत्थापि । रजतबिम्बकन्ति रूपियमयरूपकं । पटिजग्गामीति पोसेमि । पारन्ति परियोसानं, निप्फत्ति वा वुच्चति नदीसमुद्दादीनं परियोसानभूतं पारं वियाति कत्वा । पटिसन्धिपज्जासङ्घातेन सभावजाणेन पण्डितो । इति कत्तब्बेसु, वेदेसु वा विसारदपज्जासङ्घातेन वेय्यत्तियेन व्यत्तो । अग्गब्राह्मणोति दिसापामोक्खब्राह्मणो । सिप्पन्ति वेदसिप्पं तस्सेव पकरणाधिगतत्ता । ब्रह्मदेय्यं अदासीति वक्खमाननयेन ब्रह्मदेय्यं कत्वा अदासि ।

“अज्झावसती”ति एत्थ अधि-सट्ठो, आ-सट्ठो च उपसग्गमत्तं, ततो “उक्कट्ट”न्ति इदं अज्झापुब्बवसयोगे भुम्मत्थे उपयोगवचनं । अधि-सट्ठो वा इस्सरियत्थो, आ-सट्ठो मरियादत्थो ततो “उक्कट्ट”न्ति इदं कम्मप्पवचनीययोगे भुम्मत्थे उपयोगवचनन्ति दस्सेति “उक्कट्टनामके”तिआदिना । तदेवत्थं विवरितुं “तस्सा”तिआदि वुत्तं । “तस्स नगरस्स सामिको हुत्वा”ति हि “अभिभवित्वा”ति एतस्सत्थविवरणं, तेनेतं दीपेति “सामिभावो अभिभवन”न्ति । “याय मरियादाया”तिआदि पन आ-सट्ठस्सत्थविवरणं, तेनेतं दीपेति

“आसद्दो मरियादत्थो, मरियादा च नाम याय तत्थ वसितब्बं, सायेव अपराधीनता”ति ।
याय मरियादायाति हि याय अपराधीनतासङ्घाताय अनञ्जसाधारणाय अवत्थायाति अत्थो ।
“उपसग्गवसेना”तिआदि पन “उक्कट्टनामके”ति एतस्सत्थविवरणं, तेनेतं दीपेति “सत्तिपि
 भुम्मवचनप्पसङ्गे धात्वत्थानुबत्तकविसेसकभूतेहि दुविधेहिपि उपसग्गेहि युत्तत्ता
 उपयोगवचनमेवेत्थ विहित”न्ति । **“तस्स किरा”**तिआदि पन अत्थानुगतसमञ्जापरिदीपनं ।
वत्थु नाम नगरमापनारहभूमिप्पदेसो “आरामवत्थु, विहारवत्थु”तिआदीसु विय ।

उक्काति दण्डदीपिका । **अग्गहेसु**न्ति “अज्ज मङ्गलदिवसो, तस्मा सुनक्खत्तं, तत्थापि
 अयं सुखणो मा अतिक्कमी”ति रत्तिविभायनं अनुरक्खत्ता, रत्तियं आलोककरणत्थाय
 उक्का ठपेत्वा उक्कासु जलमानासु नगरस्स वत्थुं अग्गहेसुं, तेनेतं दीपेति – उक्कासु
 ठिताति **उक्कट्टा** । मूलविभुजादि आकतिगणपक्खेपेन, निरुत्तिनयेन वा उक्कासु
 विज्जोतयन्तीसु ठिताति **उक्कट्टा**, तथा उक्कासु ठितासु ठिता आसीतिपि **उक्कट्टा**ति ।
मज्झिमागमद्वकथायं पन एवं वुत्तं “तज्ज नगरं ‘मङ्गलदिवसो सुखणो, सुनक्खत्तं मा
 अतिक्कमी’ति रत्तिम्पि उक्कासु ठितासु मापितत्ता उक्कट्टातिपि वुच्चति, दण्डदीपिकासु
 जालेत्वा धारियमानासु मापितत्ताति वुत्तं होती”ति, (म० नि० अट्ठ०
 १.मूलपरियायसुत्तवण्णना) तदपिमिना संसन्दति चेव समेति च नगरवत्थुपरिग्गहस्सपि
 नगरमापनपरियापन्नत्ताति दट्ठब्बं । अपरे पन भणन्ति “भूमिभागसम्पत्तिया,
 उपकरणसम्पत्तिया, मनुस्ससम्पत्तिया च तं नगरं उक्कट्टगुणयोगतो **उक्कट्टा**ति नामं
 लभती”ति । लोकिया पन वदन्ति “उक्का धारीयति एतस्स मापितकालेति **उक्कट्टा**,
 वण्णविकारोय”न्ति, इत्थिलिङ्गवसेन चायं समञ्जा, तेनेविध पयोगो दिस्सति “यथा च भवं
 गोतमो उक्कट्टाय अज्जानि उपासककुलानि उपसङ्गमती”ति (दी० नि० १.२९९)
मूलपरियायसुत्तादीसु (म० नि० १.१) च “एकं समयं भगवा उक्कट्टायं विहरति
 सुभगवने सालराजमूले”तिआदि । एवमेत्थ होतु उपसग्गवसेन उपयोगवचनं, कथं पनेतं
 सेसपदेसु सियाति अनुयोगेनाह **“तस्स अनुपयोगत्ता सेसपदेसू”**ति । तत्थ तस्साति
 उपसग्गवसेन उपयोगसञ्जुत्तस्स “उक्कट्ट”न्ति पदस्स । **अनुपयोगत्ता**ति विसेसनभावेन
 अनुपयुत्तत्ता । **सेसपदेसू**ति “सत्तुस्सद”न्तिआदीसु सत्तसु पदेसु ।

किं नु ख्वायं सदपयोगो सदलक्खणानुगतोति चोदनमपनेति **“तत्थ...पे०...
 परियेसितब्ब”**न्ति इमिना । तत्थाति उपसग्गवसेन, अनुपयोगवसेन च उपयोगवचनन्ति वुत्ते
 द्विधेपि विधाने । **लक्खणन्ति** गहणूपायजायभूतं सदलक्खणं, सुत्तं वा । **परियेसितब्बन्ति**

सद्वसत्थेसु विज्जमानत्ता जाणेन गवेसितब्बं, गहेतब्बन्ति वुत्तं होति। एतेन हि सद्वलक्खणानुगतोवायं सद्वपयोगोति दस्सेति, सद्विदू च इच्छन्ति “उपअनुअधिआइच्चादिपुब्बवसयोगे सत्तमियत्थे उपयोगवचनं पापुणाति, विसेसितब्बपदे च यथाविधिमनुपयोगो विसेसनपदानं समानाधिकरणभूतान”न्ति। तत्र यदा अधि-सद्दो, आ-सद्दो च उपसग्गमत्तं, तदा “ततियासत्तमीनज्जा”ति लक्खणेन अज्झापुब्बवसयोगे उपयोगवचनं। तथा हि वदन्ति “सत्तमियत्थे कालदिसासु उपान्वज्जावसयोगे, अधिपुब्बसिठावसानं पयोगे, तप्पानचारेसु च दुतिया। काले पुब्बण्हसमयं निवासेत्वा, एकं समयं भगवा, कज्चि कालं पुरेजातपच्चयेन पच्चयो, इमं रत्तिं चत्तारो महाराजानो। दिसायं पुरिमं दिसं धतरद्दो। उपादिपुब्बवसयोगे गामं उपवसति, गामं अनुवसति, गामं आवसति, अगारं अज्झावसति, अधिपुब्बसिठावसानं पयोगे पथविं अधिसेस्सति, गामं अधितिद्धति, गामं अज्झावसति। तप्पानचारेसु नदिं पिवति, गामं चरति इच्चादीति।

यदा पन अधि-सद्दो इस्सरियत्थो, आ-सद्दो च मरियादत्थो, तदा “कम्मप्पवचनीययुत्ते”ति लक्खणेन कम्मप्पवचनीययोगे उपयोगवचनं। तथा हि वदन्ति “अनुआदयो उपसग्गा, धीआदयो निपाता च कम्मप्पवचनीयसज्जा होन्ति किरियासङ्घातं कम्मं पवचनीयं येसं ते कम्मप्पवचनीया”ति। सेसपदानं पन यथाविधिमनुपयोगे कतरेन लक्खणेन उपयोगवचनन्ति? यथावुत्तलक्खणेनेव। यज्जेवं तेसम्पि आधारभावतो नानाधारता सियाति? न, बहूनम्पि पदानं नगरवसेन एकत्थभावतो। सकत्थमत्तज्झि तेसं नानाकरणन्ति। अज्जे पन सद्विदू एवमिच्छन्ति “समानाधिकरणपदानं पच्चेकं किरियासम्बन्धनेन विसेसितब्बपदेन समानवचनता यथा ‘कटं करोति, विपुलं, दस्सनीय’न्ति एत्थ ‘कटं करोति, विपुलं करोति, दस्सनीयं करोती’ति पच्चेकं किरियासम्बन्धनेन कम्मत्थेयेव दुतिया”ति, तदेतं विचारेतब्बं विसेसनपदानं समानाधिकरणानं किरियासम्बज्झनाभावतो। यदा हि किरियासम्बज्झनं, तदा विसेसनमेव न होतीति।

उस्सदत्ता नामेत्थ बहुलताति वुत्तं “बहुजन”न्ति। तं पन बहुलत्वं दस्सेति “आकिण्णमनुस्स”न्तिआदिना। अरज्जादीसु गहेत्वा पोसेतब्बा पोसावनिया, एतेन तेसं धम्मभावं दस्सेति। आविज्झित्वाति परिक्खिपित्वा। खणित्वा कता पोक्खरणी, आबन्धित्वा कतं तळाकं। अच्छिन्नूदकट्टानेयेव जलजकुसुमानि जातानीति वुत्तं “उदकस्स निच्चभरितानेवा”ति। उदकस्साति च पूरणकिरियायोगे करणत्थे सामिवचनं “महन्ते महन्ते साणिपसिब्बके कारापेत्वा हिरज्जसुवण्णस्स पूरापेत्वा”तिआदीसु (पारा० ३४) विय। सह

धञ्जेनाति सधञ्जन्ति नगरसद्वापेक्खाय नपुंसकलिङ्गेन वुत्तं, यथावाक्यं वा उपयोगवचनेन । एवं सब्बत्थ । पुब्बण्णापरण्णादिभेदं बहुधञ्जसन्निचयन्ति एत्थ आदिसद्देन तदुभयविनिमुत्तं अलाबुकुम्भण्डादिसूपेय्यं सङ्गण्हाति । तेनायमत्थो विञ्जायति – नयिध धञ्जसद्दो सालिआदिधञ्जविसेसवाचको, पोसने साधुत्तमत्तेन पन निरवसेसपुब्बण्णापरण्णसूपेय्यवाचको, विरूपेकसेसवसेन वा पयुत्तोति । एतावताति यथावुत्तपदत्तयेन । राजलीलायाति राजूनं विलासेन । समिद्धिया उपभोगपरिभोगसम्पुण्णभावेन सम्पत्ति समिद्धिसम्पत्ति ।

“राजभोग्ग”न्ति वुत्ते “केन दिन्न”न्ति अवस्सं पुच्छितव्वतो एवं वुत्तन्ति दस्सेति “केना”तिआदिना । रज्जा विय भुज्जितव्वन्ति वा राजभोग्गन्ति अट्टकथातो अपरो नयो । याव पुत्तनत्तपनत्तपरम्परा कुलसन्तकभावेन राजतो लद्धत्ता “रज्जो दायभूत”न्ति वुत्तं । “धम्मदायादा मे भिक्खवे भवथा”तिआदीसु (म० नि० १.२९) विय च दायसद्दो दायज्जपरियायोति आह “दायज्जन्ति अत्थो”ति । कथं दिन्नत्ता ब्रह्मदेय्यं नामाति चोदनं परिहरति “छत्तं उस्सापेत्वा”तिआदिना । राजनीहारेन परिभुज्जितव्वतो हि उद्धं परिभोगलाभस्स ब्रह्मदेय्यता नाम नत्थि, इदञ्च तथा दिन्नमेव, तस्मा ब्रह्मदेय्यं नामाति वुत्तं होति । छेज्जभेज्जन्ति सरीरदण्डधनदण्डादिभेदं दण्डमाह । नदीतित्थपव्वतादीसूति नदीतित्थपव्वतपादगामद्वारअटविमुखादीसु । सेतच्छत्तगहणेन सेसरज्जककुधभण्डम्पि गहितं तप्पमुखत्ताति वेदितव्वं । “रज्जा भुज्जितव्व”न्तेव वुत्ते इधाधिप्पेतत्थो न पाकटोति हुत्वा-सद्गगहणं कतं । तज्हि सो राजकुलतो असमुदागतोपि राजा हुत्वा भुज्जितुं लभतीति अयमिधाधिप्पेतो अत्थो । दातव्वन्ति दायं, “राजदाय”न्ति इमिनाव रज्जा दिन्नभावे सिद्धे “रज्जा पसेनदिना कोसलेन दिन्न”न्ति पुन च वचनं किमत्थियन्ति आह “दायकराजदीपनत्थ”न्तिआदि । असुकेन रज्जा दिन्नन्ति दायकराजस्स अदीपितत्ता एवं वुत्तन्ति अधिप्पायो । एत्थ च पठमनये “राजभोग्ग”न्ति पदे पुच्छासम्भवतो इदं वुत्तं, दुतियनये पन “राजदाय”न्ति पदेति अयम्पि विसेसो दट्टव्वो । तत्थ अतिबहुलताय पुरतो ठपनोकासाभावतो पस्सेनपि ओदनसूपव्यञ्जनादि दीयति एतस्साति पसेनदि, अलुत्तसमासवसेन । सो हि राजा तण्डुलदोणस्स ओदनम्पि तदुपियेन सूपव्यञ्जनेन भुज्जति । तथा हि नं भुत्तपातरासकाले सत्थु सन्तिकमागन्त्वा इतो चितो च सम्परिवत्तन्तं निद्दाय अभिभुय्यमानं उज्जुकं निसीदितुमसक्कोन्तं भगवा –

“मिद्धी यदा होति महग्घसो च,
निद्दायिता सम्परिवत्तसायी ।

महावराहोव निवापवुड्ढो,

पुनप्पुनं गब्भमुपेति मन्दो'ति ।। (ध० प० ३२५; नेत्ति०
२६, ९०)

इमाय गाथाय ओवदि । भागिनेय्यञ्च सो सुदस्सनं नाम माणवं -

“मनुजस्स सदा सतीमतो,

मत्तं जानतो लद्धभोजने ।

तनुकस्स भवन्ति वेदना,

सणिकं जीरति आयुपालय'न्ति ।। (सं० नि० १.१.२४) -

इमं गाथं भगवतो सन्तिके उग्गहापेत्वा अत्तनो भुञ्जन्तस्स ओसानपिण्डकाले देवसिकं भणापेति, सो अपरेन समयेन तस्सा गाथाय अर्थं सल्लक्खेत्वा पुनप्पुनं ओसानपिण्डपरिहरणेन नाळिकोदनमत्ताय सण्ठहित्वा तनुसरीरो बलवा सुखप्पत्ते अहोसीति । उदानद्वकथायं (उदा० अट्ठ० १२) पन एवं वुत्तं “पच्चामित्तं परसेनं जिनातीति पसेनदी'ति । सद्दविदूषि हि ज-कारस्स द-कारे इदमुदाहरन्ति । सो हि अत्तनो भागिनेय्यं अजातसत्तुराजानं, पञ्चचोरसतादीनि च अवरुद्धकानि जिनातीति कोसलरट्टस्साधिपतिभावतो कोसलो, तस्मा कोसलाधिपतिना पसेनदि नामकेन रज्जा दिन्नन्ति अत्थो वेदितब्बो । निस्सट्ठपरिच्चत्ततासङ्घातेन पुन अगगहेतब्बभावेनेव दिन्नत्ता इध ब्रह्मदेय्यं नाम, न तु पुरिमनये विय राजसङ्घेपेन परिभुज्जितब्बभावेन दिन्नत्ताति आह “यथा'तिआदि । निस्सट्ठं हुत्वा, निस्सट्ठभावेन वा परिच्चत्तं निस्सट्ठपरिच्चत्तं, मुत्तचागवसेन चजितन्ति अत्थो ।

सवनं उपलब्धोति दस्सेति “उपलब्धी'ति इमिना, सो चायमुपलब्धो सवनवसेनेव जाननन्ति वुत्तं “सोतद्वारसम्पत्तवचननिग्घोसानुसारेन अज्जासी'ति सोतद्वारानुसारविज्जाणवीथिवसेन जाननमेव हि इध सवनं तेनेव “समणो खलु भो गोतमो'तिआदिना वुत्तस्सत्थस्स अधिगतत्ता, न पन सोतद्वारवीथिवसेन सुतमत्तं तेन तदत्थस्स अनधिगतत्ता । अवधारणफलत्ता सद्दपयोगस्स सब्बम्पि वाक्यं अन्तोगधावधारणं तस्मा तदत्थजोतकसद्देन विनापि अज्जत्थापोहनवसेन अस्सोसि एव, नास्स कोचि सवनन्तरायो अहोसीति अयमत्थो विज्जायतीति आह “पदपूरणमत्ते निपातो'ति

अन्तोगधावधारणेपि च सब्बस्मिं वाक्ये नीतत्थतो अवधारणत्थं खो-सद्दग्गहणं “एवा”ति सामत्थिया सातिसयं एतदत्थस्स विज्जायमानत्ताति पठमविकप्पो वुत्तो, नीतत्थतो अवधारणेन को अत्थो एकन्तिको कतो, अवधारितो चाति वुत्तं “तत्था”तिआदि। अथ पदपूरणमत्तेन खो-सद्देन किं पयोजनन्ति चोदनमपनेति “पदपूरणेना”तिआदिना, अक्खरसमूहपदस्स, पदसमूहवाक्यस्स च सिलिङ्घतापयोजनमत्तमेवाति अत्थो। “अस्सोसी”ति हिदं पदं खो-सद्दे गहिते तेन फुल्लितं मण्डितं विभूसितं विय होन्तं पूरितं नाम होति, तेन च पुरिमपच्छिमपदानि सुखुच्चारणवसेन सिलिङ्घानि होन्ति, न तस्मिं अगगहिते, तस्मा पदपूरणमत्तम्पि पदव्यञ्जनसिलिङ्घतापयोजनन्ति वुत्तं होति। मत्तसद्दो चेत्थ विसेसनिवत्तिअत्थो, तेनस्स अनत्थन्तरदीपनता दस्सिता, एव-सद्देन पन पदव्यञ्जनसिलिङ्घताय एकन्तिकता।

“समणो खलू”तिआदि यथासुतत्थनिदस्सनन्ति दस्सेति “इदानी”तिआदिना। समितपापत्ताति एत्थ अच्चन्तं अनवसेसतो सवासनं समितपापत्ताति अत्थो गहेतब्बो। एवञ्चि बाहिरकवीतरागसेक्खासेक्खपापसमनतो भगवतो पापसमनं यथारहं विसेसितं होति। तेन वुत्तं “भगवा च अनुत्तरेन अरियमग्गेन समितपापो”ति। तदेवत्थं निद्देसपाठेन साधेतुं “वुत्तञ्हेत”न्तिआदिमाह। अस्साति अनेन भिक्खुना, भगवता वा। समिताति समापिता, समभावं वा आपादयिता, अस्स वा सम्पदानभूतस्स सन्ता होन्तीति अत्थो। अत्थानुगता चायं भगवति समज्जाति वुत्तं “भगवा चा”तिआदि। तेनाति तथा समितपापत्ता। यथाभूतं पवत्तो यथाभुच्चं, तदेव गुणो, तेन अधिगतं तथा। “खलू”ति इदं नेपातिकं खलुपच्छाभक्तिकपदे (मि० प० ४.१.८) विय, न नामं, अनेकत्थत्ता च निपातानं अनुस्सवनत्थोव इधाधिप्पेतोति आह “अनुस्सवनत्थे निपातो”ति, परम्परसवनज्चेत्थ अनुस्सवनं। ब्राह्मणजातिसमुदागतन्ति ब्राह्मणजातिया आगतं, जातिसिद्धन्ति वुत्तं होति। आलपनमत्तन्ति पियालपनवचनमत्तं, न तदुत्तरि अत्थपरिदीपनं। पियसमुदाहारा हेते “भो”ति वा “आवुसो”ति वा “देवानं पिया”ति वा। धम्मपदे ब्राह्मणवत्थुपाठेन, (ध० प० ३१५ आदयो) सुत्तनिपाते च वासेइसुत्तपदेन ब्राह्मणजातिसमुदागतालपनभावं समत्थेतुं “वुत्तम्पि चेत”न्तिआदिमाह।

तत्रायमत्थो – सवे रागादिकिञ्चनेहि सकिञ्चनो अस्स, सो आमन्तनादीसु “भो भो”ति वदन्तो हुत्वा विचरणतो भोवादीयेव नाम होति, न ब्राह्मणो। “अकिञ्चनं अनादानं, तमहं ब्रूमि ब्राह्मण”न्ति (ध० प० ३९६, सु० नि० ६२५) सेसगाथापदं।

तथ रागादयो सत्ते किञ्चन्ति मद्दन्ति पलिबुद्धन्तीति **किञ्चनानि**। मनुस्सा किर गोणेहि खलं मद्दापेन्ता “किञ्चेहि कपिल, किञ्चेहि काळका”ति वदन्ति, तस्मा किञ्चनसद्दो मद्दनत्थो वेदितब्बो। यथाह **निदेसे** “अकिञ्चनन्ति रागकिञ्चनं, दोस, मोह, मान, दिट्ठि, किलेसकिञ्चनं, दुच्चरितकिञ्चनं, यस्सेते किञ्चना पहीना समुच्छिन्ना वूपसन्ता पटिप्पस्सद्धा अभब्बुप्पत्तिका जाणगिना दह्वा, सो वुच्चति अकिञ्चनो”ति (चूलनि० २८, ३२, ६०, ६३)। **गोतमो**ति गोतवसेन परिकित्तनं, यं “आदिच्चगोत”न्तिपि लोके वदन्ति, **सक्यपुत्तो**ति पन जातिवसेन साकियोति च तस्सेव वेवचनं। वुत्तज्जेतं **पब्बज्जासुते** -

“आदिच्चा नाम गोत्तेन, साकिया नाम जातिया।

तम्हा कुला पब्बजितोम्हि, न कामे अभिपत्थय”न्ति॥ (सु० नि० ४२५)

तथा चाह “**गोतमो**ति **भगवन्तं गोतवसेन परिकित्तेती**”तिआदि। तत्थ गं तायतीति **गोत्तं**, “गोतमो”ति पवत्तमानं अभिधानं, बुद्धियञ्च एकंसिकविसयताय रक्खतीति अत्थो। यथा हि बुद्धि आरम्भणभूतेन अत्थेन विना न वत्तति, एवं अभिधानं अभिधेय्यभूतेन, तस्मा सो गोत्तसङ्घातो अत्थो तानि रक्खतीति वुच्चति, गो-सद्दो चेत्थ अभिधाने, बुद्धियञ्च वत्तति। तथा हि वदन्ति -

“गो गोणे चेन्द्रिये भूम्यं, वचने चेव बुद्धियं।

आदिच्चे रस्मियञ्चेव, पानीयेपि च वत्तते।

तेसु अत्थेसु गोणे थी, पुमा च इतरे पुमा”ति॥

तत्थ “गोसु दुय्हमानासु गतो, गोपञ्चमो”तिआदीसु गोसद्दो गोणे वत्तति। “गोचरो”तिआदीसु इन्द्रिये। “गोरक्ख”न्तिआदीसु भूमियं। तथा हि **सुत्तनिपातङ्कथाय वासेट्ठसुत्तसंवण्णनायं** वुत्तं “गोरक्खन्ति खेत्तरक्खं, कसिकम्मन्ति वुत्तं होति। पथवी हि ‘गो’ति वुच्चति, तप्पभेदो च “खेत्त”न्ति (सु० नि० अट्ठ० २.६१९-६२६)। “गोत्तं नाम द्वे गोत्तानि हीनञ्च गोत्तं, उक्कट्टञ्च गोत्त”न्तिआदीसु (पाचि० १५) वचने, बुद्धियञ्च वत्तति। “गोगोत्तं गोतमं नमे”ति पोरणकविरचनाय आदिच्चे, आदिच्चबन्धुं गोतमं सम्मासम्बुद्धं नमामीति हि अत्थो, “उण्हगू”तिआदीसु रस्मियं, उण्हा गावो रस्मियो एतस्साति हि **उण्हगु**, **सूरियो**। “गोसीतचन्दन”न्तिआदीसु (अ० नि० टी०

१.४९) पानीये, गोसङ्घातं पानीयं विय सीतं, तदेव चन्दनं तथा । तस्मिञ्चि उद्धनतो उद्धरितपक्कुथिततेलस्मिं पक्खित्ते तङ्घणञ्जेव तं तेलं सीतलं होतीति । एतेसु पन अत्थेसु गोणे वत्तमानो गो-सद्दो यथारहं इत्थिलिङ्गो चेव पुल्लिङ्गो च, सेसेसु पन पुल्लिङ्गोयेव ।

किं पनेतं गोत्तं नामाति ? अञ्जकुलपरम्पराय असाधारणं तस्स कुलस्स आदिपुरिससमुदागतं तंकुलपरियापन्नसाधारणं सामञ्जरूपन्ति दट्ठब्बं । साधारणमेव हि इदं तंकुलपरियापन्नानं साधारणतो च सामञ्जरूपं । तथा हि तंकुले जाता सुद्धोदनमहाराजादयोपि “गोतमो” त्वेव वुच्चन्ति, तेनेव भगवा अत्तनो पितरं सुद्धोदनमहाराजानं “अतिक्कन्तवरा खो गोतम तथागता”ति (महाव० १०५) अवोच, वेस्सवणोपि महाराजा भगवन्तं “विज्जाचरणसम्पन्नं, बुद्धं वन्दाम गोतम”न्ति, (दी० नि० ३.२८८) आयस्मापि वङ्गीसो आयस्मन्तं आनन्दं “साधु निब्बापनं ब्रूहि, अनुकम्पाय गोतमा”ति (सं० नि० १.१.२१२) । इध पन भगवन्तमेव । तेनाह “भगवन्तं गोत्तवसेन परिकित्तेती”ति । तस्माति यथावुत्तमत्थत्तयं पच्चामसति । एत्थ च “समणो”ति इमिना सरिक्खकजनेहि भगवतो बहुमतभावो दस्सितो तब्बिसयसमितपापतापरिकित्तनतो, “गोतमो”ति इमिना लोकियजनेहि तब्बिसयउळारगोत्तसम्भूततापरिकित्तनतो

सक्यस्स सुद्धोदनमहाराजस्स पुत्तो सक्यपुत्तो, इमिना पन उच्चाकुलपरिदीपनं उदितोदितविपुलखत्तियकुलसम्भूततापरिकित्तनतो । सब्बखत्तियानञ्चि आदिभूतमहासम्मत-महाराजतो पट्ठाय असम्भिन्नं उळारतमं सक्यराजकुलं । यथाह –

“महासम्मतराजस्स, वंसजो हि महामुनि ।

कप्पादिस्मिञ्चि राजासि, महासम्मतनामको”ति ।। (महावंसे दुतियपरिच्छेदे पठमगाथा)

कथं सद्धापब्बजितभावपरिदीपनन्ति आह “केनची”तिआदि । परिजियनं परिहायनं पारिजुञ्जं, परिजिरतीति वा पारिजिण्णो, तस्स भावो पारिजुञ्जं, तेन । जातिपारिजुञ्जभोगपारिजुञ्जादिना केनचि पारिजुञ्जेन परिहानिया अनभिभूतो अनज्झोत्थटो हुत्वा पब्बजितोति अत्थो । तदेव परियायन्तरेण विभावेतुं “अपरिक्खीणंयेव तं कुलं पहाया”ति वुत्तं । अपरिक्खीणन्ति हि जातिपारिजुञ्जभोगपारिजुञ्जादिना केनचि पारिजुञ्जेन अपरिक्खयं । सद्धाय पब्बजितोति सद्धाय एव पब्बजितो । एवञ्चि

“केनची”तिआदिना निवत्तितवचनं सूपपन्नं होति । ननु च “सक्यकुला पब्बजितो”ति इदं उच्चाकुला पब्बजितभावपरिदीपनमेव सिया तदत्थस्सेव विज्जायमानत्ता, न सद्धापब्बजितभावपरिदीपनं तदत्थस्स अविज्जायमानत्ताति ? न खो पनेवं दट्ठब्बं महन्तं जातिपरिवट्ठं, महन्तञ्च भोगक्खन्धं पहाय सद्धापब्बजितभावस्स अत्थतो सिद्धत्ता । तथा हि लोकनाथस्स अभिजातियं तस्स कुलस्स न किञ्चि पारिजुञ्जं, अथ खो वुट्ठियेव, ततो तस्स समिद्धतमभावो लोके पाकटो पज्जातो होति, तस्मा “सक्यकुला पब्बजितो”ति एत्तकेयेव वुत्ते तथा समिद्धतमं कुलं पहाय सद्धापब्बजितभावो सिद्धोयेवाति, इमं परिहारं “केनचि पारिजुञ्जेना”तिआदिना विभावेतीति दट्ठब्बं । ततो परन्ति “कोसलेसु चारिकं चरमानो”तिआदिवचनं ।

“साधु धम्मरुचि राजा, साधु पज्जाणवा नरो ।

साधु मित्तानमदुब्भो, पापस्साकरणं सुख”न्ति ।। आदीसु-

विय साधुसद्दो इध सुन्दरत्थोति आह “सुन्दरं खो पना”ति । खोति अवधारणत्थे निपातो, पनाति पक्खन्तरत्थे । एवं सात्थकताविज्जापनत्थज्झि संवण्णनायमेतेसं गहणं । सुन्दरन्ति च भद्दकं, भद्दकता च पस्सन्तानं हितसुखावहभावेनाति वुत्तं “अत्थावहं सुखावह”न्ति । अत्थो चेत्थ दिट्ठधम्मिकसम्परायिकपरमत्थवसेन तिविधं हितं सुखम्पि तथैव तिविधं सुखं ।

तथारूपानन्ति तादिसानं, अयं सदतो अत्थो । अत्थमत्तं पन दस्सेतुं “एवरूपान”न्ति वुत्तं । यादिसेहि च गुणेहि भगवा समन्नागतो चतुप्पमाणिकस्स लोकस्स सब्बकालम्पि-अच्चन्ताय-सद्धाय-पसादनीयो तेसं यथाभूतसभावत्ता, तादिसेहि गुणेहि समन्नागतभावं सन्धाय “तथारूपानं अरहत”न्ति वुत्तन्ति दस्सेन्तो “यथारूपो”तिआदिमाह । लद्धसद्धानन्ति लद्धसद्दहानं, परजनस्स सद्धं पटिलभन्तानन्ति वुत्तं होति । लद्धसद्धानन्ति वा पटिलद्धकितिसद्धानं, एतेन “अरहत”न्ति पदस्स अरहन्तानन्ति अत्थो, अरहन्तसमज्जाय च पाकटभावो दस्सितो, अपिच “यथारूपो सो भवं गोतमो”ति इमिना “तथारूपान”न्ति पदस्स अनियमवसेन अत्थं दस्सेत्वा सरूपनियमवसेनपि दस्सेतुं “यथाभुच्चगुणाधिगमेन लोके अरहन्तोति लद्धसद्धान”न्ति वुत्तं, इदम्पि हि “तथारूपान”न्ति पदस्सेव अत्थदस्सनं, अयमेव च नयो आचरियेहि अधिप्पेतो इध टीकायं, (दी० नि० टी० १.२५५) सारत्थदीपनियञ्च तथैव वुत्तत्ता । “यथारूपा ते भवन्तो अरहन्तो”ति अवत्वा “यथारूपो सो भवं गोतमो”ति वचनं भगवतियेव गरुगारववसेन “तथारूपानं अरहत”न्ति

पुथुवचननिद्दिट्ठभावविज्जापनत्थं । अत्तनि, गरुसु च हि बहुवचनं इच्छन्ति सद्दविद्दु । “यथाभुच्च...पे०... अरहत”न्ति इमिना च धम्मप्पमाणानं, लूखप्पमाणानञ्च सत्तानं भगवतो पसादावहतं यथारुततो दस्सेति अरहन्तभावस्स तेसज्जेव यथारहं विसयत्ता, तंदस्सनेन पन इतरेसम्पि रूपप्पमाणघोसप्पमाणानं पसादावहता दस्सितायेव तदविनाभावतोति दट्ठब्बं ।

पसादसोम्मानीति पसन्नानि, सीतलानि च, पसादवसेन वा सीतलानि, अनेन पसन्नमनतं दस्सेति । “दस्सन”न्ति वुत्तेपि तदुत्तरि कत्तब्बतासम्भवतो अयं सम्भावनत्थो लब्धतीति आह “दस्सनमत्तम्पि साधु होती”ति । इतरथा हि “दस्सनज्जेव साधु, न तदुत्तरि करण”न्ति अनधिप्पेतत्थो आपज्जति, सम्भावनत्थो चेत्थ पि-सद्दो, अपि-सद्दो वा लुत्तनिद्दिट्ठो । “ब्रह्मचरियं पकासेती”ति एत्थ इति-सद्दो “अब्भुगगतो”ति इमिना सम्बन्धमुपगतो, तस्मा अयं “साधु होती”ति इध इति-सद्दो “ब्राह्मणो पोक्खरसाती अम्बट्ठं माणवं आमन्तेसी”ति इमिना सम्बज्झितब्बो, “अज्झासयं कत्वा”ति च पाठसेसो तदत्थस्स विज्जायमानन्ता । यस्स हि अत्थो विज्जायति, सद्दो न पयुज्जति, सो “पाठसेसो”ति वुच्चति, इममत्थं विभावेन्तो आह “दस्सनमत्तम्पि साधु होतीति एवं अज्झासयं कत्वा”ति । मूलपण्णासके चूळसीहनादसुत्तट्ठकथाय (म० नि० अट्ठ० १.१४४) आगतं कोसियसकुणवत्थु चेत्थ कथेतब्बं ।

अम्बट्टमाणवकथावण्णना

२५६. “अज्झायको”ति इदं पठमपकतिया गरहावचनमेव, दुतियपकतिया पसंसावचनं कत्वा वोहरन्ति यथा तं “पुरिसो नरो”ति दस्सेतुं अगज्जसुत्तपद (दी० नि० ३.१३२) मुदाहटं । तत्थ इमेति ज्ञायकनामेन समज्जिता जना । न ज्ञायन्तीति पण्णकुटीसु ज्ञानं न अप्पेन्ति न निष्फादेन्ति, गामनिगमसामन्तं ओसरित्वा वेदगन्थे करोन्ताव अच्छन्तीति अत्थो । तं पनेतेसं ब्राह्मणज्ञायकसङ्घातं पठमदुतियनामं उपादाय ततियमेव जातन्ति आह “अज्झायकात्वेव ततियं अक्खरं उपनिब्बत्त”न्ति, अक्खरन्ति च निरुत्ति समज्जा । सा हि तस्मिंयेव निरुद्धभावेन अज्जत्थ असज्चरणतो “अक्खर”न्ति वुच्चति । मन्ते परिवत्तेतीति वेदे सज्जायति, परियापुणातीति अत्थो । इध हि अधिआपुब्बइ-सद्दवसेन पदसन्धि, इतरत्थ पन झे-सद्दवसेन । मन्ते धारेतीति यथाअधीते मन्ते असम्मूळे कत्वा हृदये ठपेति ।

आथब्बणवेदो परूपघातकरत्ता साधूनमपरिभोगोति कत्वा “इरुवेदयजुवेदसामवेदान”न्ति वुत्तं। तत्थ इच्चन्ते थोमीयन्ते देवा एतायाति इरु इच-धातुवसेन च-कारस्स र-कारं कत्वा, इत्थिलिङ्गोयं। यज्जन्ते पुज्जन्ते देवा अनेनाति यजु पुन्नपुंसकलिङ्गवसेन। सोयन्ति अन्तं करोन्ति, सायन्ति वा तनुं करोन्ति पापमनेनाति सामं सो-धातुपक्खे ओ-कारस्स आ-कारं कत्वा। विदन्ति धम्मं, कम्मं वा एतेहीति वेदा, ते एव मन्ता “सुगतियोपि मुनन्ति, सुय्यन्ति च एतेही”ति कत्वा। पहरणं सङ्घट्टनं पहतं, ओट्टानं पहतं तथा, तस्स करणवसेन, ओट्टानि चालेत्वा पगुणभावकरणवसेन पारं गतो, न अत्थविभावनवसेनाति वुत्तं होति। पारगूति च निच्चसापेक्खताय कितन्तसमासो।

“सह निघण्टुना”तिआदिना यथावाक्यं विभत्यन्तवसेन निब्बचनदस्सनं। निघण्टुरुक्खादीनन्ति निघण्टु नाम रुक्खविसेसो, तदादिकानमत्थानन्ति अत्थो, एतेन निघण्टुरुक्खपरियायं आदिं कत्वा तप्पमुखेन सेसपरियायानं तत्थ दस्सितत्ता सो गन्थो निघण्टु नाम यथा तं “पाराजिककण्डो, कुसलत्तिको”ति अयमत्थो दस्सितो इमिना यथारुतमेव तदत्थस्स अधिगतत्ता। आचरिया पन एवं वदन्ति “वचनीयवाचकभावेन अत्थं, सद्दञ्च निखडति भिन्दति विभज्ज दस्सेतीति निखण्डु, सो एव ख-कारस्स घ-कारं कत्वा ‘निघण्डू’ति वुत्तो”ति (दी० नि० टी० १.२५६), तदेतं अट्टकथानयतो अज्जनयदस्सनन्ति गहेतब्बं। इतरथा हि सो अट्टकथाय विरोधो सिया, विचारेतब्बमेतं। अक्खरचिन्तका पन एवमिच्छन्ति “तत्थ तत्थागतानि नामानि निस्सेसतो घटेन्ति रासिं करोन्ति एत्थाति निघण्टु निग्गहितागमेना”ति। वेवचनप्पकासकन्ति परियायसद्दीपकं, एकेकस्स अत्थस्स अनेकपरियायवचनविभावकन्ति अत्थो। निदस्सनमतज्जेतं अनेकेसम्पि अत्थानं एकसद्दवचनीयताविभावनवसेनपि तस्स गन्थस्स पवत्तत्ता। को पनेसोति? एतरहि नामलिङ्गानुसासनरतनमालाभिधानप्पदीपिकादि। वचीभेदादिलक्खणा किरिया कप्पीयति एतेनाति किरियाकप्पो, तथेव विविधं कप्पीयति एतेनाति विकप्पो, किरियाकप्पो च सो विकप्पो चाति किरियाकप्पविकप्पो। सो हि वण्णपदसम्बन्धपदत्थादिविभागतो बहुविकप्पोति कत्वा “किरियाकप्पविकप्पो”ति वुच्चति, सो च गन्थविसेसोयेवाति वुत्तं “कवीनं उपकारावहं सत्थ”न्ति, चतुत्रम्पि कवीनं कविभावसम्पदाभोगसम्पदादिपयोजनवसेन उपकारावहो गन्थोति अत्थो। को पनेसोति? कब्बबन्धनविधिविधायको कब्बालङ्कारगीतासुबोधालङ्कारादि। इदं पन मूलकिरियाकप्पगन्थं सन्धाय वुत्तं। सो हि महाविसयो सतसहस्सगाथापरिमाणो, यं “नयचरियादिपकरण”न्तिपि वदन्ति। वचनत्थतो पन किटयति गमेति जापेति किरियादिविभागन्ति केदुभं किट-धातुतो अभपच्चयवसेन,

अ-कारस्स च उकारो । अथ वा किरियादिविभागं अनवसेसपरियादानतो किटेन्तो गमन्तो ओभेति पूरेतीति **केटुभं** किट-सद्वृपपदउभधातुवसेन । अपिच किटन्ति गच्छन्ति कवयो बन्धेसु कोसल्लमेतेनाति **केटुभं**, पुरिमनयेनेवेत्थ पदसिद्धि । ठानकरणादिविभागतो, निब्बचनविभागतो च अक्खरा पभेदीयन्ति एतेनाति **अक्खरप्पभेदो**, तं पन छसु वेदङ्गेषु परियापन्नं पकरणद्वयमेवाति वुत्तं “**सिक्खा च निरुत्ति चा**”ति । तत्थ सिक्खन्ति अक्खरसमयमेतायाति **सिक्खा**, अकारादिवण्णानं ठानकरणपयतनपटिपादकसत्थं । निच्छयेन, निस्सेसतो वा उत्ति **निरुत्ति**, वण्णागमवण्णविपरियायादिलक्खणं । वुत्तञ्च -

“वण्णागमो वण्णविपरियायो,

द्वे चापरे वण्णविकारनासा ।

धातुस्स अत्थातिसयेन योगो,

तदुच्चते पञ्चविधा निरुत्ती”ति ।। (पारा० अट्ठ०

१.वेरञ्जकण्डवण्णना; विसुद्धि० १.१४४; महानि० अट्ठ० १.५०)

इध पन तब्बसेन अनेकधा निब्बचनपरिदीपकं सत्थं उत्तरपदलोपेन “निरुत्ती”ति अधिप्पेतं निब्बचनविभागतोपि अक्खरपभेदभावस्स आचरियेहि (दी० नि० टी० १.२५६) वुत्तत्ता, तमन्तरेण निब्बचनविभागस्स च ब्याकरणङ्गेण सङ्गहितत्ता । ब्याकरणं, निरुत्ति च हि पच्चेकमेव वेदङ्गं यथाहु -

“कप्पो ब्याकरणं जोति-सत्थं सिक्खा निरुत्ति च ।

छन्दोविचिति चेतानि, वेदङ्गानि वदन्ति छा”ति ।।

तस्मा ब्याकरणङ्गेण असङ्करभूतमेव निरुत्तिनयेन निब्बचनमिधाधिप्पेतं, न छसु ब्यञ्जनपदेसु विय तदुभयसाधारणनिब्बचनं वेदङ्गविसयत्ताति वेदितब्बं । अयं पनेत्थ **महानिहेसड्ढकथाय** (महानि० अट्ठ० ५०) आगतनिरुत्तिनयविनिच्छयो । तत्थ हि “नक्खत्तराजारिव तारकान”न्ति (जा० १.१.११, २५) एत्थ र-कारागमो विय अविज्जमानस्स अक्खरस्स आगमो **वण्णागमो** नाम । हिंसनत्ता “हिंसो”ति वत्तब्बे “सीहो”ति परिवत्तनं विय विज्जमानानमक्खरानं हेट्ठुपरियवसेन परिवत्तनं **वण्णविपरियायो** नाम । “नवछन्नकेदानि दिव्यती”ति (जा० १.६.८८) एत्थ अ-कारस्स ए-कारापज्जनं विय अज्जक्खरस्स अज्जक्खरापज्जनं **वण्णविकारो** नाम । “जीवनस्स मूतो जीवनमूतो”ति

वत्तब्बे “जीमूतो”ति व-कार न-कारानं विनासो विय विज्जमानक्खरानं विनासो वण्णविनासो नाम । “फरुसाहि वाचाहि पकुब्बमानो, आसज्ज मं त्वं वदसे कुमारा”ति (जा० १.१०.८५) एत्थ “पकुब्बमानो”ति पदस्स अभिभवमानोति अत्थपटिपादनं विय तत्थ तत्थ यथायोगं विसेसत्थपटिपादनं धातूनमत्थातिसयेन योगो नामाति ।

यथावुत्तप्पभेदानं तिण्णं वेदानं अयं चतुत्थोयेव सिया, अथ केन सद्धिं पञ्चमोति आह “आथब्बणवेदं चतुत्थं कत्वा”ति । आथब्बणवेदो नाम आथब्बणवेदिकेहि विहितो परूपघातकरो मन्तो, सो पन इतिहासपञ्चमभावप्पकासनत्थं गणिततामत्तेन गहितो, न सरूपवसेन, एवञ्च कत्वा “एतेस”न्ति पदस्स तेसं तिण्णं वेदानन्त्वेव अत्थो गहेतब्बो । तज्झि “तिण्णं वेदान”न्ति एतस्स विसेसनन्ति । इतिह असाति एवं इध लोके अहोसि “आसा”तिपि कत्थचि पाठो, सोयेवत्थो । इह ठाने इति एवं, इदं वा कम्मं, वत्थुं वा आस इच्छाहीतिपि अत्थो । तस्स गन्थस्स महाविसयतादीपनत्थञ्चेत्थ विच्छावचनं, इमिना “इतिहासा”ति वचनेन पटिसंयुत्तो इतिहासो तद्धितवसेनाति अत्थं दस्सेति । इतिह आस, इतिह आसा”ति ईदिसवचनपटिसंयुत्तो इतिहासो निरुत्तिनयेनाति अत्थदस्सनन्तिपि वदन्ति । अक्खरचिन्तका पन एवमिच्छन्ति “इतिह-सद्धो पारम्परियोपदेसे एकोव निपातो, असति विज्जतीति असो, इतिह असो एतस्मिन्ति इतिहासो समासवसेना”ति, तेसं मते “इतिह असा”ति एत्थ एवं पारम्परियोपदेसो अस विज्जमानो अहोसीति अत्थो । “पुराणकथासङ्घातो”ति इमिना तस्स गन्थविसेसभावमाह, भारतनामकानं द्वेभातिकराजूनं युद्धकथा, रामरज्जो सीताहरणकथा, नरसीहराजुप्पत्तिकथाति एवमादिपुराणकथासङ्घातो भारतपुराणरामपुराणनरसीहपुराणादिगन्थो इतिहासो नामाति वुत्तं होति । “तेसं इतिहासपञ्चमानं वेदान”न्ति इमिना यथावाक्यं “तिण्णं वेदान”न्ति एत्थ विसेसनभावं दस्सेति ।

पज्जति अत्थो एतेनाति पदं, नामाख्यातोपसग्गनिपातादिवसेन अनेकविभागं विभत्तियन्तपदं । तदपि ब्याकरणे आगतमेवाति वुत्तं “तदवसेस”न्ति, पदतो अवसेसं पकतिपच्चयादिसद्दलक्खणभूतन्ति अत्थो । तं तं सद्दं, तदत्थञ्च ब्याकरोति ब्याचिक्खति एतेनाति ब्याकरणं, विसेसेन वा आकरीयन्ते पकतिपच्चयादयो अभिनिष्कादीयन्ते एत्थ, अनेनाति वा ब्याकरणं, साधुसद्धानमन्वाख्यायकं मुद्दबोधब्याकरण सारस्सतब्याकरण पाणिनीब्याकरणचन्द्रब्याकरणादि अधुनापि विज्जमानसत्थं । अधीयतीति अज्झायति । वेदेतीति परेसं वाचेति । च-सद्धो अत्थद्वयसमुच्चिननत्थो, विकप्पनत्थो वा अत्थन्तरस्स विकप्पितत्ता ।

विचित्रा हि तद्धितवृत्तिः। **पदकोति** व्याकरणेषु आगतपदकोसल्लं सन्धाय वृत्तं, **वेय्याकरणोति** तदवसिष्टपकतिपच्चयादिसद्विधिकोसल्लन्ति इमस्सत्थस्स विज्जापनत्थं पदद्वयस्स एकतो अत्थवचनं। एसा हि आचरियानं पकति, यदिदं येन केनचि पकारेन अत्थन्तरविज्जापनं। अयं **अडुक्थातो** अपरो नयो – ते एव वेदे पदसो कायतीति **पदकोति**। तत्थ **पदसोति** गज्जबन्धपज्जबन्धपदेन। **कायतीति** कथेति यथा “जातक”न्ति, इमिना वेदकारकसमत्थतं दस्सेति। एवज्झि “अज्झायको”तिआदीहि इमस्स विसेसो पाकटो होतीति।

आयतिं हितं बालजनसङ्घातो लोको न यतति न ईहति अनेनाति **लोकायतं**। तज्झि गन्थं निस्साय सत्ता पुज्जकिरियाय चित्तम्पि न उप्पादेन्ति, लोका वा बालजना आयतन्ति उस्सहन्ति वादस्सादेन एत्थाति **लोकायतं**। अज्जमज्जविरुद्धं, सग्गमोक्खविरुद्धं वा तनोन्ति एत्थाति **वितण्डो** ड-पच्चयवसेन, न-कारस्स च ण-कारं कत्वा, विरुद्धेन वाददण्डेन ताळेन्ति वादिनो एत्थाति **वितण्डो** तडि-धातुवसेन, निग्गहीतागमज्ज कत्वा। अदेसम्पि यं निस्साय वादीनं वादो पवत्तो, तं तेसं देसतोपि उपचारवसेन वुच्चति यथा “चक्खुं लोके पियरूपं सातरूपं, एत्थेसा तण्हा पहीयमाना पहीयति, एत्थ निरुज्झमाना निरुज्झती”ति, (दी० नि० २.४०१; म० नि० १.१३३; विभं० २०४) विसेसेन वा पण्डितानं मनं तडेन्ति चालेन्ति एतेनाति **वितण्डो**, तं वदन्ति, सो वादो वा एतेसन्ति **वितण्डवादा**, तेसं सत्थं तथा। लक्खणदीपकसत्थं उत्तरपदलोपेन, तद्धितवसेन वा **लक्खणन्ति** दस्सेति “**लक्खणदीपक**”न्तिआदिना। लक्खीयति बुद्धभावादि अनेनाति **लक्खणं**, निग्रोधबिम्बतादि। तेनाह “**येसं वसेना**”तिआदि। **द्वादससहस्सगन्थपमाणन्ति** एत्थ भाणवारप्पमाणादीसु विय बात्तिसक्खरगन्थोव अधिप्पेतो। वृत्तज्झि –

“अडुक्खरा एकपदं, एका गाथा चतुप्पदं।

गाथा चेका मतो गन्थो, गन्थो बात्तिसत्तक्खरो”ति।।

द्वादसहि गुणितसहस्सबात्तिसक्खरगन्थप्पमाणन्ति अत्थो। यत्थाति यस्मिं लक्खणसत्थे, आधारे चेतं भुम्मं यथा “**रुक्खे साखा**”ति। सोळस च सहस्सज्ज **सोळससहस्सं**, सोळसाधिकसहस्सगाथापरिमाणाति अत्थो। एवज्झि आधाराधेय्यवचनं सूप्पन्नं होतीति। प्रधानवसेन बुद्धानं लक्खणदीपनतो **बुद्धमन्ता नाम**। पच्चेकबुद्धादीनम्पि हि लक्खणं तत्थ दीपितमेव। तेन वृत्तं “**येसं वसेना**”तिआदि।

“अनूतो परिपूरकारी”ति अत्थमत्तदस्सनं, सहतो पन अधिगतमत्थं दस्सेतुं “अवयो न होती”ति वुत्तं। को पनेस अवयोति अनुयोगमपनेति “अवयो नामा”तिआदिना। अयमेत्ताधिप्पायो – यो तानि सन्धारेतुं सक्कोति, सो “वयो”ति वुच्चति। यो पन न सक्कोति, सो अवयो नाम। यो च अवयो न होति, सो “द्वे पटिसेधा पकतियत्थगमका”ति जायेन वयो एवाति। वयतीति हि वयो, आदिमज्झपरियोसानेसु कत्थचिपि अपरिकिलमन्तो अवित्थायन्तो ते गन्थे सन्ताने पणेति ब्यवहरतीति अत्थो। अयं पन विनयट्ठकथानयो (पारा० ८४) – अनवयोति अनु अवयो, सन्धिवसेन उ-कारलोपो, अनु अनु अवयो अनूतो, परिपुण्णसिप्पोति अत्थो। वयोति हि हानि “आयवयो”तिआदीसु विय, नत्थि एतस्स यथावुत्तगन्थेसु वयो ऊनताति अवयो, अनु अनु अवयो अनवयोति।

“अनुज्जातो”ति पदस्स कम्मसाधनवसेन, “पटिज्जातो”ति पदस्स च कत्तुसाधनवसेन अत्थं दस्सेन्तो “आचरियेना”तिआदिमाह। अस्साति अम्बट्ठस्स। पाळियं “यमहं जानामि, तं त्वं जानासी”ति इदं अनुजाननाकारदस्सनं, “यं त्वं जानासि, तमहं जानामी”ति इदं पन पटिजाननाकारदस्सनन्ति दस्सेति “यं अह”न्तिआदिना। “आम आचरिया”ति हि यथागतं पटिजाननवचनमेव अत्थवसेन वुत्तं। यन्ति तेविज्जकं पावचनं। तस्साति आचरियस्स। पटिवचनदानमेव पटिज्जा तथा, ताय सयमेव पटिज्जातोति अत्थो। “सके”तिआदि अनुजाननपटिजाननाधिकारदस्सनं। अदेसस्सपि देसमिव कप्पनामत्तेनाति वुत्तं “कतरस्मि”न्तिआदि। सस्स अत्तनो सन्तकं सकं। आचरियानं परम्परतो, परम्परभूतेहि वा आचरियेहि आगतं आचरियकं। तिस्सो विज्जा, तासं समूहो तेविज्जकं, वेदत्तयं। पधानं वचनं, पकट्टानं वा अट्ठकादीनं वचनं पावचनं।

२५७. इदानी येनाधिप्पायेन ब्राह्मणो पोक्खरसाती अम्बट्ठं माणवं आमन्तेत्वा “अयं ताता”तिआदिवचनमब्रवी, तदधिप्पायं विभावेन्तो “एस किरा”तिआदिमाह। तत्थ उगगतस्साति पुब्बे पाकट्ठस्स कित्तिमतो पोरणजनस्स। बहू जनाति पूरणकस्सपादयो सन्धाय वुत्तं। एकच्चन्ति खत्तियादिजातिमन्तं, लोकसम्मत्तं वा जनं। गरुत्ति भारियं, अत्तानं ततो मोचेत्वा अपगमनमत्तप्पि दुक्करं होति, पगेव तदुत्तरि करणन्ति वुत्तं होति। अनत्थो नाम तथापगमनादिना निन्दाब्यारोसउपारम्भादि।

“अब्भुगतो”ति एत्थ अभिसद्दयोगेन इत्थम्भूताख्यानत्थवसेनेव “गोतम”न्ति

उपयोगवचनं। “तं भवन्तं, तथा सन्तयेवा”ति पदेसुपि तस्स अनुपयोगत्ता तदत्थवसेनेवाति दस्सेति “तस्स भोतो”तिआदिना। तेनाह “इधापी”तिआदि। तथा सतोयेवाति येनाकारेण अरहतादिना सद्दो अब्भुग्गतो, तेनाकारेण सन्तस्स भूतस्स एव तस्स भवतो गोतमस्स सद्दो यदि वा अब्भुग्गतोति अत्थो। अपिच तं भवन्तं गोतमं तथा सन्तयेवाति एकस्सपि अत्थस्स द्विखत्तुं सम्बन्धभावेन वचनं सामञ्जविसिद्धतापरिकप्पनेन अत्थविसेसविज्जापनत्थं, तस्मा “तस्स भोतो गोतमस्सा”ति सामञ्जसम्बन्धभावेन विच्छिन्दित्वा “तथा सतोयेवा”ति विसेससम्बन्धभावेन योजेतब्बं। यदि-सद्दो चेत्थ संसयत्थो द्वित्रमपि अत्थानं संसयितब्बत्ता। वा-सद्दो च विकप्पनत्थो तेसु एकस्स विकप्पेतब्बत्ता। सद्दविदू पन एवं वदन्ति- “इमस्स वचनं सच्चं वा यदि वा मुसा”तिआदीसु विय यदि-सद्दो वा-सद्दो च उभोपि विकप्पत्थायेव। यदि-सद्दोपि हि “यं यदेव परिसं उपसङ्गमति यदि खत्तियपरिसं यदि ब्राह्मणपरिसं”न्तिआदीसु (अ० नि० २.५.३४) वा-सद्दत्थो दिस्सति। “अप्पं वस्ससतं आयु, इदनेतरहि विज्जती”तिआदीसु विय च इध समानत्थसद्दपयोगोति। पाळियं “यदि वा नो तथा”ति इदमपि “सन्तयेव सद्दो अब्भुग्गतो”ति इमिना सम्बज्झित्वा यथावुत्तनयेनेव योजेतब्बं। ननु “गोतम”न्ति पदेयेव उपयोगवचनं सिया, न एत्थाति चोदनाय “इधापी”तिआदि वुत्तं, तस्स अनुपयोगत्ता, विच्छिन्दित्वा सम्बन्धविसेसभावेन योजेतब्बत्ता वा इधापि इत्थम्भूताख्यानत्थवसेनेव उपयोगवचनं नामाति वुत्तं होति। इत्थम्भूताख्यानं अत्थो यस्स तथा, अभिसद्दो, इत्थम्भूताख्यानमेव वा अत्थो तथा, सोयेवत्थो। यदग्गेण हि सद्दयोगो होति, तदग्गेण अत्थयोगोपीति।

२५८. भोति अत्तनो आचरियं आलपति। यथा-सद्दं सात्थकं कत्वा सह पाठसेसेन योजेतुं “यथा सक्का”तिआदि वुत्तं। सोति भगवा। पुरिमनये आकारत्थजोतनयथा-सद्दयोग्यतो कथन्ति पुच्छामत्तं, इध पन तदयोग्यतो “आकारपुच्छा”ति वुत्तं। बाहिरकसमये आचरियमिह उपज्झायसमुदाचारोति आह “अथ नं उपज्झायो”ति, उपज्झायसज्जितो आचरियब्राह्मणोति अत्थो।

कामञ्च मन्तो, ब्रह्मं, कप्पोति तिब्बिधो वेदो, तथापि अट्टकादि वुत्तं पधानभूतं मूलं मन्तो, तदत्थविवरणमत्थं ब्रह्मं, तत्थ वुत्तनयेन यज्जकिरियाविधानं कप्पोति मन्तस्सेव पधानभावतो, इतरेसञ्च तन्निस्सयेनेव जातत्ता मन्ताग्गहणेन ब्रह्मकप्पानमपि गहणं सिद्धमेवाति दस्सेति “तीसु वेदेसू”ति इमिना। मन्तोति हि अट्टकादीहि इसीहि वुत्तमूलवेदस्सेव नामं, वेदोति सब्बस्स, तस्मा “वेदेसू”ति वुत्ते सब्बेसमपि गहणं

सिज्झतीति वेदितब्बं । लक्खणानीति लक्खणदीपकानि मन्तपदानि । पज्जगज्जबन्धपवेसनवसेन पक्खिपित्वा । ब्राह्मणवेसेनेवाति वेदवाचकब्राह्मणलिङ्गेनेव । वेदेति महापुरिसलक्खणमन्ते । महेसक्खा सत्ताति महापुज्जवन्तो पण्डितसत्ता । जानिस्सन्ति इति मनसि कत्वा वाचेन्तीति सम्बन्धो । तेनाति तथा वाचनतो । पुब्बेति “तथागतो उप्पज्जिस्सती”ति वत्तब्बकालतो पभुति तथागतस्स धरमानकाले । अज्झायितब्बवाचेतब्बभावेन आगच्छन्ति पाकटा भवन्ति । एकगाथाद्विगाथादिवसेन अनुक्कमेन अन्तरधायन्ति । न केवलं लक्खणमन्तायेव, अथ खो अज्जेपि वेदा ब्राह्मणानं अज्जाणभावेन अनुक्कमेन अन्तरधायन्ति एवाति आचरियेन (दी० नि० टी० १.२५८) वुत्तं ।

बुद्धभावपत्थना पणिधि, पारमीसम्भरणं समादानं, कम्मस्सकतादिपज्जा जाणं । “पणिधिमहतो समादानमहतोतिआदिना पच्चेकं महन्तसद्दो योजेतब्बो”ति (दी० नि० टी० १.२५८) आचरियेन वुत्तं । एवञ्च सति करुणा आदि येसं सद्धासीलदीनं ते करुणादयो, ते एव गुणा करुणादिगुणा, पणिधि च समादानञ्च जाणञ्च करुणादिगुणा च, तेहि महन्तो पणिधिसमादानजाणकरुणादिगुणमहन्तोति निब्बचनं कातब्बं । एवञ्चि द्वन्द्वतोपरत्ता महन्तसद्दो पच्चेकं योजीयतीति । अपिच पणिधि च समादानञ्च जाणञ्च करुणा च, तमादि येसं ते तथा, तेयेव गुणा, तेहि महन्तोति निब्बचनेनपि अत्थो सूपपन्नो होति, पणिधिमहन्ततादि चस्स बुद्धवंस (बु० वं० ९ आदयो) चरियापिटकादि (चरिया० पि० १ आदयो) वसेन वेदितब्बो । महापदानसुत्तङ्कथायं पन “महापुरिसस्साति जातिगोत्तकुलपदेसादिवसेन महन्तस्स पुरिसस्सा”ति (दी० नि० अट्ठ० २.३३) वुत्तं । तत्थ “खत्तियो, ब्राह्मणो”ति एवमादि जाति । “कोण्डञ्जो, गोतमो”ति एवमादि गोतं । “पोणिका, चिक्खल्लिका, साकिया, कोलिया”ति एवमादि कुलपदेसो, तदेतं सब्बम्पि इध आदिसद्देन सङ्गहितन्ति दट्ठब्बं । एवञ्चि सति “द्वेयेव गतियो भवन्ती”ति उभिन्नं साधारणवचनं समत्थितं होतीति ।

निट्ठाति निप्फत्तियो सिद्धियो । नन्वायं गति-सद्दो अनेकत्थो, कस्मा निट्ठायमेव वुत्तोति । आह “कामज्जाय”न्तिआदि । भवभेदेति निरयादिभवविसेसे । सो हि सुचरितदुच्चरितकम्मेन सत्तेहि उपपज्जनवसेन गन्तब्बाति गति । गच्छति पवत्तति एत्थाति गति, निवासट्ठानं । गमति यथासभावं जानातीति गति । पज्जा, गमनं ब्यापनं गति, विस्सट्ठभावो, सो पन इतो च एत्तो च ब्यापेत्वा ठितताव । गमनं निप्फत्तनं गति,

निट्ठा, अज्झासयपटिसरणत्थापि निदस्सननयेन गहिता। तथा हेस “इमेसं खो अहं भिक्खून् सीलवन्तानं कल्याणधम्मानं नेव जानामि आगतिं वा गतिं वा”ति (म० नि० १.५०८) एत्थ अज्झासये वत्तति, “निब्बानं अरहतो गती”ति (परि० ३३९) एत्थ पटिसरणे, परायणे अपस्सयेति अत्थो। गच्छति यथारुचि पवत्ततीति गति, अज्झासयो। गच्छति अवचरति, अवचरणवसेन वा पवत्तति एत्थाति गति, पटिसरणं। सब्बसङ्कतविसज्जुत्तस्स हि अरहतो निब्बानमेव पटिसरणं, इध पन निट्ठायं वत्ततीति वेदितब्बो तदज्जेसमविसयत्ता।

ननु द्वित्रं निष्फत्तीनं निमित्तभूतानि लक्खणानि विसदिसानेव, अथ कस्मा “येहि समन्नागतस्सा”तिआदिना तेसं सदिसभावो वुत्तोति चोदनालेसं दस्सेत्वा सोधेन्तो “तत्थ किञ्चापी”तिआदिमाह। समानेपि निग्रोधबिम्बतादिलक्खणभावे अत्थेव कोचि नेसं विसेसोति दस्सेतुं “न तेहेव बुद्धो होती”ति वुत्तं। “यथा हि बुद्धानं लक्खणानि सुविसदानि, सुपरिब्यत्तानि, परिपुण्णानि च होन्ति, न एवं चक्कवत्तीन”न्ति अयं पन विसेसो आचरियधम्मपालत्थेरेन (दी० नि० टी० १.२५८) पकासितो। जायन्ति भिन्नेसुपि अत्थेसु अभिन्नधीसद्दा एतायाति जाति, लक्खणभावमत्तं। वुत्तञ्जि -

“सबलादीसु भिन्नेसु, याय वत्तन्तुभिन्नधी।

सद्दा सा जातिरेसा च, मालासुत्तमिवन्विता”ति।

तस्मा लक्खणतामत्तेन समानभावतो विसदिसानिपि तानियेव चक्कवत्तिनिष्फत्तिनिमित्तभूतानि लक्खणानि सदिसानि विय कत्वा तानि बुद्धनिष्फत्तिनिमित्तभूतानि लक्खणानि नामाति इदं वचनं वुच्चतीति अत्थो। अधिआपुब्बवसयोगे भुम्मत्थे उपयोगवचनन्ति आह “अगारे वसती”ति चतूहि अच्छरियधम्मोहीति अभिरूपता, दीघायुकता, अप्पाबाधता, ब्राह्मणगहपतिकानं पियमनापताति इमेहि चतूहि अच्छरियसभावभूताहि इद्धीहि। यथाह -

“राजा आनन्द, महासुदस्सनो चतूहि इद्धीहि समन्नागतो अहोसि। कतमाहि चतूहि इद्धीहि? इधानन्द, राजा महासुदस्सनो अभिरूपो अहोसि दस्सनीयो पासादिको”तिआदि (दी० नि० २.२५२)।

चेतियजातके (जा० अट्ट० ३.८.४४) आगतनयं गहेत्वापि एवं वदन्ति “सरीरतो चन्दनगन्धो वायति, अयं एका इद्धि । मुखतो उप्पलगन्धो वायति, अयं दुतिया । चत्तारो देवपुत्ता चतूसु दिसासु सब्बकालं खगहत्था आरक्खं गण्हन्ति, अयं ततिया । आकासेन विचरति, अयं चतुत्थी”ति । **अनागतवंससंवण्णनायं** पन “अभिरूपभावो एका इद्धि, समवेपाकिनिया गहणिया समन्नागतभावो दुतिया, यावतायुकम्पि सकललोकस्स दस्सनातित्तिकभावो ततिया, आकासचारिभावो चतुत्थी”ति वुत्तं । तत्थ **समवेपाकिनिया गहणिया समन्नागतभावो**ति समविपाचनिया कम्मजतेजोधातुया सम्पन्नता । यस्स हि भुत्तमत्तोव आहारो जीरति, यस्स वा पन पुटभत्तं विय तथेव तिट्ठति, उभोपेते न समवेपाकिनिया समन्नागता । यस्स पन पुन भत्तकाले भत्तच्छन्दो उप्पज्जतेव, अयं समवेपाकिनिया समन्नागतो नाम, तथारूपताति अत्थो । **सङ्गहवत्थूही**ति दानं, पियवचनं, अत्थचरिया, समानत्तताति इमेहि सङ्गहोपायेहि । यथाह –

“दानञ्च पेय्यवज्जञ्च, अत्थचरिया च या इध ।
समानत्तता च धम्मेषु, तत्थ तत्थ यथारहं ।
एते खो सङ्गहा लोके, रथस्साणीव यायतो ॥

एते च सङ्गहा नास्सु, न माता पुत्तकारणा ।
लभेथ मानं पूजं वा, पिता वा पुत्तकारणा ॥

यस्मा च सङ्गहा एते, समपेक्खन्ति पण्डिता ।
तस्मा महत्तं पप्पोन्ति, पासंसा च भवन्ति ते”ति ॥ (दी० नि० ३.२७३)

रञ्जनतोति पीतिसोमनस्सवसेन रञ्जनतो, न रागवसेन, पीतिसोमनस्सानं जननतोति वुत्तं होति । चतूहि सङ्गहवत्थूहि रञ्जनट्टेन राजाति पन सब्बेसं राजूनं समञ्जा तथा अकरोन्तानम्पि विलीवबीजनादीसु तालवण्टवोहारो विय रुद्धिवसेन पवत्तितो, तस्मा “अच्छरियधम्मही”ति असाधारणनिब्बचनं वुत्तन्ति दट्ठब्बं ।

सद्दसामत्थियतो अनेकधा चक्कवत्तीसद्दस्स वचनत्थं दस्सेन्तो पधानभूतं वचनत्थं पठमं दस्सेतुं “**चक्करतन**”न्तिआदिमाह । इदमेव हि पधानं चक्करतनस्स पवत्तनमन्तरेन चक्कवत्तिभावानापत्तितो । तथा हि **अट्ठकथासु** वुत्तं “कितावता चक्कवत्ती होतीति ?

एकङ्गुलद्वङ्गुलमत्तम्पि चक्करतने आकासं अब्भुग्गन्त्वा पवत्ते'ति (दी० नि० अट्ठ० २.२४३; म० नि० अट्ठ० ३.२५६)। यस्मा पन राजा चक्कवत्ती एकंसं उत्तरासङ्गं करित्वा वामहत्थेन हत्थिसोण्डसदिसपनाळिं सुवण्णभिङ्गारं उक्खिपित्वा दक्खिणहत्थेन चक्करतनं उदकेन अब्भुक्कित्वा “पवत्ततु भवं चक्करतनं, अभिविजिनातु भवं चक्करतन”न्ति (दी० नि० २.२४४) वचनेन चक्करतनं वेहासं अब्भुग्गन्त्वा पवत्तेसि, तस्मा तादिसं पवत्तापनं सन्धाय “चक्करतनं वत्तेती”ति वुत्तं। यथाह “अथ खो आनन्द राजा महासुदस्सनो उट्ठायासना...पे०... चक्करतनं अब्भुक्कित्वा ‘पवत्ततु भवं चक्करतन’न्ति”आदि (दी० नि० २.२४४)। न केवलञ्च चक्कसदो चक्करतनेयेव वत्तति अथ खो सम्पत्तिचक्कादीसुपि, तस्मा तंतदत्थवाचकसदसामत्थियतोपि वचनत्थं दस्सेति “सम्पत्तिचक्केही”तिआदिना। तत्थ सम्पत्तिचक्केहीति -

“पतिरूपे वसे देसे, अरियमित्तकरो सिया।

सम्मापणिधिसम्पन्नो, पुब्बे पुञ्जकतो नरो।

धज्जं धनं यसो कित्ति, सुखञ्चेतंधिवत्तती”ति।। (अ० नि० १.४.३१) -

वुत्तेहि पतिरूपदेसवासादिसम्पत्तिचक्केहि। वत्ततीति पवत्तति सम्पज्जति, उपरूपरि कुसलधम्मं वा पटिपज्जति। तेहीति सम्पत्तिचक्केहि। परन्ति सत्तनिकायं, यथा सयंसदो सुद्धकत्तुत्थस्स जोतको, तथा परंसदोपि हेतुकत्तुत्थस्साति वेदितब्बं। वत्तेतीति पवत्तेति सम्पादेति, उपरूपरि कुसलधम्मं वा पटिपज्जापेति। यथाह -

“राजा महासुदस्सनो एवमाह ‘पाणो न हन्तब्बो, अदित्रं न आदातब्बं, कामेसु मिच्छा न चरितब्बा, मुसा न भणितब्बा, मज्जं न पातब्बं, यथाभुत्तञ्च भुज्जथा’ति। ये खो पनानन्द पुरत्थिमाय दिसाय पटिराजानो, ते रज्जो महासुदस्सनस्स अनुयन्ता अहेसु”न्तिआदि (दी० नि० २.२४४)।

इरियापथचक्कानन्ति इरियापथभूतानं चक्कानं। इरियापथोपि हि “चक्क”न्ति वुच्चति “चतुचक्कं नवद्वार”न्तिआदीसु (सं० नि० १.१.२९, १०९)। यथाह -

“रथङ्गे लक्खणे धम्मो-रचक्केस्वरियापथे ।
चक्कं सम्पत्तियं चक्क-रतने मण्डले बले ।
कुलालभण्डे आणाय-मायुधे दानरासिसू”ति ।।

वत्तोति पवत्तनं उप्पज्जनं, इमिनाव इरियापथचक्कं वत्तेति परहिताय उप्पादेतीति निब्बचनम्पि दस्सेति अत्थतो समानता । तथा चाह –

“अथ खो तं आनन्द चक्करतनं पुरत्थिमं दिसं पवत्ति, अन्वदेव राजा महासुदस्सनो सद्धिं चतुरङ्गिनिया सेनाय । यस्मिं खो पनानन्द, पदेसे चक्करतनं पतिट्ठासि, तत्थ राजा महासुदस्सनो वासं उपगच्छि सद्धिं चतुरङ्गिनिया सेनाया”तिआदि (दी० नि० २.२४४) ।

अयं अट्ठकथातो अपरो नयो – अप्पटिहतं आणासङ्घातं चक्कं वत्तेतीति **चक्कवत्ती** । तथा हि वुत्तं –

“पञ्चहि भिक्खवे धम्मेहि समन्नागतो राजा चक्कवत्ती धम्मेनेव चक्कं वत्तेति, तं होति चक्कं अप्पटिवत्तियं केनचि मनुस्सभूतेन पच्चत्थिकेन पाणिना । कतमेहि पञ्चहि ? इध भिक्खवे राजा चक्कवत्ती अत्थञ्जू च होति, धम्मञ्जू च मत्तञ्जू, च कालञ्जू च परिसञ्जू च । इमेहि खो...पे०... पाणिना”तिआदि (अ० नि० २.५.१३१) ।

खत्तियमण्डलादिसज्जितं चक्कं समूहं अत्तनो वसे वत्तेति अनुवत्तेतीतिपि **चक्कवत्ती** । वुत्तञ्जि “ये खो पनानन्द पुरत्थिमाय दिसाय पटिराजानो, ते रज्जो महासुदस्सनस्स अनुयन्ता अहेसु”न्तिआदि (दी० नि० २.२४४) । चक्कलक्खणं वत्तति एतस्सातिपि **चक्कवत्ती** । तेनाह “इमस्स देव कुमारस्स हेट्ठा पादतलेसु चक्कानि जातानि सहस्सारानि सनेमिकानि सनाभिकानि सब्बाकारपरिपूरानी”तिआदि (दी० नि० २.३५) । चक्कं महन्तं कायबलं वत्तति एतस्सातिपि **चक्कवत्ती** । वुत्तञ्जेतं “अयञ्जि देव कुमारो सत्तुस्सदो...पे०... अयञ्जि देव कुमारो सीहपुब्बद्धकायो”तिआदि (दी० नि० २.३५) । तेन हिस्स लक्खणेन महब्बलभावो विज्जायति । चक्कं दसविधं, द्वादसविधं वा वत्तधम्मं वत्तति पटिपज्जतीति **चक्कवत्ती** । तेन वुत्तं “न हि ते तात दिब्बं चक्करतनं पेत्तिकं

दायज्जं, इङ्गं त्वं तात अरिये चक्कवत्तिवत्ते वत्ताही'तिआदि (दी० नि० ३.८३) । चक्कं महन्तं दानं वत्तेति पवत्तेतीतिपि चक्कवत्ती । वुत्तञ्च -

“पट्टपेसि खो आनन्द राजा महासुदस्सनो तासं पोक्खरणीनं तीरे एवरूपं दानं अन्नं अन्नत्थिकस्स, पानं पानत्थिकस्स, वत्थं वत्थत्थिकस्स, यानं यानत्थिकस्स, सयनं सयनत्थिकस्स, इत्थिं इत्थित्थिकस्स, हिरज्जं हिरज्जत्थिकस्स, सुवण्णं सुवण्णत्थिकस्सा”तिआदि (दी० नि० २.२५४) ।

राजाति सामञ्जं तदञ्जसाधारणतो । चक्कवत्तीति विसेसं अनञ्जसाधारणतो । धम्मसद्दो जाये, समो एव च जायो नामाति आह “जायेन समेना”ति । वत्तति उप्पज्जति, पटिपज्जतीति वा अत्थो । “इदं नाम चरती”ति अवुत्तेपि सामञ्जजोतनाय विसेसे अवद्धानतो, विसेसत्थिना च विसेसस्स पयुज्जितब्बत्ता “सदत्थपरत्थे”ति योजीयति । पदेसग्गहणे हि असति गहेतब्बस्स निप्पदेसता विज्जायति यथा “दिक्खितो न ददाती”ति । यस्मा चक्कवत्तिराजा धम्मेनेव रज्जमधिगच्छति, न अधम्मेन परूपघातादिना । तस्मा वुत्तं “धम्मेन रज्जं लभित्वा”तिआदि, धम्मेनाति च जायेन, कुसलधम्मेन वा । रज्जो भावो रज्जं, इस्सरियं ।

परेसं हितोपायभूतं धम्मं करोति, चरतीति वा धम्मिको । अत्तनो हितोपायभूतस्स धम्मस्स कारको, चरको वा राजाति धम्मराजाति इमं सविसेसं अत्थं दस्सेति “परहितधम्मकरणेन वा”तिआदिना । अयं पन महापदानङ्कथानयो - दसविधे कुसलधम्मे, अगतिरहिते वा राजधम्मे नियुत्तोति धम्मिको; तेनेव धम्मेन लोकं रज्जेतीति धम्मराजा । परियायवचनमेव हि इदं पदद्वयन्ति । आचरियेन पन एवं वुत्तं “चक्कवत्तिवत्तसङ्घातं धम्मं चरति, चक्कवत्तिवत्तसङ्घातो वा धम्मो एतस्स, एतस्मिं वा अत्थीति धम्मिको, धम्मतो अनपेतत्ता धम्मो च सो रज्जनट्ठेन राजा चाति धम्मराजा”ति (दी० नि० टी० १.२५८) । “राजा होति चक्कवत्ती”ति वचनतो “चातुरन्तो”ति इदं चतुदीपिस्सरतं विभावेतीति आह “चातुरन्ताया”तिआदि । चत्तारो समुद्वा अन्ता परियोसाना एतस्साति चातुरन्ता, पथवी । सा हि चतूसु दिसासु पुरत्थिमसमुद्वादितुसमुद्दपरियोसानत्ता एवं वुच्चति । तेन वुत्तं “चतुसमुद्द अन्ताया”ति, सा पन अवयवभूतेहि चतुब्बिधेहि दीपेहि विभूसिता एकलोकधातुपरियापन्ना पथवीयेवाति दस्सेति “चतुब्बिधदीपविभूसिताय पथविया”ति इमिना । यथाह -

“यावता चन्दिमसूरिया, परिहरन्ति दिसा भन्ति विरोचना ।
सब्बेव दासा मन्धातु, ये च पाणा पथविस्सिता”ति ।।

एत्थ च “चतुदीपविभूसिताया”ति अवत्वा चतुब्बिधदीपविभूसितायाति विधसद्गगहणं पच्चेकं पच्चसतपरित्तदीपानम्पि महादीपेयेव सङ्गहणत्थं सद्दातिरित्तेन अत्थातिरित्तस्स विञ्जायमानत्ता, कोट्टासवाचकेन वा विधसद्देन समानभागानं गहितत्ताति दट्ठब्बं । कोपादिपच्चत्थिकेति एत्थ आदिसद्देन काममोहमानमदादिके सङ्गहाति । विजेतीति तंकालापेक्खाय वत्तमानवचनं, विजितवाति अत्थो । सद्दविदू हि अतीते तावीसद्दमिच्छन्ति । “सब्बराजानो विजेती”ति वदन्तो कामं चक्कवत्तिनो केनचि युद्धं नाम नत्थि, युद्धेन पन साधेतब्बस्स विजयस्स सिद्धिया “विजितसङ्गामो” त्वेव वुत्तोति दस्सेति ।

थावरस्स धुवस्स भावो थावरियं, यथा जनपदे थावरियं पत्तो, तं दस्सेतुं “न सक्का केनची”तिआदि वुत्तं, इमिना केनचि अकम्पियद्देन जनपदे थावरियप्पत्तोति तप्पुरिससमासं दस्सेति, इतरेन च दट्ठभत्तिभावतो जनपदो थावरियप्पत्तो एतस्मिन्ति अज्जपदत्थसमासं । तम्हीति अस्मिं राजिनि । यथा जनपदो तस्मिं थावरियं पत्तो, तदाविकरोन्तो “अनुयुत्तो”तिआदिमाह । तत्थ अनुयुत्तोति निच्चपयुत्तो । सक्कम्पनिरत्तोति चक्कवत्तिनो रज्जकम्मे सदा पवत्तो । अचलो असम्पवेधीति परियायवचनमेतं, चोरानं वा विलोपनमत्तेन अचलो, दामरिकत्तेन असम्पवेधी । चोरेहि वा अचलो, पटिराजूहि असम्पवेधी । अनतिमुदुभावेन वा अचलो, अनतिचण्डभावेन असम्पवेधी । तथा हि अतिचण्डस्स रज्जो बलिखण्डादीहि लोकं पीळयतो मनुस्सा मज्झिमजनपदं छड्डेत्वा पब्बतसमुद्दतीरादीनि निस्साय पच्चन्ते वासं कप्पेन्ति, अतिमुदुकस्स च रज्जो चोरसाहसिकजनविलोपपीळिता मनुस्सा पच्चन्तं पहाय जनपदमज्झे वासं कप्पेन्ति, इति एवरूपे राजिनि जनपदो थावरभावं न पाप्पुणाति । एतस्मिं पन तदुभयविरहिते सुवण्णतुला विय समभावप्पत्ते राजिनि रज्जं कारयमाने जनपदो पासाणपिट्ठियं ठपेत्वा अयोपद्देन परिक्खित्तो विय अचलो असम्पवेधीथावरियप्पत्तोति ।

सेय्यथिदन्ति एकोव निपातो, “सो कतमो, तं कतमं, सा कतमा”तिआदिना यथारहं लिङ्गविभक्तिवचनवसेन पयोजियमानोव होति, इध तानि कतमानीति पयुत्तोति आह “तस्स चेतानी”तिआदि । चचति चक्कवत्तिनो यथारुचि आकासादिगमनाय परिब्भमतीति चक्कं । चक्करतनज्झि अन्तोसमुद्दितवायोधातुवसेन रज्जो चक्कवत्तिस्स

वचनसमनन्तरमेव पवत्तति, न चन्दसूरियविमानादि विय बहिसमुद्धितवायोधातुवसेनाति विमानडुकथायं (वि० व० अड्ड० १.पठमपीठविमानवण्णना) वुत्तं। रतिजननड्डेनाति पीतिसोमनस्सुप्पादनड्डेन। तज्झि पस्सन्तस्स, सुणन्तस्स च अनप्पकं पीतिसोमनस्सं उप्पज्जति अच्छरियधम्मत्ता। वचनत्थतो पन रमेति रतिं करोतीति रतनं, रमनं वा रतं, तं नेतीति रतनं, रतं वा जनेतीति रतनं ज-कारलोपवसेनातिपि नेरुत्तिका। सब्बत्थाति हत्थिरतनादीसु।

चिक्कीकतभावादिनापि चक्कस्स रतनड्डो वेदितब्बो, सो पन रतिजननड्डेनेव एकसङ्गहताय विसुं न गहितो। कस्मा एकसङ्गहोति चे? चिक्कीकतादिभावस्सपि रतिनिमित्तत्ता। अथ वा गन्धव्यासं परिहरितुकामेन चिक्कीकतादिभावो न गहितोति वेदितब्बं। अज्जासु पन अड्डकथासु (दी० नि० अड्ड० २.३३; सं० नि० अड्ड० ३.५.२२३; खु० पा० अड्ड० ६.३.यानीधातिगाथावण्णना; सु० नि० अड्ड० १.२२६; महानि० अड्ड० १५६) एवं वुत्तं—

“रतिजननड्डेन रतनं। अपिच—

चिक्कीकतं महग्घञ्च, अतुलं दुल्लभदस्सनं।
अनोमसत्तपरिभोगं, रतनं तेन वुच्चति॥

“चक्करतनस्स च निब्बत्तकालतो पट्ठाय अज्जं देवट्ठानं नाम न होति, सब्बेपि गन्धपुप्फादीहि तस्सेव पूज्जच्च अभिवादनादीनि च करोन्तीति चिक्कीकतड्डेन रतनं। चक्करतनस्स च एत्तकं नाम धनं अग्घतीति अग्घो नत्थि, इति महग्घड्डेनपि रतनं। चक्करतनञ्च अज्जेहि लोके विज्जमानरतनेहि असदिसन्ति अतुलड्डेन रतनं। यस्मा पन यस्मिं कप्पे बुद्धा उप्पज्जन्ति, तस्मिंयेव चक्कवत्तिनो उप्पज्जन्ति, बुद्धा च कदाचि करहचि उप्पज्जन्ति, तस्मा दुल्लभदस्सनड्डेनपि रतनं। तदेतं जातिरूपकुलइस्सरियादीहि अनोमस्स उल्लारसत्तस्सेव उप्पज्जति, न अज्जस्साति अनोमसत्तपरिभोगड्डेनपि रतनं। यथा च चक्करतनं, एवं सेसानिपी”ति।

तत्रायं तट्टीकाय, अज्जत्थ च वुत्तनयेन अथविभावना— इदज्झि “चिक्कीकत”न्तिआदिवचनं निब्बचनत्थवसेन वुत्तं न होति, अथ किन्ति चे? लोके

“रतन”न्ति सम्मतस्स वल्लुनो गरुकातब्बभावेन वुत्तं। सरूपतो पनेतं लोकियमहाजनेन सम्मतं हिरञ्जसुवण्णादिकं, चक्कवत्तिरञ्जो उप्पन्नं चक्करतनादिकं, कतञ्जुकतवेदिपुग्गलादिकं, सब्बुक्कट्टपरिच्छेदवसेन बुद्धादिसरणत्तयञ्च दट्ठब्बं। “अहो मनोहर”न्ति चित्ते कत्तब्बताय चित्तीकत्तं, स्वायं चित्तीकारो तस्स पूजनीयतायाति कत्वा पूजनीयन्ति अत्थं वदन्ति। केचि पन “विचित्रकतट्ठेन चित्तीकत्त”न्ति भणन्ति, तं न गहेतब्बं इध चित्तसदस्स हृदयवाचकत्ता “चित्तीकत्वा सुणाथ मे”ति (बु० वं० १.८०) आहच्चभासितपाळियं विय। तथा चाहु “यथारहमिवण्णागमो भूकरेसू”ति। “पस्स चित्तीकत्तं रूपं, मणिना कुण्डलेन चा”तिआदीसु (म० नि० २.३०२) पन पुब्बे अविचित्रं इदानी विचित्रं कतन्ति चित्तीकत्तन्ति अत्थो गहेतब्बो तत्थ चित्तसदस्स विचित्रवाचकत्ता। महन्तं विपुलं अपरिमितं अग्घतीति महग्घं। नत्थि एतस्स तुला उपमा, तुलं वा सदिसन्ति अतुलं। कदाचिदेव उप्पज्जनतो दुक्खेन लद्धब्बदस्सनत्ता दुल्लभदस्सनं। अनोमेहि उळारगुणेहेव सत्तेहि परिभुज्जितब्बतो अनोमसत्तपरिभोगं।

इदानी नेसं चित्तीकतादिअत्थानं सविसेसं चक्करतने लब्भमानतं दस्सेत्वा इतरेसुपि ते अतिदिसितुं “यथा च चक्करतन”न्तिआदि आरब्धं। तत्थ अञ्जं देवद्वानं नाम न होति रञ्जो अनञ्जसाधारणिसरियादिसम्पत्तिपटिलाभहेतुतो, अञ्जेसं सत्तानं यथिच्छित्तत्थपटिलाभहेतुतो च। अग्घो नत्थि अतिविय उळारसमुज्जलरतनत्ता, अच्छरियभ्भुतधम्मताय च। यदग्गेन च महग्घं, तदग्गेन अतुलं। सत्तानं पापजिगुच्छनेन विगतकालको पुञ्जपसुतताय मण्डभूतो यादिसो कालो बुद्धुप्पादारहो, तादिसे एव चक्कवत्तीनम्पि सम्भवोति आह “यस्मा पना”तिआदि। कदाचि करहचीति परियायवचनं, “कदाची”ति वा यथावुत्तकालं सन्धाय वुत्तं, “करहची”ति जम्बुसिरिदीपसङ्घातं देसं। तेनाह -

“कालं दीपञ्च देसञ्च, कुलं मातरमेव च।

इमे पञ्च विलोकेत्वा, उप्पज्जति महायसो”ति॥ (ध० प० अट्ठ० १.१.१०)

उपमावसेन चेतं वुत्तं। उपमोपमेय्यानञ्च न अच्चन्तमेव सदिसता, तस्मा यथा बुद्धा कदाचि करहचि उप्पज्जन्ति, न तथा चक्कवत्तिनो, चक्कवत्तिनो पन अनेकदापि बुद्धुप्पादकप्पे उप्पज्जन्तीति अत्थो गहेतब्बो। एवं सन्तेपि चक्कवत्तिवत्तपूरणस्स

दुक्करभावतो दुल्लभुप्पादोयेवाति इमिना दुल्लभुप्पादतासामज्जेन तेसं दुल्लभदस्सनता वुत्ताति वेदितब्बं । कामं चक्करतनानुभावेन समिज्झमानो गुणो चक्कवत्तिपरिवारजनसाधारणो, तथापि चक्कवत्ती एव नं सामिभावेन विसविताय परिभुज्जतीति वत्तब्बतं अरहति तदत्थमेव उप्पज्जनतोति दस्सेन्तो “तदेत”न्तिआदिमाह । यथावुत्तानं पञ्चन्नं, छन्नम्पि वा अत्थानं सेसरतनेसुपि लब्धनतो “एवं सेसानिपी”ति वुत्तं ।

इमेहि पन रतनेहि राजा चक्कवत्ती किमत्थं पच्चनुभोति, ननु विनापि तेसु केनचि रज्जा चक्कवत्तिना भवितब्बन्ति चोदनाय तस्स तेहि हथारहमत्थपच्चनुभवनदस्सनेन केनचिपि अविनाभावितं विभावेतुं “इमेसु पना”तिआदि आरब्धं । अजितं पुरत्थिमादिदिसाय खत्तियमण्डलं जिनाति महेसक्खतासंवत्तनियकम्मनिस्सन्दभावतो । यथासुखं अनुविचरति हत्थिरतनं, अस्सरतनञ्च अभिरुहित्वा तेसं आनुभावेन अन्तोपातरासंयेव समुद्परियन्तं पथविं अनुपरियायित्वा राजधानिया एव पच्चागमनतो । परिणायकरतनेन विजितमनुरक्खति तत्थ तत्थ कत्तब्बकिच्चसंविदहनतो । अवसेसेहि मणिरतनइत्थिरतनगहपतिरतनेहि उपभुज्जनेन पवत्तं उपभोगसुखं अनुभवति यथारहं तेहि तथानुभवनसिद्धितो । सो हि मणिरतनेन योजनप्पमाणे पदेसे अन्धकारं विधमेत्वा आलोकदस्सनादिना सुखमनुभवति, इत्थिरतनेन अतिककन्तमानुसकरूपदस्सनादिवसेन, गहपतिरतनेन इच्छित्तिच्छित्तमणिकनकरजतादिधनपटिलाभवसेन सुखमनुभवति ।

इदानी सत्तिया, सत्तिफलेन च यथावुत्तमत्थं विभावेतुं “पठमेना”तिआदि वुत्तं । तिविधा हि सत्तियो “सक्कोन्ति समत्थेन्ति राजानो एताया”ति कत्वा । यथाहु-

“पभावुस्साहमन्तानं, वसा तिस्सो हि सत्तियो ।
पभावो दण्डजो तेजो, पतापो तु च कोसजो ।।

मन्तो च मन्तनं सो तु, चतुक्कण्णो द्विगोचरो ।
तिगोचरो तु छक्कण्णो, रहस्सं गुह्यमुच्चते”ति ।।

तत्थ वीरियबलं उस्साहसत्ति । पठमेन चस्स चक्करतनेन तदनुयोगो परिपुण्णो होति । कस्माति चे ? तेन उस्साहसत्तिया पवत्तेतब्बस्स अप्पटिहताणाचक्कभावस्स सिद्धितो । पज्जाबलं मन्तसत्ति । पच्छिमेन चस्स परिणायकरतनेन तदनुयोगो । कस्माति

चे ? तस्स सब्बराजकिच्चेसु कुसलभावेन मन्तसत्तिया विय अविरज्जनपयोगत्ता । दमनेन, धनेन च पभुत्तं पभूसति । हत्थिअस्सगहपतिरतनेहि चस्स तदनुयोगो परिपुण्णो होति । कस्माति चे ? हत्थिअस्सरतनानं महानुभावताय, गहपतिरतनतो पटिलद्धकोससम्पत्तिया च पभावसत्तिया विय पभावसमिद्धिसिद्धितो । इत्थिमणिरतनेहि तिविधसत्तियोगफलं परिपुण्णं होतीति सम्बन्धो, यथावुत्ताहि तिविधाहि सत्तीहि पयुज्जनतो यं फलं लद्धब्बं । तं सब्बं तेहि परिपुण्णं होतीति अत्थो । कस्माति चे ? तेहेव उपभोगसुखस्स सिज्जनतो ।

दुविधसुखवसेनपि यथावुत्तमत्थं विभावेतुं “सो इत्थिमणिरतनेही”तिआदि कथितं । भोगसुखन्ति समीपे कत्वा परिभोगवसेन पवत्तसुखं । सेसेहीति तदवसेसेहि चक्कादिपञ्चरतनेहि । अपच्चत्थिकतावसेन पवत्तसुखं इस्सरियसुखं । इदानि तेसं सम्पन्नहेतुवसेनपि केनचि अविनाभावितमेव विभावेतुं “विसेसतो”तिआदिमाह । अदोसकुसलमूलजनितकम्मानुभावेनाति अदोससङ्गातेन कुसलमूलेन सहजातादिपच्चयवसेन उप्पादितकम्मस्स आनुभावेन सम्पज्जन्ति सोमतररतनजातिकत्ता । कम्मफलज्झि येभुय्येन कम्मसरिक्खकं । मज्झिमानि मणिइत्थिगहपतिरतनानि अलोभकुसलमूलजनितकम्मानुभावेन सम्पज्जन्ति उल्लारधनस्स, उल्लारधनपटिलभकारणस्स च परिच्चागसम्पदाहेतुकत्ता । पच्छिमं परिणायकरतनं अमोहकुसलमूलजनितकम्मानुभावेन सम्पज्जन्ति महापञ्जेनेव चक्कवत्तिराजकिच्चस्स परिनेतब्बत्ता, महापञ्जभावस्स च अमोहकुसलमूलजनितकम्मनिस्सन्दभावतो । बोज्झङ्गसंयुतेति महावग्गे दुतिये बोज्झङ्गसंयुते (सं० नि० ३.५.२२३) । रतनसुत्तस्साति तत्थ पञ्चमवग्गे सङ्गीतस्स दुतियस्स रतनसुत्तस्स (सं० नि० ३.५.२२३) । उपदेसो नाम सविसेसं सत्तन्नं रतनानं विचारणवसेन पवत्तो नयो ।

सरणतो पटिपक्खविधमनतो सूर सत्तिवन्तो, निब्भयावहाति अत्थो । तेनाह “अभीरुक्कातिका”ति । असुरे विजिनित्वा ठितत्ता सक्को देवानभिन्दो धीरो नाम, तस्स सेनङ्गभावतो देवपुत्तो “अङ्ग”न्ति वुच्चति, धीरस्स अङ्गं, तस्स रूपमिव रूपं येसं ते धीरङ्गरूपा, तेन वुत्तं “देवपुत्तसदिसकाया”ति । एकेति सारसमासनामका आचरिया, तदकखमन्तो आह “अयं पनेत्था”तिआदि । सभावोति सभावभूतो अत्थो । उत्तमसूराति उत्तमयोधा । सूरसद्दो हि इध योधत्थो । एवज्झि पुरिमनयतो इमस्स विसेसता होति, “उत्तमत्थो सूरसद्दो”तिपि वदन्ति, “उत्तमा सूर वुच्चन्ती”तिपि हि पाठो दिस्सति । वीरानन्ति वीरियवन्तानं । अङ्गन्ति कारणं “अङ्गीयति जायति फलमेतेना”ति कत्वा । येन वीरियेन “धीरा”ति वुच्चन्ति, तदेव धीरङ्गं नामाति आह “वीरियन्ति वुत्तं होती”ति ।

रूपन्ति सरीरं। तेन वुत्तं “वीरियमयसरीरा विया”ति। वीरियमेव वीरियमयं यथा “दानमय”न्ति, (दी० नि० ३.३०५; इतिवु० ६०; नेत्ति० ३४) तस्मा वीरियसङ्घातसरीरा वियाति अत्थो। वीरियं पन न एकन्तरूपन्ति विय-सद्गगहणं कतं। अपिच धीरङ्गेन निब्बत्तं धीरङ्गन्ति अत्थं दस्सेतुं “वीरियमयसरीरा विया”ति वुत्तं, एवम्पि वीरियतो रूपं न एकन्तं निब्बत्तन्ति विय-सद्देन दस्सेति। अथ वा रूपं सरीरभूतं धीरङ्गं वीरियमेतेसन्ति योजेतब्बं, तथापि वीरियं नाम किञ्चि सविग्गहं न होतीति दीपेति “वीरियमयसरीरा विया”ति इमिना, इधापि मयसद्दो सकत्थेयेव दट्ठब्बो, तस्मा सविग्गहवीरियसदिसाति अत्थो। इदं वुत्तं होति – सविग्गहं चे वीरियं नाम सिया, ते चस्स पुत्ता तंसदिसायेव भवेय्युन्ति अयमेव चत्थो आचरियेन (दी० नि० टी० १.२५८) अनुमतो। महापदानडुकथायं पन एवं वुत्तं “धीरङ्गं रूपमेतेसन्ति धीरङ्गरूपा, वीरियजातिका वीरियसभावा वीरियमया अकिलसुनो अहेसुं, दिवसम्पि युज्जन्ता न किलमन्तीति वुत्तं होती”ति, (दी० नि० अट्ठ० २.३४) तदेतं रूपसद्दस्स सभावत्थं सन्धाय वुत्तन्ति दट्ठब्बं। इध चेव अज्जत्थ कत्थचि “धितङ्गरूपा”ति पाठो दिस्सति। वीरियत्थोपि हि धितिसद्दो होति “सच्चं धम्मो धिति चागो, दिट्ठं सो अतिवत्तती”तिआदीसु (जा० १.१.५७) धितिसद्दो विय। कत्थचि पन “वीरङ्ग”न्ति पाठोव दिट्ठो। यथा रुच्चति, तथा गहेतब्बं।

ननु च रज्जो चक्कवत्तिस्स पटिसेना नाम नत्थि, यमस्स पुत्ता पमद्देय्युं, अथ कस्मा “परसेनप्पमद्दना”ति वुत्तन्ति चोदनं सोधेन्तो “सचे”तिआदिमाह, परसेना होतु वा, मा वा, “सचे पन भवेय्या”ति परिकप्पनामत्तेन तेसं एवमानुभावतं दस्सेतुं तथा वुत्तन्ति अधिष्णायो, “परसेनप्पमद्दना”ति वुत्तेपि परसेनं पमद्दितुं समत्थाति अत्थो गहेतब्बो पकरणतोपि अत्थन्तरस्स विज्जायमानत्ता, यथा “सिक्खमानेन भिक्खवे भिक्खुना अज्जातब्बं परिपुच्छितब्बं परिपञ्चितब्ब”न्ति (पाचि० ४३४) एतस्स पदभाजनीये (पाचि० ४३६) “सिक्खितुकामेना”ति अत्थगगहणन्ति इममत्थं दस्सेतुं “तं परिमद्दितुं समत्था”ति वुत्तं। न हि ते परसेनं पमद्दन्ता तिट्ठन्ति, अथ खो पमद्दनसमत्था एव होन्ति। एवमज्जत्रपि यथारहं। परसेनं पमद्दनाय समत्थेन्तीति परसेनप्पमद्दनाति अत्थं दस्सेतीतिपि वदन्ति।

पुब्बे कतूपचितस्स एतरहि विपच्चमानकस्स पुज्जाधम्मस्स चितरं विपच्चितुं पच्चयभूतं चक्कवत्तिवत्तसमुदागतं पयोगसम्पत्तिसङ्घातं धम्मं दस्सेतुं “धम्मेना”ति पदस्स

“पाणो न हन्तब्बोतिआदिना पञ्चसीलधम्मेना”ति अथमाह। अयञ्चि अत्थो “ये खो पनानन्द पुरत्थिमाय दिसाय पटिराजानो, ते राजानं महासुदस्सनं उपसङ्गमित्वा एवमाहंसु ‘एहि खो महाराज, स्वागतं ते महाराज, सकं ते महाराज, अनुसास महाराजा’ति। राजा महासुदस्सनो एवमाह ‘पाणो न हन्तब्बो, अदित्रं न आदातब्बं, कामेसु मिच्छा न चरितब्बा, मुसा न भणितब्बा, मज्जं न पातब्बं, यथाभुत्तञ्च भुज्जथा’ति। ये खो पनानन्द पुरत्थिमाय दिसाय पटिराजानो, ते रज्जो महासुदस्सनस्स अनुयन्ता अहेसु”न्तिआदिना (दी० नि० २.२४४) आगतं रज्जो ओवादधम्मं सन्धाय वुत्तो। एवञ्चि “अदण्डेन असत्थेना”ति इदम्पि विसेसनवचनं सुसमत्थितं होति। अज्जासुपि सुत्तनिपातट्ठकथादीसु (सु० नि० अट्ठ० २२६; खु० पा० अट्ठ० ६.३; दी० नि० अट्ठ० २.३३; सं० नि० अट्ठ० ३.२२३) अयमेवत्थो वुत्तो।

महापदानट्ठकथायं पन “अदण्डेनाति ये कतापराधे सत्ते सत्तम्पि सहस्सम्पि गण्हन्ति, ते धनदण्डेन रज्जं कारेन्ति नाम, ये छेज्जभेज्जं अनुसासन्ति, ते सत्थदण्डेन। अयं पन दुविधम्पि दण्डं पहाय अदण्डेन अज्जावसति। असत्थेनाति ये एकतोधारादिना सत्थेन परं विहेसन्ति, ते सत्थेन रज्जं कारेन्ति नाम। अयं पन सत्थेन खुद्दकमक्खिकायपि पिवनमत्तं लोहितं कस्सचि अनुप्पादेत्वा धम्मेनेव, ‘एहि खो महाराजा’ति एवं पटिराजूहि सम्पटिच्छितागमनो वुत्तप्पकारं पथविं अभिविजिनित्वा अज्जावसति अभिभवित्वा सामी हुत्वा वसतीति अत्थो”ति (दी० नि० अट्ठ० २.३४) वुत्तं, तदेतं “धम्मेना”ति पदस्स “पुब्बे कतूपचितेन एतरहि विपच्चमानकेन येन केनचि पुज्जधम्मेना”ति अत्थं सन्धाय वुत्तं। तेनेव हि “धम्मेन पटिराजूहि सम्पटिच्छितागमनो वुत्तप्पकारं पथविं अभिविजिनित्वा अज्जावसती”ति। आचरियेनपि (दी० नि० टी० १.२५८) वुत्तं धम्मेनाति कतूपचितेन अत्तनो पुज्जधम्मेन। तेन हि सज्जोदिता पथवियं सब्बराजानो पच्चुग्गन्त्वा “स्वागतं ते महाराजा”तिआदीनि वत्वा अत्तनो रज्जं रज्जो चक्कवत्तिस्स निय्यातेन्ति। तेन वुत्तं “सो इमं पथविं सागरपरियन्तं अदण्डेन असत्थेन धम्मेन अभिविजिय अज्जावसती”ति, तेनपि यथावुत्तमेवत्थं दस्सेति, तस्मा उभयथापि एत्थ अत्थो वुत्तो एवाति दट्ठब्बं। चक्कवत्तिवत्तपूरणादिपयोगसम्पत्तिमन्तरेन हि पुब्बे कतूपचितकम्मेनेव एवमज्जावसनं न सम्भवति, तथा पुब्बे कतूपचितकम्मेमन्तरेन चक्कवत्तिवत्तपूरणादिपयोगसम्पत्तिया एवाति।

एवं एकं निष्फत्तिं कथेत्वा दुत्तियं निष्फत्तिं कथेतुं यदेतं “सचे खो पना”तिआदिवचनं वुत्तं, तत्थ अनुत्तानमत्थं दस्सेन्तो “अरहं...पे०... विवट्ठदोति

एत्था”तिआदिमाह । यस्मा रागादयो सत्त पापधम्मा लोके उप्पज्जन्ति, उप्पज्जमाना च ते सत्तसन्तानं छादेत्वा परियोनन्धित्वा कुसलप्पवत्तिं निवारन्ति, तस्मा ते इध छदसद्देन वुत्ताति दस्सेति “**रागदोसा**”तिआदिना । **दुच्चरितन्ति** मिच्छादिद्वितो अज्जेन मनोदुच्चरितेन सह तीणि दुच्चरितानि, मिच्छादिद्वि पन विसेसेन सत्तानं छदनतो, परमसावज्जत्ता च विसुं गहिता । वुत्तञ्च “सब्बे ते इमेहेव द्वासट्ठिया वत्थूहि अन्तोजालीकता, एत्थ सिताव उम्मुज्जमाना उम्मुज्जन्ती”तिआदि (दी० नि० १.१४६) । तथा मुह्ण्डेन **मोहो**, अविदितकरण्डेन **अविज्जा**ति पवत्तिआकारभेदेन अज्जाणमेव द्विधा वुत्तं । तथा हिस्स द्विधापि छदनत्थो कथितो “अन्धतमं तदा होति, यं मोहो सहते नर”न्ति, (महानि० ५, १५६, १९५) “अविज्जाय निवुतो लोको, वेविच्छा पमादा नप्पकासती”ति (सु० नि० १०३९; चूळनि० पारायनवग्ग.२) च । एवं रागदोसादीनम्पि छदनत्थो वत्तब्बो । **महापदानङ्कथायं** (दी० नि० अट्ठ० २.३३) पन रागदोसमोहमानदिद्विकिलेसतण्हावसेन सत्त पापधम्मा गहिता । तत्र रज्जनडेन **रागो**, तण्हायनडेन **तण्हा**ति पवत्तिआकारभेदेन लोभो एव द्विधा वुत्तो । तथा हिस्स द्विधापि छदनत्थो एकन्तिकोव । यथाह “अन्धतमं तदा होति, यं रागो सहते नर”न्ति, “कामन्धा जालसञ्छन्ना, तण्हाछदनछादिता”ति (उदा० ९४) च, किलेसग्गहणेन च वुत्तावसिद्धा विचिकिच्छादयो वुत्ता ।

सत्तहि पटिच्छन्नेति हेतुगम्भवचनं, सत्तहि पापधम्मेहि पटिच्छन्नत्ता किलेसवसेन अन्धकारे लोकेति अत्थो । तं **छदनन्ति** सत्तपापधम्मसङ्घातं छदनं । **विवट्टेत्वा**ति विवट्टं कत्वा विगमेत्वा । तदेव परियायन्तरेन वुत्तं “**समन्ततो सज्जातालोको हुत्वा**”ति । किलेसछदनविगमो एव हि आलोको, एतेन विवट्टयितब्बो विगमेतब्बोति **विवट्टो**, छादेति पटिच्छादेतीति **छदो**, विवट्टो छदो अनेनाति **विवट्टच्छदा**, **विवट्टच्छदो** वाति अत्थं दस्सेति । अयज्हि विवट्टच्छदसद्दो दळ्ळधम्मपच्चक्खधम्मसद्दादयो विय पुल्लिङ्गवसेन आकारन्तो, ओकारन्तो च होति । तथा हि **महापदानङ्कथायं** वुत्तं “रागदोसमोहमानदिद्विकिलेसतण्हासङ्घातं छदनं आवरणं विवटं विद्धंसितं विवटकं एतेनाति विवटच्छदो, ‘विवट्टच्छदा’तिपि पाठो, अयमेवत्थो”ति, (दी० नि० अट्ठ० २.३३) तस्सा लीनत्थप्पकासनियम्पि वुत्तं “विवट्टच्छदाति ओकारस्स आकारं कत्वा निद्देसो”ति । सद्दविदू पन “आधन्वादितोति लक्खणेन समासन्तगतेहि धनुसद्दादीहि क्वचि आपच्चयो”ति वत्त्वा “कण्डिवधन्वा, पच्चक्खधम्मा, विवट्टच्छदा”ति पयोगमुदाहरन्ति ।

कस्मा पदत्तयमेतं वृत्तन्ति अनुयोगं हेतालङ्कारनयेन परिहरन्तो “**तत्था**”तिआदिमाह

तथाति च तीसु पदेसूति अत्थो । पूजाविसेसं पटिग्गण्हितुं अरहतीति अरहन्ति अत्थेन पूजारहता वुत्ता । यस्मा सम्मासम्बुद्धो, तस्मा पूजारहताति तस्मा पूजारहताय हेतु वुत्तो । सवासनसब्बकिलेसप्पहानपुब्बकत्ता बुद्धभावस्स बुद्धत्तहेतुभूता विवट्छदता वुत्ता । कम्मादिवसेन तिविधं वट्ठञ्च रागादिवसेन सत्तविधो छदो च वट्ठच्छदा, वट्ठच्छदेहि विगतो, विगता वा वट्ठच्छदा यस्साति विवट्छदो, विवट्छदा वा, द्वन्दपुब्बगो पन वि-सट्ठो उभयत्थ योजेतब्बोति इममत्थं दस्सेतुं “विवट्ठो च विच्छदो चा”ति वुत्तं । एवम्पि वदन्ति “विवट्ठो च सो विच्छदो चाति विवट्छदो, उत्तरपदे पुब्बपदलोपोति अत्थं दस्सेती”ति । “अरहं वट्ठाभावेना”ति इदं किलेसेहि आरकत्ता, किलेसारीनं संसारचक्कस्सारानञ्च हतत्ता, पापकरणे च रहाभावाति अत्थं सन्धाय वुत्तं । इदञ्चि फलेन हेतानुमानदस्सनं – यथा तं धूमेन अग्गिस्स, उदकोधेन उपरि वुट्ठिया, एतेन च अत्थेन अरहभावो हेतु, वट्ठाभावो फलन्ति अयं आचरियमति । “पच्चयादीनं, पूजाविसेसस्स च अरहत्ता”ति पन हेतुना फलानुमानदस्सनम्पि सिया यथा तं अग्गिना धूमस्स, उपरि वुट्ठिया उदकोधस्स । “सम्मासम्बुद्धो छदनाभावेना”ति इदं पन हेतुना फलानुमानदस्सनं सवासनसब्बकिलेसच्छदनाभावपुब्बकत्ता सम्मासम्बुद्धभावस्स । अरहत्तमग्गेन हि विच्छदता, सब्बज्जुतज्जाणेन सम्मासम्बुद्धभावो । “विवट्ठो च विच्छदो चा”ति इदं हेतुद्वयं । कामञ्च आचरियमतिया फलेन हेतुअनुमानदस्सने विवट्ठता फलमेव होति, हेतुअनुमानदस्सनस्स, पन तथाजाणस्स च हेतुभावतो हेतुयेव नामाति वेदितब्बं ।

एवं पदत्तयवचने हेतालङ्कारनयेन पयोजनं दस्सेत्वा इदानीं चतुवेसारज्जवसेनपि दस्सेन्तो “दुतियेना”तिआदिमाह । तत्थ दुतियेन वेसारज्जेनाति “चत्तारिमानि भिक्खवे तथागतस्स वेसारज्जानि, येहि वेसारज्जेहि समन्नागतो तथागतो आसभं ठानं पटिजानाति, परिसासु सीहनादं नदति, ब्रह्मचक्कं पवत्तेती”तिआदिना (अ० नि० १.४.८; म० नि० १.१५०) भगवता वुत्तक्कमेन दुतियभूतेन “खीणासवस्स ते पटिजानतो ‘इमे आसवा अपरिक्खीणा’ति, तत्र वत मं समणो वा ब्राह्मणो वा देवो वा मारो वा ब्रह्मा वा कोचि वा लोकस्मिं सह धम्मेन पटिचोदेस्सतीति निमित्तमेतं भिक्खवे न समनुपस्सामि, एतमहं भिक्खवे निमित्तं असमनुपस्सन्तो खेमप्पत्तो अभयप्पत्तो वेसारज्जप्पत्तो विहरामी”ति परिदीपितेन वेसारज्जेन । पुरिमसिद्धीति पुरिमस्स “अरह”न्ति पदस्स अत्थसिद्धि अरहत्तसिद्धि, दुतियवेसारज्जस्स तदत्थभावतो तेन वेसारज्जेन तदत्थसिद्धीति वुत्तं होति । “खीणासवस्स ते पटिजानतो ‘इमे आसवा अपरिक्खीणा’ ति”आदिना वुत्तमेव हि दुतियवेसारज्जं “किलेसेहि आरकत्ता”तिआदिना वुत्तो “अरह”न्ति पदस्स

अत्थोति। ततो च विज्जायति “यथा दुतियेन वेसारज्जेन पुरिमसिद्धि, एवं पुरिमेनपि अत्थेन दुतियवेसारज्जसिद्धी”ति। एवञ्च कत्वा इमिना नयेन चतुवेसारज्जवसेन पदत्तयवचने पयोजनदस्सनं उपपन्नं होति। इतरथा हि किञ्चिपयोजनाभावतो इदंयेव वचनं इध अवत्तब्बं सियाति। एस नयो सेसेसुपि।

पठमेनाति वुत्तनयेन पठमभूतेन “सम्मासम्बुद्धस्स ते पटिजानतो ‘इमे धम्मा अनभिसम्बुद्धा’ति, तत्र...पे०... विहरामी”ति परिदीपितेन वेसारज्जेन। **दुतियसिद्धीति** दुतियस्स “सम्मासम्बुद्धो”ति पदस्स अत्थसिद्धि बुद्धत्तसिद्धि तस्स तदत्थभावतो। **ततियचतुत्थेहीति** वुत्तनयेनेव ततियचतुत्थभूतेहि “ये खो पन ते अन्तरायिका धम्मा वुत्ता, ते पटिसेवतो नालं अन्तरायायाति, तत्र...पे०... विहरामी”ति च “यस्स खो पन ते अत्थाय धम्मो देसितो, सो न निज्याति तक्करस्स सम्मा दुक्खक्खयायाति, तत्र...पे०... विहरामी”ति (अ० नि० १.४.८; म० नि० १.१५०) च परिदीपितेहि वेसारज्जेहि। **ततियसिद्धीति** ततियस्स “विवट्छदा”ति पदस्स अत्थसिद्धि विवट्छदत्थसिद्धि तेहि तस्स पाकटभावतोति अत्थो। “याथावतो अन्तरायिकनिज्यानिकधम्मापदेसेन हि सत्थु विवट्छदभावो लोके पाकटो अहोसी”ति (दी० नि० टी० १.२५८) आचरियेन वुत्तं, विवट्छदभावेनेव अन्तरायिकनिज्यानिकधम्मदेसनासिद्धितो “ततियेन ततियचतुत्थसिद्धी”तिपि वत्तुं युज्जति।

एवं पदत्तयवचने चतुवेसारज्जवसेन पयोजनं दस्सेत्वा इदानीं चक्खुत्तयवसेनपि दस्सेन्तो “**पुरिमज्जा**”तिआदिमाह। तत्थ च-सद्दो उपन्यासत्थो। **पुरिमं** “अरह”न्ति पदं भगवतो हेड्डिममग्गफलत्तयजाणसङ्घातं **धम्मचक्खुं साधेति** किलेसारीनं, संसारचक्कस्स अरानञ्च हतभावदीपनतो। **दुतियं** “सम्मासम्बुद्धो”ति पदं आसयानुसयइन्द्रियपरोपरित्तजाणसङ्घातं **बुद्धचक्खुं साधेति** सम्मासम्बुद्धस्सेव तंसम्भवतो। तदेतज्झि जाणद्वयं सावकपच्चेकबुद्धानं न सम्भवति। **ततियं** “विवट्छदा”ति पदं सब्बज्जुतज्जाणसङ्घातं **समन्तचक्खुं साधेति** सवासनसब्बकिलेसप्पहानदीपनतो। “सम्मासम्बुद्धो”ति हि वत्वा “विवट्छदा”ति वचनं सम्मासम्बुद्धभावाय सवासनसब्बकिलेसप्पहानं विभावेतीति। “अहं खो पन तात अम्बड्ड मन्तानं दाता”ति इदं अप्पधानं, “त्वं मन्तानं पटिग्गहेता”ति इदमेव पधानं समुत्तेजनावचनन्ति सन्धाय “त्वं मन्तानं पटिग्गहेताति इमिना”स्स मन्तेसु **सूरभावं जनेती**”ति वुत्तं, लक्खणविभावने विसदजाणतासङ्घातं सूरभावं जनेतीति अत्थो।

२५९. एवं भोति एत्थ एवं-सद्दो वचनसम्पटिच्छने निपातो, वचनसम्पटिच्छनञ्चेत्थ तथा मयं तं भवन्तं गोतमं वेदिस्साम, त्वं मन्तानं पटिग्गहेताति च एवं पवत्तस्स पोक्खरसातिनो वचनस्स सम्पटिग्गहो । “तस्सत्थो”तिआदिनापि हि तदेवत्थं दस्सेति । तथा च वुत्तं “ब्राह्मणस्स पोक्खरसातिस्स पटिस्सुत्वा”ति, तं पनेस आचरियस्स समुत्तेजनाय लक्खणेसु विगतसम्मोहभावेन बुद्धमन्ते सम्पस्समानत्ता वदतीति दस्सेन्तो “सोपी”तिआदिमाह । तत्थ “तायाति ताय यथावुत्ताय समुत्तेजनाया”ति (दी० नि० टी० १.२५९) आचरियेन वुत्तं, अधुना पन पोत्थकेसु “ताय आचरियकथाया”ति पाठो दिस्सति । अत्थतो चेस अविरुद्धोयेव । मन्तेसु सतिसमुप्पादिका हि कथा समुत्तेजनाति ।

अयानभूमिन्ति यानस्स अभूमिं, यानेन यातुमसक्कुणेय्यद्धानभूतं, द्वारकोट्टकसमीपं गन्त्वाति अत्थो ।

अविसेसेन वुत्तस्सपि वचनस्स अत्थो अट्ठकथापमाणतो विसेसेन गहेतब्बोति आह “ठितमज्झन्हिकसमये”ति । सब्बेसमाचिण्णवसेन पठमनयं वत्वा पधानिकानमेव आवेणिकाचिण्णवसेन दुतियनयो वुत्तो । दिवापधानिकाति दिवापधानानुयुञ्जनका, दिवसभागे समणधम्मकरणत्थं ते एवं चङ्कमन्तीति वुत्तं होति । तेनाह “तादिसानज्ही”तिआदि । “परिवेणतो परिवेणमागच्छन्तो पपज्जो होति, पुच्छित्वाव पविसिस्सामी”ति अम्बट्ठस्स तदुपसङ्कमनाधिप्पायं विभावेन्तो “सो किरा”तिआदिमाह ।

२६०. अभिज्जातकुलं जातो अभिज्जातकोलज्जो । कामञ्च वक्खमाननयेन पुब्बे अम्बट्ठकुलमपज्जातं, तदा पन पज्जातन्ति आह “तदा किरा”तिआदि । रूपजातिमन्तकुलापदेसेहीति “अयमीदिसो”ति अपदिसनहेतुभूतेहि चतूहि रूपजातिमन्तकुलेहि । येन ते भिक्खू चिन्तयिंसु, तदधिप्पायं आवि कातुं “यो ही”तिआदि वुत्तं । अविसेसतो वुत्तम्पि विसेसतो विज्जायमानत्थं सन्धाय भासितवचनन्ति दस्सेति “गन्धकुटिं सन्धाया”ति इमिना । एवमीदिसेसु ।

अतुरितोति अवेगायन्तो, “अतुरन्तो”तिपि पाठो, सोयेवत्थो । कथं पविसन्तो अंतरमानो पविसति नामाति आह “सणिक”न्तिआदि । तत्थ पदप्पमाण्डानेति द्वित्रं पदानं अन्तरे मुट्ठिरतनपमाण्डाने । सिन्दुवारो नाम एको पुप्फूपगरुक्खो, यस्स सेतं पुप्फं होति,

यो “निग्गुण्डी” तिपि वुच्चति। **पमुखन्ति** गन्धकुटिगब्भपमुखं। “कुञ्चिकच्छिद्दसमीपे”ति वुत्तवचनं समत्थेतुं “**द्वारं किरा**”तिआदि वुत्तं।

२६१. “**दानं ददमानेही**”ति इमिना पारमितानुभावेन सयमेव द्वारविवरणं दस्सेति।

भगवता सद्धिं सम्मोदिसूति एत्थ समत्थेन सं-सदेन विज्जायमानं भगवतो तेहि सद्धिं पठमं पवत्तमोदतासङ्घातं नेय्यत्थं दस्सेन्तो “**यथा**”तिआदिमाह। भगवापि हि “कच्चि भो माणवा खमनीयं, कच्चि यापनीय”न्तिआदीनि पुच्छन्तो तेहि माणवेहि सद्धिं पुब्बभासिताय पठमज्जेव पवत्तमोदो अहोसि। **समप्पवत्तमोदाति** भगवतो तदनुकरणेन समं पवत्तसंसन्दना। तदत्थं सह उपमाय दस्सेतुं “**सीतोदकं विया**”तिआदि वुत्तं। तत्थ परमनिब्बुतकिलेसदरथताय भगवतो सीतोदकसदिसता, अनिब्बुतकिलेसदरथताय च माणवानं उण्होदकसदिसता दडुब्बा। **सम्मोदितन्ति** संसन्दितं। **मुदसद्दो** हेत्थ संसन्दनेयेव, न पामोज्जे, एवज्झि यथावुत्तउपमावचनं समत्थितं होति। तथा हि वुत्तं “**एकीभाव**”न्ति, सम्मोदनकिरियाय समानतं एकरूपतन्ति अत्थो।

खमनीयन्ति “चतुचक्कं नवद्वारं सरीरयन्तं दुक्खबहुलताय सभावतो दुस्सहं कच्चि खमितुं सक्कुणेय्य”न्ति पुच्छन्ति, **यापनीयन्ति** आहारादिपच्चयपटिबद्धवुत्तिकं चिरप्पबन्धसङ्घाताय यापनाय कच्चि यापेतुं सक्कुणेय्यं, सीसरोगादिआबाधाभावेन **कच्चि अप्पाबाधं**, दुक्खजीविकाभावेन **कच्चि अप्पातङ्गं**, तंतंकिच्चकरणे उट्टानसुखताय **कच्चि लहुट्टानं**, तदनुरूपबलयोगतो **कच्चि बलं**, सुखविहारफलसम्भावेन **कच्चिफासुविहारो** अत्थीति सब्बत्थ कच्चि-सहं योजेत्वा अत्थो वेदितब्बो। बलप्पत्ता पीति **पीतियेव**। तरुणा पीति **पामोज्जं**। सम्मोदनं जनेति करोतीति सम्मोदनिकं, तदेव **सम्मोदनियं** क-कारस्स य-कारं कत्वा। सम्मोदेतब्बतो सम्मोदनीयन्ति इममत्थं दस्सेति “**सम्मोदितुं युत्तभावतो**”ति इमिना। एवं आचरियेहि वुत्तं। सम्मोदितुं अरहतीति सम्मोदनिकं, तदेव **सम्मोदनियं** यथावुत्तनयेनाति इममत्थम्पि दस्सेतीति दडुब्बं। “**सारेतु**”न्ति एतस्स “**निरन्तरं पवत्तेतु**”न्ति अत्थवचनं। **सरित्त्वभावतो**ति अनुस्सरित्त्वभावतो। “सारेतुं अरहती”ति अत्थे यथापदं दीधेन “**सारणीय**”न्ति वुत्तं। “**सरित्त्व**”न्ति अत्थे पन “**सरणीय**”न्ति वत्तब्बे दीधं कत्वा “**सारणीय**”न्ति वुत्तन्ति वेदितब्बं। एवं सहतो अत्थं दस्सेत्वा इदानि अत्थमत्ततो दस्सेतुं “**सुय्यमानसुखतो**”तिआदि वुत्तं। तत्थ **सुय्यमानसुखतो**ति आपाथमधुरत्तमाह, **अनुस्सरियमानसुखतो**ति विमद्दरमणीयत्तं। **ब्बज्जनपरिसुद्धतायाति** सभावनिरुत्तिभावेन तस्सा

कथाय वचनचातुरियं, अत्थपरिसुद्धतायाति अत्थस्स निरुपक्विकलेसत्तं । अनेकेहि परियायेहीति अनेकेहि कारणेहि ।

अपसादेस्सामीति मङ्गुं करिस्सामि । उभोसु खन्धेसु साटकं आसज्जेत्वा कण्ठे ओलम्बनं सन्धाय “कण्ठे ओलम्बित्वा”ति वुत्तं । दुस्सकण्णं गहेत्वाति निवत्थसाटकस्स कोटिं एकेन हत्थेन गहेत्वा । चङ्कमितुमारुहनं सन्धाय “चङ्कमं अभिरुहित्वा”ति आह । धातुसमताति रसादिधातूनं समावत्थता, अरोगताति अत्थो । पासादिकत्थन्ति पसादजननत्थं “गतगतद्वाने”ति इमिना सम्बन्धो । “पासादिकत्ता”तिपि पाठो, तस्सत्थो – अङ्गपच्चङ्गानं पसादावहत्ताति, “उप्पन्नबहुमाना”ति इमिना सम्बन्धो । उप्पण्डनकत्थन्ति अवहसितवत्तायुत्तकत्थं । “अनाचारभावसारणीय”न्ति तस्स विसेसनं, अनाचारभावेन सारणीयं “अनाचारो वत्ताय”न्ति सरितव्वकन्ति अत्थो ।

२६२. कातुं दुक्करमसक्कुणेय्यं किच्चमयं आरभीति दस्सेतुं “भवग्गं गहेतुकामो विया”तिआदि वुत्तं । असक्कुणेय्यज्हेतं सदेवकेनपि लोकेन, यदिदं भगवतो अपसादनं । तेनाह “अद्वाने वायमती”ति । हन्द तेन सद्धिं मन्तेमीति एवं अद्वाने वायमन्तोपि अयं बालो “मयि किञ्चि अकथेन्ते मया सद्धिं उत्तरि कथेतुम्पि न विसहती”ति मानमेव पग्गण्हिस्सति, कथेन्ते पन कथापसङ्गेनस्स जातिगोत्ते विभाविते माननिग्गहो भविस्सति, “हन्द तेन सद्धिं मन्तेमी”ति भगवा अम्बडुं माणवं एतदवोचाति अत्थो । आचारसमाचारसिक्खापनेन आचरिया, तेसं पन आचरियानं पकट्ठा आचरियाति पाचरिया यथा “पपितामहो”ति इममत्थं दस्सेतुं “आचरियेहि च तेसं आचरियेहि चा”ति वुत्तं ।

पटमइत्थभादवण्णना

२६३. किञ्चापि “सयानो वा”तिआदिवचनं न वत्तव्वं, मानवसेन पन युगग्गाहं करोन्तो वदतीति दस्सेन्तो “कामं तीसू”तिआदिमाह । तत्थ तीसु इरियापथेसूति ठानगमननिस्सज्जासु । तेस्वेव हि आचरियेन सद्धिं सल्लपितुमरहति, न तु सयने गरुकरणीयानं सयानानम्पि सम्मुखा गरुकारेहि सयनस्स अकत्तव्वभावतो । कथासल्लापन्ति कथावसेन युगग्गाहकरणत्थं सल्लपनं । सयानेन हि आचरियेन सद्धिं सयानस्स कथा नाम आचारो न होति, तथापेतं इतरेहि सदिसं कत्वा कथनं इध कथासल्लापो ।

यं पनेतं “सयानो वा हि भो गोतम ब्राह्मणो सयानेन ब्राह्मणेन सद्धिं सल्लपितुमरहती”ति वुत्तस्स सल्लापस्स अनाचारभावविभावनं सत्थारा अम्बट्ठेन सद्धिं कथेन्तेन कतं, तं पाळिवसेन सङ्गीतिमनारुहम्मि अगर्हिताय आचरियपरम्पराय यावज्जतना समाभतन्ति “ये च खो ते भो गोतमा”तिआदिकाय उपरिपाळिया सम्बन्धभावेन दस्सेन्तो “ततो किरा”तिआदिमाह। गोरूपन्ति गो नून रूपकवसेन वुत्तत्ता, रूपसद्वस्स च तद्भाववुत्तितो। यदि अहीळेन्तो भवेय्य, “मुण्डा समणा”ति वदेय्य, हीळेन्तो पन गरहत्थेन कसद्देन पदं वट्ठेत्वा “मुण्डका समणका”ति वदतीति दस्सेतुं “मुण्डे मुण्डा”तिआदि वुत्तं। इब्भाति गहपतिकाति अत्थमत्तवचनं, सद्वतो पन इभस्स पयोगो इभो उत्तरपदलोपेन, तं इभं अरहन्तीति इब्भा द्वितं कत्वा। किं वुत्तं होति – यथा सोभनं गमनतो इभसङ्घातो हत्थिवाहनभूतो परस्स वसेन पवत्तति, न अत्तनो, एवमेतेपि ब्राह्मणानं सुस्सूसका सुद्धा परस्स वसेन पवत्तन्ति, न अत्तनो, तस्मा इभसदिसपयोगताय इब्भाति। ते पन कुटुम्बिकताय घरवासिनो घरसामिका होन्तीति अत्थमत्तं दस्सेति “गहपतिका”ति इमिना।

कण्हाति कण्हाजतिका। द्विजा एव हि सुद्धजतिका, न इतरेति तस्साधिप्पायो। तेनाह “काळका”ति। पितामहभावेन जातिबन्धवत्ता बन्धु। तेनाह “पितामहोति वोहरन्ती”ति। अपच्चाति पुत्ता। मुखतो निक्खन्ताति ब्राह्मणानं पुब्बपुरिसा ब्रह्मनो मुखतो निक्खन्ता, अयं तेसं पठमुप्पत्तीति अधिप्पायो। सेसपदेसुपि एसेव नयो। अयं पनेत्थ विसेसो – “इब्भा कण्हा”ति वत्वा “बन्धुपादापच्चा”ति वदन्तो कुलवसेन समणा वेस्सकुलपरियापन्ना, पठमुप्पत्तिवसेन पन ब्रह्मनो पिड्डिपादतो निक्खन्ता, न पकतिवेस्सा विय नाभितोति दस्सेतीति, इदं पनस्स “मुखतो निक्खन्ता”तिआदिवचनतोपि अतिविय असमवेक्खितपुब्बवचनं चतुवण्णपरियापन्नस्सेव समणभावसम्भवतो। अनियमेत्वाति अविसेसेत्वा, अनुद्देसिकभावेनाति अत्थो।

मानमेव निस्साय कथेसीति मानमेवापस्सयं कत्वा अत्तानं उक्कंसेन्तो, परे च वम्भेन्तो “मुण्डका समणका”तिआदिवचनं कथेसि। जानापेस्सामीति अत्तनो गोत्तपमाणं याथावतो विभावनेन विज्जापेस्सामि। अत्थोति हितं, इच्छितवत्थु वा, तं पन कत्तब्बकिच्चमेवाति वुत्तं “आगन्त्वा कत्तब्बकिच्चसङ्घातो अत्थो”ति, सो एतस्स अत्थीति अत्थिकं यथा “दण्डिको”ति। दुतियस्सपि पुगलवाचकस्स तदस्सत्थिपच्चयस्स विज्जमानत्ता

पठमेन तदारम्माणिकचित्तमेव विज्जायतीति आह “तस्स माणवस्स चित्त”न्ति । अत्थिकमस्स अत्थीति अत्थिकवा यथा “गुणवा”ति ।

“यायेव खो पनत्थाया”ति लिङ्गविपल्लासवसेन वुत्तन्ति दस्सेति “येनेव खो पनत्थेना”ति इमिना । तेनेवाह “तमेव अत्थन्ति इदं पुरिसलिङ्गवसेनेव वुत्त”न्ति । तत्थ हि साभाविकलिङ्गतादस्सनेन इध असाभाविकलिङ्गतासिद्धीति । अयं पनेत्थ अट्ठकथातो अपरो नयो – याय अत्थायाति पुल्लिङ्गवसेनेव तदत्थे सम्पदानवचनं, यस्स कत्तब्बकिच्चसङ्घातस्स अत्थस्स अत्थायाति अत्थीति । अस्साति अम्बट्ठस्स दस्सेत्वाति सम्बन्धो । अज्जेसं सन्तिकं आगतानन्ति गरुडानियानं सन्तिकमुपगतानं साधुरूपानं । वत्तन्ति तेसं समाचिण्णं । पकरणतोयेव “आचरियकुले”ति अत्थो विज्जायति, “अवुसितवा”ति च असिक्खितभावोयेव वोहारवसेन वुत्तो यथा तं चीवरदानं तिचीवरेन अच्छादेसीति । तेनाह “आचरियकुले अवुसितवा असिक्खितो”ति । असिक्खितत्ता एव अप्पस्सुतो, “वुसितमानी”ति च पदापेक्खाय अपरियोसितवचनत्ता समानोति पाठसेसोति दस्सेति “अप्पस्सुतोव समानो”ति इमिना । बाहुसच्चव्हि नाम यावदेव उपसमत्थं इच्छितब्बं, तदभावतो पनायं अम्बट्ठो अवुसितवा असिक्खितो अप्पस्सुतोति विज्जायतीति एवम्पि अत्थापत्तितो कारणं विभावेन्तो आह “किमज्जत्र अवुसितत्ता”ति । इमम्पि सम्बन्धं दीपेति “एतस्स ही”तिआदिना । यथारुततो पन फरुसवचनसमुदाचारेण अनुपसमकारणदस्सनमेतं । तत्रायं योजना – “किमज्जत्र अवुसितत्ता”ति इदं कारणं एतस्स अम्बट्ठस्स फरुसवचनसमुदाचारे कारणन्ति । “फरुसवचनसमुदाचारेण”तिपि पाठो, तथा समुदाचारवसेन वुत्तं कारणन्ति अत्थो । एवम्पि योजेन्ति – अवुसितत्ता अवुसितभावं अज्जत्र ठपेत्वा एतस्स एवं फरुसवचनसमुदाचारे कारणं किमज्जं अत्थीति । पुरिमयोजनावेत्थ युत्तरा यथापाठं योजेतब्बतो । “अज्जत्रा”ति निपातयोगतो अवुसितत्ताति उपयोगत्थे निस्सक्कवचनं । तदेव कारणं समत्थेति “आचरियकुले”तिआदिना ।

२६४. कोधसङ्घातस्स परस्स वसानुगतचित्तताय असकमनो । माननिम्मदनत्थन्ति मानस्स निम्मदनत्थं अभिमदन्त्थं, अमदन्त्थं वा, मानमदविरहत्थन्ति अत्थो । दोसं उग्गिलेत्वाति सिनेहपानेन किलिन्नं वातपित्तसेम्हदोसं उब्बमनं कत्वा । गोत्तेन गोत्तन्ति अम्बट्ठेनेव भगवता पुट्ठेन वुत्तेन सावज्जेन पुरातनगोत्तेन अधुना अनवज्जसज्जितं गोत्तं । कुलापदेसेन कुलापदेसन्ति एत्थापि एसेव नयो । उट्ठापेत्वाति सावज्जतो उट्ठहनं कत्वा, उद्धरित्वाति वुत्तं होति । गोत्तज्जेत्थ आदिपुरिसवसेन, कुलापदेसो पन तदन्वये

उपपन्नाभिज्जातपुरिसवसेन गहेतब्बो यथा “आदिच्चो माघवो”ति । साकियानज्झि आदिच्चगोत्तं अदितिया नाम देवधीताय पुत्तभूतं आदिपुरिसं पति होति, तं “गोतमगोत्त”न्तिपि वदन्ति । यथाह पब्बज्जासुत्ते –

“आदिच्चा नाम गोत्तेन, साकिया नाम जातिया ।

तम्हा कुला पब्बजितोम्हि, न कामे अभिपत्थय”न्ति ।। (सु० नि० ४२५)

माघवकुलं पन तदन्वये अभिज्जातं मचलगामिकपुरिसं पति होतीति । गोत्तमूलस्स गारहताय अमानवत्थुभावपवेदनतो “मानद्वजं मूले छेत्वा निपातेस्सामी”ति वुत्तं । घट्टेन्तोति जातिगोत्तवसेन ओमसन्तो । हीळेन्तोति हीलनं गरहं करोन्तो । “चण्डा भो गोतम सक्यजाती”तिआदिना साकियेसु चण्डभावादिदोसं पापितेसु समणोपि गोतमो पापितो भविस्सतीति अधिप्पायो ।

यस्मिं मानुस्सयकोधुस्सया अज्जमज्जूपत्थद्धा, सो “चण्डो”ति वुच्चतीति दस्सेति “माननिसितकोधयुत्ता”ति इमिना, पकतूपनिस्सयारम्मणवसेन चेत्य निसितभावो, न सहजातादिवसेन । खराति चित्तेन, वाचाय च कक्खळा । लहुकाति तरुणा अबुद्धकम्मा । तेनाह “अप्पकेनेवा”तिआदि । अलाबुकटाहन्ति लाबुफलस्स अभेज्जकपालं । अट्ठकथामुत्तकनयं दस्सेतुं “भस्साति साहसिकाति केचि वदन्ति, सारम्भकाति अपरे”ति (दी० नि० टी० १.२६४) आचरियेन वुत्तं । समानाति होन्ता भवमानाति अससद्दवसेनत्थोति आह “सन्ताति पुरिमपदस्सेव वेवचन”न्ति । न सक्करोन्तीति सक्कारं न करोन्तीति अत्थमेव विज्जापेति “न ब्राह्मणान”न्तिआदिना । अपचितिकम्मान्ति पणिपातकम्मं । “यदिमे सक्या”ति पच्छिमवाक्ये य-सद्दस्स किरियापरामसनस्स अनियमस्स “तयिदं भो गोतमा”ति पुरिमवाक्ये त-सद्देन नियमनं वेदितव्वन्ति आह “यं इमे सक्या”तिआदि । नानुलोमन्ति अत्तनो जातिया न अनुच्छविकं ।

दुतीयइभवाववण्णना

२६५. सन्धागारपदनिब्वचनं हेट्ठा वुत्तमेव । तदा अभिसित्तसक्यराजूनम्मि बहुतं सन्धायाह “अभिसित्तसक्यराजानो”ति । कामज्झि सक्यराजकुले यो सब्बेसं वुद्धतरो, समत्थो च सो एव अभिसेकं लभति । एकच्चो पन अभिसित्तो समानो “इदं रज्जं नाम

बहुकिच्चं बहुव्यापार”न्ति ततो निब्बिज्ज रज्जं वयसा अनन्तरस्स निव्यातेति, कदाचि सोपि अज्जस्साति एवं परम्परानिव्यातनवसेन तदा बहू अभिसित्तपुब्बा सक्कराजानो होन्तीति इदं आचरियस्साभिमत्तं (दी० नि० टी० १.२६५)। अपिच यथारहं ठानन्तरेसु अभिसित्तसक्कराजूनम्पि बहुत्तं सन्धाय एवमाहातिपि युज्जति। ते हि “राजानो”ति वुच्चन्ति। यथाह –

“राजानो नाम पथव्याराजा, पदेसराजा, मण्डलिका, अन्तरभोगिका, अक्खदस्सा, महामत्ता, ये वा पन छेज्जभेज्जं करोन्ता अनुसासन्ति, एते राजानो नामा”ति (पारा० १२)।

संहारिमेहि वारूपेहि कतो पल्लङ्को, भद्दपीठं वेत्तासनं। मिहितमत्तं हसितमत्तं। अनुहसन्तीति ममुद्देशिकं महाहसितं करोन्ति, इदञ्चि “अनुजग्घन्ता”ति एतस्स संवण्णनापदं। जग्घसद्दो च महाहसने पवत्तति “न उज्जग्घिकाय अन्तरघरे गमिस्सामी”तिआदीसु (पाचि० ५८६) विय।

कण्हायनतो पड्डाय परम्परागतं कुलवंसं अनुस्सववसेन जानन्ति। कुलाभिमानिनो हि येभुय्येन परेसं उच्चावचं कुलं तथा तथा उदाहरन्ति, अत्तनो च कुलवंसं जानन्ति, एवं अम्बड्ढोपि, तथा हेस परतो भगवता पुच्छितो वजिरपाणि भयेन अत्तनो कुलवंसं याथावतो कथेसीति। ओलम्बेत्वाति हत्थिसोण्डसण्ठानादिना साटकं अवलम्बेत्वा। ततोति तथाजाननतो, गमनतो च। ममज्जेव मज्जेति मममेव अनुजग्घन्ता मज्जे।

ततियइब्भवादवण्णना

२६६. खेतलेह्णन्ति खेत्ते कसनवसेन उट्ठापितमत्तिकाखण्डानं। लेह्णुकानमन्तरे निवासितत्ता “लेह्णुकिा” इच्चेव (दी० नि० टी० १.२६६) सज्जाता खुदकसकुणिका। मज्झिमपण्णासके लेह्णुकिकोपमसुत्तवण्णनायं “चातकसकुणिका”ति (म० नि० अट्ठ० ३.१५०) वुत्ता, निघण्टुसत्थेसु पन तं “लापसकुणिका”ति वदन्ति। कोधवसेन लग्गितुन्ति उपनय्हिन्तुं, आघातं बन्धितुन्ति अत्थो।

“अम्हे हंसकोज्जमोरसमे करोती”ति वदन्तो हेट्ठा गहितं “न तं कोचि हंसो वा

कोज्जो वा मोरो वा आगन्त्वा किं त्वं लपसीति निसेधेती'ति इदम्पि वचनं सङ्गीतिमनारुहं तदा भगवता वुत्तमेवाति दस्सेति । तदा वदन्तोयेव हि एवं करोतीति वत्तुमरहति । “एवं नु ते”तिआदिवचनं, “अवुसितवायेवा”तिआदिवचनञ्च मानवसेन समणेन गोतमेन वुत्तन्ति अम्बट्ठो मज्जतीति अधिप्पायेनाह “निम्मानो दानि जातोति मज्जमानो”ति ।

दासिपुत्तवादवण्णना

२६७. निम्मादेतीति अ-कारस्स आ-कारं कत्वा निहेसो उम्मादे मदसद्देन निष्फन्नत्ताति दस्सेति “निम्मदेती”ति इमिना । निम्मानेति विगतमाने । यदि पनाहं गोतं पुच्छेय्यं साधु वताति अत्थो । पाकटं कातुकम्यताय तिक्खत्तुं महासद्देन अबोच । कस्मा अबोचाति पन असुद्धभावं जानन्तस्सापि तथावचने कारणपुच्छ । गोत्तभूतं नाममेव अधिप्पेतं, न विसुं गोत्तन्ति आह “मातापेत्तिकन्ति मातापितूनं सन्तक”न्ति । गोत्तञ्चि पितितो लद्धब्बं पेत्तिकमेव, न मातापेत्तिकं । न हि ब्राह्मणानं सगोत्ताय एव आवाहविवाहो इच्छितो, गोत्तनामं पन जातिसिद्धं, न कित्तिमं, न गुणनामं वा, जाति च उभयसम्बन्धिनीति मातापेत्तिकमेव, न पेत्तिकमत्तं । नामगोत्तन्ति गोत्तभूतं नामं, न कित्तिमं, न गुणनामं वा विसेसनपरनिपातवसेन वुत्तत्ता यथा “अग्याहितो”ति । नामञ्च तदेव पवेणीवसेन पवत्तत्ता गोत्तञ्चाति हि नामगोत्तं । तत्थ या “कण्हायनो”ति नामपण्णत्ति निरुळ्हा, तं सन्धायाह “पण्णत्तिवसेन नाम”न्ति । तं पनेतं नामं कण्हइसितो पट्ठाय तस्मिं कुलपरम्परावसेन आगतं, न एतस्मिंयेव निरुळ्हन्ति वुत्तं “पवेणीवसेन गोत्त”न्ति । गोत्तपदस्स वचनत्थो हेट्ठा वुत्तोयेव ।

“अनुस्सरतो”ति एत्थ न केवलं अनुस्सरणमत्तं अधिप्पेतं, अथ खो कुलसुद्धिवीमंसनवसेनेवाति आह “कुलकोटिं सोधेन्तस्सा”ति, कुलगं विसोधेन्तस्साति अत्थो । “अय्यपुत्ता”ति एत्थ अय्यसद्दो अय्यिरकेति वुत्तं “सामिनो पुत्ता”ति । चत्तुसु दासीसु दिसा ओक्काकरज्जो अन्तोजातदासी । तेनाह “घरदासिया पुत्तो”ति । एत्थ च यस्मा अम्बट्ठो जातिं निस्साय मानथद्धो, न च तस्स याथावतो जातिया अविभाविताय माननिग्गहो करीयति, अकते च माननिग्गहे मानवसेन रतनत्तयं अपरज्झिस्सति, कते पन माननिग्गहे अपरभागे रतनत्तये पसीदिस्सति, न चेदिसी वाचा फरुसवाचा नाम होति चित्तस्स सण्हभावतो । मज्झिमपण्णासके अभयसुत्तञ्च (म० नि० २.८३) एत्थ

निदस्सनं । केचि च जना कक्खळाय वाचाय वुत्ता अग्गिना विय लोहादयो मुदुभावं गच्छन्ति, तस्मा भगवा अम्बुं निब्बिसेवनं कतुकामो “अय्यपुत्ता सक्का भवन्ति, दासिपुत्तो त्वमसि सक्क्यान”न्ति अवोच ।

“इधेकच्चो पापभिक्षु तथागतप्पवेदितं धम्मविनयं परियापुणित्वा अत्तनो दहती”तिआदीसु (पारा० १९५) विय दहसद्दो धारणत्थो, धारणञ्चेत्थ पुब्बपुरिसवसेन सज्जापनन्ति आह “ओक्काको नो पुब्बपुरिसो”तिआदि । दहसद्दं भस्मीकरणे, धारणे च इच्छन्ति सद्दविदू । पभा निच्छरतीति पभस्सरं हुत्वा निक्खमति तथारूपेण पुज्जकम्मेन दन्तानं पभस्सरभावतो ।

तेति जेड्डकुमारे । पठमकप्पिकान्ति पठमकप्पस्स आदिकाले निब्बत्तानं । किरसद्देन चेत्थ अनुस्सवत्थेन, यो वुच्चमानाय राजपरम्पराय केसञ्चि मतिभेदो, तं उल्लिङ्गेति । अनुस्सववचनेनेव हि अननुस्सुतो उत्तरविहारवासिआदीनं मतिभेदो निराकरीयतीति । महासम्मत्तस्साति अग्गज्जसुत्ते वक्खमाननयेन “अयं नो राजा”ति महाजनेन सम्मन्नित्वा ठपितत्ता “महासम्मतो”ति एवं सम्मतस्स । यं सन्धाय वदन्ति –

“आदिच्चकुलसम्भूतो, सुविसुद्धगुणाकरो ।
महानुभावो राजासि, महासम्मत्तनामको ॥

यो चक्खुभूतो लोकस्स, गुणरंसिसमुज्जलो ।
तमोनुदो विरोचित्थ, दुतियो विय भाणुमा ॥

ठपिता येन मरियादा, लोके लोकहितेसिना ।
ववत्थिता सक्कुणन्ति, न विलङ्घयितु जना ॥

यसस्सिनं तेजस्सिनं, लोकसीमानुरक्खकं ।
आदिभूतं महावीरं, कथयन्ति ‘मनू’ति य”न्ति ॥ (दी० नि० टी० १.२६७)

तस्स च पुत्तपुत्तपरम्परं सन्धाय एवं वदन्ति –

“तस्स पुत्तो महातेजो, रोजो नाम महीपति ।
तस्स पुत्तो वररोजो, पवरो राजमण्डले ॥

तस्सासि कल्याणगुणो, कल्याणो नाम अत्रजो ।
राजा तस्सासि तनयो, वरकल्याणनामको ॥

तस्स पुत्तो महावीरो, मन्धाता कामभोगिनं ।
अग्गभूतो महिन्देन, अट्ठरज्जेन पूजितो ॥

तस्स सूनु महातेजो, वरमन्धातुनामको ।
‘उपोसथो’ति नामेन, तस्स पुत्तो महायसो ॥

वरो नाम महातेजो, तस्स पुत्तो महावरो ।
तस्सासि उपवरोति, पुत्तो राजा महाबलो ॥

तस्स पुत्तो मघदेवो, देवतुल्यो महीपति ।
चतुरासीति सहस्सानि, तस्स पुत्तपरम्परा ॥

तेसं पच्छिमको राजा, ‘ओक्काको’इति विस्सुतो
महायसो महातेजो, अखुद्धो राजमण्डले’ति ॥ (दी० नि० टी० १.२६७)

इदं अट्ठकथानुपरोधवचनं । यं पन दीपवंसे वुत्तं—

“पठमाभिसित्तो राजा, भूमिपालो जुतिन्धरो ।
महासम्मतो नामेन, रज्जं कारेसि खत्तियो ॥

तस्स पुत्तो रोजो नाम, वररोजो च खत्तियो ।
कल्याणो वरकल्याणो, उपोसथो महिस्सरो ॥

मन्धाता सत्तमो तेसं, चतुदीपम्हि इस्सरो ।

वरो उपवरो राजा, चेतियो च महिस्सरो”तिआदि ।।

यञ्च महावंसादीसु वुत्तं -

“महासम्मतराजस्स, वंसजो हि महामुनि ।
कप्पादिस्मिं राजासि, महासम्मतनामको ।।

रोजो च वररोजो च, तथा कल्याणका दुवे ।
उपोसथो च मन्धाता, वरको पवरा दुवे”तिआदि ।।

सब्वमेतं येभ्य्यतो अट्ठकथाविरोधवचनं । अट्ठकथायञ्हि मन्धातुराजा छट्ठो वुत्तो, मघदेवराजा एकादसमो, तस्स च पुत्तपरम्पराय चतुरासीतिसहस्सराजूनं पच्छिमको ओक्काकराजा, तेसु पन मन्धातुराजा सत्तमो वुत्तो, मघदेवराजा अनेकेसं राजसहस्सानं पच्छिमको, तस्स च पुत्तपरम्पराय अनेकराजसहस्सानं पच्छिमको ओक्काकराजाति एवमादिना अनेकधा विरोधवचनं अट्ठकथायं निराकरोति । ननु अवोचुम्ह “किरसद्देन चेत्य अनुस्सवत्थेन, यो वुच्चमानाय राजपरम्पराय केसञ्चि मतिभेदो, तं उल्लिङ्गेती”ति । तेसं पच्छतोति मघदेवपरम्पराभूतानं कळारजनकपरियोसानानं चतुरासीतिखत्तियसहस्सानं अपरभागेति यथानुसुतं आचरियेन वुत्तं । दीपवंसादीसु पन “कळारजनकरञ्जो पुत्तपरम्पराय अनेकखत्तियसहस्सानं पच्छिमको राजा सुजातो नाम, तस्स पुत्तो ओक्काको राजा”ति वुत्तं । मघदेवपरम्पराय अनेकसहस्सराजूनं अपरभागे पठमो ओक्काको नाम राजा अहोसि, तस्स परम्पराभूतानं पन अनेकसहस्सराजूनं अपरभागे दुतियो ओक्काको नाम राजा अहोसि, तस्सपि परम्पराय अनेकसहस्सराजूनं अपरभागे ततियो ओक्काको नाम राजा अहोसि । तं सन्धायाह “तयो ओक्काकवंसा अहेसु”न्तिआदि ।

जातिया पञ्चमदिवसे नामकम्मादिमङ्गलं लोकाचिण्णन्ति वुत्तं “पञ्चमदिवसे अलङ्करीत्वा”ति । सहसा वरं अदासिन्ति पुत्तदस्सनेन बलवसोमनस्सप्पत्तो तुरितं अवीमंसित्वा तुट्ठिदायवसेन वरं अदासिं “यं इच्छसि, तं गण्हाही”ति । साति जन्तुकुमारमाता । रज्जं परिणामेतुं इच्छतीति मम वरदानं अन्तरं कत्वा इमं रज्जं परिणामेतुं इच्छति ।

रज्जं कारेस्सन्तीति राजभावं महाजनेन महाजनं वा कारापेस्सन्ति । नप्पसहेय्याति निवासत्थाय परियत्तो न भवेय्य ।

कळारवण्णताय कपिलब्राह्मणो नाम अहोसि । निक्खम्माति घरावासतो कामेहि च निक्खमित्वा । साको नाम सब्बसारमयो रुक्खविसेसो, येन पासादादि करीयते, तंसमुदायभूते वनसण्डेति अत्थो । भूमिया पवत्तं भुम्मं, तं गुणदोसं जालेति जोतेत्ति, तं वा जलति जोतति पाकटं भवति एतायाति भुम्मजाला । हेद्वा चाति एत्थ च-सद्देन “असीतिहत्थे”ति इदमनुकङ्कति । एतस्मिं पदेसेति साकवनसण्डमाह । खन्धपन्तिवसेन दक्खिणावद्वा । साखापन्तिवसेन पाचीनाभिमुखा । तेहीति मिगसूकरेहि, मण्डूकमूसिकेहि च । तेति सीहब्बग्घादयो सप्पबिळारा च ।

एत्थाति एवं मापियमाने नगरे । तुम्हाकं पुरिसेसु परियापन्नं एकेकम्पि पुरिसं पच्चत्थिकभूतं अज्जं पुरिससत्तम्पि पुरिससहस्सम्पि अभिभवितुं न सक्खिस्सतीति योजना । चक्कवत्तिबलेनाति चक्कवत्तिबलभावेन । अतिसेय्योति अतिविय उत्तमो भवेय्य । कपिलस्स इसिनो वसनट्ठानत्ता कपिलवत्थु ।

नेसं सन्तिके भवेय्याति सम्बन्धो । असादिससंयोगोते जातेया असादेसान घरावासपयोगे हेतुभूते । अवसेसाहि अत्तनो अत्तनो कणिट्ठाहि ।

वट्ठमानानन्ति अनादरे सामिवचनं, अनन्तरायिकाय पुत्तधीतुवट्ठनाय वट्ठमानेसु एव उदपादीति अत्थो । लोहितकताय कोविळारपुण्फसदिसानि । कुट्टरोगो नाम सासमसूरीरोगा विय येभ्य्येन सङ्गमनसभावोति वुत्तं “अयं रोगो सङ्गमती”ति । उपरि पदरेन पटिच्छादेत्वा पंसुं रासिकरणेन दत्त्वा । नाटकित्थियो नाम नच्चन्तियो । राजभरियायो ओरोथा नाम । तस्साति सुसिरस्स । मिगसकुणादीनन्ति एत्थ आदिसद्देन वनचरकपेतादिके सङ्गण्हाति ।

तस्मिं रामरज्जे निसिन्नेति सम्बन्धो । पदरेति दारुफलके । खत्तियमायारोचनेन अत्तनो खत्तियभावं जानापेत्वा ।

मातिकन्ति मातितो आगतं । पाभतन्ति मूलभण्डं, पण्णाकारो वा । रज्जोति रामराजस्स जेट्ठपुत्तभूतस्स बाराणसिरज्जो । तत्थाति बाराणसियं । इधेवाति

हिमवन्तपस्सेयेव । नगरन्ति राजधानीभूतं महानगरं । कोलरुक्खो नाम कुट्टभेसज्जुपगो एको रुक्खविसेसो । व्यग्घपथेति व्यग्घमग्गे ।

मातुलाति मातु भातरो । केसग्गहणन्ति केसवेणिबन्धनं । दुस्सग्गहणन्ति वत्थस्स निवसनाकारो । न्हानतिथन्ति यथावुत्ताय पोक्खरणिा उदकन्हानतिथं । इदानिपि तेसं जातिसम्भेदाभावं दस्सेन्तो “एवं तेस”न्तिआदिमाह । आवाहो दारिकाहरणं । विवाहो दारिकादानं । तत्थाति तेसु सक्क्यकोलियेसु । धातुसद्धानमनेकत्थत्ता समुसद्दो निवासत्थोति वुत्तं “वसन्ती”ति । अग्गेति उपयोगत्थे भुम्मवचनं, आद्यत्थे च अग्गसद्दो, किरियाविसेसोति च दस्सेति “तं अग्ग”न्तिआदिना । यदेत्थ भगवता वुत्तं “अथ खो अम्बट्ट राजा ओक्काको उदानं उदानेसि ‘सक्क्या वत भो कुमारा, परमसक्क्या वत भो कुमारा’ति, तदग्गे खो पन अम्बट्ट सक्क्या पज्जायन्ती”ति, तदेतं सद्दतो, अत्थतो च साभाविकनिब्बचननिदस्सनं “सकाहि भगिनीहिपि सद्धिं संवासवसेन जातिसम्भेदमक्त्वा कुलवंसं अनुरक्खितुं सक्कुणन्ति समत्थेन्तीति सक्क्या”ति तेयेव सद्दरचनाविसेसेन साकिया । यं पनेतं सक्कतनिघण्टुसत्थेसु वुत्तं -

“साकरुक्खपटिच्छन्नं, वासं यस्मा पुराकंसु ।

तस्मा दिट्ठा वंसजाते, भुवि ‘सक्क्या’ति विस्सुता”ति ।।

तदेतं सद्दमतं पति असाभाविकनिब्बचननिदस्सनं “कपिलमुनिनो वसनट्ठाने साकवने वसन्तीति सक्क्या, साकिया”ति च ।

काळवण्णताय कण्हो नामाति वुत्तं “काळवण्ण”न्तिआदि । हनुयं जाता मस्सु, उत्तरोट्टस्स उभोसु पस्सेसु दाठाकारेन जाता दाठिका । इदञ्च अत्थमत्तेन वुत्तं, तद्धितवसेन पन यथा एतरहि यक्खे “पिसाचो”ति समज्जा, एवं तदा “कण्हो”ति, तस्मा जातमत्तेयेव सब्बाहरणेन पिसाचसदिसताय कण्होति । तथाहि वुत्तं “यथा खो पन अम्बट्ट एतरहि मनुस्सा पिसाचे दिस्वा ‘पिसाचा’ति सज्जानन्ति, एवमेव खो अम्बट्ट तेन खो पन समयेन मनुस्सा पिसाचे ‘कण्हा’ति सज्जानन्ती”तिआदि । तत्थ पिसाचो जातोति इदानि पाकटनामेन सुविज्जापनत्थं पुरिमपदस्सेव वेवचनं वुत्तं । “न सकबळेन मुखेन ब्याहरिस्सामी”तिआदीसु (पाचि० ६१९) विय उपसग्गवसेन सद्दकरणत्थो हरसद्दो, पुन दुतियोपसग्गेन युत्तो उच्चासद्दकरणे वत्ततीति वुत्तं “उच्चासद्दमकासी”ति ।

२६८. अत्तनो उपासम्भमोचनत्थायाति आचरियेन, अम्बट्टेन च अत्तनो अत्तनो उपरि पापेतब्बोपवादस्स अपनयनत्थं। “अत्तनो”ति हेतं विच्छालोपवचनं। परिभिन्दिस्सतीति अनत्थकामतापवेदनेन परिभेदं करिस्सति, पेसुज्जं उपसंहरिस्सतीति वुत्तं होति। अत्थविज्जापने साधनत्ताय वाचा एव करणं वाक्करणं निरुत्तिनयेन, तं कल्याणमस्साति कल्याणवाक्करणो। अस्मिं वचनेति एत्थ तसद्देन कामं “चत्तारोमे भो गोतम वण्णा”तिआदिना (दी० नि० १.२६६) अम्बट्टेन हेट्ठा वुत्तो जातिवादो परामसितब्बो होति, तथापेस जातिवादो वेदे वुत्तविधिनायेव तेन पटिमन्तेतब्बो, तस्मा पटिमन्तनहेतुभावेन पसिद्धं वेदत्तयवचनमेव परामसितब्बन्ति दस्सेतुं वुत्तं “अत्तना उग्गहिते वेदत्तयवचने”ति। इदानीं “पोराणं खो पन ते अम्बट्ट मातापेत्तिक”न्तिआदिना भगवता वुत्तवचनस्सपि परामसनं दस्सेन्तो “एतस्मिं वा दासिपुत्तवचने”ति आह। अपिच पटिमन्तेतुन्ति एत्थ पटिमन्तना नाम पञ्हाविस्सज्जना, उत्तरिकथना वा, तस्मा अत्थद्वयानुरूपं तब्बिसयस्स त-सद्देन परामसनं दस्सेतीति दट्ठव्वं।

२६९. तावाति मन्तनाय पठममेव, अकताय एव मन्तनायाति वुत्तं होति। दुज्जानाति दुब्बिज्जेय्या, पठममेव सीसमुक्खिपितुं असमत्थनतो, जातिया च दुब्बिज्जेय्यत्ता, अट्टस्स च दुक्करणतो अम्बट्टो सयमेव मोचेतूति अधिप्पायो। अत्तनाव सक्केसु इब्भवादनिपातनेन अत्तनो उपरि पापुणनं सन्धाय “अत्तना बद्धं पुटक”न्ति वुत्तं, अत्तनाव बद्धं पुटोलिन्ति अत्थो।

२७०. धम्मो नाम कारणं “धम्मपटिसम्भिदा”तिआदीसु (विभं० ७१८ आदयो) विय, धम्मेन सह वत्ततीति सहधम्मो, सो एव सहधम्मिकोति आह “सहेतुको”तिआदि, परियायवचनमेतं। जनको वा हेतु, उपत्थम्भको कारणं। अज्जेन अट्टानगतेन अज्जं अट्टानगतं वचनं। तेनाह “यो ही”तिआदि।

ततोति द्विक्खत्तुं चोदनातो परं, ततियचोदनाय अनागताय एव पक्कमिस्सामीति वुत्तं होति।

२७१. पूजितब्बतो सक्को देवराजा यक्खो नाम। यो अग्गिस्स पकतिवण्णो, तेन समन्नागतन्ति वुत्तं “आदित्तन्ति अग्गिवण्ण”न्ति। कन्दलो नाम पुष्फूपगरुक्खविसेसो, यस्स

सेतं पुप्फं पुप्फति, मकळम्पिस्स सेतवण्णं दाठाकारं होति । विरूपरूपन्ति विपरीतरूपसण्ठानं ।

अट्टमसत्ताहे अजपालनिग्रोधमूले निसिन्नस्स सब्बबुद्धस्स आचिण्णसमाचिण्णं अप्पोस्सुक्कतं सन्धाय “अहज्जेवा”तिआदि वुत्तं । अवत्तमानेति अप्पटिपज्जमाने, अननुवत्तमाने वा । तस्माति तदा तथापटिज्जातत्ता । तासेत्वा पज्झं विस्सज्जापेस्सामीति आगतो यथा तं मूलपण्णासके आगतस्स सच्चकपरिब्बाजकस्स समागमे (म० नि० १.३५७) ।

“भगवा चेव पस्सति अम्बट्ठो चा”ति एत्थ इतरेसमदस्सने दुविधम्पि कारणं दस्सेन्तो “यदि ही”तिआदिमाह । हि-सट्ठो कारणत्थे निपातो । यस्मा अगरु, यस्मा च वदेय्युं, तस्माति सम्बन्धो । अज्जेसम्पि साधारणतो अगरु अभारियं । आवाहेत्वाति मन्तबलेन अह्वानं कत्वा । तस्साति अम्बट्ठस्स । अन्तोकुच्छि अन्तअन्तगुणादिको । वादसङ्घट्ठेति वाचासङ्घट्ठेने । मज्जमानोति मज्जनतो । सम्बन्धदस्सनज्जेतं ।

२७२. ताणं गवेसमानोति “अयमेव समणो गोतमो इतो भयतो मम तायको”ति भगवन्तंयेव “ताण”न्ति परियेसन्तो, उपगच्छन्तोति वुत्तं होति । सेसपदद्वयेपि एसेव नयो । तायतीति यथूपट्ठितभयतो पालेति । तेनाह “रक्खती”ति, कत्तुसाधनमेतं । निलीयतीति यथूपट्ठितेनेव भयेन उपट्ठतो निलीनो होति, अधिकरणसाधनमेतं । सरसट्ठो हिंसने, तच्च विद्धंसनमेव अधिप्पेतन्ति वुत्तं “भयं हिंसति विद्धंसेती”ति, कत्तुसाधनमेतं ।

अम्बट्ठवंसकथावण्णना

२७४. गङ्गाय दक्खिणतोति गङ्गाय नाम नदिया दक्खिणदिसाभागे । ब्राह्मणतापसाति ब्रह्मकुलिनो तापसा । सरं वा सत्तिआदयो वा परस्स उपरि खिपितुकामस्स मन्तानुभावेन हत्थं न परिवत्तति, हत्थे पन अपरिवत्तन्ते कुतो आवुधं परिवत्तिस्सतीति तथा अपरिवत्तनं सन्धाय “आवुधं न परिवत्तती”ति वुत्तं । भद्रं भोति सम्पटिच्छनं, साधूति अत्थो । धनुना खित्तसरेन अगमनीयं ससम्भारकथानयेन “धनु अगमनीय”न्ति वुत्तं यथा “धनुना विज्झति, चक्खुना पस्सती”ति । अम्बट्ठं नाम विज्जन्ति सत्तानं सरीरे अब्भङ्गं ठपेतीति अम्बट्ठा निरुत्तिनयेन, एवंलद्धनामं मन्तविज्जन्ति अत्थो । यतो अम्बट्ठा विज्जा एतस्मिं अत्थीति

कत्वा कण्हो इसि “अम्बद्वो”ति पज्जायित्थ, तब्बंसजातताय पनायं माणवो “अम्बद्वो”ति वोहरीयति। सो किर “कथं नामाहं दिसाय दासिया कुच्छिम्हि निब्बत्तो”ति तं हीनं जातिं जिगुच्छन्तो “हन्दाहं यथा तथा इमं जातिं सोधेस्सामी”ति निग्गतो। तेन वुत्तं “इदानी मे मनोरथं पूरेस्सामी”ति। अयज्जिस्स मनोरथो – विज्जाबलेन राजानं तासेत्वा तस्स धीतरं लद्धकालतो पट्टाय म्यायं दासजाति सोधिता भविस्सतीति।

सेट्ठमन्तेति सेट्ठभूते वेदमन्ते। को नु किं कारणा दासिपुत्तो समानो मद्दरूपिं धीतरं याचतीति अत्थो। खुरति छिन्दति, खुरं वा पाति पिवतीति खुरप्पो, खुरमस्स अग्गे अप्पीयति ठपीयतीति वा खुरप्पो, सरो। मन्तानुभावेन रज्जो बाहुक्खम्भमतं जातं, तेन पन बाहुक्खम्भेन “को जानाति, किं भविस्सती”ति राजा भीतो उस्सङ्की उत्रस्तो अहोसि। तथा च वुत्तं “भयेन वेधमानो अट्टासी”ति।

सरभङ्गजातके (जा० २.१७.५२) आगतानं दण्डकीराजादीनं पच्छ ओक्काकराजा अहोसि, तेसं पवत्ति च सब्बत्थ चिरकालं पाकटाति आह “दण्डकीरज्जो”तिआदि। अपरद्धस्स दण्डकीरज्जो, अपरद्धो नाळिकेरो, अज्जुनो चाति सम्बन्धो। सतिपि वालुकादिवस्से आवुधवस्सेनेव विनासोति वुत्तं “आवुधवुड्डिया”ति। “अयम्पि ईदिसो महानुभावो”ति मज्जमाना एवं चिन्तयन्ता भयेन अबोचुन्ति दट्ठब्बं।

उन्धियिस्सतीति भिन्दियिस्सति। कम्मरूपज्जेतं “पथवी”ति कम्मकतुवसेन वुत्तत्ता यथा “कुसुलो भिज्जती”ति। तेनाह “भिज्जिस्सती”ति। थुसमुट्ठीति पलासमुट्ठी, थुसमुट्ठी वा। कस्माति आह “सरसन्धम्भमन्ते”तिआदि।

भीततसिता भयवसेन छम्भितसरीरा उद्धग्गलोमा होन्ति हट्टलोमा, अभीततसिता पन भयुपद्दवाभावतो अच्छम्भितसरीरा पतितलोमा होन्ति अहट्टलोमा, खेमेन सोत्थिना तिट्ठन्ति, ताय पन पतितलोमताय तस्स सोत्थिभावो पाकटो होतीति फलेन कारणं विभावेतुं पाळियं “पल्लोमो”ति वुत्तन्ति दस्सेति “पन्नलोमो”तिआदिना। निरुत्तिनयेन पदसिद्धि यथा तं भयभरवसुते “भिय्यो पल्लोममापादिं अरज्जे विहाराया”ति (म० नि० १.३६ आदयो)। इदन्ति ओसानवचनं। “सचे मे राजा तं दारिकं दस्सेति, कुमारो सोत्थि पल्लोमो भविस्सती”ति पटिज्जाकरणं पकरणतोयेव पाकटं। तेनाति कण्हेन। मन्तेति बाहुक्खम्भकमन्तस्स पटिप्पस्सम्भकविज्जासङ्घाते मन्ते। एवरूपानज्जि भयुपद्दवकरणं मन्तानं

एकंसेनेव पटिप्पस्सम्भकमन्ताहोन्ति यथा तं कुसुमारकविज्जादीनं । परिवर्तितेति पजप्पिते । अत्तनो धीतुया अपवादमोचनत्थं तं अदासं भुजिस्सं करोति । तस्सा अनुरूपे इस्सरिये ठपनत्थं उक्कारे च नं ठाने ठपेसि । एकेन पक्खेनाति मातुपक्खेन । करुणायन्तो समस्सासनत्थं आह, न पन उच्चाकुलीनभावदस्सनत्थं । तेनाह “अथ खो भगवा”तिआदि ।

खत्तियसेडुभाववण्णना

२७५. ब्राह्मणेसूति वोहारमत्तं, ब्राह्मणानं समीपे ब्राह्मणाह लद्धब्बान आसनादान लभेथाति वुत्तं होति । तेन वुत्तं “ब्राह्मणानं अन्तरे”ति । केवलं वेदसत्थानुरूपं परलोकगते सद्धाय एव कातब्बं, न तदञ्जं किञ्चि अभिपत्थेन्तेनाति सद्धन्ति निब्बचनं दस्सेतुं “मतके उद्दिस्स कतभत्ते”ति वुत्तं । मङ्गलादिभत्तेति एत्थ आदिसद्देन उस्सवदेवताराधनादिभत्ते सङ्गहाति । यञ्जभत्तेति पापसञ्जमादिवसेन कतभत्ते । “पापसञ्जमादिभत्तो भविस्सती”तिआदिना हि अग्गिहोमो इध यञ्जं । पाहुनकानन्ति अतिथीनं । अनागन्तुकानम्पि पाहेणकभत्तं “पाहुन”न्त्वेव वुच्चतीति आह “पण्णाकारभत्ते वा”ति । आवटं निवारणं । अनावटं अनिवारणं । खत्तियभावं अप्पत्तो उभत्तोसुजाताभावतो । तेनाह “अपरिसुद्धो”ति ।

२७६. इत्थिया वा इत्थिं करित्वाति एत्थ करणं नाम किरियासामञ्जविसयं करभूधातूनं अत्थवसेन सब्बधात्वन्तो गधत्ताति आह “परियेसित्वा”ति । खत्तियकुमारस्स भरियाभूतं ब्राह्मणकञ्जं इत्थिं परियेसित्वा गहेत्वा ब्राह्मणानं इत्थिया वा खत्तियाव सेट्ठा, “हीना ब्राह्मणा”ति पाळिमुदाहरित्वा योजेतब्बं । “पुरिसेन वा पुरिसं करित्वाति एत्थापि एसेव नयो”ति (दी० नि० टी० १.२७६) आचरियेन वुत्तं । तत्थापि हि खत्तियकञ्जाय पतिभूतं ब्राह्मणकुमारं पुरिसं परियेसित्वा गहेत्वा ब्राह्मणानं पुरिसेन वा खत्तियाव सेट्ठा, हीना ब्राह्मणाति योजना । किस्मिञ्चिदेव पकरणेति एत्थ पकरणं नाम कारणं “एतस्मिं निदाने एतस्मिं पकरणे”तिआदीसु (पाचि० ४२, ९०) विय, तस्मा रागादिवसेन पक्खलिते ठाने हेतुभूतेति अत्थो, तं पन अत्थतो अपराधोव, सो च अकत्तब्बकरणन्ति आह “किस्मिञ्चिदेव दोसे”तिआदि । भस्ससद्दो भस्मपरियायो । भसीयति निरत्थकभावेन खिपीयतीति हि भस्सं, छारिका । “वधित्वा”ति एतस्स अत्थवचनं “ओकिरित्वा”ति ।

२७७. कम्मकिलेसेहि जनेतब्बो, तेहि वा जायतीति जनितो, स्वेव जनेतो,

मनुस्सोव । तथा हि वुत्तं “ये गोत्तपटिसारिनो”ति । तदेतं पजावचनं विय जातिसद्दवसेन बहुम्हि एकवचनन्ति आह “पजायाति अत्थो”ति । एतस्मिं जनेतिपि युज्जति । पटिसरन्तीति गोत्तं पटिच्च “अहं गोतमो, अहं कस्सपो”तिआदिना सरणं करोन्ति विचिनन्ति ।

पठमभाणवारवण्णना निद्धिता ।

विज्जाचरणकथावण्णना

२७८. इमस्मिं पन सिलोके आहरियमाने ब्रह्मगरुका सद्धेय्यतं आपज्जिस्सन्ति, अम्बट्ठो च “विज्जाचरणसम्पन्नो”ति पदं सुत्वा विज्जाचरणं पुच्छिस्सति, एवमयं विज्जाचरणपरिदीपनी देसना महाजनस्स सात्थिका भविस्सतीति पस्सित्वा लोकनाथो इमं सिलोकं सनङ्कुमारभासितं आहरीति इममत्थम्पि विभावेन्तो “इमाय पन गाथाया”तिआदिमाह । इतरथा हि भगवापि असब्बञ्जू परावस्सयो भवेय्य, न च युज्जति भगवतो परावस्सयता सम्पासम्बुद्धभावतो । तेनाह “अहम्पि हि, अम्बट्ठ, एवं वदामी”तिआदि । ब्राह्मणसमये सिद्धन्ति ब्राह्मणलद्धिया पाकटं । वक्खमाननयेन जातिवादादिपटिसंयुत्तं । “संसन्दिताति घटेत्वा, अविरुद्धं कत्वाति अत्थो”ति (दी० नि० टी० १.२७७) आचरियेनवुत्तं । इदानी पन पोत्थकेसु “पटिक्खपित्वा”ति पाठो दिस्सति, सो अयुत्तोव । कस्माति चे ? न हि पाळियं ब्राह्मणसमयसिद्धं विज्जाचरणं पटिक्खपति, तदेव अम्बट्ठेन चिन्तितं विज्जाचरणं घटेत्वा अविरुद्धं कत्वा अनुत्तरं विज्जाचरणं देसेतीति ।

वादोति लद्धि, वचीभेदो वा । तेनाह “ब्राह्मण...पे०...आदिवचन”न्ति । लद्धिपि हि वत्तब्बत्ता वचनमेव । इदन्ति अज्जेनज्जापनयज्जनयाजनादिकम्मं, न वेस्सस्स, न खत्तियस्स, न तदज्जेसन्ति अत्थं आदिसद्देन सङ्गणहाति । सब्बत्थाति गोत्तवादमानवादेसु । तथापि हि गोत्तवादोति गोत्तं आरब्ध वादो, कस्सपस्सेविदं वट्ठति, न कोसियस्सातिआदिवचनन्ति अत्थो । मानवादोति मानं आरब्ध अत्तुक्कंसनपरवम्भनवसेन वादो, ब्राह्मणस्सेविदं वट्ठति, न सुद्धस्सातिआदिवचनन्ति अत्थो । जातिवादे विनिबद्धाति जातिसन्निस्सितवादे पटिबद्धा ।

सम्बन्धाति गोत्तवादविनिबद्धादीसु । गोत्तवादविनिबद्धाति हि गोत्तवादे विनिबद्धा । मानवादविनिबद्धाति मानवादे विनिबद्धा, ये हि ब्राह्मणस्सेव अज्झेनज्झापनयजनयाजनादयोति एवं अत्तुक्कंसनपरवम्भनवसेन पवत्ता, ते मानवादविनिबद्धा च होन्ति । आवाहविवाहविनिबद्धाति आवाहविवाहेसु विनिबद्धा । ये हि विनिबद्धत्तयवसेन “अरहसि वा मं त्वं, न वा मं त्वं अरहसी”ति एवं पवत्तनका, ते आवाहविवाहविनिबद्धा च होन्तीति इममत्थसेसं सन्धाय “एस नयो”ति वुत्तं । आवाहविवाहविनिबद्धभावविभावनत्थज्झि “अरहसि वा मं त्वं, न वा मं त्वं अरहसी”ति पाळियं वुत्तं, तदेतं जातिवादादीहि तीहि पदेहि योजेतब्बं । आवुत्तिआदिनयेन हि जातिवादादयो द्विक्खत्तुमत्थदीपका । तथा हि आचरियेन वुत्तं “ये पन आवाहविवाहविनिबद्धा, ते एव सम्बन्धत्तयवसेन ‘अरहसि वा मं त्वं, न वा मं त्वं अरहसी’ति एवं पवत्तनका”ति (दी० नि० टी० १.२७८) ।

ननु पुब्बे विज्जाचरणं पुट्टं, कस्मा तं पुन पुच्छतीति चोदनं सोधेन्तो “ततो अम्बड्डो”तिआदिमाह । तत्थ यत्थाति यस्सं विज्जाचरणसम्पत्तियं । ब्राह्मणसमयसिद्धं सन्धाय वुत्तं । लग्गिस्सामाति ओलग्गा अन्तोग्गधा भविस्साम । ततोति ताय विज्जाचरणसम्पदाय । अवक्खिपीति अवचासि । परमत्थतो अविज्जाचरणानियेव “विज्जाचरणानी”ति गहेत्वा ठितो हि परमत्थतो विज्जाचरणेसु विभजियमानेसु सो ततो दूरतो अपनीतो नाम होति । यत्थाति यस्सं पन विज्जाचरणसम्पत्तियं । अनुत्तरविज्जाचरणं सन्धाय वुत्तं । जाननकिरियायोगे कम्मम्पि युज्जनकिरियायोगे कत्तायेव उपपन्नो । पधानकिरियापेक्खा हि कारकाति वुत्तं “अयं नो विज्जाचरणसम्पदा जातुं वट्ठी”ति । एवमीदिसेसु । समुदागमतोति आदिसमुद्धानतो ।

२७९. कामं चरणपरियापन्नत्ता चरणवसेन निव्यातेतुं वट्ठीति, अम्बड्डस्स पन असमपथगमनं निवारेन्तो सीलवसेनेव निव्यातेतीति इममत्थं विभावेतुं “चरणपरियापन्नम्पी”ति वुत्तं । ब्रह्मजाले (दी० नि० १.७, ११, २१) वुत्तनयेन खुट्ठादिभेदं तिविधं सीलं । सीलवसेनेवाति सीलपरियायवसेनेव । किञ्चि किञ्चि सीलन्ति ब्राह्मणानं जातिसिद्धं अहिंसनादियमनियमलक्खणं अप्पमत्तकं सीलं । तस्माति तथा विज्जमानत्ता, अत्तनि विज्जमानं सीलमत्तम्पि निस्साय लग्गेय्याति अधिप्पायो । “तत्थ तत्थेव लग्गेय्याति तस्मिं तस्मिंयेव ब्राह्मणसमयसिद्धे सीलमत्ते ‘चरण’न्ति लग्गेय्या”ति (दी० नि० टी० १.२७९) आचरियेन वुत्तं, तदेतं अट्ठकथायमेव साकारवचनस्स वुत्तत्ता

विचारेतब्बं, अधिप्पायमत्तदस्सनं वा एतं। अयं पनेत्थ अत्थो – तत्थ तत्थेव लगेय्याति तस्मिं तस्मिंयेव अत्तनि विज्जमानसीलमत्तपटिसंयुत्तद्धाने “मयम्पि चरणसम्पन्ना”ति लगेय्य, तस्मा सीलवसेनेव निय्यातेतीति सम्बन्धो। तथापसङ्गाभावतो पन उपरि चरणवसेनेव निय्यातेतीति दस्सेन्तो “यं पना”तिआदिमाह। रूपावचरचतुत्थज्झाननिद्देसेनेव अरूपावचरज्झानानम्पि निदिद्वभावापत्तितो “अद्वपि समापत्तियो ‘चरण’न्ति निय्यातिता”ति वुत्तं। तानिपि हि अङ्गसमताय चतुत्थज्झानानेवाति। निय्यातिताति च असेसतो नीहरित्वा गहिता, निदस्सिताति अत्थो। विपस्सनाजाणतो पनाति “सो एवं समाहिते चित्ते परिसुद्धे परियोदाते अनङ्गणे विगतूपक्किलेसे मुदुभूते कम्मनीये ठिते आनेज्जप्पत्ते जाणदस्सनाय चित्तं अभिनीहरति अभिनिन्नामेती”तिआदिना नयेन विपस्सनाजाणतो पट्टाय।

चतुअपायमुखकथावण्णना

२८०. असम्मापुणन्तोति आरभित्वापि सम्पज्जितुमसक्कोन्तो। अविशहमानोति आरभितुमेव असक्कोन्तो। “खारी”ति तापसपरिक्खारस्सेतं अधिवचनं, सो च अनेकभेदोति विभजित्वा दस्सेतुं “अरणी”तिआदि वुत्तं। तत्थ अरणीति हेट्ठिमुपरिमवसेन अग्गिधमनकं अरणीद्वयं। कमण्डलूति कुण्डिका। सुजाति होमदब्बि। सुजासद्दो हि होमकम्मनि हव्यन्नादीनमुद्धरणत्थं कतदब्बियं वत्तति यथा तं कूटदन्तसुते “पठमो वा दुतियो वा सुजं पग्गण्हन्तान”न्ति (दी० नि० १.३४१)। तथा हि इमस्मिंयेव ठाने आचरियेन वुत्तं “सुजाति दब्बी”ति (दी० नि० टी० १.२८०)। हव्यन्नादीनं सुखग्गहणत्थं जायतीति हि सुजा। केचि पन इममत्थमविचारेत्वा तुन्नत्थमेव गहेत्वा “सूची”ति पठन्ति, तदयुत्तमेव आचरियेन तथा अवण्णितत्ता। चमति अदतीति चमरो, भिगविसेसो, तस्स वालेन कता बीजनी चामरा। आदिसद्देन तिदण्डतिघटिकादीनि सङ्गहाति। कुच्छित्तेन वङ्गाकारेन जायतीति काजो यथा “कालवण”न्ति; कचति भारं बन्धति एत्थाति वा काचो। दुविधम्पि हि पदमिच्छन्ति सद्दविदू। खारिभरितन्ति खारीहि परिपुण्णं। एकेन वि-कारेन पदं वड्ढेत्वा “खारिविविध”न्ति पठन्तानं वादे समुच्चयसमासेन अत्थं दस्सेन्तो “ये पना”तिआदिमाह।

ननु उपसम्पन्नस्स भिक्खुनो सासनिकोपि यो कोचि अनुपसम्पन्नो अत्थतो परिचारकोव होति अपि खीणासवसामणरो, किमङ्गं पन बाहिरकपब्बजितेति अनुयोगं पति तत्थ विसेसं दस्सेतुं “कामज्वा”तिआदि वुत्तं। वुत्तनयेनाति “कप्पिय...पे०...

वत्तकरणवसेना'ति एवं वुत्तनयेन । अनेकसतसहस्ससंवरविनयसमादानवसेन
उपसम्पन्नभावस्स विसिद्धभावतो खीणासवसामणेरुपि पुथुज्जनभिक्षुनो परिचारकोति वुत्तो ।

“नवकोटिसहस्सानि, असीतिसतकोटियो ।
पञ्जाससतसहस्सानि, छत्तिस च पुनापरे ।

एते संवरविनया, सम्बुद्धेन पकासिता ।
पेय्यालमुखेन निदिद्धा, सिक्खा विनयसंवरे'ति ।। (विसुद्धि० १.२०; अप०
अट्ठ० २.५५; पटि० म० अट्ठ० १.२.३७)

एवं वुत्तप्पभेदानं अनेकसतसहस्सानं संवरविनयानं समादाय सिक्खनेन उपरिभूता
अगगभूता सम्पदाति हि **उपसम्पदा**, ताय चेस उपसम्पदाय पुथुज्जनभिक्षु उपसम्पन्नोति ।

अयं पनाति यथावुत्तलक्खणो तापसो । तापसा हि कम्मवादिकिरियवादिनो, न
सासनस्स पटाणीभूता, यतो नेसं पब्बजितुमागतानं विनाव तित्थियपरिवासेन खन्धके
पब्बज्जा अनुज्जाता । तपो एतेसमत्थीति **तापसा** त-कारस्स दीघं कत्वा ।
“लोमसा”तिआदीसु विय हि स-पच्चयमिच्छन्ति सद्दविदू । इदं वुत्तं होति – कामं
खीणासवोपि सामणोरो पुथुज्जनस्स भिक्षुनो अत्थतो परिचारकोव होति, सो पन
वत्तकरणमत्तेनेव परिचारको, न लामकभावेन । तापसो तु गुणवसेन चेव
वेय्यावच्चकरणवसेन च लामकभावेनेव परिचारको, न वत्तकरणमत्तेन, एवमिमेसं
नानाकरणं सन्धाय तापसस्सेव परिचारकता वुत्ताति ।

“**कस्मा**”तिआदिना चोदको कारणं चोदेति । “**यस्मा**”तिआदिना आचरियो कारणं
दस्सेत्वा परिहरति । एवं सङ्खेपतो परिहरितमत्थं विवरितुं “**इमस्मिञ्जी**”तिआदि वुत्तं ।
असक्कोन्तन्ति असमत्थनेन विप्पटिपज्जन्तं अलज्जिं । **खुरधारूपमन्ति** खुरधारानं मत्थकेनेव
अक्कमित्वा गमनूपमं । **बहुजनसम्पताति** महाजनेन सेट्टसम्पता । **अज्जेति** अपरे भिक्षू ।
इथाति तापसपब्बज्जाय । छन्देन सह चरन्तीति **सछन्दचारिनो**, यथाकामं पटिपन्नकाति वुत्तं
होति । **अनुसिक्खन्तोति** दिट्ठानुगतिया सिक्खन्तो । **तापसाव बहुका होन्ति**, न भिक्षू ।

कुदालपिटकानं निब्बचनं हेट्ठा वुत्तमेव । **बहुजनकुहापनत्थन्ति** बहूना जनस्स

विम्हापनत्थं । अगिसालन्ति अग्गिहुत्तसालं । नानादारूहीति पलासरुक्खदण्डादीहि नानाविधसमिधादारूहि । होमकरणवसेनाति यज्जकरणवसेन ।

उदकवसेनेत्थ पानागारं । तेनाह “पानीयं उपट्टपेत्वा”तिआदि । यं भत्तपुटं वा यानि तण्डुलादीनि वाति सम्बन्धो । अम्बिलयागु नाम तक्कादिअम्बिलसंयुक्ता यागु । तण्हादीहि आमसितब्बतो चीवरादि आमिसं नाम । वड्डियाति दिगुणतिगुणादिवड्डिया । कुटुम्बं सण्ठपेतीति धनं पतिट्ठापेति । यथावुत्तमत्थं पाळियं निदस्सनमत्तेन वुत्तन्ति आह “इदं पनस्स पटिपत्तिमुख”न्ति, इदं पन पाळिवचनं अस्स चतुत्थस्स पुग्गलस्स कोहज्जपटिपत्तिया मुखमत्तन्ति अत्थो । कस्माति चे ? सो हि नानाविधेन कोहज्जेन लोकं विम्हापयन्तो तत्थ अच्छति । तेनाह “इमिना ही”तिआदि । एवन्ति “तत्थ पानीयं उपट्टपेत्वा”तिआदिना वुत्तनयेन ।

“सब्बापि तापसपब्बज्जा निद्विद्धा”ति धम्माधिद्वाननयेन दस्सितमेव पुग्गलाधिद्वाननयेन विवरितुं “अट्ठविधा ही”तिआदि वुत्तं । खलादीसु मनुस्सानं सन्तिके उपतिट्ठित्वा वीहिमुग्गमासतिलादीनि भिक्खाचरियनियामेन सङ्कट्ठित्वा उज्जनं उज्जा, सा एव चरिया वुत्ति एतेसन्ति उज्जाचरिया । अग्गिपक्किकाय भत्तभिक्खाय जीवन्तीति अग्गिपक्किका, न अग्गिपक्किका अनग्गिपक्किका, तण्डुलभिक्खाय एव जीविकाति वुत्तं होति । उज्जाचरिया हि खलादीनि गत्त्वा उपतिट्ठित्वा मनुस्सेहि दिव्यमानं खल्लगं नाम धज्जं पटिग्गण्हन्ति, अनग्गिपक्किका पन तादिसमपटिग्गण्हित्वा तण्डुलमेव पटिग्गण्हन्तीति अयमेतेसं विसेसो । न सयं पचन्तीति असामपाका, पक्कभिक्खाय एव जीविका । अयो विय कट्ठिनो मुट्ठिप्पमाणो पासाणो अयमुट्ठि नाम, तेन वत्तन्तीति अयमुट्ठिका । दन्तेन उप्पाटितं वक्कलं रुक्खत्तचो दन्तवक्कलं, तेन वत्तन्तीति दन्तवक्कलिका । पवत्तं रुक्खादितो पातापितं फलं भुज्जन्ति सीलेनाति पवत्तफलभोजिनो । पण्डुपलाससदस्स एकसेसनयेन द्विधा अत्थो, जिण्णताय पण्डुभूतं पलासज्जेव जिण्णपक्कभावेन तंसदिसं पुप्फफलादि चाति । तेन वक्खति “सयं पतितानेव पुप्फफलपण्डुपलासादीनि खादन्ता यापेन्ती”ति, (दी० नि० अट्ठ० १.२८०) तेन वत्तन्तीति पण्डुपलासिका, सयंपतितपण्णपुप्फफलभोजिनो । इदानी ते अट्ठविधेपि सरूपतो दस्सेतुं “तत्था”तिआदि वुत्तं । केणियजटिलवत्थु खन्धकवण्णनाय (महाव० अट्ठ० ३००) गहेतब्बं ।

सङ्कट्ठित्वाति भिक्खाचरियावसेन एकज्झं कत्वा ।

तण्डुलभिक्षवन्ति तण्डुलमेव भिक्षं । भिक्षितब्बा याचितब्बा, भिक्षूनं अयन्ति वा भिक्षाति हि भिक्षासद्दो तण्डुलादीसुपि निरुळ्हो । तेन वुत्तं “पचित्वा परिभुज्जन्ती”ति ।

भिक्षापरियेद्धि नाम दुक्खाति परेसं गेहतो गेहं गन्त्वा भिक्षाय परियेसना नाम दीनवृत्तिभावेन दुक्खा ।

ये पन “पासाणस्स परिग्गहो नाम दुक्खो पब्बजितस्सा”ति दन्तेहेव उप्पाटेत्वा खादन्ति, ते दन्तवक्कलिका नामाति अयं अड्ढकथामुत्तकनयो ।

पण्डुपलाससद्दो पुप्फफलविसयोपि सदिसताकप्पनेनाति दस्सेति “पुप्फफलपण्डुपलासादीनी”ति इमिना ।

तेति पण्डुपलासिका । निदस्सनमत्तमेतं अज्जेसम्पि तथा भेदसम्भवतो । पापुणनट्टानेति गहेतुं सम्पापुणनट्टाने । एकरुक्खतोति पठमं उपगतुरुक्खतो ।

कथमेत्तावता सब्बापि तापसपब्बज्जा निद्दिट्ठाति चोदना न ताव विसोधिताति आह “इमा पना”तिआदि । चतूहियेवाति “खारिविधमादाया”तिआदिना वुत्ताहि पवत्तफलभोजनिका, कन्दमूलफलभोजनिका, अग्यागारिका, आगारिका चेति चतूहि एव तापसपब्बज्जाहि । अगारं भजन्तीति अगारं निवासभावेन उपगच्छन्ति । इमिना हि “चतुद्वारं अगारं करित्वा अच्छती”तिआदिना इध वुत्ताय चतुत्थाय तापसपब्बज्जाय तेसमवरोधतं दस्सेति । एवमितरेसुपि पटिलेमतो योजना वेदितब्बा । अग्गिपरिचरणवसेन अग्यागारं भजन्ति । एवं पन तेसमवरोधतं वदन्तो तदनुरूपं इमेसम्पि पच्चेकं दुविधतं दस्सेतीति दट्ठब्बं ।

२८१. आचरियेन पोक्खरसातिना सह पवत्ततीति साचरियको, तस्स । अपायमुखम्पीति विनासकारणम्पि । पगेव विज्जाचरणसम्पदाय सन्दिस्सनेति पि-सद्दो गरहायं । तेन वुत्तं “अपि नु त्वं इमाय अनुत्तराय विज्जाचरणसम्पदाय सन्दिस्ससि साचरियको”तिआदि । तत्रायमड्ढकथामुत्तकनयो – “नो हिंदं भो गोतमा”ति सन्दिस्सनं पटिक्खपित्वा असन्दिस्सनाकारमेव विभावेतुं “को चाह”न्तिआदि वुत्तं । साचरियको अहं को च कीदिसो हुत्वा अनुत्तराय विज्जाचरणसम्पदाय सन्दिस्सामि, अनुत्तरा

विज्जाचरणसम्पदा का च कीदिसा हुत्वा साचरियके मयि सन्दिस्सति, आरका अहं...पे०... साचरियकोति सह पाठसेसेन योजना ।

२८२. अपाये विनासनुपाये नियुत्तो आपायिको । तब्भावं न परिपूरेति परिपूरेतुं न सक्कोतीति अपरिपूरमानो, तब्भावेन अपरिपुण्णोति अत्थो । अत्तना आपायिकेन होन्तेनापि तब्भावं अपरिपूरमानेन पोक्खरसातिना एसा वाचा भासिताति अत्थतो सम्बन्धत्ता कत्वत्थे चेतं पच्चत्तवचनन्ति आह “आपायिकेनापि अपरिपूरमानेना”ति । अपिच अत्तना अपरिपूरमानेन आपायिकेनापि सयं अपरिपूरमानापयिकेन हुत्वापि पोक्खरसातिना एसा वाचा भासिताति अत्थयुत्तितो इत्थम्भूतलक्खणे चेतं पच्चत्तवचनन्तिपि एवं वुत्तं । अज्जो हि सद्दक्कमो, अज्जो अत्थक्कमोति । केचि पन “करणत्थमेव दस्सेतुं एवं वुत्त”न्ति वदन्ति, तदयुत्तमेव पदद्वयस्स कत्तुपदेन समानत्थत्ता, समानत्थानञ्च पदानं अज्जमज्जं करणभावानुपपत्तितो, अलमतिपपज्जेन ।

पुब्बकइसिभावानुयोगवण्णना

२८३. दीयतेति दत्ति, सा एव दत्तिकन्ति आह “दिन्नक”न्ति । अदातुकामप्पि दातुकामं कत्वा सम्मुखा परमावहेति सम्मूळहं करोति एतायाति सम्मुखावट्टनी । तेनाह “न देमीति वत्तुं न सक्कोती”ति । पुन तस्साति ब्राह्मणस्स । कारणानुरूपं राजूनं पुण्णपत्तन्ति आह “कस्मा मे दिन्नो”ति । सङ्घपलितकुट्टन्ति धोतसङ्घमिव सेतकुट्टं । सेतपोक्खररजततो गुणसमानकायत्ता एवमाह । अनुगच्छतीति परमनुबन्धति ।

यदि दुविधेनपि कारणेन राजा ब्राह्मणस्स सम्मुखाभावं न देति, अथ कस्मा तदुपसङ्गमनं न पटिक्खित्तन्ति आह “यस्मा पना”तिआदि । “खेत्तविज्जायाति नीतिसत्थे”ति (दी० नि० टी० १.२८३) आचरियेन वुत्तं । हेट्ठापि ब्रह्मजालवण्णनायं एवं वुत्तं “खेत्तविज्जाति अब्भेय्यमासुरक्खराजसत्थादिनीतिसत्थे”न्ति । (दी० नि० अट्ठ० १.२१) दुस्समेत्थ तिरोकरणियं । तेनाह “साणिपाकारस्स अन्तो ठत्वा”ति । अन्तसहेन पन तब्भावेन पदे वट्ठियमाने दुस्सन्तं यथा “वनन्तो”ति । “पयातन्ति सद्धं, सस्सतिकं वा । तेनाह अभिहरित्वा दिन्न”न्ति आचरियेन वुत्तं, तस्मा मतकभत्तसङ्घेपेन वा निच्चभत्तसङ्घेपेन वा अभिहरित्वा दिन्नं भिक्खन्ति अत्थो वेदितब्बो । “अयं पना”तिआदि अत्थापत्तिवचनं । निट्ठन्ति निच्छयं । कस्मा पन भगवा ब्राह्मणस्स एवरूपं अमनापं मम्मवचनं अवोचाति

चोदनं कारणं दस्सेत्वा सोधेतुं “इदं पना”तिआदि वुत्तं । रहस्सम्पि पटिच्छन्नम्पि मम्मवचनं पकासेसीति सम्बन्धो ।

२८४. राजासनं नाम हत्थिक्खन्धपदेसं सन्धाय “हत्थिगीवाय वा निसिन्नो”ति पाळियं वुत्तं । रथूपत्थरेति रथस्स उपरि अत्थरितपदेसे । तेनाह “रथम्ही”तिआदि । उग्गतुगतेहीति उग्गतानमतिसयेन उग्गतेहि । न हि विच्छासमासो लोकिकेहि अभिमतोति । रज्जो अपचं राजज्जो, बहुकत्तं पति, एकसेसनयेन वा “राजज्जेही”ति वुत्तं । पाकटमन्तनन्ति पकासभूतं मन्तनं । तदेविधाधिप्पेतं, न रहस्समन्तनं सुद्धादीहिपि सुय्यमानस्स इच्छितत्ता । तेन वुत्तं “अथ आगच्छेय्य सुद्धो वा सुद्धासो वा”तिआदि । तादिसेहियेवाति रज्जो आकारसदिसेहेव । तस्सत्थस्स साधनसमत्थं वचनं रज्जा भणितं यथा, तथा सोपि तस्सत्थस्स साधनसमत्थमेव भणितं वचनं अपिनु भणतीति योजेतब्बं ।

२८५. “पवत्तारो”ति एतस्स पावचनभावेन वत्तारोति सद्वतो अत्थो । यस्मा पन ते तथाभूता मन्तानं पवत्तका नाम, तस्मा अधिप्पायतो अत्थं दस्सेतुं “पवत्तयितारो”ति वुत्तं । वदसद्देन, हि तुपच्चयेन च “वत्तारो”ति पदसिद्धि, तथा वतुसद्देन “पवत्तयितारो”ति । इदं आचरियस्स (दी० नि० टी० १.२८५) च आचरियसारिपुत्तत्थेरस्स च मतं । वतुसद्देनेव “पवत्तारो”ति पदसिद्धिं दस्सेतीतिपि केचि वदन्ति । पदद्वयस्स तुल्याधिकरणत्ता “मन्तमेवा”ति वुत्तं । “सुद्धे बहि कत्वा रहो भासितब्बद्देन मन्ता एव तं तं अत्थपटिपत्तिहेतुताय पद”न्ति हि तुल्याधिकरणं होति, अनुपनीतासाधारणताय रहस्सभावेन वत्तब्बाय मन्तनकिरियाय पदमधिगमुपायन्तिपि मन्तपदन्ति अट्टकथामुत्तको नयो । गीतन्ति गायनवसेन सज्झायितं, गायनम्पिध उदत्तानुदत्तादिसरसम्पादनवसेनेव अधिप्पेतन्ति वुत्तं “सरसम्पत्तिवसेना”ति । पावचनभावेन अज्जेसं वुत्तं । तमज्जेसं वादापनवसेन वाचितं । सङ्गहेत्वा उपरूपरि सज्जूळहावसेन समुपब्यूळ्हं । इरुवेदयजुवेदसामवेदादिवसेन, तत्थापि पच्चेकं मन्तब्रह्मादिवसेन, अज्झायानुवाकादिवसेन च रासिकत्तं । यथावुत्तनयेनेव पिण्डं कत्वा ठपितं । अज्जेसं वाचितं अनुवाचेन्तीति अज्जेसं कम्मभूतानं तेहि वाचापितं मन्तपदं एतरहि ब्राह्मणा अज्जेसं अनुवाचापेन्ति ।

तेसन्ति मन्तकत्तूनं । दिब्बचक्खुपरिभण्डं यथाकम्मूपगजाणं, पच्चक्खतो दस्सनद्देन दिब्बचक्खुसदिसज्ज पुब्बेनिवासानुस्सतिजाणं सन्धाय “दिब्बेन चक्खुना”ति वुत्तं । अतो

दिब्बचक्खुपरिभण्डेन यथाकम्मूपगजाणेन सत्तानं कम्मस्सकतादीनि चेव दिब्बचक्खुसदिसेन पुब्बेनिवासानुस्सतिजाणेन अतीतकप्पे ब्राह्मणानं मन्तज्जेनविधिञ्च ओलोकेत्वाति अत्थो गहेतब्बो। रूपमेव हि पच्चुप्पन्नं दिब्बचक्खुस्स आरम्भणन्ति तमिध अट्टानगतं होति। **पावचनेन सह संसन्दित्वा**ति यं कस्सपसम्मासम्बुद्धेन वुत्तं वट्टसन्निस्सितं वचनं, तेन सह संसन्दित्वा अविरुद्धं कत्वा। न हि तेसं विवट्टसन्निस्सितो अत्थो पच्चक्खतो होति। **गन्थिसू**ति पज्जगज्जबन्धवसेन सक्कतभासाय बन्धिसु। **अपरा परे**ति अट्टकादीहि अपरा अज्जेपि परे पच्छिमा ओक्काकराजकालादीसु उप्पन्ना। **पाणातिपातादीनि पक्खिपित्वा**ति अट्टकादीहि गन्थितमन्तपदेस्वेव पाणातिपातादिकिलेससन्निस्सितपदानं तत्थ तत्थ पक्खिपनं कत्वा। **विरुद्धे अकंसू**ति सुत्तनिपाते **ब्राह्मणधम्मिकसुत्तादीसु** (सु० नि० ब्राह्मणधम्मिकसुत्त) आगतनयेन संकिलेसिकत्थदीपनतो पच्चनीकभूते अकंसु। **इसी**ति निदस्सनमत्तं। “इसि वा इसिथाय पटिपन्नो वा”ति हि वत्तब्बं। कस्मा पनेत्थ पटिज्जागहनवसेन देसनासोतपतितं न करोतीति आह **“इध भगवा”**तिआदि। **इधा**ति “त्याहं मन्ते अधीयामि, ‘साचरियको’ति त्वं मज्जसी”ति वुत्तद्धाने। **पटिज्जं अगगहेत्वा**ति यथा हेट्ठा पटिज्जा गहिता, तथा “तं किं मज्जसि अम्बट्ट, तावता त्वं भविस्ससि इसि वा इसिथाय वा पटिपन्नो साचरियकोति, नो हिदं भो गौतमा”ति एवं **इध पटिज्जं अगगहेत्वा**।

२८६. **निरामगन्धा**ति किलेसासुचिवसेन विस्सगन्धरहिता। **अनित्थिगन्धा**ति इत्थीनं गन्धमत्तस्सपि अविशहनेन इत्थिगन्धरहिता। **रजोजल्लधरा**ति पकतिरजसेदादिजल्लधरा। **पाकारपुरिसगुत्ती**ति पाकारावरणं, पुरिसावरणञ्च। एत्थ पन **“निरामगन्धा”**ति एतेन तेसं दसन्नं ब्राह्मणानं विक्खम्भितकिलेसतं दस्सेति, **“अनित्थिगन्धा, ब्रह्मचारिनो”**ति च एतेन एकविहारितं, **“रजोजल्लधरा”**ति एतेन मण्डनविभूसनाभावं, **“अरज्जायतने पब्बतपादेसु वसिसू”**ति एतेन मनुस्सूपचारं पहाय विवित्तवासं, **“वनमूलफलाहारा वसिसू”**ति एतेन सालिमंसोदनादिपणीताहार पटिक्खेपं, **“यदा”**तिआदिना यानवाहनपटिक्खेपं, **“सब्बदिसासू”**तिआदिना रक्खावरणपटिक्खेपं। एवञ्च दस्सेन्तो मिच्छापटिपदापक्खिकं साचरियकस्स अम्बट्टस्स वुत्तिं उपादाय सम्मापटिपदापक्खिकापि तेसं ब्राह्मणानं वुत्ति अरियविनये सम्मापटिपत्तिं उपादाय मिच्छापटिपदायेव। कथञ्चि नाम ते भविस्सति सल्लेखपटिपत्तियुत्तताति। **“एवं सु ते”**तिआदिना भगवा अम्बट्टं सन्तज्जेन्तो निग्गणातीतिपि विभावेति। इदञ्चि वक्खमानाय पाळिया पिण्डत्थदस्सनन्ति।

दुस्सपट्टिका दुस्सपट्टं। दुस्सकलापो दुस्सवेणी। वेठकेहीति वेठकपट्टकेहि, दुस्सेहि

संवेठेत्वा कतनमितफासुकाहीति वुत्तं होति। कप्पेतुन्ति कत्तरिकाय छिन्दितुं। कप्पितवालेहीति एत्थापि एसेव नयो। “न भिक्खवे मस्सु कप्पापेतब्ब”न्तिआदीसु (चूळव० २७५) विय हि कपुसद्दो छेदने वत्तति। युत्तद्धानेसूति गीवासीसवालधीसु। बालाति तेसु ठानेसु जायमाना लोमा। सहचरणवसेन, ठानीनामेन वा “कुत्तवाला”ति वुत्ता। केचि पन “वाळयुत्तता”ति पाठं कप्पेत्वा वाळरूपयुत्तताति अत्थं वदन्ति, पाळियानपेक्खनमेव तेसं दोसो। “कुत्तवालेहि वळवारथेही”ति पाळियं वुत्तं। समन्तानगरन्ति नगरस्स समन्ततो। पाकारस्स अधोभागे कतसुधाकम्मं ठानं नगरस्स समीपे कत्तब्बतो, उपकारकरणतो च “उपकारिका”ति वुच्चति। नगरस्स उपकारिका एतासन्ति नगररूपकारिकायो, राजधानीअपेक्खाय इत्थिलिङ्गनिद्देशो। तेनाह “इध पना”तिआदि। मतीति विचिकिच्छावसेन अनेकंसिकजानना। उपरि देसनाय अवहृकारणं दस्सेन्तो “इदं भग्वा”तिआदिमाह। पाळियं सो मं पण्हेनाति सो जनो मं पुच्छावसेन सोधेय्य। अहं वेय्याकरणेन सोधेस्सामीति अहम्पिमं विस्सज्जनावसेन सोधेस्सामीति यथारहमधिकारवसेन अत्थो वेदितब्बो।

द्वेलक्खणदस्सनवण्णना

२८७. “निसिन्नान”न्तिआदि अनादरे सामिवचनं, विसेसनं वा। सङ्कुचिते इरियापथे अनवसेसतो लक्खणानं दुब्बिभावनतो “न सक्कोती”ति वुत्तं, तथा सुविभावनतो पन “सक्कोती”ति। परियेसनसुखत्थमेव तदाचिण्णता दट्ठब्बा। तेनाति द्विविधेनपि कारणेन।

गवेसीति जाणेन परियेसनमकासि। गणयन्तोति जाणेनेव सङ्कलयन्तो। समानयीति सम्मा आनयि समाहरि। “कङ्कती”ति पदस्स आकङ्कतीति अत्थोति आह “अहो ज्ञा”तिआदि। अनुपसगगम्पि हि पदं कथचि सउपसगगमिव अत्थविसेसवाचकं यथा ‘गोत्रभू’ति। ततो ततो सरीरप्पदेसतो। किच्छतीति किलमति। तेनाह “न सक्कोति इदु”न्ति। तायाति “विचिनन्तो किच्छती”ति वुत्ताय विचिकिच्छाय। ततोति सन्निष्ठानं अगमनतो। एवं “कङ्कती”ति पदस्स आसिसनत्थतं दस्सेत्वा इदानि संसयत्थतं दस्सेन्तो “कङ्काय वा”तिआदिमाह। तत्थ कङ्कायाति “कङ्कती”ति पदेन वुत्ताय कङ्काय। असत्त्वपधानज्झि आख्यातिकं। एस नयो सेसेसुपि। अवत्थापभेदगता विमति एव “तीहि शम्मेही”ति वुत्ता, तिप्पकारेहि संसयधम्मेहीति अत्थो। कालुसियभावोति अप्पसन्नताय हेतुभूतो आविलभावो।

वत्थिकोसेनाति नाभिया अधोभागसङ्घाते वत्थिम्हि जातेन लिङ्गपसिब्बकेन । “अण्डकोसो”तिआदीसु (म० नि० १.१५२, १८९; २.२७; अ० नि० २.७.७१; पारा० ११) विय हि कोससद्दो परिवेठकपसिब्बके वत्तति । वत्थेन गुहितब्बत्ता वत्थगुहं । यस्मा भगवतो कोसोहितं वत्थगुहं सब्बबुद्धावेणिकं अज्जेहि असाधारणं सुविसुद्धकञ्चनमण्डलसन्निभं, अत्तनो सण्ठानसन्निवेससुन्दरताय आजानेय्यगन्धहत्थिनो वरङ्गपरमचारुभावं, विकसमानतपनियारविन्दसमुज्जलकेसरावत्तविलासं, सञ्ज्ञापभानुरज्जित-जलवनन्तराभिलिखितसम्पुण्णचन्दमण्डलसोभञ्च अत्तनो सिरिया अभिभुय्य विराजति, यं बाहिरम्भन्तरमलेहि अनुपक्किलिङ्गताय, चिरकालपरिचितब्रह्मचरियाधिकारताय, सण्ठित-सण्ठानसम्पत्तिया च कोपीनम्पि समानं अकोपीनमेव जातं । तेन वुत्तं “भगवतो ही”तिआदि । वरवारणस्सेवाति वरगन्धहत्थिनो इव । पहूतभावन्ति पुथुलभावं । एत्थेव हि तस्स संसयो । तनुमुदुसुकुमारादीसु पनस्स गुणेषु विचारणा एव नाहोसि ।

२८८. “तथारूप”न्ति इदं समासपदन्ति आह “तंरूप”न्ति । एत्थाति यथा अम्बड्डो कोसोहितं वत्थगुहमद्दस्स, तथा इद्धाभिसङ्घारमभिसङ्घारणे । इमिना हि “तथारूपं इद्धाभिसङ्घारं अभिसङ्घारी”तिआदिपाळिपरामसनं, अतो चेत्थ सह इद्धाभिसङ्घारनयेन वत्थगुहदस्सनकारणं मिलिन्दपञ्हापाठेन (मि० प० ३.३) विभावितं होति । केचि पन “वत्थगुहदस्सने”ति परामसन्ति, तदयुत्तमेव । न हि तं पाळियं, अट्ठकथायञ्च अत्थि, यं एवं परामसितब्बं सिया, इद्धाभिसङ्घारनयो च अविभावितो होति । किमेत्थ अज्जेन वत्तब्बं चतुपटिसम्भिदापत्तेन छल्लभिज्जेन वादीवरेण भदन्तनागसेनत्थेरेण वुत्तनयेनेव सम्पटिच्छितब्बत्ता । हिरी करीयते एत्थाति हिरिकरणं, तदेव ओकासो तथा, हिरियितब्बट्ठानं । उत्तरस्साति सुत्तनिपाते आगतस्स उत्तरमाणवरस्स (म० नि० २.३८४) । सब्बेसम्पि चेत्तेसं वत्थु सुत्तनिपाततो गहेतब्बं ।

छायन्ति पटिबिम्बं । कथं दस्सेसि, कीदिसं वाति आह “इद्धिया”तिआदि । छाया रूपकमत्तन्ति भगवतो पटिबिम्बरूपकमेव, न पकतिवत्थगुहं, तञ्च बुद्धसन्तानतो विनिमुत्तत्ता रूपकमत्तं भगवता सदिसवण्णसण्ठानावयवं इद्धिमयं बिम्बकमेव होति, एवञ्च कत्वा अप्पकत्थेन क-कारेण विसेसितवचनं उपपन्नं होति । छाया रूपकमत्तं इद्धिया अभिसङ्घारित्वा दस्सेसीति सम्बन्धो । “तं पन दस्सेन्तो भगवा यथा अत्तनो बुद्धरूपं न दिस्सति, तथा कत्वा दस्सेतो”ति (दी० नि० टी० १.२८८) आचरिया वदन्ति । तदेतं भदन्तनागसेनत्थेरेण वुत्तेन इद्धाभिसङ्घतछायारूपकमत्तदस्सनवचनेन संसन्दति चेव समेति च

यथा तं “खीरेन खीरं, गङ्गोदकेन यमुनोदक”न्ति दृष्टव्यं । तथावचनेनेव हि सैसबुद्धरूपस्स तद्गुणे अदस्सितभावो अत्थतो आपन्नो होति । निवासननिवत्थतादिवचनेन पनेत्थ बुद्धसन्तानतो विनिमुत्तस्सपि छाया रूपकस्स निवासनादिअबहिगतभावो दस्सितो, न च चोदेतब्बं “कथं निवासनादिअन्तरगतं छाया रूपकं भगवा दस्सेति, कथञ्च अम्बट्ठो पस्सती”ति । अचिन्तेय्यो हि इद्धिविसयोति । **छायं दिट्ठेति** छायाय दिट्ठाय । एतन्ति छाया रूपकं । बुज्झनके सति जीवितनिमित्तम्पि **हृदयमंसं दस्सेय्याति** अधिष्पायो । **निब्रेत्वाति** नीहरित्वा । अयमेव वा पाठो । **कल्लोसीति** विस्सज्जने त्वं कुसलो छेको असि, यथावुत्तो वा विस्सज्जनामग्गो उपपन्नो युत्तो असीति अत्थो । “कुसलो”ति केचि पठन्ति, अयुत्तमेतं । मिलिन्दपञ्चे हि सब्बत्थ विस्सज्जनावसाने “कल्लो” इच्चेव दिट्ठेति ।

नित्रामेत्वाति मुखतो नीहरणवसेन कण्णसोतादिअभिमुखं पणामेत्वा, अधिष्पायमेव दस्सेतुं “नीहरित्वा”ति वुत्तं । **कथिनसूचिं वियाति** घनसुखुमभावापादनेन कक्खल्लसूचिमिव कत्वा । **तथाकरणेनाति** कथिनसूचिं विय करणेन । **एत्थाति** पहूतजिक्काय । **मुदुभावो, दीघभावो, तनुभावो** च दस्सितो अमुदुनो घनसुखुमभावापादनत्थमसक्कुण्येय्यत्ताति आचरियेन (दी० नि० टी० १.२८८) वुत्तं । तत्रायमधिष्पायो – यस्मा मुदुमेव घनसुखुमभावापादनत्थं सक्कोति, तस्मा तथाकरणेन मुदुभावो दस्सितो अग्गि विय धूमेन । यस्मा च मुदुयेव घनसुखुमभावापज्जनेन दीघगामि, तस्मा कण्णसोतानुमसनेन दीघभावो दस्सितो । यस्मा पन मुदु एव घनसुखुमभावापज्जनेन तनु होति, तस्मा नासिकासोतानुमसनेन तनुभावो दस्सितोति । अपुथुलस्स तथापटिच्छादनत्थमसक्कुण्येय्यत्ता **नलाटच्छादनेन पुथुलभावो** दस्सितो ।

२८९. पत्थेन्तो हुत्वा उदिकखन्तोति योजेतब्बं ।

२९०. मूलवचनं कथा । पटिवचनं सल्लापो ।

२९१. “उद्धुमातक”न्तिआदीसु (सं० नि० ३.५.२४२; विसुद्धि० १.१०२) विय क-सद्दो जिगुच्छनत्थोति वुत्तं “**तमेव जिगुच्छन्तो**”ति । **तमेवाति** पण्डितभावमेव, अम्बट्ठमेवातिपि अत्थो । अम्बट्ठज्झि सन्धाय एवमाह । तथा हि पाळियं वुत्तं “एवं...पे०... अम्बट्ठं माणवं एतदवोचा”ति । कामञ्च अम्बट्ठं सन्धाय एवं वुत्तं, नामगोत्तवसेन पन अनियमं कत्वा गरहन्तो पुथुवचनेन वदतीति वेदितब्बं । “यदेव खो त्व”न्ति एतस्स अनियमवचनस्स “एवरूपेना”ति इदं नियमवचनन्ति दस्सेति “**यादिसो**”तिआदिना ।

भावेनभावलक्खणे भुम्मवचनत्थे करणवचनन्ति वुत्तं “एदिसे अत्थचरके”ति । न अज्जत्राति न अज्जत्थ सुगतियं । एत्थ पन “अत्थचरकेना”ति इमिना ब्यतिरेकमुखेन अनत्थचरकतयेव विभावेतीति दट्ठब्बं । “उपनेय्य उपनेय्या”ति इदं त्वाद्यन्तं विच्छावचनन्ति आह “ब्राह्मणो खो पना”तिआदि । एवं उपनेत्वा उपनेत्वाति तं तं दोसं उपनीय उपनीय । तेनाह “सुदु दासादिभावं आरोपेत्वा”ति । पातेसीति पवट्टनवसेन पातेसि । यच्च अगमासि, तम्पि अस्स तथागमनसङ्घातं ठानं अच्छिन्दित्वाति योजना ।

पोक्खरसातिबुद्धूपसङ्कमनवण्णना

२९२-३-६. कित्तको पन सोति वुत्तं “सम्मोदनीयकथायपि कालो नत्थी”ति । आगमा नूति आगतो नु । खोति निपातमत्तं । इधाति एत्थ, तुम्हाकं सन्तिकन्ति अत्थो । अधिवासेतूति सादियतु, तं पन सादियनं इध मनसाव सम्पटिग्गहो, न कायवाचाहीति आह “सम्पटिच्छतू”ति । अज्ज पवत्तमानं अज्जतनं, पुज्जं, पीतिपामोज्जच्च, इममत्थं दस्सेतुं “यं मे”तिआदि वुत्तं । कारन्ति उपकारं, सक्कारं वा । अचोपेत्वाति अचालेत्वा ।

२९७. “सहत्था”ति इदं करणत्थे निस्सक्कवचनं । तेनाह “सहत्थेना”ति । सुहितन्ति धातं, जिघच्छादुक्खाभावेन वा सुखितं । यावदत्थन्ति याव अत्थो, ताव भोजनेन तदा कतं । पटिक्खेपपवारणावेत्थ अधिप्पेता, न निमन्तनपवारणाति आह “अल”न्तिआदि । “हत्थसज्जाया”ति निदस्सनमत्तं अज्जत्थ मुखविकारेन, वचीभेदेन च पटिक्खेपस्स वुत्तत्ता, एकक्खणेपि च तथापटिक्खेपस्स लब्भनतो । ओनीता पत्ततो पाणि एतस्साति ओनीतपत्तपाणीति भिन्नाधिकरणविसयो तिपदो बाहिरत्थसमासो । मुद्धजण-कारेन, पन सज्जोगत-कारेन च ओणित्तसद्दो विनाभूतेति दस्सेति “ओणित्तपत्तपाणिन्तिपि पाठो”तिआदिना । सुचिकरणत्थे वा ओणित्तसद्दो । ओणित्तं आमिसापनयनेन सुचिकतं पत्तं पाणि च अस्साति हि ओणित्तपत्तपाणि । तेनाह “हत्थे च पत्तञ्च धोवित्वा”ति । “ओणित्तं नानाभूतं विनाभूतं, आमिसापनयनेन वा सुचिकतं पत्तं पाणितो अस्साति ओणित्तपत्तपाणी”ति (सारत्थ० टी० १.२३) सारत्थदीपनियं वुत्तं । तत्थ पच्छिमवचनं “हत्थे च पत्तञ्च धोवित्वा”ति इमिना असंसन्दनतो विचारेतब्बं । एवंभूतन्ति “भुत्ताविं ओनीतपत्तपाणि”न्ति वुत्तप्पकारेन भूतं ।

२९८. अनुपुब्बिं कथन्ति अनुपुब्बं कथेतब्बं कथं । तेनाह “अनुपटिपाटिकथ”न्ति ।

का पन साति आह “दानानन्तरं सील”न्तिआदि, तेनायमत्थो बोधितो होति – दानकथा ताव पचुरजनेसुपि पवत्तिया सब्बसाधारणत्ता, सुकरत्ता, सीले पतिट्ठानस्स उपायभावतो च आदितो कथेतब्बा। परिच्चागसीलो हि पुग्गलो परिग्गहवत्थूसु विनिस्सट्ठभावतो सुखेनेव सीलानि समादियति, तत्थ च सुप्पतिट्ठितो होति, सीलेन दायकपटिग्गाहकसुद्धितो परानुग्गहं वत्वा परपीळानिवत्तिवचनतो, किरियधम्मं वत्वा अकिरियधम्मवचनतो, भोगसम्पत्तिहेतुं वत्वा भवसम्पत्तिहेतुवचनतो च दानकथानन्तरं सीलकथा कथेतब्बा। तज्जे दानसीलं वट्ठनिस्सितं, अयं भवसम्पत्ति तस्स फलन्ति दस्सनत्थं सीलकथानन्तरं सग्गकथा। ताय हि एवं दस्सितं होति “इमेहि दानसीलमयेहि, पणीतपणीततरादिभेदभिन्नेहि च पुज्जकिरियवत्थूहि एता चातुमहाराजिकादीसु पणीतपणीततरादिभेदभिन्ना अपरिमेय्या दिब्बसम्पत्तियो लद्धब्बा”ति। स्वायं सग्गो रागादीहि उपक्किलिट्ठो, सब्बथा पन तेहि अनुपक्किलिट्ठो अरियमग्गोति दस्सनत्थं सग्गकथानन्तरं मग्गकथा। मग्गञ्च कथेत्तेन तदधिगमुपायदस्सनत्थं कामानं आदीनवो, ओकारो, संकिलेसो, नेक्खम्मे आनिसंसो च कथेतब्बो। सग्गपरियापन्नापि हि सब्बे कामा नाम बह्वादीनवा अनिच्चा अद्धुवा विपरिणामधम्मा, पगेव इतरेति आदीनवो, सब्बेपि कामा हीना गम्मा पोथुज्जनिका अनरिया अनत्थसंहिताति लामकभावो ओकारो, सब्बेपि भवा किलेसानं वत्थुभूताति संकिलेसो, सब्बसंकिलेसविप्पयुत्तं निब्बानन्ति नेक्खम्मे आनिसंसो च कथेतब्बोति। अयम्पि अत्थो बोधितोति वेदितब्बो। मग्गोति हि एत्थ इति-सद्देन आद्यत्थेन कामादीनवादीनम्पि सङ्गहोति अयमत्थवण्णना कता। तेनाह “सेय्यथिदं – दानकथं सीलकथं सग्गकथं कामानं आदीनवं ओकारं संकिलेसं नेक्खम्मे आनिसंसं पकासेती”ति। वित्थारो सारत्थदीपनियं (सारत्थ० टी० ३.२६) गहेतब्बो।

कसि-सद्दो जाणेन गहणेति आह “गहिता”तिआदि। सामंसद्देन निवत्तेतब्बमत्थं दस्सेति “असाधारणा अज्जेस”न्ति इमिना, लोकुत्तरधम्माधिगमे परूपदेसविगतत्ता, एकेनेव लोके पठमं अनुत्तराय सम्मासम्बोधिया अभिसम्बुद्धत्ता च अज्जेसमसाधारणाति वुत्तं होति। धम्मचक्खुन्ति एत्थ सोतापत्तिमग्गोव अधिप्पेतो, न ब्रह्मायुसुत्ते (म० नि० २.३८३ आदयो) विय हेट्ठिमा तयो मग्गा, न च चूलराहुलोवादसुत्ते (म० नि० ३.४१६) विय आसवक्खयो। “तस्स उप्पत्तिआकारदस्सनत्थ”न्ति कस्मा वुत्तं, ननु मग्गजाणं असंङ्गतधम्मरम्मणमेव, न सङ्गतधम्मरम्मणन्ति चोदनं सोधेन्तो “तज्जी”तिआदिमाह। किच्चवसेनाति असम्मोहपटिवेधकिच्चवसेन।

पोक्खरसातिउपासकत्तपटिवेदनाकथावण्णना

२९९. पाळियं “दिट्ठधम्मो”तिआदीसु दस्सनं नाम जाणतो अज्जम्पि चक्खादिदस्सनं अत्थीति तन्निवत्तनत्थं “पत्तधम्मो”ति वुत्तं। पत्ति च जाणपत्तितो अज्जापि कायगमनादिपत्ति विज्जतीति ततो विसेसदस्सनत्थं “विदितधम्मो”ति वुत्तं। सा पनेसा विदितधम्मता एकदेसतोपि होतीति निष्पदेसतो विदितधम्मत्तं दस्सेतुं “परियोगाळ्हधम्मो”ति वुत्तं, तेनस्स सच्चाभिसम्बोधमेव दीपेति। मग्गजाणञ्जि एकाभिसमयवसेन परिज्जादिचतुकिच्चं साधेत्तं निष्पदेसेन चतुसच्चधम्मं समन्ततो ओगाळ्हं नाम होति। तेनाह “दिट्ठो अरियसच्चधम्मो एतेनाति दिट्ठधम्मो”ति। “कथं पन एकमेव जाणं एकस्मिं खणे चत्तारि किच्चानि साधेत्तं पवत्तति। न हि तादिसं लोके दिट्ठं, न आगमो वा तादिसो अत्थी”ति न वत्तब्बं। यथा हि पदीपो एकस्मियेव खणे वट्ठिं दहति, स्नेहं परियादियति, अन्धकारं विधमति, आलोकञ्चापि दस्सेति, एवमेत्तं जाणन्ति दट्ठब्बं। “मग्गसमङ्गिस्स जाणं दुक्खेपेतं जाणं, दुक्खसमुदयेपेतं जाणं, दुक्खनिरोधेपेतं जाणं, दुक्खनिरोधगामिनिया पटिपदायपेतं जाण”न्ति (विभं० ७९४) सुत्तपदम्पेत्य उदाहरितव्वन्ति।

तिण्णा विचिकिच्छाति सप्पटिभयकन्तारसदिसा सोळसवत्थुका, अट्ठवत्थुका च विचिकिच्छा अनेन वितिण्णा। **विगता कथंकथाति** पवत्तिआदीसु “एवं नु खो, न नु खो”ति एवं पवत्तिका कथंकथा अस्स विगता समुच्छिन्ना। **विसारदभावं पत्तोति** सारज्जकरानं पापधम्मानं पहीनत्ता, तप्पटिपक्खेसु च सीलादिगुणेसु सुप्पतिट्ठितत्ता विसारदभावं वेय्यत्तियं पत्तो अधिगतो। सायं वेसारज्जप्पत्ति सुप्पतिट्ठितत्ता कत्थाति चोदनाय “सत्थुसासने”ति वुत्तन्ति दस्सेन्तो “कत्थं? सत्थुसासने”ति आह। अत्तनाव पच्चक्खतो दिट्ठत्ता, अधिगतत्ता च न अस्स पच्चयो पच्चेतव्वो परो अत्थीति अत्थो। तत्थाधिप्पायमाह “न परस्सा”तिआदिना। न वत्ततीति न पवत्तति, न पटिपज्जति वा, न परं पच्चेति पत्तियायतीति अपरप्पच्चयोतिपि युज्जति। यं पनेत्थ वत्तव्वम्पि अवुत्तं, तदेत्तं पुब्बे वुत्तत्ता, परतो वुच्चमानत्ता च अवुत्तन्ति वेदितव्वं।

इति सुमङ्गलविलासिनिया दीघनिकायट्ठकथाय परमसुखुमगम्भीरदुरनुबोधत्थपरिदीपनाय सुविमलविपुलपज्जावेय्यत्तियजननाय अज्जवमद्वसोरच्चसद्धासतिधित्तिबुद्धिखन्तिवीरियादि-धम्मसमङ्गिना साट्ठकथे पिटकत्तये असङ्गासंहीरविसारदजाणचारिना अनेकप्पभेदसकसमय-

समयन्तरगहनज्झोगाहिना महागणिना महावेय्याकरणेन जाणाभिवंसधम्मसेनापतिनामत्थेरेन
महाधम्मराजाधिराजगरुना कताय साधुविलासिनिया नाम लीनत्थपकासनिया
अम्बट्टसुत्तवण्णनाय लीनत्थपकासना ।

अम्बट्टसुत्तवण्णना निद्धिता ।

४. सोणदण्डसुत्तवण्णना

३००. एवं अम्बट्टसुत्तं संवण्णेत्वा इदानीं सोणदण्डसुत्तं संवण्णेन्तो यथानुपुब्बं संवण्णनोकासस्स पत्तभावं विभावेतुं, अम्बट्टसुत्तस्सानन्तरं सङ्गीतस्स सुत्तस्स सोणदण्डसुत्तभावं वा पकासेतुं “एवं मे सुत्तं...पे०... अङ्गेसूति सोणदण्डसुत्त”न्ति आह । सुन्दरभावेन सातिसयानि अङ्गानि एतेसमत्थीति अङ्गा । तद्धितपच्चयस्स अतिसयविसिद्धे अत्थिताअत्थे पवत्तितो, पधानतो राजकुमारा, रुळ्हिवसेन पन जनपदोति वुत्तं “अङ्गा नामा”तिआदि । इथापि अधिप्पेता, न अम्बट्टसुत्ते एव । “तदा किरा”तिआदि तस्सा चारिकाय कारणवचनं । आगमने आदीनवं दस्सेत्वा पटिक्खिपनवसेन आगन्तुं न दस्सन्ति, नानुजानिस्सन्तीति अधिप्पायो ।

नीलासोककणिकारकोविलारकुन्दराजरुक्खादिसम्मिस्सताय तं चम्पकवनं नीलादिपञ्च-
वण्णकुसुमपटिमण्डितं, न चम्पकरुक्खानञ्जेव नीलादिपञ्चवण्णकुसुमतायाति वदन्ति,
तथारूपाय पन धातुया चम्पकरुक्खाव नीलादिपञ्चवण्णम्मि कुसुमं पुप्फन्ति । इदानीपि हि
कत्थचि देसे दिस्सन्ति, एवञ्च यथारुतम्मि अट्ठकथावचनं उपपन्नं होति । कुसुमगन्धसुगन्धेति
वुत्तनयेन सम्मिस्सकानं, सुद्धचम्पकानं वा कुसुमानं गन्धेहि सुगन्धे । एवं पन वदन्तो न
मापनकालेयेव तस्मिं नगरे चम्पकरुक्खा उस्सन्ना, अथ खो अपरभागेपीति दस्सेति ।
मापनकाले हि चम्पकरुक्खानमुस्सन्नताय तं नगरं “चम्पा”ति नामं लभि । इस्सरत्ताति
अधिपतिभावतो । सेना एतस्स अत्थीति सेनिको, स्वेव सेनियो । बहुभावविसिद्धा चेत्य
अत्थिता तद्धितपच्चयेन जोत्तिताति वुत्तं “महत्तिया सेनाय समन्नागतत्ता”ति ।
सारसुवण्णसदिसतायाति उत्तमजातिसुवण्णसदिसताय । चूळदुक्खक्खन्धसुत्तट्ठकथायं पन एवं
वुत्तं “सेनियो”ति तस्स नामं, बिम्बीति अत्तभावस्स नामं वुच्चति, सो तस्स सारभूतो
दस्सनीयो पासादिको अत्तभावसमिद्धिया बिम्बिसारोति वुच्चती”ति (म० नि० अट्ठ०
१.१८०) ।

३०१-२. संहताति सन्निपतनवसेन सङ्घटिता, सन्निपतिताति वुत्तं होति । एकेकिस्साय दिसायाति एकेकाय पदेसभूताय दिसाय । पाळियं ब्राह्मणगहपतिकानमधिप्पेतत्ता “सङ्घिनो”ति वत्तब्बे “सङ्घी”ति पुत्थुत्ते एकवचनं वुत्तन्ति दस्सेति “एतेस”न्ति इमिना । एवं आचरियेन (दी० नि० टी० १.३०१, ३०२) वुत्तं, सङ्घीति पन दीघवसेन बहुवचनम्पि दिस्सति । अगणाति असमूहभूता अगणबन्धा, “अगणना”तिपि पाठो, अयमेवत्थो, सङ्घयात्थस्स अयुत्तत्ता । न हि तेसं सङ्घया अत्थीति । इदं वुत्तं होति— पुब्बे अन्तो नगरे अगणापि पच्छा बहिनगरे गणं भूता पत्ताति गणीभूताति । अभूततब्भावे हि करासभूयोगे अ-कारस्स ई-कारादेसो, ईपच्चयो वा । राजराजज्जादीनं दण्डधरो पुरिसोव ततो ततो खत्तियानं तायनतो रक्खणतो खत्ता निरुत्तिनयेन । सो हि यत्थ तेहि पेसितो, तत्थ तेसं दोसं परिहरन्तो युत्तपत्तवसेन पुच्छितमत्थं कथेति । तेनाह “पुच्छितपञ्चे व्याकरणसमत्थो”ति । कुलापदेसादिना महती मत्ता पमाणमेतस्साति महामत्तो ।

सोणदण्डगुणकथावण्णना

३०३. एकस्स रज्जो आणापवत्तिट्ठानानि रज्जानि नाम, विसिट्ठानि रज्जानि विरज्जानि, तानेव वेरज्जानि, नानाविधानि वेरज्जानि तथा, तेसु जातातिआदिना तिधा तद्धितनिब्वचनं । विचित्रा हि तद्धितवुत्तीति । यज्जानुभवनत्थन्ति यस्स कस्सचि यज्जस्स अनुभवनत्थं । तेति नानावेरज्जका ब्राह्मणा । तस्साति सोणदण्डब्राह्मणस्स । उत्तमब्राह्मणोति अभिजनसम्पत्तिया, वित्तसम्पत्तिया, विज्जासम्पत्तिया च उगगततरो, उळारो वा ब्राह्मणो । आवड्ढनीमाया वुत्ताव । लाभमच्छेरेन निष्पीळितताय असन्निपातो भविस्सति ।

अङ्गेति गमेति अत्तनो फलं आपेति, सयं वा अङ्गीयति गमीयति आयतीति अङ्गं, हेतु । तेनाह “कारणेना”ति । लोकधम्मतानुस्सरणेन अपरानिपि कारणानि आहंसूति दस्सेन्तो “एव”न्तिआदिमाह ।

द्वीहि पक्खेहीति मातुपक्खेन, पितुपक्खेन चाति द्वीहि जातिपक्खेहि । “उभतो पुजातो”ति हि एत्थकेयेव वुत्ते येहि केहिचि द्वीहि भागेहि सुजातत्तं विजानेय्य, पुजातसद्दो च “सुजातो चारुदस्सनो”तिआदीसु (म० नि० २.३९९) आरोहसम्पत्तिपरियायोपि होतीति जातिवसेनेव सुजातत्तं विभावेतुं “मातितो च पितितो वा”ति वुत्तं । तेनाह “भोतो माता ब्राह्मणी”तिआदि । एवन्ति वुत्तप्पकारेन, मातुपक्खतो

च पितुपक्वतो च पच्चेकं तिविधेन जातिपरिवट्टेनाति वुत्तं होति । “संसुद्धगहणिको”ति इमिनापि “मातितो च पितितो चा”ति वुत्तमेवत्थं समत्थेतीति आह “संसुद्धा ते मातुगहणी”ति, संसुद्धाव अनञ्जपुरिससाधारणाति अत्थो । अनोरसपुत्तवसेनापि हि लोके मातापितुसमञ्जा दिस्सति, इध पनस्स ओरसपुत्तवसेनेव इच्छिताति दस्सेतुं “संसुद्धगहणिको”ति वुत्तं । गब्भं गण्हाति धारेतीति गहणी, ततियावट्टसङ्घातो गब्भासयसञ्जितो मातुकुच्छिपदेसो समवेपाकिनियाति समविपाचनिया । एत्थाति महासुदस्सनसुत्ते । यथाभुत्तमाहारं विपाचनवसेन गण्हाति न छड्ढेतीति गहणी, कम्मजतेजोधातु, या “उदरग्गी”ति लोके पञ्जायति ।

पितुपिताति पितुनो पिता । पितामहोति आमह-पच्चयेन तद्धितसिद्धि । “चतुयुग”न्तिआदीसु विय तं तदत्थे युज्जितब्बतो कालविसेसो युगं नाम । एतं युगसद्देन आयुप्पमाणवचनं अभिलापमत्तं लोकवोहारवचनमत्तमेव, अधिप्पेतत्थतो पन पितामहोयेव पितामहयुगसद्देन वुत्तो तस्सेव पधानभावेन अधिप्पेतत्ताति अधिप्पायो । ततो उद्दन्ति पितामहतो उपरि । तेनाह “पुब्बपुरिसा”ति, तदवसेसा पुब्बका छ पुरिसाति अत्थो । पुरिसग्गहणञ्चेत्थ उक्कट्टनिद्देसेन कतन्ति दट्ठब्बं । एवञ्चि “मातितो”ति पाळिवचनं समत्थितं होति ।

तत्रायमड्ढकथामुत्तकनयो – माता च पिता च पितरो, पितूनं पितरो पितामहा, तेसं युगो द्वन्दो पितामहयुगो, तस्मा, याव सत्तमा पितामहयुगा पितामहद्वन्दाति अत्थो वेदितब्बो, एवञ्च पितामहग्गहणेनेव मातामहोपि गहितो । युगसद्दो चेत्थ एकसेसो “युगो च युगो च युगो”ति, अतो तत्थ तत्थ जातिपरिवट्टे पितामहद्वन्द्वं गहितं होतीति ।

“याव सत्तमा पितामहयुगा”ति इदं काकापेक्खनमिव उभयत्थ सम्बन्धगतन्ति आह “एव”न्तिआदि । याव सत्तमो पुरिसो, ताव अक्खित्तो अनुपकुट्टो जातिवादेनाति सम्बन्धो । अक्खित्तोति अप्पत्तखेपो । अनवक्खित्तोति सद्धथालिपाकादीसु न छड्ढितो । न उपकुट्टोति न उपक्कोसितो । “जातिवादेना”ति इदं हेतुम्हि करणवचनन्ति दस्सेतुं “केन कारणेना”तिआदि वुत्तं । इतिपीति इमिनापि कारणेन । एत्थ च “उभतो...पे०... युगा”ति एतेन ब्राह्मणस्स योनिदोसाभावो दस्सितो संसुद्धगहणिकभावकित्तनतो, “अक्खित्तो”ति एतेन किरियापराधाभावो । किरियापराधेन हि सत्ता खेपं पापुणन्ति । “अनुपकुट्टो”ति एतेन अयुत्तसंसग्गाभावो । अयुत्तसंसग्गजि पटिच्च सत्ता अक्कोसं लभन्तीति ।

इस्सरोति आधिपतेय्यसंवत्तनियकम्मबलेन ईसनसीलो, सा पनस्स इस्सरता विभवसम्पत्तिपच्चया पाकटा जाता, तस्मा अट्ठभावपरियायेन दस्सेन्तो “अट्ठोति इस्सरो”ति आह। महन्तं धनमस्स भूमिगतं, वेहासगतञ्चाति महद्धनो। तस्साति तस्स तस्स गुणस्स, अयमेव च पाठो अधुना दिस्सति। अगुणंयेव दस्सेमाति अन्वयतो तस्स गुणं वत्वा ब्यतिरेकतो भगवतो अनुपसङ्कमनकारणं अगुणमेव दस्सेम।

अधिकरूपोति विसिद्धरूपो उत्तमसरीरो। दस्सनं अरहतीति दस्सनीयोति आह “दस्सनयोगो”ति। पसादं आवहतीति पासादिको। तेनाह “पसादजननतो”ति। पोक्खरसद्दो इध सुन्दरत्थे, सरीरत्थे च निरुद्धो। वण्णस्साति वण्णधातुया। पकासनियेन परिसुद्धनिमित्तेन वण्णसद्दस्स वण्णधातुयं पवत्तनतो तन्निमित्तमेव वण्णता, सा च वण्णनिस्सिताति अभेदवसेन वुत्तं “उत्तमेन परिसुद्धेन वण्णेना”ति। सरीरं पन सन्निवेसविसिद्धं करचरणगीवासीसादिसमुदायं, तच्च अवयवभूतेन सण्ठाननिमित्तेन गय्हति, तस्मा तन्निमित्तमेव पोक्खरताति वुत्तं “सरीरसण्ठानसम्पत्तिया”ति, उत्तमाय सरीरसण्ठानसम्पत्तियातिपि योजेतब्बं। अत्थवसा हि लिङ्गविभक्तिविपरिणामो। सब्बेसु वण्णेषु सुवण्णवण्णोव उत्तमोति आह “परिसुद्धवण्णेषुपि सेट्ठेन सुवण्णवण्णेन समन्नागतो”ति। तथा हि बुद्धा, चक्कवत्तिनो च सुवण्णवण्णाव होन्ति। यस्मा पन वच्छससद्दो सरीराभे पवत्तति, तस्मा ब्रह्मवच्छसीति उत्तमसरीराभो, सुवण्णाभो इच्चेव अत्थो। इममेव हि अत्थं सन्धाय “महाब्रह्मो सरीरसदिसेनेव सरीरेन समन्नागतो”ति वुत्तं, न ब्रह्मजुगत्ततं। ओकासोति सब्बङ्गपच्चङ्गदानं। आरोहपरिणाहसम्पत्तिया, अवयवपारिपूरिया च दस्सनस्स ओकासो न खुद्दकोति अत्थो। तेनाह “सब्बानेवा”तिआदि।

सीलन्ति यमनियमलक्खणं सीलं, तं पनस्स रत्तञ्जुताय वुद्धं वद्धितन्ति विसेसतो “वुद्धसीली”ति वुत्तं। वुद्धसीलेनाति सब्बदा सम्मायोगतो वुद्धेन धुवसीलेन। एवञ्च कत्वा पदत्तयम्पेतं अधिप्पेतत्थतो विसिद्धं होति, सद्दत्थमतं पन सन्धाय “इदं वुद्धसीलीपदस्सेव वेवचन”न्ति वुत्तं। पच्चसीलतो परं तत्थ सीलस्स अभावतो, तेसमजाननतो च” पच्चसीलमतमेवा”ति आह।

वाचाय परिमण्डलपदव्यञ्जनता एव सुन्दरभावोति वुत्तं “सुन्दरा परिमण्डलपदव्यञ्जना”ति। ठानकरणसम्पत्तिया, सिक्खासम्पत्तिया च कस्सचिपि अनून्ताय परिमण्डलपदानि व्यञ्जनानि अक्खरानि एतिस्साति परिमण्डलपदव्यञ्जना। अक्खरमेव हि

तंतदत्थवाचकभावेन परिच्छिन्नं पदं । अथ वा पदमेव अथस्स ब्यञ्जकता ब्यञ्जनं, सिथिलधनितादिअक्खरपारिपूरिया च पदव्यञ्जनस्स परिमण्डलता, परिमण्डलं पदव्यञ्जनमेतिस्साति तथा । अपिच पज्जति अथो एतेनाति पदं, नामादि, यथाधिप्पेतमत्थं ब्यञ्जेतीति ब्यञ्जनं, वाक्यं, तेसं परिपुण्णताय परिमण्डलपदव्यञ्जना । अथविज्जापने साधनताय वाचाव करणं वाक्करणन्ति तुल्याधिकरणतं दस्सेतुं “उदाहरणघोसो”ति वुत्तं, वचीभेदसद्दोति अथो । तस्स ब्राह्मणस्स, तेन वा भासितव्वस्स अथस्स गुणपरिपुण्णभावेन पूरे गुणेहि परिपुण्णभावे भवाति पोरी । पुन पुरेति राजधानीमहानगरे । भवताति संवट्ठता । सुखुमालत्तनेनाति सुखुमालभावेन, इमिना तस्सा वाचाय मुदुसण्हत्तमाह । अपल्लिवुद्धयाति पित्तसेम्हादीहि अपरियोनद्धाय, हेतुगब्भपदमेतं । ततो एव हि यथावुत्तदोसाभावोति । डंसेत्वा विय एकदेसकथनं सच्चिदं, सणिकं चिरायित्वा कथनं विलम्बितं, “सन्निद्धविलम्बितादी”तिपि पाठो । सद्देन अजनकं वचिनं, मम्मकसङ्घातं वा एकक्खरमेव द्वत्तिक्खत्तुमुच्चारणं सन्निद्धं । आदिसद्देन दुक्खलितानुकट्ठितादीनि सङ्गहाति । एळागळेनाति एळापघरणेन । “एळा गळन्ती”ति वुत्तस्सेव द्विधा अत्थं दस्सेतुं “लाला वा पघरन्ती”तिआदि वुत्तं । “पस्से’ळमूगं उरगं दुजिक्क”न्तिआदीसु (जा० १.७.४९) विय हि एळासद्दो लालाय, खेळे च पवत्तति । खेळफुसितानीति खेळविन्दूनि ।

तत्रायमट्ठकथामुत्तकनयो – एलन्ति दोसो वुच्चति “या सा वाचा नेला कण्णसुखा”तिआदीसु (दी० नि० १.८, १९४) विय । दुप्पज्जा च सदोसमेव कथं कथेन्ता एलं पघरापेन्ति, तस्मा तेसं वाचा एलगळा नाम होति, तव्विपरीतायाति अथो । “आदिमज्झपरियोसानं पाकटं कत्वा”ति इमिना तस्सा वाचाय अत्थपरिपूरिं वदति । विज्जापनसद्देन एतस्स सम्बन्धो ।

जराजिण्णताय जिण्णोति खण्डिच्चपालिच्चादिभावमापादितो । बुद्धिमरियादप्पत्तोति बुद्धिया परिच्छेदं परियन्तं पत्तो । जातिमहल्लकतायाति उपपत्तिया महल्लकभावेन । तेनाह “चिरकालप्पसुतो”ति । अद्धसद्दो अद्धानपरियायो दीघकालवाचको । कित्तको पन सोति आह “द्वे तयो राजपरिवट्टे”ति, द्वित्रं तिण्णं राजूनं रज्जपसासनपटिपाटियोति अथो । “अद्धगतो”ति वत्वापि कतं वयोगहणं ओसानवयापेक्खन्ति वुत्तं “पच्छिमवयं सम्पत्तो”ति । पच्छिमो ततियभागोति वस्ससतस्स तिधा कतेसु भागेसु ततियो ओसानभागो । पच्चेकं तेत्तिंसवस्सतो च अधिकमासपक्खादिपि विभजीयति, तस्मा सत्तसट्ठिमे वस्से यथारहं लब्धमानमासपक्खदिवसतो पट्ठाय पच्छिमवयो वेदितव्वो ।

आचरियसारिपुत्तत्थेरेनपि हि इममेवत्थं सन्धाय “सत्तसट्ठिवस्सतो पट्ठाय पच्छिमवयो कोट्ठासो”ति (सारत्थ० टी० १.वेरञ्जकण्डवण्णना) वुत्तं। इतरथा हि “पच्छिमवयो नाम वस्ससतस्स पच्छिमो ततियभागो”ति अट्ठकथावचनेन विरोधो भवेय्याति।

एवं केवलजातिवसेन पठमविकप्पं वत्वा गुणमिस्सकवसेनपि दुतियविकप्पं वदन्तेन “अपिचा”तिआदि आरब्धं। तत्थ नायं जिण्णता वयोमत्तेन, अथ खो कुलपरिवट्ठेन पुराणताति आह “जिण्णोति पोरणो”तिआदि। चिरकालप्पवत्कुलन्वयोति चिरकालं पवत्तकुलपरिवट्ठो, तेनास्स कुलवसेन उदितोदितभावमाह। “वयोअनुप्पत्तो”ति इमिना जातिवुद्धिया वक्खमानत्ता, गुणवुद्धिया च ततो सातिसयत्ता “बुद्धोति सीलाचारादिगुणवुद्धिया युत्तो”ति वुत्तं। वक्खमानं पति पारिसेसग्गहण्णहेतं। तथा जातिमहल्लकतायपि तेनेव पदेन वक्खमानत्ता, विभवमहत्तताय च अनवसेसितत्ता “महल्लकोति विभवमहन्तताय समन्नागतो”ति आह। मग्गपटिपन्नोति ब्राह्मणानं युत्तपटिपत्तिवीथिं अवोक्कम्म चरणवसेन उपगतोति अत्थं दस्सेति “ब्राह्मणान”न्तिआदिना। जातिवुद्धभावमनुप्पत्तो, तम्पि अन्तिमवयं पच्छिमवयमेव अनुप्पत्तोति साधिप्पाययोजना। इमिना हि पच्छिमवयवसेन जातिवुद्धभावं दस्सेतीति।

बुद्धगुणकथावण्णना

३०४. तादिसेहि महानुभावेहि सद्धिं युगग्गाहवसेन ठपनाम्प न मादिसानं पण्डितजातीनमनुच्छविकं, कुतो पन उक्कंसवसेन ठपनन्ति इदं ब्राह्मणस्स न युत्तरूपन्ति दस्सेन्तो “न खो पन मेत”न्तिआदिमाह। तत्थ येपि गुणा अत्तनो गुणेहि सदिसा, तेपि गुणे उत्तरितरेयेव मज्जमानो पकासेतीति सम्बन्धो। सदिसाति च एकदेसेन सदिसा। न हि बुद्धानं गुणेहि सब्बथा सदिसा केचिपि गुणा अज्जेसु लब्बन्ति। “को चाह”न्तिआदि उत्तरितराकारदस्सनं। अहञ्च कीदिसो नाम हुत्वा सदिसो भविस्सामि, समणस्स...पे०... गुणा च कीदिसा नाम हुत्वा सदिसा भविस्सन्तीति साधिप्पाययोजना। केचि नवं पाठं करोन्ति, अयमेव मूलपाठो यथा तं अम्बड्डसुत्ते “को चाहं भो गोतम साचरियको, का च अनुत्तरा विज्जाचरणसम्पदा”ति। इतरेति अत्तनो गुणेहि असदिसे गुणे, “पकासेती”ति इमिनाव सम्बन्धो। एकन्तेनेवाति सदिसगुणानं विय पसङ्गाभावेन।

एवं नियामेन्तो सोणदण्डो इदं अत्थज्जातं दीपेति। यथा हीति एत्थ हि-सद्दो कारणे।

तेनाह “तस्मा मयमेव अरहामा”ति। गोपदकन्ति गाविया खुरद्वाने ठितउदकं। गुणेति सदिसगुणेपि, पगेव असदिसगुणे।

सट्टिकुलसतसहस्सन्ति सट्टिसहस्साधिकं कुलसतसहस्सं। धम्मपदद्वुक्थादीसु (ध० प० अट्ट० १६) पन कथचि भगवतो असीतिकुलसहस्सतावचनं एकेकपक्खमेव सन्धायाति वेदितब्बं।

सुधामदुपोक्खरणिगोति सुधाय परिकम्मकता पोक्खरणिगो। सत्तरतनानन्ति सत्तहि रतनेहि। पूरयोगे हि करणत्थे बहुलं छट्ठीवचनं। पासादनियूहादयोति उपरिपासादे ठिततुलासीसादयो। “सत्तरतनान”न्ति अधिकारो, अभेदेपि भेदवोहारो एस। कुलपरियायेनाति सुद्धोदनमहाराजस्स असम्भिन्नखत्तियकुलानुक्कमेन। तेसुपीति चतूसु निधीसुपि। गहितं गहितं ठानं पूरतियेव धनेन पाकतिकमेव होति, न ऊनं।

भद्वकेनाति सुन्दरेन। पच्छिमवये वुत्तनयेन पठमवयो वेदितब्बो। मातापितूनं अनिच्छाय पब्बज्जाव अनादरो तेन युत्ते अत्थे सामिवचनन्ति वुत्तं होति। एतेसन्ति मातापितूनं। कन्दित्वाति “कहं पियपुत्तका”तिआदिना परिदेवित्वा।

अपरिमाणोयेवाति “एत्तको एसो”ति केनचि परिच्छिन्दितुमसक्कुणेय्यताय अपरिच्छिन्नोयेव। द्वे वेळू अधोकटिमत्तकमेव होन्तीति आह “द्विन्नं वेळूनं उपरि कटिमत्तमेवा”ति। पारमितानुभावेन ब्राह्मणस्स एव पज्जायति, भगवा पन तदा पकतिप्पमाणोवाति दस्सेतुं “पज्जायमानो”ति वुत्तमिव दिस्सति, वीमंसित्वा गहेतब्बं। “न ही”तिआदिना पारमिताबलेनेव एवं अपरिमाणता, न इद्धिबलेनाति दस्सेती”ति वदन्ति। अतुलोति असदिसो। “धम्मपदे गाथमाहा”ति कथचि पाठो अयुत्तोव। न हि धम्मपदे अयं गाथा दिस्सति। सुधापिण्डियत्थेरापदानादीसु (अप० १.१०.सुधापिण्डियत्थेरापदान) पनायं गाथा आगता, सा च खो अज्जवत्थुस्मिं एव, न इमस्मिं वत्थुम्हि, तस्मा पाळिवसेन सङ्गीतिमनारुळ्हा पकिण्णकदेसनायेवायं गाथाति दट्ठब्बं।

तत्थ ते तादिसेति परियायवचनमेतं “अप्पं वस्ससतं आयु, इदानेतरहि विज्जती”तिआदीसु (बु० वं० २७.२१) विय, “एतादिसे”तिपि पठन्ति, तदसुन्दरं

अपदानादीसु तथा अदिस्सनतो । किलेसपरिनिब्बानेन **परिनिब्बुते** कुतोचिपि अभये ते तादिसे पूजयतो एत्थ इदं पुञ्जं **केनचि** महानुभावेन अपि सङ्घातुं न सक्काति अत्थो ।

बाहन्तरन्ति द्वित्रं बाहूनमन्तरं । **द्वादस योजनसतानीति** द्वादसाधिकानि योजनसतानि । **बहलन्तरेनाति** समन्ता सरीरपरिणाहप्पमाणेन । **पुथुलतोति** विथारतो । **अङ्गुलिपब्बानीति** एकेकानि अङ्गुलिपब्बानि । **भमुकन्तरन्ति** द्वित्रं भमुकानमन्तरं । **मुखं** विथारतो **द्वियोजनसतं** परिमण्डलतो विसुं वुत्तत्ता । “एदिसो भगवा”ति या परेहि वुत्ता कथा, तस्सा अनुरूपन्ति **यथाकथं**, इमिना अज्जेहि वुत्तं भगवतो वण्णकथं सुत्वा ओलोकेतुकामताय आगतोति दस्सेति, **यथाकथन्ति** वा कीदिसं । “यथाकथं पन तुम्हे भिक्खवे समग्गा सम्पोदमाना अविवदमाना फासुकं वस्सं वसिस्था”तिआदीसु (पारा० १९४) विय हि पुच्छायं एस निपातसमुदायो, एको वा निपातो ।

गन्धकुटिपरिवेणेति गन्धकुटिया परिवेणे, गन्धकुटितो बहि परिवेणभन्तरेति अत्थो । **तत्थाति** मज्जके । “**सीहसेय्यं कप्पेसी**”ति यथा राहु असुरिन्दो आयामतो, विथारतो, उब्बेधतो च भगवतो रूपकायस्स परिच्छेदं गहेतुं न सक्कोति, तथा रूपं इद्धाभिसङ्घारं अभिसङ्घरोन्तो **सीहसेय्यं कप्पेसी**”ति (दी० नि० टी० १.३०४) एवं आचरियेन वुत्तं, “तदेतं ‘न मया असुरिन्द अधोमुखेन पारमियो पूरिता, उद्धग्गमेव कत्वा दानं दिन्न’न्ति अट्टकथावचनेन अच्चन्तमेव विरुद्धं होति । एतज्झि गन्धकुटिद्वारविवरणादीसु विय पारमितानुभावसिद्धिदस्सनं, अज्जथा तदेव वचनं वत्तब्बं भवेय्या”ति वदन्ति, वीमंसित्वा सम्पटिच्छितब्बं । **अधोमुखेनाति** ओसक्कितवीरियतं सन्धाय वुत्तं, **उद्धग्गमेवाति** अनोसक्कितवीरियतं, उब्भकोटिकं कत्वाति अत्थो । तदा राहु उपासकभावं पटिवेदेसीति आह “**तं दिवस**”न्तिआदि ।

किलेसेहि आरकत्ता **अरियं** निरुत्तिनयेन, अतोयेव उत्तमता परिसुद्धताति वुत्तं “**उत्तमं परिसुद्ध**”न्ति । **अनवज्जेन कुसलं**, न सुखविपाकडेन तस्स अरहतमसम्भवतो । **कुसलसीलेनाति** अनवज्जेनेव विद्धस्तसवासनकिलेसेन सीलेन । एवञ्च कत्वा पदचतुक्कम्पेतं अधिपेतत्थतो विसिद्धं होति, सदत्थमत्तं पन सन्धाय “**इदमस्स वेवचन**”न्ति वृत्तं ।

कथचि चतुरासीतिपाणसहस्सानि, कथचि अपरिमाणापि देवमनुस्साति अत्थं सन्धाय

“भगवतो एकेकाय धम्मदेसनाया”तिआदिमाह । महासमयसुत्त (दी० नि० २.३३१ आदयो) मङ्गलसुत्त- (खु० पा० ५.१ आदयो; सु०नि० २६१ आदयो) -देसनादीसु हि चतुर्वीसतिया ठानेसु असङ्ख्येय्या अपरिमेय्या देवमनुस्सा मग्गफलमतं पिविसु । कोटिसतसहस्रादिपरिमाणेनपि बहू एव, निदस्सनवसेन पनेवं वुत्तं । तस्मा अनुत्तरसिक्खापकभावेन भगवा बहूनं आचरियो, तेसं आचरियभूतानं सावकानमाचरियभावेन सावकवेनेय्यानं पाचरियो । भगवता हि दिन्ननये ठत्वा सावका वेनेय्यं विनेन्ति, तस्मा भगवाव तेसं पधानो आचरियोति ।

वदन्तस्साधिप्पेतोव अत्थो पमाणं, न लक्खणहारादिविसयोति आह “ब्राह्मणो पना”तिआदि । “इमस्स वा पूतिकायस्सा”ति पाठावसाने पेय्यालं कत्वा “केलना पटिकेलना”ति वुत्तं । अयञ्चि खुद्दकवत्थुविभङ्गपाळि (विभं० ८५४) “बाहिरानं वा परिक्खारानं मण्डना”तिआदि पेय्यालवसेन गच्छति । तत्थ इमस्स वा पूतिकायस्साति इमस्स वा मनुस्ससरीरस्स । यथा हि तदहुजातोपि सिङ्गालो “जरसिङ्गालो” त्वेव, ऊरुप्पमाणापि च गलेचिलता “पूतिलता” त्वेव सङ्ख्यं गच्छति, एवं सुवण्णवण्णोपि मनुस्ससरीरो “पूतिकायो” त्वेव, तस्स मण्डनाति अत्थो । केलनाति कीळना । “केलायना”तिपि पठन्ति । पटिकेलनाति पटिकीळना । चपलस्स भावो चापल्यं, चापल्लं वा, येन समन्नागतो पुग्गलो वस्ससतिकोपि समानो तदहुजातदारको विय होति, तस्सेदमधिवचनन्ति वेदितब्बं ।

अपापे पुरे करोति, न वा पापं पुरे करोतीति अपापपुरेक्खारोति युत्तायुत्तसमासेन दुविधमत्थं दस्सेतुं “अपापे नवलोकुत्तरधम्मे”तिआदि वुत्तं । अपापेति च पापपटिपक्खे, पापविरहिते वा । ब्रह्मनि सेट्ठे भगवति भवा तस्स धम्मदेसनावसेन अरियाय जातिया जातत्ता, ब्रह्मनो वा भगवतो अपच्चं गरुकरणादिना, यथानुसिद्धं पटिपत्तिया च, ब्रह्मं वा सेट्ठं अरियमग्गं जानातीति ब्रह्मज्जा, अरियसावकसङ्घाता पजा । तेनाह “सारिपुत्तमोगल्लाना”तिआदि । ब्राह्मणपजायाति बहितपापपजाय । “अपापपुरेक्खारो”ति एत्थ “पुरेक्खारो”ति पदमधिकारोति दस्सेति “एतिस्साय च पजाय पुरेक्खारो”ति इमिना । च-सद्दो समुच्चयत्थो “न केवलं अपापपुरेक्खारो एव, अथ खो ब्रह्मज्जाय च पजाय सम्बन्धभूताय पुरेक्खारो”ति । “अयञ्ही”तिआदि अधिप्पायमत्तदस्सनं । “अपापपुरेक्खारो”ति इदं “ब्रह्मज्जाय पजाया”ति इमिनाव सम्बन्धितब्बं, न च पच्चेकमत्थदीपकं, पकतिब्राह्मणजातिवसेनपि चेतस्स अत्थो वेदितब्बोति दस्सेन्तो “अपिचा”तिआदिमाह । अयुत्तसमासो चायं । पापन्ति पापकम्मं, अहितं दुक्खन्ति अत्थो ।

तस्स सम्बन्धिपेक्खत्ता कस्सा अपापपुरेक्खारोति पुच्छाय एवमाहाति दस्सेतुं
 “कस्सा”तिआदि वुत्तं । “अत्तना”तिआदि तदत्थविवरणं । ब्राह्मणपजायाति
 ब्राह्मणजातिपजाय ।

रज्जन्ति अट्ठं भजन्ति राजानो एतेनाति रट्ठं, एकस्स रज्जो
 रज्जभूतकासिकोसलादिमहाजनपदा । जना पज्जन्ति सुखजीविकं पापुणन्ति एत्थाति जनपदो,
 एकस्स रज्जो रज्जे एकेककोट्टासभूता उत्तरपथदक्खिणपथादिबुद्धकजनपदा । तत्थाति तथा
 आगतेसु । पुच्छायाति अत्तना अभिसङ्गताय पुच्छाय । विस्सज्जनासम्पटिच्छनेति विस्सज्जनाय
 अत्तनो जाणेन सम्पटिग्गहणे । केसज्जि उपनिस्सयसम्पत्तिं, जाणपरिपाकं, चित्ताचारज्ज
 जत्वा भगवाव पुच्छाय उस्साहं जनेत्वा विस्सज्जेतीति अधिष्पायो ।

“तत्थ कतमं साखल्य”न्तिआदि निक्खेपकण्डपाळि (ध० स० १३५०) ।
 अद्धानदरथन्ति दीघमग्गागमनपरिस्समं । अस्साति भगवतो, मुखपदुमन्ति सम्बन्धो ।
 बालातपसम्फस्सनेनेवाति अभिनवुग्गतसूरियरसिसम्फस्सनेन इव । तथा हि सूरियो
 “पद्मबन्धू”ति लोके पाकटो, चन्दो पन “कुमुदबन्धू”ति । पुण्णचन्दस्स सिरिया समाना
 सिरि एतस्साति पुण्णचन्दसस्सिरिकं । कथं निक्कुज्जितसदिसताति आह
 “सम्पत्ताया”तिआदि । एत्थ पन “एहि स्वागतवादी”ति इमिना सुखसम्भासपुब्बकं
 पियवादितं दस्सेति, “सखिलो”ति इमिना सण्हवाचतं, “सम्मोदको”ति इमिना
 पटिसन्धारकुसलतं, “अब्भाकुटिको”ति इमिना सब्बत्थेव विप्पसन्नमुखतं, “उत्तानमुखो”ति
 इमिना सुखसल्लापतं, “पुब्बभासी”ति इमिना धम्मानुग्गहस्स ओकासकरणेन हितज्झासयतं
 दस्सेतीति वेदितब्बं ।

यत्थ किराति एत्थ किर-सदो अरुचिसूचने -

“खणवत्थुपरित्तता, आपाथं न वजन्ति ये ।
 ते धम्मारम्मणा नाम, ये’सं रूपादयो किरा”ति ।।-

आदीसु (अभिधम्मवतार-अट्ठकथायं आरम्मणविभागे छट्ठअनुच्छेदे - ७७) विय, तेन
 भगवता अधिवुत्थपदेसे न देवतानुभावेन मनुस्सानं अनुपद्दवता, अथ खो बुद्धानुभावेनाति
 दस्सेति । बुद्धानुभावेनेव हि ता आरक्खं गणहन्ति । पंसुपिसाचकादयोति

पंसुनिस्सितपिसाचकादयो । आदिसद्देन भूतरक्खसादीनं गहणं । इदानि बुद्धानुभावमेव पाकटं कत्वा दस्सेतुं “अपिचा”तिआदि वुत्तं ।

अनुसासितब्बो सङ्घो नाम सब्बोपि वेनेय्यजनसमूहो । सयं उप्पादितो सङ्घो नाम निब्बत्तितअरियपुग्गलसमूहो । “तादिसो”ति इमिना “सयं वा उप्पादितो”ति वुत्तविकप्पो एव पच्चासङ्घो अनन्तरस्स विधि पटिसेधोवाति कत्वा, तस्मा “पुरिमपदस्सेव वा”ति विकप्पन्तरगहणन्ति आचरियेन (दी० नि० टी० १.३०४) वुत्तं । तत्रायमधिप्पायो – कामं “गणी”ति इदं “सङ्घी”ति पदस्सेव वेवचनं, अत्थमत्तं पन दस्सेतुं यथावुत्तविकप्पद्वये दुतियविकप्पमेव पच्चासित्वा “तादिसोवस्स गणो अत्थी”ति वुत्तत्ता अवसिद्धस्सपि पठमविकप्पस्स सङ्गहणत्थं “पुरिमपदस्सेव वा वेवचनमेत”न्ति वुत्तन्ति । एवमपि वदन्ति – धम्मसेनापत्तिथेरादीनं पच्चेकगणीनं गणं, सुत्तन्तिकादिगणं वा सन्धाय “तादिसो”तिआदि वुत्तं । तत्थापि हि सब्बोव भिक्खुगणो अनुसासितब्बो नाम, निब्बत्तितअरियगणो पन सयं उप्पादितो नाम, तस्मा “तादिसो”ति इमिना विकप्पद्वयस्सापि पच्चासित्वा उपपन्नं होति । एवं पदद्वयस्स विसेसत्थतं दस्सेत्वा सब्बथा समानत्थतं दस्सेतुं “पुरिमपदस्सेवा”तिआदि वुत्तन्ति । पूरणमक्खलिआदीनं बहून् तिथ्थकरानं, निद्धारणे चेतं सामिवचनं । अचेलकादिमत्तकेनपि कारणेनाति निच्चोळतादिमत्तकेनपि अप्पिच्छसन्तुडुतादिसमारोपन-लक्खणेन कारणेन ।

नवकाति अभिनवा । पाहुनकाति पहेणकं पटिग्गण्हितुमनुच्छविका, एतेन दुविधेसु आगन्तुकेसु पुरेतरमागतवसेन इथ अतिथिनो, न भोजनवेलायमागतवसेन अब्भागताति दस्सेति । परियापुणामीति परिच्छिन्दितुं जानामि, धात्वत्थमत्तं पन दस्सेतुं “जानामी”ति वुत्तं ।

कप्पम्पीति आयुकप्पम्पि, भण्येय्य चेति सम्बन्धो । चिरं चिरकाले कप्पो खीयेथ, दीघमन्तरे दीघकालन्तरेपि तथागतस्स वण्णो न खीयेथाति योजना । “चिर”न्ति चेत्य वत्तब्बेपि छन्दहानिभया रस्सत्थं निग्गहितलोपो, अतिदीघकालं वा सन्धाय “चिरदीघमन्तरे”ति वुत्तं, उभयत्थ सम्बन्धितब्बमेतं, किरियारहादियोगे विय च अन्तरयोगे अधिकक्खरपादो अनुपवज्जो, अयज्ज गाथा अभूतपरिकप्पनावसेन अट्ठकथासु (दी० नि० अट्ठ० १.३०४; ३.१४१; म० नि० अट्ठ० २.४२५; उदा० अट्ठ० ५३; बु० वं०

अट्ट० ४.४; चरिया० पि० अट्ट० निदानकथा, पकिण्णककथा; अप० अट्ट० २.७.२०) वृत्ता तथा भासमानस्स अभावतो ।

३०५. नन्ति आचरियं । अलं-सद्वो इध अरहत्यो “अलमेव निब्बिन्दितु”न्तिआदीसु (दी० नि० २.२७२; सं० नि० १.२.१३४, १४३) वियाति आह “युत्तमेवा”ति । पुटेन नेत्वा असितब्बतो परिभुज्जितब्बतो पुटोसं वुच्चति पाथेय्यं । इत्थम्भूतलक्खणे करणवचनं दस्सेति “तं गहेत्वा”ति इमिना । पाळियं पुटंसेनपि कुलपुत्तेनाति सम्बन्धं दस्सेतुं “तेन पुटंसेना”ति वृत्तं । “अंसेना”तिआदि अधिप्पायमत्तदस्सनं, वहन्तेन कुलपुत्तेन उपसङ्गमितुं अलमेवाति अत्थो ।

सोणदण्डपरिवितक्कवण्णना

३०६-७. न इध तिरो-सद्वो “तिरोकुट्टे वा तिरोपाकारे वा छड्डेय्य वा छड्डापेय्य वा”तिआदीसु (पाचि० ८२५) विय बहिअत्थोति आह “अन्तोवनसण्डे गतस्सा”ति । तत्थ विहारोपि वनसण्डपरियापन्नोति दस्सेति “विहारब्भन्तरं पविट्ठस्सा”ति इमिना । एते अज्जलिं पणामेत्वा निसिन्ना मिच्छादिट्ठिवसेन उभतोपक्खिका, “इतरे पन सम्मादिट्ठिवसेन एकतोपक्खिका”ति अत्थतो आपन्नो होति । दलिदत्ता, जातिपारिजुज्जादिना जिण्णत्ता च नामगोत्तवसेन अपाकटा हुत्वा पाकटा भवितुकामा एवमकंसूति अधिप्पायो । केराटिकाति सठा । तत्थाति द्वीसु जनेसु । ततोति विस्सासतो, दानतो वा ।

ब्राह्मणपज्जत्तिवण्णना

३०९. अनोनतकायवसेन थद्धगत्तो, न मानवसेन । तेन पाळियं वक्खति “अब्भुन्नामेत्वा”ति । चेतोवितक्कं सन्धाय चित्तसीसेन “चित्तं अज्जासी”ति वृत्तं । विधातन्ति चित्तदुक्खं ।

३११. सकसमयेति ब्राह्मणलद्धियं । मीयमानोति मरियमानो । दिट्ठिसज्जाननेनेवाति अत्तनो लद्धिसज्जाननेनेव । सुजन्ति होमदब्धिं, निब्बचनं वृत्तमेव । गणहन्तेसूति जुहनत्थं गणहनकेसु, इरुविज्जेसूति अत्थो । इरुवेदवसेन होमकरणतो हि यज्जयजका “इरुविज्जा”ति वुच्चन्ति । पठमो वाति तत्थ सन्निपतितेसु सुजाकिरियायं सब्बपधानो वा ।

दुतियो वाति तदनन्तरिको वा। “सुज”न्ति इदं करणत्थे उपयोगवचनन्ति आह “सुजाया”ति। अग्निहुत्तमुखताय यज्जस्स यज्जे दिव्यमानं सुजामुखेन दिव्यति। वुत्तज्ज “अग्निहुत्तमुखा यज्जा, साविती छन्दसो मुख”न्ति (म० नि० २.४००)। तस्मा “दिव्यमान”न्ति अयं पाठसेसो विज्जायतीति आचरियेन (दी० नि० टी० १.३११) वुत्तं। अपिच सुजाय दिव्यमानं सुजन्ति तद्धितवसेन अत्थं दस्सेतुं एवमाह। पोराणाति अट्ठकथाचरिया। पुरिमवादे चेत्थ दानवसेन पठमो वा दुतियो वा, पच्छिमवादे आदानवसेनाति अयमेतेसं विसेसो। विसेसतोति विज्जाचरणविसेसतो, न ब्राह्मणेहि इच्छितविज्जाचरणमत्ततो। उत्तमब्राह्मणस्साति अनुत्तरदक्खिण्येय्यताय उक्कट्टब्राह्मणस्स। यथाधिपेत्तस्स हि विज्जाचरणविसेसदीपकस्स “कतमं पन तं ब्राह्मणसीलं, कतमा सा पज्जा”तिआदिवचनस्स ओकासकरणत्थमेव “इमेसं पन ब्राह्मण पञ्चन्नं अज्झान”न्तिआदिवचनं भगवा अवोच, तस्मा पधानवचनानुरूपमनुसन्धिं दस्सेतुं “भगवा पना”तिआदि वुत्तन्ति दट्ठब्बं।

३१३. अपवदतीति वण्णादीनि अपनेत्वा वदति, अत्थमत्तं पन दस्सेतुं “पटिक्खिपती”ति वुत्तं। इदन्ति “मा भवं सोणदण्डो एवं अवचा”तिआदिवचनं। ब्राह्मणसमयन्ति ब्राह्मणसिद्धन्तं। मा भिन्दीति मा विनासेसि।

३१६. समोयेव हुत्वा समोति समसमो, सब्बथा समोति अत्थो। परियायद्वयज्झि अतिसयत्थदीपकं यथा “दुक्खदुक्खं, रूपरूप”न्ति। एकदेसमत्ततो पन अज्झकेन माणवेन तेसं समभावतो तं निवत्तेन्तो “ठपेत्वा एकदेसमत्त”न्तिआदिमाह। कुलकोटिपरिदीपनन्ति कुलस्स आदिपरिदीपनं। यस्मा अत्तनो भगिनिया...पे०... न जानिस्सति, तस्मा न तस्स मातापितुमत्तं सन्धाय वदति, कुलकोटिपरिदीपनं पन सन्धाय वदतीति अधिप्पायो। “अत्थभज्जनक”न्ति इमिना कम्मपथपत्तं वदति। गुणेति यथावुत्ते पञ्चसीले। अथापि सियाति यदिपि तुम्हाकं एवं परिवितक्को सिया, भिन्नसीलस्सापि पुन पकतिसीले ठितस्स ब्राह्मणभावं वण्णादयो साधेन्तीति एवं सियाति अत्थो। “साधेती”ति पाठे “वण्णो”ति कत्ता आचरियेन (दी० नि० टी० १.३१६) अज्झाहटो, निदस्सनज्जेतं। मन्तजातीसुपि हि एसेव नयो। सीलमेवाति पुन पकतिभूतं सीलमेव ब्राह्मणभावं साधेस्सति, कस्माति चे “तस्मिं हि...पे०... वण्णादयो”ति। तत्थ सम्मोहमत्तं वण्णादयोति वण्णमन्तजातियो ब्राह्मणभावस्स अज्झन्ति सम्मोहमत्तमेतं, असमवेक्खित्वा कथितमिदं।

सीलपञ्जाकथावण्णना

३१७. कथितो ब्राह्मणेन पञ्होति “सीलवा च होती”तिआदिना द्विन्नमेव अङ्गानं वसेन यथापुच्छितो पञ्हो याथावतो विस्सज्जितो । एत्थाति यथाविस्सज्जिते अत्थे, अङ्गद्वये वा । तस्साति सोणदण्डस्स । यदि एकमङ्गं ठपेय्य, अथ पतिट्ठातुं न सक्कुणेय्य । यदि पन न ठपेय्य, अथ सक्कुणेय्य, किं पनेस तथा सक्खिस्सति नु खो, नोति वीमंसनत्थमेव एवमाह, न तु एकस्स अङ्गस्स ठपनीयत्ताति वुत्तं होति । तथा चाह “एवमेतं ब्राह्मणा”तिआदि । धोवितत्ताव परिसुज्जनन्ति आह “सीलपरिसुद्धा”ति, सीलसम्पत्तिया सब्बसो सुद्धा अनुपक्किलिट्ठाति अत्थो । कुतो दुस्सीले पञ्जा असमाहितत्ता तस्स । कुतो वा पञ्जारहिते जळे एळमूगे सीलं सीलविभागस्स, सीलपरिसोधनूपायस्स च अजाननतो । एळा मुखे गळति यस्साति एळमूगो ख-कारस्स ग-कारं कत्वा, एलमुखो, एलमूको वा । इति बहुधा पाठोति भयभेरवसुत्तदुकथायं (म० नि० अट्ठ० १.४८) वुत्तो । पकडुं उक्कडुं जाणं पञ्जाणन्ति कत्वा पाकतिकं जाणं निवत्तेतुं “पञ्जाण”न्ति वुत्तं । विपस्सनादिजाणज्झि इधाधिप्पेतं, तदेतं पकारेहि जाननतो पञ्जावाति आह “पञ्जायेवा”ति ।

चतुपारिसुद्धिसीलेन धोताति समाधिपदद्वानेन चतुपारिसुद्धिसीलेन सकलसंकिलेसमलविसुद्धिया धोविता विसुद्धा । तेनाह “कथं पना”तिआदि । तत्थ धोवतीति सुज्जति । सट्ठिअसीतिवस्सानीति सट्ठिवस्सानि वा असीतिवस्सानि वा । मरणकालेपि, पगेव अज्जस्मिं काले । महासट्ठिवस्सत्थेरो वियाति सट्ठिवस्समहाथेरो विय । वेदनापरिगहमत्तम्पीति एत्थ वेदनापरिगहो नाम यथाउप्पन्नं वेदनं सभावसरसतो उपधारेत्वा पुन पदद्वानतो “अयं वेदना फस्सं पटिच्च उप्पज्जति, सो च फस्सो अनिच्चो दुक्खो विपरिणामधम्मो”ति लक्खणत्तयं आरोपेत्वा पवत्तितविपस्सना । एवं पस्सन्तेन हि सुखेन सक्का सा वेदना अधिवासेतुं “वेदना एव वेदयती”ति । वेदनं विक्खम्भेत्वाति यथाउप्पन्नं दुक्खवेदनं अनुवत्तित्वा विपस्सनं आरभित्वा वीथिपटिपन्नाय विपस्सनाय तं विनोदेत्वा । संसुमारपतितेनाति कुम्भीलेन विय भूमियं उरेन निपज्जमानेन । “नाह”न्तिआदिं तथा सीलरक्खणमेव दुक्करन्ति कत्वा वदति । सीले पतिट्ठितस्स हि अरहतं हत्थगतंयेव । यथाह “सीले पतिट्ठाय...पे०... विजटये जट”न्ति (सं० नि० १.१.२३, १९२; पेटको० २२; मि० प० २.९) चतूसु पुगलेसु उग्घाटितज्जुनो एवायं विसयोति आह “उग्घाटितज्जुताया”ति । पञ्जाय सीलं धोवित्वाति सीलं आदिमज्जपरियोसानेसु

अखण्डादिभावापादनेन पञ्जाय सुविसोधितं कत्वा । सन्ततिमहामत्तवत्थु धम्मपदे (ध० प० अट्ठ० २.सन्तिमहामत्तवत्थु) ।

३१८. “कस्मा आहा”ति उपरिदेसनाय कारणं पुच्छति । लज्जा नाम “सीलस्स च जातिया च गुणदोसप्पकासनेन समणेन गोतमेन पुच्छितपञ्चं विस्सज्जेसी”ति परिसाय पञ्जातता, सा तथा विस्सज्जितुमसमत्थताय भिज्जिस्सतीति अत्थो, पठमं अलज्जमानोपि इदानीं लज्जिस्सामीति वुत्तं होति । परमन्ति पमाणं । “एत्तकपरमा मय”न्ति पदानं तुल्याधिकरणतं दस्सेतुं “ते मय”न्ति वुत्तं । इदं वुत्तं होति – “सीलपञ्जाण”न्ति वचनमेव अम्हाकं परमं, तदत्थभूतानि पञ्चसीलानि, वेदत्तयविभावनं पञ्चञ्च लक्खणादितो निद्धारेत्वा जाननं नत्थि, केवलं तत्थ वचीपरमाव मयन्ति । अयं पनेत्थ अट्ठकथामुत्तकनयो – एत्तकपरमाति एत्तकउक्कंसकोटिका, पठमं पञ्हाविस्सज्जनाव अम्हाकं उक्कंसकोटीति अत्थो । तेनाह “मया सकसमयवसेन पञ्हो विस्सज्जितो”ति । परन्ति अतिरेकं । भासितस्साति वचनस्स सदस्स ।

अयं पन विसेसोति सीलनिद्देसे निय्यातनमत्तं अपेक्खित्वा वुत्तं । तेनाह “सीलमिच्चेव निय्यातित”न्ति । सामञ्जफलसुत्ते (दी० नि० १.१५०) हि सीलं निय्यातेत्वापि पुन सामञ्जफलमिच्चेव निय्यातितं । सब्बेसम्पि महग्गतचित्तानं जाणसम्पयुत्तत्ता, झानानञ्च तं सम्पयोगतो “अत्थतो पञ्जासम्पदा”ति वुत्तं । पञ्जानिद्देसे हि झानपञ्चं अधिट्ठानं कत्वा पठमं विपस्सनापञ्जा निय्यातिता । तेनाह “विपस्सनापञ्जाया”तिआदि ।

सोणदण्डउपासकतपटिवेदनाकथावण्णना

३२१. दहरो युवाति एत्थ दहरवचनेन पठमयोब्बनभावं दस्सेति । पठमयोब्बनकालगतो हि “दहरो”ति वुच्चति । पुत्तस्स पुत्तो नत्ता नाम । नप्पहोतीति न सम्पज्जति, पुत्तनत्तप्पमाणोपि न होतीति अत्थो । “आसना मे तं वुट्ठान”न्ति एतस्स अत्थापत्तिं दस्सेतुं “मम अगारवेना”तिआदि वुत्तं । एतन्ति अञ्जलिपग्गहणं । अयञ्चि यथा तथा अत्तनो महाजनस्स सम्भावनं उप्पादेत्वा कोहञ्जेन परे विम्हापेत्वा लाभुप्पादनं निजिगीसन्तो विचरति, तस्मास्स अतिविय कुहकभावं दस्सेन्तो “इमिना किरा”तिआदि

वदति । अगारवं नाम नत्थीति अगारववचनं नाम नत्थि, नायं भगवति अगारवेन “अहञ्चेव खो पना”तिआदिमाह, अथ खो अत्तनो लाभपरिहानिभयेनेवाति वुत्तं होति ।

३२२. तङ्गणानुरूपायाति यादिसी तदा तस्स अज्झासयप्पवत्ति, तदनुरूपायाति मज्झेपदलोपेन अत्थो । तदा तस्स विवट्टसन्निस्सितस्स तादिसस्स जाणपरिपाकस्स अभावतो केवलं अब्भुदयसन्निस्सितो एव अत्थो दस्सितोति आह “दिट्ठधम्मिकसम्परायिकं अत्थं सन्दस्सेत्वा”ति, पच्चवक्खतो विभावेत्वाति अत्थो । कुसले धम्मेति तेभूमके कुसलधम्मे, अयमेत्थ निप्परियायतो अत्थो । परियायतो पन “चतुभूमके”तिपि वत्तुं वट्ठति लोकुत्तरकुसलस्सपि आयतिं लब्धमानत्ता । तथा हि वक्खति “आयतिं निब्बानत्थाय, वासनाभागियाय वा”ति । तत्थाति कुसले धम्मे यथासमादपिते । नन्ति सोणदण्डब्राह्मणं । समुत्तेजेत्वाति सम्मदेव उपरूपरि निसानेत्वा पुञ्जकिरियाय तिकखविसदभावमापादेत्वा । तं पन अत्थतो तत्थ उस्साहजननमेव होतीति आह “सउस्साहं कत्वा”ति । ताय च सउस्साहतायाति एवं पुञ्जकिरियाय सउस्साहता नियमतो दिट्ठधम्मिकादिअत्थसम्पादनीति यथावुत्ताय सउस्साहताय च सम्पहंसेत्वाति सम्बन्धो । अज्जेहि च विज्जमानगुणेहीति एवरूपा ते गुणसमङ्गिता च एकन्तेन दिट्ठधम्मिकादिअत्थनिष्पादनीति तस्मिं विज्जमानेहि, अज्जेहि च गुणेहि सम्पहंसेत्वा सम्मदेव हट्टतुट्टभावमापादेत्वाति अत्थो ।

यदि भगवा धम्मरतनवस्सं वस्सि, अथ कस्मा सो विसेसं नाधिगच्छीति चोदनं सोधेतुं “ब्राह्मणो पना”तिआदि वुत्तं । कुहकतायाति वुत्तनयेन कोहञ्जकत्ता, इमिना पयोगसम्पत्तिअभावं दस्सेति । यज्जेवं कस्मा भगवा तस्स तथा धम्मरतनवस्सं वस्सीति पटिचोदनम्पि सोधेन्तो “केवलमस्सा”तिआदिमाह । तत्थ केवलन्ति निब्बेधासेवखभागियेन असम्मिस्सं । निब्बानत्थायाति निब्बानाधिगमत्थाय, परिनिब्बानत्थाय वा । आयतिं विसेसाधिगमनूपायभूता पुञ्जकिरियासु परिचयसङ्घाता वासना एव भागो, तस्मिं उपायभावेन पवत्ताति वासनाभागिया । न हि भगवतो निरत्थका चतुप्पदिकगाथातत्तापि धम्मदेसना अत्थि । तेनाह “सब्बा पुरिमपच्छिमकथा”ति । आदितो चेत्थ पभुति याव ब्राह्मणस्स विस्सज्जनापरियोसानं, ताव पुरिमकथा, भगवतो पन सीलपज्जाविस्सज्जना पच्छिमकथा । ब्राह्मणेन वुत्तापि हि बुद्धगुणादिपटिसञ्जुत्ता कथा आयतिं निब्बानत्थाय वासनाभागिया एवाति । सेसं सुविज्जेय्यमेव ।

इति सुमङ्गलविलासिनिया दीघनिकायट्ठकथाय परमसुखुमगम्भीरदुरनुबोधत्थपरिदीपनाय

सुविमलविपुलपञ्जावेय्यत्तियजननाय साधुविलासिनिया नाम लीनत्थपकासनिया
सोणदण्डसुत्तवण्णनाय लीनत्थपकासना ।

सोणदण्डसुत्तवण्णना निद्धिता ।

५. कूटदन्तसुत्तवण्णना

३२३. एवं सोणदण्डसुत्तं संवण्णेत्वा इदानीं कूटदन्तसुत्तं संवण्णेन्तो यथानुपुब्बं संवण्णनोकासस्स पत्तभावं विभावेतुं, सोणदण्ड सुत्तस्सानन्तरं सङ्गीतस्स सुत्तस्स कूटदन्तसुत्तभावं वा पकासेतुं “एवं मे सुत्तं...पे०... मगधेसूति कूटदन्तसुत्त”न्ति आह । “मगधा नाम जनपदिनो राजकुमारा”तिआदीसु अम्बड्डसुत्ते कोसलजनपदवण्णनायं अम्हेहि वुत्तनयो यथारहं नेतब्बो । अयं पनेत्थ विसेसो – मगेन सद्धिं धावन्तीति मगधा, राजकुमारा, मंसेसु वा गिज्झन्तीति मगधा निरुत्तिनयेन । रुद्धितो, पच्चयलोपतो च तेसं निवासभूतेषु जनपदे वुद्धि न होतीति नेरुत्तिका । जनपदनामेयेव बहुवचनं, न जनपदसद्दे जातिसद्दत्ताति वुत्तं “तस्मिं मगधेसु जनपदे”ति । इतो परन्ति “मगधेसू”ति पदतो परं “चारिकं चरमानो”तिआदिवचनं । पुरिमसुत्तद्वयेति अम्बड्डसोणदण्डसुत्तद्वये । वुत्तनयमेवाति यं तत्थ आगतसदिसं इध्वागतं, तं अत्थवण्णनातो वुत्तनयमेव, तत्थ वुत्तनयेनेव वेदितब्बन्ति वुत्तं होति । “तरुणो अम्बरुक्खो अम्बलड्डिका”ति ब्रह्मजालसुत्तवण्णनायं (दी० नि० अट्ठ० १.२) वुत्तत्ता “अम्बलड्डिका ब्रह्मजाले वुत्तसदिसावा”ति आह ।

यज्जावाटं सम्पादेत्वा महायज्जं उद्दिस्स सविज्जाणकानि, अविज्जाणकानि च यज्जूपकरणानि उपट्ठपितानीति अत्थं सन्धाय “महायज्जो उपकखटो”ति पाळियं वुत्तं, तं पनेतं उपकरणं तेसं तथा सज्जनमेवाति दस्सेति “सज्जितो”ति इमिना । वच्छतरसतानीति युवभावप्पत्तानि बलववच्छसतानि । वच्छनं विसेसाति हि वच्छतरा, ते पन वच्छा एव होन्ति, न दम्मा, न च बलीबद्धाति आह “वच्छसतानी”ति । अयं आचरियमति (दी० नि० टी० १.३२३) । तर-सद्दो वा अनत्थकोति वुत्तं “वच्छसतानी”ति । एवज्हि सब्बोपि वच्छप्पभेदो सङ्गहितो होति । एतेति उसभादयो उरब्भपरियोसाना । अनेकेसन्ति अनेकजातिकानं । मिगपक्खीनन्ति महिसरुरुपसदकुरुङ्गगोकणमिगानज्जेव

मोरकपिञ्जरवट्टकतित्तिर लापादिपक्खीनञ्च । सङ्ख्यावसेन अनेकतं सत्तसत्तग्गहणेन परिच्छिन्दितुं “सत्तसत्तसतानी”ति वुत्तं, सत्तसतानि, सत्तसतानि चाति अत्थो । थूणन्ति यज्जोपकरणानं मिगपक्खीनं बन्धनत्थम्भं । यूपोतिपि तस्स नामं । तेनाह “यूपसङ्घात”न्ति ।

३२८. विधाति विप्पटिसारविनोदना । यो हि यज्जसङ्घातस्स पुज्जस्स उपक्किलेसो, तस्स विधमनतो निवारणतो निरोधनतो विधा वुच्चन्ति विप्पटिसारविनोदना, ता एव पुज्जाभिसन्दं अविच्छिन्दित्वा ठपेन्तीति “ठपना”ति च वुत्ता । अविप्पटिसारतो एव हि उपरूपरि पुज्जाभिसन्दप्पवत्तीति । ठपना चेता यज्जस्स आदिमज्झपरियोसानवसेन तीसु कालेसु पवत्तिया तिप्पकाराति आह “तिट्ठपन”न्ति । परिक्रधारसद्दो चेत्य परिवारपरियायो “परिकरोन्ति यज्जं अभिसङ्घरोन्ती”ति कत्वा । तेनाह “सोळसपरिवार”न्ति ।

महाविजितराजयज्जकथावण्णना

३३६. पुब्बे भूतं भूतपुब्बं यथा “दिट्ठपुब्ब”न्ति आह “पुब्बचरित”न्ति, अत्तनो पुरिमजातिसम्भूतं बोधिसम्भारभूतं पुज्जचरियन्ति अत्थो । तथा हि तस्स अनुगामिनिधिस्स थावरनिधिना निदस्सनं उपपन्नं होति । सद्दविदू पन वदन्ति “भूतपुब्बन्ति इदं कालसत्तमिया नेपातिकपद”न्ति । अतीतकालेति हि तेसं मतेन अत्थो । अस्साति अनेन । महन्तं पथवीमण्डलं विजितन्ति सम्बन्धो । महन्तं वा विजितं पथवीमण्डलमस्स अत्थीति अत्थो । “अन्तोरेट्ठेति यस्स विजिते विहरति, तस्स रट्ठे”तिआदीसु विय हि विजितसद्दो रज्जे पवत्तति, इमिना तस्स एकराजभावं दीपेति, न चक्कवत्तिराजभावं सत्तरतनसम्पन्नताअवचनतो । पाळियं न येन केनचि सन्तकमत्तेन अट्ठताति दस्सेतुं “अट्ठो”ति वत्वा “महद्धनो”ति वुत्तं । तेनाह “यो कोची”तिआदि । अट्ठता हि नाम विभवसम्पन्नता सा च तं तदुपादाय वुच्चति । तथा महद्धनतापीति तं थामप्पत्तं उक्कंसगतं दस्सेतुं “अपरिमाणसङ्घेना”ति आह । भुज्जितब्बट्ठेन विसेसतो कामा इध भोगा नामाति दस्सेति । “पञ्चकामगुणवसेना”ति इमिना । पिण्डपिण्डवसेनाति भाजनालङ्कारादिविभागं अहुत्वा केवलं खण्डखण्डवसेन ।

रूपं अप्पेत्वा, अनप्पेत्वा वा मासप्पमाणेन कतो मासको । आदिसद्देन थालकादीनि सङ्गण्हाति । अनेककोटिसङ्घेनाति कहापणानं कोटिसतादिप्पमाणं सन्धाय वुत्तं हेट्ठिमन्तेन कोटिसतप्पमाणेनेव खत्तियमहासालभावप्पत्तितो ।

तुट्ठीति सुमनता । उपकरणसद्दो चेत्थ कारणपरियायो । किं पन तन्ति आह
 “नानाविधालङ्कारसुवण्णरजतभाजनादिभेद”न्ति । आदिसद्देन वत्थसेय्यावसथादीनि सङ्गहन्ति,
 सुवण्णरजतमणिमुत्तावेळुरियवजिरपवाळानि सत्त रतनानीति वदन्ति । यथाह –

“सुवण्णं रजतं मुत्ता, मणिवेळुरियानि च ।
 वजिरञ्च पवाळन्ति, सत्ताहु रतनानिमे”ति ।।

सालिवीहिआदि सत्तधज्जं सानुलोमं पुब्बन्नं नाम पुरेक्खतं सस्सफलन्ति कत्वा ।
 तब्बिपरियायतो मुग्गमासादि तदवसेसं अपरन्नं नाम । अपरन्नतो पुब्बे पवत्तमन्नं पुब्बन्नं,
 ततो अपरस्मिं पवत्तमन्नं अपरन्नं । न्न-कारस्स पन ण्ण-कारे कते पुब्बण्णं, अपरण्णञ्चाति
 नेरुत्तिका । पुब्बापरभावो पनेतेसं आदिकप्पे सम्भवासम्भववसेन वेदितब्बो । पुरिमं “अट्ठो
 महद्धनो पहूतजातस्वरजतो”ति वचनं देवसिकं परिब्बयदानगहणादिवसेन,
 परिवत्तनधनधज्जवसेन च वुत्तं, इदं पन “पहूतधनधज्जो”ति वचनं निधानगतधनवसेन,
 सङ्गहितधज्जवसेन चाति इमं विसेसं सन्धाय अयं नयो दस्सितो ।
 वीसकहापणम्बणादिदेवसिकवळज्जनम्पि हि महासाललक्खणं ।

इदानी तब्बिपरीतवसेन विसेसं दस्सेतुं “अथ वा”तिआदिना दुतियनयो आरब्धो ।
 इमिना एव हि पुरिमवचनं निधानगतधनवसेन, सङ्गहितधज्जवसेन च वुत्तन्ति अत्थतो सिद्धं
 होति । तत्थ इदन्ति “पहूतधनधज्जो”ति वचनं । अस्साति महाविजितरज्जो । दिवसे दिवसे
 परिभुज्जितब्बं देवसिकं, भावनपुंसकमेतं । दासकम्मकरपोरिसादीनं वेत्तनानुप्पदानं
 परिब्बयदानं । इणसोधनादिवसेन धनधज्जानमादानं गहणं । आदिसद्देन इणदानादीनं सङ्गहो ।
 परिवत्तनधनधज्जवसेनाति कयविककयकरणेन परिवत्तितब्बानं धनधज्जानं वसेन । कत्थचि पन
 समुच्चयविरहितपाठो दिस्सति । तत्थ “परिब्बयदानगहणादिवसेना”ति इदं परिवत्तनपदेन
 सम्बन्धं कत्वा तादिसेन विधिना इतो चितो च परिवत्तेतब्बानं धनधज्जानं वसेनाति अत्थो
 वेदितब्बो ।

कोट्ठं वुच्चति धज्जट्ठपनट्ठानं, तदेव अगारं तथा । तेनाह “धज्जेन
 परिपुण्णकोट्ठागारो”ति । एवं सारगम्भं कोसो, धज्जट्ठपनट्ठानं कोट्ठागारन्ति दस्सेत्वा इदानी
 ततो अज्जथापि तं दस्सेतुं “अथ वा”तिआदि वुत्तं । तत्थ यथा असिनो
 तिक्खभावपरिहारतो परिच्छदो “कोसो”ति वुच्चति, एवं रज्जो तिक्खभावपरिहारकत्ता

चतुरङ्गिनी सेना “कोसो”ति आह “चतुब्बिधो कोसो”तिआदि। “द्वादसपुरिसो हत्थी”तिआदिना (पाचि० ३१४) वुत्तलक्खणेन चेत्य हत्थिआदयो गहेतब्बा। वत्थकोट्टागारगहणेनेव सब्बस्सपि कुप्पभण्डपनट्टानस्स गहितत्ता “कोट्टागारं तिविध”न्तिआदि वुत्तं। जातरूपरजततो हि अज्जं लोहअयदारुविसाणवत्थादिकमसारदब्बं गोपेतब्बतो ग-कारस्स क-कारं कत्वा कुप्पं वुच्चति। जातरूपरजतनिधानं धनकोट्टागारं। तत्थ तत्थ रतनं विलोकेत्वा चरणं रतनविलोकनचारिका। कामं तमत्थं राजा जानाति, भण्डागारिकेन पन कथापेत्वा परिसाय निस्सद्भावपादनत्थमेव एवं पुच्छति। तथा कथापने हि असति परिसा सद्दं करिस्सति “कस्मा राजा परम्परागतं कुलधनं विनासेती”ति, ततो च पकतिक्खोभो भविस्सति, सति पन तथा कथापने “एतंकारणा तं छड्ढेती”ति निस्सद्भावमापज्जिस्सति। ततो च पकतिक्खोभो न भविस्सति, तस्मा तथा पुच्छतीति वेदितब्बं। मरणवसन्ति मरणस्स, मरणसङ्घातं वा विसयं।

३३७. पाळियं “आमन्तेत्वा”ति एतस्स मन्तिनुकामो हुत्वाति अत्थं विज्जापेतुं “एकेन पण्डितेन सद्धिं मन्तेत्वा”ति वुत्तं। धात्वत्थानुवत्तको हेत्थ उपसग्गो, पकरणाधिगतो च कत्थचि अत्थविसेसो यथा “सिक्खमानेन भिक्खवे भिक्खुना अज्जातब्बं परिपुच्छितब्बं परिपज्झितब्ब”न्ति (पाचि० ४३४)। तथा हिस्स पदभाजने वुत्तं “सिक्खमानेनाति सिक्खितुकामेन। अज्जातब्बन्ति जानितब्ब”न्तिआदि (पाचि० ४३६)। आमन्तेसीति मन्तिनुकामोसि। जनपदस्स अनुपद्दवत्थं, यज्जस्स च चिरानप्पवत्तनत्थं ब्राह्मणो चिन्तेसीति आह “अयं राजा”तिआदि। आहरन्तानं मनुस्सानं गेहानीति सम्बन्धो, अनादरे वा एतं सामिवचनं।

३३८. सत्तानं हितसुखस्स विदूसनतो, अहितदुक्खस्स च आवहनतो कण्टकसदिसताय चोरा एव इध “कण्टका”ति वुत्तं “चोरकण्टकेहि सकण्टको”ति। यथा गामवासीनं घातका गामघातका अभेदवसेन, उपचारेन च निस्सयनामस्स निस्सितेपि पवत्तनतो, एवं पन्थिकानं दुहना बाधना पन्थदुहा। धम्मतो अपेतस्स अयुत्तस्स करणसीलो अधम्मकारी, यो वा अत्तनो विजिते जनपदादीनं ततो ततो अनत्थतो तायनेन खत्तियेन कत्तब्बधम्मो, तस्स अकरणसीलोति अत्थो। दस्सूति चोरानमेतं अधिवचनं। दंसेन्ति विद्धंसेन्तीति हि दस्सवो निग्गहीतलोपेन, ते एव खीलसदिसत्ता खीलन्ति दस्सुखीलं। यथा हि खेत्ते खीलं कसनादीनं सुखप्पवत्तिं, मूलसन्तानेन सस्सपरिबुद्धिज्ज विबन्धति, एवं दस्सवोपि रज्जे राजाणाय सुखप्पवत्तिं, मूलविरुद्धिहया जनपदपरिबुद्धिज्ज विबन्धन्ती।

पाणचागं दस्सेतुं “मारणेना”ति वुत्तं, हिंसनं दस्सेतुं “कोट्टेनेना”ति। वधसद्दो हि हिंसनत्थोपि होति “वधति न रोदति, आपत्ति दुक्कटस्सा”तिआदीसु (पाचि० ८८०) विय, कप्परादीहि पोथनेनाति अत्थो। अहु नाम दारुक्खन्धेन कतो बन्धनोपकरणविसेसो, तेन बन्धनं तथा। आदिसद्देन रज्जुबन्धनसङ्कलिकबन्धनघरबन्धनादीनि सङ्गहाति। हा-धातुया जानिपदनिष्फत्तिं दस्सेति “हानिया”ति इमिना, सा च धनहायनमेवाति वुत्तं “सतं गणथा”तिआदि।

पञ्चसिखमत्तं ठपेत्वा मुण्डापनं पञ्चसिखमुण्डकरणं। तं “काकपक्खकरण”न्तिपि वोहरन्ति। सीसे छकणोदकावसेचनं गोमयसिञ्चनं। कुदण्डको नाम चतुहत्थतो ऊनो रस्सदण्डको, यो “गट्टुलो”तिपि वुच्चति, तेन बन्धनं कुदण्डकबन्धनं। आदिसद्देन खुरमुण्डं करित्वा भस्मपुटवधनादीनं सङ्गहो। सम्पासद्दो जायत्थोति आह “हेतुना”तिआदि, परियायवचनमेतं। ऊहनिस्सामीति उद्धरिस्सामि, अपनेस्सामीति अत्थो। पुब्बे तत्थ कतपरिचयताय उस्साहं करोन्ति। “अनुप्पदेतू”ति एतस्स अनु अनु पदेतूति अत्थं सन्धाय “दिन्ने अप्पहोन्ते”तिआदि वुत्तं। कसिउपकरणभण्डं फालपाजनयुगनङ्गलादि, इमिना पाळियं बीजभत्तमेव निदस्सनवसेन वुत्तन्ति दस्सेति। सक्खिकरणपण्णारोपननिबन्धनं वड्डिया सह वा विना वा पुन गहेतुकामस्स दाने होति, इध पन तदुभयम्पि नत्थि पुन अगगहेतुकामत्ताति वुत्तं “सक्खिं अक्त्वा”तिआदि। तेनाह “मूलच्छेज्जवसेना”ति। सक्खिन्ति तदा पच्चक्खकजनं। पण्णे अनारोपेत्वाति तालदिपण्णे यथाचिण्णं लिखनवसेन अनारोपेत्वा। अज्जत्थ पण्णाकारेपि पाभतसद्दो, इध पन भण्डमूलेयेवाति आह “भण्डमूलस्सा”तिआदि। भण्डमूलज्झि पकारतो उदयभण्डानि आभरति संहरति एतेनाति पाभतं। उदयधनतो पगेव आभतं पाभतन्ति सद्दविदू, पण्णाकारो पन तं तदत्थं पत्थेन्तेहि आभरीयतेति पाभतं। पत्थनत्थजोतको हि अयं प-सद्दो।

“यथाहा”तिआदिना पाभतसद्दस्स मूलभण्डत्थतं चूळसेट्टिजातकपाठेन (जा० १.१.४) साधेति। तत्रायमट्टकथा (जा० अट्ट० १.१.४) “अप्पकेनपीति थोकेनपि परित्थकेनपि। मेधावीति पज्जवा। पाभतेनाति भण्डमूलेन। विचक्खणोति वोहारकुसलो। समुट्ठापेति अत्तानन्ति महन्तं धनञ्च यसञ्च उप्पादेत्वा तत्थ अत्तानं सण्ठापेति पतिट्ठापेति। यथा किं? अणुं अग्गिं सन्धमं, यथा पण्डितपुरिसो परित्थं अग्गिं अनुक्कमेन गोमयचुण्णादीनि पक्खिपित्वा मुखवातेन धमन्तो समुट्ठापेति वट्ठेति महन्तं अग्गिक्खन्धं करोति, एवमेव पण्डितो थोकम्पि पाभतं लभित्वा नानाउपायेहि पयोजेत्वा धनञ्च यसञ्च वट्ठेति, वट्ठेत्वा

च पन तत्थ अत्तानं पत्तिट्ठापेति, ताय एव वा पन धनयसमहन्तताय अत्तानं समुट्ठापेति, अभिज्जातं पाकटं करोतीति अत्थो”ति ।

दिवसे दिवसे दातब्बं देवसिकं । मासे मासे दातब्बं मासिकं । आदिसद्देन अनुपोसथिकादीनि सङ्गणहाति । तस्स तस्स पुरिसस्स । कुसलानुरूपेन, कम्मनुरूपेन सूरभावानुरूपेनाति द्वन्दतो परं सुय्यमानो अनुरूपसद्दो पच्चेकं योजेतब्बो । छेकभावानुरूपता चेत्थ कुसलानुरूपं । कत्थचि कुलसद्दो दिस्सति, सो च जाणुसोणिआदिकुलानमिव कुलानुरूपमि दातब्बतो युज्जतेव । सेनापच्चादि ठानन्तरं, इमिना भत्तवेतनं निदिट्ठमत्तन्ति दस्सेति । सककम्मपसुत्ता, अनुपद्दवत्ता च धनधज्जानं रासिको रासिकारभूतो । खेमेन ठिताति अनुपद्दवेन पवत्ता । तेनाह “अभया”ति, कुतोचिपि भयरहिताति अत्थो । मोदा मोदमानाति मोदाय मोदमाना, सोमनस्सेनेव मोदमाना, न संसन्दनमत्तेनाति वुत्तं होति । “भगवता सद्धिं सम्मोदी”तिआदीसु (दी० नि० १.३८१) हि मुदसद्दो संसन्दनेपि पवत्तति, अज्जे मोदा हुत्वा अपरेपि मोदमाना विहरन्तीति वा अत्थो । तेनाह “अज्जमज्जं पमुदितचित्ताति, असज्जोगेपि वत्तिच्छायेव वुद्धीति द्विधा पाठो वुत्तो । इद्धफीतभावन्ति समिद्धवेपुल्लभावं ।

चतुपरिक्खारवण्णना

३३९. तस्मिं तस्मिं किच्चे अनुयन्ति अनुवत्तन्तीति अनुयन्ता । तेयेव आनुयन्ता यथा “अनुभावो एव आनुभावो”ति, “आनुयुत्ता”तिपि पाठो, तस्मिं तस्मिं किच्चे अनुयुज्जन्तीति हि आनुयुत्ता वुत्तयेन । अस्साति रज्जो । तेति आनुयन्तखत्तियादयो । “अह्मे एत्थ बहि करोती”ति अत्तमना न भविस्सन्ति । “निबन्धविपुलायागमो गामो निगमो । विवट्ठितमहाआयो महागामो”ति (दी० नि० टी० १.३३८) आचरियेन वुत्तं । “अपाकारपरिक्खेपो सापणो निगमो, सपाकारापणं नगरं, तं तब्बिपरीतो गामो”ति (कङ्कावितरणी अभिनवटीकायं सङ्गादिसेसकण्डे कुलदूसकसिक्खापदे पस्सितब्बं) विनयटीकासु । गस्सन्ति मदन्ति एत्थाति गामो, स्वेव पाकटो चे, निगमो नाम अतिरेको गामोति कत्वा । भुसत्थो हेत्थ नी-सद्दो, सज्जासद्दत्ता च रस्सोति सद्दविदू । जनपदत्थो वुत्तोव । “साम्यामच्चो सखा कोसो, दुग्गच्च विजितं बल”न्ति वुत्तासु सत्तसु राजपकतीसु रज्जो तदवसेसानं छन्नं वसेन हितसुखातिवुद्धि, तदेकदेसा च आनुयन्तादयोति आह “यं तुम्हाक”न्तिआदि ।

तंतंकिच्चेसु रज्जा अमा सह भवन्तीति अमच्चा। “अमावासी”तिआदीसु विय हि समकिरियाय अमाति अब्ययपदं, च-पच्चयेन तद्धितसिद्धीति नेरुत्तिका। रज्जकिच्चवोसासनकाले पन ते रज्जा पिया, सहपवत्तनका च भवन्तीति दस्सेति “पियसहायका”ति इमिना। रज्जो परिसति भवा “पारिसज्जा। के पन तेति वुत्तं “सेसा आणत्तिकारका”ति, यथावुत्तानुयुत्तखत्तियादीहि अवसेसा रज्जो आणाकराति अत्थो। सतिपि देय्यधम्मे आनुभावसम्पत्तिया, परिवारसम्पत्तिया च अभावे तादिसं दातुं न सक्का। बुद्धकाले च तादिसानमपि राजूनं तदुभयं हायतेव, देय्यधम्मे पन असति पगेवाति दस्सेतुं “देय्यधम्मस्मिञ्ही”तिआदिमाह। देय्यधम्मस्मिं असति च महल्लककाले च दातुं न सक्काति योजना। एतेनाति यथावुत्तकारणद्वयेन। अनुमत्तियाति अनुजाननेन। पक्खाति सपक्खा यज्जस्स अङ्गभूता। यज्जं परिकरोन्तीति परिक्वारा, सम्भारा, ते च तस्स यज्जस्स अङ्गभूतत्ता परिवारा विय होन्तीति आह “परिवारा भवन्ती”ति। “रथो”तिआदिना इधानधिष्येतमत्थं निसेधेति।

“रथो सेतपरिक्वारो, ज्ञानक्खो चक्कवीरियो।

उपेक्खा धुरसमाधि, अनिच्छा परिवारण”न्ति।। (सं० नि० ३.५.४)

हि संयुत्तमहावग्गपाठि। तत्थ रथोति ब्रह्मयानसज्जितो अट्टङ्गिकमग्गरथो। सेतपरिक्वारोति चतुपारिसुद्धिसीलालङ्कारो। “सीलपरिक्वारो”तिपि पाठो। ज्ञानक्खोति विपस्सनासम्पयुत्तानं पच्चन्नं ज्ञानज्ञानं वसेन ज्ञानमयक्खो। चक्कवीरियोति वीरियचक्को। उपेक्खा धुरसमाधीति उपेक्खा द्विन्नं धुरानं समता। अनिच्छा परिवारणन्ति अलोभो सीहधम्मादीनि विय परिवारणं।

अट्टपरिक्वारवण्णना

३४०. उभतो सुजातादीहि वुच्चमानेहि। यससाति पच्चविधेन आनुभावेन। तेनाह “आणाठपनसमत्थताया”ति। “सद्धो”ति एतस्स “दातादानस्स फलं पच्चनुभोति पत्तियायती”ति अर्थं दस्सेतुं “दानस्सा”तिआदि वुत्तं। दाने सूरुति दानसूरो, देय्यधम्मे ईसंकम्पि सङ्गं अकत्वा मुत्तचागो, तब्बावो पन कम्मस्सकताजाणस्स तिक्खविसदभावेन वेदितब्बो। तस्स हि तिक्खविसदभावं विभावेतुं “सद्धो”ति वत्वा “दानसूरो”ति वुत्तन्ति दट्ठब्बं। तेनाह “न सद्धामत्तेना”तिआदि। यस्स हि कम्मस्सकता पच्चक्खमिव उपट्ठाति,

सो एवं वुत्तो । यं दानं देतीति यं देय्यधम्मं परस्स देति । तस्स पति हुत्वाति तब्बिसयं लोभं सुद्धमभिभवन्तो तस्स अधिपति हुत्वा देति । कारणोपचारवचनञ्जेतं । परतोपि एसेव नयो । तब्बिसयेन लोभेन अनाकङ्खनीयत्ता न दासो, न सहायो ।

तदेवत्थं ब्यतिरेकतो, अन्वयतो च विवरित्वा दस्सेन्तो “यो ही”तिआदिमाह । इधानधिप्पेतस्स हि दासादिद्वयस्स ब्यतिरेकतो दस्सनं । खादनीयभोजनीयादीसु मधुरस्सेव पणीतत्ता “मधुरं भुञ्जती”ति वुत्तं, निदस्सनमत्तं वा एतं, पणीतं परिभुञ्जतीति वुत्तं होति । दासो हुत्वा देति तण्हाय दासब्यत्तं उपगतत्ता । सहायो हुत्वा देति तस्स पियभावानिस्सज्जनतो । सामी हुत्वा देति तत्थ तण्हादासब्यतो अत्तानं मोचेत्वा अभिभुय्य पवत्तनतो । यं पनेतं आचरियेन वुत्तं “सामिपरिभोगसदिसा”ति, (दी० नि० टी० १.३४०) तं तण्हादासब्यमतिक्कन्ततासामञ्जं सन्धाय वुत्तं । न हि खीणासवस्स परिभोगो सामिपरिभोगो विय खीणासवस्सेव दानं दानसामीति अत्थो उपपन्नो होति, पच्छा वा पमादलिखितमेतं । तादिसोति दानसामिसभावो ।

समितपापसमणबाहितपापब्राह्मणा उक्कड्ढनिद्देसेनेत्थ वुत्ता, पब्बज्जामत्तसमणजातिमत्तब्राह्मणा वा कपणादिग्गहणेन गहिताति वेदितब्बं । दुग्गताति दुक्करं जीविकमुपगता कसिरवुत्तिका । तेनाह “दलिद्दमनुस्सा”ति । पथाविनोति मग्गगामिनो । वणिब्बकाति दायकानं गुणकित्तनवसेन, कम्मफलकित्तनमुखेन च याचनका सेय्यथापि नग्गचरियादयोति अत्थं दस्सेतुं “ये इद्दं दिन्न”न्तिआदि वुत्तं । तदुभयेनेव हि दानस्स वण्णथोमना सम्भवति । ये विचरन्ति, ते वणिब्बका नामाति योजेतब्बं । पसतमत्तन्ति वीहितण्डुलादिवसेन वुत्तं, सरावमत्तन्ति यागुभत्तादिवसेन । ओपानं वुच्चति ओगाहेत्वा पातब्बतो नदीतळाकादीनं सब्बसाधारणं तित्थं, ओपानमिवभूतोति ओपानभूतो । तेनाह “उदपानभूतो”तिआदि । हुत्वाति भावतो । सुतमेव सुतजातन्ति जातसद्दस्स अनत्थन्तरवाचकत्तमाह यथा “कोसजात”न्ति ।

अतीतादिअत्थचिन्तनसमत्थता नाम तस्स रज्जो अनुमानवसेन, इतिकत्तब्बतावसेन च वेदितब्बा, न बुद्धानं विय तत्थ पच्चक्खदस्सितायाति दस्सेतुं “अतीते”तिआदि वुत्तं । पुज्जापुज्जानिसंसंचिन्तनञ्चेत्थ पकरणाधिगतवसेन वेदितब्बं । पुज्जस्साति यज्जपुज्जस्स । दायकचित्तम्पीति दायकानं, दायकं वा चित्तम्पि, दातुकम्यताचित्तम्पीति वुत्तं होति । इमेसु पन अद्दस् अद्देस् अद्दतादयो पज्ज यज्जस्स ताव परिक्खारा होन्तु तेहि विना तस्स

असिञ्जनतो, सुजातता, पन सूरूपता च कथं यज्जस्स परिक्खारो सिया तदुभयेन विनापि तस्स सिञ्जनतोति चोदनाय सब्बेसम्पि अट्टन्नमङ्गानं परिक्खारभावं अन्वयतो, ब्यतिरेकतो च दस्सेन्तो “एते हि किरा”तिआदिमाह। एत्थ च केचि एवं वदन्ति “यथा अट्टतादयो पञ्च यज्जस्स एकंसतोव अङ्गानि, न एवं सुजातता, सूरूपता च, तदुभयं पन अनेकंसतोव अङ्गान्ति दीपेतुं अरुचिसूचकस्स किरसद्दस्स गहणं कत”न्ति। ते हि “अयं दुज्जातोतिआदिवचनस्स अनेकंसिकतं मज्जमाना तथा वदन्ति, तयिदं असारं। सब्बसाधारणवसेन हेतं ब्यतिरेकतो यज्जस्स अङ्गभावदस्सनं तथ सिया केसज्चि तथा परिवितक्को”ति तस्सापि अवकासाभावदस्सनत्थमेव एवं वुत्तता, तदुभयसाधारणवसेनेव अनेकंसतो अङ्गभावस्स अदस्सनतो च। किरसद्दो पनेत्थ तदा ब्राह्मणस्स चिन्तिताकारसूचनत्थो दट्ठब्बो। एवमनेन चिन्तेत्वा “इमानिपि अट्टङ्गानि तस्सेव यज्जस्स परिक्खारा भवन्तीति वुत्तानी”ति किरसद्देन तस्स चिन्तिताकारो सूचितो होति। एवमादीनीति एत्थ आदिसद्देन “अयं विरूपो कित्तकं...पे०... उपच्छिन्दिस्सति, अयं दलिद्दो, अप्पेसक्खो, अस्सद्दो, अप्पस्सुतो, न अत्थज्जू, न मेधावी कित्तकं...पे०... उपच्छिन्दिस्सती”ति एतेसं सङ्गहो वेदितब्बो।

चतुपरिक्खारादिवण्णना

३४१. “सुजं पग्गण्हन्तान”न्ति एत्थ सोणदण्डसुत्तवण्णनायं (दी० नि० अट्ठ० १.३११-३१३) वुत्तेसु द्वीसु विकप्पेसु दुतियविकप्पं निसेधेन्तो “महायाग”न्तिआदिमाह, तेन च पुरोहितस्स सयमेव कटच्छुग्गहणजोतनेन एवं सहत्था सक्कच्चं दाने युत्तपयुत्तता इच्छितब्बाति दस्सेति। एवं दुज्जातस्साति एत्थापि “सुजातताय अनेकंसतो अङ्गभावदस्सनमेविद”न्ति अग्गहेत्वा हेट्ठा वुत्तनयेन सब्बसाधारणवसेनेव अत्थो गहेतब्बो। आदिसद्देन हि “एवं अनज्जायकस्स...पे०... दुस्सीलस्स...पे०... दुप्पज्जस्स संविधानेन पवत्तदानं कित्तकं कालं पवत्तिस्सती”ति एतेसं सङ्गहो दट्ठब्बो। तस्माति तदुभयकारणतो।

तिस्सोविधावण्णना

३४२. तिण्णं ठानानन्ति दानस्स आदिमज्झपरियोसानसङ्घातानं तिस्सत्रं भूमीनं, अवत्थानानन्ति अत्थो। चलन्तीति कम्पन्ति पुरिमाकारेण न तिट्ठन्ति। करणत्थेति नतियाविभन्तिअत्थे। करणीयसद्वापेक्खाय हि कत्तरि एव एतं सामिवचनं, न करणे।

येभ्य्येन हि करणजोतकवचनस्स अत्थभावतो अनुत्तकत्ताव करणत्थोति इधाधिप्पेतो । पच्छानुतापस्स अकरणूपायं दस्सेतुं “**पुब्ब...पे०... पतिट्ठपेतब्बा**”ति वुत्तं । तत्थ **अचला**ति दळ्हा केनचि असंहीरा । **पतिट्ठपेतब्बा**ति सुप्पतिट्ठिता कातब्बा । तथा पतिट्ठापनूपायम्पि दस्सेन्तो “**एवज्ही**”तिआदिमाह । तथा पतिट्ठापनेन हि यथा तं दानं सम्पति यथाधिप्पायं निप्पज्जति, एवं आयतिम्पि विपुलफलताय महप्फलं होति विप्पटिसारेन अनुपक्किलिड्ढभावतो । **द्वीसु ठानेसू**ति यजमानयिड्ढानेसु । विप्पटिसारो...पे०... न कत्तब्बोति अत्थं सन्धाय “**एसेव नयो**”ति वुत्तं । **मुज्जचेतना**ति परिच्चागचेतना, तस्सा निच्चलभावो नाम मुत्तचागता पुब्बाभिसङ्गारवसेन उळारभावो । **पच्छासमनुस्सरणचेतना**ति परचेतना, तस्सा पन निच्चलभावो “**अहो मया दानं दिन्नं साधु सुद्ध**”ति दानस्स सक्कच्चं पच्चवेक्खणवसेन वेदितब्बो । तदुभयचेतनानं निच्चलकरणूपायं ब्यतिरेकतो दस्सेतुं “**तथा...पे०... होती**”ति वुत्तं । तत्थ **तथा अकरोन्तस्सा**ति मुज्जचेतनं, पच्छासमनुस्सरणचेतनञ्च निच्चलमकरोन्तस्स, विप्पटिसारं, उप्पादेन्तस्साति वुत्तं होति । “**नापि उळारेसु भोगेसु चित्तं नमती**”ति इदं पन पच्छासमनुस्सरणचेतनाय एव ब्यतिरेकतो निच्चलकरणूपायदस्सनं । एवज्जि यथानिद्विद्वनिदस्सनं उपपन्नं होति । तत्थ **उळारेसु भोगेसू**ति खेतविसेसे परिच्चागस्स कतत्ता लद्धेसुपि उळारेसु भोगेसु । **नापि चित्तं नमति** पच्छा विप्पटिसारेन उपक्किलिड्ढभावतो । यथा कथन्ति आह “**महारोरुव**”न्तिआदि । तस्स हि सेट्ठिस्स गहपतिनो वत्थु कोसलसंयुत्ते, (सं० नि० १.१.१३१) मय्हकजातके (जा० अट्ठ० ३.६.मय्हकजातकवण्णना) च आगतं । तथा हि वुत्तं -

“भूतपुब्बं सो महाराज सेट्ठि गहपति तगरसिखिं नाम पच्चेकसम्बुद्धं पिण्डपातेन पटिपादेसि, ‘देथ समणस्स पिण्डपात’न्ति वत्वा उट्ठायासना पक्कामि, दत्वा च पन पच्छा विप्पटिसारी अहोसि “वरमेतं पिण्डपातं दासा वा कम्मकरा वा भुज्जेय्यु”न्तिआदि ।

सो किर अज्जेसुपि दिवसेसु तं पच्चेकबुद्धं पस्सति, दातुं पनस्स चित्तं न उप्पज्जति, तस्मिं पन दिवसे अयं पटुमवतिआ देविया ततियपुत्तो तगरसिखी पच्चेकबुद्धो गन्धमादनपब्बते फलसमापत्तिसुखेन वीतिनामेत्वा पुब्बण्हसमये वुट्ठाय अनोत्तदहे मुखं धोवित्वा मनोसिलातले निवासेत्वा कायबन्धनं बन्धित्वा पत्तचीवरमादाय अभिज्जापादकं ज्ञानं समापज्जित्वा इद्धिया वेहासं अब्भुग्गन्त्वा नगरद्वारे ओरुह्म चीवरं पारुपित्वा पत्तमादाय नगरवासीनं घरद्वारेसु सहस्सभण्डिकं ठपेन्तो विय पासादिकेहि

अभिकमनादीहि अनुपुब्बेन सेट्ठिनो घरद्वारं सम्पत्तो, तं दिवसञ्च सेट्ठि पातोव उट्ठाय पणीतं भोजनं भुज्जित्वा घरद्वारकोट्टके आसनं पञ्जपेत्वा दन्तन्तरानि सोधेन्तो निसिन्नो होति । सो पच्चेकबुद्धं दिस्वा तं दिवसं पातोव भुत्वा निसिन्नत्ता दानचित्तं उप्पादेत्वा भरियं पक्कोसापेत्वा “इमस्स समणस्स पिण्डपातं देही”ति वत्वा राजुपट्टानत्थं पक्कामि । सेट्ठिभरिया सम्पज्जजातिका चिन्तेसि “मया एतकेन कालेन इमस्स ‘देथा’ति वचनं न सुतपुब्बं, दापेन्तोपि च अज्ज न यस्स वा तस्स वा दापेति, वीतरागदोसमोहस्स वन्तिकेलेसस्स ओहितभारस्स पच्चेकबुद्धस्स दापेति, यं वा तं वा अदत्वा पणीतं पिण्डपातं दस्सामी”ति घरा निक्खम्म पच्चेकबुद्धं पञ्चपतिट्ठितेन वन्दित्वा पत्तं आदाय अन्तोनिवेसने पञ्चत्तासने निसीदापेत्वा सुपरिसुद्धेहि सालितण्डुलेहि भत्तं सम्पादेत्वा तदनुरूपं खादनीयं, व्यञ्जनं, सूपेय्यञ्च अभिसङ्गरित्वा पत्तं पूरेत्वा बहि गन्धेहि अलङ्कुरित्वा पच्चेकबुद्धस्स हत्थेसु पतिट्ठपेत्वा वन्दि । पच्चेकबुद्धो “अज्जेसम्पि पच्चेकबुद्धानं सङ्गहं करिस्सामी”ति अपरिभुज्जित्वाव अनुमोदनं वत्वा पक्कामि । सोपि खो सेट्ठि राजुपट्टानं कत्वा आगच्छन्तो पच्चेकबुद्धं दिस्वा आह “मयं तुम्हाकं पिण्डपातं देथा”ति वत्वा पक्कन्ता, अपि वो लब्धो पिण्डपातो”ति ? आम, सेट्ठि लब्धोति । “पस्सामा”ति गीवं उक्खिपित्वा ओलोकेसि, अथस्स पिण्डपातगन्धो उट्ठित्वा नासपुटं पहरि । सो चित्तं संयमेतुं असक्कोन्तो पच्छ विप्पटिसारी अहोसि, तस्स पन विप्पटिसारस्स उप्पन्नाकारो “वरमेत”न्तिआदिना पाळियं वुत्तोयेव । पिण्डपातदानेन पनेस सत्तक्खत्तुं सुगतिं सगं लोकं उपपन्नो, सत्तक्खत्तुमेव च सावत्थियं सेट्ठिकुले निब्बत्तो, अयञ्चस्स सत्तमो भवो, पच्छ विप्पटिसारेन पन नापि उळारेसु भोगेसु चित्तं नमति । वुत्तज्जेतं संयुत्तवरलज्जके -

“यं खो सो महाराज सेट्ठि गहपति दत्वा पच्छ विप्पटिसारी अहोसि वरमेतं पिण्डपातं दासा वा कम्मकरा वा भुज्जेय्युन्ति, तस्स कम्मस्स विपाकेन गस्सुळाराय भत्तभोगाय चित्तं नमति, नास्सुळाराय वत्थभोगाय, यानभोगाय गस्सुळारानं पञ्चन्नं कामगुणानं भोगाय चित्तं नमती”ति (सं० नि० १.१.१३१)

इहकजातकेपि वुत्तं -

‘इति महाराज आगन्तुकसेट्ठि तगरसिखिपच्चेकबुद्धस्स दिन्नपच्चयेन बहुं ध-

लभि, दत्त्वा अपरचेतनं पणीतं कातुं असमत्थताय पणीते भोगे भुञ्जितुं नासक्खी'ति (जा० अट्ठ० ३.६.मय्हकजातकवण्णना) ।

भातु पनेस एकं पुत्तं (ध० प० अट्ठ० २.३५४) सापतेय्यस्स कारणा जीवितं वोरोपेसि, तेन कम्मेन बहूनि वस्सानि निरये पच्चित्थ, सत्तक्खत्तुञ्च अपुत्तको जातो, इदानीपि तेनेव कम्मेन महारोखं उपपन्नो । तेन पुत्तं “महारोखं उपपन्नस्स सेट्ठिगहपतिनो विया”ति, पुरिमपच्छिमचेतनावसेन चेत्थ अत्थो वेदितब्बो । एका हि चेतना द्वे पटिसन्धियो न देतीति ।

दसआकारवण्णना

३४३. आकरोति अत्तनो अनुरूपताय समरियादपरिच्छेदं फलं निब्बत्तेतीति आकारो, कारणन्ति आह “दसहि कारणेही”ति । मरियादत्थो हेत्थ आ-सद्दो । न दुस्सीलेस्वेव, अथ खो सीलवन्तेसुपि विप्पटिसारं उप्पादेस्सति । तदुभयेपि न उप्पादेतब्बोति हि दस्सेतुं अपि-सद्देन, पि-सद्देन वा सम्पिण्डनं करोति । पटिग्गाहकतोव उप्पज्जतीति बलवतरं विप्पटिसारं सन्धाय पुत्तं, दुब्बलो पन देय्यधम्मतो, परिवारजनतोपि उप्पज्जतेव । उप्पज्जितुं युत्तन्ति उप्पज्जनारहं । विप्पटिसारम्पि विनोदेसीति सम्बन्धो । तेसंयेवाति पाणातिपातीनमेव । यजनं नामेत्थ दानमेवाधिप्पेतं, न अग्गिजुहनन्ति आह “देतु भव”न्ति । विस्सज्जतूति मुत्तचागवसेन चजतु । अब्भन्तरन्ति अज्झत्तं सकसन्ताने ।

सोळसाकारवण्णना

३४४. अनुमतिपक्खादयो एव हेट्ठा यज्जस्स वत्थुं कत्वा “सोळसपरिक्खारा”ति वुत्ता, इत्थ पन सन्दस्सनादिवसेन अनुमोदनाय आरद्धत्ता वुत्तं “सोळसहि आकारेही”ति । दस्सेत्वाति अत्तनो देसनानुभावेन पच्चक्खमिव फलं दस्सेत्वा, अनेकवारं पन दस्सनतो “दस्सेत्वा दस्सेत्वा”ति ब्यापनवचनं, तदेव आभुसो मेडनट्टेन आमेडितवचनन्ति आचरियेन (दी० नि० टी० १.३४४) वुत्तं । “समादपेत्वा समादपेत्वा”तिआदीसुपि एसेव नयो । तमत्थन्ति दानफलवसेन कम्मफलसम्बन्धमत्थं । समादपेत्वाति सुतमत्तं अकत्वा यथा राजा तमत्थं सम्मदेव आदियति चित्ते करोन्तो सुग्गहितं कत्वा गण्हाति, तथा सक्कच्चं आदापेत्वा ।

“विष्पटिसारविनोदनेना”ति इदं निदस्सनमत्तं । लोभदोसमोहइस्सामच्छरियमानादयोपि हि दानचित्तस्स उपक्विलेसा, तेसं विनोदनेनपि तं वोदापितं समुत्तेजितं नाम होति तिक्खविसदभावापत्तितो, आसन्नतरभावतो पन विष्पटिसारविनोदनमेव गहितं । पवत्तिते हि दाने तस्स सम्भवोति । याथावतो विज्जमानेहि गुणेहि हट्ठपहट्ठभावापादनं सम्पहंसनन्ति आह “सुन्दर”न्तिआदि । धम्मतोति सच्चतो । तदत्थमेव दस्सेतुं “धम्मेन समेन कारणेना”ति वुत्तं । सच्चज्झि धम्मतो अनपेतत्ता धम्मं, उपसमचरियभावतो समं, युत्तभावेन कारणन्ति च वुच्चति ।

३४५. तस्मिं यज्जे रुक्खतिणच्छेदोपि नाम नाहोसि, कुतो पाणवधोति पाणवधाभावस्सेव दळ्हीकरणत्थं, सब्बसो त्रिपरीतग्गाहेहि अविदूसिततादस्सनत्थज्ज पाळियं “नेव गावो हज्जिंसू”तिआदीनि वत्वापि “न रुक्खा छिज्जिंसू”तिआदि वुत्तन्ति दस्सेन्तो “ये यूपनामके”तिआदिमाह । बरिहिसत्थायाति परिच्छेदत्थाय । वनमालासङ्घेपेनाति वनपुप्फेहि गन्धितमालानियामेन । एवं आचरियेन (दी० नि० टी० १.३४५) वुत्तं, वनपन्तिआकारेनाति अत्थो । भूमियं वा पत्थरन्तीति वेदिभूमिं परिक्खपन्ता तत्थ तत्थ पत्थरन्ति । मन्तादिना हि परिसङ्घता भूमि विन्दति अस्स लाभसक्कारेति कत्वा “वेदी”ति वुच्चति । तेपि रुक्खा तेपि दब्बाति सम्बन्धो, कम्मकत्ता चेत्तं द्वयं, अभिहितकम्मं वा । वत्तिच्छाय हि यथासत्तिं कारका भवन्ति । वुत्तनयेन पाणवधाभावस्स दळ्हीकरणत्थं, विपरीतग्गाहेन अविदूसितभावदस्सनत्थज्जेतन्ति दस्सेति किं पना”तिआदिना । अन्तोगेहदासो अन्तोजातो । आदिसद्देन धनक्कीतकरमरानीतसामंदासब्यूपगतानं सङ्गहो । पुब्बमेवाति भतिकरणतो पगेव । धनं गहेत्वाति दिवसे दिवसे यथाकम्मं गहेत्वा । भत्तवेतनन्ति देवसिकं भत्तज्जेव मासिकादिपरिब्वयज्ज । वुत्तोवायमत्थो । तज्जिताति सन्तज्जिता । परिकम्पानीति सब्बभागियानि कम्मानि, उच्चावचानि कम्पानीति अत्थो । पियसमुदाचारेनेवाति इट्ठवचनेनेव यथानामवसेनेवाति पाकटनमानुरूपेनेव । सप्पितेलनवनीतदधिमधुफाणितेन चेवाति एत्थ च-सद्दे अवुत्तसमुच्चयत्थो, तेन पणीतपणीतानं नानप्पकारानं खादनीयभोजनीयादीनज्जेव वत्थयानमालागन्धविलेपनसेय्यावसथादीनज्ज सङ्गहो दट्ठब्बो, तेनाह “पणीतेहि सप्पितेलादिसप्पिस्सेहेवा”तिआदि । तस्स तस्स कालस्स अनुरूपेहि यागु...पे०... पानकादीहीति सम्बन्धो । सप्पिआदीनन्ति सप्पिआदीहि ।

३४६. पटिसामेतब्बतो, अत्तनो अत्तनो सन्तकभावतो च सं नाम धनं वुच्चति तस्स पतीति सपति निग्गाहितलोपेन, धनवा, दिट्ठधम्मिकसम्परायिकहितावहत्ता तस्स हितन्ति

सापतेय्यं, तदेव धनं। तेनाह “पहूतं धन”न्ति। अक्खयधम्ममेवाति अक्खयसभावमेव। गामभागेनाति संकित्तनवसेन गामे वा गहेतब्बभागेन, एवं आचरियेन (दी० नि० टी० १.३४६) वुत्तं, पच्चेकं सभागामकोट्टासेनातिपि अत्थो। सेसेसुपि एसेव नयो।

३४७. यज्जावाटोति खणितावाटस्स अस्समेधादियज्जयजनट्टानस्सेतं अधिवचनं, तब्बोहारेन पन इध दानसालाय एव, ताय च पुरत्थिमनगरद्वारे कताय पुरत्थिमभागे एवाति अत्थं दस्सेति “पुरत्थिमतो नगरद्वारे”तिआदिना। तं पन ठानं रज्जो दानसालाय नातिदूरे एवाति आह “यथा”तिआदि। यतो तत्थ पातरासं भुज्जित्वा अकिलन्तरूपायेव सायन्हे रज्जो दानसालं सम्पापुणन्ति। “दक्खिणेन यज्जावाटस्सा”तिआदीसुपि एसेव नयो। यागुं पिवित्वाति हि यागुसीसेन पातरासभोजनमाह।

३४८. मधुरन्ति सादुरसं। उपरि वत्तब्बमत्थन्ति “अपिच मे भो एवं होती”तिआदिना वुच्चमानमत्थं। परिहारेनाति भगवन्तं गरुं कत्वा अगारवपरिहारेन, उजुकभावापनयनेन वा, उजुकवुत्तिं परिहरित्वा वड्ढवुत्तियाव यथाचिन्तितमत्थं पुच्छन्तो एवमाहाति वुत्तं होति। तेनाह “उजुकमेव पुच्छयमानो अगारवो विय होती”ति।

निच्वदानअनुकुलयज्जवण्णना

३४९. उट्ठायाति दाने उट्टानवीरियमाह, समुट्ठायाति तस्स सातच्चकिरियं। कसिवाणिज्जादिकम्मानि अकरोन्तो दलिद्वियादिअनत्थापत्तिया नस्सिस्सतीति अधिप्पायो। अप्पसम्भारतरो चेव महप्फलतरो चाति सङ्खेपतो अट्ठकथायं वुत्तो पाळियं पन “अप्पत्थतरो च अप्पसमारम्भतरो च महप्फलतरो च महानिसंसतरो चा”ति पाठो। तत्थ अप्पसम्भारतरोति अतिविय परित्तसम्भारो, असमारब्भियसम्भारो। अप्पत्थतरोति पन अतिविय अप्पकिच्चो, अत्थो चेत्थ किच्चं, त्थ-कारस्स ट्ठ-कारं कत्वा “अप्पट्ठतरो”तिपि पाठो। सम्मा आरभीयति यज्जो एतेनाति समारम्भो, सम्भारसम्भरणवसेन पवत्तसत्तपीळा, अप्पो समारम्भो एतस्साति तथा, अयं पनातिसयेनाति अप्पसमारम्भतरो। विपाकसज्जितं महन्तं सदिसं फलमेतस्साति महप्फलो, अयं पनातिसयेनाति महप्फलतरो। उदयसज्जितं महन्तं निस्सन्दादिफलमेतस्साति महानिसंसो, अयं पनातिसयेनाति महानिसंसतरो। धुवदानानीति धुवानि थिरानि अविच्छिन्नानि कत्वा दातब्बदानानि। निच्वभत्तानीति एत्थ भत्तसीसेन चतुपच्चयगहणं। अनुकुलयज्जानीति अनुकुलं कुलानुक्कमं उपादाय

दातब्बदानानि । तेनाह “अम्हाक”न्तिआदि । यानि पवत्तेतब्बानि, तानि अनुकुलयज्जानि नामाति योजेतब्बं । निबद्धदानानीति निबन्धेत्वा नियमेत्वा पवेणीवसेन पवत्तितदानानि ।

हत्थिदन्तेन कता दन्तमयसलाका, यत्थ दायकानं नामं अङ्कन्ति, इमिना तं निच्चभत्तं सलाकदानवसेनाति दस्सेति । तं कुलन्ति अनाथपिण्डिककुलं । दालिद्वियेनाति दलिद्वभावेन । “एकसलाकतो उद्धं दातुं नासक्खी”ति इमिना एकेनपि सलाकदानेन निबद्धदानं उपच्छिन्दितुमदत्वा अनुरक्खणमाह । रज्जोति सेतवाहनरज्जो ।

आदीनि बत्वाति एत्थ आदिसद्देन “कस्मा सेनो विय मंसपेसिं पक्खन्दित्वा गण्हासी”ति एवमादीनं समसमदाने उस्सुक्कनवचनानं सङ्गहो । गलग्गाहाति गलगहणा । “कम्मच्छेदवसेना”ति इमिना अत्तनो अत्तनो कम्मोकासादानम्पि पीळायेवाति दस्सेति । समारम्भसद्दो चेत्थ पीळनत्थोति आह “पीळासद्दातो समारम्भो”ति । पुब्बचेतनामुच्चचेतनाअपरचेतनासम्पत्तिया दायकवसेन तीणि अङ्गानि, वीतरागतावीतदोसतावीतमोहतापटिपत्तिया दक्खिण्येयवसेन च तीणीति एवं छल्लसमन्नागता होति दक्खिणा, छल्लङ्गुत्तरे नन्दमातासुत्तज्ज (अ० नि० २.६.३७) तस्सत्थस्स साधकं । अपरापरं उप्पज्जनकचेतनावसेन महानदी विय, महोघो विय च इतो चितो च अभिसन्दित्वा पक्खन्दित्वा पवत्तितो पुज्जमेव पुज्जाभिसन्दो । तथाविधन्ति पमाणस्स कातुं असुकरत्तमाह । कारणमहत्तेन फलमहत्तम्पि वेदितब्बं उपरि नज्जा वुट्ठिया महोघो वियाति वुत्तं “तस्मा”तिआदि ।

३५०. नवनवोति सब्बदा अभिनवो, दिवसे दिवसे दायकस्स ब्यापारापज्जनतो किच्चपरियोसानं नत्थीति वुत्तं “एकेना”तिआदि । यथारद्धस्स आवासस्स कतिपयेनापि कालेन परिसमापेतब्बतो किच्चपरियोसानं अत्थीति आह “पण्णसाल”न्तिआदि । महाविहारेपि किच्चपरियोसानस्स अत्थिताउपायं दस्सेतुं “एकवारं धनपरिच्चागं कत्वा”ति वुत्तं । सुत्तन्तपरियायेनाति सब्बासवसुत्तन्तादिपाळिनयेन । नवानिसंसाति सीतपटिघातादयो पटिसल्लानारामपरियोसाना यथापच्चवेक्खणं गणिता नव उदया, अप्पमत्तताय चेते वुत्ता ।

यस्मा पन आवासं देन्तेन नाम सब्बम्पि पच्चयजातं दिन्नमेव होति । यथाह संयुत्तागमवरलज्जके “सो च सब्बदो होति यो ददाति उपस्सय”न्ति, (सं० नि० १.१.४२) सदा पुज्जपवह्णूपायज्ज एतं । वुत्तज्झि तत्थेव “ये ददन्ति उपस्सयं, तेसं

दिवा च रत्तो च, सदा पुञ्जं पवह्वती'ति (सं० नि० १.१.४७) तथा हि द्वे तयो गामे पिण्डाय चरित्वा किञ्चि अलब्धा आगतस्सापि छायूदकसम्पन्नं आरामं पविसित्वा नहायित्वा पतिस्सये मुहुत्तं निपज्जित्वा उट्ठाय निसिन्नस्स काये बलं आहरित्वा पक्खित्तं विय होति। बहि विचरन्तस्स च काये वण्णधातु वातातपेहि किलमति, पतिस्सयं पविसित्वा द्वारं पिधाय मुहुत्तं निपन्नस्स विसभागसन्तति वूपसम्मति, सभागसन्तति पतिट्ठाति, वण्णधातु आहरित्वा पक्खित्ता विय होति। बहि विचरन्तस्स च पादे कण्टको विज्जति, खाणु पहरति, सरीसपादिपरिस्सया चेव चोरभयञ्च उप्पज्जति, पतिस्सयं पविसित्वा द्वारं पिधाय निपन्नस्स सब्बे ते परिस्सया न होन्ति, सज्झायन्तस्स धम्मपीतिसुखं, कम्मद्धानं मनसि करोन्तस्स उपसमसुखञ्च उप्पज्जति बहिद्धा विक्खेपाभावतो। बहि विचरन्तस्स च काये सेदा मुच्चन्ति अक्खीनि फन्दन्ति, सेनासनं पविसनक्खणे मञ्चपीठादीनि न पज्जायन्ति, मुहुत्तं निपन्नस्स पन अक्खिपसादो आहरित्वा पक्खित्तो विय होति, द्वारवातपानमञ्चपीठादीनि पज्जायन्ति। एतस्मिञ्च आवासे वसन्तं दिस्वा मनुस्सा चतूहि पच्चयेहि सक्कच्चं उपट्ठहन्ति। तेन वुत्तं “आवासं देन्तेन...पे०... होती'ति “सदा पुञ्जपवह्वनूपायञ्च एत'न्ति च, तस्मा एते यथावुत्ता सब्बेपि आनिसंसा वेदितब्बा।

खन्धकपरियायेनाति सेनासनक्खन्धके (चूळव० २९४) आगतविनयपाळिनयेन। तत्थ हि आगता -

“सीतं उण्हं पटिहन्ति, ततो वाळमिगानि च।
सरीसपे च मकसे, सिसिरे चापि वुट्ठियो।।

ततो वातातपो घोरो, सज्जातो पटिहज्जति।
लेणत्थञ्च सुखत्थञ्च, ज्ञायितुञ्च विपस्सितुं।।

विहारदानं सङ्गस्स, अगं बुद्धेन वण्णितं।
तस्मा हि पण्डितो पोसो, सम्पस्सं अत्थमत्तनो।

विहारे कारये रम्मे, वासयेत्थ बहुस्सुते।
तेसं अन्नञ्च पानञ्च, वत्थसेनासनानि च।।

ददेय्य उजुभूतेसु, विप्पसन्नेन चेतसा ।
 ते तस्स धम्मं देसेन्ति, सब्बदुक्खपनूदनं ।
 यं सो धम्मं इधज्जाय, परिनिब्बाति अनासवो”ति ।।-

राजगहसेट्ठादीनं विहारदानेन अनुमोदनागाथायो पेय्यालवसेन दस्सिता । तत्थ सीतं उण्हन्ति उतुविसभागवसेन वुत्तं । सिसिरे चापि बुड्डियोति एत्थ सिसिरोति सम्फुसितकवातो वुच्चति । बुड्डियोति उजुकमेघवुड्डियो एव । एतानि सब्बानि “पटिहन्ती”ति इमिनाव पदेन योजेतब्बानि ।

पटिहज्जतीति विहारेण पटिहज्जति । लेणत्थन्ति निलीयनत्थं । सुखत्थन्ति सीतादिपरिस्सयाभावेन सुखविहारत्थं । “झायितुञ्च विपस्सितु”न्ति इदम्पि पदद्वयं “सुखत्थञ्चा”ति इमिनाव पदेन योजेतब्बं । इदञ्चि वुत्तं होति- सुखत्थञ्च विहारदानं, कतमसुखत्थं ? झायितुं, विपस्सितुञ्च यं सुखं तदत्थं । अथ वा परपदेनपि योजेतब्बं- झायितुञ्च विपस्सितुञ्च विहारदानं, “इध झायिस्सति विपस्सिस्सती”ति ददतो विहारदानं सङ्गस्स अगं बुद्धेन वण्णितं । वुत्तज्हेतं “सो च सब्बदो होति, यो ददाति उपस्सय”न्ति (सं० नि० १.१.४२) ।

यस्मा च अगं वण्णितं, तस्मा हि पण्डितो पोसोति गाथा । वासयेत्थ बहुस्सुतेति एत्थ विहारे परियत्तिबहुस्सुते च पटिवेधबहुस्सुते च वासेय्य । तेसं अन्नञ्चाति यं तेसं अनुच्छविकं अन्नञ्च पानञ्च वत्थानि च मज्जपीठादिसेनासनानि च, तं सब्बं तेसु उजुभूतेसु अकुटिलचित्तेसु । ददेय्याति निदहेय्य । तञ्च खो विप्पसन्नेन चेतसा, न चित्तप्पसादं विराधेत्वा । एवं विप्पसन्नचित्तस्स हि ते तस्स धम्मं देसेन्ति...पे०... परिनिब्बाति अनासवोति अयमेत्थ अट्ठकथानयो ।

अयं पन आचरियधम्मपालत्थेरेण (दी० नि० टी० १.३५०) चेव आचरियसारिपुत्तत्थेरेण (सारथ० टी० ३.२९५) च संवण्णितो टीकानयो- सीतन्ति अज्झत्तं धातुक्खोभवसेन वा बहिद्धा उतुविपरिणामवसेन वा उप्पज्जनकसीतं । उण्हन्ति अगिस्सन्तापं, तस्स वनडाहादीसु सम्भवो दट्ठब्बो । पटिहन्तीति पटिबाधति यथा तदुभयवसेन कायचित्तानं बाधनं न होति, एवं करोति । सीतुण्हम्माहते हि सरीरे विकिखत्तचित्तो भिक्खु योनिसो पदहितुं न सक्कोति, वाळमिगानीति

सीहब्ब्यग्धादिचण्डमिगे । गुत्तसेनासनज्झि आरञ्जकम्पि पविसित्वा द्वारं पिधाय निसिन्नस्स ते परिस्सया न होन्ति । **सरीसपेति** ये केचि सरन्ते गच्छन्ते दीघजातिके सप्पादिके । **मकसेति** निदस्सनमत्तमेतं, टंसादीनम्पि एतेनेव सङ्गहो दट्ठब्बो । **सिसिरेति** सिसिरकालवसेन, सत्ताहवट्ठलिकादिवसेन च उप्पन्ने सिसिरसम्फस्से । **बुद्धियोति** यदा तदा उप्पन्ना वस्सवुद्धियो पटिहन्तीति योजना ।

वातात्तपो घोरोति रुक्खगच्छादीनं उम्मूलभञ्जनादिवसेन पवत्तिया घोरो सरजअरजादिभेदो वातो चेव गिम्हपरिळाहसमयेसु उप्पत्तिया घोरो सूरियात्तपो च **पटिहञ्जति** पटिबाहीयति । **लेणत्थन्ति** नानारम्मणतो चित्तं निवत्तेत्वा पटिसल्लानारामत्थं । **सुखत्थन्ति** वुत्तपरिस्सयाभावेन फासुविहारत्थं । **झायितुन्ति** अट्ठतिसाय आरम्मणेषु यत्थ कत्थचि चित्तं उपनिबन्धित्वा उपनिज्झायितुं । **विपस्सितुन्ति** अनिच्चादितो सङ्गारे सम्मसितुं ।

विहारेति पतिसस्ये । **कारयेति** कारापेय्य । **रम्मेति** मनोरमे निवाससुखे । **वासयेत्थ** बहुस्सुतेति कारेत्वा पन एत्थ विहारे बहुस्सुते सीलवन्ते कल्याणधम्मे निवासेय्य, ते निवासेन्तो पन तेसं बहुस्सुतानं यथा पच्चयेहि किलमथो न होति, एवं **अन्नञ्च पानञ्च वत्थसेनासनानि च ददेय्य उजुभूतेसु** अज्झासयसम्पन्नेसु कम्मकम्मफलानं, रतनत्तयगुणानञ्च सदहनेन **विप्पसन्नेन** चेतसा ।

इदानि गहट्ठपब्बजितानं अञ्जमञ्जूपकारितं दस्सेतुं “**ते तस्सा**”ति गाथमाह । तत्थ तेति बहुस्सुता । **तस्साति** उपासकस्स । **धम्मं देसेन्तीति** सकलवट्ठदुक्खपनूदनं सद्धम्मं देसेन्ति । **यं सो धम्मं इधञ्जायाति** सो उपासको यं सद्धम्मं इमस्सिं सासने सम्मापटिपज्जनेन जानित्वा अग्गमग्गाधिगमनेन **अनासवो** हुत्वा **परिनिब्बाति** एकादसग्गिवूपसमेन सीति भवतीति ।

सीतपटिघातादिका विपस्सनावसाना तेरस, अन्नादिलाभो, धम्मस्सवनं, धम्मावबोधो, परिनिब्बानन्ति एवमेत्थ **सत्तरस आनिसंसा** बुत्ता ।

पटिग्गहणकानं विहारवसेन उप्पन्नफलानुरूपम्पि दायकानं विहारदानफलं वेदितब्बं । येभ्य्येन हि कम्मसरिक्खकफलं लभन्तीति आह “**तस्सा**”तिआदि । “**सद्धस्स पन परिच्चत्तत्ता**”ति इमिना सङ्घिकविहारमेव पधानवसेन वदति, सङ्घिकविहारो नामेस चातुद्दिसं

सङ्घं उद्दिस्स कतविहारो, यं सन्धाय पदभाजनियं वुत्तं “सङ्घिको नाम विहारो सङ्घस्स दिन्नो होति परिच्चत्तो”ति । यत्थ हि चेतियं पतिट्ठितं होति, धम्मस्सवनं करीयति, चतूहि दिसाहि भिक्खू आगन्त्वा अप्पटिपुच्छित्वायेव पादे धोवित्वा कुञ्चिकाय द्वारं विवरित्वा सेनासनं पटिजगित्वा यथाफासुकं गच्छन्ति, सो अन्तमसो चतुरतनिकापि पण्णसाला होतु, चातुदिसं सङ्घं उद्दिस्स कतविहारोत्वेव वुच्चति ।

३५१. लोभं निग्गण्हितुं असक्कोन्तस्स दुप्परिच्चजा । “एकभिक्खुस्स वा”तिआदि उपासकानं तथा समादाने आचिण्णं, दळ्हतं समादानञ्च दस्सेतुं वुत्तं, सरणं पन तेसं सामं समादिन्नम्पि समादिन्नमेव होती”ति वदन्ति । सङ्घस्स वा गणस्स वा सन्तिकेति योजना । तत्थाति यथागहिते सरणे, “तस्सा”तिपि पाठो, यथागहितसरणस्साति अत्थो । नत्थि पुनप्पुनं कत्तब्बताति विञ्जूजातिके सन्धाय वुत्तं । विञ्जूजातिकानमेव हि सरणादिअत्थकोसल्लानं सुवण्णघटे सीहवसा विय अकुप्पं सरणगमनं तिट्ठति । “जीवितपरिच्चागमयं पुञ्ज”न्ति च इदं “सचे त्वं यथागहितं सरणं न भिन्दिस्सति, एवाहं तं मारेमी”ति कामं कोचि तिण्हेन सत्थेन जीविता वोरोपेय्य, तथापि “नेवाहं बुद्धं ‘न बुद्धो’ति, धम्मं ‘न धम्मो’ति, सङ्घं ‘न सङ्घो’ति वदामी”ति दळ्हतं कत्वा गहितसरणस्स वसेन वुत्तं । “सगगसम्पत्तिं देती”ति निदस्सनमत्तमेतं । फलानिसंसानि पनस्स सरणगमनवण्णनायं (दी० नि० अट्ठ० १.२५० सरणगमनकथा) वुत्तानेव ।

३५२. वक्खमाननयेन वेरहेतुताय वेरं वुच्चति पाणातिपातादिपापधम्मो, तं मणति “मयि इध ठिताय कथमागच्छसी”ति तज्जेन्ती विय निवारेतीति वेरमणी, ततो वा पापधम्मतो विरमति एतायाति “विरमणी”ति वत्तब्बे निरुत्तिनयेन इ-कारस्स ए-कारं कत्वा “वेरमणी”ति वुत्तं । खुद्दकपाठद्वयं पनाह “वेरमणिसिक्खापदं, विरमणिसिक्खापदन्ति द्विधासज्जायं करोन्ती”ति (खु० पा० अट्ठ० साधारणविभावना) कुसलचित्तसम्पयुत्तावेत्थ विरति अधिप्पेता, न फलसम्पयुत्ता यज्जाधिकरणतो । असमादिन्नसीलस्स सम्पत्ततो यथूपट्ठितवीतिककमितब्बवत्थुतो विरति सम्पत्तविरति । समादानवसेन उप्पन्ना विरति समादानविरति । सेतु वुच्चति अरियमग्गो, तप्परियापन्ना हुत्वा पापधम्मानं समुच्छेदवसेन घातनप्पवत्ता विरति सेतुघातविरति । अज्जत्र “समुच्छेदविरती”तिपि वुत्ता । इदानि ता सरूपतो दस्सेतुं “तत्था”तिआदि वुत्तं । जाति...पे०... दीनीति अपदिसितब्बजातिगोत्तकुलादीनि । आदिसद्देन वयबाहुसच्चादीनं

सङ्गहो। परिहरतीति अवीतिक्कमवसेन परिवज्जेति, सीहलदीपे चक्कनउपासकस्स विय सम्पत्तविरति वेदितब्बा।

“पाणं न हनामी”तिआदीसु आदयत्थेन इति-सद्देन, विकप्पत्थेन वा-सद्देन वा “अदिन्नं नादियामि, अदिन्नादाना विरमामि, वेरमणिं समादियामी”ति एवमादीनं पच्चेकमत्थानं सङ्गहो दट्ठब्बो। एवञ्च कत्वा “सिक्खापद” मिच्चेव अवत्वा “सिक्खापदानी”ति वुत्तं। पाणातिपाता वेरमणिन्ति सम्बन्धो। समादियामीति सम्मा आदियामि, अवीतिक्कमाधिप्पायेन, अखण्डा’ छिद्वा’ कम्मासा’ सबलकारिताय च गणहामीति वुत्तं होति। उत्तरवट्ठमानपब्बतवासिउपासकस्स (म० नि० अट्ठ० १.८९ कुसलकम्मपथवण्णना; सं० नि० अट्ठ० २.२.१०९-१११; ध० स० अट्ठ० कुसलकम्मपथवण्णना) विय समादानविरति वेदितब्बा।

मगगसम्पयुत्ताति सम्मादिट्ठियादिमगगसम्पयुत्ता। इदानी तत्था तत्थागतेसु धम्मतो, कोट्टासतो, आरम्मणतो, वेदनातो, मूलतो, आदानतो, भेदतोतिआदिना अनेकधा विनिच्छयेसु सङ्केपेनेव आरम्मणतो विनिच्छयं दस्सेतुं “तत्था”तिआदि वुत्तं। पुरिमा द्वेति सम्पत्तसमादानविरतियो। “जीवितिन्द्रियादिवत्थू”ति परमत्थतो पाणो वुत्तो, पञ्जत्तितो पन “सत्तादिवत्थू”ति वत्तब्बं, एवञ्चि “सत्तेयेव आरभित्वा पाणातिपाता, अब्रह्मचरिया च विरमती”ति (खु० पा० अट्ठ० एकतानानतादिविनिच्छय) खुद्दकागमड्ठकथावचनेन संसन्दति समेतीति। आदिसद्देन चेत्थ सत्तसङ्कारवसेन अदिन्नवत्थु, तथा फोड्ढवत्थु, वितथवत्थु, सङ्कारवसेनेव सुरामेरयवत्थूति एतेसं सङ्गहो दट्ठब्बो। तं आरम्मणं कत्वा पवत्तन्तीति यथावुत्तं वीतिक्कमवत्थुं आलम्बित्वा वीतिक्कमनचेतनासङ्घातविरमितब्बवत्थुतो विरमणवसेन पवत्तन्ति। पच्छिमाति सेतुघातविरति। निब्बानारम्मणाव तथापि किच्चसाधनतो। इमिना पन तत्थेव आगतेसु तीसु आचरियवादेसु द्वे पटिबाहित्वा एकस्सेवानुजाननं वेदितब्बं।

“सम्पत्तविरति, हि समादानविरति च यदेव पजहति, तं अत्तनो पाणातिपातादिअकुसलमेवारम्मणं कत्वा पवत्तती”ति केचि वदन्ति। “समादानविरति यतो विरमति, तं अत्तनो वा परेसं वा पाणातिपातादिअकुसलमेवालम्बणं कत्वा पवत्तति। सम्पत्तविरति पन यतो विरमति, तेसं पाणातिपातादीनं आलम्बणानेव आरम्मणं कत्वा पवत्तती”ति अपरे। “द्वयम्पि चेतं यतो पाणातिपातादिअकुसलतो विरमति, तेसमारम्मणभूतं वीतिक्कमितब्बवत्थुमेवालम्बणं कत्वा पवत्तति। पुरिमपुरिमपदत्थञ्चि

वीतिक्कमवत्थुमालम्बणं कत्वा पच्छिमपच्छिमपदत्थतो विरमितब्बवत्थुतो विरमती”ति अज्जे । पठमवादो चेत्थ अयुत्तोयेव । कस्मा ? तस्स अत्तनो पाणातिपातादिकुसलस्स पच्चुप्पन्नाभावतो, अबहिद्धाभावतो च । सिक्खापदविभङ्गे हि पञ्चन्नं सिक्खापदानं पच्चुप्पन्नारम्मणता, बहिद्धारम्मणता च वुत्ता । तथा दुतियवादोपि अयुत्तोयेव । कस्मा ? पुरिमवादेन सम्मिस्सत्ता, परेसं पाणातिपातादिकुसलारम्मणभावे च अनेकन्ति कत्ता, द्विन्नं आलम्बणप्पभेदवचनतो च । ततियवादो पन युत्तो सब्बभाणकानमभिमतो, तस्मा तदेव अनुजानातीति दट्ठब्बं । तेन वुत्तं “तीसु आचरियवादेसु द्वे पटिबाहित्वा एकस्सेवानुजाननं वेदितब्ब”न्ति ।

एत्थाह – यज्जेतं विरतिद्वयं जीवितिन्द्रियादिवीतिक्कमितब्बवत्थुमेवालम्बणं कत्वा पवत्तेय्य, एवं सति अज्जं चिन्तेन्तो अज्जं करेय्य, यच्च पजहति, तं न जानेय्याति अय’मनधिप्पेतो अत्थो आपज्जतीति ? वुच्चते – न हि किच्चसाधनवसेन पवत्तेन्तो “अज्जं चिन्तेन्तो अज्जं करोती”ति वा “यच्च पजहति, तं न जानाती”ति वा वुच्चति । यथा पन अरियमग्गो निब्बानारम्मणोव किलेसे पजहति, एवं जीवितिन्द्रियादिवत्थारम्मणमेतं विरतिद्वयं पाणातिपातादीनि दुस्सील्यानि पजहति । तेनाहु पोरणा –

“आरभित्वान अमतं, जहन्तो सब्बपापके ।

निदस्सनज्चेत्थ भवे, मग्गट्ठोरियपुग्गलो”ति ।। (खु० पा० अट्ठ० एकतानानताविनिच्छय)

इदानीं सङ्केपेनेव आदानतो, भेदतो वा विनिच्छयं दस्सेतुं “एत्था”तिआदि वुत्तं । “पञ्चङ्गसमन्नागतं सीलं समादियामी”तिआदिना एकतो एकज्झं गण्हाति । एवम्पि हि किच्चवसेन एतासं पञ्चविधता विज्जायति । सब्बानिपि भिन्नानि होन्ति एकज्झं समादिन्नत्ता । न हि तदा पञ्चङ्गिकत्तं सीलस्स सम्पज्जति । यं तु वीतिक्कन्तं, तेनेव कम्मबद्धो । “पाणातिपाता वेरमणिसिक्खापदं समादियामी”तिआदिना एकेकं विसुं विसुं गण्हाति । “वेरमणिसिक्खापद”न्ति च इदं समासभावेन खुद्दकपाठदुक्कायं (खु० पा० अट्ठ० साधारणविभावना) वुत्तं, पाळिपोत्थकेसु पन “वेरमणि”न्ति निग्गहितन्तमेव व्यासभावेन दिस्सति । गहट्ठवसेन चेतं वुत्तं । सामणेराणं पन यथा तथा वा समादाने एकस्मिं भिन्ने सब्बानिपि भिन्नानि होन्ति पाराजिकापत्तितो । इति एकज्झं, पच्चेकच्च समादाने विसेसो इध वुत्तो, खुद्दकागमदुक्कायं पन “एकज्झं समादियतो एकायेव विरति

एकाव चेतना होति, किच्चवसेन पनेतासं पञ्चविधत्तं विज्जायति। पच्चेकं समादियतो पन पञ्चेव विरतियो, पञ्च च चेतना होन्ती”ति (खु० पा० अट्ठ० एकतानानतादिविनिच्छय) अयं विसेसो वुत्तो। भेदेपि “यथा तथा वा समादियन्तु, सामणेराणं एकस्मिं भिन्ने सब्बानिपि भिन्नानि होन्ति। पाराजिकट्टानियानि हि तानि तेसं। यं तु वीतिक्कन्तं होति, तेनेव कम्मबद्धो। गहट्टानं पन एकस्मिं भिन्ने एकमेव भिन्नं होति, यतो तेसं तंसमादानेनेव पुन पञ्चङ्गिकत्तं सीलस्स सम्पज्जती”ति वुत्तं। यथावुत्तोपि दीघभाणकानं वादो अपरेवादो नाम तत्थ कतो।

सेतुधातविरतिया पन भेदो नाम नत्थि पटिपक्खसमुच्छिन्दनेन अकुप्पसभावत्ता। तदेवत्थं दस्सेन्तेन “भवन्तरेपी”तिआदि वुत्तं। तत्थ “भवन्तरेपी”ति इमिना अत्तनो अरियभावं अजानन्तोपीति अत्थं विज्जापेति। जीवितहेतुपि, पगेव अञ्जहेतु। “नेव पाणं हनति, न सुरं पिबती”ति इदं मज्झेपेय्यालनिद्धिदं, मिगपदवळञ्जननयेन वा वुत्तं। सुरन्ति च निदस्सनमत्तं। सब्बम्पि हि सुरामेरयमज्जपमादट्टानानुयोगं न करोति। “मज्जन्ति तदेव उभयं, यं वा पनञ्जम्पि सुरासवविनिमुत्तं मदनीय”न्ति (सं० नि० अट्ठ० ३.५.११३४) संयुत्तमहावग्गट्ठकथायं वुत्तं। खुट्ठकपाठट्ठकथायञ्च “तदुभयमेव मदनीयहेन मज्जं, यं वा पनञ्जम्पि किञ्चि अत्थि मदनीयं, येन पीतेन मत्तो होति पमत्तो, इदं वुच्चति मज्ज”न्ति (खु० पा० अट्ठ० पुरिमपञ्चसिक्खापदवण्णना) “सचे पिस्सा”तिआदिना तत्थेव विसेसदस्सनं, अजानन्तस्सपि खीरमेव मुखं पविसति, न सुरा, पगेव जानन्तस्स। कोज्जसकुणानन्ति कुन्तसकुणानं। सचेपि मुखे खीरमिस्सके उदके पक्खिपन्तीति योजेतब्बं। “न चेत्थ उपमोपमेय्यानं सम्बद्धता सिया कोज्जसकुणानं योनिसिद्धत्ता”ति कोचि वदेय्याति आह “इद”न्तिआदि। योनिसिद्धन्ति मनुस्सतिरच्छानानं उद्धं तिरियमेव दीघता विय, बकानं मेघसदेन, कुक्कुटीनं वातेन गब्भग्गहणं विय च जातिसिद्धं, इति कोचि वदेय्य चेति अत्थो। “चेवा”तिपि पाठं वत्वा समुच्चयत्थमिच्छन्ति केचि। धम्मतासिद्धन्ति बोधिसत्ते कुच्छिगते बोधिसत्तमातु सीलं विय, विजाते तस्सा दिवङ्गमनं विय च सभावेन सिद्धं, मग्गधम्मताय वा अरियमग्गानुभावेन सिद्धन्ति वेदितब्बन्ति विस्सज्जेय्याति अत्थो।

दिट्ठिजुकरणं नाम भारियं दुक्करं, तस्मा सरणगमनं सिक्खापदसमादानतो महट्ठतरमेव, न अप्पट्ठतरन्ति अधिप्पायो। एतन्ति सिक्खापदं। यथा वा तथा वा गण्हन्तस्सापीति आदरं गारवमकत्वा समादियन्तस्सापि। साधुकं गण्हन्तस्सापीति सक्कच्चं

सीलानि समादियन्तस्सापि अप्पट्ठतरमेव, अप्पसमारम्भतरञ्च, न दिगुणं उस्साहो करणीयोति वुत्तं होति । सीलं इध अभयदानताय दानं, अनवसेसं वा सत्तनिकायं दयति रक्खतीति दानं । अयमेत्थ अट्ठकथामुत्तकनयो – सरणं उपगतेन कायवाचाचित्तेहि सक्कच्चं वत्थुत्तयपूजा कातब्बा, तत्थ च संकिलेसो साधुकं परिहरितब्बो, सिक्खापदानि पन समादानमत्तं, सम्पत्तवत्थुतो विरमणमत्तञ्चाति सरणगमनतो सीलस्स अप्पट्ठतरता, अप्पसमारम्भतरता च वेदितब्बा । सब्बेसं सत्तानं जीवितदानादिना दण्डनिधानतो, सकललोकियलोकुत्तर गुणाधिद्वानतो चस्स महप्फलतरता, महानिसंसतरता च दट्ठब्बाति ।

तमत्थं पालिया साधेन्तो “वुत्तञ्हेत”न्तिआदिमाह । तत्थ “अग्गानी”ति जातत्ता अग्गञ्जानि । चिररत्तताय जातत्ता रत्तञ्जानि । “अरियानं साधून् वंसानी”ति जातत्ता वंसञ्जानि । पुरिमकानं आदिपुरिसानं एतानीति पोराणानि । सब्बसो केनचिपि पकारेन साधूहि न किण्णानि न छड्डितानीति असंकिण्णानि । अयञ्च नयो नेसं यथा अतीते, एवं एतरहि, अनागते चाति आह “असंकिण्णपुब्बानी”तिआदि । अतीते हि काले असंकिण्णभावस्स “असंकिण्णपुब्बानी”ति निदस्सनं, पच्चुप्पन्ने “न सङ्घियन्ती”ति, अनागते “न सङ्घियिस्सन्ती”ति । अतोयेव अप्पट्ठिकुट्टानि न पटिक्खित्तानि । न हि कदाचिपि विञ्जू समणब्राह्मणा हिंसादिपापधम्मं अनुजानन्ति । अपरिमाणानं सत्तानं अभयं देतीति सब्बेसु भूतेसु निहितदण्डत्ता सकलस्सपि सत्तनिकायस्स भयाभावं देति । न हि अरियसावकतो कस्सचि भयं होति । अवेरन्ति वेराभावं । अब्बापज्जन्ति निहुक्खतं । “अपरिमाणानं सत्तानं अभयं दत्त्वा”तिआदि आनिसंसदस्सनं, हेतुम्पि चेत्य त्वा-सद्दो यथा “मातरं सरित्त्वा रोदती”ति ।

यं किञ्चि चजनलक्खणं, सब्बं तं यञ्जोति आह “इदञ्च पना”तिआदि । न नु च पञ्चसीलं सब्बकालिकं । अबुद्धुप्पादकालेपि हि विञ्जू तं समादियन्ति, न च एकन्ततो विमुत्तायतनं बाहिरकानम्पि समादिन्नत्ता । सरणगमनं पन बुद्धुप्पादहेतुकं, एकन्ततो च विमुत्तायतनं, कथं तत्थ सरणगमनतो पञ्चसीलस्स महप्फलताति आह “किञ्चापी”तिआदि । जेड्ढकन्ति महप्फलभावेन उत्तमं । “सरणगमनेयेव पतिट्ठाया”ति इमिना तस्स सीलस्स सरणगमनेन अभिसङ्खत्तत्ता ततो महप्फलतं, तथा अनभिसङ्खत्तस्स च सीलस्स अप्पफलतं दस्सेति ।

३५३. ईदिसमेवाति एवं संकिलेसपटिपक्खमेव हुत्वा । ननु च

पठमज्झानादियज्जायेव देसेतब्बा, कस्मा बुद्धुप्पादतो पट्टाय देसनमारभतीति अनुयोगं परिहरितुं “**तिविध...पे०... दस्सेतुकामो**”ति वुत्तं। तिविधसीलपारिपूरियं ठितस्स हि नेसं यज्ज्ञानं अप्पट्ठतरता, महप्फलतरता च होति, तस्मा तं दस्सेतुकामत्ता बुद्धुप्पादतो पट्टाय देसनं आरभतीति वुत्तं होति। तेनाह “**तत्था**”तिआदि। हेट्ठा वुत्तेहि गुणेहीति एत्थ “सो तं धम्मं सुत्वा तथागते सद्धं पटिलभती”तिआदिना (दी० नि० १.१९१) हेट्ठा वुत्ता सरणगमनं, सीलसम्पदा, इन्द्रियेसु गुत्तद्वारताति एवमादयो गुणा वेदितब्बा। पठमं ज्ञानं निब्बत्तेन्तो न किलमतीति योजना। **तानी**ति पठमज्झानादीनि। “**पठमं ज्ञानं**”न्तिआदिना पाळियं पणीतानमेव ज्ञानानं उक्कट्टनिद्देसो कतोति मन्तवा “**एकं कप्पं, अट्ठ कप्पे**”तिआदि वुत्तं, महाकप्पवसेन चेत्थ अत्थो। हीनं पन पठमं ज्ञानं असङ्खयेय्यकप्पस्स ततियभागं आयुं देति। मज्झिमं उपङ्गकप्पं। हीनं दुतियं ज्ञानं द्वे कप्पानि, मज्झिमं चत्तारीतिआदिना अत्थो नेतब्बो। अपिच यस्मा पणीतानियेवेत्थ ज्ञानानि अधिप्पेतानि महप्फलतरभावदस्सनपरत्ता देसनाय, तस्मा “**पठमं ज्ञानं एकं कप्पं**”न्तिआदिना पणीतानेव ज्ञानानि निद्दिट्ठानीति दट्ठब्बं।

तदेवाति चतुत्थज्ज्ञानमेव। चतुक्कनयेन हि देसना आगता। यदि एवं कथं आरुप्पताति आह “**आकासानज्वायतनादिसमापत्तिवसेन भावित**”न्ति, तथा भावितत्ता चतुत्थज्ज्ञानमेव आरुप्पं हुत्वा वीसतिकप्पसहस्सादीनि आयुं देतीति अधिप्पायो। अयं आचरियस्स मति। अथ वा **तदेवा**ति आरुप्पसङ्घातं चतुत्थज्ज्ञानमेव, तं पन कस्मा वीसतिकप्पसहस्सादीनि आयुं देतीति वुत्तं “**आकासानज्वायतनादिसमापत्तिवसेन भावित**”न्ति, तथा भावितत्ता एवं देतीति अधिप्पायो। अपरो नयो “**तदेवा**”ति वुत्ते रूपावचरचतुत्थज्ज्ञानमेवाति अत्थो आपज्जेय्याति तं निवत्तेतुं “**आकासानज्वायतनादिसमापत्तिवसेन भावित**”न्ति आह, तथा भावितं अङ्गसमताय चतुत्थज्ज्ञानसङ्घातं आरुप्पज्ज्ञानमेवाधिप्पेतन्ति वुत्तं होति।

सम्मदेव निच्चसज्जादिपटिपक्खविधमनवसेन पवत्तमाना पुब्बभागिये एव बोधिपक्खियधम्मे समानेन्ती विपस्सना विपस्सकपुग्गलस्स अनप्पकं पीतिसोमनस्सं समावहतीति वुत्तं “**विपस्सनासुखसदिसस्स पन सुखस्स अभावा महप्फल**”न्ति। यथाह धम्मराजा धम्मपदे –

“यतो यतो सम्मसति, खन्धानं उदयब्बयं ।

लभती पीतिपामोज्जं, अमतं तं विजानत”न्ति ।। (ध० प० ३७४)

यस्मा पनायं देसना इमिना अनुक्कमेन इमानि जाणानि निब्बत्तेन्तस्स वसेन पवत्तिता, तस्मा “विपस्सनाजाणे पतिट्ठाया”तिआदिना हेट्ठिमं हेट्ठिमं उपरिमस्स उपरिमस्स पतिट्ठाभूतं कत्वा वुत्तं । समानरूपनिम्मानं नाम मनोमयिद्धिया अज्जेहि असाधारणकिच्चन्ति आह “अत्तनो...पे०... महफ्फला”ति । हत्थिअस्सादिविविधरूपकरणं विकुब्बनं, तस्स दस्सनसमत्थताय । इच्छित्तिच्छित्तद्वानं नाम पुरिमजातीसु इच्छित्तिच्छित्तो खन्धपदेसो । अरहत्तमग्गेनेव मग्गसुखं निट्ठितन्ति वुत्तं “अति...पे०... महफ्फल”न्ति । समापेत्तोति परियोसापेत्तो ।

कूटदन्तउपासकत्तपटिवेदनादिकथावण्णना

३५४-८. “अभिक्कन्तं भो गोतमा”तिआदि देसनाय पसादवचनं, “एसाहं भवन्त”न्तिआदि पन सरणगमनवचनन्ति तदुभयसम्बन्धं दस्सेन्तो. “देसनाया”तिआदिमाह । तनूति मन्दो कायिकचेतसिकसुखसमुपब्यूहतो । सब्बे ते पाणयोति “सत्त च उसभसतानी”तिआदिना वुत्ते सब्बे ते पाणिनो । तं पवत्तिन्ति तेसं पाणीनं मोचनाकारं । आकुलभावोति भगवतो सन्तिके धम्मस्स सुतत्ता पाणीसु अनुद्वयं उपट्टपेत्वा ठितस्स “कथञ्चि नाम मया ताव बहू पाणिनो मारणत्थाय बन्धापिता”ति चित्ते परिब्याकुलभावो, यस्मा अत्थि, तस्मा न देसेतीति योजना, “उदपादी”तिपि पाठो । सुत्वाति “मुत्ता भो ते पाणयो”ति आरोचितवचनं सुत्वा । चित्तचारोति चित्तप्पवत्ति । “कल्लचित्तं मुदुचित्तं विनीवरणचित्तं उदग्गचित्तं पसन्नचित्त”न्ति इदं पदपञ्चकं सन्धाय “कल्लचित्तन्तिआदी”ति वुत्तं । तत्थ “दानकथं सीलकथ”न्तिआदिना वुत्ताय अनुपुब्बिकथाय आनुभावेन । कामच्छन्दविगमेन कल्लचित्तता अरोगचित्तता, ब्यापादविगमेन मेत्तावसेन मुदुचित्तता अकथिनचित्तता, उद्धच्चकुक्कुच्चविगमेन विक्खेपाभावतो विनीवरणचित्तता तेहि अमलीनचित्तता, थिनमिद्धविगमेन सम्पग्गहणवसेन उदग्गचित्तता अमलीनचित्तता, विचिकिच्छाविगमेन सम्पापटिपत्तिया अविमुत्तताय पसन्नचित्तता अनाविलचित्तता च होतीति आह “अनुपुब्बिकथानुभावेन विक्खम्भितनीवरणतं सन्धाय वुत्त”न्ति । यं पनेत्थ अत्थतो अविभत्तं, तं सुविज्जेय्यमेव ।

इति सुमङ्गलविलासिनिया दीघनिकायट्ठकथाय परमसुखुमगम्भीरदुरनुबोधत्थपरिदीपनाय
सुविमलविपुलपञ्जावेय्यत्तियजननाय साधुविलासिनिया नाम लीनत्थपकासिनिया
कूटदन्तसुत्तवण्णनाय लीनत्थपकासना ।

कूटदन्तसुत्तवण्णना निद्धिता ।

६. महालिसुत्तवण्णना

ब्राह्मणदूतवत्थुवण्णना

३५१. एवं कूटदन्तसुत्तं संवण्णेत्वा इदानीं महालिसुत्तं संवण्णेन्तो यथानुपुब्बं संवण्णनोकासस्स पत्तभावं विभावेतुं, कूटदन्तसुत्तस्सानन्तरं सङ्गीतस्स सुत्तस्स महालिसुत्तभावं वा पकासेतुं “एवं मे सुत्तं...पे०... वेसालियन्ति महालिसुत्त”न्ति आह । पुनप्पुनं विसालभावूपगमनतोति एत्थायं सङ्खेपो – बाराणसिरज्जो किर अग्गमहेसिया मंसपेसिगब्भेन द्वे दारका निब्बत्ता धीता च पुत्तो च, तेसं अज्जमज्जं विवाहेन सोळसक्खत्तुं पुत्तधीतुवसेन द्वे द्वे दारका विजाता । ततो तेसं दारकानं यथाक्कमं वहेन्तानं पच्चेकं सपरिवारानं आरामुय्याननिवासट्ठानपरिवारसम्पत्तिं गहेतुं अप्पहोनकताय नगरं तिक्खत्तुं गावुतन्तरेन गावुतन्तरेन परिक्खिपिंसु, एवं तस्स पुनप्पुनं तिपाकारपरिक्खेपेन विसालभावमुपगतत्ता “वेसाली”त्वेव नामं जातं । तेन वुत्तं “पुनप्पुनं विसालभावूपगमनतो वेसालीति लद्धनामके नगरे”ति । वित्थारकथा चेत्थ महासीहनादसुत्तवण्णनाय, (म० नि० अट्ठ० १.१४६) रतनसुत्तवण्णनाय (खु० पा० अट्ठ० वेसालिवत्थु; सु० नि० अट्ठ० १.रतनसुत्तवण्णना) च गहेतब्बा । बहिनगरेति नगरतो बहि, न अम्बपालिवनं विय अन्तो नगरस्मिं । सयंजातन्ति सयमेव जातं अरोपिमं । महन्तभावेनाति रुक्खगच्छानं, ठितोकासस्स च महन्तभावेन । तेनेवाह “हिमवन्तेन सद्धिं एकाबद्धं हुत्वा”ति । यं पन वेनयिकानं मतेन विनयट्ठकथायं वुत्तं –

“तत्थ महावनं नाम सयंजातं अरोपिमं सपरिच्छेदं महन्तं वनं । कपिलवत्थुसामन्ता पन महावनं हिमवन्तेन सह एकाबद्धं अपरिच्छेदं हुत्वा महासमुद्दं आहच्च ठितं, इदं तादिसं न होती”ति (पारा० अट्ठ० २.१६२) ।

तं मज्झिमभाणकसंयुत्तभाणकानम्पि समानकथा । मज्झिमङ्कथायञ्चि (म० नि० अट्ठ० २.३५२) संयुत्तङ्कथायञ्च (सं० नि० अट्ठ० १.३७) तथेव वुत्तं । इध पन दीघभाणकानं मतेन एवं वुत्तन्ति दट्ठब्बं । यदि च “अहुत्वा”ति कथचि पाठो दिस्सति, एवं सति सब्बेसम्पि समानवादो सियाति । कूटागारसालासङ्घेपेनाति हंसमण्डलाकारसङ्घातहंसवट्ठकच्छन्नेन कूटागारसालानियामेन, तथा कतत्ता पासादोयेव “कूटागारसाला”ति वुत्तो, तब्बोहारेन पन सकलोपि सङ्घारामोति वुत्तं होति । विनयङ्कथायं (पारा० अट्ठ० २.१६२) तु एवं वुत्तं—

“कूटागारसाला पन महावनं निस्साय कते आरामे कूटागारं अन्तोक्त्वा हंसवट्ठकच्छन्नेन कता सब्बाकारसम्पन्ना बुद्धस्स भगवतो गन्धकुटि वेदितब्बा”ति ।

कोसलेसु जाता, भवा, ते वा निवासो एतेसन्ति कोसलका । एवं मागधका । जनपदवाचिनो हि पायतो पुल्लिङ्गपुथुवचना । यस्स अकरणे पुग्गलो महाजानियो होति, तं करणं अरहतीति करणीयन्ति वुच्चति । तेनाह “अवस्सं कत्तब्बकम्मेना”ति । अकातुम्पि वट्ठति असति समवाये, तस्मा समवाये सति कत्तब्बतो तं किच्चन्ति वुच्चतीति अधिष्पायो ।

३६०. या बुद्धानं उप्पज्जनारहा नानत्तसज्जा, तासं वसेन “नानारम्मणचारतो”ति वुत्तं, नानारम्मणप्पवत्तितोति अत्थो । सम्भवन्तस्सेव हि पटिसेधो, न असम्भवन्तस्स । पटिक्कम्माति निवत्तेत्वा तथा चित्तं अनुष्णादेत्वा । सल्लीनोति ज्ञानसमापत्तिया एकत्तारम्मणं अल्लीनो । निलीनोति तस्सेव वेवचनं । तेन वुत्तं “एकीभाव”न्तिआदि । सपरिवारत्ता अनेकोपि तदा एको विय भवतीति एकीभावो, तं एकीभावं । येनायस्मा नागितो, तं सन्धाय “तस्मा ठाना”ति वुत्तं ।

ओड्डलिच्छविवत्थुवण्णना

३६१. अट्ठोड्डतायाति उपट्ठोड्डताय । तस्स किर उत्तरोड्डस्स अप्पकताय तिरियं फालेत्वा अट्ठमपनीतं विय खायति चत्तारो दन्ते, द्वे च दाठा न छादेति, तेन न “ओड्डो”ति वोहरति । केचि पन “अधो-सद्देन पाठं परिकप्पेत्वा हेट्ठा ओड्डस्स ओलम्बकताय “ओड्डाधो”ति अत्थं वदन्ति, तदयुत्तमेव तथा पाठस्स अदिस्सनतो,

आचरियेन (दी० नि० टी० १.३६१) च अवण्णितत्ता । अयं किर उपोसधिको दायको दानपति सद्धो पसन्नो बुद्धमामको धम्मसङ्गमामको । तेनाह “पुरेभत्त”न्तिआदि । खन्धके, (महाव० २८९) महापरिनिब्बानसुत्ते (दी० नि० २.१६१) च आगतनयेन “नीलपीतादि...पे०... तावतिसपरिससण्णटिभागाया”ति वुत्तं । अयं पन वेसाली भगवतो काले इद्धा चेव वेपुल्लप्पत्ता च अहोसि । तत्थ हि राजूनमेव सत्त सहस्सानि, सत्त सत्तानि, सत्त च राजानो अहेसुं, तथा युवराजसेनापतिभण्डागारिकपभुतीनम्पि, पासादकूटागारआरामपोक्खरणिआदयोपि तप्परिमाणायेव, बहुजना, आकिण्णमनुस्सा, सुभिक्षा च । तेन वुत्तं “महतिया लिच्छविपरिसाया”ति । तस्स पन कुलस्स आदिभूतानं यथावुत्तानं मंसपेसिया निब्बत्तदारकानं तापसेन पायितं यं खीरं उदरं पविसति, सब्बं तं मणिभाजनगतं विय दिस्सति, चरिमकभवे बोधिसत्ते कुच्छिगते बोधिसत्तमातु विय उदरच्छविया अतिविप्पसन्नताय ते निच्छवी अहेसुं । अपरे पनाहु “सिब्बेत्वा ठपिता विय नेसं अज्जमज्जं लीना छवि अहोसी”ति । एवं ते निच्छविताय वा लीनच्छविताय वा लिच्छवीति पज्जायिंसु, निरुत्तिनयेन चेत्थ पदसिद्धि, तब्बसे उप्पन्ना सब्बेपि लिच्छवयो नाम जाता । तेनाह “लिच्छविपरिसाया”ति, लिच्छविराजूनं, लिच्छविवंसभूताय वा परिसायाति अत्थो । महन्तं यसं लति गण्हातीति महालि यथा “भद्दाली”ति । मूलनामन्ति मातापितूहि कतनामं ।

३६२. सासने युत्तपयुत्तोति भावनमनुयुत्तो । सब्बत्थ सीहसमानवुत्तिनोपि भगवतो परिसाय महत्ते सति तदज्झासयानुरूपं पवत्तियमानाय धम्मदेसनाय विसेसो होतीति आह “महन्तेन उस्साहेन धम्मं देसेस्सती”ति ।

“विस्सासिको”ति वत्ता तमस्स विस्सासिकभावं विभावेतुं “अयङ्गी”तिआदि वुत्तं । थूलसरीरोति वठरसरीरो । थेरस्स खीणासवभावतो “आलसियभावो अप्पहीनो”ति न वत्तब्बो, वासनालेसं पन उपादाय “ईसकं अप्पहीनो विय होती”ति वुत्तं । न हि सावकानं बुद्धानमिव सवासना किलेसा पहीयन्ति । यथावुत्तं पासादमेव सन्धाय “कूटागारमहागेहा”ति वुत्तं । पाचीनमुखाति पाचीनपमुखा ।

३६३. विनेय्यजनानुपरोधेन बुद्धानं भगवन्तानं पटिहारियविजम्भनं होतीति आह “अथ खो”तिआदि । गन्धकुटितो निक्खमनवेलायज्जि छब्बण्णा बुद्धरस्मियो आवेळावेळा

यमला यमला हुत्वा सविसेसं पभस्सरा विनिच्छरिंसु। ताहि “भगवा निक्खमती”ति समारोचितमिव निक्खमनं सज्जानिंसु। तेन वुत्तं “संसूचितनिक्खमनो”ति।

३६४. “अज्जा”ति वुत्तदिवसतो अतीतमनन्तरं हिय्योदिवसं पुरिमं नाम, तथा “हिय्यो”ति वुत्तदिवसतो परं पुरिमतरं अतिसयेन पुरिमत्ता। इति इमेसु द्वीसु दिवसेसु ववत्थितो यथाक्कमं पुरिमपुरिमतरभावो। एवं सन्तेपि यदेत्थ “पुरिमतर”न्ति वुत्तं, ततो पभुति यं यं ओरं, तं तं पुरिमं। यं यं परं, तं तं पुरिमतरन्ति दस्सेन्तो “ततो पद्दाया”तिआदिमाह। ओरपारभावस्स विय, हि दिसाविदिसाभावस्स विय च पुरिमपुरिमतरभावस्स अपेक्खासिद्धि। मूलदिवसतोतिआदिदिवसतो। अग्गेति उपयोगत्थे भुम्मवचनं, उपयोगवचनस्स वा ए-कारादेसोति दस्सेति “अग्ग”न्ति इमिना, पठमन्ति अत्थो। तं पनेत्थ परा अतीता कोटियेवाति आह “परकोटिं कत्वा”ति। यं-सद्दो परिच्छेदे निपातो, तप्पयोगेन चायं “विहरामी”ति वत्तमानपयोगो, अत्थो पन अतीतवसेन वेदितब्बोति दस्सेतुं “याव विहासि”न्ति वुत्तं। तस्साति दिवसस्स। पठमविकप्पे “विहरामी”ति इमस्स “यदग्गे”ति इमिना उज्जुं ताव सम्बन्धित्वा पच्छा “नचिरं तीणि वस्सानी”ति पमाणवचनं योजेतब्बं। दुतियविकप्पे पन “नचिरं तीणि वस्सानी”ति इमेहिपि कुटिलं सम्बन्धो कत्तब्बो। नचिरन्ति चेतं भावनपुंसकं, अच्चन्तसज्जोगं वा। तज्हि पमाणतो विसेसेतुं “तीणि वस्सानी”ति वदति। तेनाह “नचिरं विहासिं तीणियेव वस्सानी”ति।

अयन्ति सुनक्खत्तो। पियजातिकानीति इड्डसभावानि। सातजातिकानीति मधुरसभावानि। मधुरसदिसताय हि “मधुर”न्ति मनोरमं वुच्चति। आरम्मणं करोन्तेन कामेन उपसंहितानीति कामूपसंहितानि, कामनीयानि। तेनाह “कामस्सादयुत्तानी”ति, आरम्मणिकेन कामसङ्घातेन अस्सादेन सज्जुत्तानि, कामसङ्घातस्स वा अस्सादस्स योग्यानीति अत्थो। सरीरसण्णनेति सरीरबिम्बे, आधारे चेतं भुम्मं। तस्मा सद्देनाति तं निस्साय ततो उप्पन्नेन सद्देनाति अत्थो। अपिच विना पाठसेसं भवितब्बपदेनेव सम्बन्धितब्बं। मधुरेनाति इड्डेन सातेन। कण्णसक्खलियन्ति कण्णपट्टिकायं।

एतावताति दिब्बसोतजाणपरिकम्पस्स अकथनमत्तेन। “अत्तना जातम्पि न कथेति, किं इमस्स सासने अधिद्धानेना”ति कुज्झन्तो भगवति आघातं बन्धित्वा, सह कुज्झनेनेव चेस ज्ञानाभिज्जा परिहायि। चिन्तेसीति “कस्मा नु खो सो मय्हं तं परिकम्मं न

कथेसी”ति परिविचारेन्तो अयोनिसो उम्मुज्जनवसेन चिन्तेसि । अनुक्कमेनाति पाथिकसुत्ते, (दी० नि० ३.३ आदयो) महासीहनादसुत्ते (दी० नि० १.३८१) च आगतनयेन तं तं अयुत्तमेव चिन्तेन्तो, भासन्तो, करोन्तो च अनुक्कमेन भगवति बद्धाघातताय सासने पतिट्ठं अलभन्तो गिहिभावं पत्वा तमत्थं कथेति ।

एकंसभावितसमाधिवण्णना

३६६-३७१. एकंसायाति तदत्थे चतुत्थीवचनं, एकंसत्थन्ति अत्थो । अंससद्दो चेत्थ कोट्टासपरियायो, सो च अधिकारतो दिब्बरूपदस्सनदिब्बसद्दसवनवसेन वेदितब्बोति आह “एककोट्टासाया”तिआदि । वा-सद्दो चेत्थ विकप्पने एकंसस्सेवाधिप्पेतत्ता । अनुदिसायाति पुरत्थिमदक्खिणादिभेदाय चतुब्बिधाय अनुदिसाय । उभयकोट्टासायाति दिब्बरूपदस्सनत्थं, दिब्बसद्दसवनत्थञ्च । भावितोति यथा दिब्बचक्खुजाणं, दिब्बसोतजाणञ्च समधिगतं होति, एवं भावितो । तयिदं विसुं विसुं परिकम्मकरणेन इज्झन्तीसु वत्तब्बं नत्थि, एकज्झं इज्झन्तीसुपि कमेनेव किच्चसिद्धि भवति एकज्झं किच्चसिद्धिया असम्भवतो । पालियम्पि हि “दिब्बानञ्च रूपानं दस्सनाय, दिब्बानञ्च सद्धानं सवनाया”ति इदं एकस्स उभयसमत्थतासन्दस्सनमेव, न एकज्झं किच्चसिद्धिसम्भवसन्दस्सनं । “एकंसभावितो समाधि हेतू”ति इमिना सुनक्खतो दिब्बचक्खुजाणाय एव परिकम्मस्स कतत्ता विज्जमानम्पि दिब्बसद्दं नास्सोसीति दस्सेति ।

३७२. दिब्बचक्खुजाणतो दिब्बसोतजाणमेव सेट्ठन्ति मज्झमानो महालि एतमत्थं पुच्छतीति आह “इदं दिब्बसोतेन...पे०... मज्जे”ति । अपण्णकन्ति अविरज्जनकं, अनवज्जं वा । समाधियेव भावेतब्बट्ठेन समाधिभावना । “दिब्बसोतजाणं सेट्ठ”न्ति मज्झमानेन च तेन दिब्बचक्खुजाणम्पि दिब्बसोतेनेव सह गहेत्वा “एतासं नून भन्ते”तिआदिना पुथुवचनेन पुच्छितन्ति दस्सेतुं “उभयंसभावितानं समाधीन”न्ति वुत्तं । बाहिरा एता समाधिभावना अनिय्यानिकता । ता हि इतो बाहिरकानम्पि इज्झन्ति । न अज्झत्तिका भगवता सामुक्कंसिकभावेन अप्पवेदितत्ता । न हि ते सच्चानि विय सामुक्कंसिका । यदत्थन्ति येसं अत्थाय, अभेदेपि भेदवचनमेतं, यस्स वा विसेसनभूतस्स अत्थाय । तेति अरियफलधम्मे । “त”न्तिपि अधुना पाठो । ते हि सच्छिकातब्बा, “अत्थि खो महालि अज्जेव धम्मा...पे०... येसं सच्छिकिरियाहेतु भिक्खू मयि ब्रह्मचरियं चरन्ती”ति सच्छिकातब्बधम्मा च इध वुत्ता ।

चतुअरियफलवण्णना

३७३. संयोजेन्तीति बन्धेन्ति । तस्माति यस्मा वट्टदुक्खभये संयोजनतो तत्थ सत्ते संयोजेन्ति नाम, तस्मा । कत्थचि “वट्टदुक्खमये रथे”ति पाठो, न पोराणो तथा आचरियेन अवण्णितत्ता । मग्गसोतं आपन्नो, न पसादादिसोतं । “सोतोति भिक्खवे अरियमग्गस्सेतं अधिवचन”न्ति हि वुत्तं । आपन्नोति च आदितो पत्तोति अत्थो आ-उपसग्गस्स आदिकम्मनि पवत्तनतो, इदं पन फलद्ववसेन वदति । अतीतकालवचनञ्हेतं, मग्गक्खणे पन मग्गसोतं आपज्जति नाम । तेनेवाह दक्खिणविभङ्गे “सोतापन्ने दानं देति, सोतापत्तिफलसच्छिकिरियाय पटिपन्ने दानं देती”ति (म० नि० ३.३७९) अपतनधम्मोति अनुपपज्जनसभावो । धम्मनियामेनाति उपरिमग्गधम्मनियामेन । हेट्ठिमन्तेन सत्तमभवतो उपरि अनुपपज्जनधम्मताय वा नियतोति अट्ठकथामुत्तकनयो । परं अयनं परागति अस्स अत्थीति अत्थो । अनेनाति पुन ततियसमासवचनं, वा-सद्दो चेत्थ लुत्तनिदिट्ठो ।

तनुत्तं नाम पवत्तिया मन्दता, विरळता चाति वुत्तं “तनुत्ता”तिआदि । करहचीति निपातमत्तं, परियायवचनं वा । “ओरेन चे मासो सेसो गिम्हानन्ति वस्सिकसाटिकचीवरं परियेसेय्या”तिआदीसु (पारा० ६२७) विय ओर-सद्दो न अतिरेकत्थोति आह “हेट्ठाभागियान”न्ति, हेट्ठाभागस्स कामभवस्स पच्चयभावेन हितानन्ति अत्थो । “सुद्धावासभूमिय”न्ति तेसं उपपत्तिद्वानदस्सनं । ओपपातिकोति उपपातिको उपपातने साधुकारी । तेनाह “सेसयोनिपटिक्खेपवचनमेत”न्ति परिनिब्बानधम्मोति अनुपादिसेसाय निब्बानधातुया परिनिब्बानसभावो । विमुच्चतीति विमुत्ति, चित्तमेव विमुत्ति चेतोविमुत्तीति वुत्तं “चित्तविसुद्धि”न्तिआदि । चित्तसीसेन चेत्थ समाधि गहितो “सीले पतिट्ठाय नरो सपज्जो, चित्तं पज्जञ्च भावय”न्तिआदीसु (सं० नि० १.१.२३, १९२; पेटको० २२; मि० प० १.१.९) विय । पज्जाविमुत्तिन्ति एत्थापि एसेव नयो । तेनाह “अरहत्तफलपज्जाव पज्जाविमुत्ती”ति । सामन्ति अत्तनाव, अपरप्पच्चयेनाति अत्थो । “अभिजानित्वा”ति इमिना त्वादिपच्चयकारियस्स य-कारस्स लोपो दस्सितो । “अभिज्जाया”ति इमिना पन ना-वचनकारियस्साति दट्ठब्बं । सच्छीति पच्चक्खत्थे नेपातिकं । पच्चक्खकरणं नाम अनुस्सवाकारपरिवितक्कादिके मुञ्चित्वा सरूपतो आरम्भणकरणं ।

अरियअट्टङ्गिकमग्गवण्णना

३७४-५. उप्पतित्वाति आकासमग्गेन डेट्वा । पटिपज्जति अरियासावको निब्बानं, अरियफलञ्च एतायाति पटिपदा, सा च तस्स पुब्बभागो एवाति अरियमग्गो पुब्बभागपटिपदानामेन इध वुत्तो । आततविततादिवसेन पञ्चङ्गिकं । दिसाविदिसानिविट्ठपदेसेन अट्टङ्गिको । अट्टङ्गतो मुत्तो अज्जो कोचि अट्टङ्गिको नाम मग्गो नत्थीति आह “अट्टङ्गमत्तोयेवा”तिआदिना । न हि अवयवविनिमुत्तो समुदायो नाम कोचि अत्थीति । तस्मा “अट्ट अङ्गानि अस्साति अज्जपदत्थसमासं अकत्वा ‘अट्ट अङ्गानि अट्टङ्गानि, तानि अस्स सन्तीति अट्टङ्गिको’ति समासगब्भतद्धितवसेन पदसिद्धि कातब्बा”ति (दी० नि० टी० १.३७४, ३७५) आचरियेन वुत्तं, अधिष्ठायो चेत्य चिन्तेतब्बो । अज्जपदत्थसमासे हि कते न सक्का अट्टङ्गअट्टङ्गिकानं भेदो अज्जमज्जं विपरियायं कत्वापि नियमेतुं ब्यासे उभयपदत्थपरभावेन सहेव सङ्ख्यापरिच्छेदेन अत्थापत्तितो । समासगब्भे पन तद्धिते कते सक्का एव तेसं भेदो अज्जमज्जं विपरियायं कत्वा नियमेतुं समासे उत्तरपदत्थपरभावेन विनाव सङ्ख्यापरिच्छेदेन अत्थापत्तितो । एकत्थिभावलक्खणो हि समासोति । धम्मदायादसुत्तन्तटीकायं पन आचरियेनेव एवं वुत्तं “यस्मा मग्गङ्गसमुदाये मग्गवोहारो होति, समुदायो च समुदायीहि समन्नागतो, तस्मा अत्तनो अवयवभूतानि अट्ट अङ्गानि एतस्स सन्तीति अट्टङ्गिको”ति । पठमनये चेत्य अङ्गिना अङ्गस्स अट्टङ्गिकभावो वुत्तो, दुतियनये पन अङ्गेन अङ्गिनोति अयमेतेसं विसेसो ।

इदानी अट्टङ्गिकमग्गे लक्खणतो, किच्चखणारम्मणभेदकमतो च विनिच्छयं दस्सेन्तो “तत्था”तिआदिमाह । सम्मादस्सनलक्खणाति अविपरीतं याथावतो चतुन्नमरियसच्चानं पच्चक्खमेव दस्सनसभावा । सम्मा अभिनिरोपनलक्खणोति निब्बानारम्मणे चित्तस्स अविपरीतमभिनिरोपनसभावा । सम्मा परिग्गहणलक्खणाति चतुरङ्गसमन्नागता वाचा जने सङ्गहातीति तब्बिपक्खतो विरतिसभावा सम्मावाचा भेदकरमिच्छावाचप्पहानेन जने, सम्पयुत्तधम्मे च परिग्गहणनकिच्चवती होति, एवं अविपरीतं परिग्गहणसभावा । सम्मा समुद्धापनलक्खणोति यथा चीवरकम्मादिको कम्मन्तो एकं कातब्बं समुद्धापेति, तंतकिरियानिष्पादको वा चेतनासङ्घातो कम्मन्तो हत्थपादचलनादिकं किरियं समुद्धापेति, एवं सावज्जकतब्बकिरियासमुद्धापकमिच्छाकम्मन्तप्पहानेन सम्माकम्मन्तो निरवज्जसमुद्धापनकिच्चवा होति, सम्पयुत्ते च समुद्धापेन्तो एव पवत्ततीति अविपरीतं समुद्धापनसभावा । सम्मा वोदापनलक्खणोति कायवाचानं, खन्धसन्तानस्स च

संकिलेसभूतमिच्छाजीवप्पहानेन अविपरीतं बोदापनसभावो । सम्मा पग्गहलक्खणोति ससम्पयुत्तधम्मस्स चित्तस्स संकिलेसपक्खे पतितुमदत्त्वा अविपरीतं पग्गहणसभावो । सम्मा उपट्ठानलक्खणाति तादिभावलक्खणेन अविपरीतं तत्थ उपट्ठानसभावो । सम्मा समाधानलक्खणोति विक्खेपविद्धंसनेन अविपरीतं चित्तस्स समादहनसभावो ।

सहजेकट्ठताय दिट्ठेकट्ठा अविज्जादयो मिच्छादिट्ठितो अज्जे अत्तनो पच्चनीककिलेसा नाम । पस्सतीति पकासेति किच्चपटिवेधेन पटिविज्झति । तेनाह “तप्पटि...पे०... असम्मोहतो”ति । इदं हि तस्सा पस्सनाकारदस्सनं । तेनेव हि सम्मादिट्ठिसङ्घातेन अज्जेन तत्थ पच्चवेक्खणा पवत्तति । पुरिमानि द्वे किच्चानि सब्बेसमेव साधारणानीति आह “सम्मासङ्कप्पादयोपी”तिआदि । “तथेवा”ति इमिना “अत्तनो पच्चनीककिलेसेहि सद्धि”न्ति इदमनुकट्ठति ।

पुब्बभागेति उपचारक्खणे । उपचारभावनावसेन अनेकवारं पवत्तचित्तक्खणिकत्ता नानक्खणा । अनिच्चादिलक्खणविसयत्ता नानारम्मणा । मग्गस्स एकचित्तक्खणिकत्ता एकक्खणा । निब्बानारम्मणत्ता एकारम्मणा । किच्चतोति पुब्बभागे दुक्खादिजाणेहि कत्तब्बेन इध सातिसयं निब्बत्तेन किच्चेन, इमस्सेव वा जाणस्स दुक्खादिप्पकासनकिच्चेन । चत्तारि नामानि लभति चतूसु सच्चेसु कातब्बकिच्च निब्बत्तितो । तीणि नामानि लभति कामसङ्कप्पादिप्पहाननिब्बत्तितो । सिक्खापदविभङ्गे “विरतिचेतना, सब्बे सम्पयुत्तधम्मा च सिक्खापदानी”ति (विभं० ७०४) वुच्चन्ति । तत्थ पन पधानानं विरतिचेतनानं वसेन “विरतियोपि होन्ति चेतनायोपी”ति वुत्तं, मुसावादादीहि विरमणकाले वा विरतियो, सुभासितादिवाचाभासनादिकाले चेतनायो होन्तीति योजेतब्बा । चेतनानं अमग्गङ्गत्ता “मग्गक्खणे पन विरतियोवा”ति आह । एकस्सेव जाणस्स दुक्खादिजाणत्ता विय, एकायेव विरतिया मुसावादादिविरतिभावो विय च एकाय एव चेतनाय सम्मावाचादिकिच्चत्तयसाधनासम्भवेन सम्मावाचादिभावासिद्धितो, तंसिद्धियञ्च अङ्गत्तयत्तासिद्धितो च एवं वुत्तन्तिपि दट्ठब्बं । इमिना चेतासं दुविधत्तं, अभेदतञ्च दस्सेति । सम्मप्पधानसतिपट्ठानवसेनाति चतुसम्मप्पधानचतुसतिपट्ठानभाववसेन ।

यदिपि समाधिउपकारकानं अभिनिरोपना नुमज्जनसम्पियायनु पब्रूहनसन्तानं वितक्कविचारपीतिसुखोपेक्खानं वसेन चतूहि ज्ञानेहि सम्मासमाधि विभत्तो, तथापि वायामो विय अनुप्पन्नाकुसलानुप्पादनादिचतुवायामकिच्चं, सति विय च असुभासुखानिच्चानत्तभूतेसु

कायादीसु सुभादिसञ्जापहानचतुसतिकिच्चं एकोव समाधि चतुक्कज्झानसमाधिकिच्चं न साधेति । तस्मा पुब्बभागेपि पठमज्झानसमाधि पठमज्झानसमाधि एव । तथा मग्गक्खणेपि पुब्बभागेपि दुतियज्झानसमाधि दुतियज्झानसमाधि एव । तथा मग्गक्खणेपि पुब्बभागेपि ततियज्झानसमाधि ततियज्झानसमाधि एव । तथा मग्गक्खणेपि पुब्बभागेपि चतुत्थज्झानसमाधि चतुत्थज्झानसमाधि एव । तथा मग्गक्खणेपीति आह “**पुब्बभागेपि मग्गक्खणेपि सम्मासमाधियेवा**”ति ।

तस्माति पञ्जापज्जोतत्ता **अविज्जान्धकारं विधमित्वा** पञ्जासत्थत्ता **किलेसचोरे घातेन्तोति** यथारहं योजेतत्त्वं । यस्मा पन अनादिमति संसारे इमिना योगिना कदाचिपि असमुग्घाटितपुब्बो किलेसगणो, तस्स समुग्घाटको च अरियमग्गो । अयञ्चेत्थ सम्मादिट्ठि परिञ्जाभिसमयादिवसेन पवत्तिया पुब्बङ्गमा होति बहूपकारा, तस्मा । तदेव बहूपकारतं कारणभावेन दस्सेतुं “**योगिनो बहूपकारत्ता**”ति वुत्तं ।

तस्माति सम्मादिट्ठिया । “**बहूपकारो**”ति वत्ता तं बहूपकारतं उपमाय विभावेन्तो “**यथा ही**”तिआदिमाह । अयं तम्बकंसादिमयत्ता **कूटो** । तंपरिहरणतो महासारताय **छेको** । एवन्ति यथा हेरज्जिकस्स चक्खुना दिस्वा कहापणविभागजानने किरियासाधकतमभावेन करणन्तरं बहुकारं यदिदं हत्थो, एवं योगिनो पञ्जाय ओलोकेत्वा धम्मविभागजानने पुब्बचारीभावेन धम्मन्तरं बहुकारं यदिदं वितक्को वितक्केत्वाव पञ्जाय तदवबोधतो । तस्मा सम्मासङ्कणो सम्मादिट्ठिया बहुकारोति अधिप्पायो । दुतियउपमाय एवन्ति यथा तच्छको परेन परिवत्तेत्वा परिवत्तेत्वा दिन्नं दब्बसम्भारं वासिया तच्छेत्वा गेहादिकरणकम्मे उपनेति, एवं योगी वितक्केन लक्खणादितो वितक्केत्वा दिन्नधम्मे याथावतो परिच्छिन्दित्वा परिञ्जाभिसमयादिकम्मे उपनेतीति योजना । वचीभेदस्स उपकारको वितक्को सावज्जानवज्जवचीभेदे निवत्तनपवत्तनकराय सम्मावाचायपि उपकारकोवाति आह “**स्वाय**”न्तिआदि । “**यथाहा**”तिआदिना धम्मदिन्नाय भिक्खुनिया विसाखस्स नाम गहपतिनो वुत्तं **चूळवेदल्लसुत्तपदं** (म० नि० १.४६४) साधकभावेन दस्सेति । भिन्दतीति निच्छारेति ।

वचीभेदनियामिका वाचा कायिककिरियानियामकस्स कम्मन्तस्स उपकारिकाति तदत्थं लोकतो पाकटं कातुं “**यस्मा पना**”तिआदि वुत्तं । उभयं सुचरितन्ति कायसुचरितं, वचीसुचरितञ्च । आजीवट्ठमकसीलं नाम चतुब्धिधवचीसुचरिततिविधकायसुचरितेहि सद्धिं

सम्माआजीवं अट्ठमं कत्वा वुत्तं आदिब्रह्मचरियकसीलं । यज्झि सन्धाय वुत्तं “पुब्बेव खो पनस्स कायकम्मं वचीकम्मं आजीवो सुपरिसुद्धो होती”ति । **तदुभयानन्तरन्ति** दुच्चरितद्वयप्पहायकस्स सुचरितद्वयपारिपूरिहेतुभूतस्स सम्मावाचासम्माकम्मन्तद्वयस्स अनन्तरं । **सुत्तपमत्तेनाति** अप्पोस्सुक्कं सुत्तेन, पमत्तेन च । **इदं वीरियन्ति** चतुब्बिधं सम्मप्पधानवीरियं । **कायादीसूति** कायवेदनाचित्तधम्मेषु । इन्द्रियसमतादयो समाधिस्स उपकारका । तब्बिधुरा धम्मा अनुपकारका । **गतियोति** निष्फत्तियो, किच्चादिसभावे वा । **समन्वेसित्वाति** उपधारेत्वा, हेतुम्हि चायं त्वापच्चयो ।

द्वेपब्बजितवत्थुवण्णना

३७६-७. कस्मा आरद्धन्ति अनुसन्धिकारणं पुच्छित्वा तं विस्सज्जेतुं “अयं किरा”तिआदि वुत्तं तेन अज्झासयानुसन्धिवसेनायं उपरि देसना पवत्ताति दस्सेति । **तेनाति** तथालद्धिकत्ता । **अस्साति** लिच्छविरज्जो । **देसनायन्ति** सण्हसुखुमाय सुज्जतपटिसज्जुत्ताय यथादेसितदेसनाय । **नाधिमुच्चतीति** न सद्वहति न पसीदति । **तन्तिधम्मं नाम कथेन्तोति** येसं अत्थाय धम्मो कथीयति, तत्थ तेसं असतिपि मग्गपटिवेधे केवलं सासने पवेणीभूतं, परियत्तिभूतं वा तन्तिधम्मं कत्वा कथेन्तो, तेन तदा तेसं मग्गपटिवेधाभावं दस्सेति । **एवरूपस्साति** सम्मासम्बुद्धत्ता अविपरीतदेसनाय एवंपाकटधम्मकायस्स सत्थुनो । **अस्साति** पठमज्झानादिसमधिगमेन समाहितचित्तस्स कुलपुत्तस्स एतं “तं जीव”न्तिआदिना उच्छेदादिगहणं अपि नु युत्तन्ति पुच्छति, लद्धिया पन ज्ञानाधिगममत्तेन न ताव विवेचितत्ता “युत्तमस्सेत”न्ति तेहि वुत्ते ज्ञानलाभिनोपेतं गहणं अयुत्तमेवाति तं उच्छेदवादं, सस्सतवादं वा “अहं खो...पे०... न वदामी”तिआदिना पटिक्खिपित्वाति साधिप्पायत्थो । **एतन्ति** पठमज्झानादिकं । **एवन्ति** यथावुत्तनयेन । **अथ च पनाति** एवं जाननतो, पस्सनतो च । कामं विपस्सकादिदस्सनम्पि पाळियं कतं, अरहत्तकूटेन पन देसना निट्ठापिताति दस्सेतुं “**उत्तरि खीणासवं दस्सेत्वा**”ति वुत्तं । ते हि द्वे पब्बजिता विपस्सकतो पट्ठाय “न कल्लं तस्सेतं वचनाया”ति अवोचुं । **इमस्साति** खीणासवस्स । किज्चापि “अत्तमना अहेसु”न्ति पाळियं न वुत्तं, “न कल्ल”न्तिआदिना पन विस्सज्जनावचनेनेव तेसं अत्तमनता वेदितब्बाति आह “**ते ममा**”तिआदि । तत्थ यस्मा खीणासवो विगतसम्मोहो तिण्णविचिकिच्छो, तस्मा तस्स तथा वत्तुमयुत्तन्ति उप्पन्ननिच्छयताय तं मम वचनं सुत्वा अत्तमना अहेसुन्ति अत्थो । सोपि खो लिच्छवि

राजा ते विय तथासज्जातनिच्छयत्ता अत्तमनो अहोसि । तेनाह “एवं वुत्ते सोपि अत्तमनो अहोसी”ति । यं पनेत्थ अत्थतो अविभत्तं, तं सुविज्जेय्यमेव ।

इति सुमङ्गलविलासिनिया दीघनिकायट्ठकथाय परमसुखुमगम्भीरदुरनुबोधत्थपरिदीपनाय सुविमलविपुलपञ्जावेय्यत्तियजननाय साधुविलासिनिया नाम लीनत्थपकासनिया महालिसुत्तवण्णनाय लीनत्थपकासना ।

महालिसुत्तवण्णना निद्धिता ।

७. जालियसुत्तवण्णना

द्वेपब्बजितवत्थुवण्णना

३७८. एवं महालिसुत्तं संवण्णेत्वा इदानीं जालियसुत्तं संवण्णेन्तो यथानुपुब्बं संवण्णनोकासस्स पत्तभावं विभावेतुं, महालिसुत्तस्सानन्तरं सङ्गीतस्स सुत्तस्स जालियसुत्तभावं वा पकासेतुं “एवं मे सुत्तं...पे०... कोसम्बियन्ति जालियसुत्त”न्ति आह । “घोसितेना”तिआदिना मज्झेलोपसमासं दस्सेति, घोसितस्स आरामोतिपि वत्तब्बं । एवम्पि हि “अनाथपिण्डिकस्स आरामे”तिआदीसु (पारा० २३४) विय दायककित्तनं होति, एवं पन कित्तेन्तो आयस्मा आनन्दो अज्जेपि तस्स दिट्ठानुगतिआपज्जने नियोजेतीति अज्जत्थ वुत्तं । तत्थ कोयं घोसितसेट्ठि नाम, कथज्ज्वानेन आरामो कारितो, कथं पन तत्थ भगवा विहासीति पुच्छाय सब्बं तं विस्सज्जनं समुदागमतो पट्ठाय सङ्केपतोव दस्सेन्तो “पुब्बे किरा”तिआदिमाह । अल्लकप्परड्ढन्ति बहूसु पोत्थकेसु दिस्सति, कथचि पन “अदिलरड्ढ”न्ति च “दमिलरड्ढ”न्ति च लिखितं । ततोति अल्लकप्परड्ढतो । “पुत्तं...पे०... अगमासी”ति इदम्पि “तस्सेतं कम्म”न्ति आपेतुं वुत्तं । तदाति तेसं गामं पविट्ठदिवसे । बलवपायासन्ति गरुतरं बहुपायासं । जीरापेतुन्ति समवेपाकिनिया गहणिया पक्कापेतुं । असन्निहितेति गेहतो बहि अज्जं गते । भुस्सतीति नदति, “भुभु”इति सुनखसदं करोतीति अत्थो । इदम्पिस्स एकं कम्मं । पच्चेकबुद्धे पन चीवरकम्मत्थाय अज्जं ठानं गते सुनखस्स हृदयं फालितं । तिरच्छाना नामेते उज्जुजातिका होन्ति अकुटिला, मनुस्सा पन अज्जं हृदयेन चिन्तेति, अज्जं मुखेन कथेन्ति । तेनेवाह “गहनज्जेतं भन्ते यदिदं मनुस्सा, उत्तानकज्जेतं भन्ते यदिदं पसवो”ति (म० नि० २.३) !

इति सो ताय पच्चेकबुद्धे सिनेहवसेन उज्जुदिट्ठिताय अकुटिलताय कालङ्कत्वा तावतिसंभवने निब्बत्तो । तं सन्धायाह “सो...पे०... निब्बती”ति । तस्स पन कण्णमूले

कथेन्तस्स सद्दो सोळसयोजनद्धानं फरति, पकतिकथासद्दो पन सकलं दसयोजनसहस्सं देवनगरं, एवं सरघोससम्पत्तिया “घोसकदेवपुत्तो” त्वेव नामं अहोसि। अयमस्स पच्चेकबुद्धे सिनेहेन भुक्करणस्स निस्सन्दो। चवित्वाति आहारक्खयेन चवित्वा। देवलोकोतो हि देवपुत्ता आयुक्खयेन, पुञ्जक्खयेन, आहारक्खयेन, कोपेनाति चतूहि कारणेहि चवन्ति। इमस्स पन कामगुणे परिभुज्जतो मुट्ठस्सतिस्स आहारक्खयेन चवनं होति। सो कोसम्बियं नगरसोभिनिया कुच्छिस्मिं पटिसन्धिं गण्णि। नगरसोभिनियो किर धीतरं पटिजग्गन्ति, न पुत्तं। धीतरो हि तासं पवेणिं घटयन्ति, तस्मा सापि तं सङ्कारकूटे छड्डापेति। अयमस्स पुब्बे पुत्तछड्डनकम्मस्स निस्सन्दो। पापकम्मज्झि नामेतं “अप्पक”न्ति नावमज्झितब्बं। तमेको मनुस्सो काकसुनखपरिवारितं दिस्वा “पुत्तो मे लद्धो”ति गेहं नेसि, तस्स पन हत्थतो कोसम्बकसेट्ठि कहापणसहस्सं दत्त्वा अग्गहेसि, तमत्थं सन्धाय “कोसम्बियं एकस्स कुलस्स घरे निब्बती”तिआदि वुत्तं। सत्तक्खत्तुं घातापनत्थं उपक्कमकरणम्पि पुत्तछड्डनकम्मस्सेव निस्सन्दो। सेट्ठिधीतायाति जनपदसेट्ठिनो धीताय। वेय्यत्तियेनाति पज्जावेय्यत्तियेन। सा हि तस्स पितरा पेसितं मारापनपण्णं फालेत्वा विवाहपण्णं बन्धित्वा जीवितलाभं करोति। तायेव सरसम्पत्तिया घोसितसेट्ठि नाम जातो।

सरीरसन्तप्पनत्थन्ति हिमवन्तेव मूलफलाहारताय किलन्तसरीरस्स लोणम्बिलसेवनेन पीननत्थं। तसिताति पिपासिता। किलन्ताति परिस्सन्तकाया। वटरुक्खन्ति महानिग्रोधरुक्खं। ते किर तं पत्वा तस्स मूले निसीदिसु। अथ जेट्ठकतापसो निग्रोधरुक्खस्स सोभासम्पत्तिं पस्सित्वा “महानुभावो मज्जे एत्थ अधिवुत्था देवता। साधु वतायं देवता इसिगणस्स पानीयादिदानेन अद्धानपरिस्समं विनोदेय्या”ति चिन्तेसि। देवतापि तथा चिन्तितं उत्त्वा इसिगणस्स पानीयन्धानकभोजनानि अदासि। तेनाह “तत्था”तिआदि। जेट्ठकतापसस्स पन तथा चिन्तनं अविसेसतो सब्बत्थ आरोपेत्वा “सङ्गहं पच्चासिसन्ता”ति वुत्तं। “हत्थं पसारेत्वा”ति इमिना हत्थप्पसारणमत्तेन तस्सा यथिच्छित्तनिष्फत्तिं दस्सेति। देवता आहाति सा अत्तनो पुञ्जस्स परित्तकत्ता लज्जाय कथेतुं अविसेहन्तीपि पुनप्पुनं निष्पीळियमाना एवमाह। सोति अनाथपिण्डिको गहपति। भतकानन्ति भतिया वेय्यावच्चं करोन्तानं दासपेसकम्मकरानं। पकतिभत्तवेतनमेवाति पकतिया दातब्बभत्तवेतनमेव। तदा उपोसथिकत्ता कम्मं अकरोन्तानम्पि कम्मकरणदिवसे दातब्बभत्तवेतनमेव, न ततो ऊनन्ति अत्थो। धम्मपददुक्कथायं खुद्दकभाणकानं मतेन “सायमासत्थाय आगतो”ति (ध० प० अट्ठ० १.२.सामावतीवत्थु) वुत्तं, इध पन दीघभाणकानं मतेन “मज्झन्हिके पातरासत्थाय आगतो”ति। कज्जीति कज्जिपि भतकं, किज्जिपि भतककम्मन्ति वा सम्बन्धो।

मज्झनिककालत्ता “उपह्वदिवसो गतो”ति आह, तेन उपह्वदिवसमेव समादिन्नत्ता “उपह्वपोसथो”ति तं वोहरन्तीति दस्सेति। धम्मपदट्ठकथायं (ध० प० अट्ठ० १.२ सामावतीवस्तु) रत्तिभागेन उपह्वपोसथो वुत्तो, इध पन मज्झनिकतो पट्ठाय दिवसभागेनेव, तदवसेसदिवसरत्तिभागेन वा। असमेपि हि भागे उपह्वसदो पवत्तति। तदहेवाति अरुणुग्गमनकालं सन्धाय वुत्तं।

“घोसोपि खो दुल्लभो लोकस्मिं यदिदं बुद्धो”ति सज्जातपीतिपामोज्जो। तदहेवाति कोसम्बिं पत्तदिवसतो दुतियदिवसेयेव। तुरितात्थाति तुरिता अत्थ, सीघयायिनो भवथाति अत्थो। एहिभिक्षुपब्बज्जं सन्धाय “पब्बजित्वा”ति वुत्तं। अरहत्तन्ति चतुपटिसम्भिदासमलङ्कतं अरहन्ताभावं। तेपि सेट्ठिनो सोतापत्तिफले पत्तिट्ठाय अट्ठमासमत्तं दानानि दत्त्वा पच्चागम्म तयो विहारे कारेसुं। भगवा पन देवसिकं एकेकस्मिं विहारे वसति। यस्स च विहारे वुत्थो, तस्सेव घरे पिण्डाय चरति, तदा पन घोसितस्स विहारे विहरति। तेन वुत्तं “कोसम्बियं विहरति घोसितारामे”ति।

बाहिरसमयमत्तेन उपज्झायो, न सासने विय उपज्झायलक्खणेन। उपेच्च परस्स वाचाय आरम्भनं बाधनं उपारम्भो, दोसदस्सनवसेन घट्टनन्ति अत्थो। तेनाह “वादं आरोपेतुकामा हुत्वा”ति। वदन्ति निन्दावसेन कथेन्ति एतेनाति हि वादो, दोसो, तमारोपेतुकामा उपरि पत्तिट्ठपेतुकामा हुत्वाति अत्थो। कथमारोपेतुकामाति आह “इति किरा”तिआदि। तं जीवं तं सरीरन्ति यं वत्थु जीवसज्जितं, तदेव सरीरसज्जितं। इदञ्चि “रूपं अत्ततो समनुपस्सती”ति वुत्तवादं गहेत्वा वदन्ति। रूपञ्च अत्तानञ्च अद्वयं एकीभावं कत्वा समनुपस्सनवसेन, “सत्तो”ति वा बाहिरकपरिकम्पितं अत्तानं सन्धाय वदन्ति। तथा हि वुत्तं “इधेव सत्तो भिज्जती”ति। अस्साति समणस्स गौतमस्स। भिज्जतीति निरुदयविनासवसेन विनस्सति। तेन जीवितसरीरानं अनञ्जत्तानुजाननतो, सरीरस्स च भेददस्सनतो। न हेत्थ यथा दिट्ठभेदवता सरीरतो अनञ्जत्ता अविट्ठोपि जीवस्स भेदो वुत्तो, एवं अविट्ठभेदवता जीवतो अनञ्जत्ता सरीरस्सापि अभेदोति सक्का वत्तुं तस्स भेदस्स पच्चक्खसिद्धत्ता, भूतुपादायरूपविनिमुत्तस्स च सरीरस्स अभावतोति इमिना अधिप्पायेनाह “उच्छेदवादो होती”ति।

अज्जं जीवं अज्जं सरीरन्ति अज्जदेव वत्थु जीवसज्जितं, अज्जं सरीरसज्जितं। इदञ्चि “रूपवन्तं अत्तानं समनुपस्सती”तिआदिनयप्पवत्तवादं गहेत्वा वदन्ति। रूपभेदस्सेव

दिट्ठत्ता, अत्तनि च तदभावतो “अत्ता निच्चो”ति अयमत्थो आपन्नो वाति इमिना अधिप्पायेनाह “सत्तो सस्सतो आपज्जती”ति ।

३७९-३८०. तयिदं नेसं वज्झापुत्तस्स दीघरस्सतादिपरिकप्पनसदिसं, तस्मायं पज्जो ठपनीयो । न हेस अत्थनिस्सितो, न धम्मनिस्सितो, नादिब्रह्मचरियको, न निब्बिदादिअत्थाय संवत्तति । **पोट्टपादसुत्तञ्चेत्थ निदस्सनं । तं तत्थ राजनिमीलनं कत्वा “तेन हावुसोसुणाथा”**तिआदिना सत्था नेसं उपरि धम्मदेसनमारभीति आह “अथ भगवा”तिआदि । सस्सतुच्छेददिट्ठियो द्वे अन्ता । अरियमग्गो मज्झिमा पटिपदा । तस्सायेव पटिपदायाति मिच्छापटिपदाय एव ।

सद्भापब्बजितस्साति सद्भाय पब्बजितस्स “एवमहं इतो वट्ठदुक्खतो निस्सरिस्सामी”ति पब्बज्जमुपगतस्स, तदनुरूपञ्च सीलं पूरेत्वा पठमज्झानेन समाहितचित्तस्स । एतन्ति किलेसवट्ठपरिवुद्धिदीपनं “तं जीवं तं सरीर”न्तिआदिकं दिट्ठिसंकिलेसनिस्सितवचनं । **निब्बिचिकिच्छो न होतीति** धम्मेषु तिण्णविचिकिच्छो न होति, तत्थ तत्थ आसप्पनपरिसप्पनवसेन पवत्ततीति अत्थो ।

एतमेवं जानामीति येन सो भिक्खु पठमं ज्ञानं उपसम्पज्ज विहरति, एतं ससम्पयुत्तं धम्मं “महग्गतचित्त”न्ति एवं जानामि । तथा हि वुत्तं “महग्गतचित्तमेतन्ति सज्जं ठपेसि”न्ति । नो च एवं वदामीति यथा दिट्ठिगतिका तं धम्मजातं सनिस्सयं अभेदतो गणहन्ता “तं जीवं तं सरीर”न्ति, तदुभयं वा भेदतो गणहन्ता “अज्जं जीवं अज्ज सरीर”न्ति अत्तनो मिच्छागाहं पवेदेन्ति, एवमहं न वदामि तस्स धम्मस्स सुपरिज्जातत्ता । तेनाह “अथ खो”तिआदि । बाहिरका येभुय्येन कसिणज्झानानि एव निब्बत्तेन्तीति वुत्तं “**कसिणपरिकम्पं भावेन्तस्सा**”ति । यस्मा भावनानुभावेन ज्ञानाधिगमो, भावना च पथवीकसिणादिसज्जाननमुखेन होतीति कत्वा सज्जासीसेन निद्दिसीयति, तस्मा “**सज्जाबलेन उप्पन्न**”न्ति आह । तेन वुत्तं “पथवीकसिणमेको सज्जानाती”तिआदि । यस्मा पन भगवता तत्थ तत्थ वारे “अथ च पनाहं न वदामी”ति वुत्तं, तस्मा भगवतो वचनमुपदेसं कत्वा न वत्तब्बं किरेतं केवलिना उत्तमपुरिसेनाति अधिप्पायेन “**न कल्लं तस्सेत**”न्ति आहंसु, न सयं पटिभानेनाति दस्सेतुं “**मज्जमाना वदन्ती**”ति वुत्तं । सेसं अनन्तरसुत्ते वुत्तनयत्ता, पाकटत्ता च सुविज्जेय्यमेव ।

इति सुमङ्गलविलासिनिया दीघनिकायट्ठकथाय परमसुखुमगम्भीरदुरनुबोधत्थपरिदीपनाय
सुविमलविपुलपञ्जावेय्यत्तियजननाय साधुविलासिनिया नाम लीनत्थपकासनिया
जालियसुत्तवण्णनाय लीनत्थपकासना ।

जालियसुत्तवण्णना निद्धिता ।

८. महासीहनादसुत्तवण्णना

अचेलकस्सपवत्थुवण्णना

३८१. एवं जालियसुत्तं संवण्णेत्वा इदानीं महासीहनादसुत्तं संवण्णेन्तो यथानुपुब्बं संवण्णनोकासस्स पत्तभावं विभावेतुं, जालियसुत्तस्सानन्तरं सङ्गीतस्स सुत्तस्स महासीहनादसुत्तभावं वा पकासेतुं “एवं मे सुत्तं...पे०... उरुज्जायं विहरतीति महासीहनादसुत्त”न्ति आह। एतदेव नामन्ति यस्मिं रट्ठे तं नगरं, तस्स रट्ठस्सपि यस्मिं नगरे भगवा विहासि, तस्स नगरस्सपि “उरुज्जा”त्वेव नामं, तस्मा उरुज्जायन्ति उरुज्जानामजनपदे उरुज्जानामनगरेति आवुत्तिआदिनयेन अत्थो वेदितब्बो। इमिना इममत्थं दस्सेति – न सब्बत्थं नियतपुल्लिङ्गपुत्थुवचनाव जनपदवाची सद्दा, कत्थचि अनियतपुल्लिङ्गपुत्थुवचनापि यथा “आळवियं विहरती”ति (पाचि० ८४, ८९) केचि जनपदमेवत्थं वदन्ति, तं अपनेतुं “भगवा ही”तिआदि वुत्तं। रमणीयोति मनोहरभूमिभागताय, छायूदकसम्पत्तिया, जनविवित्ताय च मनोरमो। मिगानं अभयं देति एत्थाति मिगदायो। तेनाह “सो”तिआदि। चेलं वत्थं, तं नत्थि अस्साति अचेलोति वुत्तं “नगपरिब्बाजको”ति। नामन्ति गोत्तनामं। तपनं सन्तपनं कायस्स खेदनं तपो, सो एतस्स अत्थीति तपस्सी। यस्मा तथाभूतो तपं निस्सितो, तपो च तं निस्सितो होति, तस्मा “तपनिस्सितक”न्ति आह। मुत्ताचारादीति एत्थ आदिसद्देन परतो पाळिय (दी० नि० १.३९७) मागता हत्थापलेखनादयो सङ्गहिता। लूखं फरुसं साधुसम्मताचारविरहतो अपसादनीयं आजीवति वत्ततीति लूखाजीवीति अट्ठकथामुत्तकनयो। उप्पण्डेतीति उहसनवसेन परिभासति। उपवदतीति अवज्जापुब्बकं अपवदति। तेन वुत्तं “हीळेति बम्भेती”ति। “हेतुम्हि जाणं धम्मपटिसम्भिदा”तिआदीसु विय धम्मसद्दो हेतुपरियायोति आह “कारणस्स अनुकारण”न्ति। तथावुत्तसद्दत्थोयेवेत्थ कारणसद्दस्स हेतुभावतो। अत्थवसा पयुत्तो हि सद्दपयोगो। सोयेव च सद्दत्थो परेहि वुच्चमानो अनुकारणं तदनुरूपं तस्सदिसं

वा ततो पच्छ वा वुत्तकारणभावतो। परेहीति येसं तुम्हेहि इदं वुत्तं, तेहि परेहि। वुत्तकारणेनाति यथा तेहि वुत्तं, तथा चे तुम्हेहि न वुत्तं, एवं सति तेहि वुत्तकारणेन सकारणो हुत्वा तुम्हाकं वादो वा ततो परं तस्स अनुवादो वा कोचि अप्पमत्तकोपि विज्जूहि गरहितब्बं कारणं ठानं नागच्छेय्य, किमेवं नागच्छतीति योजना। “इदं वुत्तं होती”तिआदिना तदेवत्थं सङ्केपतो दस्सेति।

३८२. इदानीं यं विभज्जवादं सन्धाय भगवता “न मेते वुत्तवादिनो”ति सङ्केपेन वत्वा तं विभजित्वा दस्सेतुं “इधाहं कस्सपा”तिआदि वुत्तं, तं विभागेन दस्सेन्तो “इधेकच्चो”तिआदिमाह। भगवा हि निरत्थकं अनुपसमसंवत्तनिकं कायकिलमथं “अत्तकिलमथानुयोगो दुक्खो अनरियो अनत्थसंहितो”तिआदिना (सं० नि० ३.५.१०८१; महाव० १३)। गरहति, सात्थकं पन उपसमसंवत्तनिकं कायकिलमथं “आरज्जिको होति, पंसुकूलिको होती”तिआदिना (अ० नि० २.५.१८१, १८२; परि० ३२५) वण्णेति। अप्पपुज्जतायाति अपुज्जताय। अप्पसद्दो चेत्थ “द्वत्तिछदनस्स परियायं अप्पहरिते ठितेन अधिद्वातब्ब”न्तिआदीसु (पाचि० १३५) विय अभावत्थो। मिच्छादिद्विभावतो कम्मफलं पटिक्खिपन्तेन “नत्थि दिन्न”न्तिआदिना (दी० नि० १.१७१; म० नि० १.४४५; २.९४, २२५; ३.९१, ११६, १३६; सं० नि० २.३.२१०; अ० नि० १.३.११८; ३.१०.१७६; ध० स० १२२१; विभं० ९०७) मिच्छादिद्विं पुरक्खत्वा जीवितवुत्तिहेतु तथा तथा दुच्चरितपूरणं सन्धाय “तीणि दुच्चरितानि पूरेत्वा”ति वुत्तं।

भिय्योसोमत्तायाति मत्ततो अतिरेकं। “भिय्योसो”ति हि इदं भिय्योसद्देन समानत्थं नेपातिकं। अनेसनवसेनाति कोहज्जे ठत्वा असन्तगुणसम्भावनिच्छाय यथा तथा तपं कत्वा अनेसितब्बमेसनावसेन मिच्छाजीवेनाति अत्थो। यथावुत्तनयेन जीवितवुत्तिहेतु तीणि दुच्चरितानि पूरेत्वा। इमे द्वेति “अप्पपुज्जो, पुज्जवा”ति च वुत्ते दुच्चरितकारिनो द्वे पुग्गले।

दुत्तियनये इमे द्वेति “अप्पपुज्जो, पुज्जवा”ति च वुत्ते सुचरितकारिनो द्वे पुग्गले।

पठमदुत्तियनयेसु वुत्तनयेनेव ततियचतुत्थनयेसुपि यथाक्कमं अत्थो वेदितब्बो। पठमततियनयेसु चेत्थ अहेतुकअकिरियवादिनो। दुत्तियचतुत्थनयेसु पन कम्मकिरियवादिनोति दट्ठब्बं। अप्पदुक्खविहारीति अप्पकं दुक्खेन विहारी। बाहिरकाचारयुत्तोति सासनाचारतो

बाहिरकेन तिथियाचारेण युतो। अत्तानं सुखेत्वाति अधम्मिकेण अनेसनाय लद्धपच्चयनिमित्तेण सुखेण अत्तानं सुखेत्वा सुखं कत्वा, “सुखे ठपेत्वा”ति अधुना पाठो।

“न दानि मया सदिसो अत्थी”तिआदिना तण्हामानदिट्टिसङ्घातानं तिस्सन्नं मज्जनानं वसेन दुच्चरितपूरणमाह। लभसक्कारं वा उप्पादेन्तो तीणि दुच्चरितानि पुरेत्वाति सम्बन्धो। मिच्छादिट्टिवसेनाति “नत्थि कामेसु दोसो”ति एवं पवत्तमिच्छादिट्टिवसेन। परिब्बाजिकायाति बाहिरपब्बज्जमुपगताय तापसदारिकाय, छन्नपरिब्बाजिकाय च। “अपरो”ति एत्थापि हि “तापसो वा छन्नपरिब्बाजको वा”ति अधिकारो। दहरायाति तरुणाय। मुदुकायाति सुखुमालाय। लोमसायाति तनुतम्बलोमताय अप्पलोमवतिया। लोमं एतस्सा अत्थीति लोमसा। लिङ्गतयेपि हि स-पच्चयेन पदसिद्धिमिच्छन्ति सद्विदू। कामेसूति वत्थुकामेसु। पातब्बतन्ति परिभुज्जितब्बं। परिभोगत्थो हेत्थ पा-सद्दो, तब्बसद्दो च भावसाधनो। ता-सद्दो पन सकत्थे यथा “देवता”ति, पातब्बतन्ति वा परिभुज्जनकत्तं, कत्तुसाधनो चेत्थ तब्बसद्दो यथा उपरिपण्णासके पज्जत्तयसुत्ते “ये हि केचि भिक्खवे समणा वा ब्राह्मणा वा दिट्ठसुतमुतविज्जातब्बसङ्घारमत्तेण एतस्स आयतनस्स उपसम्पदं पज्जपेन्ती”ति (म० नि० ३.२४) तथा हि तदट्ठकथायं वुत्तं “विजानातीति विज्जातब्बं, दिट्ठसुतमुतविज्जातमत्तेण पज्जद्वारिकसज्जापवत्तिमत्तेनाति अयञ्हि एत्थ अत्थो”ति, (म० नि० अट्ठ० ३.२४) तट्ठीकायञ्च “यथा निय्यन्तीति निय्यानिकाति बहुलं वचनतो कत्तुसाधनो निय्यानिकसद्दो, एवं इध विज्जातब्बसद्दोति आह “विजानातीति विज्जातब्ब”न्ति,” ता-सद्दो पन भावे। अस्सादियमानपक्खे ठितो किलेसकामोपि वत्थुकामपरियापन्नोयेव, तस्मा तेसु यथारुचि परिभुज्जन्तोति अत्थो।

इदन्ति नयचतुक्कवसेन वुत्तं अत्थप्पभेदविभजनं। “तिथियवसेन आगतं अट्ठकथायं तथा विभत्तत्ता”ति (दी० नि० टी० १.३८२) आचरियेण वुत्तं, तथायेव पन पालियम्पि विभत्तन्ति वेदितब्बं। सासनेपीति इमस्मिं सासनेपि।

कथं लब्धतीति आह “एकच्चो ही”तिआदि। यस्मा न लभति, तस्मा अनेसन् कत्वातिआदिना योजेतब्बं। अरहत्तं वा अत्तनि असन्तं “अत्थि मे”ति यथारुत्तं पटिजानित्वा। सामन्तजप्पनपच्चयपटिसेवनइरियापथसन्निस्सितसङ्घातानि तीणि वा कुहनवत्थूनि पटिसेवित्वा।

तादिसोवाति धुतङ्ग (विसुद्धि० १.२२; थेरगा० अट्ठ० २.८४४ आदयो)
समादानवसेन लूखाजीवी एव । अनेसनवसेनाति निदस्सनमत्तं ।
“अरहत्तपटिजाननेना”तिआदिपि हि वत्तब्बं ।

दुल्लभसुखो भविस्सामि दुग्गतीसु उपपत्तियाति अधिप्पायो । असक्कोन्तोति एत्थ
अन्तसद्दो भावलक्खणे, असक्कुणमाने सतीति अत्थो ।

३८३. असुकङ्गानतोति असुकभवतो । आगताति उपपत्तिवसेन इधागता । इदानि
गन्तब्बङ्गानज्वाति उपपत्तिवसेनेव आयतिं गमितब्बभवञ्च । ततोति अतीतभवतो । पुन
उपपत्तिन्ति आयतिं अनन्तरभवे पुन उपपत्तिं, ततो अनन्तरभवेपि पुन उपपत्तिन्ति
पुनप्पुनं निब्बत्तिं । केन कारणेन गरहिस्सामीति एत्थ यथाभूतमजानन्तो इच्छादोसवसेन यं
किञ्चि गरहेय्य, न तथा चाहं, अहं पन यथाभूतं जानन्तो सब्बम्पेतं केन कारणेन
गरहिस्सामि, सब्बस्सपेतस्स तपस्स गरहाय कारणं नत्थीति इममधिप्पायं दस्सेन्तो
“गरहितब्बमेवा”तिआदिमाह । भण्डिकन्ति पुटभण्डिकं । उपमापक्खे परिसुद्धताय धोतं, तथा
अधोतञ्च, उपमेय्यपक्खे पन पसंसितब्बगुणताय धोतं परिसुद्धं, तथा अधोतज्वाति अत्थो ।
तमत्थन्ति गरहितब्बस्स चैव गरहणं, पसंसितब्बस्स च पसंसनं ।

३८४. दिट्ठधम्मिकस्स, सम्परायिकस्स च अत्थस्स साधनवसेन पवत्तिया गरुकत्ता न
कोचि न साधूति वदति । पञ्चविधं वेरन्ति पाणातिपातादिपञ्चविधवेरं । तज्झि पञ्चविधस्स
सीलस्स पटिपक्खभावतो, सत्तानं वेरहेतुताय च “वेर”न्ति वुच्चति, ततो एव च तं न
कोचि “साधू”ति वदति तथा दिट्ठधम्मिकादिअत्थानमसाधनतो, सत्तानं साधुभावस्स दूसनतो
च । न निरुन्धितब्बन्ति रूपग्गहणे न निवारेतब्बं । दस्सनीयदस्सनत्थो हि चक्खुपटिलाभोति
तेसमधिप्पायो । अयमेव नयो सोतादीसुपि । यदग्गेन तेसं पञ्चद्वारे असंवरो साधु
तदग्गेन तत्थ संवरो न साधूति अधिप्पायो होतीति आह “पुन...पे०... असंवर”न्ति ।

अयमेत्थ अट्ठकथातो अपरो नयो – यं ते एकच्चं वदन्ति “साधू”ति ते “एके
समणब्राह्मणा”ति वुत्ता तिथिया यं अत्तकिलमथानुयोगादिं “साधू”ति वदन्ति, तं मयं न
“साधू”ति वदाम । यं ते...पे०... “न साधू”ति यं पन ते अनवज्जपच्चयपरिभोगं
सुनिवत्थसुपारुतादिसम्मापटिपत्तिञ्च “न साधू”ति वदन्ति, तं मयं “साधू”ति वदामाति ।

इति यं परवादमूलकं चतुक्कं दस्सितं, तदेव पुन सकवादमूलकं चतुक्कं कत्वा दस्सितन्ति विज्जापेतुं “एव”न्तिआदि वुत्तं। यज्झि किज्झि केनचि समानं, तेनपि तं समानमेव। यज्झ किज्झि केनचि असमानं, तेनपि तं असमानमेवाति आह “समानासमानत”न्ति। एत्थ च समानतन्ति समानतामत्तं। अनवसेसतो हि पहातब्बधम्मानं पहानं, उपसम्पादेतब्बधम्मानं उपसम्पादनज्झ सकवादेव दस्सति, न परवादे। तेन वुत्तं “त्याहं उपसङ्गमित्वा एवं वदामी”तिआदि। सकवादपरवादानुरूपं वुत्तनयेन पञ्चसीलादिवसेनेव अत्थो वेदितव्वो।

समनुयुज्जापनकथावण्णना

३८५. अन्तमिति आणत्तियं पञ्चमीअत्तनोपदं। लद्धिं पुच्छन्तोति “किं समणो गोतमो संकिलेसधम्मे अनवसेसं पहाय वत्तति, उदाहु परे गणाचरिया, एत्थ ताव अत्तनो लद्धिं वदेही”ति एवं पटिज्जातं सिद्धन्तं पुच्छन्तो। कारणं पुच्छन्तोति “समणोव गोतमो संकिलेसधम्मे अनवसेसं पहाय वत्तती”ति वुत्ते “कारणेनपि एतमत्थं गाहया”ति एवं हेतुं पुच्छन्तो। उभयं पुच्छन्तोति “इदं नामेत्थ कारण”न्ति कारणं वत्वा पटिज्जाते अत्थे साधियमाने अन्वयतो, ब्यतिरेकतो च कारणं समत्थेतुं सदिसासदिसप्पभेदं उपमोदाहरणद्वयं पुच्छन्तो। अपिच हेतुपमोदाहरणवसेन तिलक्खणसम्पत्तिया यथापटिज्जाते अत्थे साधिते सम्मदेव अनु पच्छा भासन्तो निगमेन्तोपि समनुभासति नामाति वेदितव्वं। “उपसंहरित्वा”ति पाठसेसो। “किं ते”तिआदि उपसंहरणाकारदस्सनं। दुतियपदेपीति “सङ्घेन वा सङ्घ”न्ति पदेपि। वचनसेसं, उपसंहरणाकारज्झ सन्धाय “एसेव नयो”ति वुत्तं।

तमत्थन्ति तं पहातब्बधम्मानं अनवसेसं पहाय वत्तनसङ्घातं, समादातब्बधम्मानं अनवसेसं समादाय वत्तनसङ्घातज्झ अत्थं। योजेत्वाति अकुसलादिपदेहि योजेत्वा। अकोसल्लसम्भूतादिअत्थेन अकुसला चेव ततोयेव अकुसलाति च सङ्घाता, सङ्घातसद्दो चेत्थ जातत्थो, कोट्टासत्थो च युज्जतीति आह “जाता, कोट्टासं वा कत्वा ठपिता”ति, पुरिमेन चेत्थ पदेन एकन्ताकुसले वदति, पच्छिमेन तं सहगते, तप्पटिपक्खिये च। एवज्झि कोट्टासकरणेन ठपनं उपपन्नं होति। अकुसलपक्खिकभावेन हि ववत्थापनं कोट्टासकरणं। अवज्जसद्दो दोसत्थो गारय्हपरियायत्ता, अ-सद्दस्स च तब्भावावुत्तितोति आह “सदोसा”ति।

अरिया नाम निदोसा । इमे पन अकुसला कथञ्चिपि निदोसा न होन्तीति निदोसहेन
अरिया भवितुं नालं असमत्था ।

३८६-३९२. “य”न्ति एतं कारणे पच्चत्तवचनन्ति दस्सेति “येना”ति इमिना । यं
वा पनाति असम्भावनावचनमेतं, यं वा पन किञ्चीति अत्थो । पहाय वत्तन्तीति च
अत्थवसा पृथुवचनविपरिणामोति वुत्तं “यं वा तं वा अप्पमत्तकं पहाय वत्तन्ती”ति ।
गणावरिया चेत्थ पूरणमक्खलिआदयो । सत्थुपभवत्ता सङ्खस्स सङ्खसम्पत्तियापि सत्थुसम्पत्ति
विभावीयतीति आह “सङ्ख...पे०... सिद्धितो”ति, सा पन पसंसा पसादहेतुकाति
पसादमुखेन तं दस्सेतुं “पसीदमानापी”तिआदि वुत्तं । तत्थ सम्पिण्डनत्थेन पि-सदेन
अप्पसीदमानापि एवमेव न पसीदन्तीति सम्पिण्डेति । यथा हि अन्वयतो सत्थुसम्पत्तिया
सावकेसु, सावकसम्पत्तिया च सत्थरि पसादो समुच्चीयति, एवं व्यतिरेकतो सत्थुविपत्तिया
सावकेसु, सावकविपत्तिया च सत्थरिअप्पसादोति दट्ठब्बं । “तथा ही”तिआदि तब्बिवरणं ।
सरीरसम्पत्तिन्ति रूपसम्पत्तिं, रूपकायपारिपूरिन्ति अत्थो । रूपप्पमाणे सत्ते सन्धाय इदं वुत्तं,
“धम्मदेसनं वा सुत्वा”ति इदन्तु घोसप्पमाणे, धम्मप्पमाणे च, “भिक्षून्
पनाचारगोचर”न्तिआदि पन धम्मप्पमाणे, लूखप्पमाणे च । आचारगोचरादीहि धम्मो,
सम्मापटिपत्तिया लूखो च होति । तस्मा “भवन्ति वत्तारो”ति पठमपदे रूपप्पमाणा,
घोसप्पमाणा, धम्मप्पमाणा च, दुतियपदे धम्मप्पमाणाव योजेतब्बा । कीवरूपोति
कित्तकजातिको । या सङ्खस्स पसंसाति आनेत्वा सम्बन्धो, अयमेव वा पाठो ।

तत्थ या बुद्धानं, बुद्धसावकानमेव च पासंसता, अज्जेसञ्च तदभावो जोतितो, तं
विरतिप्पहानसंवरुद्देसवसेन नीहरित्वा दस्सेन्तो “अयमधिप्पायो”तिआदिमाह । तत्थ
सेतुघातविरतिया अरियमग्गसम्पयुत्तत्ता “सब्बेन सब्बं नत्थी”ति वुत्तं । अट्ठसमापत्तिवसेन
विक्खम्भनप्पहानमत्तं, विपस्सनामत्तवसेन तदङ्गप्पहानमत्तन्ति यथालाभं योजेतब्बं ।
विपस्सनामत्तवसेनाति च “अनिच्च”न्ति वा “दुक्ख”न्ति वा विविधं दस्सनमत्तवसेन, न
पन नामरूपववत्थानपच्चयपरिगण्हनपुब्बकं लक्खणत्तयं आरोपेत्वा सङ्कारानं सम्मसनवसेन ।
नामरूपपरिच्छेदो, हि अनत्तानुपस्सना च बाहिरकानं नत्थि । इतरानि
समुच्छेदपटिप्पस्सद्धिनिस्सरणप्पहानानि तीणि सब्बेन सब्बं नत्थि मग्गफलनिब्बानत्ता ।
लोकियपञ्चसीलतो अज्जो सब्बोपि सीलसंवरो, “खमो होति सीतस्स उण्हस्सा”तिआदिना
(म० नि० १.२४; ३.१५९; अ० नि० १.४.११४) वुत्तो सुपरिसुद्धो खन्तिसंवरो,
“पज्जायेते पिधिच्चरे”तिआदिना (सु० नि० १०४१; चूलनि० ६०) वुत्तो किलेसानं

समुच्छेदको मग्गजाणसङ्घातो **जाणसंवरो**, मनच्छद्धानं इन्द्रियानं पिदहनवसेन पवत्तो सुपरिसुद्धो **इन्द्रियसंवरो**, “अनुप्पन्नानं पापकानं अकुसलानं धम्मानं अनुप्पादाया”तिआदिना (दी० नि० २.४०३; म० नि० १.१३५; सं० नि० ३.५.८; विभं० २०५) वुत्तो सम्मप्पधानसङ्घातो **वीरियसंवरो**ति इमं संवरपञ्चकं सन्धाय “**सेसं सब्बेन सब्बं नत्थी**”ति वुत्तं ।

“**पञ्च खो पनिमे पातिमोक्खुद्देसा**”तिआदिना यथावुत्तसीलस्सेव पुन गहणं सासने सीलस्स बहुभावं दस्सेत्वा तदेकदेसे एव परेसं अवट्ठानदस्सनत्थं । “**उपोसथुद्देसा**”ति अधुना पाठो । **पज्जायतीति** पतिट्ठितभावेन पाकटो होति, तस्मा मया हि...पे०... नत्थीति योजेतब्बं । **सीहनादन्ति** सेट्ठनादं, अभीतनादं केनचि अप्पटिवत्तियवादं । यं पन वदन्ति –

“उत्तरस्मिं पदे ब्यग्घ-पुङ्गवोसभकुञ्जर ।
सीहसट्ठलनागाद्या, पुमे सेट्ठत्थगोचरा”ति ।।

तं येभ्य्यवसेनाति दट्ठब्बं ।

अरियअट्ठङ्गिकमग्गवण्णना

३९३. “अयं पन यथावुत्तो मम वादो अविपरीतोव, तस्सेवं अविपरीतभावो इमं मग्गं पटिपज्जित्वा अपरप्पच्चयतो जानितब्बो”ति एवं **अविपरीतभावावबोधनत्थं** । पाळियं “**अत्थि कस्सपा**”तिआदीसु अयं योजना – यं मग्गं पटिपन्नो सामंयेव अत्तपच्चक्खतो एवं जस्सति दक्खति “समणो गोतमो वदन्तो युत्तपत्तकाले तथभावतो भूतं, एकंसेन हितावहभावतो अत्थं, धम्मतो अनपेतत्ता धम्मं, विनययोगतो, परेसञ्च विनयनतो विनयं वदती”ति, सो मया सयं अभिज्जा सच्छिक्त्वा पवेदितो सकलवट्ठदुक्खनिस्सरणभूतो अत्थि कस्सप मग्गो, तस्स च अधिगमूपायभूता पुब्बभागपटिपदाति, तेन “समणो गोतमो इमे धम्मे अनवसेसं पहाय वत्तती”तिआदि नयप्पवत्तो वादो केनचि असम्पकम्पितो यथाभूत सीहनादोति दस्सेति । **दक्खतीति** चेत्थ स्सति-सद्देन पदसिद्धि “यत्र हि नाम सावको एवरूपं जस्सति वा दक्खति वा सक्खिं करिस्सती”तिआदीसु विय ।

“एवमेतं यथाभूतं सम्मप्पज्जाय पस्सती”तिआदि सुत्तपदेसु (अ० नि० १.३.१३४)

विय च मग्गञ्च पटिपदञ्च एकतो कत्वा दस्सेन्तो। “अयमेवा”ति सावधारणवचनं मग्गस्स पुथुभावपटिक्खेपत्थं, सब्बअरियसाधारणभावदस्सनत्थं, सासने पाकटभावदस्सनत्थञ्च। तेनाह “एकायनो अयं भिक्खवे मग्गो सत्तानं विसुद्धिया”ति (दी० नि० २.३७३; म० नि० १.१०६; सं० नि० ३.५.३६७, ३८४)।

“एसेव मग्गो नत्थज्जो, दस्सनस्स विसुद्धिया”ति, (ध० प० २७४) -

“एकायनं जातिखयन्तदस्सी,

मग्गं पजानाति हितानुकम्पी।

एतेन मग्गेन अतरिं सु पुब्बे,

तरिस्सन्ति ये च तरन्ति ओघ”न्ति।। (सं० नि० ३.५.३८४,

४०९; चूळनि० १०७, २११; नेत्ति० १७०) च -

सब्बेसु चेव सुत्तपदेसेसु, अभिधम्मपदेसेसु (विभं० ३५५) च एकोवायं मग्गो पाकटोति।

तपोपक्कमकथावण्णना

३९४. तपोयेव उपक्कमितब्बतो, आरभितब्बतो तपोपक्कमाति आह “तपारम्भा”ति, आरम्भनञ्चेत्थ तपकरणमेवाति दस्सेति “तपोकम्पानी”ति इमिना। समणकम्मसङ्घाताति समणेहि कत्तब्बकम्मसज्जिता। ब्राह्मणकम्मसङ्घाताति एत्थापि एसेव नयो। निच्चोलोति निस्सट्ठुचोलो सब्बेन सब्बं पटिक्खित्तचोलो। चेलं, चोलोति च परियायवचनं। कोचि छिन्नभिन्नपटपिलोतिकधरोपि दसन्तयुत्तस्स वत्थस्स अभावतो “निच्चोलो”ति वत्तब्बतं लभेय्याति तं निवत्तेतुं “नग्गो”ति वुत्तं, नग्गियवतसमादानेन सब्बथा नग्गोति अत्थो। लोकेयकुलपुत्ताचारविरहितताव विस्सट्ठाचारताति दस्सेति “उच्चारकम्मादीसू”तिआदिना। कथं विरहितोति आह “ठितकोवा”तिआदि, इदञ्च निदस्सनमत्तं वमित्वा मुखविकखालनादिआचारस्सपि तेन विस्सट्ठत्ता। अपलिखतीति उदकेन अधोवन्तो अपलिहति। सो किर दण्डकं “सत्तो”ति पज्जपेति, तस्मा तं पटिपदं पूरेन्तो एवं करोतीति वुत्तं “उच्चारं वा”तिआदि। तत्थ अपलिखतीति अपकसति।

“एहि भदन्तो”ति वुत्ते उपगमनसङ्घातो विधि एहिभदन्तो, तं चरतीति

एहिभद्वन्तिको, रुद्धिसद्देन चेत्थ तद्धितसिद्धि यथा “एहिपस्सिको”ति, (म० नि० १.७४) तप्पटिक्खेपेन **नएहिभद्वन्तिको**, तदेवत्थं दस्सेति “**भिक्षागहणत्थ**”न्तिआदिना । **न एतीति** न आगच्छति । एवं **नतिदुभद्वन्तिको**ति एत्थापि । समणेन नाम सयंवचनकरेनेव भवितव्वं, न परवचनकरेनाति अधिप्पायेन **तदुभयम्पि...पे०... न करोति** । **पुरेतरन्ति** तं ठानं अत्तना उपगमनतो पठमतरं, तं किर सो “**भिक्षुना** नाम यादिच्छकी एव **भिक्षा गहेतव्वा**”ति अधिप्पायेन न गण्हाति । **उद्दिस्सकत्तं** पन “मम निमित्तभावेन बहू खुद्दका पाणा सङ्घाटमापादिता”ति अधिप्पायेन नाधिवासेति । **निमन्तनम्पि** “एवं तेसं वचनं कत्तं भविस्सती”ति अधिप्पायेन न सादियति । **कुम्भी**ति पक्कभिक्षापक्खित्तकुम्भो । **उक्खली**ति भिक्षापचनकुम्भो । **पच्छी**ति भिक्षापक्खित्तपिटकं । **ततोपी**ति कुम्भीकळोपितोपि । **कुम्भी**आदीसुपि सो सत्तसज्जीति आह “**कुम्भीकळोपियो**”तिआदि । “**अयं म**”न्तिआदीसुपि एसेव नयो । अन्तरन्ति उभिन्नमन्तराळं ।

कवळन्तरायोति आलोपस्स अन्तरायो । एत्थापि सो सत्तसज्जी । **पुरिसन्तरगताया**ति पुरिससमीपगताय । **रतिअन्तरायो**ति कामरतिया अन्तरायो । गामसभागादिवसेन सङ्गम्म कित्तेन्ति एतिस्साति **संकित्ति** । तथा संहटतण्डुलादिसज्जयो तेन कतभत्तमिधाधिप्पेतन्ति वुत्तं “**संकित्तेत्वा कतभत्तेसू**”ति । मज्झिमनिकाये **महासीहनादसुत्तन्तटीकायं** पन आचरियेनेव एवं वुत्तं “संकित्तयन्ति एतायाति **संकित्ति**, गामवासीहि समुदायवसेन किरियमानकिरिया, एत्थ पन भत्तसंकित्ति अधिप्पेताति आह ‘संकित्तेत्वा कतभत्तेसू’ति” । इदं पन तस्स उक्कट्टपटिपदाति दस्सेति “**उक्कट्टो**”तिआदिना । यथा चेत्थ, एवं “**नएहिभद्वन्तिको**”तिआदीसुपि उक्कट्टपटिपदादस्सनं वेदितव्वं । **सासद्दो** सुनखपरियायो । **तस्सा**ति सुनखस्स । **तत्था**ति तस्मिं ठाने । **समूहसमूहचारिनी**ति सङ्घसङ्घचारिनी । **मनुस्सा**ति वेय्यावच्चकरमनुस्सा ।

सोवीरकन्ति कज्जिकं । “**लोणसोवीरक**”न्ति केचि, तदयुत्तमेव, “**सब्बसस्ससम्भारेहि कत**”न्ति वुत्तत्ता । लोणसोवीरकज्झि सब्बमच्छमंसपुप्फफलादिसम्भारकत्तं । **सुरापानमेवा**ति मज्जलक्खणप्पत्ताय सुराय पानमेव । मेरयम्पेत्थ सङ्गहितं लक्खणहारेण, एकसेसनयेन वा । **सब्बेसुपी**ति सावज्जानवज्जेसुपि कज्जिकसुरादीसु । एकागारमेव भिक्षाचरियाय उपगच्छतीति **एकागारिको** । **निवत्तती**ति पच्चागच्छति, सति भिक्षालाभे तदुत्तरि न गच्छतीति वुत्तं होति । एकालोपेनेव वत्ततीति **एकालोपिको** । दीयति एतायाति दत्ति, दत्तिआलोपमत्तग्गाहि खुद्दकं भिक्षादानभाजनं । तेनाह “**खुद्दकपाती**”ति । **अगगभिक्षन्ति**

अनामद्विभिक्षं, समाभिसङ्घतताय वा उत्तमभिक्षं। अभुञ्जनवसेन एको अहो एतस्साति **एकाहिको**, आहारो, तं आहारं आहारेतीति अत्थो। सो पन अत्थतो एकदिवसलङ्घकोति वुत्तं “**एकदिवसन्तरिक**”न्ति। एस नयो “**द्वाहिक**”न्तिआदीसुपि। अपिच एकाहं अभुञ्जित्वा एकाहं भुञ्जनं, एकाहवारो वा **एकाहिकं**। द्वीहं अभुञ्जित्वा द्वीहं भुञ्जनं, द्वीहवारो वा **द्वाहिकं**। सेसद्वयेपि अयं नयो। उक्कट्टो हि परियायभत्तभोजनिको द्वीहं अभुञ्जित्वा एकाहमेव भुञ्जति। एवं सेसद्वयेपि। **मज्झिमागमटीकायं** पन “एकाहं अन्तरभूतं एतस्स अत्थीति एकाहिकं। सेसपदेसुपि एस नयो”ति वुत्तं। “थेरा भिक्षू भिक्षुनियो ओवदन्ति परियायेना”तिआदीसु विय वारत्थो **परियाय** सद्दो। **एकाहवारेनाति** एकाहिकवारेन। “एकाहिक”न्तिआदिना वुत्तविधिमेव पटिपाटिया पवत्तभावेन दस्सेतुं पाळियं “इति एवरूप”न्तिआदि वुत्तन्ति दट्ठब्बं।

३९५. **सामाको** नाम गोधुमो। **सयंजाता वीहिजातीति** अरोपिमवीहिजाति। यदेव “वीही”ति वदन्ति। **लिखित्वाति** कसित्वा। **सिलेसोपीति** कणिकारादिरुक्खनिय्यासोपि। **कुण्डकन्ति** तनुतरं तण्डुलसकलं, तण्डुलखण्डकन्ति अत्थो। ओदनेन कतं कज्जियं **ओदनकज्जियं**। “वासितकेन पिज्जाकेन नहायेय्या”तिआदीसु (पाचि० १२०३) विय **पिज्जाक** सद्दो तिलपिट्टपरियायो। यथाह “पिज्जाकं नाम तिलपिट्ठं वुच्चती”ति। “तरुणकदलिकखन्धमेव पिज्जाक”न्ति केचि, न गहेतब्बमेतं कथविपि तथा अवचनतो।

३९६. सणेहि सणवाकेहि निब्बत्तितानि **साणानि**, अज्जेहि मिस्सकानि साणानि एव **मसाणानि** निरुत्तिनयेन, न छवीवरपरियापन्नानि भङ्गानि। केचि पन “मसाणानि नाम चोळविसेसानीति परिकप्पेत्वा मस्सकचोळानी”ति पठन्ति, तदयुत्तमेव पोराणेहि तथा अवुत्तत्ता। **एरकतिणादीनीति** एत्थ **आदिसद्देन** अक्कमकचिकदलिवकादीनं सङ्गहो, एरकादीहि कतानि हि छवानि लामकानि दुस्सानीति वत्तब्बतं लभन्ति। **छवसद्दो** हेत्थ हीनवाचको, पुरिमविकप्पे पन मतसरीरवाचको। **छट्ठितनन्तकानीति** छट्ठितपिलेतिकानि। अजिनस्सेदन्ति **अजिनं**, पकतिअजिनमिगचम्मं, तदेव मज्झे फालितकज्जे, अजिनस्स खिपं फालितमुपपट्टन्ति **अजिनक्खिपं**। “सखुरकन्तिपि वदन्ती”ति (म० नि० अट्ठ० १.१५५) **पपञ्चसूदनियं** वुत्तं, द्वित्रं तिण्णं वा समुदितज्जे, अजिनक्खिपन्ति तेसमधिप्पायो। **विनयसंवण्णनासु** पन “अजिनमेव अभेदतो **अजिनक्खिप**”न्ति वुत्तं। **कन्दित्वाति** उज्जवुज्जवेन कन्दित्वा। “**गन्थेत्वा**”तिपि पाठो, वट्ठेत्वा बन्धित्वाति अत्थो। एवञ्चि

फलकचीरे निदस्सनं उपपन्नं होति । यं सन्धाय वुत्तन्ति अजितवादस्स पटिकिद्धतरभावे उपमादस्सनत्थं यदेव केसकम्बलं सन्धाय अङ्गुत्तरागमे (अ० नि० १.३.१३८) वुत्तं ।

तन्तावुतानीति तन्तं पसारेत्वा वीतानि । पटिकिद्धोति हीनो । कस्माति वुत्तं “केसकम्बलो”तिआदि । पाळियं उब्भट्टको”ति एतस्स “उद्धं ठितको”ति अत्थो मज्झिमागमट्टकथायं महासीहनादसुत्तवण्णनायं (म० नि० अट्ट० १.२१५) वुत्तो । उब्भसट्टो हि उपरिअत्थे नेपातिको यथा “उब्भजाणुमण्डल”न्ति । अनेकपरिमाणा, हि निपाता, अनेकत्था च ।

मिच्छावायामवसेनेव उक्कुटिकवतानुयोगोति आह “उक्कुटिकवीरियं अनुयुत्तो”ति । न केवलं निसिन्नोयेव उक्कुटिको, अथ खो गच्छन्तोपि...पे०.... गच्छति । अयकण्टकेति अयोमयकण्टके । पकतिकण्टकेति सलाककण्टके । उच्चभूमियं थण्डिलसट्टोति वुत्तं “उच्चे भूमिद्वाने”ति । अयं अट्टकथातो अपरो नयो – थण्डिलन्ति समापकतिभूमि वुच्चति “पत्थण्डिले पातुरहोसी”तिआदीसु विय । अमरकोसेपि हि निघण्टुसत्थे वुत्तं “वेदी परिकखता भूमि, समे थण्डिलं चातुरे”ति (सत्तरसमवग्गे १८ गाथायं) तस्मा थण्डिले अनन्तरहिताय पकतिभूमियं सेय्यम्पि कप्पेतीति अत्थो । यं सन्धाय तत्थेव निघण्टुसत्थे वुत्तं “यो थण्डिले वत वसा, सेते थण्डिलसायि सो”ति (सत्तरसमवग्गे ४४ गाथायं) रजो एव जल्लं मलीनं रजोजल्लं । तेन वुत्तं “सरीर”न्तिआदि । लद्धं आसनन्ति निसीदितुं यथालद्धमासनं । अकोपेत्वाति अज्जत्थ अनुपगन्त्वा । तथा चाह “तत्थेव निसीदनसीलो”ति । एवं निसीदन्तो हि तं अकोपेन्तो नाम होति । चतूसु महाविकटेषु गूथमेविधाधिप्पेतन्ति वुत्तं “गूथं वुच्चती”ति । तज्झि आसयवसेन विरूपं कटत्ता “विकट”न्ति वुच्चति । सायं ततियन्ति सायन्हसमयसङ्घातं ततियसमयं । अस्साति उदकोरोहनानुयोगस्स । पातोपदमिव सायंपदं नेपातिकं । अनुसारलोपेन पन “सायततियक”न्तिपि पाठो दिस्सति ।

एत्थ च “अचेलको होती”तिआदीनि याव “थुसोदकं पिवती”ति एतानि वतपदानि एकवारानि, “एकागारिको वा होती”तिआदीनि पन नानावारानि, नानाकालिकानि वा । तथा “साकभक्खो वा होती”तिआदीनि, “साणानिपि धारेति, मसाणानिपि धारेती”तिआदीनि च । तथा हेत्थ वा-सट्ठगहणं, पि-सट्ठगहणञ्च कतं । पि-सट्टोपि इध विकप्पत्थो एव दट्ठब्बो । पुरिमेसु पन वतपदेषु तदुभयम्पि न कतं, एवञ्च कत्वा “अचेलको होती”ति वत्वा “साणानिपि धारेती”तिआदिवचनस्स, “रजोजल्लधरोपि

होती”ति वत्वा “उदकोरोहनानुयोगमनुयुत्तो विहरती”ति वचनस्स च अविरोधो सिद्धो होति । अथ वा किमेत्थं अविरोधचिन्ताय । उम्मतकपच्छिसदिसो हि तिथियवादो । अपिच “अचेलको होती”ति आरभित्वा तप्पसङ्गेन सब्बम्पि अञ्जमञ्जविरोधमेव अत्तकिलमथानुयोगं दस्सेन्तेन तेन अचेलकस्सपेन “साणानिपि धारेती”तिआदि वुत्तन्ति दट्ठब्बं ।

तपोपक्कमनिरत्थकतावण्णना

३९७. सीलसम्पदादीहीति सीलसम्पदा, समाधिसम्पदा, पञ्जासम्पदाति इमाहि लोकुत्तराहि सम्पदाहि । विनाति विरहितत्ता, विना वा ताहि न कदाचिपि सामञ्जं वा ब्रह्मञ्जं वा सम्भवति, तस्मा तेसं तपोपक्कमानं निरत्थकतं दस्सेन्तीति सपाठसेसयोजना । दोसवेरविरहितन्ति दोससङ्घातवेरतो विरहितं । इदञ्चि दोसस्स मेत्ताय उजुपटिपक्खतो वुत्तं । यं पन आचरियेन वुत्तं “दोसग्गहणेन वा सब्बेपि ज्ञानपटिपक्खा संकिलेसधम्मा गहिता । वेरग्गहणेन पच्चत्थिकभूता सत्ता । यदग्गेन हि दोसरहितं, तदग्गेन वेररहित”न्ति, (दी० नि० टी० १.३९७) तदेतं पालियं वेरसदस्सेव विज्जमानत्ता, अट्ठकथायञ्च तदत्थमेव दस्सेतुं दोससदस्स वुत्तत्ता विचारेतब्बं ।

३९८. एत्तकमत्तन्ति नग्गचरियादिमत्तं । पाकटभावेन कायति अत्थं गमेतीति पकति, लोकसिद्धवादो । तेनाह “पकतिकथा एसा”ति । “मत्ता सुखपरिच्चागा”तिआदीसु (ध० प० २९०) विय मत्तासद्दो अप्पत्तं अन्तोनीतं कत्वा पमाणवाचकोति आह “इमिना”तिआदि । तेन पन पमाणेन पहातब्बो एव पटिपत्तिक्कमो पकरणप्पतो । इमिना “तपोपक्कमेना”ति सद्दन्तरेन वा अधिगतोति दस्सेति “पटिपत्तिक्कमेना”ति इमिना । ततोति तस्मा सामञ्जब्रह्मञ्जस्स अप्पमत्तकेनेव पटिपत्तिक्कमेन सुदुक्करभावतो । इमं हेतुसम्बन्धं सन्धाय “पदसम्बन्धेन सद्दि”न्ति वुत्तं । सब्बत्थाति सब्बवारेसु ।

३९९. अञ्जथाति यदि अचेलकभावादिना सामञ्जं वा ब्रह्मञ्जं वा अभविस्स, एवं सति सुविजानोव समणो, सुविजानो ब्राह्मणो । यस्मा पन तुम्हे इतो अञ्जथाव सामञ्जं, अञ्जथा ब्रह्मञ्जं वदथ, तस्मा दुज्जानोव समणो दुज्जानो ब्राह्मणोति अत्थो । तेनाह “इदं सन्धायाहा”ति । तं पकतिवादं पटिक्खिपित्वाति यं पुब्बे पाकतिकं सामञ्जं, ब्रह्मञ्जञ्च हृदये ठपेत्वा तेन अचेलकस्सपेन “दुक्करं सुदुक्कर”न्ति वुत्तं, भगवता च

तमेव सन्धाय “पकति खो एसा”तिआदि भासितं, तमेव इध पाकतिकसामञ्जब्रह्मञ्जविसयं कथं पटिसंहरित्वा। सभावतोव परमत्थतो एव समणस्स, ब्राह्मणस्स च दुज्जानभावं आविकरोन्तो पुनपि “पकति खो”तिआदिमाह। तत्रापीति समणब्राह्मणवादेपि। पदसम्बन्धन्ति हेतुपदेन सद्धिं पुब्बापरवाक्यसम्बन्धं।

सीलसमाधिपञ्जासम्पदावण्णना

४००-१. पण्डितोति हेतुसम्पत्तिसिद्धेन पण्डिच्चेन समन्नागतो। कथं उग्गहेसीति परिपक्कजाणत्ता घटे पदीपेन विय अब्भन्तरे समुज्जलन्तेन पञ्जावेय्यत्तियेन तत्थ तत्थ भगवता देसितमत्थं परिगणहन्तो तं देसनं उपधारेसि। यस्मा उग्गहेसि, तस्मा...पे०... विदित्वाति सम्बन्धो। तस्स चाति यो अचेलको होति, याव उदकोरोहनानुयोगमनुयुत्तो विहरति, तस्स च। तस्स चेति वा पदच्छेदो, अभाविता असच्छिकता होति चेति योजना। ता सम्पत्तियो पुच्छामि, याहि समणो च ब्राह्मणो च होतीति अधिप्पायो। सीलसम्पदादिविजाननत्थन्ति सीलसम्पदादिविजाननहेतु। “कस्मा पुच्छती”ति हि वुत्तं। अथ-सद्दो चेत्थ कारणे। एवमीदिसेसु। सीलसम्पदायाति एत्थ इतिसद्दो आदिअत्थो, उपलक्खणनिद्देशो वायं, तेन “चित्तसम्पदाय, पञ्जासम्पदाया”ति पदद्वयं सङ्गहाति। तेनाह “सीलचित्तपञ्जासम्पदाहि अज्जा”ति। इमेहि च असेक्खसीलदिक्खन्धत्तयं सङ्गहितन्ति वुत्तं “अरहत्तफलमेवा”ति। तत्थ कारणं दस्सेति “अरहत्तफलपरियोसान”न्तिआदिना। इदज्झि काकोलोकनमिव उभयापेक्खवचनं।

सीहनादकथावण्णना

४०२. अनुत्तरन्ति अनज्जसाधारणताय, अनज्जसाधारणत्थविसयताय च अनुत्तरं। महासीहनादन्ति महन्तं बुद्धसीहनादं। अतिविय अच्चन्तविसुद्धताय परमविसुद्धं। “परमन्ति उक्कट्ठं। तेनाह ‘उत्तम’न्ति” आचरियेन वुत्तं, उक्कट्ठपरियायो च परमसद्दो अत्थीति तस्साधिप्पायो। सीलमेवाति लोकियसीलमत्तत्ता सीलसामञ्जमेव। यथा अनज्जसाधारणं भगवतो लोकुत्तरसीलं सवासनपटिपक्खधम्मविद्धंसनतो, एवं लोकियसीलम्पि अनज्जसाधारणमेव तदनुच्छविकभावेन पवत्तत्ता। एवज्झि “नाहं तत्था”ति पाळिवचनं उपपन्नं होति। “यावता कस्सप अरियं परमं सील”न्ति इदं “सीलस्स वण्णं भासन्ती”ति एत्थ आकारदस्सनं। “यदिदं अधिसील”न्ति इदं पन “तत्था”ति पदद्वये

अनियमवचनं । “यदिदं अधिसील”न्ति च लोकियलोकुत्तरवसेन दुविधमि बुद्धसीलं एकज्झं कत्वा वुत्तं, तस्मा त-सद्देनपि उभयस्सेव परामसनन्ति दस्सेतुं “तत्थ सीलेपि परमसीलेपी”तिआदिमाह । समसमन्ति समेन विसेसनभूतेन सीलेन समन्ति अत्थं विज्जापेतुं “मम सीलसमेन सीलेन मया सम”न्ति वुत्तं । तस्मिं सीलेति दुविधेपि सीले । इति इमन्ति एवं इमं सीलविसयं । पठमन्ति उप्पत्तिक्कमतो पठमं पवत्तत्ता पठमभूतं ।

तपतीति किलेसे सन्तप्पति, विधमतीति अत्थो । “तदेवा”ति इमिना तुल्याधिकरणसमासमाह । जिगुच्छतीति हीलेति लामकतो ठपेति । आरका किलेसेहीति कत्वा निदोसत्ता अरिया । आरम्भवत्थुवसेनाति अट्टारम्भवत्थुवसेन । विपस्सनावीरियसङ्घाताति विपस्सनासम्पयुत्तवीरियसङ्घाता । लोकियमत्तत्ता तपोजिगुच्छाव । मग्गफलसम्पयुत्ता वीरियसङ्घाता तपोजिगुच्छाति अधिकारवसेन सम्बन्धो । सब्बुक्कट्टभावतो परमा नाम । यथा युविनो भावो योब्बनं, एवं जिगुच्छिनो भावो जेगुच्छं । यदिदं अधिजेगुच्छन्ति सीले विय लोकियलोकुत्तरवसेन दुविधमि बुद्धजेगुच्छं । तत्थाति जेगुच्छेपि अधिजेगुच्छेपि । कम्मस्सकतापज्जाति “अत्थि दिन्नं, अत्थि यिट्ठ”न्तिआदि (म० नि० १.४४१; विभं० ७९३) नयप्पवत्तं जाणं । यथाह विभङ्गे—

“तत्थ कतरं कम्मस्सकताजाणं, अत्थि दिन्नं, अत्थि यिट्ठं, अत्थि हुत्तं, अत्थि सुकटदुक्कटानं कम्मानं फलं विपाको...पे०... ठपेत्वा सच्चानुलोमिकं जाणं सब्बापि सासवा कुसला पज्जा कम्मस्सकताजाण”न्ति (विभं० ७९३) ।

सब्बमि हि अकुसलं अत्तनो वा होतु, परस्स वा, न सकं नाम । कस्मा ? अत्थभज्जनतो, अनत्थजननतो च । तथा सब्बमि कुसलं सकं नाम । कस्मा ? अनत्थभज्जनतो, अत्थजननतो च । एवं कम्मस्सकभावे पवत्ता पज्जा कम्मस्सकतापज्जा नाम । विपस्सनापज्जाति मग्गसच्चस्स, परमत्थसच्चस्स च अनुलोमनतो सच्चानुलोमिकसज्जिता विपस्सनापज्जा, लोकियमत्ततो पज्जाव । इत्थिलिङ्गस्स नपुंसकलिङ्गविपरियायो इध लिङ्गविपल्लासो । यायं अधिपज्जाति सीले विय लोकियलोकुत्तरवसेन दुविधापि बुद्धपज्जा । तत्थाति पज्जायपि अधिपज्जायपि । यथारहं परित्तमहग्गतभावतो विमुत्तियेव नाम । मग्गफलवसेन किलेसानं समुच्छिन्दनपटिप्पस्सम्भनानि समुच्छेदपटिप्पस्सद्विविमुत्तियो । अथ वा सम्मावाचादिविरतीनं अधिसीलग्गहणेन, सम्मावायामस्स अधिजेगुच्छग्गहणेन, सम्मादिट्ठिया अधिपज्जाग्गहणेन गहितत्ता

अग्गहितग्गहणेन सम्मासङ्कप्पसतिसमाधयो मग्गफलपरियापन्ना समुच्छेदपटिप्पस्सद्विविमुत्तियो दट्ठब्बा । निस्सरणविमुत्ति पन निब्बानमेव । या अयं अधिविमुत्तीति सीले वुत्तनयेन दुविधापि अधिविमुत्ति । तत्थाति विमुत्तियापि अधिविमुत्तियापि ।

४०३. यं किञ्चि जनविवित्तट्ठानं सुज्जागारमिधाधिप्पेतं । तत्थ नदन्तेन विना अज्जो जनो नथीति दस्सेतुं “एककोवा”तिआदि वुत्तं । अट्ठसु परिसासूति खत्तियपरिसा, ब्राह्मणगहपतिसमणचातुमहाराजिकतावतिसमारब्रह्मपरिसाति इमासु अट्ठसु परिसासु ।

तदत्थं मज्झिमागमवरे महासीहनादसुत्तपदेन (म० नि० १.१५०) साधेन्तो “चत्तारिमानी”तिआदिमाह । तत्थ वेसारज्जानीति विसारदभावा, जाणप्पहानअन्तरायिकनिय्यानिकधम्मदेसनानिमित्तं कुतोचिपि असन्तस्सनभावा निब्भयभावाति अत्थो । “वेसारज्ज”न्ति हि चतूसु ठानेसु सारज्जाभावं पच्चवेकखन्तस्स उप्पन्नसोमनस्समयजाणस्सेतं नामं । अज्जेहि पन असाधारणतं दस्सेतुं “तथागतस्स तथागतवेसारज्जानी”ति वुत्तं । “यथा वा पुब्बबुद्धानं वेसारज्जानि पुज्जुस्सयसम्पत्तिया आगतानि, तथा आगतवेसारज्जानी”ति वा दुतियस्स तथागतसदस्स तुल्याधिकरणत्ता एवं वुत्तं । अयं अट्ठकथानयो । नेरुत्तिका पन वदन्ति “समासे सिद्धे सामज्जत्ता, सज्जासद्वत्ता च तथा वुत्त”न्ति । आसभं ठानन्ति सेट्ठट्ठानं उत्तमट्ठानं । सब्बज्जुतं पटिजाननवसेन अभिमुखं गच्छन्ति, अट्ठपरिसं उपसङ्कमन्तीति वा आसभा, बुद्धा, तेसं ठानन्तिपि अत्थो ।

अपिच तयो पुङ्गवा – गवसतजेट्ठको उसभो, गवसहस्सजेट्ठको वसभो । वजसतजेट्ठको वा उसभो, वजसहस्सजेट्ठको वसभो । एकगामखेत्ते वा जेट्ठो उसभो, द्वीसु गामखेत्तेसु जेट्ठो वसभो, सब्बगवसेट्ठो सब्बत्थ जेट्ठो सब्बपरिस्सयसहो सेतो पासादिको महाभारवहो असनिसतसद्देहिपि अकम्पनीयो निसभोति । निसभोव इध “उसभो”ति अधिप्पेतो । इदम्पि हि तस्स परियायवचनं । उसभस्स इदन्ति आसभं, इदं पन आसभं वियाति आसभं । यथेव हि निसभसङ्कातो उसभो उसभबलेन समन्नागतो चतूहि पादेहि पथविं उप्पीळेत्वा अचलट्ठानेन तिट्ठति, एवं तथागतोपि दसतथागतबलेन समन्नागतो चतूहि वेसारज्जपादेहि अट्ठपरिसापथविं उप्पीळेत्वा सदेवके लोके केनचि पच्चस्थिकेन पच्चामितेन अकम्पियो अचलट्ठानेन तिट्ठति । एवं तिट्ठमानोव तं आसभं ठानं पटिविजानाति उपगच्छति न पच्चक्खाति अत्तनि आरोपेति । तेन वुत्तं “आसभं ठानं पटिजानाती”ति ।

सीहनादं नदतीति “सेट्टुनादं अभीतनादं नदती”ति वुत्तोवायमत्थो । अथ वा सीहनादसदिसं नादं नदति । अयमत्थो खन्धवग्गसंयुत्ते आगतेन **सीहनादसुत्तेन** (सं० नि० २.३.७८) दीपेतब्बो । यथा वा सीहो मिगराजा परिस्सयानं सहनतो, गोणमहिं समत्तवारणादीनं हननतो च “सीहो”ति वुच्चति, एवं तथागतो मुनिराजा लोकधम्मनं सहनतो, परप्पवादानं हननतो च “सीहो”ति वुच्चति । एवं वुत्तस्स सीहस्स नादं नदति । तत्थ यथा मिगसीहो सीहबलेन समन्नागतो सब्बत्थ विसारदो विगतलोमहंसो सीहनादं नदति, एवं तथागतसीहो दसतथागतबलेन समन्नागतो अट्टसु परिसासु विसारदो विगतलोमहंसो “इति रूप”न्तिआदिना (सं० नि० २.३.७८; अ० नि० ३.८.२) नयेन नानाविधदेसनाविलाससम्पन्नं सीहनादं नदति । तेन वुत्तं “परिसासु सीहनादं नदती”ति ।

पञ्चं अभिसङ्खरित्वाति जातुमिच्छितं अत्थं अत्तनो जाणवलानुरूपं अभिसङ्खरित्वा । **तट्ठणञ्जेवाति** पुच्छितक्खणेयेव ठानुप्पत्तिकपटिभानेन **विस्सज्जेति** । अज्झासयानुरूपं, अत्थधम्मनुरूपञ्च विस्सज्जनतो **चित्तं परितोसेतियेव** । अस्साति समणस्स गोतमस्स । **सोतब्बं मज्जन्तीति** अट्ठक्खणवज्जितेन नवमेन खणेन लब्भमानत्ता “यं नो सत्था सासति, तं मयं सोस्सामा”ति आदरभावजाता **महन्तेनेव उस्साहेन** सोतब्बं सम्पटिच्छितब्बं मज्जति । **कल्लचित्ता मुदुचित्ताति** पसादाभिवुद्धिया विगतुपक्किलेसताय कल्लचित्ता मुदुचित्ता होन्ति । **मुद्धप्पसन्नाति** तुच्छप्पसन्ना निरत्थकप्पसन्ना । **पसन्नाकारो** नाम पसन्नेहि कातब्बसक्कारो, सो दुविधो धम्मामिसपूजावसेन, तत्थ आमिसपूजं दस्सेन्तो “**पणीतानी**”तिआदिमाह । धम्मपूजा पन पाळियमेव “तथत्ताय पटिपज्जन्ती”ति इमिना दस्सिता । **तथाभावायाति** यथाभावाय यस्स वट्टदुक्खनिस्सरणस्स अत्थाय धम्मो देसितो, तथाभावाय । तदेवत्थं दस्सेतुं “**धम्मनुधम्मपटिपत्तिपूरणत्थाया**”ति वुत्तं । धम्मनुधम्मपटिपत्ति हि वट्टदुक्खनिस्सरणपरियोसाना, सा च धम्मनुधम्मपटिपत्ति याय अनुपुब्बिया पटिपज्जितब्बा, पटिपज्जन्तानञ्च सति अज्झत्तिकङ्गसमवाये एकंसिका तस्सा पारिपूरीति तं अनुपुब्बिं दस्सेन्तो “**केचि सरणेसु**”तिआदिमाह । यथा पूरेन्ता पूरेतुं सक्कोति नाम, तथा पूरणं दस्सेतुं “**सब्बाकारेन पन पूरेन्ती**”ति वुत्तं ।

इमस्मिं पनोकासेति “पटिपन्ना च आराधेन्ती”ति सीहनादकिच्चपारिपूरिट्ठपने पाळिपदेसे । **समोधानेतब्बाति** सङ्कलयितब्बा । **एकच्चं...पे०... पस्सामीति** भगवतो **एको सीहनादो** असाधारणो अज्जेहि अप्पटिवत्तियो सेट्टुनादो अभीतनादोति कत्वा । एस नयो सेसेसुपि । अपरं तपस्सिन्ति अधिकारो । **पुरिमानं दसन्नन्ति** “एकच्चं तपस्सिं निरये निब्बत्तं

पस्सामी'ति वुत्तसीहनादतो पट्टाय याव "विमुत्तिया मय्हं सदिसो नत्थी"ति वुत्तसीहनादा पुरिमकानं दसन्नं सीहनादानं, निद्धारणे चेतं सामिवचनं। तेनाह "एकेकस्सा"ति। "परिसासु च नदती"ति आदयो "पटिपन्ना च मं आराधेन्ती"ति परियोसाना दस दस सीहनादा परिवारा। "एकच्चं तपस्सिं निरये निब्बत्तं पस्सामी"ति हि सीहनादं नदन्तो भगवा परिसासु नदति विसारदो हुत्वा नदति, तत्थ च पज्हं पुच्छन्ति, पज्हं विस्सज्जेति, विस्सज्जनेन परस्स चित्तं आराधेति, सुत्वा सोतब्बं मज्जन्ति, सुत्वा च भगवतो पसीदन्ति, पसन्ना च पसन्नाकारं करोन्ति, यं पटिपत्तिं देसेति, तत्थत्ताय पटिपज्जन्ति, पटिपन्ना च मं आराधेन्तीति एवं परिवारेत्वा अत्थयोजना सम्भवति। अयमेव नयो सेसेसुपि नवसु।

"एव"न्तिआदिना यथावुत्तानं सीहनादानं सङ्कलयित्वा दस्सनं। ते दसाति "परिसासु च नदती"ति आदयो दस सीहनादा। पुरिमानं दसन्नन्ति यथावुत्तानं मूलभूतानं पुरिमकानं दससीहनादानं। परिवारवसेनाति मूलिं कत्वा पच्चेकं परिवारवसेन योजियमाना सत्तं सीहनादा। पुरिमा च दसाति मूलमूलियो कत्वा परिवारवसेन अयोजियमाना पुरिमका च दसाति एवं दसाधिकं सीहनादसत्तं होति। अज्जस्मिं पन सुत्तेति मज्झिमागमचूळसीहनादसुत्तादिम्हि (म० नि० १.१९३) तेनाति सङ्ख्यामहत्तेन। महासीहनादत्ता इदं सुत्तं "महासीहनाद"न्ति वुच्चति, न पन मज्झिमनिकाये महासीहनादसुत्तमिव चूळसीहनादसुत्तमुपादायाति अधिप्पायो।

तित्थियपरिवासकथावण्णना

४०४. पटिसेधेत्वाति तथा भावाभावदस्सनेन पटिक्खित्वा। यं भगवा पाथिकवग्गे उदुम्बारेकसुत्ते (दी० नि० ३.५७) "इध निग्रोध तपस्सी"तिआदिना उपक्किलेसविभागं, पारिसुद्धिविभागञ्च दस्सेन्तो सपरिसस्स निग्रोधपरिब्बाजकस्स पुरतो सीहनादं नदति, तं दस्सेतुं "इदानी"तिआदि वुत्तं। नदितपुब्बन्ति उदुम्बरिकसुत्ते आगतनयेन पुब्बे निग्रोधपरिब्बाजकस्स नदितं। तपब्रह्मचारीति उत्तमतपचारी, तपेन वा वीरियेन ब्रह्मचारी। इदन्ति "राजगहे...पे०... पज्हं अपुच्छी"ति पाळियं आगतवचनं। आचरियेन (दी० नि० टी० १.४०३) पन यथावुत्तं अट्ठकथावचनमेव पच्चापहं। एत्थ च कामं यदा निग्रोधो पज्हमपुच्छि, भगवा चस्स विस्सज्जेसि, न तदा भगवा गिज्झकूटे पब्बते विहरति, राजगहसमीपेयेव उदुम्बरिकाय देविया उय्याने विहरति तत्थेव तथा पुच्छित्ता,

विस्सज्जितत्ता च, तथापि गिज्झकूटे पब्बते भगवतो विहारो न ताव विच्छिन्नो, तस्मा पाळियं “तत्र म”न्तिआदिवचनं, अट्ठकथायञ्च “तत्र राजगहे गिज्झकूटे पब्बते विहरन्तं म”न्तिआदिवचनं वुत्तन्ति इममत्थम्पि “यं तं भगवा”तिआदिना विज्जापेतीति दट्ठब्बं। “गिज्झकूटे पब्बते”ति इदं तत्थ कतविहारं सन्धाय वुत्तन्ति दस्सेति “गिज्झकूटे महाविहारे”ति इमिना। उदुम्बरिकायाति तन्नामिकाय। उय्यानेति तत्थ कतपरिब्बाजकारामं सन्धाय वदति। निग्रोधो नाम छत्रपरिब्बाजको। सन्धानो नाम पञ्चउपासकसत्परिवारो अनागामिउपासको। कथासल्लापन्ति “यग्घे गहपति जानेय्यासि, केन समणो गोतमो सद्धिं सल्लपती”तिआदिना (दी० नि० ३.५३) सल्लापकथं। परन्ति अतिसयत्थे निपातो। वियाति पदपूरणमत्ते यथा तं “अतिविया”ति। अन्धबालन्ति पज्जाचक्खुना अन्धं बालजनं। योगेति नये, दुक्खनिस्सरणूपायेति अत्थो।

४०५. अनेनाति भगवता। खन्धकेति महावग्गे पब्बज्जखन्धके (महाव० ९६) यं परिवासं परिवसतीति योजना। “पुब्बे अज्जतिथियो भूतोति अज्जतिथियपुब्बो”ति (सारत्थ० टी० ७६) आचरियसारिपुत्तत्थेरेन वुत्तं। पठमं पब्बज्जं गहेत्वाव परिवसतीति आह “सामणेरभूमियं ठितो”ति। तन्ति द्वीहि आकारेहि वुत्तं परिवासं। पब्बज्जन्ति “आकङ्कति पब्बज्जं, आकङ्कति उपसम्पद”न्ति एत्थ वुत्तं पब्बज्जग्गहणं। “उत्तरिदिरत्ततिरत्तं सहसेय्यं कप्पेय्या”ति (पाचि० ५१) एत्थ दिरत्तग्गहणं विय वचनसिलिड्ढतावसेनेव वुत्तं। यस्मा पन सामणेरभूमियं ठितेनेव परिवसितब्बं, न गिहिभूतेन, तस्मा अपरिवसित्वायेव पब्बज्जं लभति। न गामप्पवेसनादीनीति एत्थ आदिसद्देन नवेसियाविधवाथुल्लकुमारिकपण्डकभिक्षुनिगोचरता, सब्रह्मचारीनं किं करणीयेसु दक्खानलसादिता, उद्देसपरिपुच्छादीसु तिब्बच्छन्दता, यस्स तिथ्यायतनतो इधागतो, तस्स अवण्णभणने अत्तमनता, बुद्धादीनं अवण्णभणने अनत्तमनता, यस्स तिथ्यायतनतो इधागतो, तस्स वण्णभणने अनत्तमनता, बुद्धादीनं वण्णभणने अत्तमनताति इमेसं सत्तवत्तानं सङ्गहो वेदितब्बो। पूरेन्तेन परिवसितब्बन्ति यदा परिवसति, तदा पूरमानेन परिवसितब्बं। अट्ठवत्तपूरणेनाति यथावुत्तानं अट्ठवत्तानं पूरणेन। एत्थाति परिवासे, उपसम्पदाय वा। घंसित्वा कोट्टेत्वाति अज्झासयवीमंसनवसेन सुवण्णं विय घंसित्वा कोट्टेत्वा। पब्बज्जायाति निदस्सनमत्तं। उपसम्पदापि हि तेन सङ्गहति।

“गणमज्जे निसीदित्वाति उपसम्पदाकम्मस्स गणप्पहोनकानं भिक्खूनं मज्जे सङ्गत्थेरो विय तस्स अनुग्गहत्थं निसीदित्वा”ति (दी० नि० टी० १.४०५) आचरियेन वुत्तं,

इदानीं पन बहुसुपि पोत्थकेसु “तं निसीदापेत्वा”ति कारितवसेन पाठो दिस्सति । अचिरमुपसम्पन्नस्स अस्साति अचिरुपसम्पन्नो, अत्थमत्तं पन दस्सेतुं “उपसम्पन्नो हुत्वा नचिरमेवा”ति आह । कायचित्तविवेकाव इधाधिप्पेता उपधिविवेकत्थं पटिपज्जनाधिकारत्ताति वुत्तं “कायेन चेव चित्तेन चा”ति । वूपकट्ठोति विवित्तो । तादिसस्स सीलविसोधने अप्पमादो अवुत्तसिद्धोति कम्मट्ठाने अप्पमादमेव दस्सेति । पेसितचित्तोति निब्बानं पति पेसितचित्तो, तन्निन्नो तप्पोणो तप्पभारोति वुत्तं होति, एवंभूतो च तथा अनपेक्खताय विस्सज्जितकायो नामाति अधिप्पायमाविकातुं “विस्सट्ठअत्तभावो”ति वुत्तं । अत्ताति चेत्थ चित्तं वुच्चति रूपकायस्स अविशयत्ता । यस्साति अरहत्तफलस्स । जातिकुलपुत्तापि आचारसम्पन्ना एव अरहत्ताधिगमाय पब्बज्जापेक्खा होन्तीति तेपि जातिकुलपुत्ते तेहेव आचारकुलपुत्तेहि एकसङ्गहे करोन्तो “आचारकुलपुत्ता”ति आह । इमिना हि आचारसम्पन्ना जातिकुलपुत्तापि सङ्गहिता होन्ति । आचारसम्पन्नानमेवाधिप्पेतभावो च “सम्पदेवा”ति सदन्तरेण विज्जायति । “ओतिण्णोम्हि जातिया”तिआदिना नयेन हि संवेगपुब्बिकं यथानुसिद्धं पब्बज्जं सन्धाय “सम्पदेवा”ति वुत्तं । तेनाह “हेतुनाव कारणेनेवा”ति । तत्थ हेतुनाति नयेन उपायेन । कारणेनेवाति तब्बिवरणवचनं । तन्ति अरहत्तफलं । तदेव हि “अनुत्तरं ब्रह्मचरियपरियोसान”न्ति वत्तुमरहति अज्जेसं तथा अभावतो । “यंतंसद्वा निच्चसम्बन्धा”ति सदहनयेनपि तदत्थं दस्सेति “तस्स ही”तिआदिना । “यस्सत्थाय...पे०... पब्बज्जन्ती”ति पुब्बे वुत्तस्स तस्स अरहत्तफलस्स अत्थाय कुलपुत्ता पब्बजन्ति, तस्मा अरहत्तफलमिधाधिप्पेतन्ति विज्जायतीति अधिप्पायो । नत्थि परो जनो तथा सच्छिकरणे पच्चयो यस्साति अपरप्पच्चयो, तं । उप-सद्दो विय सं-सद्दोपि धातुसद्धानुवत्तकोति वुत्तं “पापुणित्वा”ति, पत्वा अधिगन्त्वाति अत्थो । उप-सद्दो वा धातुसद्धानुवत्तको, सं-सद्दो पन धातुविसेसकोति आह “सम्पादेत्वा”ति, असेक्खा सीलसमाधिपज्जायो निष्पादेत्वा, परिपूरेत्वावाति अत्थो ।

निष्ठापेतुन्ति निगमनवसेन परियोसापेतुं । “ब्रह्मचरियपरियोसान...पे०... विहासी”ति इमिना एव हि अरहत्तनिकूटेन देसना परियोसापिता, तं पन निगमेतुं “अज्जतरो...पे०... अहोसी”ति धम्मसङ्गाहकेहि वुत्तं । एकतोव इध अज्जतरो, न पन नामगोत्तादीहि अपाकटतो । अरहन्तानन्ति उब्बाहने चेतं सामिवचनं । तथा उब्बाहितत्ता च तेसमम्भन्तरोति अत्थो आपन्नोति अधिप्पायं दस्सेन्तो “भगवतो”तिआदिमाह । केचि पन एवं वदन्ति – अरहन्तानन्ति चेतं सम्बन्धेयव सामिवचनं. अतो चेत्थ सह पाठसेसेन

अधिष्पायमत्थं दस्सेतुं “भगवतो”तिआदि वुत्तन्ति । यं पनेत्थ अत्थतो न विभत्तं, तं सुविज्जेय्यमेव ।

इति सुमङ्गलविलासिनिया दीघनिकायट्ठकथाय परमसुखुमगम्भीरदुरनुबोधत्थपरिदीपनाय सुविमलविपुलपञ्जावेय्यत्तियजननाय साधुविलासिनिया नाम लीनत्थप्पकासनिया महासीहनादसुत्तवण्णनाय लीनत्थपकासना ।

महासीहनादसुत्तवण्णना निद्धिता ।

९. पोडुपादसुत्तवण्णना

पोडुपादपरिब्बाजकवत्थुवण्णना

४०६. एवं महासीहनादसुत्तं संवण्णेत्वा इदानीं पोडुपादसुत्तं संवण्णेन्तो यथानुपुब्बं संवण्णनोकासस्स पत्तभावं विभावेतुं, महासीहनादसुत्तस्सानन्तरं सङ्गीतस्स सुत्तस्स पोडुपादसुत्तभावं वा पकासेतुं “एवं मे सुत्तं...पे०... सावत्थियन्ति पोडुपादसुत्त”न्ति आह । “सावत्थिय”न्ति इदं समीपत्थे भुम्मन्ति दस्सेतुं “सावत्थिं उपनिस्साया”ति वुत्तं, चीवरादिपच्चयपटिबद्धताय उपनिस्सयं कत्वाति अत्थो । जेतो नाम राजकुमारो, तेन रोपितत्ता संवद्धितत्ता परिपालितत्ता जेतस्स वनं उपवनन्ति अत्थमाह “जेतस्स कुमारस्स वने”ति । सुदत्तो नाम गहपति अनाथानं पिण्डस्स दायकत्ता अनाथपिण्डिको । तेन जेतस्स हत्थतो अट्टारसहिरञ्जकोटिसन्थरणेन तं किणित्वा अट्टारसहिरञ्जकोटीहेव सेनासनं कारापेत्वा अट्टारसहिरञ्जकोटीहेव विहारमहं निट्ठापेत्वा एवं चतुपञ्चासहिरञ्जकोटिपरिच्चागेन सो आरामो बुद्धप्पमुखस्स भिक्खुसङ्घस्स निय्यातितो । तेनाह “अनाथपिण्डिकेन गहपतिना आरामो कारितो”ति । पुप्फफलपल्लवादिगुणसम्पत्तिया, पाणिनो निवासफासुतादिना वा विसेसेन पब्बजिता ततो ततो आगम्म रमन्ति अनुक्कण्ठिता हुत्वा निवसन्ति एत्थाति आरामो । अथ वा यथावुत्तगुणसम्पत्तिया तत्थ तत्थ गतेपि अत्तनो अब्भन्तरे आनेत्वा रमेतीति आरामो ।

फोटो यस्स पादेसु जातोति पोडुपादो । फोटो पोडोति हि परियायो । परिब्बाजको दुविधो छन्नपरिब्बाजको, अछन्नपरिब्बाजको च । तत्थ अछन्नपरिब्बाजकोपि अचेलको आजीवकोति दुविधो । तेसु अचेलको सब्बेन सब्बं नग्गो, आजीवको पन उपरि एकमेव वत्थं उपकच्छकन्तरे पवेसेत्वा परिहरति, हेड्डा नग्गो । अयं पन दुविधोपेस न होतीति वुत्तं “छन्नपरिब्बाजको”ति, वत्थच्छायाछादनपब्बज्जुपगतत्ता छन्नपरिब्बाजकसङ्घयं गतोति

अथो । **ब्राह्मणमहासालो**ति महाविभवताय महासारतं पत्तो ब्राह्मणो । **गणाचरियो**ति सापेक्खताय समासो । **समयन्ति** सामञ्जनिद्देसो, एकसेसनिद्देसो वा, तं तं समयन्ति अथो । **पवदन्ती**ति पकारतो वदन्ति, अत्तना अत्तना उग्गहितनियामेन यथा तथा समयं वदन्तीति अथो । **तारुक्खो**ति तस्स नामं । **पभुति** सद्देन तोदेय्यजाणुसोणीसोणदण्डकूटदन्तादिके सङ्गण्हाति, **आदिसद्देन** पन छन्नपरिब्बाजकादिके । **तिन्दुको** नाम काळकखन्धरुक्खो । **चीरन्ति** पन्ति । तिन्दुका चीरं एत्थ सन्तीति **तिन्दुकचीरो** । तथा एका साल एत्थाति **एकसालको** । भूतपुब्बगतिया तमत्थं वित्थारतो दस्सेन्तो “**यस्मा**”तिआदिमाह । **इति कत्वा**ति इमिना कारणेन । “**तस्मि**”न्तिआदिना यथापाठं विभत्यन्तदस्सनं ।

अनेकाकारानवसेसजेय्यत्वविभागतो, अपरापरुप्पत्तितो च भगवतो जाणं लोके पत्थटमिव होतीति वुत्तं “**सब्बज्जुतज्जाणं पत्थरित्वा**”ति, यतो तस्स जाणजालता वुच्चति । वेनेय्यानं तदन्तो गधभावो हेद्वा वुत्तोव । वेनेय्यसत्तपरिग्गण्हनत्थं समन्नाहारे कते पठमं नेसं वेनेय्यभावेनेव उपद्धानं होति, अथ सरणगमनादिवसेन किच्चनिष्फत्ति वीमंसीयतीति आह “**किञ्च खो भविस्सतीति उपपरिक्खन्तो**”ति । निरोधन्ति सज्जानिरोधं । **निरोधा वुद्धानन्ति** ततो निरोधतो वुद्धानं सज्जुप्पत्तिं । **सब्बबुद्धानं जाणेन संसन्दित्वा**ति यथा ते निरोधं, निरोधतो वुद्धानञ्च ब्याकरिंसु, ब्याकरिस्सन्ति च, तथा ब्याकरणवसेन संसन्दित्वा । **कतिपाहच्चयेना**ति द्वीहतीहच्चयेन । पाळियमेव हि इममत्थं वक्खति । **सरणं गमिस्सतीति** “सरण”मिति गमिस्सति । “**हत्थिसारिपुत्तो**ति हत्थिसारिनो पुत्तो”ति (दी० नि० टी० १.४०६) आचरियेन वुत्तं । अधुना पन “**चित्तो हत्थिसारिपुत्तो**” त्वेव पाठो दिस्सति, चित्तो नाम हत्थाचरियस्स पुत्तोति अथो ।

सुरत्तदुपट्टन्ति रजनेन सम्मा रत्तं दिगुणं अन्तरवासकं परिवत्तनवसेन **निवासेत्वा** । “**युगन्धरपब्बतं परिक्खित्वा**”ति इदं परिकप्पवचनं “तादिसो अत्थि चे, तं विया”ति । **मेघवण्णन्ति** रत्तमेघवण्णं, सज्जापभानुरज्जितमेघसङ्कासन्ति अथो । पठमेन चेत्य सण्ठानसम्पत्तिं दस्सेति, दुतियेन वण्णसम्पत्तिं । **एकंसवरगतन्ति** वामंसवरप्पवत्तं । तथा हि **सुत्तनिपातट्ठकथायं वङ्गीससुत्तवण्णनायं** वुत्तं “एकंसन्ति च वामंसं पारुपित्वा ठितस्सेतं अधिवचनं । यतो यथा वामंसं पारुपित्वा ठितं होति, तथा चीवरं कत्वाति एवमस्सत्थो वेदितब्बो”ति [सु० नि० अट्ठ० निगोधकप्पसुत्त (वङ्गीससुत्त) वण्णना] तअत्थ एतन्ति “एकंसं चीवरं कत्वा”ति वचनं । **यतो**ति यथावुत्तवचनस्स पारुपित्वा ठितस्सेव

अधिवचनत्ता एवमस्स अत्थो वेदितब्बोति सम्बन्धो । पच्चग्घन्ति एकं कत्वा अनधिद्वितकाले पाटेक्कं महग्घं, पच्चग्घं वा अभिनवं, अब्भुण्हे तद्धणे निब्बत्तन्ति अत्थो । पुरिमञ्चेत्थ अत्थविकप्पं केचि न इच्छति । तथा हि आचरियेनेव उदानट्ठकथायं वुत्तं “पच्चग्घेति अभिनवे, पच्चेकं महग्घताय पच्चग्घेति केचि, तं न सुन्दरं । न हि बुद्धा भगवन्तो महग्घं पटिग्गहन्ति, परिभुञ्जन्ति वा”ति, इधापि तेन पच्छिमोयेव अत्थविकप्पो गहितो । अभिनवताय “पच्चग्घ”न्ति च इदं आदितो तथा लद्धवोहारेण, अनञ्जपरिभोगताय च वुत्तं, तथा वा सत्थु अधिद्वानेन तं पत्तं सब्बकालं “पच्चग्घ”न्त्वेव वुच्चति । सेलमयपत्तन्ति मुग्गवण्णसिलामयं चतुमहाराजदत्तियं पत्तं । अयमेव हि भगवता निच्चपरिभुत्तो पत्तो समचित्तसुत्तवण्णनादीसुपि (अ० नि० अट्ठ० २.२.३७) तथा वुत्तत्ता ।

४०७. अत्तनो रुचिवसेन अज्झासयवसेन, न परेहि उस्साहितोति अधिप्पायो । “अतिप्पगभावमेव दिस्वा”ति च इदं भूतकथनं न ताव भिक्खाचरणवेला सम्पत्ताति दस्सनत्थं । भगवा हि तदा कालस्सेव विहारतो निक्खन्तो “वासनाभागियाय धम्मदेसनाय पोढुपादं अनुग्गण्हिस्सामी”ति । पाळियं अतिप्पगो खोति एत्थ “पगो”ति इदं कच्चायनमतेन प-इच्चुपसग्गतो ओ-कारग-कारागमने सिद्धं । प-सद्दोयेव पातोअत्थं वदति । अज्जेसं पन सद्दविदूतं मतेन पातोपदमिव नेपातिकं । तेनेव तत्थ तत्थ अट्ठकथासु (दी० नि० अट्ठ० ३.१) वुत्तं “अतिप्पगो खोति अतिविय पातो”ति । अपिच पठमं गच्छति दिवसभावेन पवत्ततीति पगोति निब्बचनं इमिना दस्सितं । दुविधो खलुसद्दो विय हि पगोति सद्दो नामनिपातोपसग्गवसेन तिविधो । एवज्झि इध “अतिप्पगभावमेव दिस्वा”ति वचनं उपपन्नं होति ।

यंनूनाति एस निपातो अज्जत्थ संसयपरिदीपनो, इध पन संसयपतिरूपकपरिदीपनोव । कस्मा “संसयपरिदीपने”ति वुत्तं, ननु बुद्धानं संसयो नत्थीति आह “बुद्धानज्वा”तिआदि । संसयो नाम नत्थि बोधिमूले एव तस्स समुग्घाटितत्ता । परिवितक्कपुब्बभागोति अधिप्पेतकिच्चस्स पुब्बभागे पवत्तपरिवितक्को । एसाति “करिस्साम, न करिस्सामा”तिआदिको एस चित्ताचारो सब्बबुद्धानं लब्धति सम्भवति विचारणवसेनेव पवत्तनतो, न पन संसयवसेन । तेनाहाति येनेस सब्बबुद्धानं लब्धति, तेन भगवा एवमाहाति इममेव पाळिं इमस्स अत्थस्स साधकं करोति । अयं अट्ठकथातो अपरो नयो – यंनूनाति परिकप्पने निपातो । “उपसङ्कमेय्य”न्ति किरियापदेन वुच्चमानोयेव हि अत्थो

अनेन जोतीयति । तस्मा अहं यंनून यदि पन उपसङ्कमेय्यं साधु वताति योजना । “यदि पना”ति इदम्पि तेन समानत्यन्ति वुत्तं “यदि पनाहन्ति अत्थो”ति ।

४०८. अस्साति परिब्बाजकपरिसाय । उद्धंगमनवसेनाति उन्नतबहुलताय उगगन्त्वा उगगन्त्वा पवत्तनवसेन । दिसासु पत्थटवसेनाति विपुलभावेन भूतपरम्पराय सब्बदिसासु पत्थरणवसेन । एत्थ च पाळियं यथा उन्नतपायो सद्दो उन्नादो, एवं विपुलभावेन उपरूपरि पवत्तोपि उन्नादोयेवाति तदुभयं एकज्झं कत्वा “उन्नादिनिया”ति वुत्तं, पुन तदुभयमेव विभागं कत्वा “उच्चासद्दमहासद्दाया”ति । अतो पाळिनयानुरूपमेव अत्थं विवरतीति दट्ठब्बं । इदानि परिब्बाजकपरिसाय उच्चासद्दमहासद्दताकारणं, तस्स च पवत्तिआकारं दस्सेन्तो “तेसज्ही”तिआदिमाह । बालातपेति अभिनवुग्गतसूरियातपे । कामस्सादो नाम कामगुणस्सादो । भवस्सादो नाम कामरागादिसहगतो भवेसु अस्सादो ।

सूरियुग्गमने खज्जोपनमिव निष्पभतं सन्धाय वुत्तं “खज्जोपनकूपमा जाता”ति । लाभसक्कारोपि नो परिहीनोति अत्थो बावेरुजातकेन (जा० १.४.१५४) दीपेतब्बो । परिसदोसोति परिसाय पवत्तदोसो ।

४०९. सण्ठपेसीति सज्जमनवसेन सम्मदेव ठपेसि । सण्ठपनज्जेत्थ तिरच्छानकथाय अज्जमज्जस्मिं अगारवस्स चजापनवसेन आचारसिक्खापनं, यथावुत्तदोसस्स निगूहनज्ज होतीति आह “सिक्खापेसी”तिआदि । नन्ति परिसं । अप्पसदन्ति निस्सदं उच्चासद्दमहासद्दाभावं । “एको निसीदती”तिआदि अत्थापत्तिदस्सनं । बुद्धिन्ति लाभगुणवुद्धिं । पत्थयमानोति पत्थयनहेतु । मानन्ते हि लक्खणे, हेतुम्हि च इच्छन्ति सद्दविदू । इदानि तमत्थं वित्थारेतुं “परिब्बाजका किरा”तिआदि आरद्धं । अपरदन्ति अपरज्झितं । नप्पमज्जन्तीति पमादं न आपज्जन्ति, न अगारवं करोन्तीति वुत्तं होति ।

४१०. नो आगते आनन्दोति अम्हाकं भगवति आगते आनन्दो पीति होति । “चिरस्सं खो भन्ते भगवा इमं परियायमकासी”ति वचनं पुब्बेपि तत्थ आगतपुब्बत्ता वुत्तवचनमिव होतीति चोदनं समुट्ठापेत्वा परिहरन्तो “कस्मा आहा”तिआदिमाह । पियसमुदाचाराति पियालापा । तस्माति तथा पियसमुदाचारस्स पवत्तनतो । न केवलं अयमेव, अथ खो अज्जेपि पब्बजिता येभुय्येन भगवतो अपचितिं करोन्तेवाति तदज्जेसम्पि बाहुल्लकम्मेन तदत्थं साधेतुं “भगवन्तज्ही”तिआदि वुत्तं । तत्थ कारणमाह

“उच्चाकुलीनताया”ति, महासम्मतराजतो पट्टाय असम्भिन्नखत्तियकुलतायाति अत्थो । तथा हि सोणदण्डेन वुत्तं “समणो खलु भो गोतमो उच्चाकुला पब्बजितो असम्भिन्नखत्तियकुला”ति, (दी० नि० १.३०४) तेन सासने अप्ससन्नानम्पि कुलगारवेन भगवति अपचितिं दस्सेति । एतस्मिं अन्तरे का नाम कथाति यथावुत्तपरिच्छेदभन्तरे कीदिसा नाम कथा । विष्पकताति आरब्धा हुत्वा अपरियोसिता । “का कथा विष्पकता”ति पन वदन्तो अत्थतो तस्सा परियोसापनं पटिजानाति नाम । का कथाति च अविसेसचोदना, तस्मा यस्सा तस्सा सब्बस्सापि कथाय परियोसापनं पटिज्जातं होति, तच्च पटिजाननं पदेसज्जुनो अविसंयन्ति आह “याव...पे०... सब्बज्जुपवारणं पवारेसी”ति । एसाति परिब्बाजकपरिसाय कथिता राजकथादिका । निस्साराति निरर्थकभावेन साररहिता ।

अभिसज्जानिरोधकथावण्णना

४११. “तिट्ठतेसा”ति एतस्स आपन्नमत्थं दस्सेन्तो “सवे”तिआदिमाह । सुकारणन्ति सुन्दरं अथावहं हितावहं कारणं । यत्थाति अज्जतरिस्सं सालायं । नानातिथिसङ्घातासु लब्धीसु नियुत्ताति नानातिथियाणियसद्देन । णिकसद्देन वा क-कारस्स य-कारं कत्वा यथा “अन्तियो”ति । “अयं किं वदति अयं किं वदती”ति कुतूहलं कोलाहलमेत्थ अत्थीति कोतूहला, सा एव साला कोतूहलसालाति आह “कोतूहलुप्पत्तिट्ठानतो”ति । उपसगमत्तं धात्वस्थानुवत्तनतो । सज्जासीसेनायं देसना, तस्मा सज्जासहगता सब्बेपि धम्मा गहन्ति, तत्थ पन चित्तं पधानन्ति वुत्तं “चित्तनिरोधे”ति । पहानवसेन पन अच्चन्तनिरोधस्स तेहि अनधिप्पेतत्ता, अविसयत्ता च “खणिकनिरोधे”ति आह । कामं सोपि तेसं अविसयोव, अत्थतो पन निरोधकथा वुच्चमाना तत्थेव तिट्ठति, तस्मा अत्थापत्तिमत्तं पति तथा वुत्तन्ति वेदितब्बं । तस्साति अभिसज्जानिरोधकथाय । “कित्तिघोसो”ति ‘अहो बुद्धानुभावो, भवन्तरपटिच्छन्नम्पि कारणं एवं हत्थामलकं विय पच्चक्खतो दस्सेति, सावके च एदिसे संवरसमादाने पतिट्ठापेती’ति थुतिघोसो याव भवग्गा पत्थरतीति । आचरियेन वुत्तं । इदानी पन “सकलजम्बुदीपे भगवतो कथाकित्तिघोसो पत्थरती”ति पाठो दिस्सति । पटिभागकिरियन्ति पळासवसेन पटिभागभूतं पयोगं । भवन्तरसमयन्ति तत्र तत्र वुद्धानसमयं अभूतपरिकप्पितं किञ्चि उस्सारियवत्थुं अत्तनो समयं कत्वा कथेन्ति । किञ्चिदेव सिक्खापदन्ति “एकमूलकेन भवितब्बं, एत्तकं वेलं एकस्मिंयेव ठाने निसीदितब्ब”न्ति

एवमादिकं किञ्चिदेव कारणं सिक्खाकोट्टासं कत्वा पञ्जपेत्ति । निरोधकथन्ति निरोधसमापत्तिकथं ।

तेसूति कोतूहलसालायं सन्निपतितेसु नानातिथियसमणब्राह्मणेषु । एकच्चेति एके । पुरिमोति “अहेतू अप्पच्चया पुरिसस्स सज्जा उप्पज्जन्तिपि निरुज्जन्तिपी”तिआदिना वुत्तवादी । एत्थाति चतूसु वादीसु । ध्यायं इध उप्पज्जतीति सम्बन्धो । समापत्तिन्ति असज्जीभवावहं वायोक्कसिणपरिकम्मं, आकासकसिणपरिकम्मं वा रूपवचरचतुत्थज्ज्ञानसमापत्तिं, पञ्चमज्ज्ञानसमापत्तिं वा । निरोधेति हेट्ठा वुत्तनयेन सज्जानिरोधे । हेतुं अपस्सन्तोति येन हेतुना असज्जीभवे सज्जाय निरोधो सब्बसो अनुप्पादो, येन च ततो चुत्तस्स इध पञ्चवोकारभवे सज्जाय उप्पादो, तदुभयमपि हेतुं अविसयताय अपस्सन्तो ।

दुतियोति “सज्जा हि भो पुरिसस्स अत्ता”तिआदिना वुत्तवादी । नन्ति पठमवादिं । निसेधेत्वाति “न खो पन मेतं भो एवं भविस्सती”ति एवं पटिक्खिपित्वा । भिगसिङ्गतापसस्साति एवंनामकतापसस्स । तस्स किर मत्थके भिगसिङ्गाकारेण द्वे चूळा उट्ठहिंसु, “इसिसिङ्गो”तिपि तस्स नामं । असज्जकभावन्ति मुञ्छापत्तिया किरियामयसज्जावसेन विगतसज्जिभावं । वक्खति हि “विसज्जी हुत्वा”ति । चत्तालीसनिपाते आगतनयेन भिगसिङ्गतापसवत्थुं सङ्खेपतो दस्सेतुं “भिगसिङ्गतापसो किरा”तिआदि वुत्तं । विक्खम्भनवसेन किलेसानं सन्तापनतो अत्तन्तपो । दुक्करतपताय घोरत्तपो तिब्बतपो । निब्बिसेवनभावापादनेन सब्बसो मिलापितचक्खादितिक्खिन्द्रियताय परमधितिन्द्रियो । सक्कविमानन्ति पण्डुकम्बलसिलासनं सन्धायाह । तज्जि तथारूपपच्चया कदाचि उण्हं, कदाचि थद्धं, कदाचि चलितं होति । “सक्क...पे०... पत्थेती”ति अयोनिस्सो चिन्तेत्वा पेसेसि । भग्गोति भज्जितकुसलज्ज्ञासयो, अधुना पन “लग्गो”ति पाठं लिखन्ति । तेन दिब्बफस्सेनाति हत्थग्गहणमत्तदिब्बफस्सेन । तन्ति तथा सज्जापटिलाभं । एवमाहाति एवं “सज्जा हि भो पुरिसस्स अत्ता”तिआदिना आकारेण सज्जानिरोधमाह । इमिनाव नयेन इतो परेसुपि द्वीसु ठानेसु पाळिमाहरित्वा योजना वेदितब्बा ।

ततियोति “सन्ति हि भो समणब्राह्मणा”तिआदिना वुत्तवादी । आथब्बणपयोगन्ति आथब्बणवेदविहितं आथब्बणिकानं विसज्जिभावापादनप्पयोगं । उपकड्डनं आहरणं । अपकड्डनं

अपहरणं । आथब्बणं पयोजेत्वाति आथब्बणवेदे आगतं अग्गिजुहनपुब्बकं मन्तपदं पयोजेत्वा सीसच्छिन्नतादिदस्सनेन सज्जानिरोधमाह । तस्साति यस्स सीसच्छिन्नतादि दस्सितं, तस्स ।

चतुर्थोति “सन्ति हि भो देवता महिद्धिका”तिआदिना वुत्तवादी । यक्खदासीनन्ति देवदासीनं, या “योगवतियो”तिपि वुच्चन्ति, योगिनियोतिपि पाकटा । मदनिद्दन्ति सुरामदनिमित्तकं सुपनं । देवतूपहारन्ति नच्चनगायनादिना देवतानं पूजं । सुरापातिन्ति पातिपुण्णं सुरं । दिवाति अतिदिवा, उस्सूरेति अत्थो । तन्ति तथा सुपित्वा वुद्धहं । सुत्तकाले देवतानं सज्जापकङ्कनवसेन निरोधं समापन्ना, पबुद्धकाले सज्जुपकङ्कनवसेन निरोधा वुद्धिताति मज्जमानोति अधिप्पायो ।

एलमूगकथा वियाति इमेसं पण्डितमानीनं कथा अन्धबालकथासदिसी । चत्तारो निरोधेति अज्जमज्जविधुरे चत्तारोपि निरोधे । एकेन भवितब्बन्ति एकसभावेनेव भवितब्बं । न बहुनाति न च अज्जमज्जविरुद्धेन बहुविधेन नानासभावेन भवितब्बं । तेनापि एकेनाति एकसभावभूतेन तेनापि निरोधेन । अज्जेनेवाति तेहि वुत्ताकारतो अज्जाकारेनेव भवितब्बं । सोति एकसभावभूतो निरोधो । अज्जत्र सब्बज्जुनाति सब्बज्जुबुद्धं ठपेत्वा । इधाति कोतूहलसालायं । अयं निरोधो अयं निरोधोति द्विक्खत्तुं ब्यापनिच्छावचनं सत्था अत्तनो देसनाविलासेन अनेकाकारवोकारं निरोधं विभावेस्सतीति दस्सनत्थं कतं । अहो नूनाति एत्थ अहोति अच्छरिये निपातो, नूनाति अनुस्सरणे । तस्मा अहो नून भगवाति अनज्जसाधारणदेसनत्ता भगवा निरोधम्मि अहो अच्छरियं कत्वा आराधेय्य मज्जेति अधिप्पायो । अहो नून सुगतोति एत्थापि एसेव नयो । अच्छरियविभावनतो एव चेत्थ द्विक्खत्तुं आमेडितवचनं । अच्छरियत्थोपि हेस अहोसद्दो अनुस्सरणमुखेनेव पोद्धपादेन गहितो । तस्मा वुत्तं “अनुस्सरणत्थे निपातद्वय”न्ति । तेनाति अनुस्सरणत्थमुखेन पवत्तनतो । “अहो...पे०... सुगतो”ति वचनेन एतदहोसीति योजना । “यंतंसद्दा निच्चसम्बन्धा”ति साधिप्पायं योजनं दस्सेतुं “यो एतेस”न्तिआदिमाह । कालदेसपुग्गलादिविभागेन बहुभेदत्ता इमेसं निरोधधम्मानन्ति बहुते सामिवचनं, कुसलसद्दयोगे चेतं भुम्मत्थे दद्वब्बं । कुसलो निपुणो छेकोति परियायवचनमेतं । अहो नून कथेय्याति अच्छरियं कत्वा कथेय्य मज्जे । सो सुगतोति सम्बन्धो । चिण्णवसितायाति निरोधसमापत्तियं चिण्णवसीभावत्ता । सभावं जानातीति निरोधसभावं याथावतो जानाति ।

अहेतुकसञ्जुष्पादननिरोधकथावण्णना

४१२. **घरमज्जेयेव पक्खलिताति** यथा घरतो बहि गन्तुकामा पुरिसा मग्गं अनोतरित्वा घरविवरे समतले विवटङ्गणे एव पक्खलनं पत्ता, एवंसम्पदमिदन्ति अत्थो। असाधारणो हेतु, साधारणो पच्चयोति एवमादिविभागो अञ्जत्र वुत्तो, इध पन तेन विभागेन पयोजनं नत्थि सञ्जाय अकारणभावपटिक्खेपपरत्ता चोदनायाति वुत्तं “कारणस्सेव नाम”न्ति। यं पन पाळियं वुत्तं “सहेतू हि पोडुपाद सप्पच्चया पुरिसस्स सञ्जा उप्पज्जन्तिपि निरुज्जन्तिपी”ति, तत्थ सहेतू सप्पच्चया उप्पज्जन्ति, उप्पन्ना पन निरुज्जन्तियेव, न तिड्ढन्तीति दस्सनत्थं “निरुज्जन्तिपी”ति वचनं, न तु निरोधस्स सहेतुसपच्चयतादस्सनत्थं। उप्पादोयेव हि सहेतुको, न निरोधो। यदि हि निरोधोपि सहेतुको सिया, तस्सपि पुन निरोधेन भवितव्वं अङ्कुरादीनं पुन अङ्कुरादिना विय, न च तस्स पुन निरोधो अत्थि, तस्मा वुत्तनयेनेव पाळिया अत्थो वेदितव्वो। अयञ्च नयो खणनिरोधवसेन वुत्तो। यो पन यथापरिच्छिन्नकालवसेन सब्बसो अनुप्पादननिरोधो, सो “सहेतुको”ति वेदितव्वो तथारूपाय पटिपत्तिया विना अभावतो। तेनाह भगवा “सिक्खा एका सञ्जा उप्पज्जति, सिक्खा एका सञ्जा निरुज्जती”ति (दी० नि० १.४१२) ततो एव च अट्ठकथायम्पि (दी० नि० अट्ठ० १.४१३) वुत्तं “सञ्जाय सहेतुकं उप्पादननिरोधं दीपेतु”न्ति। एतज्झि पाळिवचनं, अट्ठकथावचनञ्च अनुप्पादननिरोधं सन्धाय वुत्तन्ति दट्ठव्वं। सिक्खाति हेत्वत्थे पच्चत्तवचनं, य-कारलोपो वा “सङ्ख्यापि तम्हा वनपत्ता पक्कमित्तव्व”न्तिआदीसु (म० नि० १.१९२) विय। हेतुभावो चस्सा उपरि आवि भविस्सति। एकसद्दो च अञ्जपरियायो, न सङ्ख्यावाची “इत्थेके सतो सत्तस्सा”तिआदीसु (दी० नि० १.८५-९१, ९४-९८; म० नि० ३.२१) वियाति आह “सिक्खाय एकच्चा सञ्जा जायन्ती”ति। सेसपदेसुपि एसेव नयो।

४१३. **वित्थारेतुकम्यताति** वित्थारेतुकामताय। पुच्छावसेनाति कथेतुकम्यतापुच्छावसेन, वित्थारेतुकम्यतापुच्छावसेनाति वा समासो। “पोडुपादस्सेवायं पुच्छा”ति आसङ्काय “भगवा अवोचा”ति पाळियं वुत्तं। सञ्जाय...पे०... दीपेतुं ता दस्सेन्तोति योजेतव्वं। तत्थाति तस्सं उपरि वक्खमानाय देसनाय। ततियाति अधिपञ्जासिक्खा आगताति सम्बन्धो। “अयं...पे०... देसितोति एत्थ सम्मादिट्ठिसम्मासङ्कप्पवसेन आगता। कस्माति चे? परियापन्नत्ता, सभावतो, उपकारतो च यथारहं पञ्जाक्खन्धे अवरोधत्ता सङ्गहितत्ताति अधिप्पायो। तथा हि चूळवेदल्लसुत्ते वुत्तं “या चावुसो विसाख सम्मादिट्ठि, यो च

सम्मासङ्कप्पो, इमे धम्मा पज्जाक्खन्धे सङ्गहिता'ति (म० नि० १.४६२) कामज्चेत्थ वुत्तनयेन तिस्सोपि सिक्खा आगता, तथापि अधिकित्तसिक्खाय एव अभिसज्जानिरोधो दस्सितो। इतरा पन तस्सा सम्भारभावेन आनीताति अयमत्थो पाळिवसेन वेदितब्बो।

पञ्चकामगुणिकरागोति पञ्च कामकोट्टासे आरब्ध उपपज्जनकरागो। **असमुप्पन्नकामचारोति** वत्तमानुप्पन्नतावसेन नसमुप्पन्नो यो कोचि कामचारो, या काचि लोभुप्पत्ति। अधुना पन "असमुप्पन्नकामरागो"ति पाठो, सो अयुत्तोव अत्थतो विरुद्धता। कामरागो चेत्थ विसयवसेन नियमितत्ता कामगुणारम्मणोव लोभो दट्टब्बो, कामचारो पन ज्ञाननिकन्तिभवरागादिप्पभेदो सब्बोपि लोभचारो। कामनट्ठेन, कामेसु पवत्तनट्ठेन च **कामचारो**। सब्बेपि हि तेभूमकधम्मा कामनीयट्ठेन कामा। यस्मा उभयेसम्पि सहचरणजायेन कामसज्जाभावो होति, तस्मा "कामसज्जा"ति पदुद्धारं कत्वा तदुभयमेव निदिद्धन्ति वेदितब्बं। "तत्था"तिआदि असमुप्पन्नकामचारतो पञ्चकामगुणिकरागस्स विसेसदस्सनं, असमुप्पन्नकामचारस्सेव वा इधाधिप्पेतभावदस्सनं। कामं पञ्चकामगुणिकरागोपि असमुप्पन्नो एव अनागामिमग्गेन समुग्घाटीयति, तस्मिं पन समुग्घाटितेपि न सब्बो रागो समुग्घाटं गच्छति तस्स अग्गमग्गेन समुग्घाटितत्ता। तस्मा पञ्चकामगुणिकरागगहणेन इतरस्स सब्बस्स गहणं न होतीति उभयत्थसाधारणेन परियायेन उभयमेव सङ्गहेत्वा पाळियं कामसज्जागहणं कतं, अतो तदुभयं सरूपतो, विसेसतो च दस्सेत्वा सब्बसङ्गाहिकभावतो "असमुप्पन्नकामचारो पन इमस्मिं ठाने वट्ठी"ति वुत्तं। तस्माति असमुप्पन्नकामचारस्सेव इध वट्ठनतो अयमत्थो वेदितब्बोति योजना। तस्साति पठमज्ज्ञानसमङ्गिनो पुग्गलस्स। **सदिसत्ताति** कामसज्जादिभावेन समानत्ता, एतेन पाळियं "पुरिमा"ति इदं सदिसकप्पनावसेन वुत्तन्ति दस्सेति। अनागता हि इध "निरुज्जती"ति वुत्ता अनुप्पादस्स अधिप्पेतत्ता। तस्मा अनागतमेव दस्सेतुं "अनुप्पन्नाव नुप्पज्जती"ति वुत्तं।

विवेकजपीतिसुखसङ्घाताति विवेकजपीतिसुखेहि सह अक्खाता, न विवेकजपीतिसुखानीति अक्खाता। तंसम्पयुत्ता हि सज्जायेव इधाधिप्पेता, न विवेकजपीतिसुखानि। अथ वा विवेकजपीतिसुखकोट्टासिकाति अत्थो। **सङ्घातसदो** हेत्थ कोट्टासत्थो "अदित्रं थेय्यसङ्घातं आदियेय्या"तिआदीसु (पारा० ८९, ९१) विय। कामच्छन्दादिओळारिकङ्गप्पहानवसेन नानत्थसज्जापटिघसज्जाहि निपुणताय **सुखुमा**। भूतताय **सच्चा**। तदेवत्थं दस्सेति "भूता"ति इमिना। सुखुमभावेन, परमत्थभावेन च अविपरीतसभावाति अत्थो। एवं ब्यासवसेन यथापाठमत्थं दस्सेत्वा समासवसेनपि

यथापाठमेव दस्सेन्तो “अथ वा”तिआदिमाह । समासब्बासवसेन हि द्विधा पाठो दिस्सति । “कामच्छन्दादिओळारिकङ्गप्पहानवसेना”ति इमिना सम्पयुत्तधम्मानं भावनानुभावसिद्धा, सज्जाय सण्हसुखुमता नीवरणविकखम्भनवसेन विज्जायतीति दस्सेति । भूततायाति सुखुमभावेन, परमत्थभावेन च अविपरीतताय, विज्जमानताय वा । विवेकजेहीति नीवरणविवेकतो जातेहि । इदानीं ज्ञानसमङ्गीवसेन वुत्तस्स दुतियपदस्स अत्थं दस्सेतुं “सा अस्सा”तिआदि वुत्तं । सब्बत्थाति सब्बवारेसु ।

समापज्जनाधिष्ठानं विय वुट्ठानम्पिज्ञाने परियापन्नं होति यथा तं धम्मानं भङ्गखणो धम्मेसु, आवज्जनपच्चवेकखणानि पन न ज्ञानपरियापन्नानि, तस्मा ज्ञानपरियापन्नमेव वसीकरणं गहेत्वा “समापज्जन्तो, अधिद्वहन्तो, बुद्धहन्तो च सिक्खती”ति वुत्तं । तन्ति पठमज्ज्ञानं । तेन...पे०... ज्ञानेनाति इदम्पि “सिक्खा”ति एतस्स संवण्णनापदं । तेनाति च हेतुम्हि करणवचनं, पठमज्ज्ञानेन हेतुनाति अत्थो । हेतुभावो चेत्थ ज्ञानस्स विवेकजपीतिसुखसुखुमसच्चसज्जाय उप्पत्तिया सहजातादिपच्चयभावो । कामसज्जाय पन निरोधस्स उपनिस्सयपच्चयभावोव । सो च खो सुत्तन्तपरियायेन । तथा चेव हेट्ठा संवण्णितं “तथारूपाय पटिपत्तिया विना अभावतो”ति एतेनुपायेनाति ख्यायं पठमज्ज्ञानतप्पटिपक्खसज्जावसेन “सिक्खा एका सज्जा उप्पज्जति, सिक्खा एका सज्जा निरुज्जती”ति एत्थ नयो वुत्तो, एतेन नयेन । सब्बत्थाति सब्बवारेसु ।

४१४. इदानीं आकिञ्चज्जायतनपरमाय एव सज्जाय दस्सने कारणं विभावेन्तो “यस्मा पना”तिआदिमाह । यस्मा इदञ्च...पे०... उद्धटन्ति सम्बन्धो । केसं पनिदं अङ्गतो सम्मसनन्ति वुत्तं “अट्टसमापत्तिया”तिआदि । अङ्गतोति ज्ञानङ्गतो । इदञ्चि अनुपदधम्मविपस्सनाय लक्खणवचनं । अनुपदधम्मविपस्सनञ्चि करोन्तो समापत्तिं पत्वा अङ्गतोव सम्मसनं करोति, न च सज्जा समापत्तिया किञ्चि अङ्गं होति । अथ च पनेतं वुत्तं “इदञ्च सज्जा सज्जाति एवं अङ्गतो सम्मसनं उद्धट”न्ति, तस्मा लक्खणवचनमेतं । अङ्गतोति वा अवयवतोति अत्थो, अनुपदधम्मतोति वुत्तं होति । कलापतोति समूहतो । यस्मा पनेत्थ समापत्तिवसेन तंतंसज्ज्ञानं उप्पादनरोधे वुच्चमाने अङ्गवसेन सो वुत्तो होति, तस्मा “इदञ्चा”तिआदिना अङ्गतोव सम्मसनं दस्सेतीति वेदितव्वं । तस्माति सज्जावसेनेव अङ्गतो सम्मसनस्स उद्धटत्ता । तदेवाति आकिञ्चज्जायतनमेव, न नेवसज्ज्ञानासज्जायतनं तत्थ पटुसज्जाभावतो ।

“यो”ति वत्तब्बे “यतो”ति वुत्तन्ति आह “यो नामा”ति यथा “आदिम्ही”ति वत्तब्बे “आदितो”ति वुच्चति अत्थे परिग्गय्हमाने यथायुत्तविभत्तियाव तो-सद्दस्स लब्धनतो। नाम-सद्दो चेत्थ खो-सद्दो विय वाचासिलिद्धतामत्तं। सस्सेदन्ति सक्कं, अत्तना अधिगतज्ञानं, तस्मिं सज्जा सकसज्जा, सा एतस्सत्थीति सकसज्जीति वुत्तं “अत्तनो पठमज्ज्ञानसज्जाय सज्जवा”ति। ईकारो चेत्थ उपरि वुच्चमाननिरोधपादकताय सातिसयाय ज्ञानसज्जाय अत्थिभावजोतको दट्ठब्बो। तेनेवाह “अनुपुब्बेन सज्जगं फुसती”तिआदि। तस्मा तत्थ तत्थ सकसज्जिताग्गहणेन तस्मिं तस्मिं ज्ञाने सब्बसो सुचिण्णवसीभावो दीपितोति वेदितब्बं।

लोकियानन्ति निद्धारणे सामिवचनं, सामिअत्थे एव वा। यदग्गेन हि तं तेसु सेट्ठं, तदग्गेन तेसम्पि सेट्ठन्ति। विभत्तावधिअत्थे वा सामिवचनं। एत्थ पन “लोकियान”न्ति विसेसनं लोकुत्तरसमापत्तीहि तस्स असेट्ठभावतो कत्तं। सेसं “किच्चकारकसमापत्तीन”न्ति पन विसेसनं अकिच्चकारकसमापत्तितो तस्स असेट्ठभावतोति दट्ठब्बं। अकिच्चकारकता चस्सा “यथेव हि तत्थ सज्जा, एवं फस्सादयोपी”ति, “यदग्गेन हि तत्थ धम्मा सङ्कारावसेसभावप्पत्तिया पकतिविपस्सकानं सम्मसितुं असक्कुण्येरूपेण ठिता, तदग्गेन हेट्ठिमसमापत्तिधम्मा विय पटुकिच्चकरणसमत्थापि न होन्ती”ति च अट्ठकथासु (विसुद्धि० १.२८७) पटुसज्जाकिच्चाभाववचनतो विज्जायति। स्वायमत्थो परमत्थमज्जूसाय नाम विसुद्धिमग्गटीकाय आरुपकथायं (विसुद्धि० टी० १.२८६) आचरियेन सविसेसं वुत्तो, तस्मा तत्थ वुत्तनयेनेव वेदितब्बो। केचि पन “यथा हेट्ठिमा हेट्ठिमा समापत्तियो उपरिमानं उपरिमानं समापत्तीनं अधिद्वानकिच्चं साधेन्ति, न एवं नेवसज्जानासज्जायतनसमापत्ति कस्सचिपि अधिद्वानं साधेति, तस्मा सा अकिच्चकारिका इतरा किच्चकारिका”ति वदन्ति, तदयुत्तं तस्सापि विपस्सनाचित्तपरिदमनादीनं अधिद्वानकिच्चसाधनतो, तस्मा पुरिमोयेव अत्थो युत्तो। कस्मा चेत्तं तेसमग्गन्ति आह “आकिच्चज्जायतनसमापत्तिय”न्तिआदि। “इती”ति वत्त्वा “लोकियानं...पे०... अग्गत्ता”ति तस्सत्थो वुत्तो, “अग्गत्ता”ति एत्थ वा निदस्सनमेत्तं।

पक्कपेतीति संविदहति। ज्ञानं समापज्जन्तो हि ज्ञानसुखं अत्तनि संविदहति नाम। अभिसङ्करोतीति आयूहति सम्पिण्डेति। सम्पिण्डनत्थो हि समुदायत्थो। यस्मा पन निकन्तिवसेन चेतनाकिच्चस्स मत्थकप्पत्ति, तस्मा फलूपचारेण कारणं दस्सेन्तो “निकन्तिं...पे०... नामा”ति वुत्तं। इमा आकिच्चज्जायतनसज्जाति इदानि लब्धमाना

आकिञ्चज्जायतनसञ्जा । तंसमतिक्कमेनेव उपरिज्ञानत्थाय चेतनाभिसङ्खरणसम्भवतो निरुज्जेय्युं । अज्जाति आकिञ्चज्जायतनसञ्जाहि अज्जा । ओळारिकाति ततो थूलतरा । का पन ताति आह “भवङ्गसञ्जा”ति । आकिञ्चज्जायतनतो वुड्ढाय एव हि उपरिज्ञानत्थाय चेतनाभिसङ्खरणानि भवेय्युं, एवञ्च आकिञ्चज्जायतनसञ्जा निरुज्जेय्युं, वुड्ढानञ्च भवङ्गवसेन होति, ततो परम्पि याव उपरिज्ञानसमापज्जनं, ताव अन्तरन्तरा भवङ्गसञ्जा उपपज्जेय्युं, ता च आकिञ्चज्जायतनसञ्जाहि ओळारिकाति अधिप्पायो ।

चेतेन्तोवाति नेवसञ्जानासञ्जायतनज्ज्ञानं एकं द्वे चित्तवारेपि समापज्जनवसेन पक्कप्पेन्तो एव । न चेतेतीति तथा हेट्ठिमज्ञानेसु विय वा पुब्बाभोगाभावतो न पक्कप्पेति नाम । पुब्बाभोगवसेन हि ज्ञानं पक्कप्पेन्तो इध “चेतेती”ति वुत्तो । अभिसङ्खरोन्तोवाति तत्थ अप्पहीननिकन्तिकतावसेन आयूहन्तो एव । नाभिसङ्खरोतीति तथा हेट्ठिमज्ञानेसु विय वा पुब्बाभोगाभावतो नायूहति नाम । “अहमेतं ज्ञानं निब्बत्तेमि उपसम्पादेमि समापज्जामी”ति हि एवं अभिसङ्खरणं तत्थ सालयस्सेव होति, न अनालयस्स, तस्मा एकद्विचित्तक्खणिकम्पि ज्ञानं पवत्तेन्तो तत्थ अप्पहीननिकन्तिकताय “अभिसङ्खरोन्तो एवा”ति वुत्तो । यस्मा पनस्स तथा हेट्ठिमज्ञानेसु विय वा तत्थ पुब्बाभोगो नत्थि, तस्मा “न अभिसङ्खरोती”ति वुत्तं । “इमस्स भिक्खुनो”तिआदि वुत्तस्सेवत्थस्स विवरणं । तत्थ यस्मा इमस्स...पे०... अत्थि, तस्मा “न चेतेति, नाभिसङ्खरोती”ति च वुत्तन्ति अधिप्पायो । आभोगसमन्नाहारोति आभोगसङ्घातो, आभोगवसेन वा चित्तस्स आरम्भणाभिमुखं, आरम्भणस्स वा चित्ताभिमुखं अन्वाहारो । “स्वायमत्थो”तिआदिना तदेवत्थं उपमाय पटिपादेति । पुत्तघराचिक्खणेनाति पुत्तघरस्स आरोचननयेन ।

गन्त्वा आदाय आगतन्ति सम्बन्धो । पच्छाभागेति आसनसालाय पच्छिमदिसायं ठितस्स पितुघरस्स पच्छाभागे । ततोति पुत्तघरतो । लद्धघरमेवाति यतोनेन भिक्खा लद्धा, तमेव घरं पुत्तगेहमेव । आसनसाला विय आकिञ्चज्जायतनसमापत्ति ततो पितुघरपुत्तघरद्वानियानं नेवसञ्जानासञ्जायतननिरोधसमापत्तीनं उपगन्तव्वतो । पितुगेहं विय नेवसञ्जानासञ्जायतनसमापत्ति अमनसिकातव्वतो, मज्झे ठितत्ता च । पुत्तगेहं विय निरोधसमापत्ति मनसिकातव्वतो, परियन्ते ठितत्ता च । पितुघरं अमनसिकरित्वाति पविसित्वा समतिक्कन्तम्पि पितुघरं अमनसिकरित्वा । पुत्तघरस्सेव आचिक्खणं विय एकं द्वे चित्तवारे समापज्जितव्वम्पि नेवसञ्जानासञ्जायतनं अमनसिकरित्वा परतो निरोधसमापत्तत्थाय एव मनसिकारो दट्ठव्वो । एवं अमनसिकारसामज्जेन, मनसिकारसामज्जेन च उपमोपमेय्यता

वुत्ता आचिक्खणेनपि मनसिकारस्सेव जोतनतो । न हि मनसिकारेण विना आचिक्खणं सम्भवति ।

ता ज्ञानसज्जाति एकं द्वे चित्तवारे पवत्ता नेवसज्जानासज्जायतनज्ञानसज्जा । निरोधसमापत्तियज्झि यथारहं चतुत्थारुप्पकुसलकिरियजवनं द्विक्खत्तुमेव जवति, न तदुत्तरि । निरुज्झन्तीति सरसवसेनेव निरुज्झन्ति, पुब्बाभिसङ्गारबलेन पन उपरि अनुप्पादो । यथा च ज्ञानसज्जानं, एवं इतरसज्जानम्पीति आह “अज्जा चा”तिआदि । नुप्पज्जन्ति यथापरिच्छिन्नकालन्ति अधिप्पायो । सो एवं पटिपन्नो भिक्खूति यथावुत्ते सज्जग्गे ठितभावेन पटिपन्नो भिक्खु, सो च खो अनागामी वा अरहा वा द्वीहि फलेहि समन्नागमो, तिण्णं सङ्गारानं पटिप्पस्सद्धि, सोलसविधा जाणचरिया, नवविधा समाधिचरियाति इमेसं वसेन निरोधपटिपादनपटिपत्तिं पटिपन्नोति अत्थो । अनुपुब्बनिरोधवसेन चित्तचेतसिकानं अप्पवत्तियेव सज्जावेदनासीसेन “सज्जावेदयितनिरोध”न्ति वुत्ता । फुसतीति एत्थ फुसनं नाम विन्दनं पटिलद्धीति दस्सेति “विन्दति पटिलभती”ति इमिना । अत्थतो पन वुत्तनयेन यथापरिच्छिन्नकालं चित्तचेतसिकानं सब्बसो अप्पवत्तियेव ।

निरत्थकताय उपसगमत्तं, तस्मा सज्जा इच्चेव अत्थो । निरोधपदेन अनन्तारेकं कत्वा समापत्तिपदे वत्तब्बे तेसं द्वित्रमन्तरे सम्पज्जानपदं ठपितन्ति आह “निरोधपदेन अन्तरिकं कत्वा वुत्त”न्ति । तेन वुत्तं “अनु...पे०... अत्थो”ति, तेन अयुत्तसमासोयं यथारुतपाठोति दस्सेति । तत्रापीति तस्मिं यथापदमनुपुब्बिठपनेपि अयं विसेसत्थोति योजना । सम्पज्जानन्तस्साति तं तं समापत्तिं समापज्जित्वा वुट्ठाय तत्थ तत्थ सङ्गारानं सम्मसनवसेन पज्जानन्तस्स पुग्गलस्स । अन्तेति यथावुत्ताय निरोधपटिपादनपटिपत्तिया परियोसाने । दुतियविकप्पे सम्पज्जानन्तस्साति सम्पज्जानकारिनो, इमिना निरोधसमापत्तिसमापज्जनकस्स भिक्खुनो आदितो पट्ठाय सब्बपाटिहारिकपज्जाय सद्धिं अत्थसाधिका पज्जा किच्चतो दस्सिता होति । तेनाह “पण्डितस्स भिक्खुनो”ति । वचनसेसापेक्खा’ नपेक्खता द्वित्रं विकप्पानं विसेसो ।

संवण्णनोकासानुप्पत्तितो निरोधसमापत्तिकथा कथेतब्बा । सब्बाकारेणाति निरोधसमापत्तिया सरूपविसेसो, समापज्जनको, समापज्जनट्ठानं, समापज्जनकारणं, समापज्जनाकारोति एवमादिना सब्बप्पकारेण । तत्थाति विसुद्धिमग्गे (विसुद्धि० १.३०७)

कथिततोवाति कथितद्वानतो एव, तेवीसतिमपरिच्छेदतोति अत्थो, न इध तं वदाम पुनरुत्तिभावतो, गन्थगरुकभावतो चाति अधिप्पायो ।

पाळियं एवं खो अहन्ति एत्थ आकारत्थो एवं-सद्दो उग्गहिताकारदस्सनन्ति कत्वा । एवं पोड्डपादाति एत्थ पन सम्पटिच्छनत्थो तथेव अनुजाननन्ति कत्वा । तेनाह “सुउग्गतितं तथा”ति अनुजानन्तो”ति ।

४१५. सञ्जा अग्गा एत्थाति सञ्जग्गं, आकिञ्चञ्जायतनं । अवसेससमापत्तीसुपि सञ्जग्गं अत्थीति एत्थ पन सञ्जग्गभावो “सञ्जग्ग”न्ति वुत्तो, सञ्जायेव अग्गन्ति तुल्याधिकरणसमासो वा । “पुथू”ति अयं लिङ्गविपल्लासो, निकारलोपो वाति वुत्तं “बहूनी”ति । “यथा”ति इमिना करणप्पकारसङ्घातो पकारविसेसो गहितो, न पकारसामञ्जन्ति दस्सेति “पथवीकसिणादीसू”तिआदिना । “इदं वुत्तं होती”तिआदि तब्बिवरणं । ज्ञानानं ताव युत्तो करणभावो सञ्जाननिरोधफुसनस्स साधकतमभावतो, कसिणानं पन कथन्ति ? तेसम्पि सो युत्तो एव । यदग्गेन हि ज्ञानानं निरोधफुसनस्स साधकतमभावो, तदग्गेन कसिणानम्पि तदविनाभावतो । अनेककरणापि च किरिया होतियेव यथा “अञ्जेन मग्गेन यानेन दीपिकाय गच्छती”ति ।

एकवारन्ति सकिं । पुरिससञ्जाननिरोधन्ति कामसञ्जाननिरोधं, न पन निरोधसमापत्तिसञ्जितं सञ्जाननिरोधं । एकं सञ्जग्गन्ति एकं सञ्जाभूतं अग्गं, एको सञ्जग्गभावो वा हेट्ठिमाय सञ्जाय उक्कट्टभावतो । सञ्जा च सा अग्गञ्चाति हि सञ्जग्गं, न सञ्जासु अग्गन्ति । यथा पन सञ्जा अग्गो एत्थाति सञ्जग्गं, आकिञ्चञ्जायतनं, एवं सेसज्ञानम्पि । येन च निमित्तेन ज्ञानं “सञ्जग्ग”न्ति वुत्तं, तदेव सञ्जासङ्घातं निमित्तं भावलोपेन, भावप्पधानेन वा इधाधिप्पेतं । द्वे वारेति द्विवक्खत्तुं । सत्तसहस्सं सञ्जग्गानीति मिगपदवळञ्जननिद्देसो । सेसकसिणेसूति कसिणानमेव गहणं निरोधकथाय अधिकतत्ता, ततो एव चेत्थ ज्ञानग्गहणेनपि कसिणज्ज्ञानानि एव गहितानीति वेदितव्वं । यथा “पथवीकसिणेन करणभूतेना”ति तदारम्मणिकं ज्ञानं अनामसित्वा वुत्तं, एवं “पठमज्ज्ञानेन करणभूतेना”ति तदारम्मणं अनामसित्वा वदति । “इती”तिआदिना तदेवत्थं सङ्गहेत्वा निगमनं करोति । सब्बम्पीति एकवारं समापन्नज्ञानसञ्जम्पि । सङ्गहेत्वाति सञ्जाननलक्खणेन तंसभावानतिवत्तनतो सङ्गहं कत्वा, समापज्जनवसेन, सञ्जाननलक्खणेन च एकताति वुत्तं होति । अपरापरन्ति पुनप्पुनं । बहूनि सञ्जग्गानि होन्ति ।

४१६. पठमनये ज्ञानपदद्वानं विपस्सनं वहेन्तस्स पुग्गलस्स वसेन सज्जाजाणानि दस्सितानि । दुतियनये पन यस्मा विपस्सनं उस्सुक्कापेत्वा मग्गेन घटेन्तस्स मग्गजाणं उप्पज्जति, तस्मा विपस्सनामग्गवसेन सज्जाजाणानि दस्सितानि । ततियनये च यस्मा पठमनयो ओळारिको, दुतियनयोपि मिस्सकोति तदुभयं असम्भावेत्वा अच्चन्तसुखुमग्गम्भीरं निब्बत्तितलोकुत्तरमेव दस्सेतुं मग्गफलवसेन सज्जाजाणानि दस्सितानि । तयोपेते नया मग्गसोधनवसेन दस्सिता ।

“अयं पनेत्थ सारो”ति विभावेतुं तिपिटकमहासिवत्थेरावादो आभतो । तथा हि “अरहत्तफलसज्जाय उप्पादा”तिआदिना (दी० नि० अट्ठ० १.४१६) थेरावादानुकूलमेव उपरि अत्थो संवणितोति । इमे भिक्खूति पुरिमवादिनो भिक्खू । तदा दीघनिकायतन्तिं परिवत्तन्ते इमं ठानं पत्वा यथावुत्तपटिपाटिया तयो नये कथेन्ते भिक्खू सन्धाय एवं थेरो वदति । निरोधं पुच्छित्वा तस्मिं कथिते तदनन्तरं सज्जाजाणुप्पत्तिं पुच्छन्तो अत्थतो निरोधा बुद्धानं पुच्छति नाम । निरोधतो च बुद्धानं अरहत्तफलुप्पत्तिया वा सिया, अनागामिफलुप्पत्तिया वा, तत्थ सज्जा पधाना, तदनन्तरञ्च पच्चवेक्खणजाणन्ति तदुभयं निद्धारेन्तो थेरो “पोट्टपादो हेट्ठा”तिआदिमाह । तत्थ भग्वाति आलपनवचनं ।

यथा मग्गवीथियं मग्गफलजाणेषु उप्पन्नेसु नियमतो मग्गफलपच्चवेक्खणजाणानि होन्ति, एवं फलसमापत्तिवीथियं फलपच्चवेक्खणजाणन्ति वुत्तं “पच्छा पच्चवेक्खणजाण”न्ति । “इदं अरहत्तफल”न्ति पच्चवेक्खणजाणस्स उप्पत्तिआकारदस्सनं । अयमेव पच्चयो इदप्पच्चयो म-कारस्स द-कारं कत्वा । द-कारेनपि पकतिपदमिच्छन्ति केचि सद्विदू । सो पन थेरावादे न फलसमाधिसज्जा एवाति आह “फलसमाधिसज्जापच्चया”ति, अरहत्तफलसमाधिसहगतसज्जापच्चयाति अत्थो । किराति अनुस्सरणत्थे निपातो । यथाधिगतधम्मनुस्सरणपक्खिया हि पच्चवेक्खणा । समाधिसीसेन चेत्थ सब्बं अरहत्तफलं गहितं सहचरणजायेन, तस्मिं असति पच्चवेक्खणाय असम्भवोति पाळियं “इदप्पच्चया”ति वुत्तं । एवमिध दीघभाणकानं मतेन फलपच्चवेक्खणाय एकन्तिकता दस्सिता । चूळदुक्खखन्धसुत्तङ्कथायं पन एवं वुत्तं “सा पन न सब्बेसं परिपुण्णा होति । एको हि पहीनकिलेसमेव पच्चवेक्खति, एको अवसिद्धकिलेसमेव, एको मग्गमेव, एको फलमेव, एको निब्बानमेव । इमासु पन पञ्चसु पच्चवेक्खणासु एकं वा द्वे वा नो लद्धुं न वट्ठन्ती”ति, (म० नि० अट्ठ० १.१७५) तदेतं मज्झिमभाणकानं मतेन वुत्तं । आभिधम्मिका पन वदन्ति -

“मगं फलञ्च निब्बानं, पच्चवेक्खति पण्डितो ।
 हीने किलेसे सेसे च, पच्चवेक्खति वा न वा”ति ।।
 (अभिधम्मत्थसङ्गहट्ठकथायं कम्मट्ठानसङ्गहविभागे विसुद्धिभेदे)

सञ्जाअत्तकथावण्णना

४१७. “गामसूकरो”ति इमिना वनसूकरमपनेति । एवञ्च उपमावचनं सूपपन्नं होतीति । देसनाय सण्हभावेन सारम्भमक्खइस्सादिमलविसोधनतो सुतमयजाणं न्हापितं विय, सुखुमभावेन अनुविलितं विय, तिलक्खणब्भाहतताय कुण्डलाद्यालङ्कारविभूसितं विय च होति । तदनुपविसतो जाणस्स, तथाभावा तंसमङ्गिनो च पुग्गलस्स तथाभावापत्ति, निरोधकथाय निवेदनञ्चस्स सिरिसयने पवेसनसदिसन्ति आह “सण्हसुखुम...पे०... आरापितोपी”ति । तत्थाति तिस्सं निरोधकथायं । मन्दबुद्धिताय सुखं न विन्दन्तो अलभन्तो, अजानन्तो वा । मलविदूसितताय गूथट्ठानसदिसं । अत्तनो लद्धिन्ति अत्तदिट्ठिं । अनुमतिं गहेत्वाति अनुज्जं गहेत्वा “एदिसो मे अत्ता”ति अनुजानापेत्वा, अत्तनो लद्धियं पतिट्ठापेत्वाति वुत्तं होति ।

पाळियं कं पनाति ओळारिको, मनोमयो, अरूपीति तिण्णं अत्तवादानं वसेन तिविधेसु अत्तानेसु कतरं अत्तानं पच्चेसीति अत्थो । “देसनाय सुकुसलो”ति इमिना “अवस्सं मे भगवा लद्धिं विद्धंसेस्सती”ति तस्स मनसिकारं दस्सेति । परिहरन्तोति विद्धंसनतो अपनेन्तो, अरूपी अत्ताति अत्तनो लद्धिं निगूहन्तोति अधिप्पायो । पाळियं “ओळारिकं खो”तिआदिमिहि परिब्बाजकवचने अयमधिप्पायो – यस्मा चतुसन्ततिरूपप्पबन्धं एकत्तवसेन गहेत्वा रूपीभावतो “ओळारिको अत्ता”ति पच्चेति अत्तवादी, अन्नपानोपट्ठानतञ्चस्स परिकप्पेत्वा “सस्सतो”ति मज्जति, रूपीभावतो एव च सञ्जाय अज्जत्तं जायागतमेव, यं वेदवादिनो “अन्नमयो, पानमयो”ति च द्विधा वोहरन्ति, तस्मा परिब्बाजको तं अत्तवादिमतं अत्तानं सन्धाय “ओळारिकं खो”तिआदिमाहाति ।

“ओळारिको च हि ते पोड्ढपाद अत्ता अभविस्सा”तिआदिमिहि भगवतो वचने चायमधिप्पायो – यदि अत्ता रूपी भवेय्य, एवं सति रूपं अत्ता सिया, न च सञ्जी सञ्जाय अरूपभावतो, रूपधम्मानञ्च असञ्जाननसभावत्ता । रूपी च समानो यदि तव मतेन निच्चो, सञ्जा च अपरापरं पवत्तनतो तत्थ तत्थ भिज्जतीति भेदसम्भावतो

अनिच्चा, एवम्पि “अज्जा सज्जा, अज्जो अत्ता”ति सज्जाय अभावतो अचेतनोव अत्ता होति, तस्मा एस अत्ता न कम्मस्स कारको, न च फलस्स उपभुञ्जनकोति आपन्नमेवाति इमं दोसं दस्सेन्तो भगवा “ओळारिको चा”तिआदिमाहाति। तत्थाति “रूपी अत्ता”ति वादे। पच्चागच्छतोति सेसकिरियापेक्खाय कम्मत्थेयेव उपयोगवचनं, पच्चागच्छतोति च पच्चागच्छन्तस्स, जानन्तस्स, पटिच्च वादेन पवत्तस्साति वा अत्थो। “अज्जा च सज्जा उपपज्जति, अज्जा च सज्जा निरुज्झन्ती”ति कस्मा वुत्तं, ननु उप्पादपुब्बको निरोधो, न च उपपन्नं अनिरुज्झनकं नाम अत्थीति चोदनं सोधेतुं “चतुत्रं खन्धान”न्तिआदि वुत्तं। सतिपि नेसं एकालम्बणवत्थुकभावे उप्पादनरोधाधिकारत्ता एकुप्पादनरोधभावोव वुत्तो। अपरापरन्ति पोद्धानुपोद्ध।

४१८-४२०. पाळियं मनोमयन्ति ज्ञानमनसो वसेन मनोमयं। यो हि बाहिरपच्चयनिरपेक्खो, सो मनसाव निब्बत्तोति मनोमयो। रूपलोके निब्बत्तसरीरं सन्धाय वदति। यं वेदवादिनो “आनन्दमयो, विज्जाणमयो”ति च द्विधा वोहरन्ति। तत्रापीति “मनोमयो अत्ता”ति वादेपि। दोसे दिन्नेति “अज्जाव सज्जा भविस्सती”तिआदिना दोसे दिन्ने अत्तनो लद्धियेव वदन्तो “अरूपिं खो”तिआदिमाहाति सम्बन्धो। इधापि पुरिमवादे वुत्तनयेन “यदि अत्ता मनोमयो सब्बङ्गपच्चङ्गी अहीनिन्द्रियो भवेय्य, एवं सति रूपं अत्ता सिया, न च सज्जी सज्जाय अरूपभावतो”तिआदि सब्बं दोसदस्सनं वेदितब्बं। तमत्थज्झि दस्सेन्तो भगवा “मनोमयो च हि ते पोद्दपादा”तिआदिमवोच। कस्मा पनायं परिब्बाजको पठमं ओळारिकं अत्तानं पटिजानित्वा तं लद्धिं विस्सज्जेत्वा पुन मनोमयं अत्तानं पटिजानाति? तम्पि विस्सज्जित्वा पुन अरूपिं अत्तानं पटिजानातीति? कामज्चेत्थ कारणं “ततो सो अरूपी अत्ताति एवंलद्धिको समानोपि...पे०... आदिमाहा”ति हेट्ठा वुत्तमेव, तथापि इमे तिथिया नाम अनवड्डितचित्ता थुसरासिम्हि निखातखाणुको विय चच्चलाति कारणन्तरम्पि दस्सेतुं “यथा नामा”तिआदि वुत्तं। सज्जा नप्पतिट्ठातीति आरम्मणे सज्जाननवसेन सज्जा न पतिट्ठाति, आरम्मणे सज्जं न करोतीति वुत्तं होति। सज्जापतिट्ठानकालेति एत्थापि अयं नयो।

तत्रापीति “अरूपी अत्ता”ति वादेपि। सज्जायाति पकतिसज्जाय, एवं भदन्तधम्मपालत्थेरेन (दी० नि० टी० १.४१८-४२०) वुत्तं। अज्जस्मिं तित्थायतने उप्पादनरोधन्ति हि सम्बन्धो। तेन वेदिकानं मतेन नानक्खणे उप्पन्नाय नानारम्माणाय सज्जाय उप्पादनरोधमिच्छतीति दस्सेति। केचि पन “आचरियसज्जाया”ति पठन्ति,

तदयुत्तं अत्थस्स विरुद्धत्ता, थेरेन च अनुद्धत्ता। अपरापरं पवत्ताय सञ्जाय उप्पादवयदस्सनतो **उप्पादनरोधं इच्छति**। तथापि “सञ्जा सञ्जा”ति पवत्तसमञ्जं “अत्ता”ति गहेत्वा तस्स अविच्छेदं परिकप्पेन्तो सस्सतं मज्जति। तेनाह **“अत्तानं पन सस्सतं मज्जती”**ति। तस्माति अपरापरं पवत्तसञ्जाय नाममत्तेन सस्सतं मज्जनतो। सञ्जाय उप्पादनरोधमत्ते अट्टत्वा तदुत्तरि सस्सतग्गाहस्स गहणतो दोसं दस्सेतीति अधिप्पायो। **तथेवाति** यथा “रूपी अत्ता, मनोमयो अत्ता”ति च वादद्वये अत्तनो असञ्जाता, एवञ्चस्स “अचेतनता”तिआदिदोसप्पसङ्गो दुन्निवारो, तथेव इमस्मिं वादेपीति अत्थो। **मिच्छादस्सनेनाति** अत्तदिट्ठिसङ्घातेन मिच्छाभिनिवेसेन। **अभिभूतत्ताति** अनादिकालभावितभावेन अज्झोत्थत्ता, निवारितजाणचारत्ताति वुत्तं होति। येन सन्ततिघनेन, समूहघनेन च वज्जितो बालो पबन्धवसेन पवत्तमानं धम्मसमूहं मिच्छागाहवसेन “अत्ता”ति च “निच्चो”ति च अभिनिविस्स वोहरति, तं एकत्तसज्जितं सन्ततिघनं, समूहघनञ्च विनिभुज्ज याथावतो जाननं घनविनिब्भोगो, सो च सब्बेन सब्बं तिथियानं नत्थि। तस्मा अयम्पि परिब्बाजको तादिसस्स जाणपरिपाकस्स अभावतो वुच्चमानम्पि नानत्तं नाज्जासीति आह **“तं नानत्तं अजानन्तो”**ति। सञ्जा नामायं नानारम्मणा नानावखणे उप्पज्जति, वेति चाति वेदिकानं मतं। **सञ्जाय उप्पादनरोधं पस्सन्तोपि सञ्जामयं** सञ्जाभूतं **अत्तानं** परिकप्पेत्वा यथावुत्तघनविनिब्भोगाभावतो **निच्चमेव** कत्वा दिट्ठिमज्जनाय **मज्जति**। तथाभूतस्स च तस्स सण्हसुखुमपरमगम्भीरधम्मता न जायतेवाति इदं कारणं पस्सन्तेन भगवता **“दुज्जानं खो”**तिआदि वुत्तन्ति दस्सेन्तो **“अथस्स भगवा”**तिआदिमाह।

दिट्ठिआदीसु “एवमेत”न्ति दस्सनं अभिनिविसनं दिट्ठि। तस्सा एव पुब्बभागभूतं “एवमेत”न्ति निज्झानवसेन खमनं **खन्ति**। तथा रोचनं **रुचि**। **“अज्जथायेवा”**तिआदि तेसं दिट्ठिआदीनं विभज्ज दस्सनं। तत्थ **अज्जथायेवाति** यथा अरियविनये अन्तद्वयं अनुपगम्म मज्झिमपटिपदावसेन दस्सनं होति, ततो अज्जथायेव। **अज्जदेवाति** यं परमत्थतो विज्जति खन्धायतनादि, तस्स चापि अनिच्चतादि, ततो अज्जदेव परमत्थतो अविज्जमानं अत्तसस्सतादिकं तथा खमते चेव रुच्चते चाति अत्थो। आभुसो युज्जनं **आयोगो**। तेन वुत्तं **“युत्तपयुत्तता”**ति। **पटिपत्तियाति** परमत्तचिन्तनादिपरिब्बाजकपटिपत्तिया। आचरियस्स भावो **आचरियकं**, यथा तथा ओवादानुसासनं, तदस्सत्थीति **आचरियको** यथा “सद्धो”ति आह **“अज्जत्था”**तिआदि। अज्जस्मिं तिथायतने तव आचरियभावो अत्थीति योजना। **“तेना”**तिआदि सह योजनाय यथावाक्यं दस्सनं। **“अयं परमत्थो, अयं सम्मुती”**ति

इमस्स विभागस्स दुब्बिभागत्ता दुज्जानं एतं नानत्तं। “यज्जेतं दुज्जानं ताव तिड्डु, अज्जं पनत्थं भगवन्तं पुच्छामी”ति चिन्तेत्वा तथा पटिपन्नत्तं दस्सेतुं “अथ परिब्बाजको”तिआदि वुत्तं। अज्जो वा सज्जातोति सज्जासभावतो अज्जसभावो वा अत्ता होतूति अत्थो। अधुना पन “अज्जा वा सज्जा”ति पाठो दिस्सति। अस्साति अत्तनो।

लोकीयति दिस्सति, पतिट्ठहति वा एत्थ पुज्जपापं, तब्बिपाको चाति लोको, अत्ता। सो हिस्स कारको, वेदको चाति इच्छितो। दिट्ठिगतन्ति “सस्सतो अत्ता च लोको चा”तिआदि (दी० नि० १.३१; उदा० ५५) नयपवत्तं दिट्ठिगतं। न हेस दिट्ठाभिनिवेसो दिट्ठधम्मिकादिअत्थनिस्सितो तदसंवत्तनतो। यो हि तं संवत्तनको, सो “तं निस्सितो”ति वत्तब्बत्तं लभेय्य यथा तं पुज्जजाणसम्भारो। एतेनेव नयेन न धम्मनिस्सिततापि संवण्णेत्तब्बा। ब्रह्मचरियस्स आदि आदिब्रह्मचरियं, तदेव आदिब्रह्मचरियकं यथा “विनयो एव वेनयिको”ति (पारा० अट्ठ० ८)। तेनाह “सिक्खत्तयसङ्घातस्सा”तिआदि। सब्बम्पि वाक्यं अन्तो गधावधारणं तस्स अवधारणफलत्ताति वुत्तं “आदिमत्त”न्ति। तदिध अधिसीलसिक्खाव। सा हि सिक्खत्तयसङ्घहिते सासनब्रह्मचरिये आदिभूता, न अज्जत्थ विय आजीवट्टमकादि आदिब्रह्मचरियकन्ति दस्सेति “अधिसीलसिक्खामत्त”न्ति इमिना। निब्बिन्दनत्थायाति उक्कण्ठितभावाय। “अभिजाननायाति जातपरिज्जावसेन अभिजाननत्थाय। सम्बुज्जनत्थायाति तीरणपहानपरिज्जावसेन सम्बोधनत्थाया”ति वदन्ति। अपिच अभिजाननायाति अभिज्जापज्जावसेन जाननाय। तं पन वट्टस्स पच्चक्खकरणमेव होतीति आह “पच्चक्खकिरियाया”ति। सम्बुज्जनत्थायाति परिज्जाभिसमयवसेन पटिवेधत्थाय। दिट्ठाभिनिवेसस्स संसारवट्टे निब्बिदाविरागनिरोधुपसमासंवत्तनं वट्टन्तो गधत्ता, तस्स वट्टसम्बन्धनतो च। तथा अभिज्जासम्बोधनिब्बानासंवत्तनञ्च दट्ठब्बं।

कामं तण्हापि दुक्खसभावा एव, तस्सा पन समुदयभावेन विसुं गहितत्ता “तण्हं ठपेत्वा”ति वुत्तं। पभावनतोति उप्पादनतो। दुक्खं पभावेन्तीपि तण्हा अविज्जादिपच्चयन्तरसहिता एव पभावेति, न केवलति आह “सप्पच्चया”ति। अप्पवत्तीति अप्पवत्तिनिमित्तं। न पवत्तन्ति एत्थ दुक्खसमुदया, एतस्मिं वा अधिगतेति हि अप्पवत्ति। दुक्खनिरोधं निब्बानं गच्छति, तदत्थञ्च सा पटिपज्जितब्बाति दुक्खनिरोधगाभिनिपटिपदा। मग्गपातुभावोति मग्गसमुप्पादो। फलसच्छिकिरियाति फलस्साधिगमवसेन पच्चक्खकरणं। तं आकारन्ति तं तुण्हीभावसङ्घातं गमनलिङ्ग आरोचेन्तो विय, न पन अभिमुखं आरोचेति।

४२१. समन्ततो निग्गण्हनवसेन तोदनं विज्झनं सन्नितोदकं। मनोगणादीनं विसेसनस्स नपुंसकलिङ्गेन निद्धिद्वत्ता “वाचाय सन्नितोदकेना”ति वुत्तं। तेनाह “वचनपतोदकेना”ति। अथ वा “वाचाया”ति इदं “सन्नितोदकेना”ति एत्थ करणवचनं दट्ठब्बं। “वचनपतोदकेना”ति हि वचनेन पतोदकेनाति अत्थो, “वाचाया”ति वा सम्बन्धे सामिवचनं। वाचाय सन्नितोदनकिरियाय सज्झम्भरितमकंसूति योजेतब्बं। “सज्झम्भरित”न्ति एतस्स “सं अधि अभि अरिभ”न्ति पदच्छेदो, समन्ततो भुसं अरितन्ति अत्थो, सतमत्तेहि तुत्तकेहि विय विविधेहि परिब्बाजकवाचातोदनेहि तुदिं सूति वुत्तं होति। तथा हि वुत्तं “उपरि विज्झिंसू”ति। सभावतो विज्जमानन्ति परमत्थसभावतो उपलब्भमानं, न पकतिआदि विय अनुपलब्भमानं। तच्छन्ति सच्चं। तथन्ति अविपरीतं। अत्थतो वेवचनमेव तं पदत्तयं। नवलोकुत्तरधम्मसूति विसये भुम्मं, ते धम्मे विसयं कत्वा। ठितसभावन्ति अवट्टितसभावं, तदुप्पादकन्ति अत्थो। लोकुत्तरधम्मनियामनियतन्ति लोकुत्तरधम्मसम्पापननियामेन नियतं। इदानि पन “लोकुत्तरधम्मनियामत”न्ति पाठो, सो न पोराणो आचरियेन अनुद्धटत्ता। कस्मा पनेसा पटिपदा धम्मद्वितता धम्मनियामताति आह “बुद्धानज्ही”तिआदि। साति पटिपदा। एदिसाति “धम्मद्वितत”न्तिआदिना वुत्तप्पकारा।

चित्तहत्थिसारिपुत्तपोट्टपादवत्थुवण्णना

४२२. हत्थिं सारेति दमेतीति हत्थिसारी, हत्थाचरियो। सुखुमेसु अत्थन्तरेसूति खन्धायतनादीसु सुखुमजाणगोचरेसु धम्मेसु। अभिधम्मिको किरिस। कुसलोति पुब्बेपि बुद्धसासने कतपरिचयताय छेको। तादिसे चित्तेति गिहिभावचित्ते। इतरो पन तं सुत्ताव न विब्भमि, पब्बज्जायमेव अभिरमीति अधिप्पायो। गिहिभावे आनिसंसकथाय कथितत्ताति एत्थ सीलवन्तस्स भिक्खुनो तथा कथनेन विब्भमने नियोजितत्ता इदानि सयम्पि सीलवा एव हुत्वा छ वारे विब्भमीति अधिप्पायो गहेतब्बो। कम्मसरिक्खकेन हि कम्मफलेन भवितब्बं। कथेन्तानन्ति अनादरे सामिवचनं। महासावकस्स कथितेति महासावकभूतेन महाकोट्टिकत्थेरेन अपसादनवसेन कथिते, कथननिमित्तं पतिट्ठं लब्धुं असक्कोन्तोति अत्थो। “विब्भमित्वा गिही जातो”ति इदं सत्तमवारमिव वुत्तं। धम्मपदट्ठकथायं (ध० प० अट्ठ० १.३ चित्तहत्थत्थेरवत्थु) पन कुदालपण्डितजातके (जा० अट्ठ० १.१.७ कुदालजातकवण्णना) च छक्खत्तुमेव विब्भमनवारो वुत्तो। गिहिसहायकोति गिहिकाले सहायको। अपसक्कन्तोपि नामाति अपि नाम अपसक्कन्तो, गारय्हवचनमेतं। पब्बजितुं वट्ठतीति पब्बज्जा वट्ठति।

४२३. पञ्जाचक्खुनो नत्थितायाति सुवुत्तदुरुत्तसमविसमदस्सनसमत्थस्स पञ्जाचक्खुनो अभावेन। यादिसेन चक्खुना सो “चक्खुमा”ति वुत्तो, तं दस्सेतुं “सुभासिता”तिआदि वुत्तं। अयं अट्ठकथातो अपरो नयो – एकंसिकाति एकन्तिका, निब्बानवहभावेन निच्छिताति वुत्तं होति। पञ्जत्ताति ववत्थपिता। न एकंसिकाति न एकन्तिका निब्बानावहभावेन निच्छिता वट्ठन्तो गधभावतोति अधिप्पायो। अयमत्थो हि “कस्मा चेते पोड्डपाद मया एकंसिका धम्मा देसिता पञ्जत्ता, एते पोड्डपाद अत्थसंहिता...पे०... निब्बानाय संवत्तन्ती”तिआदिसुत्तपदेहि संसन्दति समेतीति।

एकंसिकधम्मवण्णना

४२५. “कस्मा आरभी”ति कारणं पुच्छित्वा “अनिय्यानिकभावदस्सनत्थ”न्ति पयोजनं विस्सज्जितं। फले हि सिद्धे हेतुपि सिद्धो होतीति, अयं आचरियमति (दी० नि० टी० १.४२५) अपरे पन “एदिसेसु अत्थसद्दो कारणे वत्तति, हेत्वत्थे च पच्चत्तवचनं, तस्मा अनिय्यानिकभावदस्सनन्ति एत्थ अनिय्यानिकभावदस्सनकारणा”ति अत्थमिच्छन्ति। पञ्जापितनिट्ठयाति पवेदितविमुत्तिमग्गस्स। वट्ठदुक्खपरियोसानं गच्छति एतायाति निट्ठाति हि विमुत्ति वुत्ता “गोट्ठा पट्ठितगावो”ति (म० नि० १.१५६) महासीहनादसुत्तपदे विय ठा-सद्दस्स गतिअत्थे पवत्तनतो। निट्ठामग्गो च इध उत्तरपदलोपेन “निट्ठा”ति अधिप्पेतो। तस्सेव हि निय्यानिकता, अनिय्यानिकता च वुच्चति, न निट्ठाय। निय्यातीति निय्यानिका य-कारस्स क-कारं कत्वा। अनीयसद्दो हि बहुलं कत्तुत्थाभिधायको, न निय्यानिका अनिय्यानिका, तस्सा भावो तथा। निय्यानं वा निग्गमनं निस्सरणं, वट्ठदुक्खस्स वूपसमोति अत्थो, निय्यानमेव निय्यानिकं, न निय्यानिकं अनिय्यानिकं, सो एव भावो सभावो अनिय्यानिकभावो, तस्स दस्सनत्थन्ति योजेतब्बं।

“सब्बे ही”तिआदि तदत्थविवरणं। अमतं निब्बानं निट्ठमिति पञ्जपेति यथाति सम्बन्धो। लोकथूपिकादिवसेन निट्ठं पञ्जपेतीति “निब्बानं निब्बान”न्ति वचनसामञ्जसत्तं गहेत्वा तथा पञ्जपेन्ति। लोकथूपिका नाम ब्रह्मभूमि वुच्चति लोकस्स थूपिकसदिसतापरिकप्पनेन। केचि पन “नेवसज्जानासज्जायतनभूमिं लोकथूपिका”ति वदन्ति, तदयुत्तं अट्ठकथासु तथा अवचनतो। आदिसद्देन चेत्थ “अज्जो पुरिसो, अज्जा पक्की”ति पकतिपुरिसन्तरावबोधो मोक्खो, बुद्धिआदिगुणविनिमुत्तस्स अत्तनो असकत्तनि अवट्ठानं मोक्खो, कायविपत्तिकति जातिबन्धानं अपवज्जनवसेन अप्पवत्तो मोक्खो, परेन

पुरिसेन पलोकता मोक्खो, तंसमीपता मोक्खो, तंसमायोगो मोक्खोति एवमादीनं सङ्गहो दट्ठब्बो। तस्मिं तस्मिञ्चि समये निट्ठं अपज्जपेत्तो नाम नत्थि। ब्राह्मणानं पठमज्झानब्रह्मलोको निट्ठा। तत्थ हि नेसं निच्चाभिनिवेसो यथा तं बकस्स ब्रह्मनो, (म० नि० १.५०१) वेखनसादितापसानं आभस्सरा, सञ्चयादिपरिब्बाजकानं सुभकिण्हा, आजीवकानं “अनन्तमानसो”ति परिकप्पितो असज्जीभवो। इमस्मिं पन सासने अरहत्तं निट्ठा, सब्बेपि चेते दिट्ठिवसेन ब्रह्मलोकादीनि अरहत्तमज्जनाय “निब्बानं निब्बान”न्ति वचनसामज्जमत्तं गहेत्वा तथा पज्जपेन्ति, न पन परमत्थतो नेसंसमये निब्बानपज्जापनस्स लब्धनतोति आह “सा च न निव्यानिका”तिआदि। यथापज्जत्ताति येन येन पकारेण पज्जत्ता, पज्जत्तप्पकारा हुत्वाति अत्थो। न निव्यातीति “येनाकारेण निट्ठा पापुणीयती”ति तेहि पवेदिता, तेनाकारेण तस्सा अपत्तब्बताय न निव्याति। पण्डितेहि पटिक्खित्ताति “नायं निट्ठा पटिपदा वट्ठस्स अनतिककमनतो”ति बुद्धादीहि पण्डितेहि पटिक्खित्ता। निवत्ततीति पटिक्खेपकारणवचनं, यस्मा तेहि पज्जत्ता निट्ठा पटिपदा न निव्याति न गच्छति, अज्जदत्थु तंसमज्झिनं पुग्गलं संसारे एव परिब्भमापेन्ती निवत्तति, तस्मा पण्डितेहि पटिक्खित्ताति अत्थो। तन्ति अनिव्यानिकभावं।

जानं, पस्सन्ति च पुत्थुवचनविपरियायोति आह “जानन्ता पस्सन्ता”ति। गच्छन्तादिसद्धानञ्चि “या पन भिक्खुनी जानं सभिक्खुकं आरामं अनापुच्छा पविसेय्या”तिआदीसु (पाचि० १०२४) लिङ्गवसेन विपरियायो, जानन्तीति अत्थो। “याचं अददमप्पियो”तिआदीसु (पारा० ३४६; जा० १.७.५५) विभत्तिवसेन, याचन्तस्साति अत्थो। इध पन पुत्थुवचनवसेनाति वेदितब्बं। पधानं जाननं नाम पच्चक्खतो जाननं तस्स जेट्ठभावतो, दस्सनमप्पधानं तस्स संसयानुबन्धत्ताति अयं कमो वुत्तो “जानं पस्स”न्ति। तेनेत्थ जाननेन दस्सनं विसेसेति। एवञ्चि दिट्ठपुब्बानि खो तस्मिं लोके मनुस्सानं सरीरसण्ठानादीनीति एकतो अधिप्पायदस्सनं सूपपन्नं होति। अयञ्हेत्थाधिप्पायो “किं तुम्हाकं एकन्तसुखे लोके पच्चक्खतो जाणदस्सनं अत्थी”ति। जानन्ति वा तस्स लोकस्स अनुमानविसयतं वुच्चति, पस्सन्ति पच्चक्खतो विसयतं। इदं वुत्तं होति “अपि तुम्हाकं लोको पच्चक्खतो जातो, उदाहु अनुमानतो”ति।

यस्मा पन लोके पच्चक्खभूतो अत्थो इन्द्रियगोचरभावेन पाकटो, तस्मा पाकटेन अत्थेन अधिप्पायं दस्सेतुं “दिट्ठपुब्बानी”तिआदि वुत्तं। दिट्ठपदेन वा दस्सनं, तदनुगतञ्च जाननं गहेत्वा तदुभयेनेव अत्थेन अधिप्पायं विभावेतुं एवं वुत्तन्तिपि दट्ठब्बं। दिट्ठपुब्बानीति

हि दस्सनेन, तदनुगतेन च जाणेन गहितपुब्बानीति अत्थो। एवञ्च कत्वा “सरीरसण्णानादीनी”ति समरियादवचनं समत्थितं होति। “अप्पाटिहीरकत्त”न्ति अयं अनुनासिकलोपनिद्देशोति आह “अप्पाटिहीरकं त”न्ति। तं वचनं अप्पाटिहीरकं सम्पज्जतीति सम्बन्धो। अप्पाटिहीरपदे अनुनासिकलोपो, “कत्त”न्ति च एकं पदन्ति केचि, तदयुत्तं समाससम्भवतो, अनुनासिकलोपस्स च अवत्तब्बत्ता। एवमेत्थ वण्णयन्ति – पटिपक्खहरणतो पटिहारियं, तदेव पाटिहारियं। अत्तना उत्तरविरहितवचनं। पाटिहारियमेवेत्थ “पाटिहीरक”न्ति वुत्तं परेहि वुच्चमानउत्तरेहि सउत्तरत्ता, न पाटिहीरकन्ति अप्पाटिहीरकं। विरहत्थो चेत्थ अ-सद्धो। तेनाह “पटिहरणविरहित”न्ति। सउत्तरज्झि वचनं तेन उत्तरवचनेन पटिहरीयति विपरिवत्तीयति, तस्मा उत्तरवचनं पटिहरणं नाम, ततो विरहितन्ति अत्थो। तस्मा एव निय्यानस्स पटिहरणमग्गस्स अभावतो “अनिय्यानिक”न्ति वत्तब्बत्तं लभति। तेन वुत्तं “अनिय्यानिक”न्ति।

४२६. विलासो इत्थिलीळा, यो “सिङ्गारभावजा किरिया”तिपि वुच्चति। आकप्पो केसबन्धवत्थग्गहणादिआकारविसेसो, वेससंविधानं वा। आदिसद्धेन हावादीनं सङ्गहो। हावाति हि चातुरियं वुच्चति।

तयोअत्तपटिलाभवणना

४२८. आहितो अहंमानो एत्थाति अत्ता, अत्तभावोति आह “अत्तभावपटिलाभो”ति। कथं दस्सेतीति वुत्तं “ओळारिकत्तभावपटिलाभेना”तिआदि। कामभवं दस्सेति इतरभवद्वयत्तभावतो ओळारिकत्ता। रूपभवं दस्सेति ज्ञानमनेन निब्बत्तं हुत्वा रूपीभावेन उपलब्धनतो। अरूपभवं दस्सेति अरूपीभावेन उपलब्धनतो। संकिलेसिका धम्मा नाम द्वादस अकुसलचित्तुप्पादा तदभावे कस्सचि संकिलेसस्स असम्भवतो। बोदानिया धम्मा नाम समथविपस्सना तासं वसेन सब्बसो चित्तवोदानस्स सिज्जनतो।

४२९. पटिपक्खधम्मानं असमुच्छेदे सति न कदाचिपि अनवज्जधम्मानं वा पारिपूरी, वेपुल्लं वा सम्भवति, समुच्छेदे पन सति सम्भवतीति मग्गफलपज्जानमेव गहणं दट्ठब्बं, ता हि सकिं परिपुण्णापि अपरिहीनधम्मत्ता परिपुण्णा एव भवन्ति। तरुणपीतीति उप्पन्नमत्ता अलद्धासेवना दुब्बलपीति। बलवतुड्डीति पुनप्पुनं उप्पत्तिया लद्धासेवना उपरिविसेसाधिगमस्स पच्चयभूता थिरतरा पीति। इदानी सङ्केपतो पिण्डत्थं दस्सेन्तो “किं

वुत्त”न्तिआदिमाह । तत्थ यं विहारं सयं...पे०... विहरिस्सतीति अवोचुम्हाति सम्बन्धो । इदं वुत्तं होति— यं विहारं “संकिलेसिकवोदानियधम्मानं पहानाभिवुद्धिनिट्ठं पञ्जाय पारिपूरिवेपुल्लभूतं इमस्मिंयेव अत्तभावे अपरप्पच्चयेन जाणेन पच्चक्खतो सम्पादेत्वा विहरिस्सती”ति कथयिम्हाति । तत्थाति तस्मिं विहारे । तस्साति ओवादकरस्स भिक्खुनो । एवं विहरतोति वुत्तप्पकारेण विहरणहेतु, विहरन्तस्स वा । तन्निमित्तं पामोज्जं, पमोदप्पभवा पीति, तप्पच्चयभूतं पस्सद्दिद्वयं, तथा सूपड्डिता सति, उक्कंसगतताय उत्तमजाणं । सुखो च विहारो भविस्सतीति योजना । कायचित्तपस्सद्धी हि “पस्सद्धी”ति वुत्ता, अयमेव वा पाठो । “नामकायपस्सद्धी”तिपि पठन्ति, तदयुत्तमेव पस्सद्दिद्वयस्स अविनाभावतो । कस्मा पनेस सुखो विहारोति आह “सब्बविहारेसू”तिआदि, सब्बेसुपि इरियापथविहारादीसु सन्तपणीतताय इमस्सेव सुखत्ता “सुखो विहारो”ति वत्तब्बतं अरहतीति वुत्तं होति । कथं सुखोति वुत्तं “उपसन्तो परममधुरो”ति ।

पठमज्झाने पटिलद्धमत्ते हीनभावतो पीति दुब्बला पामोज्जपक्खिका, सुभाविते पन तस्मिं पगुणे सा पणीता बलवभावतो परिपुण्णकिच्चा पीतीति वुत्तं “पठमज्झाने पामोज्जादयो छपि धम्मा लब्धन्ती”ति । पामोज्जं निवत्ततीति दुब्बलपीतिसङ्घातं पामोज्जं छसु धम्मेसु निवत्तति हायति । वितक्कविचारक्खोभविरहितेन हि चतुक्कनयविभत्ते दुतियज्झाने सब्बदा पीति बलवती एव होति, न पठमज्झाने विय कदाचि दुब्बलाति एवं वुत्तं । पीति निवत्तति तप्पहानेनेव ततियज्झानस्स लब्धनतो । “सुखो विहारो”ति इमिना समाधि गहितोति आह “तथा चतुत्थे”ति । ये पन “सुखो विहारो”ति एतेन सुखं गहित”न्ति वदन्ति, तेसं मतेन सन्तवुत्तिताय उपेक्खापि चतुत्थज्झाने “सुख”मिच्चेव भासिताति (विभं० अट्ठ० २३२; विसुद्धि० २.६४४; महानि० अट्ठ० २७; पटि० म० अट्ठ० १०५) कत्वा तथा वुत्तन्ति दट्ठब्बं । इमस्मिंयेव दीघनिकाये (दी० नि० १.४३२; ३.१६६, ३५८) आगतं अनेकधा देसनानयमुद्धरित्वा इध देसितनयं नियमेतुं “इमेसू”तिआदि वुत्तं । सुद्ध...पे०... कथितन्ति उपरिमगं अकथेत्वा केवलं विपस्सनापादकमेव ज्ञानं कथितं । चतूहि...पे०... कथिताति विपस्सनापादकभावेन ज्ञानानि कथेत्वा ततो परं विपस्सनापुब्बका चत्तारोपि मग्गा कथिता । चतुत्थज्झानिकफलसमापत्ति कथिताति पठमज्झानिकादिका फलसमापत्तियो अकथेत्वा चतुत्थज्झानिका एव फलसमापत्ति कथिता । पीतिवेवचनमेव कत्वाति द्वित्रं पीतीनं एकस्मिं चित्तुप्पादे अनुप्पज्जनतो पामोज्जं पीतिवेवचनमेव कत्वा, तदुभयं अभेदतो कत्वाति वुत्तं होति । पीतिसुखानं अपरिच्चत्तता, “सुखो विहारो”ति च सातिसयस्स सुखविहारस्स गहितत्ता “दुतियज्झानिकफलसमापत्ति

नाम कथिता”ति वुत्तं। कामं पठमज्झानेपि पीतिसुखानि लब्धन्ति, तानि पन वितक्कविचारपरिक्खोभेन न तत्थ सन्तपणीतानि, इध च सन्तपणीतानेव अधिप्पेतानि, तस्मा दुतियज्झानिका एव फलसमापत्ति गहिता, न पठमज्झानिकाति दट्ठब्बं।

४३२-४३७. विभावनत्थोति पकासनत्थो सरूपतो निरूपनत्थो “न समणो गोतमो ब्राह्मणे जिण्णे ...पे०... अभिवादेति वा पच्चुड्ढेति वा आसनेन वा निमन्तेती”तिआदीसु (अ० नि० ३.८.११; पारा० २) विय। तेनाह “अयं सो”तिआदि। “अयं अत्तपटिलाभो सो एवा”ति एवं सरूपतो विभावेत्वा पकासेत्वा। अयन्ति हि भगवता पुब्बे वुत्तं अत्तपटिलाभं आसन्नपच्चक्खभावेन पच्चामसति, सोति पन परेहि पुच्छियमानं परम्ममुखभावेन। न नं एवं वदामाति एत्थ नन्ति ओळारिकमत्तपटिलाभं। सप्पाटिहीरकत्तन्ति एत्थ पुब्बे वुत्तनयेन अत्थो वेदितब्बो। परेहि चोदितवचनपटिहारकं सउत्तरवचनं सप्पाटिहीरकन्ति हि अयमेव विसेसो। तुच्छोति मुसा अभूतो। सोति मनोमयो, अरूपो वा अत्तपटिलाभो। स्वेवाति सो एव ओळारिको अत्तपटिलाभो। तस्मिं समये सच्चो होतीति तस्मिं पच्चुप्पन्नसमये विज्जमानो होति। अत्तपटिलाभोत्वेव निय्यातेसीति अत्तपटिलाभसद्देन तथा एव परियोसापेसि, न पन नं “अत्तपटिलाभो”ति सङ्ख्यं गच्छतीति पञ्जत्तिं सरूपतो नीहरित्वा दस्सेसीति अधिप्पायो। रूपादयो चेत्थ धम्माति रूपवेदनादयो एव एत्थ लोके सभावधम्मा। नाममत्तमेतन्ति रूपादिके पञ्चक्खन्धे उपादाय नामपञ्जत्तिमत्तमेतं “अत्तपटिलाभो”ति। एवरूपा वोहाराति “ओळारिको अत्तपटिलाभो”तिआदिवोहारा। नामपञ्जत्तिवसेनाति नामभूतपञ्जत्तिमत्तवसेन। “अत्तपटिलाभो”ति सङ्ख्यं गच्छती”ति निय्यातनत्थं।

४३८. एवञ्च पन वत्ताति रूपादिके उपादाय पञ्जत्तिमत्तमेतं अत्तपटिलाभोति इममत्थं “यस्मिं चित्त समये”तिआदिना वत्ता। पटिपुच्छित्वाति यथा परे पुच्छेय्युं, तथा कालविभागतो पटिपदानि पुच्छित्वा। विनयनत्थन्ति यथापुच्छितस्स अत्थस्स जापनवसेन विनयनत्थाय। ये ते अतीता धम्माति अतीतसमये अतीतत्तपटिलाभस्स उपादानभूता रूपादयो धम्मा। ते एतरहि नत्थि निरुद्धत्ता। ततो एव “अहेसु”न्ति सङ्ख्यं गता। तस्माति उपादानस्स अतीतस्मिंयेव समये लब्धनतो। सोपीति तदुपादानो मे अत्तपटिलाभोपि। तस्मिंयेव समयेति अतीते एव समये। सच्चो अहोसीति भूतो विज्जमानो विय अहोसि। अनागतपच्चुप्पन्नानन्ति अनागतानञ्चेवपच्चुप्पन्नानञ्च रूपादिधम्मा उपादानभूतानं। तदा अभावाति तस्मिं अतीतसमये अभावा अविज्जमानत्ता।

तदुपादानभूतो अनागतो, पच्चुप्पन्नो च अत्तपटिलाभो तस्मिं अतीत समये मोघो तुच्छो मुसा नत्थीति अत्थो । अत्थतोति पज्जत्तिअत्थतो । नाममत्तमेवाति समज्जामत्तमेव । परमत्थतो अनुपलब्धमानत्ता अत्तपटिलाभं पटिजानाति ।

“एसेव नयो”ति इमिना ये ते अनागता धम्मा, ते एतरहि नत्थि, “भविस्सन्ती”ति पन सङ्ख्यं गता, तस्मा सोपि मे अत्तपटिलाभो तस्मिंयेव समये सच्चो भविस्सति । अतीतपच्चुप्पन्नानं पन धम्मनं तदा अभावा तस्मिं समये “मोघो अतीतो, मोघो पच्चुप्पन्नो”ति एवं अत्थतो नाममत्तमेव अत्तपटिलाभं पटिजानाति । ये इमे पच्चुप्पन्ना धम्मा, ते एतरहि “अत्थी”ति सङ्ख्यं गता, तस्मा ख्यायं मे अत्तपटिलाभो, सो इदानि सच्चो होति । अतीतानागतानं पन धम्मनं अधुना अभावा एतरहि “मोघो अतीतो, मोघो अनागतो”ति एवं अत्थतो नाममत्तमेव अत्तपटिलाभं पटिजानातीति इममत्थं अतिदिसति ।

४३९-४४३. संसन्दितुन्ति समानेतुं । गवाति गावितो । तत्थाति खीरादीसु पच्चगोरसेसु । यस्मिं समये खीरं होतीति यस्मिं काले भूतुपादायसज्जितं उपादानविसेसं उपादाय खीरपज्जत्ति होति । न तस्मिं...पे०... गच्छति खीरपज्जत्तिउपादानस्स भूतुपादायरूपस्स दधिआदिपज्जत्तिया अनुपादानतो । पटिनियतवत्थुका हि एता लोकसमज्जा । तेनाह “ये धम्मे उपादाया”तिआदि । सङ्खायति कथीयति एतायाति सङ्खा । अत्तं नीहरित्वा उच्चन्ति वदन्ति एतायाति निरुत्ति । तं तदत्थं नमन्ति सत्ता एतेनाति नामं, तथा वोहरन्ति एतेनाति वोहारो, पज्जत्तियेव । “यस्मिं समये”तिआदिना खीरे वुत्तनयं दधिआदीसुपि “एस नयो सब्बत्था”ति अतिदिसति ।

समनुजाननमत्तकानीति “इदं खीरं, इदं दधी”तिआदिना तादिसेसु भूतुपादायरूपविसेसेसु लोके परम्परागतं पज्जत्तिं अप्पटिक्खिपित्वा समनुजाननं विय पच्चयविसेसविसिद्धं रूपादिखन्धसमूहं उपादाय “ओळारिको अत्तपटिलाभो”ति च “मनोमयो अत्तपटिलाभो”ति च “अरूपो अत्तपटिलाभो”ति च तथा तथा समनुजाननमत्तकानि, न च तब्बिनिमुत्तो उपादानतो अज्जो कोचि परमत्थतो अत्थीति वुत्तं होति । निरुत्तिमत्तकानीति सद्दनिरुत्तिया गहणूपायमत्तकानि । “सत्तो फस्सो”तिआदिना हि सहग्गहणत्तरकालं तदनविद्धपण्णत्तिग्गहणमुखेनेव तदत्थावबोधो । तथा चाह –

“पठमं सद्दं सोतेन, तीतं दुतियचेतसा ।

नामं ततियचित्तेन, अत्थं चतुत्थचेतसा”ति ।। (मणिसारमज्जुसाटीकायं पच्चयसङ्गहविभागेपि)

वचनपथमत्तकानीति तस्सेव वेवचनं । निरुत्तियेव हि अज्जेसम्पि दिट्ठानुगतिमापज्जन्तानं कारणट्ठेन **वचनपथो** । **वोहारमत्तकानीति** तथा तथा वोहारमत्तकानि । **नामपण्णत्तिमत्तकानीति** तस्सेव परियायो, तंतं नामपज्जापनमत्तकानीति अत्थो । **सब्बमेतन्ति** “अत्तपटिलाभो”ति वा “सत्तो”ति वा “पोसो”ति वा सब्बमेतं **वोहारमत्तकं** । कस्माति चे, परमत्थतो अनुपलब्धनतोति दस्सेतं “यस्मा”तिआदि वृत्तं । **सुज्जोति** परमत्थतो विवित्तो ।

यज्जेवं कस्मा चेसा बुद्धेहिपि वुच्चतीति चोदनं सोधेन्तो “**बुद्धानं पना**”तिआदिमाह । सम्मुतिया वोहारस्स कथनं **सम्मुतिकथा** । परमत्थस्स सभावधम्मस्स कथनं **परमत्थकथा** । परमत्थसन्निस्सितकथाभावतो अनिच्चादिकथापि “**परमत्थकथा**”ति वुत्ता । परमत्थधम्मोयेव हि “अनिच्चो, दुक्खो”ति च वुच्चति, न सम्मुतिधम्मो ।

“अनिच्चा सब्बे सङ्गारा, दुक्खानत्ता च सङ्गता ।

निब्बानज्जेव पज्जति, अनत्ता इति निच्छया” ति ।। (परि० २५७) –

वचनतो पनेस “अनत्ता”ति वुच्चति, खन्धादिपज्जति पन तज्जापज्जति विय परमत्थसन्निस्सया, आसन्नतरा च, पुगलपज्जतिआदयो विय न दूरे, तस्माखन्धादिकथापि “**परमत्थकथा**”ति वुत्ता, खन्धादिसीसेन वा तदुपादानसभावधम्मा एव गहिताति दट्ठब्बं । ननु च सभावधम्मापि सम्मुतिमुखेनेव देसनमारोहन्ति, न परमत्थमुखेन, तस्मा सब्बापि देसना सम्मुतिकथाव सियाति ? नयिदमेवं कथेतब्बधम्मविभागेन कथाविभागस्स अधिपेतत्ता, न च सद्दो केनचि पवत्तिनिमित्तेन विना अत्थं पकासेतीति ।

कस्मा चेवं दुब्बिधा बुद्धानं कथा पवत्ततीति अनुयोगं कारणविभावनेन परिहरितुं “**तत्थ यो**”तिआदि वुत्तं । अत्थं **विजानितुं** चतुसच्चं **पटिविज्झितुं** वट्ठतो **निय्यातुं** अरहत्तसङ्घातं **जयगाहं** गहेतुं **सक्कोति** । यस्मा परमत्थकथाय एव सच्चसम्पटिवेधो, अरियसच्चकथा च सिखाप्पत्ता देसना, तस्मा विनेय्यपुगलवसेन आदितो सम्मुतिकथं

कथेन्तोपि भगवा परतो परमत्थकथंयेव कथेतीति आह “तस्सा”तिआदि। “आदितोव सम्मुतिकथं कथेती”ति हि वदन्तो परतो परमत्थकथम्पि कथेतीति दीपेति, इतरत्थ पन “आदितोव कथेती”ति अवदन्तो सब्बत्थपीति। “तथा”तिआदिना कथाद्वयकथने परियायन्तरं विभावेति। बोधेत्वाति वेनेय्यज्झासयानुरूपं तथा तथा देसेतब्बमत्थं जानापेत्वा, इमिना पन इममत्थं दस्सेति— कथंचि सम्मुतिकथापुब्बिका परमत्थकथा होति पुग्गलज्झासयवसेन, कथंचि परमत्थकथापुब्बिका सम्मुतिकथा, इति विनेय्यदम्मकुसलस्स सत्थु वेनेय्यज्झासयवसेन तथा तथा देसना पवत्ततीति। सब्बत्थ पन भगवा धम्मतं अविजहन्तो एव सम्मुतिमनुवत्तति, सम्मुतिं अपरिच्चजन्तोयेव धम्मतं विभावेति, नं तत्थ अभिनिवेसातिधावनानि। वुत्तज्जेतं भगवता “जनपदनिरुत्तिं नाभिनिविसेय्य, समज्जं नातिधावेय्या”ति (दी० नि० टी० १.४३९-४४३)।

पठमं सम्मुतिकथाकथनं पन वेनेय्यवसेन येभ्य्येन बुद्धानमाचिण्णन्ति तं कारणेन सद्धिं दस्सेन्तो “पकतिया पना”तिआदिमाह। लूखाकाराति वेनेय्यानमनभिसम्बुज्जनवसेन लूखसदिसा। ननु च सम्मुति नाम परमत्थतो अविज्जमानत्ता अभूता, तं कथं बुद्धा कथेन्तीति वुत्तं “सम्मुतिकथं कथेन्तापी”तिआदि। सच्चमेवाति तथमेव। सभावमेवाति सम्मुतिभावेन तंसभावमेव। तेनाह “अमुसावा”ति। परमत्थस्स पन सच्चादिभावे वत्तब्बमेव नत्थि।

को पनिमेसं सम्मुतिपरमत्थधम्मानं विसेसोति? यस्मिं भिन्ने, बुद्धिया वा अवयवविनिब्भोगे कते न तंसज्जा, सो घटपटादिप्पभेदो सम्मुति, तब्बिपरियायतो परमत्थो। न हि कक्खळफुसनादिसभावे अयं नयो लब्भति। एवं सन्तेपि वुत्तनयेन सम्मुति च सच्चसभावा एवाति आह “दुवे सच्चानि अक्खासी”तिआदि। तत्थ दुवे सच्चानि अक्खासीति नानादेसभासाकुसलो तिण्णं वेदानमत्थसंवण्णनको आचरियो विय नानाविधसम्मुतिपरमत्थकुसलो भगवा वेनेय्यज्झासयानुरूपं दुवेयेव सच्चानि अक्खासीति अत्थो। तं सरूपतो, परिमाणतो च दस्सेति “सम्मुतिं परमत्थज्ज्व, तत्तियं नूपलब्भती”ति इमिना। वदतं वरोति सब्बेसं वदन्तानं वरो। लोकसङ्केतमत्तसिद्धा सम्मुति। परमो उत्तमो अविपरीतो यथाभूतसभावो परमत्थो।

इदानी नेसं सच्चसभावं सह कारणेन दस्सेतुं “सङ्केतवचन”न्ति गाथा वुत्ता। यस्मा लोकसम्मुतिकारणं, तस्मा सङ्केतवचनं सच्चं, यस्मा च धम्मानं भूतलक्खणं, तस्मा

परमत्थवचनं सच्चन्ति योजना। **लोकसम्मुतिकारणन्ति** हि सङ्केतवचनस्स सच्चभावे कारणदस्सनं, लोकसिद्धा सम्मुति सङ्केतवचनस्स अविसंवादनताय कारणन्ति अत्थो, विसंवादनभावतो सङ्केतवचनं सच्चन्ति वुत्तं होति। **धम्मानं भूतलक्खणन्ति** च परमत्थवचनस्स सच्चभावे कारणदस्सनं। सभावधम्मानं यो भूतो अविपरीतो सभावो, तस्स लक्खणं अङ्गनं जापनन्ति अत्थो, याथावतो अविसंवादनवसेन पवत्तनतो परमत्थवचनं सच्चन्ति अधिप्पायो। **अनङ्गणसुत्तटीकायं** पन आचरियेनेव निस्सक्कवचनेन पदमुल्लिङ्गत्वा “**लोकसम्मुतिकारणाति** लोकसमज्जं निस्साय पवत्तनतो। **धम्मानन्ति** सभावधम्मानं। **भूतकारणाति** यथाभूतसभावं निस्साय पवत्तनतो”ति वुत्तं।

अज्जत्थ पन –

“तस्मा वोहरकुसलस्स, लोकनाथस्स सत्थुनो।

सम्मुतिं वोहरन्तस्स, मुसावादो न जायती”ति॥ (म० नि० अट्ठ० १.५७; अ० नि० अट्ठ० १.१७०; इतिवु० अट्ठ० २४) –

अयम्पि गुणपरिदीपनी गाथा दिस्सति। तत्थ तस्माति सच्चस्स दुविधत्ता, सङ्केतवचनस्स वा सच्चभावतो। **सम्मुतिं वोहरन्तस्साति** “पुग्गलो सत्तो”तिआदिना लोकसमज्जं कथेन्तस्स **मुसावादो** नाम **न जायतीति** अत्थो। अपिच “अट्ठहि कारणेहि भगवा पुग्गल कथं कथेति हिरोत्तप्पदीपनत्थं, कम्मस्सकतादीपनत्थं, पच्चत्तपुरिसकारदीपनत्थं, आनन्तरियदीपनत्थं, ब्रह्मविहारदीपनत्थं, पुब्बेनिवासदीपनत्थं, दक्खिणाविसुद्धिदीपनत्थं, लोकसम्मुतिया अप्पहानत्थज्जा”तिआदिना (म० नि० अट्ठ० १.५७; अ० नि० अट्ठ० १.१७०; इतिवु० अट्ठ० २४; कथाव० अनुटी० १) तत्थ तत्थ वुत्तकारणम्पि आहरित्वा इध वत्तब्बं।

यदि तथागतो परमत्थसच्चं सम्मदेव अभिसम्बुज्झित्वा ठितोपि लोकसमज्जाभूतं सम्मुतिसच्चं गहेत्वाव वदति, एवज्जेत्थ को लोकियमहाजनेहि विसेसोति वुत्तं “**याही**”तिआदि, अयं पाळियं सम्बन्धो। इदं वुत्तं होति – लोकियमहाजनो अप्पहीनपरामासत्ता “एतं ममा”तिआदिना परामसन्तो वोहरति। तथागतो पन सब्बसो पहीनपरामासत्ता अपरामसन्तोव यस्मा लोकसमज्जाहि विना लोकियो अत्थो लोकेन दुब्बिज्जेय्यो, तस्मा ताहि तं वोहरति। तथा वोहरन्तो च अत्तनो देसनाविलासेन

वेनेय्यसत्ते परमत्थसच्चे पतिट्ठापेतीति । **देसनं विनिवट्ठेत्वाति** हेट्ठा वुत्ताय दिट्ठाभिनिवेसपटिसञ्जुत्ताय वट्ठकथाय विनिवत्तेत्वा विवेचेत्वा । **अरहत्तनिकूटेन निट्ठापेसीति** “अपरामस”न्ति इमिना पदेन तण्हामानपरामासप्पहानकित्तनेन तप्पहायकअरहत्तसङ्घात-निकूटेन देसनं परियोसापेसि । यं पनेत्थ अत्थतो न विभत्तं, तं सुविज्जेय्यमेव ।

इति सुमङ्गलविलासिनिया दीघनिकायट्ठकथाय परमसुखुमगम्भीरदुरनुबोधत्थपरिदीपनाय सुविमलविपुलपञ्चावेय्यत्तियजननाय साधुविलासिनिया नाम लीनत्थपकासनिया पोड्ढपादसुत्तवण्णनाय लीनत्थपकासना ।

पोड्ढपादसुत्तवण्णना निट्ठिता ।

१०. सुभसुत्तवण्णना

सुभमाणवकवत्थुवण्णना

४४४. एवं पोड्ढपादसुत्तं संवण्णेत्वा इदानीं सुभसुत्तं संवण्णेन्तो यथानुपुब्बं संवण्णनोकासस्स पत्तभावं विभावेतुं, पोड्ढपादसुत्तस्सानन्तरं सङ्गीतस्स सुत्तस्स सुभसुत्तभावं वा पकासेतुं “एवं मे सुत्तं...पे०... सावत्थियन्ति सुभसुत्त”न्ति आह। अनुनासिकलोपेन “अचिरं परिनिब्बुते”ति वुत्तन्ति दस्सेति “अचिरं परिनिब्बुते”ति इमिना यथा पोड्ढपादसुत्ते “अप्पाटिहीरकं तं भासितं सम्पज्जती”ति, अचिरं परिनिब्बुतस्स अस्साति वा अचिरपरिनिब्बुतो यथा “अचिरपक्कन्तो, मासजातो”ति। अत्थमत्तं पन दस्सेतुं एवं वुत्तं। अचिरपरिनिब्बुतेति च सत्थु परिनिब्बुतभावस्स चिरकालतापटिक्खेपेन आसन्नतामत्तं दस्सितं, कालपरिच्छेदो पन न दस्सितोति तं दस्सेन्तो “परिनिब्बानतो”तिआदिमाह। विसाखपुण्णमितो उल्लं याव जेड्ढपुण्णमी, ताव कालं सन्धाय “मासमत्ते”ति वुत्तं। मत्तसद्देन पन तस्स कालस्स किञ्चि असम्पुण्णतं जोतेति। तुदिसज्जितो गामो निवासो एतस्साति तोदेय्यो। तं पनेस यस्मा सोणदण्डो (दी० नि० १.३००) विय चम्पं, कूटदन्तो (दी० नि० १.३२३) विय च खाणुमतं अज्झावसति, तस्मा वुत्तं “तस्स अधिपत्तिता”ति, इस्सरभावतोति अत्थो। अयम्पि हि रज्जो पसेनदिकोसलस्स पुरोहितब्राह्मणो। पुत्तम्पि आहाति सुभं माणवम्पि ओवदन्तो आह।

अज्जनानन्ति अक्खिअज्जनत्थाय घंसितअज्जनानं। वम्मिकानन्ति किमिसमाहटवम्मिकानं सज्जयं दिस्वाति सम्बन्धो। मधूनन्ति मक्खिकमधूनं। समाहारन्ति मकरन्दसन्निचयं। पण्डितो घरमावसेति यस्मा अप्पतरप्पतरेपि गच्छमाने भोगा खीयन्ति, अप्पतरप्पतरेपि च सज्जियमाने वड्ढन्ति, तस्मा यथावुत्तमुपमत्तयं पज्जाय दिस्वा

विज्जुजातिको किञ्चिपि वयमकत्वा आयमेव उप्पादेन्तो घरेवसे घरावासमनुतिट्ठेय्याति लोभादेसितपटिपत्तिं उपदिसति ।

अदानमेव सिक्खापेत्वा सिक्खापनहेतु लोभाभिभूतताय तस्मिंयेव घरे सुनखो हुत्वा निब्बत्ति । लोभवसिकस्स हि दुग्गति पाटिकङ्का, “जनवसभो नाम यक्खो हुत्वा निब्बत्ती”ति (दी० नि० अट्ठ० १.१५०) एत्थ वुत्तनयेन अत्थो वेदितब्बो । पुब्बपरिचयेन अतिविय पियायति । वुत्तञ्चि “पुब्बेव सन्निवासेना”तिआदि । (जा० १.२.१७४) निक्खन्तेति केनचिदेव करणीयेन बहि निग्गते । सुभं माणवं अनुग्गण्हितुकामो एकोव भगवा पिण्डाय पाविसि । भुक्कारन्ति “भु भू”ति सुनखसद्वकरणं । “भो भो”ति ब्राह्मणसमुदाचारेण परिभवित्वा परिभवनहेतु । “भोवादि नाम सो होति, सचे होति सकिञ्चनो”ति (ध० प० ३९६; सु० नि० ६२५) हि वुत्तं । ननु च हेट्ठा “अदानमेव सिक्खापेत्वा सुनखो हुत्वा निब्बत्तो”ति आह, कस्मा पनेत्थ “पुब्बेपि मं ‘भो भो’ति परिभवित्वा सुनखो जातो”ति वदतीति ? तथा निब्बत्तिया तदुभयसाधारणफलत्ता । आनिसंसफलञ्चि साधारणकम्मेनपि जातं, न विपाकफलं विय एककम्मेनेवाति दट्ठब्बं । अवीचिं गमिस्ससि कतोकासस्स कम्मस्स पटिबाहितुमसक्कुण्येयभावतो । “जानाति मं समणो गोतमो”ति विप्पटिसारी हुत्वा । उद्धनन्तरेति चुल्लिकन्तरे । नन्ति सुनखं ।

तं पवत्तिन्ति भगवता यथावुत्तकारणं । ब्राह्मणचारित्तस्स अपरिहापिततं सन्धाय, तथा पितरं उक्कंसेन्तो “ब्रह्मलोके निब्बत्तो”ति आह । मुखारुहन्ति सयंपटिभानवसेन मुखमारुहं । तं पवत्तिं पुच्छीति “सुतमेतं भो गोतम मय्हं पिता सुनखो हुत्वा निब्बत्तो”ति तुम्हेहि वुत्तं, “किमिदं सच्चं वा असच्चं वा”ति पुच्छि । तथेव वत्ताति यथा पुब्बे सुनखस्स वुत्तं, तथेव वत्वा । अविसंवादनत्थन्ति सच्चापनत्थं, “तोदेय्यब्राह्मणो सुनखो हुत्वा निब्बत्तो”ति वचनस्स अविसंवादानेन अत्तनो अविसंवादिभावदस्सनत्थन्ति वुत्तं होति । अप्पोदकन्ति अप्पकेन उदकेन सम्पादितं । मधुपायासन्ति सादुरसं, मधुयोजितं वा पायासं । तथा अकासि, यथा भगवता वुत्तं । “सब्बं दस्सेसीति बुद्धानुभावेन सो सुनखो तं सब्बं नेत्वा दस्सेसि, न जातिस्सरताय । भगवन्तं दिस्वा भुक्करणं पन पुरिमजातिसिद्धवासनावसेना”ति (दी० नि० टी० १.४४४) एवं आचरियेन वुत्तं । उपरिपण्णासके पन चूलकम्मविभङ्गुत्तट्ठकथायं “सुनखो ‘जातोमिहं इमिना’ति रोदित्वा ‘हुं हुं’ति करोन्तो धननिधानद्वानं गत्वा पादेन पथविं खणित्वा सज्जं अदासी”ति (म० नि० अट्ठ० ३.२८९) जातिस्सराकारमाह, वोमंसित्वा गहेतब्बं ।

“भवपटिच्छन्नं नाम एवरूपं सुनखपटिसन्धिअन्तरं पाकटं समणस्स गोतमस्स, अब्धा एस सब्बञ्जू”ति भगवति पसन्नचित्तो। अङ्गविज्जापाठको किरिस्स। तेनस्स एतदहोसि “इमं धम्मपण्णाकारं कत्वा समणं गोतमं पज्जं पुच्छिस्सामी”ति, ततो सो चुद्दस पज्जे अभिसङ्खरित्वा भगवन्तं पुच्छि। तेन वुत्तं “चुद्दस पज्जे पुच्छित्वा”ति। तत्थ चुद्दस पज्जेति “दिस्सन्ति हि भो गोतम मनुस्सा अप्पायुका, दिस्सन्ति दीघायुका। दिस्सन्ति बद्धाबाधा, अप्पाबाधा। दुब्बण्णा, वण्णवन्तो। अप्पेसक्खा, महेसक्खा। अप्पभोगा, महाभोगा। नीचकुलीना, उच्चाकुलीना। दिस्सन्ति दुप्पज्जा, दिस्सन्ति पज्जवन्तो। को नु खो भो गोतम हेतु को पच्चयो, येन मनुस्सानयेव सतं मनुस्सभूतानं दिस्सन्ति हीनपणीतता”ति (म० नि० ३.२८९) इमे चूलकम्मविभङ्गसुत्ते आगते चुद्दस पज्जे। “कम्मस्सका माणव सत्ता कम्मदायादा”तिआदिना (म० नि० ३.२८९) सङ्खेपतो, वित्थारतो च विस्सज्जनपरियोसाने भगवन्तं सरणं गतो। अङ्गसुभताय “सुभो” तिस्स नामं। माणवोति पन महल्लककालेपि तरुणवोहारेन नं वोहरति। अत्तनो भोगगामतोति तुदिगामतो आगन्त्वा तङ्कणिकं बसति। तेनेव पाळियं “केनचिदेव करणीयेना”ति वुत्तं।

४४५. “एका च मे कङ्गा अत्थी”ति इमिना उपरि पुच्छियमानस्स पज्जस्स पगेव तेन अभिसङ्खतभावं दस्सेति। माणवकन्ति खुद्दकमाणवं “एकपुत्तको, (म० नि० २.२९६, ३५३; पारा० २६) पियपुत्तको”तिआदीसु विय क-सद्दस्स खुद्दकत्थे पवत्तनतो। विसभागवेदनाति दुक्खवेदना। सा हि कुसलकम्मनिब्बत्ते अत्तभावे उप्पज्जनकसुखवेदनापटिपक्खभावतो “विसभागवेदना”ति च कायं गाळ्हा हुत्वा बाधनतो पीळनतो “आबाधो”ति च वुच्चति। कीदिसा पन साति आह “या एकदेसे”तिआदि। एकदेसे उप्पज्जित्वाति सरीरेकदेसे उट्ठित्वापि अपरिवत्तिभावकरणतो अयपट्टेन आबन्धित्वा विय गण्हाति, इमिना बलवरोगो आबाधो नामाति दस्सेति। किच्छजीवितकरोति असुखजीवितावहो, इमिना दुब्बलो अप्पमत्तको रोगो आतङ्गो नामाति दस्सेति। उट्ठानन्ति सयननिसज्जादितो उट्ठहनं, तेन यथा तथा अपरापरं सरीरस्स परिवत्तनं वदति। गरुकन्ति भारियं अकिच्चसिद्धिकं। गिलानस्सेव काये बलं न होतीति सम्बन्धो। लहुट्ठानेन चेत्य गेलज्जाभावो पुच्छितो। हेट्ठा चतूहि पदेहि अफासुविहाराभावं पुच्छित्वापि इदानि पुन फासुविहारभावं पुच्छति, तेन सविसेसो एत्थ फासुविहारो पुच्छितोति विज्जायति। असतिपि हि अतिसयत्थजोतने सदे अत्थापत्तितो अतिसयत्थो लब्भतेव यथा “अभिरूपस्स कज्जा दातब्बा”ति। तेनाह “गमनट्ठाना”तिआदि। पुरिमं आणापनवचनं, इदं पन पुच्छितब्बाकारदस्सनन्ति अयमिमेसं विसेसोति दस्सेति “अथस्सा”तिआदिना।

४४७. कालो नाम उपसङ्कमनस्स युत्तपत्तकालो, समयो नाम तस्सेव पच्चयसामग्गी, अत्थतो पनेस तज्जं सरीरबलञ्चेव तप्पच्चयपरिस्सयाभावो च । उपादानं नाम जाणेन तेसं गहणं सल्लक्खणन्ति आह “पज्जाया”तिआदि । “स्वे गमनकालो भविस्सती”ति इमिना कालं, “काये”तिआदिना समयञ्च सरूपतो दस्सेति । फरिस्सतीति फरणवसेन ठस्सति ।

४४८. चेतियरट्ठेति चेतिरट्ठे । य-कारेण हि पदं वट्ठेत्वा एवं वुत्तं । “चेतिरट्ठतो अज्जं विसुंयेवेकं रट्ठ”न्तिपि वदन्ति । “यस्मा मरणं नाम तादिसानं दसबलानं रोगवसेनेव होति, तस्मा येन रोगेन तं जातं, तस्स सरूपपुच्छा, कारणपुच्छा, मरणहेतुकचित्तसन्तापपुच्छा, तस्स च सन्तापस्स सब्बलोकसाधारणता, तथा मरणस्स च अप्पटिकरणता”ति एवमादिना मरणपटिसञ्जुत्तं सम्मोदनीयं कथं कथेसीति दस्सेतुं “भो आनन्दा”तिआदि वुत्तं । “को नामा”तिआदिना हि रोगं पुच्छति, “किं भगवा परिभुज्जी”ति इमिना कारणं, “अपिचा”तिआदिना चित्तसन्तापं, “सत्था नामा”तिआदिना तस्स सब्बलोकसाधारणतं, “एका दानी”तिआदिना मरणस्स अप्पटिकरणतं दस्सेतीति दट्ठब्बं । महाजानीति महाहानि । यत्राति येन कारणेन परिनिब्बुतो, तेन को दानि अज्जो मरणा मुच्चिस्सतीतिआदिना योजेतब्बं । इदानीति च अत्तनो मनसिकारं पति वोहारमत्तेन वुत्तं । लज्जिस्सतीति लज्जा विय भविस्सति, विज्जिस्सतीति अत्थो । पीतभेसज्जानुरूपं आहारभोजनं पोराणाचिण्णन्ति आह “पीत...पे०... दत्त्वा”ति ।

हुत्वाति पाठसेसो सन्तिकावचरभावस्स विसेसनतो । मारो पापिमा विय न रन्धगवेसी, उत्तरमाणवो विय च न वीमंसनाधिप्पायो, अपि तु खलु उपट्ठाको हुत्वा सन्तिकावचरोति हि विसेसेति । न रन्धगवेसीति न छिद्दगवेसी । येसु धम्मेषूति विमोक्खुपायेसु निय्यानिकधम्मेषु । धरन्तीति अधुना तिड्ढन्ति, पवत्तन्तीति अत्थो ।

४४९. अत्थतो पयुत्तताय सद्वपयोगस्स सद्वपबन्धलक्खणानि तीणि पिटकानि तदत्थभूतेहि सीलादीहि तीहि धम्मक्खन्धेहि सङ्गहन्तीति वुत्तं “तीणि पिटकानि तीहि खन्धेहि सङ्गहेत्वा”ति । सङ्घित्तेन कथितन्ति “तिण्णं खो माणव खन्धान”न्ति एवं गणनतो, सामज्जतो च सङ्घेपेनेव कथितं । “कतमेसं तिण्ण”न्ति अयं अदिट्ठजोतनापुच्छायेव, न कथेतुकम्यतापुच्छा । माणवस्सेव हि अयं पुच्छा, न थेरस्साति आह “माणवो”तिआदि । अज्जत्थ पन ईदिसेसु ठानेसु कथेतुकम्यतापुच्छायेव दिस्सति, न अदिट्ठजोतनापुच्छा । इध

पन अट्ठकथायं एवं वुत्तं, तदेतं अट्ठकथापमाणतो पच्चेतब्बं । तदा पवत्तमानज्झि पच्चक्खं कत्वा अट्ठकथम्पि सङ्गहमारोपिं सु । कथेतुकम्यतापुच्छाभावे पनस्स थेरस्सेव वचनता सिया ।

सीलखन्धवण्णना

४५०-४५३. सीलखन्धस्साति एत्थ पदत्थविपल्लासकारी इतिसद्दो लुत्तो, अत्थनिद्देसो विय सद्दिनिद्देसो वा, यथारुतो च इतिसद्दो आद्यत्थो, पकारत्थो वा, तेन “अरियस्स समाधिक्खन्धस्स...पे०... पत्तिट्ठपेसी”ति अयं पाठो गहितोति दट्ठब्बं । तेन वुत्तं “तेसु दस्सितेसू”ति, तेसु तीसु खन्धेसु उद्देसवसेन दस्सितेसूति अत्थो । भगवता वुत्तनयेनेवाति सामञ्जफलादीसु (दी० नि० १.१९४) देसितनयेनेव, तेन इमस्स सुत्तस्स बुद्धभासितभावं दस्सेतीति वेदितब्बं । सासने न सीलमेव सारोति अरियमग्गसारे भगवतो सासने यथादस्सितं सीलं सारो एव न होति सारवतो महतो रुक्खस्स पपटिकट्टानिकत्ता । अट्ठानपयुत्तो हि एवसद्दो यथाठाने न योजेतब्बो । यज्जेवं कस्मा तमिध गहितन्ति आह “केवल”न्तिआदि । ज्ञानादिउत्तरिमनुस्सधम्मे अधिगन्तुकामस्स अधिट्ठानमत्तं तत्थ अप्पत्तिट्ठितस्स तेसमसम्भवतो । वुत्तज्झि “सीले पत्तिट्ठाय नरो सपज्जो”तिआदि (सं० नि० १.१.२३, १९२; पेट्ठको० २२) अथ वा सासने न सीलमेव सारोति कामज्जेत्थ सासने मग्गफलसीलसङ्घातं लोकुत्तरसीलम्पि सारमेव, तथापि न सीलखन्धो एव सारो होति, अथ खो समाधिक्खन्धोपि पज्जाक्खन्धोपि सारो एवाति एवम्पेत्थ यथापयुत्तेन एवसद्देन अत्थो वेदितब्बो, पुरिमोयेव पनत्थो युत्ततरो । तथा हि वुत्तं “इतो उत्तरी”तिआदि । अज्जम्पि कत्तब्बन्ति सेसखन्धद्वयं ।

समाधिक्खन्धवण्णना

४५४. कस्मा पनेत्थ थेरो समाधिक्खन्धं पुट्ठोपि इन्द्रियसंवरादिके विस्सज्जेसि, ननु एवं सन्ते अज्जं पुट्ठो अज्जं ब्याकरोन्तो अम्बं पुट्ठो लबुजं ब्याकरोन्तो विय होतीति ईदिसी चोदना इध अनोकासाति दस्सेन्तो “कथज्ज...पे०... आरभी”ति आह, तेनेत्थ इन्द्रियसंवरादयोपि समाधिउपकारकत्वं उपादाय समाधिक्खन्धपक्खिकभावेन उद्दिट्ठाति दस्सेति । ये ते इन्द्रियसंवरादयोति सम्बन्धो । रूपावचरचतुत्थज्ज्ञानदेसनानन्तरं अभिज्जादेसनाय अवसरोति कत्वा रूपज्ज्ञानानेव आगतानि, न अरूपज्ज्ञानानि । रूपावचरचतुत्थज्ज्ञानपादिका हि सपरिभण्डा छपि अभिज्जायो । यस्मा पन

लोकियाभिज्जायो इज्झमाना अट्ठसु समापत्तीसु चुद्धसविधेन चित्तपरिदमनेन विना न इज्झन्ति, तस्मा अभिज्जासु देसियमानासु अरूपज्झानानिपि देसितानेव होन्ति नानन्तरिकभावतो । तेनाह “आनेत्वा पन दीपेतब्बानी”ति, वुत्तनयेन देसितानेव कत्वा संवण्णकेहि पकासेतब्बानीति अत्थो । अट्ठकथायं पन “चतुत्थज्झानं उपसम्पज्ज विहरती”ति इमिनाव अरूपज्झानमपि सङ्गहितन्ति दस्सेतुं “चतुत्थज्झानेन ही”तिआदि वुत्तं । चतुत्थज्झानमेव हि रूपविरागभावनावसेन पवत्तं “अरूपज्झान”न्ति वुच्चति ।

४७१-४८०. न चित्तेकगतामत्तकेनेवाति एत्थ हेट्ठा वुत्तनयानुसारेण ठानाठानपयुत्तस्स एवसद्धस्सानुरूपमत्थो वेदितब्बो । लोकियसमाधिकखन्धस्स पन अधिप्पेतत्ता “न चित्तेकगता...पे०... अत्थी”ति वुत्तं । अरियो समाधिकखन्धोति एत्थ हि अरियसदो सुद्धमत्तपरियायोव, न लोकुत्तरपरियायो । यथा चेत्थ, तथा अरियो सीलक्खन्धोति एत्थापि । इतोति पज्जाक्खन्धतो, सो च उक्कट्ठतो अरहत्तफलपरियापन्नो एवाति आह “अरहत्तपरियोसान”न्तिआदि । लोकियाभिज्जापटिसम्भिदाहि विनापि हि अरहत्ते अधिगते “नत्थेव उत्तरिकरणीय”न्ति सक्का वत्तुं यदत्थं भगवति ब्रह्मचरियं वुस्सति, तस्स सिद्धत्ता । इध पन लोकियाभिज्जायोपि आगतायेव । सेसमेत्थ सुविज्जेय्यं ।

इति सुमङ्गलविलासिनिया दीघनिकायट्ठकथाय परमसुखुमगम्भीरदुरनुबोधत्थपरिदीपनाय सुविमलविपुलपज्जावेय्यत्तियजननाय साधुविलासिनिया नाम लीनत्थपकासनिया सुभसुत्तवण्णनाय लीनत्थपकासना ।

सुभसुत्तवण्णना निद्धिता ।

११. केवट्टसुत्तवण्णना

केवट्टगहपतिपुत्तवत्थुवण्णना

४८१. एवं सुभसुत्तं संवण्णेत्वा इदानीं केवट्टसुत्तं संवण्णेन्तो यथानुपुब्बं संवण्णनोकासस्स पत्तभावं विभावेतुं, सुभसुत्तस्सानन्तरं सङ्गीतस्स सुत्तस्स केवट्टसुत्तभावं वा पकासेतुं “एवं मे सुत्तं...पे०... नाळन्दायन्ति केवट्टसुत्त”न्ति आह। पावारिकस्साति एवंनामकस्स सेट्ठिनो। अम्बवनेति अम्बरुक्खबहुले उपवने। तं किर सो सेट्ठि भगवतो अनुच्छविकं गन्धकुटिं, भिक्खुसङ्घस्स च रत्तिट्ठानदिवाट्ठानकुटिमण्डपादीनि सम्पादेत्वा पाकारपरिक्खित्तं द्वारकोट्टकसम्पन्नं कत्वा बुद्धप्पमुखस्स सङ्घस्स निर्यातेसि, पुरिमवोहारेन पनेस विहारो “पावारिकम्बवन”न्त्वेव वुच्चति। “केवट्टो” तिदं नाममत्तं। “केवट्टेहि संरक्खितत्ता, तेसं वा सन्तिके सम्बुद्धत्ता”ति केचि। गहपतिपुत्तस्साति एत्थ कामज्जेस तदा गहपतिट्ठाने टितो, पितु पनस्स अचिरकालकतताय पुरिमसमज्जाय “गहपतिपुत्तो”न्त्वेव वोहरीयति। तेनाह “गहपतिमहासालो”ति, महाविभवताय महासारो गहपतीति अत्थो, र-कारस्स पन ल-कारं कत्वा “महासालो”ति वुत्तं यथा “पलिबुद्धो”ति (चूलनि० १५; मि० प० ६.३.७; जा० अट्ठ० २.३.१०२) सद्धो पसन्नोति पोथुज्जनिकसद्धावसेन रतनत्तयसद्धाय समन्नागतो, ततोयेव रतनत्तयप्पसन्नो। कम्मकम्मफलसद्धाय वा सद्धो, रतनत्तयप्पसादबहुलताय पसन्नो। सद्धाधिकत्तायेवाति तथाचिन्ताय हेतुवचनं, सद्धाधिको हि उम्मादप्पत्तो विय होति।

समिद्धाति सम्मदेव इद्धा, विभवसम्पत्तिया वेपुल्लप्पत्ता सम्पुण्णा, आकिण्णा बहू मनुस्सा एत्थाति अत्थं सन्धाय “अंसकूटेना”तिआदि वुत्तं। “एहि त्वं भिक्खु अन्वद्धमासं, अनुमासं, अनुसंवच्छरं वा मनुस्सानं पसादाय इद्धिपाटिहारियं करोही”ति एकस्स भिक्खुनो आणापनमेव समादिसनं, तं पन तस्मिं ठाने ठपनं नामाति आह “ठानन्तरे

ठपेत्तु”ति । उत्तरिमनुस्सानन्ति पकतिमनुस्सेहि उत्तरितरानं उत्तमपुरिसानं बुद्धादीनं ज्ञायीनं, अरियानञ्च । धम्मतोति अधिगमधम्मतो, ज्ञानाभिज्जामग्गफलधम्मतोति अत्थो, निद्धारणे चेत्तं निस्सक्कवचनं । ततो हि इद्धिपाटिहारियं निद्धारेति । एवं उत्तरिसदं मनुस्ससद्देन एकपदं कत्वा इदानी पाटिहारियसद्देन सम्बज्झितब्बं विसुमेव पदं करोन्तो “दसकुसलसङ्घाततो वा”तिआदिमाह । मनुस्सधम्मतोति पकतिमनुस्सधम्मतो । पज्जलितपदीपोति पज्जलन्तपदीपो । तेल्लेहन्ति तेलसेचनं । राजगहसेट्ठिवत्थुस्मिन्ति राजगहसेट्ठिनो चन्दनपत्तदानवत्थुम्हि (चूलव० २५२) । सिक्खापदं पज्जापेसीति “न भिक्खवे गिहीनं उत्तरिमनुस्सधम्मं इद्धिपाटिहारियं दस्सेतब्बं । यो दस्सेय्य, आपत्ति दुक्कटस्सा”ति (चूलव० २५२) विकुब्बनिद्धिपटिक्खेपकं इदं सिक्खापदं पज्जापेसि ।

४८२. गुणसम्पत्तितो अचावनं सन्धाय एतं वुत्तन्ति दस्सेति “न गुणविनासनेना”ति इमिना । तेनाह “सीलभेद”न्तिआदि । विसहन्तो नाम नत्थीति निवारितट्टाने उस्सहन्तो नाम नत्थि । एवम्पि इमिना कारणन्तरेनायं उस्सहन्तोति दस्सेतुं “अयं पना”तिआदि वुत्तं । यस्मा विस्सासिको, तस्मा विस्सासं वट्ठेत्वाति योजना । वट्ठेत्वाति च ब्रूहेत्वा, विभूतं पाकटं कत्वाति अत्थो ।

इद्धिपाटिहारियवण्णना

४८३-४. आदीनवन्ति दोसं । कथं तेन कता, कथं वा उप्पन्नाति आह “तत्थ किरा”तिआदि । एकेनाति गन्धारेन नाम इसिनाव । एवज्झि पुब्बेनापरं संसन्दतीति । गन्धारी नामेसा विज्जा चूलगन्धारी, महागन्धारीति दुविधा होति । तत्थ चूलगन्धारी नाम तिवस्सतो ओरं मतसत्तानं उपपन्नट्टानजानना विज्जा । वङ्गीसवत्थु (सं० नि० अट्ठ० १.१.२२०; अ० नि० अट्ठ० १.१.२१२) चेत्थ साधकं । महागन्धारी नाम तस्स चैव जानना, तदुत्तरि च इद्धिविधजाणकम्मस्स साधिका विज्जा । येभ्य्येन हेसा इद्धिविधजाणकिच्चं साधेति । तस्सा किर विज्जाय साधको पुग्गलो तादिसे देसे, काले च मन्तं परिजप्पेत्वा बहुधापि अत्तानं दस्सेति, हत्थिआदीनिपि दस्सेति, अदस्सनीयोपि होति, अग्गिथम्भम्पि करोति, जलथम्भम्पि करोति, आकासेपि अत्तानं दस्सेति, सब्बं इन्दजालसदिसं दट्ठब्बं । अट्ठोति दुक्खितो बाधितो । तेनाह “पीळितो”ति ।

आदेसनापाटिहारियवण्णना

४८५. कामं “चेतसिक”न्ति इदं ये चेतसि नियुत्ता चित्तेन सम्पयुत्ता, तेसं साधारणवचनं, साधारणे पन गहिते चित्तविसेसो दस्सितो नाम होति। सामञ्जसजोतना च विसेसे अवतिट्ठति, तस्मा चेतसिकपदस्स यथाधिष्येतमत्थं दस्सेन्तो “सोमनस्सदोमनस्सं अधिष्येत”न्ति आह। सोमनस्सग्गहणेन चेत्य तदेकट्ठा रागादयो, सद्भादयो च धम्मा दस्सिता होन्ति, दोमनस्सग्गहणेन दोसादयो। वितक्कविचारा पन सरूपेनेव दस्सिता। पि-सद्दस्स वत्तब्बसम्पिण्डनत्थो सुविज्जेय्योति आह “एवं तव मनो”ति, इमिना पकारेन तव मनो पवत्तोति अत्थो। केन पकारेनाति वुत्तं “सोमनस्सितो वा”तिआदि। “एवमि ते मनो”ति इदं सोमनस्सिततादिमत्तदस्सनं, न पन येन सोमनस्सितो वा दोमनस्सितो वा, तं दस्सनन्ति तं चित्तं दस्सेतुं पाळियं “इतिपि ते चित्त”न्ति वुत्तं। इतिसद्दो चेत्य निदस्सनत्थो “अत्थीति खो कच्चान अयमेको अन्तो”तिआदीसु (सं० नि० १.२.१५; २.३.९०) विय। तेनाह “इदञ्चिदञ्च अत्थ”न्ति। पि-सद्दो इधापि वुत्तसम्पिण्डनत्थो। परस्स चित्तं मनति जानाति एतायाति चिन्तामणि न-कारस्स ण-कारं कत्वा, सा एव पुब्बपदमन्तरेण मणिका। चिन्ता नाम न चित्तेन विना भवतीति आह “परेसं चित्तं जानाती”ति। “तस्सा किर विज्जाय साधको पुग्गलो तादिसे देसे, काले च मन्तं परिजप्पित्वा यस्स चित्तं जानितुकामो, तस्स दिट्ठसुतादिविसेससञ्जाननमुखेन चित्ताचारं अनुमिनन्तो कथेती”ति केचि। “वाचं निच्छरापेत्वा तत्थ अक्खरसल्लखणवसेन कथेती”ति अपरे। सा पन विज्जा पदकुसलजातकेन (जा० १.९.४९ आदयो) दीपेतब्बा।

अनुसासनीपाटिहारियवण्णना

४८६. पवत्तेन्ताति पवत्तनका हुत्वा, पवत्तनवसेन वितक्केथाति वुत्तं होति। एवन्ति हि यथानुसिद्धाय अनुसासनिया विधिवसेन, पटिसेधवसेन च पवत्तिआकारपरामसनं, सा च अनुसासनी सम्मावितक्कानं, मिच्छावितक्कानञ्च पवत्तिआकारदस्सनवसेन तत्थ आनिसंसस्स, आदीनवस्स च विभावनत्थं पवत्तति। अनिच्चसञ्जमेव, न निच्चसञ्जं। पटियोगीनिवत्तनत्थञ्चि एव-कारग्गहणं। इधापि एवं-सद्दस्स अत्थो, पयोजनञ्च वुत्तनयेनेव वेदितब्बं। इदं-गहणेपि एसेव नयो। पञ्चकामगुणिकरागन्ति निदस्सनमत्तं तदञ्जरागस्स चेव दोसादीनञ्च पहानस्स इच्छितत्ता, तप्पहानस्स च तदञ्जरागादिखेपनस्स उपायभावतो

दुडुलोहितविमोचनस्स पुब्बदुडुमंसखेपनूपायता विय । लोक्कत्तरधम्ममेवाति अवधारणं पटिपक्खभावतो सावज्जधम्मनिवत्तनपरं दडुब्बं तस्साधिगमूपायानिसंसभूतानं तदज्जेसं अनवज्जधम्मनं नानन्तरिकभावतो । इद्धिविधं इद्धिपाटिहारियन्ति दस्सेति इद्धियेव पाटिहारियन्ति कत्वा । सेसपदद्वयेपि एसेव नयो ।

पाटिहारियपदस्स पन वचनत्थं (उदा० अट्ट० पठमबोधिसुत्तवण्णना; इतिवु० अट्ट० निदानवण्णना) “पटिपक्खहरणतो, रागादिकिलेसापनयनतो पाटिहारिय”न्ति वदन्ति, भगवतो पन पटिपक्खा रागादयो न सन्ति ये हरितब्बा । पुथुज्जनानम्पि विगतुपक्किलेसे अट्टङ्गगुणसमन्नागते चित्ते हतपटिपक्खे इद्धिविधं पवत्तति, तस्मा तथ पवत्तवोहारेण च न सक्का इध “पाटिहारिय”न्ति वत्तुं । सचे पन महाकारुणिकस्स भगवतो वेनेय्यगता च किलेसा पटिपक्खा, तेसं हरणतो “पाटिहारिय”न्ति वुत्तं, एवं सति युत्तमेतं । अथ वा भगवतो चेव सासनस्स च पटिपक्खा तित्थिया, तेसं हरणतो पाटिहारियं । ते हि दिट्ठिहरणवसेन, दिट्ठिप्पकासने असमत्थभावेन च इद्धिआदेसनानुसासनीहि हरिता अपनीता होन्तीति । “पटी”ति वा अयं सद्दो “पच्छा”ति एतस्स अत्थं बोधेति “तस्मिं पटिपविट्ठम्हि, अज्जो आगज्झि ब्राह्मणो”ति (सु० नि० ९८५; चूळनि० ४) पारायनसुत्तपदे विय, तस्मा समाहिते चित्ते विगतुपक्किलेसे च कतकिच्चेन पच्छा हरितब्बं पवत्तेतब्बन्ति पटिहारियं, अत्तनो वा उपक्किलेसेसु चतुत्थज्ज्ञानमग्गेहि हरितेसु पच्छा हरणं पटिहारियं, इद्धिआदेसनानुसासनियो च विगतुपक्किलेसेन कतकिच्चेन च सत्तहितत्थं पुन पवत्तेतब्बा, हरितेसु च अत्तनो उपक्किलेसेसु परसत्तानं उपक्किलेसहरणानि होन्तीति पटिहारियानि नाम भवन्ति, पटिहारियमेव पाटिहारियं । पटिहारिये वा इद्धिआदेसनानुसासनिसमुदाये भवं एकेकं “पाटिहारिय”न्ति वुच्चति । पटिहारियं वा चतुत्थज्ज्ञानं, मग्गो च पटिपक्खहरणतो, तथ जातं, तस्मिं वा निमित्तभूते, ततो वा आगतन्ति पाटिहारियं, इद्धिआदेसनानुसासनीहि वा परसन्ताने पसादादीनं पटिपक्खस्स किलेसस्स हरणतो वुत्तनयेन पाटिहारियं । सततं धम्मदेसनाति सब्बकालं देसेतब्बधम्मदेसना ।

इद्धिपाटिहारियेनाति सहादियोगे करणवचनं, तेन सद्धिं आचिण्णन्ति अत्थो । इतरत्थापि एस नयो । धम्मसेनापतिस्स आचिण्णन्ति योजेतब्बं । तमत्थं खन्धकवत्थुना साधेन्तो “देवदत्ते”तिआदिमाह । गयासीसेति गयागामस्स अविदूरे गयासीसनामको हत्थिकुम्भसदिसो पिट्ठिपासाणो अत्थि, यत्थ भिक्खुसहस्सस्सपि ओकासो होति, तस्मिं पिट्ठिपासाणे ।

“चित्ताचारं जत्वा”ति इमिना आदेसनापाटिहारियं दस्सेति, “धम्मं देसेसी”ति इमिना अनुसासनीपाटिहारियं, “विकुब्बनं दस्सेत्वा”ति इमिना इद्धिपाटिहारियं। महानागाति महाखीणासवा अरहन्तो। “नागो”ति हि अरहतो अधिवचनं नत्थि आगु पापमेतस्साति कत्वा। यथाह सभियसुत्ते -

“आगुं न करोति किञ्चि लोके,
सब्बसंयोगे विसज्ज बन्धनानि।
सब्बत्थ न सज्जती विमुत्तो,
नागो तादि पवुच्चते तथत्ता”ति॥ (सु० नि० ५२७;
महानि० ८०; चूलनि० २७, १३९)

अट्ठकथायं पनेत्थ “धम्मसेनापत्तिस्स धम्मदेसनं सुत्वा पञ्चसता भिक्खू सोतापत्तिफले पत्तिट्ठहिंसु। महामोग्गल्लानस्स धम्मदेसनं सुत्वा अरहत्तफले”ति (दी० नि० अट्ठ० १.४८६) वुत्तं। सङ्गभेदकक्खन्धकपाळियं पन “अथ खो तेसं भिक्खूनं आयस्मता सारिपुत्तेन आदेसनापाटिहारियानुसासनिया, आयस्मता च महामोग्गल्लानेन इद्धिपाटिहारियानुसासनिया ओवदियमानानं अनुसासियमानानं विरजं वीतमलं धम्मचक्खुं उदपादि ‘यं किञ्चि समुदयधम्मं, सब्बं तं निरोधधम्मन्ति” (चूलव० ३४५) उभिन्नम्पि थेरानं धम्मदेसनाय तेसं धम्मचक्खुपटिलाभोव दस्सितो, तयिदं विसदिसवचनं दीघभाणकानं, खन्धकभाणकानञ्च मतिभेदेनाति दट्ठब्बं। सङ्गाहकभासिता हि अयं पाळि, अट्ठकथा च तेहेव सङ्गहमारोपिता, अपिच पाळियं उपरिमग्गफलम्पि सङ्गहेत्वा “धम्मचक्खुं उदपादी”ति वुत्तं यथा तं ब्रह्मायुसुत्ते, (म० नि० २.३४३) चूलराहुलोवादसुत्ते (म० नि० ३.४१६) चाति वेदितब्बं।

“अनुसासनीपाटिहारियं पन बुद्धानं सततं धम्मदेसना”ति सातिसयताय वुत्तं। सउपारम्भानि यथावुत्तेन पतिरूपकेन उपारम्भितब्बतो। सदोसानि परारोपितदोससमुच्छिन्दनस्स अनुपायभावतो। सदोसत्ता एव अद्धानं न तिड्ढन्ति चिरकालट्टायीनि न होन्ति। अद्धानं अतिड्ढन्तो न निव्यन्तीति फलेन हेतुनो अनुमानं। अनिय्यानिकताय हि तानि अनद्धनियानि। अनुसासनीपाटिहारियं अनुपारम्भं विसुद्धिप्पभवतो, विसुद्धिनिस्सयतो च। ततोयेव निदोसं। न हि तत्थ पुब्बापरविरोधादिदोससम्भवो अत्थि। निदोसत्ता एव अद्धानं तिड्ढति परप्पवादवातेहि,

किलेसवातेहि च अनुपहन्तब्बतो । अद्धानं तिड्ढनतो निव्यातीति इधापि फलेन हेतुनो अनुमानं । निव्यानिकताय हि तं अद्धनियं । तस्माति यथावुत्तकारणतो, तेन च उपारम्भादिं, अनुपारम्भादिज्जाति उभयं यथाक्कमं उभयत्थ गारय्हापासंसभावानं हेतुभावेन पच्चासति ।

भूतनिरोधेसकवत्थुवण्णना

४८७. अनिव्यानिकभावदस्सनत्थन्ति यस्मा महाभूतपरियेसको भिक्खु पुरिमेसु द्वीसु पाटिहारियेसु वसिप्पत्तो सुकुसलोपि समानो महाभूतानं अपरियेसनिरोधसङ्घातं निब्बानं नावबुज्झि, तस्मा तदुभयानि निव्यानावहत्ताभावतो अनिव्यानिकानीति तेसं अनिव्यानिकभावदस्सनत्थं । निव्यानिकभावदस्सनत्थन्ति अनुसासनीपाटिहारियं तक्करस्स एकन्ततो निव्यानावहन्ति तस्सेव निव्यानिकभावदस्सनत्थं ।

एवं एतिस्सा देसनाय मुख्यपयोजनं दस्सेत्वा इदानी अनुसङ्गिकपयोजनं दस्सेतुं “अपिचा”तिआदि आरद्धं । निव्यानमेव हि एतिस्सा देसनाय मुख्यपयोजनं तस्स तदत्थभावतो । बुद्धानं पन महन्तभावो अनुसङ्गिकपयोजनं अत्थापत्तियाव गन्तब्बतो । कीदिसो नामेस भिक्खूति आह “यो महाभूते”तिआदि । परियेसन्तोति अपरियेसं निरुज्झनवसेन महाभूते गवेसन्तो, तेसं अनवसेसनिरोधं वीमंसन्तोति वुत्तं होति । विचरित्वाति धम्मताय चोदियमानो परिचरित्वा । धम्मतासिद्धं किरेतं, यदिदं तस्स भिक्खुनो तथा विचरणं यथा अभिजातियं महापथविकम्पादि । विस्सज्जोकासन्ति विस्सज्जट्ठानं, “विस्सज्जकर”न्तिपि पाठो, विस्सज्जकन्ति अत्थो । तस्माति बुद्धमेव पुच्छित्वा निक्कट्ठत्ता, तस्सेव विस्सज्जितुं समत्थतायाति वुत्तं होति । महन्तभावप्पकासन्तन्ति सदेवके लोके अनज्जसाधारणस्स बुद्धानं महन्तभावस्स महानुभावताय दीपनत्थं । इदञ्च कारणन्ति “सब्बेसम्पि बुद्धानं सासने एदिसो एको भिक्खु तदानुभावप्पकासको होती”ति इमम्पि कारणं ।

कत्थाति निमित्ते भुम्मं, कस्मिं ठाने कारणभूतेति अत्थं दस्सेतुं “किं आगम्मा”ति वुत्तं, किं आरम्भणं पच्चयभूतं अधिगन्त्वा अधिगमनहेतूति अत्थो । तेनाह “किं पत्तस्सा”ति । किमारम्भणं पत्तस्स पुगलस्स निरुज्झन्तीति सम्बन्धो, हेतुगम्भविसेसनमेतं । तेति महाभूता । अप्पवत्तिवसेनाति पुन अनुप्पज्जनवसेन । सब्बाकारेनाति

वचनत्थलक्खणरसपच्चुपट्टानपदट्टान-समुट्ठानकलापचुण्णनानत्तेकत्तविनिब्भोगाविनिब्भोगसभाग-
विसभागअज्झत्तिकबाहिरसङ्गहपच्चयसमन्नाहारपच्चयविभागाकारतो, ससम्भारसङ्केपससम्भार-
विभत्तिसलक्खणसङ्केपसलक्खणविभत्तिआकारतो चाति सब्बेन आकारेन ।

४८८. दिब्बन्ति एत्थ पञ्चहि कामगुणेहि समङ्गीभूता हुत्वा विचरन्ति, कीळन्ति,
जोतेन्ति चाति देवा, देवलोका । ते यन्ति उपगच्छन्ति एतेनाति देवयानियो यथा
“निय्यानिका”ति (ध० स० दुकमातिका ९७) एत्थ अनीयसद्दो कत्वत्थे, तथा इध
करणत्थेति दट्ठब्बं । तथा हि वुत्तं “तेन हेसा”तिआदि । वसं वत्तेन्तोति एत्थ वसवत्तनं नाम
यथिच्छित्तद्वानगमनं । तन्ति इद्धिविधजाणं । चत्तारो महाराजानो एतेसं इस्सरति
चातुमहाराजिका । कस्मा पनेस समीपे ठितं सदेवकलोकपज्जोतं भगवन्तं अपुच्छित्वा दूरे
देवे उपसङ्गमीति चोदनमपनेति “समीपे ठित”न्तिआदिना । “ये देवा मग्गफललाभिनो,
तेपि तमत्थं एकदेसेन जानेय्युं, बुद्धविसयो पनायं पज्जो पुच्छितो”ति चिन्तेत्वा “न
जानामा”ति आहंसु । तेनाह “बुद्धविसये”तिआदि । न लब्भाति न सक्का, अज्झोत्थरणं
नामेत्थ पुच्छाय निब्बाधनन्ति वुत्तं “पुनप्पुनं पुच्छती”ति । “हत्थतो मोचेस्सामा”ति
वोहारवसेन वुत्तं, हन्द नं दूरमपनेस्सामाति वुत्तं होति । अभिक्कन्ततराति एत्थ अभिसद्दो
अतिसद्दत्थोति आह “अतिक्कन्ततरा”ति, रूपसम्पत्तिया चेव पज्जापटिभानादिगुणेहि च
अम्हे अभिभुय्य परेसं कामनीयतराति अत्थो । पणीततराति उळारतरा । तेन वुत्तं
“उत्तमतरा”ति ।

४९१-४९३. सहस्सक्खो पन सक्को अभिसमेतावी आगतफले विज्जातसासनो,
सो कस्मा तं भिक्खुं उपायेन निय्योजेसीति अनुयोगमपनेति “अयं पन
विसेसो”तिआदिना ।

खज्जोपनकन्ति रत्तिं जलन्तं खुद्दककिमिं । धमन्तो वियाति मुखवातं देन्तो विय ।
अत्थि चेवाति एदिसो महाभूतपरियेसको पुगगलो नाम विज्जमानो एव भवेय्य, मया
अपेसितोयेव पच्छा जानिस्सतीति अधिप्पायो । ततोति तथा चिन्तनतो परं ।
इद्धिविधजाणस्सेव अधिप्पेतत्ता देवयानियसदिसोव । “देवयानियमग्गोति वा...पे०...
अभिज्जाजाणन्ति वा सब्बमेतं इद्धिविधजाणस्सेव नाम”न्ति इदं पाळियं, अट्ठकथासु च तत्थ
तत्थ आगतरुळिहनामवसेन वुत्तं । सब्बासुपि इ भिज्जासु
देवयानियमग्गादिएकचित्तक्खणिकअप्पनादिनामं यथारहं सम्भवति ।

४९४. आगमनपुब्बभागे निमित्तन्ति ब्रह्मनो आगमनस्स पुब्बभागे उप्पज्जनकनिमित्तं । उदयतो पुब्बभागेति आनेत्वा सम्बन्धो । इमेति ब्रह्मकायिका । वेय्याकरणेनाति व्याकरणेन । अनारद्धचित्तोति अनाराधितचित्तो अतुड्ढचित्तो । वादन्ति दोसं । विक्खेपन्ति वाचाय विविधा खेपनं ।

४९५. कुहकत्ताति वुत्तनयेन अभूततो अज्जेसं विम्हापेतुकामत्ता । “गुहकत्ता”ति पठित्वा गुह्मितुकामत्ताति अत्थम्पि वदन्ति केचि ।

तीरदस्सीसकृणूपमावण्णना

४९७. पदेसेनाति एकदेसेन, उपादिन्नकेन सत्तसन्तानपरियापन्नेनाति अत्थो । अनुपादिन्नकेपीति अनिन्द्रियबद्धेपि । निष्पदेसतोति अनवसेसतो । तस्माति तथा पुच्छितत्ता, पुच्छाय अयुत्तभावतोति अधिष्पायो । पुच्छामूळहस्साति पुच्छितुमजाननतो पुच्छाय सम्मूळहस्स । वितथपञ्चो हि “पुच्छामूळो”ति वुच्चति यथा “मग्गमूळो”ति । पुच्छाय दोसं दस्सेत्वाति तेन कतपुच्छाय पुच्छिताकारे दोसं विभावेत्वा । पुच्छाविस्सज्जनन्ति तथा सिक्खापिताय अवितथपुच्छाय विस्सज्जनं । यस्मा विस्सज्जनं नाम पुच्छानुरूपं, पुच्छासभागेन विस्सज्जेतब्बतो, न च तथागता विरज्झित्वा कतपुच्छानुरूपं विरज्झित्वाव विस्सज्जेन्ति, अत्थसभागताय च विस्सज्जनस्स पुच्छका तदत्थं अनवबुज्झन्ता सम्मुहन्ति, तस्मा पुच्छं सिक्खापेत्वा अवितथपुच्छाय विस्सज्जनं बुद्धानमाचिण्णन्ति वेदितब्बं । तेनाह “कस्मा”तिआदि । दुविज्जापयोति यथावुत्तकारणेन दुविज्जापेतब्बो ।

४९८. न पतिट्ठातीति पच्चयं कत्वा न पतिट्ठहति । “कत्था”ति इदं निमित्ते भुम्मन्ति आह “किं आगम्मा”ति । अप्पतिट्ठाति अप्पच्चया, सब्बेन सब्बं समुच्छिन्नकारणाति अत्थो । उपादिन्नयेवाति इन्द्रियबद्धमेव । यस्मा एकदिसाभिमुखं सन्तानवसेन बहुधा सण्ठिते रूपप्पबन्धे दीघसज्जा, तमुपादाय ततो अप्पकं सण्ठिते रस्ससज्जा, तदुभयज्च विसेसतो रूपग्गहणमुखेन गय्हति, तस्मा “सण्ठानवसेना”तिआदि वुत्तं । अप्पपरिमाणे रूपसङ्घाते अणुसज्जा, तदुपादाय ततो महति थूलसज्जा, इदम्पि द्वयं विसेसतो रूपग्गहणमुखेन गय्हतीति आह “इमिनापी”तिआदि । “पि-सद्देन चेत्य ‘सण्ठानवसेन उपादारूपं वुत्त’न्ति एत्थापि वण्णमत्तामेव कथितन्ति इममत्थं सम्वचिनाती”ति वदन्ति । वण्णसद्दो हेत्थ रूपायतनपरियायोव । सुभन्ति सुन्दरं, इट्ठन्ति

अथो । असुभन्ति असुन्दरं, अनिद्वन्ति अथो । तेनाह “इद्धानिद्वारम्मणं पनेवं कथित”न्ति दीघं रस्सं अणुं थूलं सुभासुभन्ति तीसुपि ठानेसु रूपायतनमुखेन उपादारूपस्सेव गहणे भूतरूपानं विसुं गहितत्ताति दट्ठब्बं । “कथ आपो च पथवी, तेजो वायो न गाधती”ति हि भूतरूपानि विसुं गहन्ति । नामन्ति वेदनादिक्खन्धचतुक्कं । तज्झि आरम्मणाभिमुखं नमनतो, नामकरणतो च “नाम”न्ति वुच्चति । हेद्वा “दीघं रस्स”न्तिआदिना वुत्तमेव इध रूपनट्ठेन रूपसज्जाय गहितन्ति दस्सेति “दीघादिभेद”न्ति इमिना । आदिसद्देन आपादीनञ्च सङ्गहो । यस्मा वा दीघादिसमज्जा न रूपायतनवत्थुकाव, अथ खो भूतरूपवत्थुकापि । तथा हि सण्ठानं फुसनमुखेनपि गहति, तस्मा दीघरस्सादिग्गहणेन भूतरूपमपि गहतेवाति इममत्थं विज्जापेतुं “दीघादिभेदं रूप” मिच्चेव वुत्तं । किं आगम्माति किं अधिगन्त्वा किस्स अधिगमनहेतु । “उपरुज्झती”ति इदं अनुप्पादनिरोधं सन्धाय वुत्तं, न खणनिरोधन्ति आह “असेसमेतं नप्पवत्तती”ति ।

४९९. तत्र वेय्याकरणं भवतीति अनुसन्धिवचनमत्तं चुण्णियपाठं वत्थ वेय्याकरणवचनभूतं विज्जाणन्तिआदिं सिलोकमाहाति अधिप्पायो । विज्जातब्बन्ति विसिद्धेन जाणेन आतब्बं, सब्बजाणुत्तमेन अरियमग्गजाणेन पच्चक्खतो जानितब्बन्ति अथो । तेनाह “निब्बानस्सेतं नाम”न्ति । निदस्सीयतेति निदस्सनं, चक्खुविज्जेय्यं, न निदस्सनं अनिदस्सनं, अचक्खुविज्जेय्यन्ति अत्थं वदन्ति । निदस्सनं वा उपमा, तदेतस्स नत्थीति अनिदस्सनं । न हि निब्बानस्स निच्चस्स एकभूतस्स अच्चन्तपणीतसभावस्स सदिस निदस्सनं कुतोचि लब्धतीति । यं अहुत्वा सम्भोति, हुत्वा पटिवेति, तं सङ्घत्तं उदयवयन्तेहि सअन्तं, असङ्घतस्स पन निब्बानस्स निच्चस्स ते उभोपि अन्ता न सन्ति ततो एव नवभावापगमसङ्घाता जरतापि तस्स नत्थीति वुत्तं “उप्पादन्तो वा”तिआदि । तत्थ उप्पादन्तोति उप्पादावत्था । वयन्तोति भङ्गावत्था । ठितस्स अज्जथत्तन्तोति जरता वुत्ता अवसेसग्गहणेन ठितावत्था अनुज्जाता होति । तित्थस्साति पानतित्थस्स । तत्थ निब्बचन दस्सेति “तज्झी”तिआदिना । पपन्तीति पकारेण पिवन्ति । तथा हि आचरियेन वुत्तं “पपन्ति एत्थाति पपन्ति वुत्तं । एत्थ हि पपन्ति पानतित्थ”न्ति (दी० नि० टी० १.४९९) निरुत्तिनयेन, यथारुतलक्खणेन वा प-कारस्स भ-कारो कतो । सब्बतोति सब्बकम्मट्ठानमुखतो । तेनाह “अट्ठतिंसाय कम्मट्ठानेसु येन येन मुखेना”ति । अयं अट्ठकथातो अपरो नयो- पकारेण भासनं जोतनं पभा, सब्बतो पभा अस्साति सब्बतोपभं, केनचि अनुपक्किलिड्ढताय समन्ततो पभस्सरं विसुद्धन्ति अथो । एत्थ निब्बानेति निमित्ते भुम्मं दस्सेति “इदं निब्बानं आगम्मा”ति इमिना । येन निब्बानमधिगतं

तं सन्ततिपरियापन्नानयेव इध अनुष्पादनिरोधो अधिष्पेतोति वुत्तं “उपादिन्नकधम्मजातं निरुज्झति, अप्पवत्तं होती”ति ।

तत्थाति यदेतं “विज्जाणस्स निरोधेना”ति पदं वुत्तं, तस्मिं । विज्जाणं उद्धरति तस्स विभज्जितब्बत्ता । चरिमकविज्जाणन्ति अरहतो चुतिचित्तसङ्घातं परिनिब्बानचित्तं । अभिसङ्खारविज्जाणन्ति पुज्जादिअभिसङ्खारचित्तं । एत्थेतं उपरुज्झतीति एतस्मिं निब्बाने एतं नामरूपं अनुपादिसेसाय निब्बानधातुया निरुज्झति । तेनाह “विज्झात...पे०... भावं याती”ति । विज्झातदीपसिखा वियाति निब्बुतदीपसिखा विय । “अभिसङ्खार-विज्जाणस्सापी”तिआदिना सउपादिसेसनिब्बानधातुमुखेन अनुपादिसेसनिब्बानधातुमेव वदति नामरूपस्स अनवसेसतो उपरुज्झनस्स अधिष्पेतत्ता । तेन वुत्तं “अनुष्पादवसेन उपरुज्झती”ति । सोतापत्तिमग्गजाणेनाति कत्तरि, करणे वा करणवचनं, निरोधेनाति पन हेतुम्हि । एत्थाति निब्बाने । सेसं सब्बत्थ उत्तानत्थमेव ।

इति सुमङ्गलविलासिनिया दीघनिकायट्ठकथाय परमसुखुमग्गम्भीरदुरनुबोधत्थपरिदीपनाय सुविमलविपुलपज्जावेय्यत्तियजननाय साधुविलासिनिया नाम लीनत्थपकासिनिया केवट्टसुत्तवण्णनाय लीनत्थपकासना ।

केवट्टसुत्तवण्णना निडिता

१२. लोहिच्चसुत्तवण्णना

लोहिच्चब्राह्मणवत्थुवण्णना

५०१. एवं केवट्टसुत्तं संवण्णेत्वा इदानीं लोहिच्चसुत्तं संवण्णेन्तो यथानुपुब्बं संवण्णनोकासस्स पत्तभावं विभावेतुं, केवट्टसुत्तस्सानन्तरं सङ्गीतस्स सुत्तस्स लोहिच्चसुत्तभावं वा पकासेतुं “एवं मे सुत्तं...पे०... कोसलेसूति लोहिच्चसुत्त”न्ति आह। सालवतिकाति कारणमन्तरेण इत्थिलिङ्गवसेन तस्स गामस्स नामं। गामणिकाभावेनाति केचि। वतियाति कण्टकसाखादिवतिया। लोहितो नाम तस्स कुले पुब्बपुरिसो, तब्बंसवसेन लोहितस्स अपच्चं लोहिच्चोति ब्राह्मणस्स गोत्ततो आगतनामं।

५०२. “किञ्चि परो परस्स करिस्सती”ति परानुकम्पा विरहितत्ता लामकं। न तु उच्छेदसस्सतानं अज्जतरस्साति आह “न पना”तिआदि। दिट्ठिगतन्ति हि लद्धिमत्तं अधिप्पेतं, अज्जथा उच्छेदसस्सतग्गाहविनिमुत्तो कोचि दिट्ठिग्गाहो नाम नत्थीति तेसमज्जतरं सिया। “उप्पन्नं होती”ति इदं मनसि, वचसि च उप्पन्नतासाधारणवचनन्ति दस्सेति “न केवलज्जा”तिआदिना। सो किर...पे०... भासतियेवाति च तस्सा लद्धिया लोके पाकटभावं वदति। यस्मा पन अत्ततो अज्जो परो होति, तस्मा यथा अनुसासकतो अनुसासितब्बो परो, एवं अनुसासितब्बतोपि अनुसासकोति दस्सेतुं “परो”तिआदि वुत्तं। किं-सद्वापेक्खाय चेत्थ “करिस्सती”ति अनागतकालवचनं, अनागतेपि वा तेन तस्स कातब्बं नत्थीति दस्सनत्थं। कुसलं धम्मन्ति अनवज्जधम्मं निक्किलेसधम्मं, विमोक्खधम्मन्ति अत्थो। “परेसं धम्मं कथेस्सामी”ति तेहि अत्तानं परिवारापेत्वा विचरणं किमत्थियं, आसयवुद्धस्सपि अनुरोधेन विना तं न होति, तस्मा अत्तना...पे०... विहातब्बन्ति वदति। तेनाह “एवंसम्पदमिदं पापकं लोभधम्मं वदामी”ति।

५०४. “इत्थिलिङ्गवसेना”ति इमिना पुल्लिङ्गिकस्सपि अत्थस्स इत्थिलिङ्गसमञ्जाति दस्सेति । सोति लोहिच्चब्राह्मणो । भारोति भगवतो परिसबाहुल्लत्ता, अत्तनो च बहुकिच्चकरणीयत्ता गरु दुक्करं ।

५०८. कथाफासुकत्थन्ति कथासुखत्थं, सुखेन कथं कथेतुञ्चेव सोतुञ्चाति अत्थो । अयं उपासकोति रोसिकन्हापितं आह । अप्पेव नाम सियाति एत्थ पीतिवसेन आमेट्ठितं दट्ठब्बं । तथा हि तं “बुद्धगज्जित”न्ति वुच्चति । भगवा हि ईदिसेसु ठानेसु विसेसतो पीतिसोमनस्सजातो होति, तस्मा पीतिवसेन पठमं गज्जति, दुतियम्पि अनुगज्जति । किं विसेसं गज्जनमनुगज्जनन्ति वुत्तं “अय”न्तिआदि । आदो भासनं अल्लापो, सज्जोगे परे रस्सो । तदुत्तरि सह भासनं सल्लापो ।

लोहिच्चब्राह्मणानुयोगवण्णना

५०९. समुदयसज्जातीति आयुप्पादोति आह “भोगुप्पादो”ति । ततोति सालवतिकाय । लाभन्तरायकरोति धनधज्जलाभस्स अन्तरायकरो । अनुपुब्बो कपि-सद्वो आकङ्कनत्थोति दस्सेति “इच्छती”ति इमिना । अयं अट्ठकथातो अपरो नयो – सातिसयेन हितेन अनुकम्पको अनुगगणहनको हितानुकम्पीति । सम्पज्जतीति आसेवनलाभेन निष्पज्जति, बलवती होति अवग्गहाति अत्थो । तेन वुत्तं “नियता होती”ति ।

५१०-५११. दुतियं उपपत्तिन्ति “ननु राजा पसेनदिकोसलो”तिआदिना वुत्तं दुतियं उपपत्तिं ठानं युत्तिं । कारणज्झि भगवा उपमामुखेन दस्सेति, इमाय च उपपत्तिया तुम्हे चेव अज्जे चाति लोहिच्चम्पि अन्तोक्त्वा संवेजनं कतं होति । ये च इमे कुलपुत्ता दिब्बा गब्भा परिपाचेन्तीति योजना । उपनिस्सयसम्पत्तिया, जाणपरिपाकस्स वा अभावेन असक्कोन्ता । कम्मपदेन अतुल्याधिकरणत्ता परिपाचेन्ति किरियाय विभत्तिविपल्लासेन उपयोगत्थे पच्चत्तवचनं । ये पन “परिपच्चन्ती”ति कम्मरूपेन पठन्ति, तेसं मते विभत्तिविपल्लासेन पयोजनं नत्थि कम्मकत्तुभावतो, अत्थो पनस्स दुतियविकम्पे वुत्तनयेन दानादिपुज्जविसेसो वेदितब्बो । अहितानुकम्पादिता च तस्स तंसमङ्गीसत्तवसेन होति । दिवि भवाति दिब्बा । गब्भेन्ति परिपच्चनवसेन अत्तनि पबन्धेन्तीति गब्भा, देवल्लोका । “छन्नं देवल्लोकान”न्ति निदस्सनवचनमेतं । ब्रह्मलोकस्सापि हि दिब्बगब्भभावो लब्भतेव दिब्बविहारहेतुकत्ता । एवञ्च कत्वा “भावनं भावयमाना”ति इदम्पि वचनं समत्थितं

होति । “देवलोकगामिनिं पटिपदं पूरयमाना”ति वत्वा तं पटिपदं सरूपतो दस्सेतुं “दानं ददमाना”तिआदि वुत्तं । भवन्ति एत्थ यथारुचि सुखसमप्पिताति भवा, विमानानि । देवभावावहत्ता दिब्बा । वुत्तनयेनेव गम्भा । दानादयो देवलोकसंवत्तनिक पुञ्जविसेसा । दिब्बा भवाति इध देवलोकपरियापन्ना उपपत्तिभवा अधिप्पेता । तदावहो हि कम्मभवो पुब्बे गहितोति आह “देवलोके विपाकक्खन्धा”ति ।

तयोचोदनारहवण्णना

५१३. अनियामितेनेवाति अनियमितेनेव, “त्वं एवं दिट्ठिको, एवं सत्तानं अनत्थस्स कारको”ति एवं अनुद्देशिकेनेव । सब्बलोकपत्थटाय लद्धिया समुप्पज्जनतो याव भवग्गा उगगतं । मानन्ति “अहमेतं जानामि, अहमेतं पस्सामी”ति एवं पवत्तं पण्डितमानं । भिन्दित्वाति विधमेत्वा, जहापेत्वाति अत्थो । तयो सत्थारेति असम्पादितअत्तहितो अनोवादकरसावको च असम्पादितअत्तहितो ओवादकरसावको च सम्पादितअत्तहितो अनोवादकरसावको चेति इमे तयो सत्थारे । चतुत्थो पन सम्मासम्बुद्धो न चोदनारहो, तस्मा “तं तेन पुच्छितो एव कथेस्सामी”ति चोदनारहेव तयो सत्थारे पठमं दस्सेति, पच्छा चतुत्थं सत्थारं । कामज्वेत्थ चतुत्थो सत्था एको अदुतियो अनज्जसाधारणो, तथापि सो येसं उत्तरिमनुस्सधम्मानं वसेन “धम्ममयो कायो”ति वुच्चति, तेसं समुदायभूतोपि ते गुणावयवे सत्थुद्धानिये कत्वा दस्सेन्तो भगवा “अयम्पि खो लोहिच्च सत्था”ति अभासि ।

अज्जाति य-कारलोपनिद्देशो “सयं अभिज्जा”तिआदीसु (दी० नि० १.२८, ३७; म० नि० १.१५४, ४४४) विय, तदत्थे चेतं सम्पदानवचनन्ति दस्सेति “अज्जाया”तिआदिना । सावकत्तं पटिजानित्वा ठितत्ता एकदेसेनस्स सासनं करोन्तीति आह “निरन्तरं तस्स सासनं अकत्वा”ति । उक्कमित्वा उक्कमित्वाति कदाचि तथा करणं, कदाचि तथा अकरणञ्च सन्धाय विच्छावचनं, यदिच्छितं करोन्तीति अधिप्पायो । पटिक्कमन्तिआति अनभिरतिया अगारवेन अपगच्छन्तिआति । तेन वुत्तं “अनिच्छन्तिआति”तिआदि । एकायाति अदुतियाय इत्थिया, सम्पयोगन्ति मेथुनधम्मसमायोगं । एको इच्छेय्याति अदुतियो पुरिसो सम्पयोगं इच्छेय्याति आनेत्वा सम्बन्धो । ओसक्कनादिमुखेन इत्थिपुरिससम्बन्धनिदस्सनं गेहस्सितागेहस्सितअपेक्खवसेन तस्स सत्थुनो सावकेसु पटिपत्तिदस्सनत्थं । अतिविरत्तभावतो ददुम्पि अनिच्छमानं परम्मुखि ठितं इत्थिं । लोभेनाति परिवारं निस्साय उप्पज्जनकलाभसक्कारलोभेन । ईदिसोति एवंसभावो सत्था ।

येनाति लोभधम्मेन । तत्थ सम्पादेहीति तस्मिं पटिपत्तिधम्मे पतिट्ठितं कत्वा सम्पादेहि । कायवङ्कादिविगमेन उजुं करोहि ।

५१४. सस्सरूपकानि तिणानीति सस्ससदिसानि नीवारादितिणानि ।

५१५. एवं चोदनं अरहतीति वुत्तनयेन सावकेसु अप्पोस्सुक्कभावापादने नियोजनवसेन चोदनं अरहति, न पठमो विय “एवरूपो तव लोभधम्मो”तिआदिना, न च दुतियो विय “अत्तानमेव ताव तत्थ सम्पादेही”तिआदिना । कस्मा ? सम्पादितअत्तहितताय ततियस्स ।

नचोदनारहसत्थुवण्णना

५१६. न चोदनारहोति एत्थ यस्मा चोदनारहता नाम सत्थुविप्पटिपत्तिया वा सावकविप्पटिपत्तिया वा उभयविप्पटिपत्तिया वा होति, तयिदं सब्बम्पि इमस्मिं सत्थरि नत्थि, तस्मा न चोदनारहोति इममत्थं दस्सेतुं “अयज्जी”तिआदि वुत्तं । अस्सवाति पटिस्सवा ।

५१७. मया गहिताय दिट्ठियाति सब्बसो अनवज्जे अनुपवज्जे सम्मापटिपन्ने, परेसज्च सम्मदेव सम्मापटिपत्तिं दस्सेन्ते सत्थरि अभूतदोसारोपनवसेन मिच्छागहिताय निरयगामिनिया पापदिट्ठिया । नरकपपातन्ति नरकसङ्घातं महापपातं । पपतन्ति एत्थाति हि पपातो । धम्मदेसनाहत्थेनाति धम्मदेसनासङ्घातेन हत्थेन । सग्गामग्गथलेति सग्गगामिमग्गभूते पुज्जधम्मथले, चातुमहाराजिकादिसग्गसोतापत्तिआदिमग्गसङ्घाते वा थले । सेसं सुविज्जेय्यमेव ।

इति सुमङ्गलविलासिनिया दीघनिकायट्ठकथाय परमसुखुमग्गम्भीरदुरनुबोधत्थपरिदीपनाय सुविमलविपुलपज्जावेय्यत्तियजननाय साधुविलासिनिया नाम लीनत्थपकासनिया लोहिच्चसुत्तवण्णनाय लीनत्थपकासना ।

लोहिच्चसुत्तवण्णना निट्ठिता ।

१३. तेविज्जसुत्तवण्णना

५१८. एवं लोहिच्चसुत्तं संवण्णेत्वा इदानीं तेविज्जसुत्तं संवण्णेन्तो यथानुपुब्बं संवण्णनोकासस्स पत्तभावं विभावेतुं, लोहिच्चसुत्तस्सानन्तरं सङ्गीतस्स सुत्तस्स तेविज्जसुत्तभावं वा पकासेतुं “एवं मे सुत्तं...पे०... कोसलेसूति तेविज्जसुत्त”न्ति आह । नामन्ति नाममत्तं । दिसावाचीसद्गतो पयुज्जमानो एनसद्दो अदुरत्थे इच्छितो, तप्पयोगेन च पञ्चमियत्थे सामिवचनं, तस्मा “उत्तरेना”ति पदेन अदूरत्थजोतनं, पञ्चमियत्थे च सामिवचनं दस्सेतुं “मनसाकटतो अविदूरे उत्तरपस्से”ति वुत्तं । “दिसावाचीसद्गतो पञ्चमीवचनस्स अदूरत्थजोतनतो अदूरत्थं दस्सेतुं एनसद्देन एवं वुत्त”न्ति केचि, सत्तमियत्थे चेत्तं ततियावचनं “पुब्बेन गामं रमणीय”न्तिआदीसु विय । “अक्खरचिन्तका पन एन-सद्दयोगे अवधिवाचिनि पदे उपयोगवचनं इच्छन्ति, अत्थो पन सामिवसेनेव इच्छितो, तस्मा इध सामिवचनवसेनेव वुत्त”न्ति (दी० नि० टी० १.५१८) अयं आचरियमति । तरुणअम्बरुक्खसण्डेति तरुणम्बरुक्खसमूहे । रुक्खसमुदायस्स हि वनसमज्जा ।

५१९. कुलचारित्तादिसम्पत्तियाति एत्थ आदिसद्देन मन्तज्झेनाभिरूपतादिसम्पत्तिं सङ्गहाति । तत्थ तत्थाति तस्मिं तस्मिं देसे, कुले वा । ते निवासद्धानेन विसेसेन्तो “तत्था”तिआदिमाह । मन्तसज्झायकरणत्थन्ति आथब्बणमन्तानं सज्झायकरणत्थं । तेन वुत्तं “अज्जेसं बहून् पवेसनं निवारेत्वा”ति । नदीतीरिति अचिरवतिया नदिया तीरे ।

मग्गामग्गकथावण्णना

५२०. जङ्घचारन्ति चङ्कमेन, इतो चितो च विचरणं । सो हि जङ्घासु किलमथविनोदनत्थं चरणतो “जङ्घविहारो, जङ्घचारो”ति च वुत्तो । तेनाह पाळियं “अनुचङ्कमन्तानं अनुविचरन्तान”न्ति । चुण्णमत्तिकादि न्हाणीयसम्भारो । तेन वुत्तन्ति

उभोसुपि अनुचङ्कमनानुविचरणानं लब्धनतो एवं वुत्तं। मग्गो चेत्थ ब्रह्मलोकगमनूपायपटिपदाभूतो उजुमग्गो। इच्छितट्ठानं उजुकं मग्गति उपगच्छति एतेनाति हि मग्गो, तदञ्जो अमग्गो, अ-सद्दो वा वुद्धिअत्थो दट्ठब्बो। तथा हि “कत्तमं नु खो”तिआदिना मग्गमेव दस्सेति। पटिपदन्ति ब्रह्मलोकगामिमग्गस्स पुब्बभागपटिपदं।

अञ्जसायनोति उजुमग्गस्स वेवचनं परियायद्वयस्स अतिरेकत्थदीपनतो यथा “पदट्ठान”न्ति। दुतियविकप्पे अञ्जससद्दो उजुकपरियायो। निय्यातीति निय्यानियो, सो एव निय्यानिकोति दस्सेति “निय्यायन्तो”ति इमिना। निय्यानिको निय्यातीति च एकन्तनिय्यानं वुत्तं, गच्छन्तो हुत्वा गच्छतीति अत्थो। कस्मा मग्गो “निय्याती”ति वुत्तो नन्वेस गमने अब्यापारोति? सच्चं। यस्मा पनस्स निय्यातु-पुग्गलवसेन निय्यानभावो लब्धति, तस्मा निय्यायन्तपुग्गलस्स योनिसो पटिपज्जनवसेन निय्यायन्तो मग्गो “निय्याती”ति वुत्तो। करोतीति अत्तनो सन्ताने उप्पादेति। तथा उप्पादेन्तोयेव हि तं पटिपज्जति नाम। सह ब्येति वत्ततीति सहब्बो, सहवत्तनको, तस्स भावो सहब्यताति वुत्तं “सहभावाया”ति। सहभावोति च सलोकता, समीपता वा वेदितब्बा। तथा चाह “एकट्ठाने पातुभावाया”ति। सकमेवाति अत्तनो आचरियेन पोक्खरसातिना कथितमेव। थोमेत्वाति “अयमेव उजुमग्गो अयमञ्जसायनो”तिआदिना पसंसित्वा। तथा पग्गण्हित्वा। भारद्वाजोपि सकमेव अत्तनो आचरियेन तारुक्खेन कथितमेव आचरियवादं थोमेत्वा पग्गण्हित्वा विचरतीति योजना। तेन वुत्तन्ति यथा तथा वा अभिनिविट्ठभावेन पाळियं वुत्तं।

५२१-५२२. अनिय्यानिकावाति अप्पाटिहारिकाव, अञ्जमञ्जस्स वादे दोसं दस्सेत्वा अविपरीतत्थदस्सनत्थं उत्तररहिता एवाति अत्थो। तुलन्ति मानपत्थतुलं। अञ्जमञ्जवादस्स आदितोव विरुद्धगहणं विग्गहो, स्वेव विवदनवसेन अपरापरं उप्पन्नो विवादोति आह “पुब्बुप्पत्तिको”तिआदि। दुविधोपि एसोति विग्गहो, विवादोति द्विधा वुत्तोपि एसो विरोधो। नानाआचरियानं वादतोति नानारुचिकानं आचरियानं वादभावतो। नानावादो नानाविधो वादोति कत्वा, अधुना पन “नानाआचरियानं वादो नानावादो”ति पाठो।

५२३. एकस्सापीति तुम्हेसु द्वीसु एकस्सापि। एकस्मिन्ति सकवादपरवादेसु एकस्मिम्पि। संसयो नत्थीति “मग्गो नु खो, न मग्गो”ति विचिकिच्छा नत्थि, अञ्जसानञ्जसाभावे पन संसयो। तेन वुत्तं “एस किरा”तिआदि एवं सतीति यदि

सब्वत्थ मग्गसज्जिनो, एवं सति “**किस्मिं वो विग्गहो**”ति भगवा पुच्छति। इतिसद्देन चेत्थ आद्यत्थेन विवादो, नानावादो च सङ्गहितो।

५२४. “इच्छित्तट्ठानं उजुक्कं मग्गति उपगच्छति एतेनाति मग्गो, उजुमग्गो। तदज्जो अमग्गो, अ-सद्दो वा वुद्धिअत्थो दट्ठब्बो”ति हेट्ठा वुत्तोवायमत्थो। **अनुजुमग्गे**ति एत्थापि अ-सद्दो वुद्धिअत्थो च युज्जति। **तमेव वत्थुन्ति** सब्बेसम्पि ब्राह्मणानं मग्गस्स मग्गभावसङ्घातं, सकमग्गस्स उजुमग्गभावसङ्घातञ्च वत्थुं। **सब्बे तेति** सब्बे ते नानाआचरियेहि वुत्तमग्गा, ये पाळियं “अद्धरिया ब्राह्मणा”तिआदिना वुत्ता। अयमेत्थ पाळिअत्थो – **अद्धरो** नाम यज्जविसेसो, तदुपयोगिभावतो **अद्धरियानि** वुच्चन्ति यजून, तानि सज्झायन्तीति **अद्धरिया**, यजुवेदिनो। तित्तिरिना नाम इसिना कता मन्ताति **तित्तिरा**, ते सज्झायन्तीति **तित्तिरिया**, यजुवेदिनो एव। यजुवेदसाखा हेसा, यदिदं तित्तिरन्ति। **छन्दो** वुच्चति विसेसतो सामवेदो, तं सरेन कायन्तीति **छन्दोका**, सामवेदिनो। “**छन्दोगा**”तिपि ततियक्खरेन पठन्ति, सो एवत्थो। बहवो इरियो थोमना एत्थाति **बह्वारि**, इरुवेदो, तं अधीयन्तीति **बह्वारिज्जा**।

बह्वनीति एत्थायं उपमासंसन्दना – यथा ते नानामग्गा एकंसतो तस्स गामस्स वा निगमस्स वा पवेसाय होन्ति, एवं ब्राह्मणेहि पज्जापियमानापि नानामग्गा एकंसतो ब्रह्मलोकूपगमनाय ब्रह्मना सहब्यताय होन्तीति।

५२५. **पटिजानित्वा पच्छ निग्गहमाना अवजानन्तीति** पुब्बे निट्ठोसतं सल्लक्खमाना पटिजानित्वा पच्छ सदोसभावेन निग्गहमाना “नेतं मम वचन”न्ति अवजानन्ति, न पटिजानन्तीति अत्थो।

५२७-५२९. **ते तेविज्जाति तेविज्जका ते ब्राह्मणा**। एवसद्देन जापितो अत्थो इध नत्थीति व-कारो गहितो, सो च अनत्थकोवाति दस्सेति “**आगमसन्धिमत**”न्ति इमिना, वण्णागमेन पदन्तरसन्धिमतं कतन्ति अत्थो। **अन्धपवेणीति** अन्धपन्ति। “**पण्णाससद्धि अन्धा**”ति इदं तस्सा अन्धपवेणिया महतो गच्छगुम्बस्स अनुपरिगमनयोग्यतादस्सनं। एवज्झि ते “**सुचिरं वेलं मयं मग्गं गच्छामा**”ति सज्जिनो होन्ति। अन्धानं परम्परसंसत्तवचनेन यट्ठिगाहकविरहता दस्सिताति वुत्तं “**यट्ठिगाहकेना**”तिआदि। तदुदाहरणं दस्सेन्तेन “**एको किरा**”तिआदि आरब्धं। **अनुपरिगन्त्वाति** कच्चि कालं अनुक्कमेन

समन्ततो गन्त्वा । कच्छन्ति कच्छबन्धदुस्सकण्णं । “कच्छं बन्धन्ती”तिआदीसु (चूळव० अट्ठ० २८०; वि० सङ्ग० अट्ठ० ३४.४२) विय हि कच्छसदो निब्बसनविसेसपरियायो । अपिच कच्छन्ति उपकच्छकट्ठानं । “सम्बाधो नाम उभो उपकच्छका मुत्तकरण”न्तिआदीसु (पाचि० ८००) विय हि कायेकदेसवाचको कच्छसदो । चक्खुमाति यट्ठिगाहकं वदति । “पुरिमो”तिआदि यथावुत्तक्कमेन वेदितब्बो । नामकञ्जेवाति अत्थाभावतो नाममत्तमेव, तं पन भासितं तेहि सारसज्जितम्पि नाममत्तताय असारभावतो निहीनमेवाति अत्थमत्तं दस्सेति “लामकंयेवा”ति इमिना ।

५३०. योति ब्रह्मलोको । यतोति भुम्मत्थे निस्सक्कवचनं । सामञ्जजोतनाय विसेसे अवतिट्ठनतो विसेसपरामसनं दस्सेतुं “यस्मिं काले”ति वुत्तं । “उग्गमनकाले”तिआदिना पकरणाधिगतमाह । आयाचन्तीति उग्गमनं पत्थेन्ति । कस्मा ? लोकस्स बहुकारभावतो । तथा थोमनादीसु । सोम्पोति सीतलो । अयं किर ब्राह्मणानं लद्धि “पुब्बेब्राह्मणानमायाचनाय चन्दिमसूरिया”गन्त्वा लोके ओभासं करोन्ती”ति ।

५३२. इध पन किं वत्तब्बन्ति इमस्मिं पन अप्पच्चक्खभूतस्स ब्रह्मनो सहब्यताय मग्गदेसने तेविज्जानं ब्राह्मणानं किं वत्तब्बं अत्थि, ये पच्चक्खभूतानम्पि चन्दिमसूरियानं सहब्यताय मग्गं देसेतुं न सक्कोन्तीति अधिप्पायो । “यत्था”ति इमिना “इधा”ति वुत्तमेवत्थं पच्चामसति ।

अचिरवतीनदीउपमाकथावण्णना

५४२. समभरिताति सम्पुण्णा । ततो एव काकपेय्या । पाराति पारिमतीर, आलपनमेतन्ति दस्सेतुं “अम्भो”ति वुत्तं । अपारन्ति ओरिमतीरं । एहीति आगच्छाहि । वताति एकंसेन । अथ गमिस्ससि, एवं सति एहीति योजना । “अत्थिमे”तिआदि अट्ठानकारणं ।

५४४. पञ्चसील...पे०... वेदितब्बा यमनियमादिब्राह्मणधम्मनं तदन्तो गधभावतो । तब्बिपरीताति पञ्चसीलादिविपरीता पञ्चवेरादयो । इन्दन्ति इन्दनामकं देवपुत्तं, सक्कं वा । “अचिरवतिया तीरे निसिन्नो”ति इमिना यस्सा तीरे निसिन्नो, तदेव उपमं कत्वा आहरति

धम्मराजा धम्मधातुया सुप्पटिविद्धत्ताति दस्सेति । “पुनपी”ति वत्वा “अपरम्पी”ति वचनं इतरायपि नदीउपमाय सङ्गणहनत्थं ।

५४६. कामयितब्बहेनाति कामनीयभावेन । बन्धनहेनाति कामयितब्बतो सत्तानं चित्तस्स आबन्धनभावेन । कामञ्चायं गुणसद्दो अत्थन्तरेसुपि दिट्ठपयोगो, तेसं पनेत्थ असम्भवतो पारिसेसजायेन बन्धनहेयेव युत्तोति दस्सेतुं अयमत्थुद्धारो आरब्धो । अहतानन्ति अधोतानं अभिनवानं । एत्थाति खन्धकपाळिपदे पटलहेति पटलसद्दस्स, पटलसद्द्वतो वा अत्थो । गुणहेति गुणसद्दस्स अत्थो नाम । एस नयो सेसेसुपि । अच्चेन्तीति अतिक्कम्म पवत्तन्ति । एत्थाति सोमनस्सजातकपाळिपदे । दक्खिणाति तिरच्छानगते दानचेतना । एत्थाति दक्खिणविभङ्गसुत्तपदे (म० नि० ३.३७९) मालागुणेति मालादामे । एत्थाति सतिपट्टान- (दी० नि० २.३७८; म० नि० १.१०९) -धम्मपदपाळिपदेसु, (ध० प० ५३) निदस्सनमत्तज्वेतं कोट्टासापधानसीलादिसुक्कादिसम्पदाजियासुपि पवत्तनतो । होति चेत्थ –

“गुणो पटलरासानिसंसे कोट्टासबन्धने ।

सीलसुक्काद्यपधाने, सम्पदाय जियाय चा”ति ।।

एसेवाति बन्धनहे एव । न हि रूपादीनं कामेतब्बभावे वुच्चमाने पटलहे युज्जति तथा कामेतब्बताय अनधिप्पेतत्ता । रासट्टादीसुपि एसेव नयो । पारिसेसतो पन बन्धनहेव युज्जति । यदग्गेन हि नेसं कामेतब्बता, तदग्गेन बन्धनभावोति ।

कोट्टासहेपि चेत्थ युज्जतेव चक्खुविज्जेय्यादिकोट्टासभावेन नेसं कामेतब्बतो । कोट्टासे च गुणसद्दो दिस्सति “दिगुणं वहेतब्ब”न्तिआदीसु विय ।

“असङ्खयेय्यानि नामानि, सगुणेन महेसिनो ।

गुणेन नाममुत्थेय्यं, अपि नामसहस्सतो”ति ।। (ध० स० अट्ठ० १३१३;

उदा० अट्ठ० ५३; पटि० म० अट्ठ० १.१.७६) –

आदीसु पन सम्पदाहे गुणसद्दो, सोपि इध न युज्जतीति अनुद्धतो ।

दस्सनमेव इध विजाननन्ति आह “पस्सितब्बा”ति । “सोतविज्जाणेन

सोतब्बा'तिआदिअत्थं “एतेनुपायेना”ति अतिदिसति । गवेसितापि “इद्धा”ति वुच्चन्ति, ते इध नाधिप्पेताति दस्सेतुं “परियिद्धा वा होन्तु मा वा”ति वुत्तं । इच्छिता एव हि इध इद्धा, तेनाह “इद्धारम्मणभूता”ति, सुखारम्मणभूताति अत्थो । कामनीयाति कामेतब्बा । इद्धभावेन मनं अप्पयन्ति वट्ठेन्तीति मनापा । पियजातिकाति पियसभावा । आरम्मणं कत्वाति अत्तानमारम्मणं कत्वा । कम्मभूते आरम्मणे सति रागो उप्पज्जतीति तं कारणभावेन निदस्सेन्तो “रागुप्पत्तिकारणभूता”ति आह ।

गेधेनाति लोभेन । अभिभूता हुत्वा पञ्च कामगुणे परिभुज्जन्तीति योजना । मुच्छाकारन्ति मोहनाकारं । अधिओसन्नाति अधिगय्ह अज्झोसाय अवसन्ना । तेन वुत्तं “ओगाब्हा”ति । सानन्ति अवसानं । परिनिट्ठानप्पत्ताति गिलित्वा परिनिट्ठापनवसेन परिनिट्ठानं उय्याता । आदीनवन्ति कामपरिभोगे सम्पति, आयतिज्च दोसं अपस्सन्ता । घासच्छादनादिसम्भोगनिमित्तसंकिलेसतो निस्सरन्ति अपगच्छन्ति एतेनाति निस्सरणं, योनिस्सो पच्चवेक्खित्वा तेसं परिभोगपज्जा । तदभावतो अनिस्सरणपज्जाति अत्थं दस्सेन्तो “इदमेत्था”तिआदिमाह । पच्चवेक्खणपरिभोगविरहिताति यथावुत्तपच्चवेक्खणजाणेन परिभोगतो विरहिता ।

५४८-९. आवरन्तीति कुसलधम्मुप्पत्तिं आदितो वारेन्ति । निवारेन्तीति निरवसेसतो वारयन्ति । ओनन्धन्तीति ओगाहन्ता विय छादेन्ति । परियोनन्धन्तीति सब्बसो छादेन्ति । आवरणादीनं वसेनाति यथावुत्तानं आवरणादिअत्थानं वसेन । ते हि आसेवनबलवताय पुरिमपुरिमेहि पच्छिमपच्छिमा दळ्हततरतमादिभावप्पत्ता ।

संसन्दनकथावण्णना

५५०. इत्थिपरिग्गहे सति पुरिसस्स पञ्चकामगुणपरिग्गहो परिपुण्णो एव होतीति वुत्तं “इत्थिपरिग्गहेन सपरिग्गहो”ति । “इत्थिपरिग्गहेन अपरिग्गहो”ति च इदं तेविज्जब्राह्मणेसु दिस्समानपरिग्गहानं दुट्ठुल्लतमपरिग्गहाभावदस्सनं । एवं भूतानं तेविज्जानं ब्राह्मणानं का ब्रह्मना संसन्दना, ब्रह्मा पन सब्बेन सब्बं अपरिग्गहोति । वेरचित्तेन अवेरो, कुतो एतस्स वेरपयोगोति अधिप्पायो । चित्तगेलज्जसङ्घातेनाति चित्तुप्पादगेलज्जसज्जितेन, इमिना तस्स रूपकायगेलज्जभावो वुत्तो होतीति । व्यापज्जेनाति दुक्खेन । उद्धचकुवकुच्चादीहीति एत्थ आदिसद्देन तदेकट्ठा संकिलेसधम्मा सङ्गयहन्ति । अतोयेवेत्थ

“उद्धच्चकुक्कुच्चाभावतो”ति तदुभयाभावमत्तहेतुवचनं समत्थितं होति । अप्पटिपत्तिहेतुभूताय विचिकिच्छाय सति न कदाचि चित्तं पुरिसस्स वसे वत्तति, पहीनाय पन ताय सिया चित्तस्स पुरिसवसे वत्तनन्ति आह “विचिकिच्छाया”तिआदि । चित्तगतिकाति चित्तवसिका । तेन वुत्तं “चित्तस्स वसे वत्तन्ती”ति । न तादिसोति ब्राह्मणा विय न चित्तवसिको होति, अथ खो वसीभूतज्ञानाभिज्जताय चित्तं अत्तनो वसे वत्तेतीति वसवती ।

५५२. ब्रह्मलोकमग्गेति ब्रह्मलोकगामिमग्गे पटिपज्जितब्बे, पज्जापेतब्बे वा, तं पज्जापेन्ताति अधिप्पायो । उपगन्त्वाति मिच्छापटिपत्तिया उपसङ्कमित्वा, पटिजानित्वा वा । समतलन्ति सज्जायाति मत्थके एकङ्गुलं वा उपह्हुङ्गुलं वा सुक्खताय समतलन्ति सज्जाय । पङ्कं ओतिण्णा वियाति अनेकपोरिसं महापङ्कं ओतिण्णा विय । अनुप्पविसन्तीति अपायमग्गं ब्रह्मलोकमग्गसज्जाय ओगाहन्ति । ततो एव संसीदित्वा विसादं पापुणन्ति । एवन्ति “समतल”न्तिआदिना वुत्तनयेन । संसीदित्वाति निमुज्जित्वा । मरीचिकायाति मिगतण्हिकाय कत्तुभूताय । वज्जेत्वाति नदीसदिसं पकासनेन वज्जेत्वा । वायमानाति वायममाना, अयमेव वा पाठो । सुक्खतरणं मज्जे तरन्तीति सुक्खनदीतरणं तरन्ति मज्जे । अभिन्नेपि भेदवचनमेतं । तस्माति यस्मा तेविज्जा अमग्गमेव “मग्गो”ति उपगन्त्वा संसीदन्ति, तस्मा । यथा तेति ते “समतल”न्ति सज्जाय पङ्कं ओतिण्णा सत्ता हत्थपादादीनं संभज्जनं परिभज्जनं पापुणन्ति यथा । इधेव चाति इमस्मिञ्च अत्तभावे । सुखं वा सातं वा न लभन्तीति ज्ञानसुखं वा विपस्सनासातं वा न लभन्ति, कुतो मग्गसुखं वा निब्बानसातं वाति अधिप्पायो । मग्गदीपकन्ति “मग्गदीपक” मिच्चेव तेहि अभिमत्तं । तेविज्जकन्ति तेविज्जत्थजापकं । पावचनन्ति पकडुवचनसम्मत्तं पाठं । तेविज्जानं ब्राह्मणानन्ति सम्बन्धे सामिवचनं । इरिणन्ति अरज्जानिया इदं अधिवचनन्ति आह “अगामकं महारज्ज”न्ति । अनुपभोगरुक्खेहीति मिगरुरुआदीनमपि अनुपभोगारहेहि किं पक्कादिविसरुक्खेहि । यत्थाति यस्मिं वने । परिवत्तितुम्पि न सक्का होन्ति महाकण्टकगच्छगहनताय । जातीनं ब्यसनं विनासो जातिव्यसनं । एवं भोगसीलव्यसनेसुपि । रोगो एव ब्यसति विबाधतीति रोगव्यसनं । एवं दिट्ठिव्यसनेपि ।

५५४. ननु जातसद्देनेव अयमत्थो सिद्धोति चोदनमपनेति “यो ही”तिआदिना । जातो हुत्वा संवट्ठितो जातसंवट्ठोति आचरियेन (दी० नि० टी० १.५५४) वुत्तं, जातो च सो संवट्ठो चाति जातसंवट्ठोति पन युज्जति विसेसनपरनिपातत्ता । न सब्बसो पच्चक्खा होन्ति परिचयाभावतो । चिरनिक्खन्तोति निक्खन्तो हुत्वा चिरकाले । चिरं निक्खन्तस्स

अस्साति हि चिरनिक्खन्तो। “जातसंवद्दो”ति पदद्वयेन अत्थस्स परिपुण्णाभावतो “तमेन”न्ति कम्मपदं “तावदेव अवसट्”न्ति पुन विसेसेतीति वुत्तं होति। दन्थायित्तन्ति विस्सज्जने मन्दत्तं सणिकवुत्ति, तं पन संसयवसेन चिरायनं नाम होतीति आह “कङ्कावसेन चिरायित्त”न्ति। वित्थायित्तन्ति सारज्जितत्तं। अट्ठकथायं पन वित्थायित्तं नाम थम्भित्तन्ति अधिप्पायेन “थद्धभावगहण”न्ति वुत्तं। अप्पटिहत्तभावं दस्सेति तस्सेव अनावरणजाणभावतो। नन्वेतम्पि अन्तरायपटिहत्तं सियाति आसङ्गं परिहरति “तस्स ही”तिआदिना। मारावट्टनादिवसेनाति एत्थ चक्खुमोहमुच्छाकालादि सङ्गय्हति। न सक्का तस्स केनचि अन्तरायो कातुं चतूसु अनन्तरायिकधम्मेषु परियापन्नभावतो।

५५५. उड्चुपसग्गयोगे लुप्पसद्दो, लुपिसद्दो वा उद्धरणत्थो होतीति वुत्तं “उद्धरू”ति। उपसग्गविसेसेन हि धातुसद्दा अत्थविसेसवुत्तिनो होन्ति यथा “आदान”न्ति। पजासद्दो पकरणाधिगतत्ता दारकविसयोति आह “ब्राह्मणदारक”न्ति।

ब्रह्मलोकमगगदेसनावण्णना

५५६-७. “अपुब्बन्ति इमिना संवण्णेत्तब्बताकारणं दीपेति। यस्स अतिसयेन बलं अत्थि, सो बलवाति वुत्तं “बलसम्पन्नो”ति। सङ्गं धमेतीति सङ्गधम्मको, सङ्गं धमयित्वा ततो सद्दपवत्तको। “बलवा”तिआदिविसेसनं किमत्थियन्ति आह “दुब्बलो ही”तिआदि। बलवतो पन सङ्गसद्दोति सम्बन्धो। अप्पनाव वट्टति पटिपक्खतो सम्मदेव चेतसो विमुत्तिभावतो, तस्मा एवं वुत्तन्ति अधिप्पायो।

पमाणकत्तं कम्मं नाम कामावचरं वुच्चति पमाणकरानं संकिलेसधम्मानं अविक्खम्भनतो। तथा हि तं ब्रह्मविहारपुब्बभागभूतं पमाणं अतिक्कमित्वा ओदिस्सकानोदिस्सकदिसाफरणवसेन वट्टेतुं न सक्का। वुत्तविपरियायतो पन रूपारूपावचरं अप्पमाणकत्तं कम्मं नाम। तेनाह “तज्जी”तिआदि। तत्थ अरूपावचरे ओदिस्सकानोदिस्सकवसेन फरणं न लब्धति, तथा दिसाफरणञ्च। केचि पन “तं आगमनवसेन लब्धती”ति वदन्ति, तदयुत्तं। न हि ब्रह्मविहारनिस्सन्दो आरुप्पं, अथ खो कसिणनिस्सन्दो, तस्मा यं सुभावितं वसीभावं पापितं आरुप्पं, तं अप्पमाणकत्तन्ति दट्ठब्बं। “यं वा सातिसयं ब्रह्मविहारभावनाय अभिसङ्कतेन सन्तानेन निब्बत्तितं, यञ्च

ब्रह्मविहारसमापत्तितो वुट्ठाय समापन्नं अरूपावचरज्झानं, तं इमिना परियायेन फरणपमाणवसेन अप्पमाणकत'न्ति अपरे । वीमंसित्वा गहेतब्बं ।

रूपावचरारूपावचरकम्मेति रूपावचरकम्मे च अरूपावचरकम्मे च सति । न ओहीयति न तिड्ढतीति कतूपचितम्पि कामावचरकम्मं यथाधिगते महग्गतज्झाने अपरिहीने तं अभिभवित्वा पटिबाहित्वा सयं ओहीयकं हुत्वा पटिसन्धिं दातुं समत्थभावे न तिड्ढति । “न अवसिस्सती”ति एतस्स हि अत्थवचनं “न ओहीयती”ति, तदेतं “न अवतिड्ढती”ति एतस्स विसेसवचनं, परियायवचनं वा । तेनाह “किं वुत्तं होती”तिआदि । **लग्गितु**न्ति आवरितुं निसेधेतुं । ठातुन्ति पटिबलं हुत्वा पतिट्ठातुं । **फरित्वा**ति पटिफरित्वा । **परियादियित्वा**ति तस्स सामत्थियं खेपेत्वा । **ओकासं गहेत्वा**ति विपाकदानोकासं गहेत्वा, इमिना “लग्गितुं वा ठातुं वा”ति वचनमेव वित्थारेतीति दट्ठब्बं । “अथ खो”तिआदि अत्थापत्तिदस्सनं । कम्मस्स परियादियनं नाम तस्स विपाकुप्पादनं निसेधेत्वा अत्तनो विपाकुप्पादनमेवाति आह “तस्सा”तिआदि । तस्साति कामावचरकम्मस्स **विपाकं पटिबाहित्वा** । **सयमेवा**ति रूपावचरकम्ममेव । **ब्रह्मसहब्बतं उपनेति** असति तादिसानं चेतोपणिधिविसेसेति अधिप्पायो । तिस्सब्रह्मादीनं विय हि महापुज्जानं चेतोपणिधिविसेसेन महग्गतकम्मं परित्तकम्मस्स विपाकं न पटिबाहतीति दट्ठब्बं ।

अथ महग्गतस्स गरुककम्मस्स विपाकं पटिबाहित्वा परित्तं लहुककम्मं कथमत्तनो विपाकस्स ओकासं करोतीति ? तीसुपि किर **विनयगण्ठिपदेसु** एवं वुत्तं “निकन्तिबलेनेव ज्ञानं परिहायति, ततो परिहीनज्ञानत्ता परित्तकम्मं लद्धोकास”न्ति । केचि पन वदन्ति “अनीवरणावत्थाय निकन्तिया ज्ञानस्स परिहानि वीमंसित्वा गहेतब्बा”ति । इदमेत्थ युत्तरकारणं – असतिपि महग्गतकम्मनो विपाकपटिबाहनसमत्थे परित्तकम्मे “इज्झति भिक्खवे सीलवतो चेतोपणिधि विसुद्धत्ता सीलस्सा”ति (दी० नि० १.५०४; सं० नि० २.४.३५२; अ० नि० ३.८.३५) वचनतो कामभावे चेतोपणिधि महग्गतकम्मस्स विपाकं पटिबाहित्वा परित्तकम्मनो विपाकोकासं करोतीति । एवं **मेत्तादिविहारी**ति वुत्तनयेन अप्पनापत्तानं मेत्तादीनं ब्रह्मविहारानं वसेन विहारी ।

५५९. पठममुपनिधाय दुतियं, किमेतं, यमुपनिधीयतीति वुत्तं “**पठममेवा**”तिआदि । **मज्झिमपण्णासके** सङ्गीतन्ति अज्झाहरित्वा सम्बन्धो । पुनप्पुनं सरणगमनं दळ्ढतरं, महप्फलतरञ्च, तस्मा दुतियम्पि सरणगमनं कतन्ति वेदितब्बं । **कतिपाहच्येनाति**

द्वीहतीहच्चयेन । पब्बजित्वाति सामणेरपब्बज्जं गहेत्वा । अग्गञ्जसुत्तम्पि (दी० नि० ३.११२) अमुंयेव वासेट्ठमारब्ध कथेसि, नाञ्जन्ति आपेतुं “अग्गञ्जसुत्ते”तिआदि वुत्तं । तत्थ आगतनयेन उपसम्पदञ्चेव अरहत्तञ्च अलत्थुं पटिलभिसूति अत्थो । यमेत्थ अत्थतो न विभत्तं, तदेतं सुविज्जेय्यमेव ।

इति सुमङ्गलविलासिनिया दीघनिकायट्ठकथाय परमसुखुमगम्भीरदुरनुबोधत्थपरिदीपनाय सुविमलविपुलपञ्जावेय्यत्तियजननाय अज्जवमद्वसोरच्चसद्धासतिधितिबुद्धिखन्तिवीरियादि-धम्मसमङ्गिना साट्ठकथे पिटकत्तये असङ्गासंहीरविसारदजाणचारिना अनेकप्पभेदसकसमय-समयन्तरगहनज्झोगाहिना महागणिना महावेय्याकरणेन जाणाभिवंसधम्मसेनापतिनामथेरेन महाधम्मराजाधिराजगरुना कताय साधुविलासिनिया नाम लीनत्थपकासिनिया तेविज्जसुत्तवण्णनाय लीनत्थपकासना ।

तेविज्जसुत्तसंवण्णना निदिता ।

तत्रिदं साधुविलासिनिया साधुविलासिनित्तस्मिं होति —

व्यञ्जनञ्चेव अत्थो च, विनिच्छयो च सब्बथा ।
साधकेन विना वुत्तो, नत्थि चेत्थ यतो ततो ॥

सम्पस्सतं सुधीमतं, साधूनं चित्ततोसनं ।
करोति विविधं सायं, तेन साधुविलासिनीति ॥

निगमनकथा

एत्तावता च -

सद्धम्मे पाटवत्थाय, सासनस्स च वुद्धिया ।
वण्णना या समारद्धा, सीलकखन्धकथाय सा ॥

साधुविलासिनी नाम, सब्बसो परिनिट्ठिता ।
पण्णासाय साधिकाय, भाणवारप्पमाणतो ॥

अनेकसेतिभिन्दो यो, अनन्तबलवाहनो ।
सिरीपवरादिनामो, राजा नानारट्टिस्सरो ॥

जम्बुदीपतले रम्मे, मरम्मविसये अका ।
तम्बदीपरट्टे पुरं, अमरपुरनामकं ॥

मण्डलाचलसामन्तं, एरावतीनदिस्सितं ।
नानाजनानमावासं, हेमपासादलङ्कितं ॥

तत्राभिसेकपत्तो सो, रज्जं कारेसि धम्मतो ।
राजागारमहाथूपं, अकासि सम्पसादनं ॥

उद्धम्मं उब्बिनयच्च, पहाय जिनसासनं ।
विसोधेसि यथाभूतं, सततं दळ्हमानसो ॥

तेनेव कारिते रम्मे, छायूदकसमप्पिते ।
द्विपाकारपरिक्खित्ते, भावनाभिरतारहे ॥

महामुनिसमज्जा या, सम्बुद्धसम्मुखा कता ।
पटिमा तंपासादम्हा, उजुआसन्नदक्खिणे ॥

असोकारामआरामे, पञ्चभूमिमहालये ।
रतनभूमिकिति व्हये, धम्मपासादलङ्कते ॥

तथा दक्खिणदेविया, नगरसमीपे कते ।
पुब्बुत्तरे जयभूमि-कित्ताभिधानकेपि च ॥

तथेवुत्तरदेविया, नगरब्भन्तरे कते ।
सोण्णगुहथूपन्तिके, परिमाणकनामके ॥

तथा च उपराजेन, कते नगरपच्छिमे ।
महागुहथूपन्तिके, मङ्गलावासनामके ॥

इति सोण्णविहारेसु, वसंनेकेसु वारतो ।
सक्कतो सब्बराजूनं, तिक्खत्तुं लद्धलञ्छनो ॥

जाणाभिवंसधम्मसेनापतीति सुविख्यातो ।
द्वेविभङ्गादिधारणा, उपज्झाचरियतं पत्तो ॥

लङ्कादीपागतानम्पि, परदीपनिवासिनं ।
भिक्खूनं वाचको धम्मं, पटिपत्तिं नियोजको ॥

यं निस्साय विसोधेसि, सासनं एस भूपति ।
अथब्बज्जनसम्पन्नं, सो'कासि वण्णनं इमं ॥

सम्बुद्धपरिनिब्बाना, पञ्चतालीसके'द्धके ।
तिसते द्विसहस्से च, सम्पत्ते सा सुनिद्धिता ॥

पेटकालङ्कारक्कयं, नेत्तिसंवण्णनं सुभं ।
इमञ्च सङ्खरोन्तेन, यं पुज्जं पसुतं मया ॥

अज्जम्पि तेन पुज्जेन, पत्तान बोधिमुत्तमं ।
तारयित्वा बहू सत्ते, मोचेय्यं भवबन्धना ।।

सदा रक्खन्तु राजानो, धम्मेनेव पजं इमं ।
निरता पुज्जकम्मेसु, जोतेन्तु जिनसासनं ।।

इमे च पाणिनो सब्बे, सब्बदा निरुपह्वा ।
निच्चं कल्याणसङ्कप्पा, पप्पोन्तु अमतं पदन्ति ।।

इति दीघनिकायट्ठकथाय सीलखन्धवग्गसंवण्णनाय

साधुविलासिनी नाम अभिनवटीका समत्ता ।

सीलखन्धवग्गअभिनवटीका निद्धिता ।

सदानुक्कमणिका

अ

अकटविधाति - ४४
 अकथेन्तीति - ६
 अकथंकथीति - ११०
 अकरणसीलोति - २६५
 अकल्याणजनन्ति - ४४
 अकिच्चकारकसमापत्तितो - ३३४
 अकिरियदिट्टिको - ४१
 अकिरियवादा - ४१
 अकुटिलचित्तेसु - २७८
 अकुसलचित्तुप्पादो - ११२
 अकुसलधम्मसङ्घातो - १४६, १६६
 अकुसलाति - ३०८
 अक्खरचिन्तकाति - १४७
 अक्खरप्पभेदो - १९१
 अक्खित्तोति - २४७
 अक्खिदलन्ति - ८१
 अगणाति - २४६
 अगारवोति - २३
 अगगञ्जानि - २८४
 अगगदक्खिण्योति - १५७
 अगगब्राह्मणोति - १८०
 अगगभिक्खन्ति - ३१२
 अगगसावकानं - ७७
 अगगलं - ८५
 अग्गिजुहनन्ति - २७३

अग्गिधमनकं - २३१
 अग्गिपक्विका - २३३
 अग्गिसालन्ति - २३३
 अग्गिहोमो - २२८
 अग्गेति - ३०, १६५, २२४, २९१
 अङ्गुलिपब्बानीति - २५२
 अङ्गोति - ७
 अङ्ग - ६८, १००, १२९, २०६, २४६, ३३३
 अचलाति - २७१
 अचलो - २०२
 अचिरपरिनिब्बुतो - ३५४
 अचिरूपसम्पन्नो - ३२२
 अचेलोति - ३०४
 अचोपेत्वाति - २४१
 अच्चन्तविसुद्धताय - ३१६
 अच्चन्तसुखुमगम्भीरं - ३३८
 अच्चयो - १६५, १६६
 अच्चायिकं - ११३
 अच्चेन्तीति - ३७८
 अच्छरियब्भुतधम्मताय - २०४
 अच्छादनं - ४८
 अच्छादेत्वाति - ६६
 अच्छिद्दकपाठका - ३०
 अच्छिन्दित्वाति - ७, २४१
 अच्छम्भी - १०१
 अजातसत्तु - ५, १३
 अजितोति - १५
 अजिनक्खिपं - ३१३

अजिनं - ३१३
 अज्जतनायाति - १०२
 अज्जतनं - २४१
 अज्जतन्ति - १६५
 अज्जभावन्ति - १६५
 अज्झासयो - १९७
 अज्जनानन्ति - ३५४
 अज्जलन्ति - १६७
 अज्जतिथियो - ३२१
 अज्जाति - ३१६, ३३५, ३७२
 अज्जासिकोण्डज्जोति - १५
 अहोति - १०४, ३६१
 अहुकथानयतो - १९०
 अहुकथापमाणतो - २१२, ३५८
 अहुक्किोति - २९४
 अहुपरिक्खारिको - १००
 अहुसमापत्तिवसेन - ३०९
 अहुसरसहिरज्जकोटीहेव - ३२४
 अहुतेळस - ५
 अहुयोगोति - १०४
 अण्णो - ११०
 अणूति - ६६
 अतिथीति - ८२
 अतिहरणं - ७८, ७९, ९२
 अतुरितचारिका - १७६
 अतुरितोति - २१२
 अतुलोति - २५१
 अत्यन्तरविज्जापनन्ति - ४९
 अत्यसिद्धि - २१०, २११
 अत्यापत्तिदस्सनं - ३२७, ३८२
 अत्यिकवादो - ४१
 अत्यिका - ४१
 अत्युद्धारोतिपि - १०
 अत्तकामा - ७५
 अत्तकिलमथानुयोगमनुयुत्ता - ३७
 अत्तकिलमथानुयोगो - ३०५

अत्तदिट्ठि - ३३९
 अत्तन्तपो - ३२९
 अत्तपटिलाभोति - ३४८, ३४९, ३५०
 अत्तपरिच्चजनं - १५५
 अत्तभावसमिद्धिया - २४५
 अत्तसन्निय्यातनं - १५४
 अत्ताति - १५९, ३२२, ३३९, ३४०, ३४१
 अदिट्ठजोतनापुच्छा - ३५७
 अदिट्ठभेदवता - ३०१
 अदिन्नादाना - २८१
 अदुक्खमसुखभूमीति - ३६
 अदोसोति - १६१
 अद्धरिया - ३७६
 अद्धुवा - २४२
 अधम्मकारी - २६५
 अधम्मेनाति - १६६
 अधिओसन्नाति - ३७९
 अधिकरूपोति - २४८
 अधिगणहन्तीति - १६०
 अधिगतज्ञानं - ३३४
 अधिगमुपायं - ६६
 अधिचित्तन्ति - ९७
 अधिचित्तसुखन्ति - ७०
 अधिचित्तानुयोगो - ७०
 अधिद्वानकिच्चं - ३३४
 अधिपज्जासिक्खा - ३३१
 अधिप्पायोति - १६
 अधिमत्तं - १११
 अधिवत्थाति - १०२
 अधिविमुत्तीति - ३१८
 अधिसीलन्ति - ३१६, ३१७
 अधीनोति - १११
 अधीयतीति - १९२
 अनङ्गणसुत्तटीकायं - ३५२
 अनत्थकरोति - ११४
 अनत्तानुपस्सना - ३०९

अननुस्सुतोति - १५
 अनन्तकानीति - ९८
 अनन्तरायिकधम्मेषु - ३८१
 अनभिरतो - २१
 अनरियो - ३०५
 अनवट्टितचित्ता - ३४०
 अनवयोति - १९४
 अनवसेसनिरोधं - ३६५
 अनाकिण्णन्ति - १०३
 अनागतवंससंवण्णनायं - १९८
 अनागामिउपासको - ३२१
 अनागामिफला - ५५
 अनागामिमग्गो - १४८
 अनागामी - ३३६
 अनाधपिण्डिको - ३००, ३२४
 अनावरणदस्सावी - २७
 अनाविलोति - १३९
 अनासवोति - २७८
 अनिच्चधम्मोति - १२४
 अनिच्चन्ति - ३०९
 अनिच्चसञ्जमेव - ३६२
 अनिच्चानुपस्सनाय - १०९
 अनिच्चोति - ४६
 अनिद्वफलोति - १६१
 अनित्थिगन्धाति - २३७
 अनियमेत्वाति - २१५
 अनिय्यानिका - ३४४
 अनिस्सरणपञ्जाति - ३७९
 अनुकुल्यञ्जानीति - २७५
 अनुगताति - ११९
 अनुजानामि - ७६
 अनुजुमग्गेति - ३७६
 अनुद्वभित्वाति - ८
 अनुत्तरन्ति - ५८, ३१६
 अनुद्धतचित्तो - ५१
 अनुपक्किलिद्धाति - २५८

अनुपदधम्मविपस्सनाहे - ३३३
 अनुपादानोति - १३९
 अनुपादिसेसनिब्बानधातुवसेन - ६१
 अनुप्पविसन्तीति - ३८०
 अनुप्पादनिरोधो - १५८, ३३१, ३६९
 अनुमतियाति - २६८
 अनुसासनीपाटिहारियं - ३६४, ३६५
 अनुहसन्तीति - २१८
 अनोतत्तदहे - २७१
 अन्तकरन्ति - २७
 अन्तरन्तराति - १४०
 अन्तराभत्तेति - ७४
 अन्तलिक्खे - १०२
 अन्तेति - ३३६
 अन्तोक्खि - २२६
 अन्तोजातो - ४६, २७४
 अन्तोमण्डलन्ति - १७६
 अन्धपवेणीति - ३७६
 अन्धबालन्ति - ३२१
 अन्धाति - ३७६
 अन्धसमासन्ति - १२०
 अपचितिकम्मन्ति - २१७
 अपच्चाति - २१५
 अपतनधम्मोति - २९३
 अपनामेन्तोति - ७१
 अपरद्धन्ति - ३२७
 अपरप्पच्चयो - ३२२
 अपराधोति - १६५, १६६
 अपरिकखीणन्ति - १८७
 अपरिपतन्तन्ति - ४
 अपरिसुद्धोति - २२८
 अपलिखतीति - ३११
 अपलिबुद्धायाति - २४९
 अपसादेस्सामीति - २१४
 अपापपुरेक्खारोति - २५३, २५४
 अपायगामिमग्गो - १४६

अपायभूमिन्ति - १६०
 अपायमग्गं - ३८०
 अपायविनिमुत्तकं - १४८
 अपारन्ति - ३७७
 अपारुता - १४
 अपेक्खासिद्धि - २९१
 अप्पकेनपीति - २६६
 अप्पटिकूलन्ति - १४९
 अप्पतिट्ठा - १३९
 अप्पतिट्ठाभावो - १३९
 अप्पत्थतरोति - २७५
 अप्पनालक्खणो - ११७
 अप्पनासमाधि - ११७
 अप्पनासमाधिनाति - ११७
 अप्पनासुखं - ११७
 अप्पनिग्घोसन्ति - १०३
 अप्पपुञ्जतायाति - ३०५
 अप्पमादो - ३२२
 अप्पवत्ति - ३४२
 अप्पसहन्ति - १०३, ३२७
 अप्पाटिहीरकं - ३४६
 अप्पोदकन्ति - ३५५
 अब्भन्तरन्ति - २७३
 अब्भानुमोदनेति - १४३
 अब्भोकासोति - ६५, १०७
 अब्बापज्झन्ति - २८४
 अब्बासेकसुखन्ति - ७०
 अब्रह्मचरिया - २८१
 अभयगिरिवासिनो - ७१
 अभयाति - २६७
 अभिक्कन्ततरोति - १४३
 अभिजाननायाति - ३४२
 अभिज्झा - १०८
 अभिज्जातकोलज्जो - २१२
 अभिज्जाति - ५९
 अभिज्जादेसनाय - ३५८

अभिधम्मो - १०५, १०९
 अभिनीहरतीति - १२४
 अभिभूतत्ताति - ३४१
 अभिमारेति - २२
 अभिरूपेति - १४३
 अभिसङ्गतभावं - ३५६
 अभिसङ्करोतीति - ३३४, ३३५
 अभिसज्जानिरोधो - ३३२
 अभिसन्देतीति - ११७
 अभिसम्परायोति - ३९
 अभिसम्बुद्धोति - १७०
 अभिसम्बोधि - १६
 अभिसेकविधानविनिच्छयो - ६८
 अभिहरन्तोति - ७१
 अभिहारोति - ४८
 अभिहितकम्मं - २७४
 अभेददस्सनं - १५७
 अमक्खेत्वाति - ६३
 अमलीनचित्ता - २८६
 अमलीनन्ति - ६५
 अम्बट्टसुत्तन्ति - १७२
 अम्बट्टोति - २२७
 अम्बलट्टिकाति - २६२
 अम्बविमाने - १६३
 अम्बिलगन्ति - १६४
 अम्बिलयागु - २३३
 अयकण्टकेति - ३१४
 अयकारो - ३०
 अयमुट्टिका - २३३
 अयानभूमिन्ति - २१२
 अरणीति - २३१
 अरहतीति - ३०, २१०, २१३, २४८, २८९, ३४७,
 ३७३
 अरहत्तन्ति - ३०१
 अरहत्तफलन्ति - ३३८
 अरहत्तफलसमापत्ति - १२३

अरहत्तमग्गखणे - ५५
 अरहत्तमग्गो - ५५, १३४, १४८
 अरहत्तसिद्धि - २१०
 अरहन्ति - ५३, ५४, २१०, २११
 अरहाति - १५९
 अराति - १३४
 अरानन्ति - १८
 अरियपुग्गला - १५०
 अरियफलं - ३०
 अरियमग्गोति - २४२
 अरियविहारा - ३
 अरियसच्चदस्सनं - १५८
 अरियसच्चधम्मो - २४३
 अरियो - १६६, ३५९
 अरियं - २५२, ३१६
 अरीनन्ति - १८
 अरूपज्झानन्ति - ३५९
 अरूपज्झानलाभीति - १२२
 अरूपधम्मा - ७९
 अरूपभवन्ति - १३३
 अरूपावचरकम्मे - ३८२
 अरूपावचरज्झानं - ३८२
 अरूपावचरलोको - ५७
 अलङ्कारविधिं - ३०
 अलाबुकटाहन्ति - २१७
 अलोभो - ९७, २६८
 अल्लकप्परड्ढन्ति - २९९
 अल्लवेळुवण्णोति - १२५
 अल्लापो - ३७१
 अवकंसो - ३९
 अवमानन्ति - ७
 अवसरितब्बन्ति - १७८
 अवसित्तोति - ६८
 अविक्खित्तचित्तोति - ५१
 असम्बिवाक्यन्ति - १७८
 असम्पवेधी - २०२

असम्मोहधुरं - ९४
 असामपाका - २३३
 असुभन्ति - ३६८
 असंकिण्णानि - २८४
 अस्सद्धो - १६४, २७०
 अस्सवाति - ३७३
 अहतानन्ति - ३७८
 अहेतुकवादाति - ४१

आ

आकप्पो - ३४६
 आकरोति - २७३
 आगमनमग्गोति - १२०
 आचरियको - ३४१
 आचरियकं - १९४, ३४१
 आचारो - १४, २१४
 आजीवका - ३८
 आजीवट्टमकसीलं - २९६
 आजीवपारिसुद्धिसीलं - ६७
 आजीवसम्पदाति - १६४
 आजीवोति - १६२
 आणण्यनिदानं - ११०
 आणत्तियन्ति - ५०
 आतङ्को - ३५६
 आथब्बणवेदो - १९०, १९२
 आदिकल्याणता - ६१
 आदिच्चगोत्तं - २१७
 आदिच्चबन्धुं - १८६
 आदिब्रह्मचरियकन्ति - ३४२
 आदिब्रह्मचरियकसीलं - २९७
 आदिमज्झपरियोसानन्ति - ६०, १४२
 आदीनवन्ति - ३६१, ३७९
 आदेसनापाटिहारियं - ३६४
 आधारभावतो - १८२
 आनन्तरियकम्मानि - १७१

आनन्तरियपरिमुत्ति - १७१
 आनन्दोत्ति - ३२७
 आनिसंसदस्सनं - २८४
 आनिसंसफलन्ति - १५८
 आनुभावसम्पत्तिया - २६८
 आनुभावोत्ति - २६७
 आनुयन्ता - २६७
 आपायिको - २३५
 आबाधेतीति - ११०
 आबाधोत्ति - ११०, ३५६
 आभस्सराति - १२१
 आभिधम्मिका - ९५, ३३८
 आभुजतीति - ९०
 आमिसपूजा - ७६
 आमैडितवचनन्ति - २७३
 आयतन्ति - १९३
 आयाचनेत्ति - ५०
 आयाचन्तीति - ३७७
 आयोगो - ३४१
 आरकत्ताति - १८
 आरञ्जकधुतङ्गस्स - १०५
 आरद्धन्ति - २९७
 आरामोत्तिपि - २९९
 आरुप्पकथायं - ३३४
 आरुप्पज्झानमेवाधिप्पेतन्ति - २८५
 आरुप्पसङ्घातं - २८५
 आरोहपरिणाहसम्पत्तिया - २४८
 आलकमन्दादिदेवपुरे - १७९
 आलोकसञ्जा - १०९
 आलोको - ८३, २०९
 आवज्जनपच्चवेक्खणानि - ३३३
 आवरणीयेहीति - ७२
 आवरन्तीति - ३७९
 आवाहविवाहविनिबन्धाति - २३०
 आवाहेत्वाति - २२६
 आवाहो - २२४

आविभूतकालेत्ति - १२६, १३२
 आवुत्तसुत्तं - १२६
 आसङ्गो - १०१
 आसतीति - १०४
 आसत्तखग्गानीति - २०
 आसनन्ति - ७४, ३१४
 आसनसाला - ३३५
 आसप्पनं - ११३
 आसभं - २१०, ३१८
 आसयानुसयजाणं - ७०
 आसवक्खयाति - १३४
 आसिनेसूति - ८३
 आसीविसन्ति - ४४
 आळवकसुत्ते - १५६
 आळवियं - ३०४
 आळारिका - ३०

इ

इच्छानङ्गलेत्ति - १७८
 इणट्ठाति - ७५
 इणदानादीनं - २६४
 इतिहासो - १९२
 इत्थिलिङ्गो - १८७
 इत्थिलीळा - ३४६
 इच्छन्ति - ६४
 इच्छाभिसङ्गारनयो - २३९
 इद्धि - २५, १९८
 इद्धिनिम्मितमिवाति - १२०
 इद्धिपाटिहारियन्ति - ३६३
 इद्धिबलेनाति - २५१
 इद्धियाति - १४३
 इद्धिविधजाणकिच्चं - ३६१
 इद्धिविधजाणं - १३०, ३६६
 इन्दखीलं - १८०
 इन्दजालसदिसं - ३६१

इन्दन्ति - ३७७
 इन्दसालगुहाय - ५३
 इन्द्रियगोचरभावेन - ३४५
 इन्द्रियदमेनाति - ३३
 इन्द्रियसंवरो - १०२, ३१०
 इब्माति - २१५
 इरिणन्ति - ३८०
 इरिया - ३
 इरियापथचक्कं - २००
 इरियापथो - ३, ९२, १०८
 इरु - १९०
 इरुविज्जाति - २५६
 इरुवेदयजुवेदसामवेदादिवसेन - २३६
 इरुवेदो - ३७६
 इसीति - २३७
 इस्सरत्ताति - २४५
 इस्सराति - १७४, ३६६
 इस्सरियसुखं - २०६
 इस्सरोति - २४८

इ

ईकारो - ३३४
 ईसनसीलो - २४८
 ईसिकाति - १२९

उ

उक्कड्डगुणयोगतो - १८१
 उक्कट्ठाति - १८१
 उक्कण्ठतोति - २१
 उक्कुटिकवीरियं - ३१४
 उक्कंसो - ३९
 उक्खलीति - ३१२
 उग्गच्छनकउदकोति - १२०
 उग्गणहनं - ३४

उग्गतुग्गताति - २९
 उग्गतुग्गतेहीति - २३६
 उग्गहनिमित्तं - ७२
 उग्गहितन्ति - १५७
 उग्घाटेय्याति - १४५
 उच्चङ्गो - ७
 उच्चभूमियं - ३१४
 उच्चाकुलीनभावदस्सनत्थं - २२८
 उच्चासद्महासद्भाभावं - ३२७
 उच्छगन्ति - १६४
 उच्छादनधम्मोति - १२४
 उच्छेदवादो - ३०१
 उजुमग्गो - ३७५, ३७६
 उज्झानसज्जिनोति - १३३
 उज्झाचरिया - २३३
 उद्धहतीति - ४६
 उट्ठापेत्वाति - २१६
 उण्हन्ति - २७८
 उण्हपकतिकस्साति - ८५
 उण्हलोहितन्ति - ९
 उतुपुण्णता - ११
 उतुफरणत्थन्ति - १२१
 उत्तमजाणं - ३४७
 उत्तमब्राह्मणोति - २४६
 उत्तमसम्पजानकारी - ८८
 उत्तमसूराति - २०६
 उत्तमोति - २४८
 उत्तरिकरणीयन्ति - ३५९
 उत्तरिमनुस्सधम्मं - ३६१
 उत्तरिमनुस्सानन्ति - ३६१
 उत्रस्तो - ६, २२७
 उत्रासन्ति - ११३
 उदकन्धानतित्थं - २२४
 उदग्गचित्ता - २८६
 उदयभद्दो - २४
 उदानन्ति - १२

उदीरयीति - ५२
 उदुम्बरिकसुते - ३२०
 उद्धच्चकुक्कुच्चविगमेन - २८६
 उद्धनन्तरेति - ३५५
 उद्धनं - ९०
 उद्धरणं - १०, ७८
 उन्द्रियिस्सतीति - २२७
 उपकट्टनं - ३२९
 उपकुट्टीति - २४७
 उपक्किलेसोति - १२
 उपगन्त्वाति - ३८०
 उपचारसमाधितो - ११७
 उपजीवन्तीति - ३०
 उपज्झायोति - १९५
 उपह्वोपोसथीति - ३०१
 उपनिस्सयपच्चयोति - ८३
 उपयोगवचनन्ति - १६, ६६, १७८, १८०, १८१, १८२,
 १९७, २५७
 उपवदतीति - ३०४
 उपसग्गमत्तन्ति - ६५
 उपसन्तस्साति - १६
 उपसमन्ति - २३
 उपसम्पदा - ६०, १७६, २३२
 उपारम्भो - ३०१
 उपासककुलानि - १८१
 उपासकचण्डालसुत्तं - १६४
 उपासकपुण्डरीकं - १६४
 उपासकरतनं - १६४
 उपासकसद्दो - १६२
 उपासकोति - १६२, ३७१
 उपासनतोति - १६२
 उपेक्खको - २६
 उपेहि - १५१
 उपोसथसद्दो - १०
 उपोसथोति - १०, २२१
 उप्पण्डनकथन्ति - २१४

उप्पण्डेतीति - ३०४
 उप्पततीति - १०२
 उप्पतित्वाति - २९४
 उप्पन्नअकुसलचित्तुप्पादवसेन - ६६
 उप्पन्नन्ति - ३०२
 उप्पलगन्धो - १९८
 उप्पलानीति - १२०
 उप्पलं - १२१
 उप्पादनिरोधन्ति - ३४०
 उप्पादन्तोति - ३६८
 उब्बिग्गो - ६
 उब्भिदोदको - ११९
 उमङ्गसदिसन्ति - १०६
 उरुञ्जानामजनपदे - ३०४
 उरुञ्जायन्ति - ३०४
 उसभोति - ३१८
 उस्सङ्कितपरिसङ्कितोति - ११३
 उस्सङ्की - ६, २२७
 उस्सापेत्वाति - २०, १०६

ऊ

ऊहनिस्सामीति - २६६

ए

एककम्माभावो - १४७
 एकक्खणा - २९५
 एकच्चवादो - १५
 एकत्थिभावलक्खणो - २९४
 एकन्तसुखी - १५९
 एकन्तसूराति - २९
 एकपुग्गलो - ५५
 एकरुक्खतोति - २३४
 एकवारन्ति - ३३७
 एकसाटका - ३७

एकसालको - ३२५
 एकागारिको - ३२, ३१२, ३१४
 एकालेपिको - ३१२
 एकाहिको - ३१३
 एकीभावन्ति - २१३
 एकुप्पादनरोधभावोव - ३४०
 एकंसायाति - २९२
 एकंसिकाति - ३४४
 एत्तकउक्कंसकोटिका - २५९
 एलगळा - २४९
 एलन्ति - २४९
 एहिभदन्तिको - ३१२
 एहीति - ३७७
 एळमूगो - २५८
 एळगळेनाति - २४९

ओ

ओकप्पनीयाति - १४
 ओकारो - २४२
 ओकासोति - २४८
 ओकासं - ३८२
 ओक्काकराजाति - २२२
 ओघन्ति - ३११
 ओघो - १२
 ओजवन्तियाति - १७०
 ओदनकज्जियं - ३१३
 ओनन्धन्तीति - ३७९
 ओनीतपत्तपाणीति - २४१
 ओपपातिकोति - २९३
 ओपरज्जं - ६
 ओपवय्हन्ति - १९
 ओपानभूतन्ति - ६३
 ओपानभूतो - २६९
 ओमत्ताति - ७८
 ओरब्भिका - ३७

ओरिमतीरं - ३७७
 ओरोधा - २२३
 ओवट्टिकायाति - ११९
 ओवादधम्मं - २०८
 ओवादानुसासनिन्ति - ३४
 ओळारिकाति - ३३५

क

कङ्खायाति - २३८
 कङ्खवितरणजाणं - १७६
 कच्छन्ति - ३७७
 कञ्चनासनेति - ११
 कटच्छु - ८९
 कण्टकवुत्तिकाति - ३७
 कण्टकेति - ३७
 कण्णसक्खलियन्ति - २९१
 कण्हपक्खन्ति - ३१
 कण्हाति - २१५, २२४
 कण्हायनोति - २१९
 कतसुत्तगुळेति - ३९
 कतसुधाकम्मं - २३८
 कतावकासाति - २६
 कतिपाहच्चयेनाति - ३२५, ३८२
 कतब्बधम्मो - २६५
 कत्तिकपुण्णमायन्ति - १७६
 कथननिमित्तं - ३४३
 कथाफासुकत्थन्ति - ३७१
 कथासल्लापन्ति - २१४, ३२१
 कथिततोवाति - ३३७
 कथेतुकम्यतापुच्छा - ३५७
 कन्तारो - ११२
 कन्दित्वा - ३१३
 कपिलब्राह्मणो - २२३
 कपिलमुनिनो - २२४
 कप्पका - ३०

कबलन्तरायोति - ३१२
 कमण्डलूति - २३१
 कम्मकरणत्थायाति - ७
 कम्मकारोति - ४६
 कम्मकखयलक्खणन्ति - ४५
 कम्मजतेजोति - ७४
 कम्मजतेजोधतु - २४७
 कम्मजरूपं - ११८
 कम्मद्वानविनिमुत्ता - ७३, ७४
 कम्मद्वानविप्पयुत्तचित्तेन - ७५, ७६
 कम्मन्ति - ३६, ६५, १६४, २९९
 कम्मफलन्ति - ३३
 कम्मस्सकताजाणन्ति - ३१७
 कम्मस्सकतापज्जाति - ३१७
 कम्मस्सका - ३५६
 कम्मूनो - ३६
 करजकायन्ति - ११७
 करजोति - ११७
 करणसीलो - ७१, २६५
 करणीयन्ति - १३८, २८९
 करणीयं - १६७
 करण्डो - १२९, १३०
 करमरानीतो - ४६
 करुणादिगुणा - १९६
 करेणु - १९
 कल्याणधम्मे - २७९
 कल्याणभावो - १७
 कल्याणवाक्करणो - २२५
 कल्याणोति - १७
 कल्लचित्तता - २८६
 कसिणज्झानानि - ३०२, ३३७
 कसिणपरिकम्मं - ३०२
 कसिरं - ११३
 काकणिकं - १११
 काचो - २३१
 काजरो - १५

काजो - २३१
 कामचारो - ३३२
 कामच्छन्दनीवरणं - १०८
 कामच्छन्दो - ११२
 कामनीयाति - ३७९
 कामभवतो - १४८
 कामरागो - १४९, ३३२
 कामवितक्का - ९९
 कामसज्जाति - ३३२
 कामसज्जानिरोधं - ३३७
 कामावचरकम्मं - ३८२
 कामूपसंहितानि - २९१
 कामोधं - २५
 कामंगमो - १११
 कायकम्मं - ६७, २९७
 कायचित्तपस्सद्धी - ३४७
 कायचित्तानि - १०१
 कायन्ति - १०७
 कायपरिहारिया - १००
 कायबलन्ति - १११
 कायविज्झति - ७८, ८१
 कायवेदनाचित्तधम्मेषु - २९७
 कायसक्खिन्ति - ८१
 कायिकदुक्खेन - ११३
 कायिकसुखन्ति - ६९
 कायोति - ४०, ११६, ३७२
 कारणदस्सनं - २२, १५५, १५७, ३५२
 कारो - ७१, १४२
 कालञ्जू - २००
 कालामोति - १२३
 कालुसियभावोति - २३९
 काळको - १०३
 काळमेघराजीति - १८०
 किच्चसिद्धि - २९२
 किच्चं - १३८, १६७, १७४, २७५
 किच्छजीवितकरोति - ३५६

किच्छतीति - २३८
 किच्छं - ११३
 किञ्चनानि - १८६
 किञ्चनं - ६५
 किट-धातुतो - १९०
 कित्तिघोसोति - ३२८
 किरियधम्मं - २४२
 किरियाकप्पो - १९०
 किलन्ताति - ३००
 कुच्छिपरिहारियापि - १००
 कुञ्चिका - ८९
 कुण्डकन्ति - ३१३
 कुम्भी - १६९
 कुम्भगो - १४६
 कुरुरकम्मन्ताति - ३७
 कुलपरियायेनाति - २५१
 कुलसद्दो - २६७
 कुलूपकेति - १३
 कुसलकिरियं - १६४
 कुसलधम्मं - १९९
 कुसलन्ति - १७४
 कुसलमूलेन - २०६
 कुसलोति - २४०, ३४३
 कुसुमगन्धसुगन्धेति - २४५
 कुहकतायाति - २६०
 कुहकताति - ३६७
 कूटङ्गा - ४४
 कूटदन्तसुत्ते - २३१
 कूटागारसालाति - २८९
 केणियजटिलवत्थु - २३३
 केराटिकाति - २५६
 केलनाति - २५३
 केवट्टसुत्तन्ति - ३६०
 केवट्टो - ३६०
 केवलन्ति - २६०
 केसकम्बलं - ३१४

केसगगहणन्ति - २२४
 कोटियन्ति - १६४
 कोट्टागारन्ति - २६४
 कोण्डञ्जो - १९६
 कोतूहलमङ्गलिको - १६४
 कोतूहलसालाति - ३२८
 कोमारभच्चो - ५
 कोरण्डसेट्ठिपुत्तो - १७५
 कोलरुक्खो - २२४
 कोसम्बियन्ति - २९९
 कोसलरञ्जोति - ९
 कोसलो - १८४
 कोसोति - २६४, २६५
 कंसथालकस्स - ११८

ख

खग्गविसाणकप्पोति - १०१
 खग्गविसाणसुत्ते - १०१
 खग्गो - १०१
 खज्जोपनकन्ति - ३६६
 खणनिरोधो - १३४
 खणभङ्गवसेन - १०८
 खणिकनिरोधेति - ३२८
 खत्तियगणा - ६९
 खन्ति - १३३, ३४१
 खन्तिसंवरो - ३०९
 खन्धादिपञ्जति - ३५०
 खयजाणनिब्बत्तनत्थायाति - १३४
 खयजाणे - १३५
 खयजाणं - १३४
 खयोति - १३४
 खराति - २१७
 खाणुमतं - ३५४
 खारिभरितन्ति - २३१
 खिड्डाभूमि - ३८

खीणाति - १३७
 खीणासवभावतो - २९०
 खीणासवसामणेरो - १७५, २३१
 खीणासवो - १३७, १५९, २९७
 खीणासवं - २९७
 खीरपञ्जति - ३४९
 खुद्दकभावो - ४९
 खुरधारूपमन्ति - २३२
 खुरपरियन्तो - ३२
 खेतलेङ्गुनन्ति - २१८
 खेतविज्जाति - २३५
 खेमन्तभूमि - ११३
 खेलकुसितानीति - २४९
 खोभेतीति - १२०
 खोभेत्वाति - ८

ग

गङ्गाय - ३३, २२६
 गङ्गोदकञ्च - ६८
 गणयन्तोति - २३८
 गणसङ्गणिका - ४८
 गणाचरियोति - ३२५
 गणीति - १४, २५५
 गणीभूताति - २४६
 गण्टिकाति - ३९
 गण्टिम्हीति - ३८
 गतपच्चागतिकं - ७५
 गतियोति - २९७
 गन्थोति - १९०
 गन्धकुटिपरिवेणेति - २५२
 गन्धारराजा - १७५
 गन्धारेन - ३६१
 गम्भा - ३७१, ३७२
 गयासीसनामको - ३६३
 गयासीसेति - ३६३

गरु - १५२, ३७१
 गरुकन्ति - ३५६
 गरुडो - १६
 गरुन्ति - २७
 गरुपत्तोति - ८७
 गरुग्गाहाति - २७६
 गवाति - ३४९
 गवेसीति - २३८
 गहकारक - १३२
 गहणी - २४७
 गहपतिकोति - ४९
 गहितधम्मा - १२६
 गहितभावदस्सनन्ति - १३५
 गहं - २, ४९
 गामघातका - २६५
 गामन्ति - १५६
 गामपूजितोति - १५७
 गामभागेनाति - २७५
 गामोति - २६७
 गावुतं - ७५
 गिज्झकूटे - ३२०, ३२१
 गीतन्ति - ११३, २३६
 गुणकथायाति - १५
 गुणद्वोति - ३७८
 गुणदस्सनं - ४, १२२
 गुणनामं - २१९
 गुणे - १८, १४४, २५०
 गुहा - १०४
 गूथडानसदिसं - ३३९
 गेधेनाति - ३७९
 गेलज्जाभावो - ३५६
 गोचरगामस्स - ४
 गोचरन्ति - ७२
 गोचरसम्पज्जभावतो - ८१
 गोचरसम्पज्जं - ७१, ९५
 गोतमोति - १८६, १८७, १८८, १९६, ३५५

गोत्तन्ति - २१६, २१९
 गोत्तवादीति - २२९
 गोत्तं - १८६, १८७, १९६, २१६, २१९, २२९
 गोत्रभुजाणं - १२७
 गोत्रभूति - २३८
 गोपदकन्ति - २५१
 गोमयसिञ्चनं - २६६
 गोरकखन्ति - १८६
 गोरूपानन्ति - ७४
 गोसालायाति - १५

घ

घट्टेन्तोति - २१७
 घनन्ति - ८५
 घनवनसण्डो - १४५
 घनविनिम्बोगो - ३४१
 घरदासयोधाति - २९
 घरसन्धि - ३२
 घरसामिकेहीति - ११२
 घासच्छादनपरमो - ४८
 घासो - ४८
 घोरतपो - ३२९
 घोरोति - २७९
 घोसप्पमाणे - ३०९
 घोसितारामेति - ३०१
 घोसो - १७
 घंसित्वा - ३२१

च

चक्कनउपासकस्स - २८१
 चक्कन्ति - १९९
 चक्करतनन्ति - १९९
 चक्कलक्खणं - २००
 चक्कवत्तिरज्जो - १७९, २०४

चक्कवत्तिराजा - २०१
 चक्कवत्तीति - २०१
 चक्कवाळे - १७८
 चक्कवीरियोति - २६८
 चक्खादिकन्ति - १२३
 चक्खन्ति - १६८
 चक्खुमाति - ३४४, ३७७
 चक्खुमोहमुच्छाकालादि - ३८१
 चक्खुविज्जाणं - ८३, १०८
 चक्खुसद्दो - ७०
 चक्खूति - ७०
 चञ्चलाति - ३४०
 चण्डालोति - १६४
 चतुइरियापथन्ति - ११०
 चतुत्थज्ज्ञानचित्तं - १३३
 चतुत्थज्ज्ञानसमाधि - २९६
 चतुत्थज्ज्ञानसुखं - १२२
 चतुत्थज्ज्ञाने - ३४७
 चतुत्थज्ज्ञानं - १२२, ३५९, ३६३
 चतुत्थोति - ३३०
 चतुधातुववत्थाने - १३३
 चतुन्नमरियसच्चानं - २९४
 चतुपञ्चभूमको - १०४
 चतुपटिसम्भिदापत्तेन - २३९
 चतुपारिसुद्धिसीलालङ्कारो - २६८
 चतुब्धिधोति - ५५
 चतुमधुरन्ति - ९९
 चतुमधुरेनाति - ७
 चतुमासं - १७७
 चतुसच्चधम्मं - २४३
 चन्दनगन्धो - १९८
 चन्दसूरियविमानादि - २०३
 चन्दिकङ्कणयुत्तं - १०४
 चमरो - २३१
 चम्पकरुक्खा - २४५
 चम्पाति - २४५

यम्मकञ्चुकन्ति - २९
 यम्मखण्डो - १०५
 यम्मन्ति - २९
 चरणन्ति - २३०, २३१
 चरतीति - ७५, १६६, १७८, २०१, ३११
 चरिमकचित्तन्ति - ६५
 चरिमकविज्जाणन्ति - ३६९
 चरिया - २३३
 चलकाति - २९
 चागो - २०७
 चातुहिसो - १०१
 चातुमहाभूतिककायं - ११७
 चातुमहाभूतिको - ४०, १२४
 चातुमहाराजिका - ३६६
 चातुयामं - ४५
 चातुरन्ता - २०१
 चापल्यं - २५३
 चामरन्ति - ११
 चारिका - १७५, १७६, १७८
 चारिकाय - १७५, २४५
 चिण्णचरणो - २५
 चित्तकम्मकतपटिमायो - ७२
 चित्तकारो - ३०
 चित्तगतिकाति - ३८०
 चित्तगेलञ्जं - १०९
 चित्तजरूपस्सापि - ११८
 चित्तजाननाकारदस्सनं - २४
 चित्ततोसनं - ३८३
 चित्तदुक्खं - २५६
 चित्तनिरोधेति - ३२८
 चित्तन्ति - ८०, २१६, ३६२
 चित्तविमुद्धिं - ४८
 चित्तसन्तापं - ३५७
 चित्तसमाधाने - ११६
 चित्तसमुद्धानानि - ६२
 चित्ताभिमुखं - ३३५

चित्तराधनत्थन्ति - १३०
 चित्तीकतन्ति - २०४
 चित्तुप्पादोति - ८६, १५४
 चित्तेति - ३४३
 चिन्तनभावन्ति - ४७
 चिन्तामणि - ३६२
 चिन्तामयजाणसम्बन्धिका - १३३
 चिमिलिका - १०५
 चिरकालो - ३८०
 चिरकालं - २२७, २५०
 चिरनिकखन्तोति - ३८०
 चीरन्ति - ३२५
 चुत्तिचित्तं - ६५
 चुत्तिभङ्गवसेन - १०८
 चूलकम्मविभङ्गसुत्ते - ३५६
 चूलगन्धारी - ३६१
 चूलराहुलोवादसुत्ते - २४२, ३६४
 चेतनाकिच्चस्स - ३३४
 चेतसाति - १२१, १२२
 चेतसिकगेलञ्जन्ति - १०९
 चेतसिकन्ति - ३६२
 चेतसिकसुखं - ६९, ११६
 चेतियङ्गणेति - ७
 चेतैतीति - ३३५
 चेतोविमुत्ति - १२३
 चेतोविमुत्तीति - २९३
 चेतोसमार्धिं - २
 चोरबलं - २२

छ

छकामावचरदेवलोकोति - ५७
 छकामावचरिस्सरो - ५८
 छड्डितनन्तकानीति - ३१३
 छत्तमाणवको - १४८
 छत्तविमाने - १४८

छन्दोका - ३७६
 छन्नपरिव्वाजकोति - ३२४
 छम्भिततन्ति - ११३
 छविमंसलोहितानुगतन्ति - ११८
 छातकेति - ७४
 छायन्ति - २३९
 छायारूपकमत्तन्ति - २३९
 छेकोति - ११८, ३३०
 छेज्जभेज्जन्ति - १८३

ज

जङ्घचारन्ति - ३७४
 जङ्घविहारवसेनाति - १७७
 जनपदिनोति - १७२
 जनपदोति - १७२, २४५
 जनितो - २२८
 जम्बुदीपतले - ३८४
 जम्बुदीपे - १७८
 जयधजन्ति - २९
 जलन्ति - १४३
 जातकन्ति - १९३
 जातरूपेनेवाति - १४
 जातसंवहोति - ३८०, ३८१
 जातिमरणसंसारो - २५
 जातियाति - २७
 जातिवादो - २२५
 जातिसिद्धन्ति - १८५
 जायम्पतिकाति - ६५
 जिगुच्छतीति - ३१७
 जिनोति - १२, ३८
 जीरापेतुन्ति - २९९
 जीवको - १८, १९, २१
 जीवा - ३५
 जीवितन्ति - १६३
 जीवितिन्द्रिये - १६५

जुतीति - ६३
 जेगुच्छं - ३१७

झ

ज्ञानक्खोति - २६८
 ज्ञानङ्गतो - ३३३
 ज्ञानपञ्चं - २५९
 ज्ञानमयअक्खो - २६८
 ज्ञानसञ्जाति - ३३६
 ज्ञानसमापत्तिया - २८९
 ज्ञानसुखं - ३३४, ३८०
 ज्ञानानि - २८५, ३४७
 ज्ञानाभिज्जा - २९१
 ज्ञानाभिज्जामगगफलधम्मतोति - ३६१
 ज्ञायन्तीति - १८९
 ज्ञायीति - ८४

ञ

आणजालं - १७८
 आणदस्सनं - १२३, १२४, ३४५
 आणन्ति - १३४, २४३
 आणसंवरो - ३१०
 आतपरिज्जावसेन - ३४२
 आतयो - ६६
 आतिकुलदस्सनं - १५७
 आतिव्यसनं - ३८०
 आतिवसेनाति - १५६
 आपनन्ति - ३५२

ट

ठातुन्ति - ३८२
 ठानकरणसम्पत्तिया - २४८
 ठानन्तरं - ६, २६७

ठितउदकं - २५१
 ठितत्ताति - ४४
 ठितसभावन्ति - ३४३
 ठितेनाति - १६

त

तक्करस्स - १५०, २११, ३६५
 तगरसिखी - २७१
 तग्गरु - १५२
 तङ्गणानुरूपायाति - २६०
 तच्छन्ति - ३४३
 तज्जिताति - २७४
 तण्डुलभिक्षन्ति - २३४
 तण्हाति - २०९
 ततियचित्तेन - ३५०
 ततियज्झानसुखं - १२१
 ततोनिदानं - ३२
 तदङ्गप्पहानमत्तन्ति - ३०९
 तदत्थसिद्धीति - २१०
 तदहो - ९
 तद्धितवसेनाति - १९२
 तद्धितसिद्धीति - २६८
 तनु - २४०
 तनुकखेळोति - ८९
 तनुसरीरो - १८४
 तन्तावुतानीति - १५, ३१४
 तन्तिधम्मं - २९७
 तन्निन्नन्ति - १२४, १३५
 तपब्रह्मचारीति - ३२०
 तपस्सिनोति - १७
 तपस्सी - ६४, ३०४
 तपारम्भाति - ३११
 तपोकम्पेनाति - ३९
 तपोजिगुच्छाति - ३१७
 तपोपक्कमाति - ३११

तप्पभेदो - १८६
 तप्परायणो - १५२, १५५
 तम्बपट्टवण्णेनाति - ५
 तयोअत्तपटिलाभवणना - ३४६, ३४७, ३४९, ३५१,
 ३५३
 तरुणाअम्बरुक्खसण्डेति - ३७४
 तरुणपीतीति - ३४६
 तरुणभावो - १७६
 तरुणविपस्सनाति - १७६
 तसिताति - ३००
 तळाकं - १८२
 ताणन्ति - २२६
 तापनगेहं - ७
 तापसा - २२६, २३२
 तायतीति - १८६, २२६
 तालवण्टं - १७५
 तावकालिकानि - ८३
 तावतिसभवने - १४९, २९९
 तिगोचरो - २०५
 तिणरुक्खा - ३५
 तिणसन्थारोति - १०५
 तिथियवादो - ३१५
 तित्थं - १४, २६९
 तित्तिरियन्ति - ६४
 तित्तिरिया - ३७६
 तिन्दुकचीरो - ३२५
 तिब्बिधारम्मणन्ति - १४२
 तिरच्छानगते - ३७८
 तिरोकुट्टे - २५६
 तिलकानि - १३१
 तिलकोति - १०३
 तिलक्खणसम्पत्तिया - ३०८
 तिलभेदलक्खणं - ७९
 तिविधसत्तियोगफलं - २०६
 तिविधसीलपारिपूरियं - २८५
 तुच्छोति - ३४८

तुट्ठस्साति - ११५, ११६
 तुट्ठीति - २६४
 तुण्हीभूतन्ति - २३
 तुरितचारिकाय - १७६
 तुलन्ति - ३७५
 तेजोति - २२
 तेजोधातु - ७८
 तेभूमकधम्मा - ३३२
 तेलनाळि - १००
 तेलपज्जोतं - १४५
 तेविज्जकन्ति - ३८०
 तेविज्जसुत्तन्ति - ३७४
 तेविज्जाति - ३७६
 तोदेय्यब्राह्मणो - ३५५
 तोदेय्यो - ३५४

थ

थण्डिलन्ति - ३१४
 थद्धगतो - २५६
 थपति - ६७
 थावरियं - २०२
 थिनमिद्धविगमेन - २८६
 थुतिघोसोति - १७
 थुसमुट्ठीति - २२७
 थूणन्ति - २६३
 थूलसरीरोति - २९०
 थूलनीति - ८८
 थेरवादानुकूलमेव - ३३८
 थेरवादे - ३३८
 थोमेत्वाति - ३७५

द

दक्खतीति - ३१०
 दक्खिणविभङ्गसुत्तपदे - ३७८

दक्खिणविभङ्गे - २९३
 दक्खिणाति - ३७८
 दण्डकीरञ्जो - २२७
 दण्डको - ९०
 दण्डेन - ३१, ३२
 दत्ति - २३५, ३१२
 दत्तिकन्ति - २३५
 दन्तकारो - ३०
 दन्तमयसलाका - २७६
 दन्तवक्कलिका - २३३, २३४
 दप्पं - ६५
 दब्बीति - ८९, ९०, २३१
 दमिल्लरुद्धन्ति - २९९
 दयालुकाति - ८८
 दसबलआणं - १९
 दसराजधम्मं - १६६
 दस्सनन्ति - ७०, १८९, ३६२
 दस्सनमप्पधानं - ३४५
 दस्सनीयोति - २४८
 दस्सवो - २६५
 दहरायाति - ३०६
 दळ्ळमानसो - ३८४
 दळ्ळीकम्मेति - ५०
 दाठिका - २२४
 दानकथापटिसञ्जुत्तं - १६०
 दानचित्तं - २७२
 दानचेतना - ३७८
 दानन्ति - ३०
 दानपति - २९०
 दानसालं - २७५
 दानसीलं - २४२
 दानसूरो - २६८
 दायकचित्तम्पीति - २६९
 दायं - १८३
 दारुचीरियोति - ७७
 दारुयन्तस्साति - ८५

दालिद्वियेनाति - २७६
 दासब्यन्ति - ४६
 दासिपुत्तवचनेति - २२५
 दिट्ठधम्मिकसम्परायिकं - १७०, २६०
 दिट्ठधम्मिको - १७०
 दिट्ठधम्मिकंयेव - १५७
 दिट्ठसच्चान्ति - १५३
 दिट्ठसुतमुतविज्जातमत्तेन - ३०६
 दिट्ठि - १५०, १५४, १८६, ३४१
 दिट्ठिगतन्ति - ३४२, ३७०
 दिट्ठिजुक्कम्पन्ति - १५४
 दिट्ठिविप्पयुत्तचित्तेन - १५९
 दिट्ठिसम्पन्नोति - १५९
 दिब्बचक्खुजाणन्ति - १४१
 दिब्बचक्खुं - १३२
 दिब्बब्रह्मअरियविहारा - ३
 दिब्बरूपदस्सनत्थं - २९२
 दिब्बविहारो - ३
 दिब्बसम्पत्तियो - २४२
 दिब्बसोतजाणं - २९२
 दिब्बा - ३७१, ३७२
 दिब्बो - ३
 दिवापधानिकाति - २१२
 दीघकालवाचको - २४९
 दीघागमे - ११४
 दीपकन्ति - १२५
 दुकूलं - ८५
 दुक्करकम्मविपाकतो - १६९
 दुक्खक्खयायाति - २११
 दुक्खनिरोधगामिनिपटिपदाति - १३५
 दुक्खनिरोधगामिं - १५८
 दुक्खनिरोधोति - १३५
 दुक्खवेदना - ११०, ३५६
 दुक्खसच्चं - १०९
 दुक्खोति - ३५०
 दुक्खं - १३५, १३६, १५१, १५९, ३४२

दुग्गतिपरिकिलेसन्ति - १५१
 दुज्जानाति - २२५
 दुतियचेतसा - ३५०
 दुतियज्झानिकफलसमापत्ति - ३४७
 दुतियज्झाने - ३४७
 दुतियसिद्धीति - २११
 दुप्परिच्चजा - २८०
 दुब्बलाति - ३४७
 दुल्लभदस्सनं - २०३, २०४
 दुल्लभधम्मरतनं - ५१
 दुस्सपट्ठं - २३७
 दुस्सयुगन्ति - ५
 दुस्सवेणी - २३७
 दुस्सीलो - १६४
 देय्यधम्मं - २६९
 देवकायन्ति - १६०
 देवदत्तपरिसं - ६
 देवनगरेति - १७९
 देवयानियो - ३६६
 देवसिकं - १३४, १८४, २६४, २६७, २७४, ३०१
 देवाति - ५७
 देवानमिन्दो - २०६
 देविद्धि - ६३
 देवेहीति - ५६
 देसनाति - ६०, ६१
 दोणेनाति - ३९
 दोसाभिसन्नन्ति - ५
 दोसिना - १२
 दोसोति - ३१, १०२, १६५, ३०६
 दोहळोति - ६
 द्वाहिकं - ३१३
 द्विक्खत्तुमत्थदीपका - २३०
 द्विपाकारपरिक्खित्ते - ३८४
 द्विमत्तकालमक्खरं - ६२
 द्विलिङ्गिकभावविज्जापनत्थं - १२०
 द्वेविभङ्गादिधारणा - ३८५

ध

धजो - १२
 धनक्कीतो - ४६
 धनपालन्ति - २२
 धनसम्बन्धाभावेन - ११४
 धनुग्गहा - २९
 धनुपन्तिपरिक्खेपोति - २०
 धन्वाचरिया - २९
 धम्मकथा - १९, ७३, ७४
 धम्मक्खन्धा - १४९
 धम्मघोसको - १५६
 धम्मचक्खुन्ति - २४२
 धम्मचक्खूति - १६८
 धम्मज्जू - २००
 धम्मतोति - २७४, ३६१
 धम्मदसा - १५०, १५१
 धम्मदायादा - १८३
 धम्मदेसनाति - १४४, ३६३, ३६४
 धम्मनिद्देशो - १६७
 धम्मपीतिसुखं - २७७
 धम्मरसं - १७०
 धम्मराजाति - २०१
 धम्मरुचीति - ५०
 धम्मसेनापति - १८
 धम्मस्सवनं - २७९, २८०
 धम्मस्सामी - ६५
 धम्माति - १२, ३४८
 धम्मानुधम्मपटिपत्ति - ३१९
 धम्मरम्मणा - २५४
 धम्मिको - २०१
 धम्मोति - २७, २८०
 धरन्तीति - ३५७
 धातुसमताति - २१४
 धारेतीति - ९०, १४८, १८९, २४७

धारेतूति - १६१, १६५
 धारेन्तो - ३५
 धितङ्गरूपाति - २०७
 धितिसद्दो - २०७
 धीरङ्गरूपा - २०६, २०७
 धुतङ्गनिद्देशे - १०६
 धुरसमाधीति - २६८
 धुराति - ६
 धुवदानानीति - २७५
 धुवसीलेन - २४८
 धोवतीति - २५८
 धोवनं - १२६

न

नक्खत्तन्ति - ११, ११४
 नक्खत्तं - ११३
 नगरन्ति - २२४
 नत्थिकवादा - ४१
 नत्ता - ६६, ८४, २५९
 नदीतीरिति - ३७४
 नप्पसहेय्याति - २२३
 नरकपपातन्ति - ३७३
 नवलोकुत्तरधम्मसूति - ३४३
 नवलोकुत्तरं - ५८
 नवानिसंसाति - २७६
 नागवम्मिको - ८७
 नागाति - ६३
 नाटकित्थियो - २२३
 नादिब्रह्मचरियको - ३०२
 नानक्खणा - २९५
 नानातित्थियाणियसद्देन - ३२८
 नानाधातुजाणं - ८०
 नानानाटकानीति - १७३
 नानावादोति - ३७५
 नामगोत्तन्ति - २१९

नामपञ्जति - १०
 नासिकगतेति - १०८
 नाळतोति - १८०
 नाळागिरिं - २२
 निक्खित्तधुरोति - ७४
 निखण्डु - १९०
 निगण्ठा - ३७
 निगण्ठीनन्ति - १६४
 निगण्ठोति - १५
 निगमो - २६७
 निग्घोसोति - ५२
 निग्रोधो - ३२०, ३२१
 निघण्डूति - १९०
 निच्चन्ति - १५८
 निच्चभत्तानीति - २७५
 निच्चसञ्जं - ३६२
 निच्चोति - १५९, ३०२, ३४१
 निच्छरतीति - २२०
 निट्ठन्ति - २३५
 निट्ठाति - १९६, ३४४
 निट्ठापेतुन्ति - ३२२
 निट्ठभनन्ति - ७६
 निन्नामेत्वाति - २४०
 निन्नेत्वाति - २४०
 निबद्धचारिका - १७८
 निबद्धदानानीति - २७६
 निबन्धित्वाति - ६
 निब्बत्तसरीरं - ३४०
 निब्बानधम्मो - १५३
 निब्बानधातु - ६१
 निब्बानन्ति - १३४, २४२, ३४४, ३४५
 निब्बानसच्छिकिरियाय - ६१
 निब्बानारम्भणं - १५३, १५४
 निब्बिक्खेपन्ति - १३
 निब्बुतस्साति - १९
 निमित्तकम्म - १३

निम्मानेति - २१९
 नियामोति - ३५
 निर्यातिताति - २३१
 निरामगन्धाति - २३७
 निरुज्झतीति - ८०, १९३, ३३१, ३३२, ३३३
 निरुत्तीति - १९१
 निरुपधीनन्ति - ४८
 निरोधकथन्ति - ३२९
 निरोधधम्मन्ति - ३६४
 निरोधसमापत्ति - ३३५
 निरोधोति - ३३०
 निरोधं - ३२५, ३३०, ३३८
 निलीनोति - २८९
 निलीयतीति - २२६
 निल्लेपतायाति - ११४
 निल्लोपोति - ३२
 निवारोन्ति - २०९
 निसामेहीति - ५१
 निस्सङ्गो - १०२
 निस्सट्ठपरिच्चत्तं - १८४
 निस्सरणन्ति - ३४
 निस्सरणविमुत्ति - ३१८
 नीलमक्खिका - ८८
 नीलाभिजाति - ३७
 नीवरणप्पहानवारे - १३०
 नेक्खम्मसुखेनाति - ११६
 नेवसञ्जानासञ्जायतनज्ज्ञानं - ३३५
 नेवसञ्जानासञ्जायतनसमापत्ति - ३३४, ३३५
 न्हानतिथ्यन्ति - २२४
 न्हापिका - ३०

प

पकतञ्जू - ११३
 पकति - २३, ४९, १६६, १९३, ३१५, ३१६
 पकतिन्ति - ४४

पकतिमनुस्सधम्मतो - ३६१
 पकतिविपस्सकानं - ३३४
 पकतिसीले - २५७
 पकपेतीति - ३३४
 पकिण्णकं - १६२
 पकुधो - १५
 पक्खन्दन्तीति - २९
 पक्खाति - २६८
 पगुणं - १४९, १५०
 पगोति - ३२६
 पच्चक्खधम्मा - २०९
 पच्चग्घन्ति - ३२६
 पच्चयोति - ३३१
 पच्चवेक्खणञ्जान्ति - १३६, ३३८
 पच्चवेक्खणविधिं - १३८
 पच्चागच्छतोति - ३४०
 पच्चासंसरन्तोति - ७१
 पच्चाहरतीति - ७२
 पच्चुग्गच्छन्तोति - १७५
 पच्चुप्पन्नोति - ३४९
 पच्चूसकालतोति - ४६
 पच्चैकबुद्धो - १७०, १७१, २७१, २७२
 पच्चैकसम्बुद्धं - २७१
 पच्चैका - २०
 पच्छीति - ३१२
 पजातत्ताति - ५६
 पजानातीति - १३५, १३७, १३८
 पज्जलतीति - ७४
 पज्जलितपदीपोति - ३६१
 पञ्चकामगुणपरिग्गहो - ३७९
 पञ्चकामगुणिकरागोति - ३३२
 पञ्चकामावचरदेवेहि - ५६
 पञ्चङ्गद्वयङ्गसम्पत्तिया - १७०
 पञ्चङ्गिकं - २९४
 पञ्चपतिट्ठितवन्दनाति - १६
 पञ्चपरिवट्ठोति - २४

पञ्चमज्झानसमापत्तिं - ३२९
 पञ्चवण्णयाति - १९
 पञ्चसिखमुण्डकरणं - २६६
 पञ्चसीलधम्मेनाति - २०८
 पञ्चसीलानि - २५९
 पञ्चाभिञ्जालोकियसमापत्तिलाभो - ३४
 पञ्चालिकाति - ८५
 पञ्चिन्द्रियानि - ३६
 पञ्चुपादानक्खन्धा - १०९
 पञ्जत्तीति - १३९
 पञ्जवाति - २५
 पञ्जाचक्खु - ७०
 पञ्जाणन्ति - २५८
 पञ्जाणवाति - ५०
 पञ्जाबलं - २०५
 पञ्जाविमुत्तीति - २९३
 पञ्होति - २५८
 पटलट्ठो - ३७८
 पटाको - १२
 पटिकिट्ठतरन्ति - १५
 पटिकिट्ठोति - ३१४
 पटिकूलन्ति - १४९
 पटिकूलसञ्जी - २६
 पटिकमन्ति याति - ३७२
 पटिजग्गामीति - १८०
 पटिजानातीति - ३१८, ३४०, ३४९
 पटिवेदेसीति - १९, १५१, २५२
 पटिवेधो - ५१
 पटिसन्धिं - ३००, ३८२
 पटिहञ्जतीति - २७८
 पटिहन्तीति - २७८, २७९
 पटिहारियानि - ३६३
 पट्टण्णं - ८५
 पठमकप्पिकानन्ति - २२०
 पठमज्झानब्रह्मलोको - ३४५
 पठमज्झानसमाधि - २९६

पठमज्झानं - ३३३
 पठमं ज्ञानं - २, ११५, २८५, ३०२
 पणिपातकम्मं - २१७
 पणिपातो - १५५, १५६
 पणीततराति - ३६६
 पण्डरतराति - ३७
 पण्डितोति - ३१६
 पण्डुपलसिका - २३३, २३४
 पण्णन्ति - ११४
 पतिट्ठाति - २७७, ३४०
 पतिट्ठितपादो - ७८
 पत्थटायति - १२९
 पत्थोति - १०७
 पथविकायो - ४५
 पथविपालको - ४४
 पथवीति - २२७
 पदकोति - १९३
 पदक्खिणन्ति - १६७
 पदसिद्धि - ९, १९, २०, ३४, १२१, १९१, २२७,
 २३६, २९०, २९४, ३१०
 पदानुपदन्ति - १९
 पदीपो - १४६, २४३
 पदुद्धित्तोति - १५९
 पदुमं - १२१, १६४
 पदूसितचित्तो - १५९
 पद्मबन्धूति - २५४
 पधानोति - १७
 पन्थदुहा - २६५
 पन्नकोति - ३८
 पपन्तीति - ३६८
 पब्बजिसूति - १४
 पब्बतन्ति - १०६
 पब्बन्ति - ७९
 पभूसति - २०६
 पमाणन्ति - २०, ५२, १६२, १७६
 पमुखयोनीनन्ति - ३६

पयिरुपासतोति - १३
 परमगम्भीरं - १३३
 परमत्थकथाति - ३५०
 परमत्थदीपनियं - १२५
 परमत्थोति - ३४
 परमविसुद्धं - ३१६
 परमाणुआदि - ३८
 परम्परपयोजनदस्सनं - १०७
 परिकप्पनासिद्धा - १३९
 परिकम्पानीति - २७४
 परिकखारा - २६८, २६९, २७०
 परिग्गहितत्ताति - २
 परिग्गहिताति - ११९
 परिचारकोति - ८, २३२
 परिच्चागचेतना - २७१
 परिच्चागसीलो - २४२
 परिजिण्णो - १८७
 परिज्जाताति - १३९
 परिनिब्बानधम्मोति - २९३
 परिपक्वजाणा - १७८
 परिपक्किन्दिये - १७८
 परिपुण्णकम्मन्ति - ३६
 परिपुण्णन्ति - ६३
 परिप्फोसकन्ति - ११८, ११९
 परिब्बयदानं - २६४
 परिब्बमतीति - २०२
 परिभिन्दिस्सतीति - २२५
 परिभोगतो - ३७९
 परिभोगपज्जा - ३७९
 परिमण्डलपदब्बज्जनाति - २४८
 परिमद्दनधम्मोति - १२४, १२५
 परियत्तिधम्मो - ६०, ६१, १४९
 परियत्तिभूतं - २९७
 परियादियित्वाति - ३८२
 परियायांति - १४२
 परियेसन्तोति - ३६५

परियोदातताति - १२१
 परियोनन्धन्तीति - ३७९
 परिवट्टो - ४९
 परिवत्तितेति - २२८
 परिवितक्कोति - २७०
 परिसप्पनं - ११३
 परिसुज्जनन्ति - २५८
 परिसुद्धताति - ७०, २५२
 परिसुद्धन्ति - ६५, ७०, १२१, २५२
 परिस्सन्तकाया - ३००
 परिस्सया - १०१, २७७, २७९
 परिहरन्तोति - ३३९
 पलिबुद्धोति - ३९, १०७, ३६०
 पलेतीति - ३९
 पल्लङ्केति - ७३
 पल्लङ्को - ७३, १०७, २१८
 पल्लोमोति - २२७
 पवत्तपरिवितक्को - ३२६
 पवत्तफलभोजिनो - २३३
 पवत्तानि - ९३
 पवत्तेन्तो - ५८, १४२, २८२, ३३५
 पवेणीधम्मो - २७
 पवेसितो - ११४
 पसतमत्तन्ति - २६९
 पसन्नचित्तो - ३५६
 पसादाभिवुद्धिया - ३१९
 पस्सद्धीति - ३४७
 पस्ससुखं - ७५
 पहतन्ति - ४५
 पहातब्बधम्मनं - ३०८
 पहीनकिलेसपच्चवेक्खणदस्सनं - १३७
 पहूतजिक्काय - २४०
 पहूतभावन्ति - २३९
 पाकटमन्तन्ति - २३६
 पाचरिया - २१४
 पाचीनमुखाति - २९०

पाचीनाभिमुखा - २२३
 पाटिपददिवसेति - १७६
 पाटिहारियन्ति - ३६३
 पाणवधोति - २७४
 पाणाति - ३५
 पाणिनीव्याकरणचन्द्रव्याकरणादि - १९२
 पाणुपेतोति - १६५
 पातब्बतन्ति - ३०६
 पातिमोक्खसंवरसंवुतभावस्स - ६६
 पातिमोक्खसंवरसंवुतो - २, ६७
 पातेसीति - २४१
 पापकम्मं - २५३
 पापधम्मतो - २८०
 पापधम्मनं - २४३, २८०
 पापनिज्जरलक्खणं - ४५
 पापभिक्षु - २२०
 पाभतन्ति - २२३, २६६
 पामोज्जं - ११०, १११, ११५, ११६, २१३, ३४७
 पारगूति - १९०
 पारन्ति - १८०
 पारमितानुभावसिद्धिदस्सनं - २५२
 पारमियो - १८, २५२
 पारमीसम्भरणजाणं - २७
 पारिजुञ्जं - १८७, १८८
 पारिसज्जा - २६८
 पारिसुद्धिविभागञ्च - ३२०
 पावचनन्ति - ३८०
 पासादिको - २४५, २४८, ३१८
 पासादो - १०४, १३२
 पाहुनकाति - २५५
 पाहुनकानन्ति - २२८
 पिण्डदायका - २९
 पितामहयुगो - २४७
 पितुगुणन्ति - ८
 पित्तरोगातुरो - ११२
 पियजातिकाति - ३७९

पिपयजातिकानीति - २९१
 पिसाचाति - २२४
 पिहितोति - ४७
 पीति - ११५, ११६, २१३, ३२७, ३४६, ३४७
 पीतिवचनन्ति - १२
 पीतिसमुद्धानवचनं - १२
 पीतिसोमनस्सं - २०३, २८५
 पीलनं - ११३, १२४
 पीलेत्वाति - ४६
 पुग्गलाधिद्धानधम्मदेसना - १६७
 पुच्छाविस्सज्जनन्ति - ३६७
 पुञ्जकम्मं - १६१
 पुञ्जकिरियवत्थु - १५४
 पुञ्जक्खयेन - ३००
 पुञ्जन्ति - ३०, ६३, २८०
 पुञ्जफलं - ६३
 पुञ्जवाति - ३०५
 पुञ्जानीति - ४७
 पुञ्जं - ४७, १५२, १६३, २४१, २५२, २७७, ३८५
 पुण्डरीकन्ति - १२१
 पुण्णचन्दसस्सिरिकं - २५४
 पुण्णाति - ११
 पुण्णोति - ११
 पुथुज्जनकल्याणकोपि - १३८
 पुथुलतोति - २५२
 पुथूति - ५८, ३३७
 पुप्फन्ति - २४५
 पुरिमसज्जानिरोधन्ति - ३३७
 पुरिमसिद्धीति - २१०
 पुरिसयामो - ३५
 पुरिसन्तरगतायाति - ३१२
 पुरिसोति - ८२, ११४
 पुरेक्खारोति - २५३
 पूरणकिरियायोगे - १८२
 पूरणमक्खलिआदयो - ३०९
 पूविकाति - ३०

पेसाचा - ३८
 पेसितचित्तोति - ३२२
 पोक्खरणी - १८२
 पोक्खरसातीति - १७९, १८०
 पोड्डपादो - ३२४, ३३८
 पोत्थकं - ८७
 पोत्थनियन्ति - ६
 पोत्थलिका - ८५
 पोथुज्जनिकसद्धापटिलाभं - १७०
 पोथुज्जनिका - १७०, २४२
 पोनीभविका - ११२
 पोराणानि - २८४
 पोरी - २४९
 पंसुपिसाचकादयोति - २५४

फ

फरिस्सतीति - ३५७
 फलन्ति - ३९, ४०, ९१, १३४, २१०, २४२
 फलपच्चवेक्खणआणन्ति - ३३८
 फलसच्छिकिरियाति - ३४२
 फलसमापत्ति - ३४७, ३४८
 फलसमापत्तिसुखं - ५९
 फासुविहारोति - १२३
 फीतन्ति - ६४
 फुट्ठोति - ४५
 फुसतीति - ११८, ३३६

ब

बन्धनागारिका - ३७
 बन्धु - २१५
 बलक्कारो - ११५
 बलन्ति - ३५, ९७, २६७
 बलमत्ताति - १११
 बलवरोगो - ३५६

बलवसिनेहाति - २९
 बव्हारिज्झा - ३७६
 बहलखेळीति - ८९
 बहलन्तरेनाति - २५२
 बाराणसिरज्जो - २२३, २८८
 बालातपेति - ३२७
 बाहन्तरन्ति - २५२
 बाहुजज्जन्ति - ६४
 बाळ्हजिण्णो - १७७
 बिम्बिसारोति - २४५
 बुद्धकरधम्मपारिपूरितो - ५४
 बुद्धगुणा - १८, १५३
 बुद्धचक्खु - ७०
 बुद्धजाणं - १७८
 बुद्धतसिद्धि - २११
 बुद्धधम्मोति - १३५
 बुद्धपज्जा - ३१७
 बुद्धभावादि - १९३
 बुद्धभूमिन्ति - २७
 बुद्धमन्ता - १९३
 बुद्धरस्मियो - २९०
 बुद्धरूपं - २४०
 बुद्धसीलं - ३१७
 बुद्धानुभावो - २२, १७८, ३२८
 बुद्धोति - १४३, १४७, २८०, ३०१
 बोज्झङ्गसंयुतेति - २०६
 बोधिपक्खियधम्मे - २८५
 बोधिमुत्तमं - ३८६
 बोधिसत्तमातु - २८३, २९०
 बोधेत्वाति - ३५१
 ब्यग्घपथेति - २२४
 ब्यन्ती - ११०
 ब्याकरणं - १९१, १९२
 ब्यापज्जेनाति - ३७९
 ब्यासेको - ७०
 ब्रह्मचरियन्ति - ६४

ब्रह्मचारी - ३२०
 ब्रह्मजालेति - ६८
 ब्रह्मज्जा - २५३
 ब्रह्मयानसज्जितो - २६८
 ब्रह्मलोकगामिमग्गे - ३८०
 ब्रह्मवच्छसीति - २४८
 ब्रह्मविहारा - ३
 ब्रह्मनाति - ५६
 ब्रह्म - ६३, १९५, २५३
 ब्राह्मणतापसाति - २२६
 ब्राह्मणन्ति - १८५
 ब्राह्मणभावं - २५७
 ब्राह्मणसीलं - २५७
 ब्राह्मणोति - १९६, ३१५, ३६३

भ

भगवतोति - १७, १५७, १६६, १७५
 भगवन्तरूपो - ३१
 भगवाति - १७, १८, ५६, ६५, २५२, ३३०, ३३८
 भङ्गानुपस्सनतो - १२४
 भजन्तीति - २३४
 भण्डिकन्ति - ३०७
 भतकानन्ति - ३००
 भतकिलमथन्ति - ७७
 भतवेतनन्ति - २७४
 भदन्तधम्मपालत्थेरेन - ३४०
 भदन्तनागसेनत्थेरेन - २३९, २४०
 भद्दकन्ति - ५१
 भद्दकेनाति - २५१
 भद्दन्ति - १३
 भमुकन्तरन्ति - २५२
 भयदस्सनसीलो - ६६
 भयदस्सीति - ६६
 भयभेरवसुत्ते - २२७
 भयभेरवं - २१

भयाति - २१
 भयानकन्ति - २१
 भवग्गं - २१४
 भवङ्गसञ्जाति - ३३५
 भवत्ताति - २४९
 भवरागोति - १४९
 भवाति - २४९, ३७१, ३७२
 भवोद्यं - २५
 भस्मन्ताति - ४१
 भायित्वाति - २२
 भारतपुराणरामपुराणनरसीहपुराणादिगन्थो - १९२
 भारद्वाजोपि - ३७५
 भारोति - २७, ३७१
 भिक्खूति - ६, ३७, १२३, ३३६, ३३८, ३६५
 भिन्नपतिट्ठो - १६८
 भिसि - १०४
 भीतो - ६, २२७
 भुक्कारन्ति - ३५५
 भुजिस्सो - ११२
 भुस्सतीति - २९९
 भूतिकामोति - ४४
 भूतोति - ३२१
 भूमिपालो - २२१
 भूमि - ६५, ११३
 भेदनधम्मो - १२५
 भोगसुखन्ति - २०६

म

मकसेति - २७९
 मगधा - २६२
 मगधेसूति - २६२
 मग्गजाणं - २४३, ३३८
 मग्गधम्मो - १५३
 मग्गपटिपन्नोति - २५०
 मग्गफलनिब्बानानि - १४९

मग्गफलपच्चवेक्खणजाणानि - ३३८
 मग्गवीथियं - ३३८
 मग्गसमुप्पादो - ३४२
 मग्गसुखं - २८६, ३८०
 मग्गामग्गजाणन्ति - १७६
 मग्गोति - १४६, २४२, ३७५, ३८०
 मघदेवराजा - २२२
 मज्जवणिज्जाति - १६३
 मज्झिममण्डलन्ति - १७६
 मज्झेकल्याणता - ६१
 मज्जा - ७०
 मज्जसीति - २०, २३७
 मणिइत्थिगहपतिरतनानि - २०६
 मणिका - ३६२
 मणिदण्डतोमरोति - २०
 मण्डलन्ति - १७६
 मतीति - २३८
 मत्तञ्जु - २००
 मदनिद्वन्ति - ३३०
 मदहत्थी - १०१
 मद्दन्ताति - ७६
 मधुकं - १००
 मधुपायासन्ति - ३५५
 मधुरन्ति - २७५, २९१
 मधुरायाति - १७०
 मधुस्सवोति - ६३
 मधूनन्ति - ३५४
 मनापा - ३७९
 मनुस्सधम्मतोति - ३६१
 मनुस्सलोकोति - ५७
 मनुस्ससरीरो - २५३
 मनुस्ससोभग्यतन्ति - ३४
 मनुस्साति - ३१२
 मनोकम्मं - ३६
 मनोदुच्चरितं - ९
 मनोद्वारे - ८२

मनोपुब्बङ्गमा - ८
 मनोमयजाणस्स - १४१
 मनोमयन्ति - १२८, ३४०
 मनोमयिद्धिया - २८६
 मनोमयो - ३३९, ३४०, ३४१, ३४८, ३४९
 मनोरथो - ७, २२७
 मन्ताति - १७९, ३७६
 मन्तोति - १९५
 मरणवसन्ति - २६५
 मरीचिकायाति - ३८०
 मसाणानि - ३१३
 महग्गतकम्मं - ३८२
 महग्गतचित्तन्ति - ३०२
 महग्गतज्झानानि - ३
 महग्घं - ५, ९८, २०४, ३२६
 महद्धनोति - २६३
 महप्फलत्तो - २७५
 महप्फलाति - २८६
 महाअट्ठकथायं - १२
 महाकरुणासमापत्तिं - १७८
 महाकस्सपो - १५५
 महाखीणासवा - ३६४
 महागन्धारीति - ३६१
 महागोविन्दोति - २
 महाजानीति - ३५७
 महाजुतिकन्ति - १६१
 महाधम्मराजाधिराजगरुना - १७१, २४४, ३८३
 महानत्यकरन्ति - ११४, ११५
 महानिरयेति - ९
 महानिसंसो - २७५
 महापथानन्ति - ७६
 महापपाताति - ३९
 महापुञ्जो - ८४, १७५
 महापुरिसलक्खणे - २२
 महापूजायाति - ७२
 महाफुस्सदेवत्थेरो - ७६

महामण्डलन्ति - १७६
 महामत्ता - २०, २१८
 महामत्तो - २४६
 महामोगल्लानत्थेरेन - १६०
 महायागन्ति - ३३
 महायागो - ४०
 महावजिरजाणन्ति - १३४
 महावनं - २८८, २८९
 महावायुस्खन्धतो - ४०
 महावीरो - २२१
 महासक्कारकिरियं - १७०
 महासतिपट्टानसुत्ते - ९४, ११४
 महासालोति - ३६०
 महासीहनादन्ति - ३१६, ३२०
 महोघो - २७६
 माणवोति - ३५६
 मातापेत्तिकन्ति - २१९
 मातिकन्ति - २२३
 मातुलाति - २२४
 मानद्धजं - २१७
 मानवादोति - २२९
 मानसिकोपि - २३
 मानं - ६४, ६५, १९८, २२९
 मारिसाति - २२
 मालागुणेति - ३७८
 मासको - २६३
 मासिकं - २६७
 माळोति - १०४
 मिगपक्खीनन्ति - २६२
 मिगसिङ्गतापसो - ३२९
 मिच्छत्तधम्मा - १४६
 मिच्छाजीवो - ८५, ८६
 मिच्छाजाणं - १६१
 मिच्छादिट्ठि - १४५, २०९
 मिच्छामगो - १४६
 मिच्छावणिज्जाति - १६३

मिच्छावितक्केन - ४२
 मिच्छाविमोक्खो - १६४
 मिच्छासति - ४२
 मिच्छासमाधि - ४२
 मिद्धसुखं - ७५
 मुखदूसिपीळका - १३१
 मुखदोसोति - १३१
 मुखनिमित्तन्ति - १३१
 मुखारुहन्ति - ३५५
 मुख्यपयोजनं - ३६५
 मुच्छाकारन्ति - ३७९
 मुत्तोति - ११३
 मुदुकायाति - ३०६
 मुदुचित्ताति - ३१९
 मुदुचित्तं - २८६
 मुदुभावो - २४०
 मुदुहदयो - ६३
 मुद्धिका - ३०
 मुसलकिच्चं - ८९
 मुसावादो - ३३, ३५२
 मेघवण्णन्ति - ३२५
 मेधावीति - २६६
 मोक्खमग्गो - १४६
 मोक्खोति - ३४५
 मोग्गल्लानसंयुत्ते - १६०
 मोहो - २०९
 मोळियन्ति - ७
 मंसचक्खुना - १२८
 मंसवणिज्जाति - १६३

य

यक्खदासीनन्ति - ३३०
 यक्खिनी - १०६
 यक्खो - ८, २२५, ३५५
 यजु - १९०

यजुवेदसाखा - ३७६
 यजुवेदिनो - ३७६
 यज्जभत्तेति - २२८
 यज्जानुभवनत्यन्ति - २४६
 यज्जावाटोति - २७५
 यज्जोति - २८४
 यट्ठि - ९०
 यथाकथन्ति - २५२
 यथाबलं - ७६, ८०, ९७
 यथाभुच्चं - १५२, १८५
 यथाभूतसभावो - ३५१
 यथाभूतं - ८०, १३५, १३६, १३८, १८५, ३०७,
 ३१०, ३८४
 यथालाभं - ४१, ९७, ३०९
 यन्तकेनाति - ८२, ८९
 यन्तकं - ८९
 यन्तं - ८५
 यमकपाटिहारियदेवोरोहनानि - १६
 यमुनोदकन्ति - २४०
 यससाति - १४३, २६८
 यसोति - १४
 याचित्वाति - ९
 यामोति - ४५, १४३
 युगन्धरपब्बतं - ३२५
 युगसद्दो - २४७
 युगोति - २४७
 युत्तयोगो - ९९
 युद्धमण्डलेति - ८२
 युवभावप्पत्तानि - २६२
 यूथाति - १०१
 येनकामो - १०२
 योगतो - ३६, ६६, १४०
 योगिनो - १२२, २९६
 योगी - २९६

र

रच्छा - १२
 रजतबिम्बकन्ति - १८०
 रजतमयं - ६९, १७९
 रजतविमानतो - ११
 रजोजल्लधराति - २३७
 रजोजल्लं - ३१४
 रज्जेनाति - ७
 रज्जनतो - १९८
 रज्जेतीति - ५, २०१
 रज्जोति - ५, २२३, २७६
 रद्धियपुत्ता - २०
 रद्धिया - २०
 रद्धं - २५४
 रतनकूटं - १४२
 रतनत्तयसब्बाय - ३६०
 रतनत्तयं - १५२, १५४, २१९
 रतिअन्तरायोति - ३१२
 रत्तज्जानि - २८४
 रत्तिट्ठानदिवाट्टानानि - १०४
 रथरक्खा - २९
 रथिका - १२, २९
 रथूपत्थरेति - २३६
 रथोति - २६८
 रन्धगवेसीति - ३५७
 रमणीयोति - १४४, ३०४
 रमेतीति - ३२४
 रस्मियो - २२, १८६
 रहाभावाति - १८, २१०
 रागदोसमोहानं - ५३
 रागपधानो - ११२
 रागविरागो - १४९
 रागो - २४, ६५, १३९, १४९, १६८, २०९, ३३२, ३७९

राजगहन्ति - २
 राजज्जो - २३६
 राजति - २
 राजदायन्ति - १८३
 राजपूजितोति - १५७
 राजलीलायाति - १८३
 राजामच्याति - ३१
 राजामच्चेहीति - ११
 रासिकतं - २३६
 रुक्खमूलन्ति - १०६
 रुचि - १०२, ३४१
 रूपकलापो - १४२
 रूपकायो - ११७
 रूपज्झानानं - १२२
 रूपधम्मा - ७९, ८०
 रूपधम्मानमभावतोति - १३३
 रूपन्ति - २०७
 रूपवेदनादयो - ३४८
 रूपसम्पत्तिं - ३०९
 रूपादिधम्मानं - ३४८
 रूपारूपधम्माति - ७९
 रूपावचरचतुत्थज्झानसमापत्तिं - ३२९
 रूपावचरचतुत्थज्झानं - ३
 रूपावचरारूपारूपवचरब्रह्मना - ५६
 रोगव्यसनं - ३८०
 रोगवूपसमनभावं - ९९
 रोगो - २२३, ३५६, ३८०

ल

लक्खज्जा - १२
 लक्खणन्ति - १८१, १९३
 लक्खणानीति - १९६
 लग्गितुं - ३८२
 लज्जिस्सतीति - ३५७
 लद्धघरमेवाति - ३३५

लद्धसद्धानन्ति - १८८
 लबुजन्ति - ३३
 लभनसीलो - १२२
 लहुककम्मं - ३८२
 लहुकाति - २१७
 लाभो - १२२
 लामकभावो - २४२
 लिखित्वाति - ३१३
 लिच्छवि - २९७
 लिच्छवीति - २९०
 लुच्चनट्टेनाति - १०८
 लूखाकाराति - ३५१
 लेणत्थन्ति - २७८, २७९
 लेणं - १०४, १५२
 लोकधूपिकाति - ३४४
 लोकधम्मतानुस्सरणेन - २४६
 लोकधम्मानं - ३१९
 लोकन्ति - ५३, ५६
 लोकसिद्धवादो - ३१५
 लोकायतं - १९३
 लोकियधम्मे - ३४
 लोकियसीलम्पि - ३१६
 लोकियाभिज्जानं - १२७
 लोकुत्तरकुसलस्सपि - २६०
 लोकुत्तरधम्मे - ३४
 लोकुत्तरधम्मं - १७०
 लोकुत्तरसमापत्तीहि - ३३४
 लोकुत्तरसीलं - ३१६
 लोकुत्तराभिज्जाय - १२७
 लोकोति - ३१, १०८, १०९
 लोभसहगतमत्तं - ८२
 लोमसायाति - ३०६
 लोहकुम्भियन्ति - १६९
 लोहिच्चोति - ३७०

व

वचीमुचरितञ्च - २९६
 वच्छतरसतानीति - २६२
 वज्जितो - १४२, ३४१
 वज्जेत्वा - ३८०
 वज्झाति - ४४
 वटरुक्खन्ति - ३००
 वह्मियाति - २३३
 वह्मेति - २६६
 वणिब्बकाति - २६९
 वण्णसम्पत्तिन्ति - १२६
 वण्णसम्पत्तिं - १२६, ३२५
 वण्णेनाति - १४३, २४८
 वण्णोति - ३०, २५७
 वतियाति - ३७०
 वत्थगुहं - २३९
 वत्थिकोसेनाति - २३९
 वत्थिकोसो - ३५
 वत्तमानकालिकेन - १४८
 वधकचित्तेन - १५९
 वनपत्थोति - १०७
 वनपम्भारन्ति - १०१
 वम्मिकानन्ति - ३५४
 वयन्तोति - ३६८
 वयो - १९४
 वरकल्याणो - २२१
 वरगन्धहत्थिनो - २३९
 वसनवनन्ति - २
 वसभो - ३१८
 वसवत्तिदेवराजस्सेव - ५८
 वसवत्तीति - ५८
 वाक्यपरियायो - ३१
 वाचासिलिद्धतामत्तं - ३३४
 वाचितं - २३६

वादोति - २२९, ३७५
 वामोरुं - १०७
 वायुवेगसमुष्पीकृताति - ९२
 वायोक्कसिणपरिकम्मं - ३२९
 वायोधातु - ७८, ९०
 वालाति - २३८
 वालिकाथूपं - १५
 वासनाभागिया - २६०
 वाळमिगानि - २७७
 विकप्पो - १९०
 विकारमापज्जनेन - १०९
 विक्खित्तचित्तो - २७८
 विकखेपं - ७६
 विगतसम्मोहो - २९७
 विग्गहो - ५६, ३७५
 विघातन्ति - २५६
 विचक्खणोति - ४४, २६६
 विचरित्वा - ७५, १७७
 विचिकिच्छाति - २४३
 विजातितायाति - ६४
 विजितावी - १७०, १७१
 विजितं - ३३, २६३, २६७
 विजेतीति - २०२
 विज्जन्ति - २२६
 विज्जमानगुणेहीति - २६०
 विज्जमानं - १४१, २३०
 विज्जाचरणपरिदीपनी - २२९
 विज्जाचरणसम्पत्तियं - २३०
 विज्जाचरणसम्पदाति - २५०
 विज्जाचरणसम्पन्नोति - २२९
 विज्जाबलेन - २२७
 विज्जामयिद्धिसम्पन्ना - २०
 विज्जासम्पत्तिया - २४६
 विज्जु - १२१
 विज्जत्तिन्ति - ७८, ८१
 विज्जाणन्ति - १२५, १२६

विज्जू - २८४
 वितक्कविचारपीतिसुखोपेक्खानं - २९५
 वितक्कविचारा - ३६२
 वितक्को - २९६
 वितण्डवादा - १९३
 वितण्डो - १९३
 वित्थायितत्तं - ३८१
 विदन्तीति - ९
 विदितधम्मोति - २४३
 विदेहरज्जोति - ९
 विद्धंसनधम्मोति - १२५
 विधुनन्ताति - १०२
 विनयो - १६६, ३४२
 विनेय्यदम्मकुसलस्स - ३५१
 विपतीति - १६२, १६३, १६४
 विपरिणामधम्मोति - २५८
 विपरीतकिच्चं - ६
 विपस्सना - ६१, १३३, २८५
 विपस्सनाकाले - ८१
 विपस्सनाचारो - १३४
 विपस्सनाचित्तपरिदमनादीनं - ३३४
 विपस्सनाचित्तमेव - १२५
 विपस्सनाचित्तुप्पादपरियापन्ना - १२६
 विपस्सनाजाणन्ति - १२६, १४१
 विपस्सनाजाणसम्पयुत्तं - १२६
 विपस्सनाजाणे - २८६
 विपस्सनाजाणं - १२३, १२६, १२७, १३३, १४१
 विपस्सनापज्जाति - ३१७
 विपस्सनापादकन्ति - १३३
 विपस्सनापुब्बका - ३४७
 विपस्सनामग्गवसेन - ३३८
 विपस्सनायं - १२४
 विपस्सनालाभी - १२६
 विपस्सनावसाना - २७९
 विपस्सनाविज्जाणन्ति - १२६
 विपस्सनासम्पयुतानं - २६८

विपस्सनासुखं - १२८
 विपाकन्ति - ४१
 विपाकफलं - १५८, १५९, ३५५
 विपाकोति - ४०
 विप्पटिसारविनोदना - २६३
 विप्पसन्नचित्तस्स - २७८
 विप्पसन्नरहदमिवाति - २३
 विष्ममतीति - ११२
 विभज्जवादं - ३०५
 विभत्तिविपरिणामता - १४४
 विभावितोति - ८४, ९६, १२९
 वियाकरोहीति - २७
 विरतिचेतना - २९५
 विरागो - १४८
 विरुद्धधम्मा - ३५
 विरूपरूपन्ति - २२६
 विरेचेत्वाति - ५
 विलम्बितं - २४९
 विलासो - ३४६
 विवटच्छदो - २०९
 विवट्टच्छदाति - २०९, २११
 विवट्टेत्वाति - २०९
 विवट्टो - २०९, २१०
 विवाहो - २२४
 विवेकजपीतिसुखसुखुमसच्चसञ्जाय - ३३३
 विवेकजपीतिसुखानीति - ३३२
 विवेकजेहीति - ३३३
 विवेकट्टकायानन्ति - ४८
 विवेकसुखन्ति - ५९
 विसभागवेदनाति - ३५६
 विसवणिज्जाति - १६३
 विसाखपुण्णमितो - ३५४
 विसाखाति - ६१
 विसुद्धिपच्चयन्ति - ३४
 विसुद्धिपवारणन्ति - ७६
 विसोसेतीति - ९०

विस्सज्जनामग्गो - २४०
 विस्सत्यन्ति - १९
 विस्सासिकभावं - २९०
 विहरतीति - ४, १५०, १७३, १७९, ३०४, ३१५,
 ३५९
 विहारदानफलं - २७९
 विहारदानेन - २७८
 विहारदानं - २७७, २७८
 विहिंससज्जी - १४९
 वीतच्चित्तेहीति - ७
 वीतमलं - ३६४
 वीतिहरणन्ति - ७८
 वीथि - १२
 वीरङ्गन्ति - २०७
 वीरियबलं - ३५, २०५
 वीरियसंवरोति - ३१०
 वुट्ठिन्ति - १२०
 वुत्थवस्सो - १७७
 वुत्तवादी - ३२९, ३३०
 वुद्धसीलेनाति - २४८
 वुद्धि - १६६, १६७, २६२
 वुद्धं - २४८
 वूपसमोति - ३४४
 वेठकेहीति - २३७
 वेदको - ३४२
 वेदज्ञानि - १९१
 वेदनामखन्धज्ज - ४३
 वेदनाति - ८३, १०७
 वेदनापरिगहमतम्पीति - २५८
 वेदयतीति - ११६, २५८
 वेदवाचकब्राह्मणलिङ्गेनेव - १९६
 वेदवादिनो - ३३९, ३४०
 वेदानन्ति - १९२
 वेदेनाति - ९
 वेदोति - १९५
 वेधनं - १२६

वेनेय्यसत्ताति - १७७
 वेरज्जानि - २४६
 वेरमणिन्ति - २८१, २८२
 वेरमणियोति - १६३
 वेरमणीति - २८०
 वेसारज्जप्पत्ति - २४३
 वेसारज्जानीति - ३१८
 वेसालीति - २८८
 वेळुरियोति - १२५
 वोहारकुसले - २६६
 वोहारो - ८, ११, ३४९
 वंसज्जानि - २८४

स

सकदागामिनो - १६०
 सकदागामिमगो - १४८
 सकम्मनिरतोति - २०२
 सकसज्जा - ३३४
 सकखराति - १४०
 सक्या - २२०, २२४
 सग्गं - २७२
 सङ्गतधम्मरम्मणन्ति - २४३
 सङ्गधमको - ३८१
 सङ्गलिखितं - ६५, ६६
 सङ्गा - ३४९
 सङ्घारन्ति - १५९
 सङ्घेपो - ८८, १३९
 सङ्गुहं - ११
 सङ्घोति - १५२, २८०
 सचम्मिकाति - २९
 सचीवरभत्तेनाति - ५
 सच्चन्ति - ३५२
 सच्चपटिवेधो - १३६
 सच्चसम्पटिवेधो - ३५०
 सच्छिकतनिरोधेति - १४८

सच्छिकातब्बधम्मा - २९२
 सछन्दचारिनो - २३२
 सजालिकाति - २९
 सज्जावुधोति - ११५
 सञ्चुण्णेतीति - ९०
 सज्जगन्ति - ३३७
 सज्जाति - ३३३, ३४१, ३४२
 सज्जानिरोधं - ३२५, ३३७
 सज्जापटिलाभं - ३२९
 सज्जावेदनासीसेन - ३३६
 सज्जावेदयितनिरोधन्ति - ३३६
 सण्ठपेसीति - ३२७
 सतपत्तन्ति - १२१
 सतिमाति - २५
 सति - १०८
 सतीति - १५२, १६८, ३०७, ३७६
 सतोति - ५३
 सत्थवणिज्जाति - १६३
 सत्थुपटिज्जातो - १३
 सत्तवणिज्जाति - १६३
 सत्ताहिंसनमिवाति - १५१
 सत्ताति - १९६
 सत्तु - ५
 सदिसफलं - ४०
 सदेवमनुस्सन्ति - ५७, ५९
 सदोसानि - ३६४
 सहकण्टकत्ता - १०३
 सद्धन्ति - ६५, २२८
 सद्धम्मविमुखो - १४५
 सद्धापटिलाभो - १५४
 सद्धामूलिकाति - १५४
 सद्धासम्मादिद्वीनं - १५४
 सनङ्कुमारभासितं - २२९
 सन्तकभावतो - २७४
 सन्तरबाहिरा - ११९
 सन्तासन्ति - २१, १५१

सन्तासो - १२८
 सन्तिकावचरभावो - १४७
 सन्दच्छायन्ति - १०६
 सन्दिष्टिकं - ३०, ३३, ५२, १२८
 सन्दिष्टं - २४९
 सन्धि - ३२, ७९
 सन्धीति - ७९
 सन्नितोदकं - ३४३
 सन्निरुद्धं - २४९
 सन्निरुज्जनं - ७९
 सन्निरोधो - ७९
 सपति - १३९, २७४
 सपत्तभारो - १०२
 सप्पायसम्पज्जं - ७१
 सप्पुरिसोति - १४
 सब्बअरियसाधारणभावदस्सनत्थं - ३११
 सब्बकलापारिपूरिया - ११
 सब्बज्जुतं - ३१८
 सब्बज्जुबुद्धं - ३३०
 सब्बज्जूति - ३५६
 सब्बतोपभं - ३६८
 सब्बत्थकं - ११९
 सब्बधम्मकुसलो - २७
 सब्बधम्मविदू - २७
 सब्बवारिधुतोति - ४५
 सब्बवारिफुटोति - ४५
 सब्बवारियुत्तोति - ४५
 सब्बवारिवारितो - ४५
 सब्बसंकिलेसविप्पयुत्तं - २४२
 सब्बसंयोगे - ३६४
 सब्बाभिज्जानं - १२३, १२७
 सब्बज्जनो - ५१
 सभागो - ९७
 सभावधम्मं - १४९
 सभावनिरुत्तिया - ३६
 समणभण्डनन्ति - ३१

समथविपस्सना - १७६, ३४६
 समथविपस्सनातरुणभावतो - १७७
 समथविपस्सनाधम्मन - १६८
 समथविपस्सनुप्पादनम्पि - ७१
 समधिगतं - २९२
 समनुपस्सतीति - ६८, ६९, ३०१
 समन्तचक्खुं - २११
 समन्ततोति - १०७
 समन्तभावो - १०७
 समभरिताति - ३७७
 समवेपाकिनियाति - २४७
 समसमन्ति - ३१७
 समसमो - २५७
 समादानविरति - २८०, २८१
 समाधानलक्खणोति - २९५
 समाधिकोत्तन्ति - १७९
 समाधिकखन्धोति - ३५९
 समाधिभावना - २९२
 समानयीति - २३८
 समानाति - २१७
 समारम्भोति - २७६
 समासोति - १६५, २९४
 समाहारन्ति - ३५४
 समितपापत्ताति - १८५
 समिताति - १८५
 समिद्धतन्ति - ११४
 समिद्धाति - ३६०
 समुग्घाटको - २९६
 समुच्छेदपटिप्पस्सद्धिविमुत्तियो - ३१७, ३१८
 समुद्धानरूपधम्महि - ८
 समुत्तेजेत्वाति - २६०
 सम्पज्जजातिका - २७२
 सम्पज्जज्जन्ति - ७१
 सम्पज्जज्जपरिगहणं - ७२
 सम्पज्जज्जपरियायता - ७१
 सम्पज्जज्जेन - ७१, ९५

सम्पजानकारिनो - ३३६
 सम्पजानकारीति - ७१, ९४
 सम्पजानकारो - ७१
 सम्पजाननं - ७१
 सम्पजानातीति - ११०
 सम्पजानोति - २६, ११०
 सम्पजानं - ७१, ८३
 सम्पटिच्छनं - २२६
 सम्पत्तविरति - २८०, २८१
 सम्पयुत्तचित्तो - ७५
 सम्पयुत्तधम्मा - २९५
 सम्पयोगन्ति - ३७२
 सम्पहंसनेति - ५०
 सम्पहंसेत्वाति - २६०
 सम्पापकन्ति - १३५
 सम्बुको - १४०
 सम्बुद्धपरिनिब्बाना - ३८५
 सम्बोधि - १७०
 सम्भवकुमारो - २७
 सम्पत्तधम्मा - १४६
 सम्मसति - १२८, २८६
 सम्मसनजाणं - १७६
 सम्माआजीवं - २९७
 सम्माकम्मन्तो - २९४
 सम्मादस्सनलक्खणाति - २९४
 सम्मादिट्ठि - १५४, २९६, ३३१
 सम्मादिट्ठीति - १५४
 सम्मासङ्कप्पो - २९६, ३३२
 सम्मासमाधि - २९५
 सम्मासम्बुद्धो - ६५, १५२, १५४, २१०, ३७२
 सम्मासम्बोधि - १८, ३४
 सम्मुखावड्ढनी - २३५
 सम्मुट्ठन्ति - ३१
 सम्मुतिधम्मो - ३५०
 सम्मोदनियं - ३१, २१३
 सम्मोदनीयं - ३१, ३५७

सम्मोदितन्ति - २१३
 सयम्भुजाणभूता - १३३
 सयंजातन्ति - २८८
 सरपरित्ताणं - २९
 सरसो - १३५
 सरावमत्तन्ति - २६९
 सरीरपरिकम्मन्ति - ७३
 सरीसपेति - २७९
 सल्लहुकवुत्ति - १०१
 सल्लापो - २२, २४०, ३७१
 सल्लीनोति - २८९
 सवद्धिकं - ११४
 सस्सतोति - ३३९
 सहधम्मिकोति - २२५
 सहधम्मो - २२५
 सहव्यताति - ३७५
 सहितचित्तो - ६९
 सहिताति - १०१
 सहोत्तप्पजाणं - २१
 साचरियकोति - २३५, २३७
 साणानि - ३१३
 सात्यकसम्पजज्जवसेन - ७२
 सात्यकसम्पजज्जं - ७१, ८७
 सात्यकं - ७१, ७२, १९५, ३०५
 साधयमानन्ति - ८२
 साधुकन्ति - ५१, ५२
 साधुरूपाति - २७
 सानन्ति - ३७९
 सापतेय्यं - २७५
 सामज्जफलं - ३०, ३३, ५०, १२८
 सामं - ३०, १९०, २८०
 सारणीयं - ३१, २१४
 सावकबोधि - १७१
 सावकविपत्तिया - ३०९
 सावज्जोति - १६१
 सावत्थियन्ति - ३२४, ३५४

सासनधम्मोति - ६०
 सासनरसन्ति - ११२
 साहसिकाति - २१७
 सितमत्तम्पीति - १७३
 सिद्धाति - १३७
 सिद्धोति - ३, ३२, १४८, ३८०
 सिनेहेतीति - ९०
 सिप्पूपजीविनो - २८
 सिलेसोपीति - ३१३
 सिवेय्यकं - ५
 सिसिरेति - २७९
 सिस्सभावूपगमनं - १५५
 सीतन्ति - १२०, २७८
 सीलन्ति - ६७, १६२, २३०, २४८, ३१६
 सीलपञ्जाणन्ति - २५९
 सीलपरिसुद्धाति - २५८
 सीलवा - २५८, ३४३
 सीलवाति - २५
 सीलसमाधिविपस्सना - ६१
 सीलसमाधिविपस्सनातिआदिना - ६०
 सीलसमाधिविपस्सनासङ्घातानं - ६१
 सीलसम्पदाति - १६४
 सीलूपसमेनाति - २३
 सीहनादन्ति - ३१०
 सुकारणन्ति - ३२८
 सुकिच्चकारी - ७
 सुक्कपक्खन्ति - ३१
 सुखन्ति - १२२, १८८
 सुखपटिसंवेदना - ११६
 सुखविपाकट्टेन - २५२
 सुखवेदनाय - ११०
 सुखितन्ति - ३०
 सुखुमा - ३३२
 सुखोति - ३०, १५९, ३४७
 सुगतोति - ३३०
 सुचरितधम्मे - ५०

सुचिण्णं - ६३
 सुज्जोति - ३५०
 सुतमयआणं - ३३९
 सुदुङ्गाति - १०६
 सुधामट्टपोक्खरणियोति - २५१
 सुपण्णोति - १६
 सुपरिसुद्धो - २९७, ३०९, ३१०
 सुप्पतिट्ठितचित्तो - ४६
 सुप्पतिट्ठितोति - २५
 सुभकिण्हा - ३४५
 सुभोति - १२५
 सुभं - ३५४, ३५५, ३८५
 सुरापातिन्ति - ३३०
 सुरापानमेवाति - ३१२
 सुवट्ठिताति - १८०
 सुवण्णचुण्णपिञ्जरो - १८०
 सुवण्णसत्थकेनाति - ६
 सुविभत्तन्ति - १५०
 सुविसुद्धन्ति - ७०
 सूरन्ति - २१
 सूरभावं - २११
 सूरा - २०६
 सूरियरंसि - ४०
 सेट्टमन्तेति - २२७
 सेणियोति - २०
 सेतपरिक्खारोति - २६८
 सेतीति - १०४
 सेतुघातविरति - २८०, २८१
 सेतं - १२०, १२१, २१२, २२६
 सेनासनन्ति - १०५
 सेनियोति - २०, २४५
 सेलमयपत्तन्ति - ३२६
 सेसझानम्पि - ३३७
 सोतविज्जाणेन - ३७८
 सोतापत्तिफले - ३०१, ३६४
 सोतापत्तिमग्गो - १४८

सोतिन्द्रियविक्षेपवारणं - ५१
 सोधेस्सामीति - २२७, २३८
 सोमनस्सन्ति - ११०, १११
 सोम्मोति - ३७७
 सोवग्गिका - ३०
 सोवीरकन्ति - ३१२
 सोळससहस्सं - १९३
 संकित्ति - ३१२
 संकिलेसपच्चयन्ति - ३४
 संकिलेसविसुद्धीसु - ३५
 संकिलेसं - २४२
 संयोजनानं - ५३
 संयोजेन्तीति - २९३
 संवरतोति - ६८
 संवेगन्ति - २१
 संसीदित्वाति - ३८०
 संहतोति - १५०

ह

हज्जिस्सतीति - ६
 हड्डतुड्ढोति - ५२
 हतत्ताति - १८
 हतभावदीपनतो - २११
 हत्थकुक्कुच्चं - २३
 हत्थमुद्दा - ३०
 हत्थसद्दो - ३०
 हत्थाचरिया - २९
 हत्थारोहा - २८
 हत्थिकायोति - ४५
 हत्थिगणतो - १०१
 हत्थिघटाति - २०
 हत्थिनागं - १२८
 हत्थिनिकासतानीति - १९
 हत्थिमेण्डा - २९
 हत्थिवेज्जा - २९

हत्थिसारी - ३४३
 हृदयङ्गमतो - १४५
 हृदयमंसं - २४०
 हृदयं - २९९
 हम्मियं - १०४
 हितानुकम्पी - ३११
 हिरिकरणं - २३९
 हिरी - २३९
 हिरोत्तप्पदीपनत्थं - ३५२
 हिंसतीति - ५, १५१, १५२
 हिंसादिपापधम्मं - २८४
 हीनधातुको - ३८
 हीनवाचको - ३१३
 हील्लेन्तोति - २१७
 हेतुकिरिया - ११८
 हेतुदस्सनं - १३०
 होमकरणतो - २५६
 होमकरणवसेनाति - २३३

गाथानुक्कमणिका

अ

अकणं अथुसं सुद्धं-१११
 अज्जम्पि तेन पुज्जेन-३८६
 अट्ठक्खरा एकपदं-१९३
 अत्यन्तरदस्सनम्हि-१२७
 अनावरणदस्सावी-२७
 अनिच्चा सब्बे सङ्गारा-१५९, ३५०
 अनेकसेतिभिन्दो यो-३८४
 अन्नं पानं खादनीयं-९१
 अम्बो च सित्तो समणो च न्हापितो-१६३
 असङ्ख्येय्यानि नामानि-३७८
 असमाने सद्दे तिधा-१३१
 असोकारामआरामे-३८५

आ

आगुं न करोति किञ्चि लोके-३६४
 आदिच्चकुलसम्भूतो-२२०
 आदिच्चा नाम गोत्तेन-१८६, २१७
 आरभित्वान अमतं-२८२

इ

इति सोण्णविहारेसु-३८५
 इमे च पाणिनो सब्बे-३८६

उ

उत्तरस्मिं पदे व्यग्घ-पुङ्गवोसभकुञ्जर-३१०
 उद्धम्मं उब्बिनयञ्च-३८४

ए

एकधम्मं अतीतस्स-३३
 एकायनं जातिखयन्तदस्सी-३११
 एते च सङ्गहा नास्सु-१९८
 एते संवरविनया-२३२

क

कप्पो ब्याकरणं जोति-सत्थं सिक्खा निरुत्ति च-१९१
 कालं दीपञ्च देसञ्च-२०४

ख

खणवत्थुपरितत्ता-२५४

ग

गमिस्स एककम्मत्ता-१४७
 गुणो पटलरासानिसंसे कोट्टासबन्धने-३७८
 गो गोणे चेन्द्रिये भुम्यं-१८६

च

चितीकतं महग्घञ्च - २०३
चुल्लासीति सहस्सानि - ३७

ज

जम्बुदीपतले रम्मे - ३८४

झ

जाणाभिवंसधम्मसेनापतीति सुविख्यातो - ३८५

ट

ठपिता येन मरियादा - २२०

त

ततो वातातपो घोरो - २७७
तत्राभिसेकपत्तो सो - ३८४
तथा च उपराजेन - ३८५
तथा दक्खिणदेविया - ३८५
तथेवुत्तरदेविया - ३८५
तस्मा गमनीयत्थस्स - १४७
तस्मा वोहरकुसलस्स - ३५२
तस्स पुत्तो मघदेवो - २२१
तस्स पुत्तो महातेजो - २२१
तस्स पुत्तो महावीरो - २२१
तस्स पुत्तो रोजो नाम - २२१
तस्स सूनु महातेजो - २२१
तस्सासि कल्याणगुणो - २२१
तेनेव कारिते रम्मे - ३८४
तेसं पच्छिमको राजा - २२१

द

ददेय्य उजुभूतेसु - २७८
दानञ्च पेय्यवज्जञ्च - १९८
दीपप्पसादको थेरो - ८४
दुन्नामकञ्च अरिसं - १०३

न

नक्खत्तेन सहोदय-मत्थं याति सूरमन्ति - ११
नवकोटिसहस्सानि - २३२
न पच्छतो न पुरतो - २३
निच्चपवत्ति समीपो - ५५

प

पठमाभिसित्तो राजा - २२१
पठमं सद्दं सोत्तेन - ३५०
पतिरूपे वसे देसे - १९९
पभावुस्साहमन्तानं - २०५
पमाणं एकमतस्स - ६२
पेटकालङ्कारव्हयं - ३८५

ब

व्यञ्जनञ्चेव अत्थो च - ३८३

म

मग्गं फलञ्च निब्बानं - ३३९
मण्डलाचलसामन्तं - ३८४
मनुजस्स सदा सतीमतो - १८४
मनोपुब्बङ्गमा धम्मा - ८
मन्धाता सत्तमो तेसं - २२१

महापुञ्जो महाशूषं - ८४
 महाभुनिसमञ्जा या - ३८४
 महासम्मतराजस्स - १८७, २२२
 मिद्धी यदा होति महग्घसो च - १८३

य

यतो यतो सम्मसति - १२८, २८६
 यसस्सिनं तेजस्सिनं - २२०
 यस्मा च सङ्गहा एते - १९८
 यावता चन्दिमसूरिया - २०२
 यो चक्खुभूतो लोकस्स - २२०
 यो च बुद्धञ्च धम्मञ्च - १५८
 यं निस्साय विसोधेसि - ३८५

र

रथङ्गे लक्खणे धम्मो-रचक्केस्वरियापथे - २००
 रथो सेतपरिक्खारो - २६८
 रोजो च वररोजो च - २२२

ल

लङ्कादीपागतानम्पि - ३८५

व

वण्णागमो वण्णविपरियायो - १९१
 वत्तब्बस्सावसिद्धस्स - १३१
 वरो नाम महातेजो - २२१
 विहारदानं सङ्गस्स - २७७
 विहारे कारये रम्मे - २७७

स

सट्ठिवस्ससहस्सानि - १६९

सदा रक्खन्तु राजानो - ३८६
 सद्धम्मे पाटवत्थाय - ३८४
 सन्ति पुत्ता विदेहानं - १७३
 सबलादीसु भिन्नेसु - १९७
 सब्बपापस्स अकरणं - ६०
 सम्पस्सतं सुधीमतं - ३८३
 सम्बुद्धपरिनिब्बाना - ३८५
 साकरुक्खपटिच्छन्नं - २२४
 साधु धम्मरुचि राजा - १८८
 साधुविलासिनी नाम - ३८४
 सीतं उण्हं पटिहन्ति - २७७
 सुवण्णं रजतं मुत्ता - २६४

*May the merits and virtues
earned by the donors and selfless workers of
Vipassana Research Institute, Igatpuri
be shared by all beings.*



*May all those
who come in contact with
the Buddha Dhamma through
this meritorious deed put the Dhamma
into practice and attain the best
fruits of the Dhamma.*

DEDICATION OF MERIT



May the merit and virtue
accrued from this work
adorn the Buddha's Pure Land,
repay the four great kindnesses above,
and relieve the suffering of
those on the three paths below.

May those who see or hear of these efforts
generate Bodhi-mind,
spend their lives devoted to the Buddha Dharma,
and finally be reborn together in
the Land of Ultimate Bliss.
Homage to Amita Buddha!

NAMO AMITABHA

Printed and Donated for free distribution by
The Corporate Body of the Buddha Educational Foundation
11th Floor, 55 Hang Chow South Road Sec 1, Taipei, Taiwan R.O.C.

Tel: 886-2-23951198 , Fax: 886-2-23913415

Email: overseas@budaedu.org.tw

Printed in Taiwan

1998 , 1200 copies

IN046-2011



Printed by

The Corporate Body of the Buddha Educational Foundation
11th Floor, 55 Hang Chow South Road Sec 3, Taipei, Taiwan, R.O.C.

This book is for free distribution, it is not to be sold.

1998, 1200 copies

IN046-2011

ISBN 81-7414-060-3